

四庫未收書輯刊編纂委員會編

四庫未收書輯刊


北京出版社

柒輯·貳拾捌冊

四庫未收書輯刊

四庫未收書輯刊編纂委員會編

北京出版社



柴輯・貳拾捌冊目錄

樂志堂詩集四卷〔清〕李明整撰

一

思居堂集十三卷首一卷〔清〕喬于洞撰

八七

徵緯堂詩二卷〔清〕顧貞觀撰

一七五

窺園稿六卷〔清〕賀振能撰

二二三

海陽紀略二卷〔清〕廖騰燧撰

三六七

似齋詩存六卷〔清〕王廷燦撰

四七五

杞田集十四卷〔清〕張貞撰

五三三

〔清〕李明整撰

樂志堂詩集四卷

清康熙李宗渭刻本

樂志堂詩集舊序

北遊草序

天下魁奇才智文章之士無不畢集京師故或
裹糧藹足獻書闕下次則作為詩賦文辭要
眇鬼神鏗鏘金石游大人以成名所謂爭名者
於朝也客有哂之者曰皆非也士之有言者將
以言志而明道也非謂其媒交游弋聲利也當
其被褐巷處胸中廓如天地萬物不足以撓之
故含風咀雅嘲豪傑而昵公卿今使之攘攘於

樂志堂詩集

舊序

車塵馬足之間逐逐於王公貴人之側其所為
者又不過贈頌祝餞之章嘒嘒則狂悖詹詹則
囁嚅其稍愛文字者又喜後進為夸詞譽已士
不得不以是應之志不得宣而道不得直以我
一人性情之所寄藉為交游聲利之雉羔一人
譽則色喜一人毀則氣喪其與古詩人之義何
如也施子聞之瞿然曰有是哉子之言近道也
余將焚筆硯矣禾中李子山顏魁奇才智文章
之士也閩粵吳楚燕齊無所不遊遊必有紀其

來燕也負天下之望而篤好者副都御史曹公

秋嶽曹公去則端坐僧廬間出而與施子輩遊

又有楚人王山長失志公車放浪不羈余蓋收

為忘形交而山顏又相得甚歡年相伯仲余嘗

呼為大小山嗟乎以山顏之才傾動名公卿間

而其朝夕游者乃淹蹇齟齬之人宜其鬱鬱不

得志也而其詩益富倘所謂言志而明道者耶

客以余言為然遂書之為李子詩序愚山施聞

章

樂志堂詩集

舊序

旅吟序

山顏之以詩文名世十五年於茲矣其卷帙幾
與身等藉令早懸國門必有浦長源走千里而
頰首者乃渡江以來殘芬餘馥大半冷於秦烟
矣當年蓮社鞠為茂草千里攜家入灞陵而作
五噫山顏與余朝夕共之既而賦北風之章攜
手至閩馬首間關古之伯桃角哀雪中生死者
惟我與爾差不寂寞然山顏甫卸擔簦所至引
重蒲繡且屢下焉余以驥塵從事泡影李約之

與韋三同官主客矣一日山顏謂余曰紳紱夢
耳豈以今日瘞筆焚硯邪登樓八咏曾幾許共
索筍中山顏得三首半余亦僅多四首半因拍
掌作五十步之笑嗟乎一行作吏投刺傳呼能
盜我兩人鉞砭鼓吹之精神以去安用此累若
為哉回憶清嗜堂酣花酌月日拈無題詩從我
所好愉快何等方期金石好友共掩雲關乃余
復入樊籠三年簿書如坐春冰其於嘯咏一事

譬彼鍾儀在晉不知鼓琴為何物山顏曰何自

樂志堂詩集

舊序

三

詒伊戚也處則為遠志出則為小草我其梅福
曼倩手遨遊三山從事於郊寒島瘦詩篇遂多
余僅從郵筒中得誦澄江佳句耳今夏山顏芒
屨筇杖跚跚至止聯牀夜話猶是越聲也出其
旅吟兩卷示余其悽惋則老婦琵琶聞者為之
掩涕也其激楚則儋耳夔州市簫燕筑見者為
之裂眦迴腸也其膾炙人口則康樂詩成都門
競寫也嗚呼以山顏之才之識含毫作高文典
冊磨墨作草檄飛書且出相如枚臯上乃匏落

不偶徒流連於淒風冷月間將莫邪用補履明
鏡用蒸食山顏其窮矣然而良玉之色炊三日
而不變三秀之芝非腐壤所能埋山顏亦何恨
乎異時山顏曰五畝暫成終老計一枝新掃舊
巢痕招隱成矣余亦曰故園叢桂依然在今日
河花此地香唾壺缺矣願把臂而入林傷有志
而未逮惟有坐卧旅吟慨當以慷而已柯山同
學弟徐國章

南遊草序

樂志堂詩集

舊序

四

歲丁亥閩方用兵余檄諸郡縣司鐸其勤課士
益絃誦聲亦銷氛助也一日玉禾先生執所課
業進望其丰采心異焉訊之乃余流離三吳時
聞諸名士所嘖嘖李子山顏也余顧謂學使閔
公曰枳棘豈鸞鳳所棲耶閔曰山顏為家白于
典閩試時所得士天下才也遂進而語詩為文
字交山顏于余詩多怪少可而山顏有所作輒
示余獨許為知己蓋意氣相得也方閩初平趨
功名者如鷺山顏已授粵李力請改教高致已

不可及而城守最久禦寇活人多異績廣文先生顧能若此余以是益奇山顏也山顏不樂仕嘗示余詩有歸去還嫌彭澤遲之句時以病肺乞歸余未之許而余今先行矣嗚呼人之相知貴相知心余之知山顏固不獨以詩也而結契始於詩殆不能忘焉且即以詩論山顏豈猶夫人之為詩乎哉因書數言於南遊草以為別遼東佟國鼎

閩中草序

樂志堂詩集 舊序

五

禾興李山顏先生者白雪為姿嵇叔夜風塵之外青山有主謝幼輿丘壑之中縹緲高天爰下山陰之櫂飄蕭玄度來為海嶠之遊惟此名邦于焉嘉客訪少和於玉甌留海外日月之觀弔子晉於簫泉壯筆底烟霞之氣扶筇顧盼晉家城闕依然握管縱橫帝子河山可託登樓作賦千秋烈士之心去郡題詩一日幽人之跡雜花競發總是芝蘭好鳥羣飛何慙鸚鵡僕枯骨未埋愁腸屢斷偶然躡屩欲問耕雲何意間闕乃

悲失路桃花流水相逢命渡之人叢桂小山竟是同車之侶大雅未散古處相期此日東海之東幸以林泉供我他年北山之北母令後鶴笑人戊戌九日白門社弟張遷書於千樹芙蓉之下

渡江草焚餘序

嘉興有李子石友山顏者奇士也余總角時耳其名丙戌歲乃幸與山顏同門於仲朗王夫子余方事制舉業初不曉詩也則從山顏論文蓋

樂志堂詩集 舊序

六

歡甚既而山顏冒干戈歸故里歸不十日六尺難容復挾長鋏走榕城坐余西窗下余時方孤憤牢愁日綴楚騷數種剪燭吟哦得山顏至益歡甚則從山顏論詩山顏曰惜哉微子言詩言詩乃使我心痛余弱冠從事聲律初學為李長吉盧玉川之詩鏤心劇目佶屈聲牙絕不道人間一字者五六年已而棄去悉取向所為者焚之去為孟襄陽王輞川之詩幽折自喜又好為杜少陵之悲壯淋漓以感發時事羈跡三衢久

而成帙自經兵燹玉石俱焚矣嗚呼余之詩始
而自焚之繼而兵火之所餘有幾持此將安歸
乎今當為子朗吟一過盡付之丙丁已耳即出
破橐中數紙行間朱墨與蠹篆蟲涎之跡相雜
瑩然余得受而讀之曰噫嘻子誤矣夫人窮年
著書即當時知之道之猶莫必後之傳如韓昌
黎之銘樊紹述言其詩文不下千首皇甫湜之
悲周子桑謂其具書在側今乃無一歌一咏傳
者後之傳不可必獨不宜留之自今乎兵戈翳

地此身亦偶然不可留之身此詩乃不可不留
也即異日著書等身然欲為酉戌時一字一句
終不可得菊籬三徑嘯傲南窗可使榕城以前
無詩乎山頽曰諾微子言詩百年之後幾灰我
心此真爨桐之餘矣然而余甚愧中郎也三山
年門弟曾燦垣

山頽與余定交江上歷茲數年蓋風雨不離晦
明無間矣今夏會驥武歸自漳渠三人時得倡
和竊喜吾道之不孤而逆旅中每酒酣耳熱一

讀山頽之詩則不知涕泣哀怨之何從也余因
叩其疇昔所作山頽曰余取而焚之殆什之九
矣余曰片鱗足以嘗鼎一斑可以窺豹子即錄
其未焚者以志少壯時胸次激昂之槩山川跋
涉之勞友朋遇合之樂使傳之於後不亦可乎
夫士不得志不得致高文典冊聲在廟堂而生
平所寄之歌咏者或伸紙疾書或苦吟至嘔心
絡血諒皆非無為而作而一旦蹤視之宜有所
弗忍也山頽以余言為然於是簡其零落都為

一編頽曰然餘而刻之西陵同學弟趙明鑣
司馬長卿以文章橫行一世而歸臥茂陵僅著
封禪一書足千古矣左太冲構三都賦垂十年
而後成極歎陳之麗詞家能事於此焉畢信乎
才之難也海內聞山頽姓氏有年余嘗讀其選
書及所著詩古文集擅雕龍繡虎之長流連風
雅高岑以上王孟以下殆超乘而逸矣方其擗
管經思應有五丁巨靈為之闢山通道深崖篠
峭不能喻其奇滄溟滄泓不能喻其遠而又擬

堅於金比潤於玉渡江數卷其亦富於長卿封
禪乎左氏且讓能矣山顏何忍焚乎哉吾儕隱
顯一轍出處有時山顏行以和始之音賡颺懋
隆燮諧元氣余且拭目覲猷為矣社弟劉禴程
手題

廣陵襟咏題詞

吾友山顏禾中耆宿久擅詩名比客維揚寓居
北郭其地為士女冶游所必經籬外簫鼓畫船
往來如沸而山顏日負手哦詩其中若在深山

樂志堂詩集

舊序

九

遂谷凡遇良友之過從佳辰之談讌事有足存
輒依韻次第以七絕紀之踰月而三十韻已畢
取而讀之已往之景物情事歷歷目前後之視
之固當不殊少陵之同谷秦州青蓮之敬亭秋
浦也夫負腹兒賈人子享王侯之奉而十指如
椎不解抒寫十年以還踪跡不能自憶無論他
人吾曹雖復困頓乃得藉三寸不律俾雪泥鴻
爪留髣髴於千載豐此嗇彼理有固然明於斯
義亦可無致嘆於文章九命矣濟南同學弟王

士祿拜題

萬里詩序

論者謂太史公南游江淮上會稽探禹穴歷九
疑沅湘北涉汶泗而文益曠李太白馳齊魯燕
趙西踰郿岐久於梁入吳上秋浦臥廬山迨流
夜即而洞庭巫峽足跡徧焉而詩益豪然則天
下佳山水果為詩文助哉余謂昌黎未嘗無文
登華嶽則輒慟桑苧翁闔門著書而行吟中野
不越茗溪是在人宜丘壑非丘壑宜人也如必

樂志堂詩集

舊序

十

游焉有得久游焉久有得恐年不給足足不給
目雖懷五嶽之興終負八川之愧安能息沉默
貫鴻濛與若士共此樂乎顧余間事行役遇勝
地即無勝具有勝情往往吮毫抹楮積句囊中
時出以示山顏山顏曰我知子游於游亦游於
無游子非不好游者余今三入閩矣老於閩閩
猶我土也惟是西江南粵楚徧洛中屨筮所及
記諸篇章以名萬里游可乎余讀之悲涼峭拔
真為巨觀如匡廬瀑如洞庭波如登庾嶺如入

梁園良嶽壯哉斯游山水何幸遇有此人或以
萬里少之是猶織者引經緯而侈尋丈耕者伸
阡陌而誇頃畝也亦何知山顏包舉六合囊括
九垓壤蟲而笑黃鵠深目玄準之士所不取也
同里姻盟弟蔣薰題於南邨之申庵
題南北游草

詩卷非無託茫茫看陸沉大江南北路五畝歲
時心諫艸還山秘芒屨憶荔深子刪將半篋遺
事不堪吟族孫良季

樂志堂詩集

舊序

十一

歸邨草序

吾讀山顏歸邨草而知山顏知易之道者也易
之有旅也人所不能無也然旅不可極極則變
旅之象為火山火變而水則旅之蹇矣山變而
澤則旅之睽矣故夫人終其身役役於旅而忘
其歸者未聞道者也山顏老於旅矣旅於遊旅
於宦而皆以詩寫其旅之情紀其旅之事而旅
中所遇景物所與友朋所歷歲月一一於詩述
之蓋旅吟之集一而再再而三矣雖然山顏老

於旅非欲以旅老者也旅而歸歸而復旅誠有
甚不得已焉者逮幡然決計歸臥花邨將以終
其身焉而後桑田十畝老屋數間始為山顏行
吟坐嘯地矣十年以來所作詩所由以歸邨名
也嗟乎人生鹿鹿輪鞅間其於家鄉之情事景
物邈不相涉友朋不復同游歲月亦非我有撫
心自問能不慨然若山顏可謂知道者矣予又
思旅之義外卦為離離麗也麗於外者旅之象
也內卦為艮艮止也止於內者歸之象也山顏

樂志堂詩集

舊序

十二

老於旅而不欲以旅老得所止也歸邨之樂與
予同之流連是集山顏謂予可言詩予則與
山顏言易矣同里盟弟王庭

長水之南梅會里李氏聚族居焉嘉靖以後登甲榜者二人名位未顯而國子博士伯遠兩淮都轉運使元白以鄉科負詩名元白交尤廣早見知于王尚書元美元美有詩贈之及宰如臯多惠政士民爭為立碑頌德其書縣志既而遊葉進卿郭美命之門東林諸公比之顏及迨崇禎初海內文學之士舉復社以應東林于時李君山顏年尚少與兄石友青來兄子曉令均入于社李氏之門才盛矣梅會多詩人即闈閩間案必有吟稿作者既衆

樂志堂詩集

序

一

每一篇出四方輒相傳誦時則山陰梅市祁氏昆友舅甥亦交相酬和捺奇舛者目曰浙東西二梅山顏壯歲館三衢流轉閩嶠以鄉貢署古田儒學教諭比還里葺故宅曰蓼園教其諸子其詩歌取自娛恒與舊雨往還不隨同里諸子講風格故詩名或隱或顯特為曹侍郎潔躬所賞激余既避地長水偕山顏比隣而居嘗以中秋曹侍郎招飲湖上分韻賦詩山顏詩成有幾人能及故園秋之句四坐咸歎其工蓋山顏于詩不費矜鍊而豐華安

雅身雖不遇初無怨誹之言斯名在鉤黨終克遠徇非明哲之士與詩凡四卷子琇葳奔孫宗渭開雕同里金子晉民選擇而存之者也南書房舊史朱彝尊序

樂志堂詩集

序

二

蓼園李先生所為詩舊刻于閩中者為渡江草蔗
餘為旅吟初編二編其未刻者為南游草為閩中
草官玉田時所作又有廣陵雜咏有勞勞亭畔草
有北游草有萬里詩皆解組後游歷所作也既而
倦游杜門則有歸邨草合計可得數千首晚年益
刻意精進手定諸編都為一集曰樂志堂詩集其
間去取殆相半焉蓋一生精力所萃在是矣而是
集以先生捐館時雜選中不戒眩篋竟失去長君
蕭山學博琇恨藏棄之弗謹痛先業之就湮摻錄

樂志堂詩集

序

遺亡積累已成帙或得之敝篋或得之四方所
鈔寄或得之僧寮驛舍間嗚呼失之之易求之之
難也刻而傳之維亟矣而琇方有事楚中謬以校
訂之任再拜而屬之介復次君我郊官涼州家書
至每以是諄命其子宗渭成之於是相與校訂去
其重複其有改本互異者決擇於竹垞朱先生朱
先生固風雅之宗又曩與先生詩文投契能識先
生意指之所歸也朱先生嘗言往者倡訓先生有
幾人能及故園秋之句合坐咨嗟今此詩已不存

則知殘篇斷簡流落人間者正多也茲集編次已
不能考其歲月維是古體今體以類相從分為四
卷計五百六十有七首授之梓人嗚呼先生一生
精力所萃庶幾不盡泯滅而得以少見於世以傳
於後也已先生同懷尼石友先生有歎歌集諸稿
燬於火嘗聞前輩稱其負幹畧尚氣節詩亦如其
人乃求其片言不可得同祖兄青來先生以宦遊
死於粵遺集無一存者惟卓珂月古今詞統中刻
阿那曲一闕每誦吹盡蘋香不見人繞塘寒月鵲

樂志堂詩集

序

鵲語之句輒想見其風涼而已嗚呼兩先生之集
之不得什一存也今者先生之集之刻雖未為完
書以視兩先生其為幸不幸何如也先生諱明齋
字山顏蓼園其號也浙之嘉興人康熙歲在著雍
攝提格橘如之月既望通家子金介復拜書

樂志堂詩集目錄

卷一 古體詩

黃鵠吟

南歸喜韋六象見過別後卻寄

登鹿鳴山有懷家青來霖叔東宣

紀夢

上佟大中丞

榕旅嘆

江上吟

樂志堂詩集 目錄

悲黃鳥

哀青艸

卷二 今體詩

出門

繇前溪步入天池訪韋劍威六象

七里灘用錢柏園舊韻

小竿曉發

南浦同徐文匠

建州送家維昭還栝蒼

軍中夜歎

錢江

初入玉禾

飲徐鳴玉寄園同修眉校書看荷

自建州歸途中作二首

亭步驛夜雨

繇巖上至困關

送鄭詩言同年歸江都

湖市晚眺次徐文匠韻

樂志堂詩集 目錄

元夕飲曾惟閣同年枕清閣

登北高峯

酬徐青巖天馭顧伊藩見懷

問柳堂借趙珍笛夜話達曙得潘唯之見貽

和韻作

聞牧雲和尚歸古南喜而有寄

自仙陽至石門

家青來霖叔送別江干

蘭江

雨中葉柯玉攜酌徐文匠清嗜堂并送柯玉

之荆溪

風阻

夕陽

江行同祝茹穹

胡豹生孫若虞建州祖別

潑江歸權

客舍夢借徐文匠胡則先清嗜堂話舊

小閣

樂志堂詩集

目錄

三

西禪寺訪宗寶和尚

過困溪得門人丁元闢書

陸驥武見貽市簫錄答之

玉禾病中

夏日喜錢柏園入閩見訪

莆陽曉發

楓亭驛用王非涔原韻卻寄

同安病中得標園先生書用朱晦翁韻

芋江聽雨

白沙雨泊

乞歸

清明曉發

虛舟

嚴陵道中

富春

吳門道中

上海同張悅九訪鐸菴上人

臘月毘陵道中立春

樂志堂詩集

目錄

四

懷遠留贈汪丈

端午後一日阻正陽關

潁川道中避暑艸菴

陳州雨次

黃河舟次遇同年鄭詩言

南陽有感

濟寧夜泊同嚴覽民飲計甫草舟中即事

端午日曹秋嶽先生以寄俞右吉詩屬和

九日飲王山長齋同朱天慶程于周用高字

送秋嶽先生之東粵

得蔣丹崖書卻寄

風阻峽江

苦雨

憶巢松園寄黃浮

臨清舟中見白髮而作

秦淮湖憶明遠姪

風阻燕子磯遇蒲菴和尚

吳城阻雪

樂志堂詩集 目錄

彭澤縣

南昌舟中臥疾作

吉安舟次

次新淦縣

上灘

過習靜菴

燭山

觀音巖

保昌即事

五

南安值沈贊之同歸次韻二首

玉山道中

過三衢喜遇彭于民

東甌秋仲慰張瑤星病起和萬開來觀察韻

懷蔣丹崖令伏羌用留別原韻

松陵雪

宿北關得徐文匠書

登天池山絕頂二首

洛中初度

樂志堂詩集 目錄

三衢喜晤彭于民

長安月夜

新霽山行

烏龍潭

徐文匠署中話舊

婺州

湯陰留別韓壽山

河北除夕飲家素園署中

秋日有中州之役適秋嶽先生歸自揚州話

六

別

渡江至烏衣舖宿

清流關

雨中臨淮縣渡河

滎陽道中

虎牢關

汜水道中

龍門

自安陽至湯陰

樂志堂詩集

目錄

七

謁比干墓偕許不棄作

松陵道中

鶯脰湖市樓晚望有以蔬果見餉者賦此

花朝雨

曉發太湖

古城

耳聾次杜韻

復入仙霞關

軍中喜龔在田仲震首驤至自吳

山中奉寄王仲朗座師

蔣孟詵送別江上

建延道中

贈張將軍

錢柏園入閩話舊

雨飲

送家匡侯同年北歸

憶夢

酬屠闇伯見懷

樂志堂詩集

目錄

八

送同年童木有歸甬東

病夜

嚴陵道中

采石道中

中秋夜鄆城舟中

過武城

燕市夜歎

將至德州

廣陵送家素園同年北上

湖上重晤周櫟園先生和龔芝麓先生蚤春

送歸白下韻四首

英德見紅葉

羊城逢故人胡豹生

南安夢亡姪曉令

送禪侶歸雙峯同釋照如林文戾作

懷丹崖久留伏羌仍用留別原韻

越中寄祝牧雲和尚七十

客湯陰飲韓壽山署中

樂志堂詩集

目錄

九

懷州病中吳準菴明府書三至自洛陽兼貽

獲藥而作

鄰竹

久雨

老去

可惜二首

獨坐

南州小飲和曹秋嶽先生韻同余澹心俞右

吉

雨中送蔣丹崖之仙都

雨後同周青士訪繆天自邨居

賦得王摩詰句

虞生見訪感馨

坐談黃浮巢松園留詩

閩中許有介自燕過訪

種菊

南昌午日和楊心易

哭同社王雲淙

樂志堂詩集

目錄

十

觀瀾菴訪懸崖和上同徐皆山

喜俞右吉過

明遠姪病中見投以詩次韻答之

依錢仍始韻咏玉扶桑

哭朱方菴司理二首

剖雪和尚攜詩見訪

竹下

和王言遠秋夕韻

閱武魯黔游草

送分虎之皖

同年吳伯闇見過兼得曾惟久消息

病中不寐而作二首

徐皆山周林於家季奕斯年武曾分虎過集

竹下限韻

坐鐵峯上人掌園和青士韻

周華字九十

喜故人至即送北歸

病中書懷

樂志堂詩集 目錄

十一

霖叔兄書至自黃巖

過湧蓮菴

歲除懷秋嶽先生在福州

江邨

爛溪雜興二首

病中寄剖雪和尚二首

病起過別溪和剖雪韻

不寐

坐雨

訪鐵峯上人

不堪

南邨

飲酒作

新菴訪菊

王文在夜過

病中王言遠屢過謝之

卷三 今體詩

新都道中

樂志堂詩集 目錄

十二

送家二則還廬州

蕉陽得龔仲震陸麗京驥武信卻寄

弔古

避地偕楊天社作

南浦懷里社諸子

秋夕懷沈定山曹耘蓮同居山中

中秋偕曾惟闇惟久兩同年分韻

軍中書感寄錢柏園

蔣丹崖寄懷有亂離今日正宜貧之句遂用

貧字賦謝

飲林孔碩一室偕湯芳侯黃子容分得舟字
過三衢笛別蔣孟胡徐介士鳴玉余式如葉
柯玉鼉采諸同人

夢歸

讀書問柳堂次王子英韻

一路看山到武夸為周元亮師賦二首

二月十三日作

水亭獨坐

樂志堂詩集

目錄

十三

養病梅菴

三十初度自壽 并序

立春日示丁元闢高卿雲諸生

和周櫟園先生寒食登詩話樓感懷四首

社集枕清堂同祝茹穹羅雲漢曾惟閻惟久

分韻

送蒲中林繼袞北上

江上

喜徐道力過衢見訪并送之浦城

山中奉寄曹能始孫鶴林錢開少孚于史推

明諸公

漳州笛別楊玉宸魏元方林幼圭施非吳周

隣章家匡侯用鄭十思贈行原韻

野步同王子英宋士衡

徐雲林過訪夜談撫今追昔悵然有作兼寄

文匠

同年林原博叔硯招飲荔園

訪曾惟良惟輔惟直留飲

樂志堂詩集

目錄

十四

贈門人林子儀郭御六

溫陵同年黃敦菴林禹卿郭石公林那侯錢

別即席次敦菴韻

奉贈萬開來副使

宋寥思見招和方坦菴先生韻

懷俞右吉繆天自周青士錢爾載朱錫魯家

茂斯姪

奉寄錢牧齋先生二首

積翠山寺和韻

長安秋夜

延津夜歎

次黃敦菴見贈原韻

夢家二則

訪葉仙臞先生

贈別陳寶虞

酬趙珍留送別原韻

留別惟闇

南岸

樂志堂詩集 目錄

十五

重訪惟闇

送魯惟直惟佐北上

魯惟良惟闇惟久惟輔餞別洪塘即席次惟

良韻

元日喜家二則傳叔同至自山中

秋日喜羅雲漢使君自燕過訪兼貽鏡菴新

草

漫興

清明

偶成

春日懷俞右吉

寄斯年兼懷明遠

舟次口號

宛陵胡則先見過殊亭兼示雪淡集于其歸

也詩以送之

寄客

途次

醉茗齋雪飲偕徐道力王言遠家青來分韻

樂志堂詩集 目錄

十六

時余有閩南之役

過子陵釣臺

三衢同社余式如徐虞卿鳴玉介士葉柯玉

含美鼉采餞別得徐文匠赴龍溪信

婺州

酬彭于民見懷

贈宋山人祝髮并賦別

憫水次王仲朗先生韻

病中酬陳開仲見贈原韻

九日陪王仲朗座師小集曾園看奕

送秋

送越人從軍之越

同閔中介先生過西禪寺

安海夜歎

和林孔碩先生冬日積翠山中

端午前一日過洛陽橋

清漳道中

飲徐文匠署中同錢柏園話舊

樂志堂詩集 目錄

七

送沈魯餘歸武陵并懷定山

臨池 并序

雨中同徐存永陳涇伯開仲集林孔碩先生

一室

送許天玉北上

水北月下

復過曾惟闇惟久齋中分韻

八月胡南臺舟發曾遠公惟闇惟久李燕仲

送至江上

飲曾遠公問柳堂用贈別舊韻

南平飲吳又延山閣得穀倉赴南陽信

青湖寄沈定山曹耘蓮韋劍威

古意新聲十首 并序

道經仙都訪蔣丹崖

坐滄浪亭有感

京口遠眺

端午前一日偕佟中丞登金山觀競渡

渡彭蠡湖

樂志堂詩集 目錄

八

儲潭廟

過贛州

庾嶺

南韶道中

登飛來寺 并序

宿望夫江

酬胡豹生送別原韻

清遠城外夜眺

凌江書感

出梅嶺

送慈雲和尚歸蜀中

星子望匡廬

夏五寓東嶽贈穆道人

禹州立秋後二日雨

七夕詠織女

詠牽牛

秋懷二首

北行同兄霖叔

樂志堂詩集

目錄

一九

寄吳梅邨先生 并序

河間道中

飲曹秋嶽先生所即席書懷

施愚山貽越遊草賦贈

醉後索愚山粵使稿

愚山招飲兼貽茗墨詩以謝之

仲夏韓聖秋方子貽兩先生招同人集慈仁

寺松下限韻

讀明紀十六首

周櫟園先生席間逢楚中程石門得鄭詩言

年兄消息

范祖生見訪即送之任南康

秋夕思家

夜坐東趙友沂

燕山除夕同蔣孟頴沈子相守歲限韻

送楚中余正公浙游二首

長安春感二首

送王山長浙游二首

樂志堂詩集

目錄

二十

胡仲琛索題絳巖居

題慕明府定情篇并送之任錢塘

清秋

送同社楊自西宰高要

函口舟次

題退谷和張坦公先生

和龔芝麓先生贈別原韻二首

春日旅懷

衛河夜泊二首

送沈繹堂先生之官大梁

聊城道中

送俞右吉之閩

庭梅盛開呼兒曹詠之得勻字

秋日秋嶽先生重過草堂和韻

秋雨病中

春日送錢爾載之南昌

九日吳準菴招同屠昭仲展馭家明遠天穀

飲家園舊亭子時余目疾初廖

樂志堂詩集

目錄

五

秋日送樂天張明府歸任丘

送錢爾載之太原

四十九歲初度

贈胡天岫移居周青士宅

送周青士之太原

中秋後同年吳伯闇見訪草堂小酌用伯闇

原倡韻

伯闇偕皇修自燕歸閩州堂送別

朱近修六十祝之以詩三首

送吳懷遠

送范民章懸壺吳中

邨居雜興二首

林木文移酌州堂同周青士作

送徐皆山之秦省其兄遠章

歲除書懷二首

元旦二首

和皆山春日書懷韻

登北高峯同家二則作

樂志堂詩集

目錄

五

正月十六夜夢曾惟闇至

春州四首

祝同社王方伯言遠七十

八月寄徐皆山家季奕武曾分虎

病後中秋喜徐兼六見訪同范民章林木文

小飲

九月送吳孝章瞻兮至京師兼懷準菴工部

和陳升萬韻

送家分虎北遊

溪上登樓觀穫稻

婁東遊王氏專壑二首

吳門酬趙山子

喜周鶴田見過并送歸皖

夏日酬徐皆山見懷原韻

六十自嘆二首

上巳祝同社蔣丹崖明府七十

同東宣弟自郡城至茗溪途中作

同徐道力太史飲家青來醉茗齋

樂志堂詩集 目錄

圭

上巳寄友

卷四 今體詩

雨夜寄徐文匠

戴花

歸

滁陽曉行

亳州舟發

金陵值家武曾至自燕分虎至自家率爾志

喜

雙峯訪萬因和尚

湖上得兄霖叔黃巖寄書

朱龍橋

蕪門山

津亭

秋夜病中偕曾惟闇惟久待月

送諶實菴

送徐平叔

蓼園雜咏六首

樂志堂詩集 目錄

圭

錢江舟次

秋軒

七夕詞四首

九日登烏石山偕童木有同年作

聞兄石友訃哭賦八首

訪許祈年不值

送家傳叔

得顧劍英吳荆倩徐庾清書

寄彭雪襟

養病脩武酬張繡山明府

偕許天玉余式如家匡侯訪魯惟闇惟久小

飲

題伍石叟花縣圖二首

和韓固菴咏菊四首

曉坐

秋閨思

遣悶十四首

秋日懷錢柏園胡則先

樂志堂詩集

目錄

三五

泊桐廬

送葉柯玉之建州

廣陵作

題歸雁圖

宿釣臺下

漁梁曉行

秋仲復之漳泉途中作

漳州謁文信國祠

贈琵琶妓

臥龍山遠眺

揚州雜咏二首

丹陽道中

雨泊淮上

謁老子廟

謁莊子廟

過韓信壇

過十八灘

過韶州哭姪曉令

樂志堂詩集

目錄

三六

春感二首

庭梅二首

花朝再咏庭梅

遣懷二首

羸得二首

邨居

中秋坐雨

重陽前三日

寄揚州友人

將之廣州寄王言遠

題徐文匠八千里集

春詞

懷兄青來在粵

憶舊

過富春

蘭陵即事

別丁元閣余伯極諸門人

亂石堤

樂志堂詩集

目錄

三七

途中作

趙洞門年伯席上賦

偕同年夏藥園之金陵

席上題

歸舟口號

哭姪龍生

題王介人詩卷

富春江上

江行感懷

江郎山

天涯

柘浦舟中

嶮峽道中

琵琶曲

昭君怨

廣陵寄客

自湖口至東流縣作

南雄舟中對酒

樂志堂詩集

目錄

三八

春感二首

偶題

邨居立春日作

張樂天明府貽書言歸詩以留之

酬樂天贈別原韻

送徐子大公車北上

歲除書感

偶感

題項孔彰孺慕小影

偶題

病中喜楊鄰三至

苦雨

一病不起口占示兒曹用陸放翁韻

樂志堂詩集

目錄

三九

樂志堂詩集卷一

古體詩

黃鵠吟

黃鵠凌碧漢繒繳安所施驚颺阻迅舉下為燕雀
欺達人朗明鑿抗志夙自期棲止在巖谷遠行亦
奚為風霾昏日夕雨雪絲且滋曳裾良足愧相見
拙言辭驅馳徒苦辛中心慘以悲世路固如此最
哉保令姿慷慨賦歸與淵明是我師


南歸喜章六象見過別後卻寄

樂志堂詩集

卷一

北風吹日暮零落在江海不畏江水寒但畏江水
深江寒傷我足江深傷我心世路良崎嶇蕭條返
故林巖城霜露薄古木雲霞侵餘生逢老友歡然
慰盍簪慷慨叙往事意氣空昔今無如貧且窶相
對更沾襟斟酒以自適為君彈素琴邈傳廣陵散
遙賡梁父吟忽忽逝將別動若商與參人生不長
聚慚彼雙鳴禽孤舟馳遠客何絲贈南金思欲乘
驚颺翼薄不能任長歌多慘惻聊託空谷音

登鹿鳴山有懷家青來霖叔東宣



鬱鬱臨岩丘歷歷涉荒路巖岫既參差澗沚亦迴
互樹杪流寒雲層巔昏積霧鶴鳴相叫呼麋鹿驚
且顧感彼尚樂羣嗟人乃自悞勤苦求遊仙長生
奚足慕不如畊復耘優游理農務兄弟各攜倚日
夕安情愔所悲邈一方家鄉難徑度山水澄以清
登高徒作賦長歌向林臯道遠憑誰訴

紀夢

悲聲從北來永夜不能寐屏聽鄰語喧靜數霜鴻
唳悵然紛遠懷沉憂心如瘴中宵月影移夢入瑤

樂志堂詩集

卷一

二

華池忽有一美人冉冉碧玉墀瓔珞為上飾紈縠
為下裳綺繡炫陸離錦綸何輝煌瑩潔有誰比窈
窕世無雙並坐澹容與行行列寶炬瓊臺開華筵
清尊浮淥醕芬苾濯桂蘭珍肴奉魴鱖纏緜若含
羞調笑或前拒長跪通姓氏自名施家女盡醉朱
顏醜攜手教歌舞女樂陳二八芳年盡三五歛袖
拜庭除云是卓氏侶殷勤解明璫倏忽天一方顧
盼何所有皦然明月光湛湛江水隔欲渡河無梁
驚喜解后間長歌發清商形影徒杳渺獨立且徬

猗雞鳴驚殘夜遽然煥曙色餘香尚在衣嚴霜寒
重闌茫茫巫山會盈盈洛水訣擬欲乘風追道遠
不可即閉目存遐思彷彿在我側恐為達者嗤閒
情撫琴瑟

上佟大中丞

九重念民生求賢簡百揆肅肅中丞公特為蒼生
起奉詔入君門遠巡進以禮祖生鞭正先山公事
方啟是時剝當復人情泰傾否七閩越南服遐方
阻光被蓬蠹有遺毒惡氛紛未已大吏驅羣羊小

樂志堂詩集

卷一

三

吏棄敝屣羽書達建章相繼不移晷朝議下臺省
巡方孰可使盈朝豈無人聞命徒唯唯謂此重大
任非賢莫能理展轉難其人允也公可以衆論若
一詞薦牘盈丹甌 帝曰其可哉長城維汝恃公
對揚休命天顏尺有咫君言不宿家驅車涉海涘
國家當隆運善人國之紀自是社稷福豈維東南
喜父老聞公來歡聲動邨市將吏聞公來黽勉執
鞭弭盜賊聞公來屢校滅其趾威名在平日豈伊
下車始談笑揮三軍氣使而頤指軍不費斗糧士

不折一矢外以固疆圉內以安田里晏然八郡中
疇類胥離祉窮荒三十年復見耘與耔吁嗟公之
才知己復知彼吁嗟公之德見遠而發邇如彼泰
華峯高山徒仰止如彼江漢流千尋不見底偉哉
天上人下視皆蟻螳羣情駭聽聞公意殊不爾綸
巾白羽扇逍遙適我旨奕棋謝安石輕裘羊叔子
身在百萬軍手不廢經史有時發長歌烟雲驚滿
紙亦或就短章金玉誇精美出提馬上即入揖幕
中士食客三千人一一躡朱履長鈇豈歌魚芳筵

樂志堂詩集

卷一

四

常設醴伊余首著盤坐對桃溪水閒時謁行臺相
見畧形滓賜識恰如舊一談頗疊疊出我囊中詩
挑鐙共研揣公謂可與言謬膺拭目視顧余落托
人所至遭賤鄙茫茫宇宙間吾徒竟誰是不謂雲
泥殊乃得此知己間嘗從行間歷歷高壘慨慷
談世事與酣掌每抵海上揚風波柙中出虎兇書
生佐軍威母乃失所倚妖人布流言閭左竊奸宄
城南數千人如肉登諸几多公重一言豪民類遷
徙一時反側徒渙然釋疑似余力何有焉公惠可

知矣相知貴知心如公寧有幾乎生一片心士為
知己死長吟以報公詩人歌樂只

榕旅嘆

吁嗟古榕木惹鬱著神州朔風一南吹蕭條落葉
稠海風飄發發波揚越山陬天日慘昏霾戰色蔽
江流青燐照四野白骨成崇丘升粟傲斗珠糠粃
不可求征鴻復何愚稻梁遠為謀飛飛無所之孤
踪此淹留逆旅謬相識意氣非同儔嗟哉蘓季子
上策誰見收金盡顏色枯相見徒慙羞四海亦甚

樂志堂詩集

卷一

五

寬使我窮且愁長歌以當哭傷心天地秋

江上吟

朝垂鬱金堂夜卧白玉牀皓齒明眸奉旨酒清歌
妙舞傳霞觴人生富貴不長在春雨秋霜顏色改
辭家萬里訪蓬瀛洪厓羨門誰相待吁嗟乎秦皇
漢武學神仙驪山茂陵冢顏然湏臾宮殿成灰燼
俄見玉盃出人間我欲招魂恐不知夕陽江上獨
吟詩

悲黃鳥

悲黃鳥悲黃鳥嗟爾來何不早陽春三月風花香
柳絲裊裊踈地長此時爾飛來楚楚金衣裳前無
伐木子後無挾彈郎啾啾鳴旦暮三十六新簧何
為來兮歲遲暮白露零寒風洄颺鳩無聲燕飛去
悲黃鳥安得住

哀青艸

哀青艸哀青艸落日漢宮遲飛霜邊地早縱有桃
源人跡稀風風雨雨何時好

樂志堂詩集

卷一

六

樂志堂詩集卷二

今體詩

出門

已信歸耕好何為復遠遊山驅汎駕海漾失羣
鷗旅夢莊周蝶驚波范蠡舟幾時長水畔小築臥
詩樓

繇前溪步入天池訪韋劍威六象

豈因世路改訪隱亦迷津水盡重開徑山空不礙
人登峯天倒影踏葉地無塵到此同高臥何須復
樂志堂詩集

卷二

一

避秦

七里灘用錢柏園舊韻

釣臺西七里乃有臥龍形山斷雲還續濤奔權不
停崩餘鳥外石清照水中星百丈飛泉落潺潺送
客聽

小竿曉發

旅宿催寒起朝朝送客亭橫戈開野霧策馬動晨
星水落兼山白煙圍失樹青長沙雖有淚何處哭
飄零

南浦同徐文匠

已作無家別誰思我道南涼雲連蔓艸怪石卧寒潭汀白雙飛鷺邨黃一樹柑西山講堂在與子共登探

建州送家維昭還栝蒼

不盡傷心事他鄉別弟兄鳥飛猶戀樹客散已登程路轉溪流惡山連隘口橫歸畊吾未得何處肯銷兵

軍中夜歎

樂志堂詩集

卷二

十一

烽火誰能息籌邊愧此時無親空捧檄有室遠啼飢關笛秋難聽江花老易悲長安疑奕局何處問山資

錢江

路到錢江盡皇華又一程榜歌隨漢月漁火息邊更水闊船成市煙荒野接城鄉愁驚隔岸夜半落潮聲

初入玉禾

欲隱仍無地驚心聽鼓鞞人行丹荔外路指玉禾

西寄恨鴻千里謀生菜一畦鷓鴣雖別樹猶念舊枝棲

飲徐鳴玉寄園同修省校書看荷

盪槩蘭汀外荷風動綠衣結廬三畝樹供客半山薇病鷺依花宿清觴帶雨飛曲終人未醉折柳不須歸

自建州歸途中作二首

南遊忽三載路改一江深倔彊還猶昔飄零直到今寒帆移落日倦鳥宿空林蚤信歸耕好山錢未

樂志堂詩集

卷二

三

肯尋

生還曾不料萬里一孤舟舊岸餘青草疎烟出戍樓官休同失馬客至任呼牛灑盡長沙淚歸今何所求

亭步驛夜雨

漠漠愁雲合春寒不肯晴邨煙低暝色沙柳託浮生去國愁何極懷歸計未成蕭條江上雨猶似故園聲

繇巖上至困關

萬壑留人徑行車出草間未愁泥雨滑但愛薜蘿
閒田父邀新客龕僧識舊顏無家到處隱不用買
深山

送鄭詩言同年歸江都

世事成流涕猶存處士家淮陰刪舊竹江岸鬱新
花短褐經霜澈空囊買隱賒君歸拜白髮我意轉
長嗟

湖市晚眺次徐文匠韻

水勢層層落舟從石上升湖光寒小市增影帶殘
樂志堂詩集卷二

卷二

四

鐙人近魚龍宿山疑虎豹騰窮途羞作賦不為嘆
無朋

元夕飲曾惟闇同年枕清閣

結客滿天下如君復幾人著書三畝竹歌枕一圍
春有酒能銷淚無山亦避塵雨餘虛令節野火照
寒濱

登北高峯

天荒留鳥道雨後一登山樹宿斜陽白江流戰血
殷崎嶇僧指路憔悴佛傷顏北望空揮淚鄉園夢

未還

酬徐青巖天馭顧伊藩見懷

辭家三五載童僕久相親橫笛關山夜孤舟風雨
春燈窺鄉夢短酒入客顏新不盡憑鴻語平安報
故人

問柳堂偕趙珍留夜話達曙得潘唯之見貽

和韻作

啼後失夜永征雁帶霜來往事言猶咽新詩禁復
哀潘江零白露趙癖走黃埃曉起尋初霽無勞午

樂志堂詩集卷二

卷二

五

夢催

聞牧雲和尚歸古南喜而有寄

錫飛寧避地江左亦遲歸白社人猶在青門世已
非一燈新續火百納舊縫衣莫怪瀟湘雁還林共
息機

自仙陽至石門

三百霞關路崎嶇自昔過白雲飛亂嶺青鳥立新
柯日落邨無火晨征草伏戈不堪尋故壘策馬一
長歌

家青來霖叔送別江干

避難從何策相憐賴有兄江風寒落木野火照孤
城作賦悲彈鋏還家笑輟耕眷令情不斷醉別已
三更

蘭江

舟行穿亂石石隙走溪聲四望山連屋三更月近
城軍中空草檄隴上誤歸耕小泊蘭江夜傾樽緩
客情

雨中葉柯玉攜酌徐文匠清嗜堂并送柯玉

樂志堂詩集

卷二

六

之荆溪

山窗風雨寂忽枉故人杯新漲高於岸殘花半是
梅越江留客夢吳地重卿才何處驪歌發相看過
釣臺

風阻

風濤侵暮夜霜雪度流年獨鳥歸何急孤蓬轉可
憐避思秦客地窮問楚人天滿目萋萋艸王孫路
幾干

夕陽

故國音書斷妻孥寄食難
竟棲應不定淚灑自難
乾雲暗江無渡秋深野
更寒戰場何處是一帛
夕陽殘

江行同祝茹穹

野哭聞千里空江共一船
人驚烽火後話喜酒杯
前蒲木商丘子丹砂葛
稚川勞生多疾疾藥錄
仗君傳

胡豹生孫若虞建州祖別

城郭已非故猶存送客亭
山寒無宿鳥水急不留
樂志堂詩集

卷二

七

萍去國歌還泣尋花醉復醒
相逢應有日萬里一
飄零

澱江歸櫂

出門成一夢吳越冷歸舟
客贈馮驢缺身彫季子
裘江風聞戰哭夜角赴
邊愁回首柯亭月山光
負幾秋

客舍夢偕徐文匠胡則先清嗜堂話舊

知已成萍散征竟憶一堂
醉忘身是客夢到水為
鄉黃葉驚秋老離蟲語
夜涼所思嗟室遠森森
隔

錢塘

小閣

小閣環青嶂雙溪列翠屏梅花城外雪漁火水中
星月冷翻書幌風疎響畫檣臨流無一事不用息
心銘

西禪寺訪宗寶和尚

避客尋山寺山僧未厭賓一談原識我萬里不如
人苔覆他年石花開故國春得閒留半日鳥亂夕
陽頻

樂志堂詩集

卷二

八

過困溪得門人丁元闢書

別來剛半月兩見八行書路豈重山隔情緣多病
疎幾時還載酒與爾共叉魚莫使江雲外秋風歎
索居

陸驥武見貽市簫錄答之

豈不知儒賤行吟入海東沙飛昏落日鶴唳滿離
宮妻子三江外乾坤一醉中市簫歸未得何計問
山翁

玉禾病中

一枝寧擇木病到更何依乞米腰空折歌魚缺未
歸銜寒五夜雨涕老十年衣縱有封侯夢蹉跎計
已非

夏日喜錢柏園入閩見訪

紅荔三山下青楓一騎來邨童驚問姓幕府正求
才肯醉黃田酒同登烏石臺莫談年少日回首不
勝哀

莆陽曉發

驛樓悲夜角何事戴星行客老聞雞蚤囊空走馬
樂志堂詩集

卷二

九

輕亂雲山影暗夾岸樹梢晴忍見西州道壺公水
尚清

楓亭驛用王非涪原韻卻寄

離懷臨斷岬不盡一蟬聲楓落青溪亂雲歸列嶂
平酒能消白眼貧敢傲餘生王粲詩猶在登樓北
望情

同安病中得櫟園先生書用朱晦翁韻

銅安空甃石笳咽又秋初高士軒何在微官意自
如江湖戰後血戍火壁中書征雁逢余病交遊書

未疎 晦翁為同安簿署名高士
軒有稟食守微官之句

芋江聽雨

不知漂泊苦長夜更愁霖客裏但雙淚囊中無一
金野春鄰水急鄉夢渡江深幸有登山屐明朝冒
雨尋

白沙雨泊

欲雨山光合雲中問路難自傷遊計拙誰解客心
寬柏葉先霜下砧聲入夜寒何如雙白鷺隨意宿
沙灘

樂志堂詩集

卷二

十

乞歸

小草存吾拙寧忘麋鹿羣自看樂志論不讀送窮
文金盡田家酒煙銷海國氛山公休啓事十畝待
歸耘

清明曉發

旅泊人家少晨興古埃前挂帆猶宿雨敲火已新
烟日吐嵐光淨溪分樹色連沙邊逢野老笑問入
山船

虛舟

虛舟憑逝水幾日過千山飛瀑連灘響崩沙受雨
斑客心芳草換交態白雲閒何處尋漁父蘆花引
釣灣

嚴陵道中

桐水層層下灘迴一徑通雙峯縣落日獨樹立飛
鴻不見披裘客空談學釣翁吾生遊已倦喜入畫
圖中

富春

富春江幾曲過雨一帆輕入瀨重懷古逢山不辨
樂志堂詩集 卷二 十一
名畫蒼飛夾岸烏鬼沒深阮擬著桐君錄誰同采
藥行

吳門道中

吳歌聲是昔客老易成悲酌酒要離墓吹簫伍相
祠江分七堰曲日落一帆遲欲就梅花約故人知
不知 有懷宋旣處
計甫草二子

上海同張悅九訪鐸菴上人

幽寺乘客興步履趁初晴醒酒心逾息入林氣更
清籟穿新菜圃花落舊香城問我何為者蹉跎已

半生

臘月昆陵道中立春

江春生臘日遊子頓忘歸老眼看新曆輕寒減舊
衣洮湖冰欲泮山雪凍猶飛五十今朝是驅馳悟
昨非

懷遠留贈汪丈

塗山空一望縣僻半無城自昔營丘壑於今合釣
畊客來供麥飯鄉遠憶尊羹三宿躊躇別汪倫信
有情

樂志堂詩集 卷二

十三

端午後一日阻正陽關

淮西大估少何事設司關稅比牛毛家人難鷓首
還麥煙邨外直畦水屋旁彎昨日蒲尊在呼童一
解顏

潁川道中避暑州卷

避暑曾無地禪扉且暫閒微涼全倚樹斷壁不遮
山佛已津梁倦人從老大頑縱催鈴馱急懶更度
重關

陳州雨次

潁川新雨潤小艇泊微涼土瘠稀青草沙低擬白
楊游魚齊唼藻坐馬見分秧明日過桑落應無慮

絕糧

桑落即禮
子絕糧處

黃河舟次遇同年鄭詩言

渡河傷此夕不謂故人同乍見驚霜鬢長歌畏朔
風濤聲天外落帆影日邊空莫草長楊賦文章豈
送窮

南陽有感

讀史憂離亂誰知入眼中襄南齊賣犢河北又彎
弓沙濶迷虛白烽傳落小紅須知今夜宿難與昨
宵同

樂志堂詩集 卷二

十三

濟寧夜泊同嚴覽民飲計甫草舟中即事

話舊人千里相憐酒一杯偶同嚴助出且喜計然
來吳語鄰舟詫秦箏隔坐催南池今夜月欲別轉
徘徊

端午日曹秋嶽先生以寄俞右吉詩屬和

漢陽無競渡排悶但清吟忽憶交遊舊相違歲月
深浴蘭仍楚俗對鏡想江心湖上蒲尊好何年醉

故林

兀日飲王山長齋同朱天慶程于周用高字

悲秋人萬里戲馬昔年豪曉日喧新市西風戀敝

袍青山遊屐遠黃菊故園高贏得王弘酒酣歌不

和陶

送秋嶽先生之東粵

嶺外奇山水勞勞亦勝遊片帆彭蠡浪匹馬曲江

秋俗變鮫人語詩傳洞女謳九重相望切莫戀五

層樓

樂志堂詩集 卷二

古

得蔣丹崖書卻寄

鄉夢經春亂書來信故人梅花江上落笳吹月中

新兒女偏多病文章未遂貧憐余為客老空整鹿

皮巾

風阻峽江

峽江離十里浪蹴一帆遲曲斷將軍墓吳周文埋

太子祠梁昭爭飛蘆外雪屢觸岸奇枝玉澗來漁

父衝濤問所之

苦雨

西岑迷爽氣小屋漏中宵煤冷分僧火尊空典客

貂征車兼水閣歸夢渡江遙卻喜來鄉信山田長

麥苗

憶巢松園寄黃浮

渡河花徑少小築憶溪干柳暗鶯啼樹檐低草倚

闌無山成藥圃有竹選漁竿轉惜勞勞者長林鄰

未安

臨清舟中見白髮而作

白髮他鄉見衰年未四旬河山雙涕淚衣食半風

樂志堂詩集 卷二

十五

塵戲水魚驚餌歸林鳥避人老妻休怨別相對更

傷神

秦淮湖憶明遠姪

天闕同遊日阿咸獨妙年江山供綵筆風雨策花

鶻簾映非仙女燈移不夜船廣霞伯父為司馬時

白頭重汎汎空憶竹林賢盛

風阻燕子磯遇蒲菴和尚

白下淹歸櫂江翻夕照中登磯問漁父入寺接支

公江色寒高閣山形抱故宮一談難作別轉喜石

尤風

吳城阻雪

未得分風便飜遭雪作花江昏連斷岸樹凍失棲
鴉茆店寒深閉鄰舟靜不譁今宵憑短夢乘興一

還家

彭澤縣

山腰藏小邑豈足卧陶潛秫稻求猶可鄉園近不

嫌沙崩兩岸仄浪涌一峯尖江中有孤山柳色依然在

官情自昔恬

樂志堂詩集

卷二

末

南昌舟中臥疾作

客心當歲晏伏枕感飄零暮雨滕王閣淒風孺子
亭形骸同土木藥裏少葠苓不及維摩詰經從丈

室聽

吉安舟次

櫂過文山里荒祠試一探煙寒焚後草花落夢中
簪忽吐千巖月遙思十笏菴石陽尋勝跡作賦負

江南

次新淦縣

舟宿成余懶流年老客中曲身綠簟小短夢怯牀

空晚急瑟瑟鼓寒號唧唧蟲巴丘好登眺斜日亂

山東

上灘

舟輕灘得上屈曲似登山行子渡頭語榜人沙際

還瀧平匹練直月吐一弓彎投宿前邨好人家出

樹間

過習靜庵

夕照征帆歇閑尋得小庵潛狙窺鼠穴飢鳥啄魚

樂志堂詩集

卷二

十七

籃亂石僧猶住鄉音客未諳一椽高臥穩翻欲羨

瞿曇

燭山

曲江東百里忽送兩峯尖石蛻燭龍骨林排霜攫

騏觸天冰柱滑過雨玉膏黏近對南華寺高高映

檣檐

觀音巖

怪石英州產茲山更不羣青垂江外樹墨漲洞中

雲鍾乳虛檐滴龕鐙白晝分晚來風漸急彷彿海

潮聞

保昌即事

擊柝聲偏急誰知軍伍虛子城新補石亥市舊成
墟盜得山中窟農荒雨後鉏河陽無一樹莫寄乞
花書

南安值沈贊之同歸次韻二首

寥落同歸路相逢未入林花開嶺上蚤酒對客中
深載石知高士攀弦起壯心憐余金且盡賴此釋
愁吟

樂志堂詩集

卷二

六

此去休彈鋏蕭然返故林鄉情千里合世路一江
深樹老垂霜色灘高險客心還家近除夕莫負頌
椒吟

玉山道中

未出西江路青山帶浙東空城新戰骨遠渚舊漁
翁逐隊憐歸鳥貪晴指斷虹前途何處酒一醉夕
陽中

過三衢喜遇彭于民

柯山同一夢何事復經過知我窮難送憐君病亦

多望碑誰隨淚作賦未銷戈江上垂秋色曾期着

釣蓑

東甌秋仲慰張瑤星病起和萬開來觀察韻
客窗陳七發許我數能來臥病維摩詰游仙單道
開青山無藥圃黃菊佐詩材不用思鄉賦同浮盞
海杯

懷蔣丹崖令伏菟用留別原韻

秋江同鼓枻而我獨迷津日落過京口雞鳴別故
人一杖春寄隴五夜夢遊秦石鼓山鳴否知能淨

樂志堂詩集

卷二

九

塞塵

松陵雪

踪跡天涯徧誰知百里難驛程催去權雨雪暗前
灘橋酒清堪醉鱸魚白可餐猶贏驢背客平野望
漫漫

宿北關得徐文匠書

憐君復吏隱驚見八行書月照南來雁關留北去
車客途仍仗友旅病獨愁
樹色青青岸柯巖只
自如

登天池山絕頂二首

天低孤岫迥岸濶大江迴萬里寒光遠三洲朔氣
開荻花霜後冷木葉雨中摧西望樵溪在清流屈
曲來

眼底天池澗層巖絕頂開一身長作客千里獨登
臺草樹連雲闕星河接地垓凭高徒寄恨倦鳥未
歸來

洛中初度

學易何疑命餘生任馬鞍關河雙鬢改書劍夕陽
樂志堂詩集 卷二 二

寒不信依人老早知行路難故交多吏隱未敢薄
彈冠

三衢喜晤彭于民

一見翻長歎知君念未忘入城談往事得酒醉他
鄉求舊人將少悲秋夜更涼淹留仍此地端不負
滄浪

長安月夜

秋風一片月依舊照長安玉圍穿芳樹金驪解繡
鞍砧聲萬戶動笳吹五更寒可惜飛天鏡人猶近

醉看

新霽山行

雨過山容淨天青一徑開澗流崩石隙樹斷亂雲
隈解渴茶僧在尋花洞女來遙憐負薪者草滿越
王臺

烏龍潭

停鞭來古渡一水接江門潭黑癡龍宿風高健鳥
翻山腰收夕瘴海口出朝暎不用誇天塹中流欲
斷魂

樂志堂詩集

卷二

三

徐文匠署中話舊

小草同吾拙他年悔若何麻屨穿五嶺筇杖歷三
河淚盡楊朱路宵寒越石戈一官聊復爾可許問
漁蓑

婺州

初臨王霸郡不厭李膺舟三洞雲全暗雙溪雨半
收軍廚南嶺味驛樹北山秋歸興憑流水誰登八
詠樓

湯陰留別韓壽山

韓為故人奕
侯侍御令弟

頻下南州榻重傾北海尊已知廉吏苦更憶故人
恩聽雨分今舊盟心有弟昆不須折楊柳馬首盡
花邨

河北除夕飲家素園署中

此地開家宴尊前盡故人霜蔬安歲儉雪酒稱官
貧千里弟兄在十年風雨親上林梅信早河北已
先春

秋日有中州之役適秋嶽先生歸自揚州話
別

樂志堂詩集

卷二

五

儉歲驅高卧衰年復遠行浮家辭北渚問路入東
京風雨懷人夢雲山惜別情江干楓漸落我欲賦
秋聲

渡江至烏衣舖宿

秋色隨人暮勞勞復渡江山城潮接岸茅店月窺
窗曉唱雞先倦霜飛雁幾雙烏衣聞夜柝得寢即
安邦

清流關

暮宿羣峰下明星曉渡關豆糜炊小市楓葉滿空

山十八盤何險一千里未還凭高憐越鳥對客語
喧喧

雨中臨淮縣渡河

兩入濠州北茫茫一望平路岐循馬跡邨遠候雞
聲解渴思尋寺空囊不避兵天憐遊子苦應遣渡
河晴

滎陽道中

鄭州西十里馬首見遙山白草無風響黃泥得路
彎煙低炊麥飯日落敲柴關吏隱人猶在居然訪

樂志堂詩集

卷二

五

戴還時訪章舍
可不值

虎牢關

迢遞成臯路蕭條過客愁一丸泥作隘百尺柳垂
溝窄徑窺天小荒祠近戍留三分懷舊事高義足
千秋關下有三義祠土人建
祀蜀先主及關張也

汜水道中

曉起城西路層層土是山天光懸夾岸雲氣結重
關黃柿霜前溢丹楓雨後斑可憐巖穴叟倚望荷
鉏還

龍門

水自秦關出山連伊闕開一林紅葉落半嶺白雲
來鑿石懸仙草疏泉漱佛苔禹功真不細懷古重
徘徊

自安陽至湯陰

一寒已至此前路更如何酒恨邨帘少風來野岸
多近山須避虎衝雪且騎羸不待青銅照征人鬚
已皤

謁比干墓借許不棄作

樂志堂詩集

卷二

五

三仁同不朽一死更如生地下槃銘出銅槃銘今存廟中

祠前麥秀平春秋仍典祀卒史廢題名賴有維藩

在重丹舊日楹廟為家素園分守河北時重修

松陵道中

但見漁家樂那知田父憂青苗齊沒水赤岸亦移

舟賦稅傳新檄壺觴失舊遊近傳柯給事奏草念

推溝謂岸初聳也

鶯脰湖市樓晚望有以蔬果見餉者賦此

市樓臨笠澤漁火逼珠龕水溜雙橋下帆飛八測

南邨肴分白小山果得黃甘便擬探林屋還愁路
未諳

花朝雨是日甲子

晴宜春甲子况復是花朝一雨妨農務三吳驗土
諺已看停冪索漸見濕蘭苔油壁西陵下香車頓
寂寥

曉發太湖

七十二峯碧一帆渡太湖地迷吳越界身入水雲
區鴻雁知多少蒹葭乍有無何由遇王宰為我寫

樂志堂詩集

卷二

五

新圖

古城

平原將落日立馬問邨夫廢堞隨高下蒼煙間有
無不知誰氏國猶說古人都喬木垂秋色悲號獨
老烏

耳聾次杜韻

餘生何所事采藥問樵翁耳未三旬億人先十日
聾春江花自落草閣月當空寂寂惟高枕何須送
朔風

復入仙霞關

天高懸鳥道亂後石門開澗水分南北山花笑去
來孤亭僧語熟斷岸馬蹄回尚憶春營柳間關賦
七哀

軍中喜龔在田仲震首驥至自吳

陣雲分鳥道辛苦入南荒莫學三諸葛還經一建
康旗翻江樹白月照海沙黃千里關山隔銜杯問
故鄉

山中奉寄王仲朗座師

樂志堂詩集 卷二

五

解官曾幾日世事忽全非江上莼初老山中薤已
肥棠陰垂海甸鶴夢入山扉修禊蘭亭在何年逸
少歸

蔣孟詵送別江上

臨岐言不盡相對黯離顏雁叫灘聲急鷓啼草色
殷江寒五夜雨山隔百重關載得愁千斛扁舟獨
往還

建延道中

山圍山路斷一轉一溪寬帆影隨雲沒灘流抱石

寒孤城天外出野店樹中看洞口桃花在誰知問
渡難

贈張將軍

春營開細柳大樹坐將軍刁斗寒山月旌旗古渡
雲紅妝歌出塞玉帳耻談文閣有凌煙在他年首
策勳

錢柏園入閩話舊

鄉音千里斷誰不薄微官兵後憂何限朋來路已
安空囊愁貫酒老僕勸加餐相顧無顏色牀頭一

樂志堂詩集 卷二

五

劍寒

雨飲

銷愁宜一醉客醉更生愁岐路悲楊子無家宿馬
周煙雲昏澤國波浪失漁舟只聽連宵雨蕭蕭楓
樹秋

送家庄侯同年北歸

漳南憐久客薊北喜新歸臺上黃金盡沙邊紅葉
稀夕陽吟古渡山雨浣征衣六月鵬應息何年一
怒飛

憶夢

歷歷天南路雞鳴客度關帆飛新綠水馬踏舊青山
荔已先秋盡柑初帶雨斑簡書憂不細無意顧
刀環

酬屠闇伯見懷

南行曾有約君獨臥溪濱負米聊將母談經不拒
人故園千里夢新柳一江春生計休相問問關正
苦辛

送同年童木有歸甬東

樂志堂詩集

卷二

五

南遊同六載別我爾先歸古渡雙鷗宿斜陽一雁
飛尚留荆壁在不礙越裝非莫戀藤蘿月空山空
采薇

病夜

病骨秋先入離情夜獨愁蛩隨砧斷續月在水沉
浮燈照雙垂淚詩窮萬里遊十年渾一夢王粲尚
依劉

嚴陵道中

出瀧流水急鼓柁倚山行亂石羣鷗戲空林一鳥

鳴烟寒茅店月人靜戍樓更秋老愁何極山山落
葉聲

采石道中

老至天難問勞勞千里程梅開知臘盡裘敝耐寒
輕驚後竟無定憂來夢不成銜杯思捉月風靜一
江清

中秋夜鄞城舟中

去雖當佳月清光逐水流扁舟江上客千里鏡中
遊路失袁宏渚城無庾亮樓空餘楊柳岸風葉響

樂志堂詩集

卷二

五

颶颶

過武城

風勢崩沙外孤城一棹過書傳徵信少遊老釋疑
多冷月空殘堞清河走濁波荒祠偏此地漫欲聽
結歌

子游武城在兗州費縣西北
此地有子游祠以其名同也

燕市夜歎

底事離三徑相逢莫怨貧叩門辭更拙結客老無
鄰萬里弟兄隔一身童僕親耦畊曾有約澤畔未
歸人

將至德州

遙指平原嶺青齊入望中衛河環地脈渤海接天
風獵火晴郊出征旗夾岸通不堪頻問訊頭白尚
飄蓬

廣陵送家素園同年北上

鼓吹揚州路登樓首重迴韓非書自憤庾信賦偏
哀淚灑桃花水襟開竹葉杯河梁一執手斜日照
林隈

湖上重晤周櫟園先生和龔芝麓先生蚤春
樂志堂詩集 卷二 三

送歸白下韻四首

昔在天南日巾車數往還清談露玉雪淶水映冰
顏愛士偏懸榻傳經不閉關更因公事暇長問九
華山

旂影遮山色孤帆一水開徒聞耆老泣難借重臣
戊戌先生被逮舉
回旂哭送者遮道 名士多同難謂許有介陳
開仲諸子 深

文實忌才西曹嗟對簿冷月照燕臺

帝城春轉律赦至忽聞烏於此天心見何曾吾道
孤犢車辭輦鼓鯨浪息江湖歸許扁舟泛西風兩

岸蘆

重過錢塘上烟霞興自饒但將尊酒盡誰信客蓬
飄往事彈雙劍新詩洗六朝相逢還似夢山水且
招要辛丑語先生於湖上貽詩有新還只
夢家難到再見翻疑客再生之句

英德見紅葉

豈是吳江上居然楓葉丹乍經九月雨不耐一枝
寒聲欲兼霜落影宜向夕看悲秋常作賦况是客
衣單

羊城逢故人胡豹生
樂志堂詩集 卷二 三

相見知無恙翻疑夢不然人來新闢徑鳥聽舊談
玄得道顏如玉謀生研作田十年羈薄宦瘴海更
誰憐

南安夢亡姪曉令

竹林凋十載往事夢中明未亂家先破將歸病已
成瘴煙迷五嶺蘆月冷三更何處愁冤寄新渾一
水清

送禪侶歸雙峰同釋照如林文侯作

僧歸尋竹徑屐齒破苔痕不藉鴿王力誰知獅座

尊花依雙樹落火續一燈存持鉢西山去曹溪不

二門

懷丹崖久留伏羗仍用留別原韻

邊城推保障匹馬渡西津豈謂鳴琴日偏逢按劍

人憐才空入洛逐客未離秦羗笛梅花落關山一

望塵

越中寄祝牧雲和尚七十

花雨零長水金蓮闢古南古南初為社羗自師至得名問年松

謾謾扶杖髮鬢筆下垂秋露燈懸不夜龕翻憐

樂志堂詩集卷二

三

初說法容易識優曇余承師教自戊寅年始

容湯陰飲韓壽山署中

縣門連古寺雪徑一燈懸踏馬堅冰滑飛觴落月

圓深談天寶事高會竹林賢扶醉禪牀近貪眠不

記年時寓蕭寺已遍歲除

懷州病中吳準菴明府書三至自洛陽兼貽

復藥而作

旅病親童僕書來信故人花開東閣久馬走北山

頻貽草三芝秀分苗五葉新還期同一醉扶看洛

陽春

鄰竹

成林芳草外莫謂結鄰非有節應凌漢無心自息

機垣低青入戶雨淨綠侵衣不是愚公谷間看倦

鳥歸

久雨

苦雨誰同賦連朝不放晴僧來三徑草客散一池

萍燕幙沾泥濕漁磯落漲平今年田事早多恐害

春畊

樂志堂詩集卷二

三

老去

老去仍無賴閒吟漫解嘲客能談往事我實畏新

交戰野鳥噉樹歌梁燕卜巢乍開宮一畝辛苦自

誅茅

可惜二首

可惜春過半平居意若何養花分研水得向續漁

歌庭暝留雲住籬穿放月多閒情偏自喜時序正

妍和

一身迷去住吾欲問君平老阻風雲氣窮疎兒女

情澆書傾白，隋雜草植黃。精誰使顏能駐，長歌惜此生。

獨坐

獨坐恒思過，深知禮法疎。入林惟有竹，學釣已無魚。壯志黃金盡，衰年白髮初。朋簪今漸少，不用絕交書。

南洲小飲和曹秋嶽先生韵，同余澹心俞右吉。

春寒游事早，選勝到南洲。增影凌雲出，城陰逼水

樂志堂詩集 卷二

詩

浮無山難避地，有客共登樓。往事還堪憶，銜杯話白頭。

雨中送蔣丹崖之仙都

河干柳正好，冒雨為君攀。舊涉嚴陵瀨，重登吏隱山。圖書輕匹馬，童僕近離顏。不為飢驅出，南邨自閉關。

雨後同周青士訪繆天自邨居

西郊六七里，樹樹水雲斜。獨借漁翁艇，同尋處士家。顏垣藤挂石，廢圃雀銜花。正讀閒居賦，籬邊喚

種瓜

賦得王摩詰句

晚年惟好靜，卷僻似山中。新竹侵衣綠，殘花過眼紅。丹飛空藥鼎，交絕罷書筒。莫問天涯事，浮雲萬里同。

虞生見訪感舊

爾祖能知我，相留倍結歡。寒鐙陪夜讀，野菽共朝餐。蜨悟空牀夢，蟬留故國冠。酬知無白璧，清淚一為彈。

樂志堂詩集 卷二

詩

坐談黃浮巢松園留詩

許我時乘興，何須問主人。疎籬排亂石，短榻拂輕塵。當戶花分徑，沿溪釣有鄰。不嫌山色遠，雲外著閒身。

閩中許有介自燕過訪

念舊人猶在，因君啟竹扉。風塵南北路，霜雪往來衣。世道交難問，生涯老更非。閩山歸去好，何地築漁磯。

種菊

平居毓草木豈是學陶家偶步東籬下因思九月
花趁閒繙舊譜帶雨拈新芽不待秋光好何辭濁
酒賒

南昌午日和楊心易

令節誰相問棲遲動客愁桑麻兵後綠風雨麥前
秋南浦花將落西江水自流五絲沿楚俗痛飲夕
陽樓

哭同社王雲涑

洛社年年減那知哭到君伊人終若此天竟喪斯
樂志堂詩集 卷二

文心事鐙前淚交情夢裏雲不知雙鶴下何處弔

孤墳

觀瀾菴訪懸崖和上同徐皆山

邨西笛白社老去愛逃禪挈伴穿花徑尋僧喚釣
船梵音清到水香積冷無烟不覺論詩久歸來月
滿川

喜俞右吉過

苔徑秋深閉籃輿忽到門不談天下事惟憶故人
恩去采南山藥來傾北海尊一溪容小隱此地即

桃源時寓居
吾里

明遠姪病中見投以詩次韻答之

楓葉三秋冷溪雲一夕陰以余憂漸老知子病應
深終負青山約空悲白髮侵竹林無恙在何日共
招尋

依錢仍始韻詠玉扶桑

即玉蘭也仍始以其
高華芳潔非谷香可

此爰易
此名

園林無限好最愛玉扶桑名以高人定春生故國
香亭亭仙女掌片片越羅裳碧海移來植偏宜月

樂志堂詩集 卷二

一方

哭朱方菴司理二首

老共香山會為歡得幾時思鱸張翰早遊嶽向平
遲楚雪飛鴻雁吳雲動鼓旗傷心非一事不獨恨
庸醫

巨卿車未到元伯夢先來霜露憐同病風雲哭大
才江流中忽斷嶺樹老還摧淒絕山陽笛無端更
助哀

剖雪和尚攜詩見訪

老去歸蓮社論詩得皎然水雲常覓句文字自參
禪花落三春雨蓑寒一葉船鶴江龕可結何用買
山錢

竹下

莫問小山桂修篁共歲寒人思裁鳳管我意託漁
竿最好臨風坐還宜近水看垞南三畝在日日訊
平安

和王言遠秋夕韻

結廬安晚節老至不悲秋小巷來明月青山約舊

樂志堂詩集

卷二

五

遊幾人還倔彊怪雨獨風流莫負蒼生望閒吟到

白頭

閩武曾黔游草

衰年詩是癖愛爾更能詩况有江山助寧無風雨
思焚童樞社鼓箒女舞春枝風土新成紀周南太
史遺

送分虎之皖

路分京口驛水接石頭城此夜月千里孤帆人遠
征將軍有揖客幕府重儒生淥水芙蓉外簾風入

坐清

同年吳伯闇見過兼得曾惟久消息

苦辛行蜀道喜爾早迴車萬里霜吹焉扁舟月載
書江聲擊鼓急山色柳條舒猶有天涯客何時共
息居

病中不寐而作二首

江邨吹夜笛枕上不堪聞南北傷心雁升沈過眼
雲數錢思姪女采藥問桐君已就閒居賦相期絕
世氛

樂志堂詩集

卷三

五

欣賞天南月離思二十秋聞雞空起舞作賦罷登
樓砧杵宵何急星河曙欲流得閒翻藉病莫遣故
人憂

徐皆山周林於家季奕斯年武曾分虎過集

竹下限韻

此日宜嘉會朋來快盍簪不嫌開徑窄常作入林
深廢圃存松菊浮雲閱古今悲秋何足賦擊鉢為
知音

坐鐵峯上人掌園和青士韻

頻接無生話因憐老友稀焚香披毳衲掃石坐荷
衣蟬噪分高下孤叅別是非蕪門歸未遠長嘯亦
天機時余歸自衛州

周華字九十

香山尚齒會吾里實云稀况復旬登九渾忘世已
非丹楓吹白鬢絳雪點斑衣時大雪定有長生訣江
邨自息機

喜故人至即送北歸

柴門無剝啄千里得君來草長苔堦滑庭空竹徑

樂志堂詩集

卷二

早

開燕雲歸客夢江月故人杯相顧顏非昔何堪白
髮催

病中書懷

已賣牀頭劍渾無壯士顏鏡中驚白髮夢後憶青
山涉世逢迎拙甘貧歲月閒維餘一溪水漱石聽
潺湲

霖叔兄書至自黃巖

憐我閒情賦勞勞問索居桑麻窗外綠風雨客來
疎微俸分千里長貧報尺書懸知鄉夢切誰許憶

鱸魚

過湧蓮菴

背市香林在穿籬草徑迂方池蓮吐白低岸蓼翻
朱藥裏經秋廢鐘聲送客孤過橋歸去晚前路夕
陽無

歲除懷秋嶽先生在福州

忽草南征賦之官歲已闌亂花山驛盡遠樹水城
寒笳吹聞千里泥封借一丸賢勞良不細為國且
加餐

樂志堂詩集

卷二

望

江邨

身似三秋柳心如半死桐尋山誰作伴邀月不辭
窮野岸飛霜白江邨落葉紅一竿聊可託小艇任
西東

爛溪雜興二首

為憐秋色好策杖過溪西黃橘含霜墮香秔繞戶
齊尋花那問主得句半無題隨意茅檐坐山禽樹
樹嘯

秋風吹木葉徙倚望前山舍我花三徑依人水一

灣犢歸霜屋冷鷺立釣磯閒且醉田家酒行歌帶月還

病中寄剖雪和尚二首

幽棲何所事病到只思僧况識三江鶴長依五葉
鐙 今 十 有 六 年 徑開花畏客林靜鳥為朋溪畔無
多路扶筇恨未能

宿因吾自解與爾話偏親避市翻宜病疎交實為
貧青蓮詩舊事白社重遺民六十歸禪晚花宮樂
比鄰

樂志堂詩集

卷二

聖

病起過別溪和剖雪韻

壯志消磨盡衰年事法王蒲團支睡穩魚板課經
忙竹掃窗前綠花分雨後香憑君詩愈疾不必問
長桑

不寐

不寐披衣坐開軒待月來秋聲生古木花影落蒼
苔有癖書千卷無聊酒一杯所思嗟室遠獨夜重
徘徊

坐雨

新苗吹野綠細草閉門青偏是春多雨曾無客到
庭耐寒松作伴釋恨酒繙經茅屋鄰溪結漁歌近
晚聽

訪鐵峰上人

片石清池在吾來興不孤魚吞洗鉢水僧課養花
租說法三車少修心一字無未嫌香積冷晚食供
伊蒲

不堪

不堪寧止七緘口更宜三河海音長斷龍蛇戰正

樂志堂詩集

卷二

聖

酣管寧居郡北庾信賦江南咄咄還多事何勞捫

虱談

南邨

乞食何方是幽棲此一邨漁邀乘月釣鄰許借書
翻老樹斜撐屋新藤暗度垣於斯堪託足不必訪
桃源

飲酒作

療愁無一策非獨為長貧地僻交遊絕時違兒女
嗔編書存甲子學道守庚申竹底醉涼月殘杯冷

入脣

新菴訪菊

晚晴招野伴散步到溪灣我欲扶橋過僧先踏葉
還香聞黃菊澹心引白雲閒何必東籬下一壺醉
此間

王文在夜過

煙艇停楓岸霜邨颺酒旗逡巡明月醉冷澹菊花
知閒我非關病輸君不但棋他年如過問隔水喚

漁師

樂志堂詩集

卷十

留

病中王言遠屢過謝之

好友頻相過交情老更真憐余偏善病怪爾亦長
貧謝客尋山屐陶潛漉酒巾醉吟銷歲月不用嘆
勞薪

樂志堂詩集卷三

今體詩

新都道中

驛路花飄半落梅無端風雨渡江來長途實下楊
朱淚靜夜空呼李白杯水激崖根千里曲月移天
影一帆開後曉可是關山恨星閣誰登作賦才
上溪

送家二則還廬州

海國秋笳不可聞天涯知己復離羣自稱樵牧兄

樂志堂詩集

卷三

和弟誰道英雄我與君避難遼東傳落帽歸畊綠


野悔從軍相思莫上江南道一路荆榛擁白雲

蕉陽得龔仲震陸麗京驥武信卻寄

臨江節士共悲秋不道分岐轉涕流去國獨行新
道路歸畊難覓舊林丘天邊魚雁書初到海上艤
艫戰未休生死論交逢此日惟餘夢寐得同遊

弔古

枉有勞臣賦七哀冥冥日色起黃埃銷沉望海秦
皇石零落通天漢武臺歌舞頓教迷舊院詩書無



計撥殘灰建章三月行人過惟賸春來草數堆

避地借楊天社作

寒暄錯落數峯晴羈旅孤踪路未明野草霜飛餘
漢苑成樓月照哭秦兵鄉愁久已還成夢吏隱何
須復問名平日知交無一字憑高猶見雒陽城

南浦懷里社諸子

春山積翠望嵯峨勒馬依然春草多四海彫零慚
爾我三年病廢枉蹉跎種瓜欲向青門老飯犢遙
聞白石歌南浦傷心文酒地鄉園回首舊烟蘿

樂志堂詩集

卷三

二

秋夕懷沈定山曹耘蓮同居山中

歸去還知行路難蕭蕭病馬渡江干菊花不覺添
新淚松樹依然識舊官關塞月明鄉夢遠洞庭霜
落客衣單倚闌空憶漁樵約烏雀南飛永夜寒

中秋借曾惟閨惟久兩同年分韻

海月孤懸畫角吹庾樓重憶昔年時涕流曾怪長
沙蚤歸去還嫌彭澤遲塞馬新寒思北草山鳥舊
夢宿南枝相逢盡是湘江客不用招魂只賦詩

軍中書感寄錢柏園

江連築燾陣雲分隔岸吹笳不可聞薛燭對人惟
說劍陳琳入幕也從軍霜飛病馬嘶寒夜月照征

鴻失故羣咫尺鄉園歸未得筵筍一為問靈氛

蔣丹崖寄懷有亂離今日正宜貧之句遂用

貧字賦謝

空山藜藿未全貧遙聽長歌寄隱淪十載知交驚
老大五湖生計正風塵行吟澤畔荷衣舊避難遠
東阜帽新南畝躬畊今有伴何須谷口下蒲輪

飲林孔碩一室借湯芳侯黃子容分得舟字

樂志堂詩集

卷三

三

漠漠寒煙一徑幽荒園葉落草蟲秋步兵厨冷非
無酒荀令香多舊有篝血洗孤臣前代筆霜彫遊
子去年裘無勞頻灑西風淚一醉渾忘不繫舟

過三衢借別蔣孟詡徐介士鳴玉余式如葉

柯玉龜采諸同人

三載南遊淚未銷別離尊對潑江潮萬方乍息咸
陽火十友應分頰水瓢海上新書誰復購山中舊
隱不須招故人肯訪梅溪老家住寒塘第五橋

夢歸

碧橫萬里鬱彤雲夢入鄉關木葉紛遠水依微疑
岸盡羣山隱約到江分牛衣對泣家何在服賦長
哀國未聞只有老僧隨處息秋蒐多事復歸耘

讀書問柳堂次王子英韻

河干柳色又青青吏隱無端到客亭維里朋來休
說劍咸陽火息再談經昌黎多事窮先送阮籍傷
心酒未醒回首故園春正好山窗空對校書螢

一路看山到武彥為周元亮師賦二首

碧橫萬里雁行疎不負名山縱所如繡斧星寒江

樂志堂詩集

卷三

四

上騎玉壺冰映帳中書豈聞鏡笛尋鳴鶴卻望虹
橋欲釣魚三十六峯誰第一濂溪道在白雲初
孤雲未許衆巖齊極目天南樹影低夢入筍峯曾
采藥路移桃澗尚聞雞溪干作賦垂秋露石上談
經息戍聲不信武陵迷幾曲山花到處子長題

二月十三日作

恨別今朝忽二年去年榆柳復依然豈因吏隱輕
千里不道饑驅各一天畏客倩誰辭病肺賣文無
主當畊田老妻數盡南飛雁烽火難教尺紙傳

水亭獨坐

天高萬嶺一溪分小草何妨鹿豕羣澗水爭奔龍
卷雪山苗層插虎鋤雲酒錢難遇蘇司業詩興誰
如鄭廣文怪得鳴禽驚午夢松風更向北窗聞

養病梅菴

何必山中可息機梅花溪畔結柴扉藥爐寒近茶
爐熱鳥影低從竹影飛極目干戈甘老臥側身天
地恨長饑客來問病開三徑休對蒲團說是非

三十初度自壽

并序

樂志堂詩集

卷三

五

白樂天詩云莫言三十為年少百歲三分減一
分余今減一分矣玉禾門人賦詩進酒余心滋
戚焉憶辛巳秋余年二十四在桐川帷中自詠
有鄧禹從今敢笑人之句豈知轉睽無成有如
此日嗚呼老將至矣尚風塵役役為耶詩曰自
壽蓋自責也

三十浮名累阿誰天涯羈旅到今疑渡江溫嶠先
無母種秫陶潛未有兒白鶴曾題高士傳黃花空
憶美人詩五湖從此長漁釣莫問長安是奕碁

立春日示丁元闢高卿雲諸生

寒江雨勢起朝岑，忽報春風不敢陰。栗里愧無三
畝宅，蘇門聊撫一絃琴。山空樹得花為友，鄉遠書
傳字值金。吏隱何須來采勝，當年魚鑰枉知音。

和周櫟園先生寒食登詩話樓感懷四首

城上舊有環碧樓，相傳嚴滄浪賦。詩處也，周更此名，即祀滄浪于中。

山抱孤城九曲前，烽生幾地草芊芊。瀑飛鳥外磳
痕亂，閣聳雲中石影連。小市何須先禁火，清笳無
奈又啼鴉。行歌想見詞人跡，柳陌空含古樹煙。

樂志堂詩集

卷三

六

此地曾懸處士星，豈因詞賦得飄零。荒城難買陶
潛醉，曲水誰尋陸羽經。戰骨新生花欲白，征鴻舊
宿草無青。凭高相望樵溪叟，數點殘煙出遠坳。
踏青路失負星毬，山色無勞亂入樓。斷續雁行聲
帶咽，蕭條木葉力難抽。橫溪霧宿非關夕，疊嶂煙
寒不但秋。夜夜登樓思越石，晉陽何日報兵休。
豈為無魚擊劍鐔，滄浪相對老松心。青門路遠瓜
難種，白社人非酒獨斟。怪石欲來嫌虎瘦，怒濤爭
下觸龍深。尋論還向芙蓉幕，王儉風流不自禁。

社集枕清堂同祝茹穹羅雲漢曾惟闇惟久

分韻

荒園鳥轉一春過，僻巷初看到客多。世事莫彈中
散瑟，池塘可養右軍鵝。樹迴聳閣來青嶂，徑轉橫
橋間綠荷。好友着鞭吾獨老，海東釣笠北山阿。

送蒲中林繼袞北上

丹楓江上一天秋，戎馬相逢惜舊遊。壯士無金空
戮力，長途有酒未銷愁。去秦誰贈繞朝策，入雒難
同郭泰舟。醉後驪歌聽不得，歸耕且買雪山牛。

樂志堂詩集

卷三

七

江上

飄零壯士滿天涯，萬里風吹兩鬢花。有劍未酬難
報國，無親可別忍辭家。荒城戰馬空嘶夜，曲渚離
鴻遠泊沙。更念故園知已在，春江一醉夢中賒。

喜徐道力過衢見訪并送之浦城

荒園曉起雨聲寒，竹徑逢君不整冠。傳語平安寬
客思，同憐霜露宿征鞍。空囊漸遠金銀氣，樂歲還
同糲糲餐。夢裏江花知入賦，腸迴南浦隔蓬看。

江上有所過故云

山中奉寄曹能始孫鶴林錢開少孚于史稚

明諸公

密雨浮雲黯大荒羽書一夜走咸陽中原父老人
千里南園旌旗淚數行江上青山終不改冢中枯
骨久相忘諸公莫問零丁客忍戴黃冠返故鄉

漳州留別楊玉宸魏元方林幼圭施非晨周

隣章家匡侯用鄭十思贈行原韻

百年事業總灰塵劫後空歸六尺身是處桃花堪
辟世每聞杜宇一傷神浪遊已作無家別去國長

樂志堂詩集

卷三

八

為失路人話到東京無一字尊前相對各沾巾

野步同王子英宋士衡

夕陽原上草離離千古傷心在此時滄海有潮龍
臥穩碧天無路雁飛遲明時徒下王維淚秋氣空
餘宋玉悲咫尺只愁荆棘地獨騎瘦馬欲何之

徐雲林過訪夜談撫今追昔悵然有作兼寄

文匠

天邊倦鳥去悠悠匹馬長嘶賦遠遊曾是十年分
落葉仍來五月訪披裘故園楊柳春何限到處江

湖水自流憶事懷人今夜月不堪風雨滿中州

同年林原博叔硯招飲荔園

千戈萬里走頻仍衣白山人敢自矜離亂恨無千
日酒江湖長憶十年燈空勞景畧趨關右
只合相如臥茂陵今夜花前故人共楚囚相對
話清澄

訪曾惟良惟輔惟直留飲

籬邊種菊逕猶存老子乘閒過野邨紅玉新藤斜
屋下綠絲疎柳插雲根入門坐對三珠樹愛客頻

樂志堂詩集

卷三

九

添五石樽不惜今朝相伴住再看新月照黃昏

贈門人林子儀郭御六

詔下英才獨冠軍不須悵望九重雲侍中競病
元能賦記室文章亦在軍此日三千隨討吏他年
十二應星文老夫一日慚差長藉爾知方佐 聖
君

溫陵同年黃敦菴林禹卿郭石公林那侯錢

別即席次敦菴韻

夕陽芳艸曲江頭裙屐逍遙舊此遊鬪酒花前春

晚晚吟詩江上客風流家思南省尚書在國事東
山太傅愁今日離筵幾人共不堪重別老朋儔

奉贈萬開來副使

一封 詔下屬登壇 天子遙頒御史冠國計知

羊新節使賦才司馬舊郎官南郊日上旌旗暖東

閣霜清劍珮寒聞道三軍猶戰伐度支江上正艱

難

宋寥思見招和方坦菴先生韻

披香新殿柳千條侍從從容退早朝南國詞人春

樂志堂詩集

卷三

十

有寄 謂坦菴 北門學士笑相邀轆轤宮井三更月鴉

鵲瓊樓五夜簫一曲相思千里共青山漠漠水遙

遙

懷俞右吉繆天自周青士錢爾載朱錫曾家

茂斯姪

釣侶唯餘一病身舉頭西望每沾巾可憐朋從凋

零日並憶關山跋涉人梅市有花堪送老竹林無

恙又經春平原日落三千里何處登臨不愴神

奉寄錢牧齋先生二首

花笑鶯啼故國春林間澤畔一閒人相逢短髮綸
竿雙曾是先朝侍從臣山上有薇元可食天邊無

路莫相親自從禮樂三千盡文獻流風亦已淪

春明門外柳垂垂飄拂輕風盡日吹北關新思朝

露下西京舊事如陽邊三千里外雙行淚二十年

前一字師 歲與午余年十三以滄海桑田容易過
文千先生亟蒙許可

至今雲物最相思

積翠山寺和韻

海外傷心去國臣天涯多難羽書頻空山欲老秋

樂志堂詩集

卷三

十一

霜樹僻寺曾容辟世人豈是江邊來楚客何妨洞

裏訪秦民維餘一事差堪慰徵聘應無到隱淪

長安秋夜

燕山木落晚蕭蕭秋入長安倍寂寥雙關月明仙

掌動九衢人靜馬蹄遙酒傾前殿歸方朔花落長

門鏤阿嬌惆悵茂陵松柏盡不堪回首憶前朝

延津夜歎

鐔南依舊落灘聲驛柳渾非昔日情綬綰三年仍

去夢詩傳萬口總浮名維餘腰下青萍在獨向天

涯白髮生南越西京無一事終軍何處請長纓

次黃敦菴見贈原韻

漫道危時未獻身飄零海外尚逡巡已無蘭茝能
存楚何處桑麻可避秦漁酒每貪元亮醉談經空
逐子雲貧樽前相訂漁樵侶江上鱸魚憶故人

夢家二則

五陵裘馬昔同遊落葉分飛嘆白頭萬里山川雲
北向六朝歌舞水東流漫驚閭左逃秦戍相對新
亭泣楚囚患難弟兄十年別只憑寬夢到廬州

樂志堂詩集

卷三

七

訪葉仙隱先生

數峯青影落晴川野客乘閒放釣船飲酒陶潛松
樹下說詩匡鼎杏花前秋霜何處三千丈錦瑟當
時五十絃事業無成老將至故人相對一凄然

贈別陳寶虞

雁來孤嶼正繁霜亂後荒城菊尚黃萬里江湖終
戀土十年生死得歸鄉西堂草冷尋山屐北海樽
空結客場他日故人如見憶秋風一葉汎滄浪

酬趙珍留送別原韻

亭畔勞勞自昔愁六年兩度負南遊閩山霜隕凌
雲樹越水風寒去國表豈望山濤重啓事可憐王
粲倦登樓相思相望如相問一片苔磯坐白頭

留別惟闇

回憶生平願豈奢只愁前路日將斜登陴千里書
空射入暮三年酒尚賒志在名山終有約頂垂白
髮已無家與君道義兼憂患痛哭歸帆水一涯

南岸

岸南岸北盡黃雲落照江邨客半醺朔騎長驅終

樂志堂詩集

卷三

七

不返海鷗何事尚成羣獨眠夜識星河動度嶺秋
看地勢分剩水殘山同拱手更無餘地賦歸耘

重訪惟闇

城闕荒蕪野艸春關河寥落柳條新獨來楚澤行
吟客不見秦庭下淚人白髮有書編甲子青雲無
路奉星辰桑田久老魚龍臥容易相逢在海濱

送曾惟直惟佐北上

連牀夜雨客途中終見鯢鵬海外風千里霜寒同
獻策九閣路斷獨飄蓬長安夢老存諸弟上苑花

開憶故宮馬首遲遲休悵望黃金已盡古臺空

曾惟良惟闇惟久惟輔餞別洪塘即席次惟

良韻

天涯入望正風塵何事江湖屢問津一笠一瓢猶
有累山南山北况無人出門事愧妻孥問薄宦身
維僕隸親得失當年夢中鹿與君兄弟共傷神

元日喜家二則傳叔同至自山中

萬壑雲深一草廬春風忽到故人車慣於客裏逢
元日且向窗前卷道書柏酒寒消新雨雪穉冠侶

樂志堂詩集

卷三

十四

是舊樵漁亦知江國頻傳檄數問梅花溪上居

秋日喜羅雲漢使君自燕過訪兼貽鏡巷新

草

空林寄跡樹陰疎犬吠籬邊到客車今雨不來嘗
憶汝秋風相見轉愁余舊遊賓從人行盡歸去田
園草未鋤不盡談心松澗落更攜樹下讀新書

漫興

漁磯無恙在溪陽長水行吟客更狂老去每思蓑
笠伴秋來還製芡荷裳漸疎骨肉無同調翻恨親

朋半異鄉日臥霜林存晚節不應頭白嘆馮唐

清明

九衢新火散春妍裘馬輕肥讓少年紅逗花桃招
蹴鞠綠垂宮柳動鞦韆玉釵香鬪離亭艸金絡花
銜出塞煙回首可憐天寶日曲江簫鼓賜緡錢

偶成

垂柳橫塘鎖夕煙梅花樹下葺三椽曾嫌籬短難
遮屋卻喜洋迴不礙船買酒錢閒攜袖底尋山屐
偶到溪邊荷鋤風雨春三月辛苦山農護麥田

樂志堂詩集

卷三

十五

春日懷俞右吉

去年老友送春歸今日閒扉閉落暉夾岸花殘鸚
鵡去平臺艸滿鷓鴣飛問闌何處遲歸權覓夢應
知憶釣磯又是江邨二三月莫令風雪滿征衣

寄斯年兼懷明遠

敝廬猶在舊溪濱老去天涯尚苦辛我已倦遊還
乞食汝從多難更依人燕山日射宮中柳吳苑花
開戰後春閒殺竹林狂小阮獨攜斗酒醉逡巡

舟次口號

孤舟如葉下江濤故國依然動越吟滄海有珠應
下淚暮雲無處不傷心千家山郭人何在七里灘
流水自深回首開元舊時事六宮荆棘雨沈沈

宛陵胡則先見過殊亭兼示雪淡集於其歸
也詩以送之

采蘭江上定交深猶記相攜在竹林散髮閒持一
石酒登樓長理七絲琴秋來屢下清宵榻興到還
酬白雪吟一別天涯多難後殊亭月照故人心

寄客

樂志堂詩集

卷三

十六

一曲陽關逐去塵夕陽亭外柳條新何年征客悲
芳草幾處香閨怨白蘋笛裏關山秦塞遠鏡中金
翠漢宮春千金莫賣長門賦徒使君思在別人

途次

亂山歌反雨聲寒過客長歌行路難到處每餘青
市酒何人為贈紫金鞍餘生空走三千里遠夢還
驚五百灘猶有匣中孤劍在光鋌銷滅不堪看

醉茗齋雪飲偕徐道力王言遠家青來分韻
時余有閩南之役

春入江南花信早楚天冰雪為誰零山非有髮從
頭白柳豈無情失眠青寒近小窗招一醉窮餘老
友宿三經掃門欲效袁安臥送客還宜月到亭

過子陵釣臺

插天雲樹一峯寒千古臺留七里灘龍似南陽仍
臥草魚非渭水別垂竿盡同高士棲巖谷誰為蒼
生策治安稷高巢由元一轍羊裘莫笑漢衣冠

三衢同社余式如徐虞卿鳴玉介士葉柯玉
含美罷采餞別得徐文匠赴龍溪信

樂志堂詩集

卷三

十七

草閣吹殘舊雨風驚傳江左尚兵戎百年意氣三
杯裏萬國車書兩淚中北向關河輕說劍南飛鳥
鵲避彎弓足園松菊人歸未尊酒何堪別孔融

足園為余
舊讀書處

婺州

春潮東下海門驚五百灘高鼓角鳴豈有雞聲聞
越石誰將薤露泣田橫雲開睥睨秋風勁草滿樓
臺夜雨清眼底江山千古在長庚寶婺正宵明

酬彭于民見懷

豈知禾黍動秋風故國河山一望空海外無錢難
買隱谿邊有劍可從戎荒城鼓角聞雞夜萬里烟
濤擊楫中縱使桑榆悲歲晚天台采藥與誰同

贈宋山人祝髮并賦別

楓落寒江入夜聞故人難別話殷勤流離何意身
猶在孤憤還嫌性不羣卻老仙山千日酒逃禪竹
院一溪雲憐余空索蔓茅卜廿載曾無出處分

憫水次王仲朗先生韻

三月咸陽火未收天南一水變滄洲風寒鱗甲催

樂志堂詩集

卷三

太

聲急波撼旌旗帶血流鳥道連江浮白鷺邨烟擁
樹思扁舟出遊賴有文昌在徧野人歌雨不愁荆

民為段文昌歌曰
雨不愁公出遊

病中酬陳開仲見贈原韻

梧桐落盡舊秋聲海外猶聞一雁鳴王粲無家依
漢水魯連去國射聊城霜飛客岸離顏瘦月上書
樓別夢生賦到相如憐渴疾此身端欲謝浮名

九日陪王仲朗座師小集曾園看奕

秋到重陽海氣清菊花亭畔醉先生千戈萬里家

難到荆棘千山鳥獨鳴樓卧仲宣應作賦奕從安
石可銷兵飄零猶侍扶風帳列坐談經舊有情

送秋

客愁原自不關秋去新愁益舊愁橐裡黃金曾
易散袖中寶劍未輕酬誰家珠履三千客何處仙
城十二樓獵獵寒風吹白髮難憑竹葉作歸舟

送越人從軍之越

朔氣橫吹出武威營門沙起陣雲飛酬時嘯雨魚
腸劍誓卒迎霜鷺尾旂獻賦相如千里別從軍王

樂志堂詩集

卷三

十九

榮故園歸江千露布推名士不待春寒賜錦衣

同閔中介先生過西禪寺

已悔浮名二十年閒尋到此欲逃禪青山猶在身
為累白日初沈事可憐不是揚雄休獻賦何如支
遁獨談玄眼前無計留春色花落花開意惘然

安海夜歎

壯士從來不買名黃金散盡笑平生清江片月人
千里濁酒三杯夢五更芳艸春寒遊子淚孤燈夜
照故侯城登壇三十成何事空羨終童漫請纓

和林孔碩先生冬日積翠山中

是處仙源可避秦，芒屨竹笠服離塵。雲歸有意青

山暮，霜落無情白髮新。蝴蝶夢醒支短榻，癸辛編

就屬遺民。客來梵宇音初寂，坐對蒲團一問津。先

理精禪

端午前一日過洛陽橋

龍盤萬里走江干，三百長虹駕急湍。節近投菰無

競渡客，非題柱下征鞍雲橫海面窺。天小鵠立峯

頭，識地寬聞道洛陽城。幾易石梁猶紀宋時官

樂志堂詩集卷三

清漳道中

月落荒城水一灣，吹笳清夜未平蠻。苟全性命成

諸葛偶，去鄉關累子山壯士有心甘。漆癩將軍何

處賣刀環，故園楊柳相思老。憔悴飢鳥不敢還

飲徐文匠署中同錢柏園話舊

零落征鴻一病身，豈知海外復相親。河山未改人

猶舊，戶口初增吏自貧。月底繙書分甲乙，籬邊縱

酒醉，逡巡故園松菊今何在。開遍江花報故人

送沈魯餘歸武林并懷定山

天邊戎馬正高秋，海外相逢涕泗流。憂國十年空

說劍，還家五月尚披裘。種花舊有羅含宅，作客還

登謝朓樓。此去脊令原上問，一竿何處泛漁舟

臨池并序

池在丹霞山園，一泓碧水，梧柳覆之。余憩息其

間，臨流興嘆，有夢到前生，還采藥之句。是夜忽

夢一老僧曰：挂錫非采藥也。噫嘻！老僧豈余舊

龕侶耶？園為玄子先生所築，詩以紀之。

飄泊游踪水上鷗，清池何事獨勾留。輕垂楊柳非

樂志堂詩集卷三

關雨初綠，梧桐已帶秋。夢到前生還挂錫，醒來今

日未歸舟。茫茫旅思天難問，飲酒應無負白頭

雨中同徐存永陳涇伯開仲集林孔碩先生

一室

雲橫萬壑雨沈沈，曲徑編籬花木深。白髮無錢難

買隱，青松為友獨知心。社中不禁淵明酒，籬上空

彈叔夜琴。潦倒天南愁客久，歸鴻長羨北山岑

送許天玉北上

我客南天子北征，行藏自此定。生平布帆千里浮

江色黃葦三山落雁聲雪路詩成驢背穩春風賦
就馬蹄輕他年歸過梅花里載酒清談話別情

水北月下

北去芝城第幾邨無端旅泊近黃昏野航兩岫鄰
鷗夢江水三更洗月寬嫋嫋秋風哀帝子萋萋芳
草憶王孫灘聲斷續愁明發相對前山酒一樽

復過曾惟闇惟久齋中分韻

艸廬無恙得重過漫道山城未息戈文不送窮雙
鬚短劍難報國一身多空江月落飛鴻雁小圃霜

樂志堂詩集

卷三

三

寒老薜蘿往事傷心同淚下不堪重聽采薇歌

八月朔南臺舟發曾遠公惟闇惟久李燕仲

送至江上

閩天客久直如家一曲驪歌白日斜歸去好看元
亮菊飢來未種印平瓜餘生遠海千年鶴別路星
源八月槎萬里圖南吾老矣綠蓑青笠是生涯

飲曾遠公問柳堂用贈別舊韻

問柳重來又六年池塘艸色尚依然山中夢老飛
蝴蝶嶺上春歸憶杜鵑聊可銜杯頻讀史何妨揮

塵一談玄深宵不用勤燒燭風散愁雲月滿天

南平飲吳又延山閣得穀倉赴南陽信

真是羣山入戶登劍津風景舊時朋十年自笑家
如寄千里何來客似僧鄉信南飛京口雁春遊北
望洛陽鐙開襟且醉尊前酒簾捲西風曲檻凭

青湖寄沈定山曹耘蓮韋劍威

百尺樓高極望舒歸心已失渡江初千邨晚燒金
颺急三徑秋晴木葉疎無策治生應荷耒窮途掩
淚幾迴車醉鄉猶在期同隱莫學河汾輕獻書

樂志堂詩集

卷三

三

古意新聲十首 并序

古意新聲者荆溪俞羨長創格為之取材樂府
以製近體雖云鄭衛之音猶存漢魏之義徐興
公林懋禮諸公相與屬和麗絕當時久而彌鮮
佟懷東中丞爰有繼作三山同人和吟成集余
雅不善豔詞亦以志一時風雅之盛云爾

高臺一望陣雲黃錦帶浮虹寶劍裝朱鷺朝飛浦
海外白楊煙度隴山旁擣衣空老閨中女出塞誰
憐馬上郎書到陽關無別語春來雙燕自低昂

三月陽春桑葉柔江皋綠水半含愁東鄰錦字傳
青雀南陌楊花嘆白頭病減官腰應入楚嬌慵蟬
鬢爲思劉河梁猶見雙飛燕芳草萋萋欲掩眸
僂僂雲裏度新聲四角流蘇子夜情家近臨卽常
結客月明陽翟愛吹笙金堤柳繫青驄馬綺閣香
搖翠羽旌寶鴨煙微羅幙動風清長樂曉鐘鳴
朱絲玉柱象筵新一曲箏聲初學秦對酒金壘浮
涿水隔江玉樹正青春豔同三婦羞留客行愛雙
纏未嫁人暫斂蛾眉迴舞袖巫山行雨倍傷神

樂志堂詩集

卷三

五

與君祖道綠楊邊醴醕香薰玳瑁筵入暮霜清憐
此夜渡河公返是何年五更寒夢芙蓉帳千里晨
風鶴雁箋願得篙樵并櫓折爲郎復斷紫絲鞭
荒原獵騎亂烏棲楊柳青青隴麥齊薄命羞稱陌
上女懊懣難作使君妻中堂對縷金屏雀阿閣雙
鳴高樹雞無限含愁獨不見伯勞飛燕自東西
日短長思秉燭遊洛陽道上騎如流青溪夜渡君
思我白苧春深妾在樓書到石城留素雁錢輸金
埒絡華駟三邊幾度梅花落隴水聲聲咽未休

夾轂雙駟大道隅使君別夢只須史琵琶曲裏長
安月嚴簾聲中子夜烏蛺蝶翻風桃葉渡鯉魚破
浪洞庭湖采蓮不忍拋蓮子心苦分明惜賤軀
簌簌西風起妾愁寒衣欲寄路無由采菱問渡回
蘭槳罷織當軒理翠裘柏樹烏啼新嬾怨驛弓鷗
落少年憂思君塞外多霜雪何日征車返隴頭
雞鳴喔喔曉星稀養得蠶成又下機偕隱山南儂
與汝封侯薊北是耶非秋風憔悴白紵扇夜露流
連綠繡幃腸斷江干青雀舫鴛鴦七十盡懷歸

樂志堂詩集

卷三

五

道經仙都訪蔣丹崖

入戶羣山次第登講堂閒過曲闌凭一尊話舊三
更雨萬里傷心六月鵬碑辨雲騰常示客詩成天
際每偕僧天際草丹崖所著詩也忘歸堂畔堪招隱流浪江
湖愧李膺

坐滄浪亭有感

故人旧望在京華獨買扁舟問水涯陶令解官還
乞食杜陵垂老尚無家三江潮落魚龍窟千里煙
寒橘柚花惆悵征鴻何處宿滄浪亭畔夕陽斜

京口遠眺

百尺樓頭落日澄，憑高縱目昔年曾。
烟明兩岸飛江鷺，獵返長林絡臂鷹。
三楚濤聲衝鐵甕，六朝山色走金陵。
為看浮玉千雲起，風雨龍吟何處登。

端午前一日偕佟中丞登金山觀競渡

一拳峭壁大江中，遠樹晴雲入望空。
豈斷山根金作柱，若吞海勢水為宮。
五旗閃日魚龍避，六槳乘雷鼓吹通。
青鷁堆盤菘米糗，明朝何處弔孤忠。

渡彭蠡湖

樂志堂詩集 卷三 庚
千里江州一水浮，飛飛沙鷺鏡中遊。
雪峰數點波心立，鯨沫層翻日影收。
西望匡廬思白鹿，東流石壁憶青牛。
五湖何處容垂釣，漁父休呼范蠡舟。

儲潭廟

九十九峯下，急灘巍然一廟鎮。
江干龍堆雪湧飛，天鏡蛟室波迴隱。
石盤山自有靈，開水殿人無不信。
拜仙壇碑銘何代，又猶在拂拭苔痕子。
廟在

十八灘上過者多形難致祭

過贛州

章貢臺前一水分，灘流十八感龍紋。
寒城石抱高

低樹戰艦旌搖遠，近雲數卷書勞津。
吏問長途顏

借酒杯醺崆峒，山外青青州痛哭。
當年細柳軍美

周司馬難於此

庾嶺

西江水盡百蠻東，曾許南飛一雁通。
樹插半天猶附石，藤懸雙壁不支風。
山名肯借將軍姓，樵口能傳宰相功。
豈是窮荒無驛使，春光未遣到梅叢。

南韶道中

樂志堂詩集 卷三 壬
嶺南遙望水沙平，遊倦無端萬里行。
蠻語初聞雙女洞，樟花猶放五羊城。
灘聲到枕客舟去，榕葉滿山溪月明。
惟是子規嘯不住，故園十畝足躬耕。

登飛來寺并序

飛來寺舒之延祚寺也。一夕風雨，方士挾之而
至。自梁迄今，千年於茲矣。壬辰秋，余遊羊城，道
經清遠，啖啖之形勝，宛似嚴陵釣臺。丹崖曲磴，
勢若懸江，扶筇而上，非復常境。中有老僧引余
禮大士清磬一聲，眾山皆響。子瞻所云何處無

好山水只世間少閱人耳信哉征帆戒途未盡
遊興留詩一章質之龕侶

峽岬凌空石倒垂采樵有路不須疑亂山忽送飛
來寺過客誰題歸去辭派接曹溪分勺水亭傳學
士賸殘碑登峰自覺禪棲穩振錫何年借一枝

宿望夫江

昨夜孤城動鼓鞞扁舟惆悵水東西行來不信蠻
天窄歸去翻嫌瘴路迷荒草無情斜日落空林何
事亂鷗啼誰家少婦思夫壻應慮江邊石化妻

樂志堂詩集

卷三

天

酬胡豹生送別原韻

天涯半是憶鄉人白首相逢爾獨親事業昔年同
失馬亂離今日尚全身瘴煙飛黑千山暮朔氣吹
紅一葉新莫道炎方堪久客丘園有約結漁巾

清遠城外夜眺

嶺外征人路漸賒珠江北去一浮槎頽垣未盡霜
前草仄岸初開戰後花星落漁燈難辨火月明秋
水不分沙何須擊柝催鄉夢夢到三吳豈是家

凌江書感

扁舟日落大江隈蕭颯寒楓酒一杯萬里誰同江
上夢百年疆半客中哀峯排水底蛟門裂樹劃山
腰豹穴開去鳥無勞分野粒風雲何處不登臺

出梅嶺

層懸鳥道出雲間水截凌江不斷山誤聽梅仙曾
鍊石爭傳漢將蚤平蠻炎涼地氣分南北開落花
枝見往還不是棄繻年少客白頭何事老間闖

送慈雲和尚歸蜀中

三年入定得心安說法曾無一字刊龕下碧花開

樂志堂詩集

卷三

天

五葉山中脩竹老千竿持瓶已吸西江盡振錫重
尋蜀道難我亦六塵思解脫不知何處著蒲團

星子望匡廬

星子湖頭萬壑虛片帆日影照匡廬三梁石醉陶
潛酒五老峯寒李白居江上青蓮應不改洞中白
鹿近何如烟霞深處堪招隱結屋他年賦遂初

夏五寓東嶽贈穆道人

道士從軍二十年歸來猶自了談玄白雲擁樹抽
新葉綠草封扉託一椽豈為刀癡因鍊石何妨肉

食亦求仙空林留我消殘暑一榻松聲小有天

禹州立秋後二日雨

昨夜初秋過雨涼
翛然短榻臥僧房
數聲蕉葉消殘暑
十里荷花送遠香
宋玉不須悲作賦
陸機何事悔遊梁
瀟瀟一曲思南國
紅荔初闌橘柚黃

七夕詠織女

已報窗前烏鵲過
宮中詔下暫停梭
織素手梳殘鬢
冉冉香車渡淺河
玉露金風秋正好
新歡舊恨淚偏多
仙郎不記長生殿
也勝人間黃鵠歌

樂志堂詩集

卷三

三

詠牽牛

秋風頻問夜如何
豈想雲輶復渡河
好事靈禽填碧水
多情仙子曳紅羅
吹來牧笛求凰曲
夢去香帷扣角歌
倩女針樓休怨別
寒宮無數老姮娥

秋懷二首

夢魂不到廣陵江
屏跡深邨畏吠龍
曾憶絕交書未廣
空傳報國士無雙
霜寒烏鵲飛南嶺
秋老梧桐卧北窗
恠得世人皆欲殺
元龍豪氣自難降
冥冥鴻羽出雲巢
避弋何心選樂郊
五鬼難驅常

八坐太玄漫草不辭嘲
山中叢桂空招隱
夢裡青雲恥易交
近說林泉尤可畏
當峯射豹正咆哮

北行同兄霖叔

流離十載倦游車
北渡無端路復賒
春動一江催舊柳
帆移千里漾新沙
廣陵歌舞思年少
淮海風濤畏日斜
豈是機雲同入洛
憐才何處問張華

寄吳梅邨先生

并序

歲甲戌余年十七從先生遊
曾云昌黎送張童子序不可不讀
先生之期余遠也而今老矣撫

樂志堂詩集

卷三

三

今追昔不勝慨然

問道婁江三十年
流離閩嶠復幽燕
校書舊識青藜火
飲酒還思白社蓮
未許元臣三事擢
獨留遺老六經傳
慚余不是張童子
枉得昌黎贈大篇

河間道中

沙飛上谷近京塵
水勢東歸大海濱
五壘猶傳王子宅
高臺空憶釣魚人
營邊細柳誰家綠
渡口桃花無主春
不識九河尋故道
征帆草草過天津
飲曹秋嶽先生所印席書懷

十載流離未隱名，貂裘敝盡入春明。
買絲難繡平原俠，立雪曾深洛水情。
月照西臺千里碧，樽開北海一簾清。
故人爭泛芙蓉渚，何處風吹玉笛聲。

施愚山貽越游草賦贈

踏徧銅街未碎琴，相逢猶有舊知音。
金臺樹老空嗷鳥，冰署霜寒勝入林。
每解俸錢留客醉，祗因渴疾憶鄉深夜來。
不看長安月一盞，青鐙誦越吟。

醉後索愚山粵使稿

敬亭詩句響羣山，况復輶車五嶺還。
蠻雨一帆穿

樂志堂詩集

卷三

三

曲澗瘴烟萬里劈，重關不因多難囊遺錦。
共慰餘生髣未斑，燕市只今推獨鶴。
酣歌應解故人顏。

愚山招飲兼貽茗墨詩以謝之

浮踪何事薊門留，晨夕從君話舊游。
嶺外梅花歸賦客，杯中竹葉醉詩樓。
吳綾香試三螺潤，顧渚風來六月秋。
為指青松忘爾汝，白頭相訂五湖舟。

仲夏韓聖秋方子貽兩先生招同人集慈仁

寺松下限韻

燒殘劫火剩雙松，謾謾聲兼古刹鐘。
野鳥無心樓

別樹涼雲有意起，奇峰眼當天外看。
浮馬夢老山中怪，卧龍湯道知交搖。
落後白頭猶得竹間逢。

讀明紀十六首

金陵遺事問漁樵，三百年來王氣銷。
故國鶯嗷供涕淚，當時龍起動雲霄。
澄江壁壘風雷壯，祠殿丞嘗玉帛遙。
高帝萬年功德盡，鍾山松柏雨瀟瀟。
讓皇遺跡有空壇，封樹霏微白日殘。
垂老自憐迷道路，出亡何幸返衣冠。
滇門瘴雨蠻江黑，峽口巫雲楚澤寒。
巡狩天南還此地，空傳直北有長安。

樂志堂詩集

卷三

三

九天環珮拜龍擘，侍從從容退食遲。
戲馬黃旗秋出塞，揮毫白雪晚臨池。
金莖碧樹雲端立，玉笛春船天際移。
回首太平風日美，宸遊是處有威儀。

漢家城闕接天百，戰山河在眼前豈有刑人堪

託國坐令天子自行邊，身為孤注臨澶水，識應童

謠在豆田，聞道六軍犇散後，春深戰骨草芊芊

關吏雞鳴候起居，大同宣府駐乘輿，元戎部曲歸

天子北地，胭脂拜婕妤，穆滿游仙馳駿馬，秦皇泛

海射神魚，茫茫更下揚州路，春月江花錦不如

承露仙人下建章西宮樓閣對斜陽空言勾漏丹
砂滿唯有秋風玉殿涼夜望關門來紫氣曉看嶽
樹起神光可憐太乙青祠草華島瑤池事渺茫
太尉和戎專閩外當時丞相亦知兵降王戴寶羌
西市使者乘輅塞上盟隴陌黃雲秋雁落河湟青
草野雞鳴相傳邊事渾非昔將吏關門久樂生
苑柳宮花黯御牀九重不復事垂裳仙官奏事趨
金闕月姊稱觴醉玉皇宋殿丹書分愛子漢家白
馬重親王傷心神祖諸孫盡秋草萋萋古大梁

樂志堂詩集

卷三

五

神皇家計定堯門大義終全骨肉恩不有潛龍真
帝子幾教飛燕啄皇孫魏其抗疏身冤死丙吉扶
危族幸存一月太平孤想望三朝鼎涕有誰論
天皇嗣寶復誰依漢火中衰嘆式微錦橐竟忘原
廟天宮雲空護上公衣萇弘微草秋風厲屈子冤
旂夜月歸聞道直臣駢首盡昭陽殿柳黯朝暉
維皇建極本神明拭目中原望太平罪按先朝誅
節甫策陳內殿藉良平祇言龍躍時方盛豈道孤
鳴亂已生十八年來天命改不堪回首憶西京

誰將奇計荅君恩廟算徒傳出至尊凝碧池頭空
落葉樂遊原上正黃昏河山帶礪王侯盡龍虎風
雲日月奔猶有江南寢園在鍾陵夜夜哭諸孫
一木難支大厦傾君王端不負蒼生盧循已下新
亭舸陶侃猶屯楚塞兵殉國亡身終有恨主憂臣
辱豈無情郭門車側看封樹野老吞聲哭大行
石頭城外雨濛濛千古傷心一笛風雲暗長湖芳
樂苑月明空井景陽宮金蓮貼地人何在玉樹傳
歌曲未終豈是昊天真不弔分明一目怨湘東

樂志堂詩集

卷三

五

高皇創業本艱辛曉日中天暮海濱自散金吾三
百騎遂亾江左八千人殷王竟是逋逃主周勃元
非社稷臣剩水殘山同下淚銅駝何處不荆榛
鳥道羊腸去路長天低海濶陣雲黃崖山不救文
丞相汴水空哀李侍郎豈有星辰歸北極更無車
馬在南荒自從頓首秦庭後二十餘年事渺茫
周樂園先生席間逢楚中程石門得鄭詩言
年兄消息
薊丘入夏柳條青玳瑁筵開醉綠醅八俊初逢周

舉坐七松猶憶鄭薰亭漢廷文薦甘泉賦香浦光
浮處士星不向瀟湘尋釣侶行吟白首負江萍

范祖生見訪即送之任南康

吾道于城屬老成相逢况復故人情客來禹穴星
猶聚官到匡廬水自清執法車前隨野鹿談經帳
後奏銀笙不愁五嶺烽烟近一范軍中敵已驚

秋夕思家

底事京華未肯還西風寒逼雁門關彈殘短鈇霜
三尺思老秋鹽水一灣望月深閨驚鳥鵲悲秋壯

樂志堂詩集

卷三

三

士泣刀環故人相贈梨花酒空憶江南庾子山

夜坐東趙友沂

飄零何處問依劉短鈇相逢古帝州尊酒借人消
宿夢文章同我哭深秋高臺笛吹燕山月岐路霜
飛越國裘蕭寺一鐙寒夜永五湖生計待君謀

燕山除夕同蔣孟頴沈子相守歲限韻

浮踪十載半天涯薊北無端閱歲華驢背風寒千
里月城頭霜咽五更笳送寒今夜梅花酒續史當
年絳帳紗贏得一鐙知己在九衢簫鼓夢中家

送楚中余正公浙游二首

蕭然一騎出長安驛柳垂垂近夕看萬里上書無
狗監三江作客負漁竿樓臺南渡吹笳冷煙樹西
陵牧馬殘滿眼親朋多失意風塵短鈇莫輕彈
送子南行憶故鄉吳山風雨隔瀟湘一聲杜宇離
人淚三月楊花少婦妝不道公卿虛左席翻從兵
火挈空囊梅溪好友如相問歸夢難拋十里香

長安春感二首

無才豈許怨明時荏苒年華短髮垂紅葉溝邊花

樂志堂詩集

卷三

三

杳裏夕陽影裏燕差池眼看世故三春夢跡半天
涯數卷詩索米長安何所事江湖未瘵白鷗飢
上苑依依碧樹條誰家近夕獨吹簫三杯酒釀月
千里兩岸花開水一橋草碾香車釵股落風迴玉
勒馬蹄驕最憐薄命隨宮柳猶說君王愛細腰

送王山長浙游二首

天涯裹敝欲歸難爾我相知總一寒誰遇王生甘
結鞶漫勞貢禹慶彈冠渡江梅信孤山近學釣嚴
灘七里寬倘過南湖尋竹邇春風傳語報平安

湖山忽憶舊遊踪別我重尋南北峯不是飢寒驅
靖節誰從湖海識元龍烽傳雲夢三江動潮赴錢
塘萬竅宗幸有故人多吏隱行歌到處醉芙蓉

胡仲琛索題絳巖居

摩訶山下未追遊見說園居一徑幽草長池塘春
後雨鷺唳江岸樹中樓談經已折充宗角載酒猶
思元禮舟仲琛為先運使廣霞公尹如臯時首莫
拔七三十年矣言念不忘洵有情人
戀上林花正好渭川千畝拒封侯

題慕明府定情篇并送之任錢塘

樂志堂詩集

卷三

三

南陌春深翠柳條七香車伴玉驄騎多才司馬元
能賦未嫁臨邛不待挑水接瀟湘飛語燕曲傳鳳
凰聽吹簫最宜湖上千家雨一夜花開十二橋

清秋

清秋月落舊長安圓闕年年驛路看少嬾樓中吹
玉笛將軍馬上醉金鞍空堦蛩語風初冷老樹蟬
棲露未乾回首西園今夜飲乾坤一任路漫漫

送同社楊自西宰高要

綬縮青絲六尺裁潘花十里去時栽惡溪鱗不車

前避僭耳文章海外推抑別天街江色暖春歸官
閣瘴煙開憐余墨蠹遙相憶早寄端州一硯來

困口舟次

中流擊楫向天涯回首滄江極望賒寥落半生難
側足飄零四海任無家邨荒越岸空朝爨地接吳
山遶暮霞每欲乘風飛碧漢迢遙何處泛浮槎

題退谷和張坦公先生

遂初賦就得閒身曲徑苔生綠似茵數卷新書傳
甲子一聲清磬息風塵青松未改山川色白髮偏

樂志堂詩集

卷三

三

宜鳥雀親余亦倦遊思問渡春風十里湖花津

和龔芝麓先生贈別原韻二首

一片秋聲入夜虛經年何事薊門居祖憐子厚投
荒服謂秋嶽
曾侍即獨倚君山讀異書雙關風雲隨燕雀

五湖波浪泣鯨魚不才自分歸畊穩消息從教到

草廬

布帆十幅問鄉關腸斷江南庾子山萬里霜摧頭
欲白一天葉落雁初還笛吹東閣驚殘夜酒對西
園慘別顏歸去豈愁無釣侶夢依杖履尚追攀

春日旅懷

六街春色逐駢驪忽卷崩沙下碧嵐毳帳笙歌花
爛熳銅堤楊柳燕呢喃三年漫學屠龍技一榻空
勞捫虱談極目燕雲猶蔽日漁磯無恙在江南

衛河夜泊二首

日落天津走逆流河迴百折撼孤舟荒邨小店蘆
中出禿樹涼雲水際收千里舳艫供牧馬一天星
斗間牽牛北來不草長門賦歸路還宜及早秋
忽見桑麻似故丘西風轉促旅人愁柝聲夜急黃

樂志堂詩集 卷三

早

沙岸蟲語涼生白露秋心是山雲忘去住身如水
鳥信沈浮十年遊倦不歸去閒殺漁鄉范蠡舟

送沈繹堂先生之官大梁

多病相如豈吏才鳴珂驛路使星催趨班暫遠花
甌日遠勝先登銅雀臺續史帳中搖白筆談兵湖
上拂黃埃夸門尚有侯生在隱吏應為長者來

聊城道中

清湖渡口一帆開路入平陽遍草萊野鳥自啼巢
父墓秋風獨上魯連臺戍樓笳咽三更雨驛騎花

摧萬里埃聞道江東猶戰伐登陴何處射書來

送俞右吉之閩

溪邊垂釣坐雲根遠別無端酒一樽度嶺寒飛霜
後草涉江烟息戰餘邨山中橘柚知吾老海外文
章待子論賸有南州高士在定教一榻下陳蕃

庭梅盛開呼兒曹詠之得勻字

歸田賦就不辭貧梅信猶能報主人童僕不知培
植久妻孥空解歲時新豈因土薄香偏瘦可道霜
寒色未勻寂寂江邨無驛使堦前誰折一枝春

樂志堂詩集 卷三

早

秋日秋嶽先生重過草堂和韻

城南無恙一溪寬攜榼重過訪釣竿太傅頻年航
別墅大江何日息狂瀾卜居未遠青山志時先生
欲卜居
吾里失路同憐白眼看見說五星新聚井鹿門夜話
好拔肝

秋雨病中

病入初寒正授衣秋聲瑟瑟到柴扉可憐垂老營
婚嫁不惜辭官采薇薇數畝香稻風外綻一溪野
草雨中肥高眠但有青山夢自笑年來生事微

春日送錢爾載之南昌

春日章江我舊遊憐君千里泛扁舟灘過嚴瀨山
重出嶺度萍溪水復流楊柳一帆歌款乃桃花兩
岸叫鉤輶相留自有陳蕃榻看月還須上庾樓

九日吳準菴招同屠昭仲展馭家明遠天穀
飲家園舊亭于時余目疾初瘳

故鄉何處不登臺老友招攜病眼開豈望白衣來
戶外且尋黃菊入林隈午橋廢圃荒三徑九日孤
亭醉一杯笑向花前霜滿鬢龍沙千騎憶追陪

樂志堂詩集卷三

望

秋日送樂天張明府歸任丘

交從難後見風稜愁對尊鱸別季鷹十載有情留
白社九閭無路辨青蠅山後日暮多啼血塞雁秋
高欲避矰易水蕭蕭京雜近故人猶竚鶴書徵

送錢爾載之太原

江上深寒匹馬遲蕭蕭客路朔風吹渡河花映三
千里入塞衣添十二時撥霧摩碑尋石室踏冰洗
藥問仙池留連王儉芙蓉幕

謂言遠方伯

始信文章亦

療飢

四十九歲初度

不知四十九年非靜掩江邨白板扉未老青山驚
雪鬢長依涿水製荷衣歸田有婦能借隱抱甕無
心自息機獨酌獨斟成一笑平生元是與時違

贈胡天岫移居周青士宅

荆溪舊族本蘭陽烽火流離失故鄉汎宅年年梅
福市著書字字葛洪方紫桑娛老黃花晚蓬葦依
人白髮長西漢東屯三徑好尊前顧曲約周郎

送周青士之太原

樂志堂詩集卷三

望

陽關唱罷上蘭舟天北天南去客愁羨爾久甘梅
市隱因人亦作太行遊雪飛千里吟驢背月落三
更上驛樓到日羣誇先後客風流誰憶故園秋

時言遠曹倦爾命右吉錢爾載朱錫
名家茂斯武曾俱在晉中故云

中秋後同年吳伯聞見訪草堂小酌用伯聞

原倡韻

江邨久斷故人車嶺望仙霞路更賒不謂范張能
踐約由來孔李是通家持螯且醉一杯酒攜手還
看三徑花回首并州前夜月庾樓風雅少年誇

伯闇偕皇脩自燕歸闕州堂送別

渡江倦聽五噫歌時余江屏跡秋郊上客過話到

西京餘慷慨思歸南國悔蹉跎扁舟微瀨迴湍急

匹馬甌池落葉多驛使黃田煩寄訊舊栽桃李近

如何

朱近修六十祝之以詩三首

少小論交風雨秋幾人能憶竹林遊題詩甲子遺

青史散髮江湖恨白頭去國十年看逐鹿入山五

月夢披裘折巾郭恭聲名在流浪還同元禮舟

樂志堂詩集 卷三 留

山南水北聚無因千里鵲啼故國春湘沅已甘拳

薜荔風雲誰想畫麒麟餘諫草猶存越看遍江

花不記秦海內知交搖落盡鄉園容易白頭新

吾老傷心五十年君年加十意蕭然桑麻谷口開

花徑車馬江干訪釣船豈為儒冠難報國曾從僧

院且逃禪婆娑堪續香山會扶杖時呼醉謫仙

送吳懷遠

翩翩年少五陵豪虎帳談經飽六韜金埒慣馳王

濟馬寶鏤新飾呂虔刀院中對策搖斑管殿上簪

花賜錦袍好為老夫成宅相懷遠余外甥泥金早

望到蓬蒿

送范民章懸壺吳中

酒徒日日醉高陽癡絕偏交顧長康不愛游山尋

異草卻從讀史得神方遺編長記鳴蟬賦民章蟬

南遺稿若千卷垂索難供飼鶴糧豈必吳閭能問道越來

溪畔憶家鄉范本婺州人移居吾里三世矣

邨居雜興二首

解事山童正灌花老夫睡起日痕斜經春驛使空

樂志堂詩集 卷三 留

傳札冒雨僧船肯送茶繡出平原絲漸少爨逢仙

子手重爬客來但翦園中藪不用東陵五色瓜時

爾載書故前傳札之句

江雲溪雨麥秋多着屐尋山遣病魔藥草初栽團

白露釣衣新製翦青莎雞園喜話吞鍼術牛背羞

聞扣角歌忍辱仙人年五百何須日返魯陽戈

林木文移酌州堂同周青士作

日落西風雀噪門張羅評有客相存青後擔榼穿

籬徑朱老扶筇過水邨藥鼎訣傳燒白石溪菴鐘

度報黃昏接羅醉倒山銜月不負花時一夕論

送徐皆山之秦省其兄遠章

三徑幽吟日日同忽驚鞍馬去牆東白頭兄弟能
分俸青眼交游宵念窮驛路秋開花似雪山城夜
上月如弓到時為語神明宰莫忘秦風賦小戎時方

兵用

歲除書懷二首

無端歲月往來頻四海空囊笑此身已典鷓鴣裘
過臘未醒蝴蝶夢回春梅花信入青山舊竹葉杯

樂志堂詩集卷三

哭

傳白髮新但勸老妻休絮絮天涯尚有未歸人

長貧無復怨天涯一室悲歌兩鬢華欲學仙方惟

忍辱不談佛法亦拈花寒風塞北音書斷春草江

南道路賒爛醉屠蘇興不淺願言守歲阿咸家明遠

有避歲之約故云

元旦二首

蓬徑晨興懶送迎翩翩裘馬賀元正朝天有路江
雲暗涉世無情溪水清春入舊年吳岫雪花吹曉
日越山晴老夫讀罷椒盤頌細酌屠蘇祝太平

憂心多故自年年曉起愁香學坐禪諸相已離仍

入世三椽未結且隨緣江湖波靜羣鷗汎林壑風

清獨鶴眠二十四番花信晚老梅偏許一枝先

和皆山春日書懷韻

秦烟楚火逼征塵越舞吳歌鬪獻春可笑醉鄉還
進酒誰知亂日正宜貧鶯啼竹厂鶯清夢犬吠花
柳畏雜賓玉勒金鞍行樂少青岑忌爾獨閒身

登北高峯回家二則作

雙嶺岩堯曉霧開扶筇極望大江隈三秋麋鹿荒

樂志堂詩集卷三

哭

吳苑千里風煙落楚臺城郭依稀林樹外帆檣洶

湧海天迴桃源何處津難問未暇登臨泛酒杯

正月十六夜夢曾惟闇至

哭別榕城二十年那知信斷一江烟梅花忽到春

偏早柏酒重溫月正圓賦就長門心草草讀殘青

史淚賤濺間關料爾相思甚昨夜魂飛路幾千

春州四首

河畔離離送客亭東風習習感飄零罽袍人過迴

堦綠玉勒驄銜出塞青香點落花常舞蝶夜團涼

露不飛螢相思莫上江南道易斷人腸月滿汀

輕裾拂地列重茵一望萋萋近水濱不藉春風溫

故谷那知草色怨芳塵青垂書帶窗前好綠繫羣

腰雨後夕白首朱顏心可結年年常伴報恩人

南浦西洲笑逐臣青青偏向白頭新徑開今夕憐

何夕路斷深春憶去春城外烟籠吳岫色陌頭雨

洗殘江塵多情不入紅亭市長伴空山老負薪

年年芳草恁王孫不斷山邨共水邨爾似有情仍

翠陌我因多故老青門金丸落處隨游騎油壁歸

樂志堂詩集 卷三

哭

時斷客覓回首江東歌舞地獨留鳥雀伴黃昏

祝同社王方伯言遠七十

共向莊園祝大椿窮交賞酒說前因青蓮獨出三

千界白社猶存八九人敬聖已詩草秋閒編甲乙

王詩集有經傳古洞注庚申求賢林壑思黃髮珍

秋閒草重龍圖未老身

八月寄徐皆山家季奕武曾分虎

去秋曾記賦同游踏遍溪橋月似鈎沙塞風高吹

簾篔江邨夜靜引瑩篔花津夢灑孤臣淚草閣寒

添處士衰老去登臨興不淺何時重上庾公樓

病後中秋喜徐兼六見訪同范民章林木文

小飲

病怯初寒露滿天愛看明月坐樓前黃金世路餘

貧骨白髮交情尚少年狼藉杯盤喧鬪酒婆娑杖

履笑逃禪愈風何必陳琳檄一夜酣歌起謫仙

九月送吳孝章瞻今之京師兼懷準菴工部

和陳升萬韻

年年九月約登高盪槩尋山二仲豪忽起雄心鞭

樂志堂詩集 卷三

哭

北馬忍拋老友嘯東臯渡河秋色黃花少入幕霜

飛白羽勞近日水衡錢莫問可能減俸醉分曹

送家分虎北遊

皖口歸帆曾幾日薊門征騎又催秋三千里外飢

驅路二十年來雪敝裘躍馬高臺驚武庫看花上

苑醉余甌匡時定有籌邊策豈獨詩名動五侯

溪上登樓觀穫稻

太湖香稻西田蚤纔過重陽穡事稀樹挂斜暉紅

葉瘦啄殘餘粒野鴻肥卷簾閒眺心千里問閣高

談事半非見說江東勞轉粟吳農猶得療秋饑

婁東遊王氏專齋二首

不到婁江三十年白頭重泛木蘭船為尋耆舊來
專齋得伴風流入輞川綠野百年留相業紅泉一
道掃塵緣東岡勝事難圖畫請讀香山池上篇
城東小榷晚潮迴晴眺烟雲四面開入徑渾無金
谷氣過橋仍隔竹林隈山形百折忘真假樹色三
朝閱去來忽接僧談轉幽寂諸花香處是蓬萊

吳門酬趙山子

樂志堂詩集

卷三

五

一燈孤館話偏真吳市吹簫歲月頻慣以濁醪消
塊壘未教短褐避風塵竹邊鶯管吟新句江上鷗
羣憶故人探得梅花消息近扁舟去泛洞庭春

鄧尉看梅之約

喜周鶴田見過并送歸皖

江左風流四十年買山只合問龍眠憂天枉灑長
沙淚周曾伏闕上書好道閒尋白社蓮梅市烟寒三月雨
海門潮上五湖船相逢未遂登臨興話別河干意

黯然

夏日酬徐皆山見懷原韻

年來踪跡與君同老去貪眠竹下風世事全忘茅
屋外交情半在布衣中慣隨白髮吟詩婢頻問青
山采藥重相約納涼溪畔近扶筇先過石橋東

六十自嘆二首

萬里鯤飛志北冥誰教垂老尚飄零千金不草長
門賦五壘空傳玉女經天外故人青白眼夢中客
路短長亭已知不是經綸手醉後微看處士星

高陽客散賸狂夫蘆雪菰烟可自娛萬里關河孤

樂志堂詩集

卷三

五

劍在十年京雒一書無結廬恨少青山角有子愁
非白額駒卻笑雄心銷未得夜深猶起讀陰符

上已祝同社蔣丹崖明府七十

珠槃玉敦夙相將回首流光四十霜吾少八年先
雪鬢君多五柳結雲莊欲知遺愛秦碑在每問新
篇鄴架葳門挂棗弧剛上巳南邨溪畔共流觴

同東宣弟自郡城之茗溪途中作

天涯歷落一虛舟亂後歸來賦近遊半世曾憐諸
弟隔空囊難解老妻愁鴛鴦水落看青艸苔雪溪

平泛白鷗西望微
范山色起高岑欲訪舊登樓

同徐道力太史飲家青來醉茗齋

帚屐年來散竹林
知交海內半浮沈
鶯花四月宜

家飲蛩夢三山愧
旅吟余客三山詩州也宿雨獨催青

草信飛鴻不礙白雲心
飢驅兄弟將南北何處驪

歌是好音

上巳寄友

翠幙金甍古渡頭
西池南苑少年游
曾思捧劍回

雙闕不道流觴限
一丘帘漾新花紅
照水燕銜細

樂志堂詩集 卷三 垂

草綠依樓故人賣賦
羈京洛定向華林泛采舟

樂志堂詩集卷四

今體詩

雨夜寄徐文匠

魚喁知水急鳥倦報更遲
不識丹霞路江花寄一枝

枝

載花

手板非吾事歸來且載花
游蜂采香去知是落誰

家

歸

樂志堂詩集 卷四

折敢向故園

岸青登臨曾有意已負醉翁

亳州舟發

河曲呼風小山晴落照多
蘆花兩岸雪不敵鬢雙

鬢

金陵值家武曾至自燕分虎至自家率爾志

喜

且喜離家近相逢此地俱誰知
桃葉渡竟作竹林

雙峯訪萬因和尚

幽尋東閣外山斷白雲齊
知爾開龍藏因予過虎

湖上得兄霖叔黃巖寄書

酒少蘇司業園無顧辟疆
遠書開一束且緩夢池

樂志堂詩集 卷四

朱龍橋

水澗車行澗沙平野接橋
不知茅店酒可使客愁

蕪門山

結想蕪門嘯登臺一惘然
下山看不厭惟有百門

津亭

沙平結釣鄰石斷移樵徑
谷口雲氣生孤亭晝欲

秋夜病中偕魯惟闇惟久待月

海岸水侵城松巢風滿閣
層雲惱病夫不遣秋蟾

送譙實菴

我送大堤下君上大堤行
風吹堤上柳春日別離

送徐平叔

仗劍渡河汾白日已西下
古道風蕭蕭行人策笻

樂志堂詩集 卷四

蓼園雜咏六首

結屋鄰清溪溪清清見底
時有雙白鷗來浴清溪

水蓼遶陂生秋來發紅萼
任他涼風吹不與蘆花

落

濯足向寒泉明月已東上
獨有釣魚人扁舟自來

往 吾愛陶淵明看花復飲酒
醉卧北窗風天地復何

有

一夜水淙淙情知雨氣濃朝來步溪上開遍木芙蓉
白日忽已暝暮禽相與閒醉起踟明月露寒人未還

錢江舟次

五年九度泛錢塘越嶺吳雲此夜涼回首舊遊南國雁到今零落不成行

秋軒軒在三山

元亮罷官全賴酒少陵病廢可成眠關山到處同

樂志堂詩集卷四

四

明月只有南飛雁滿天

七夕詞四首

白露橫秋碧漢高建章萬戶盡蓬蒿相看莫問乘槎事銀水河邊空慕瀟

海上仙山白玉光空將鈿合謝君王長生殿角今何語新月高懸枉斷腸

朱樓天半度秋雲少婦凭闌夜欲分自是紅顏多失志秦淮簫鼓不堪聞

高高明月帝城遐閣道雲空萬里槎南望蒼梧空

有淚九門荆棘動吹笳

九日登烏石山借童木有同年作

萬里秋風一雁來登高何處望鄉臺愁多欲問陶家酒無奈黃花背客開

聞兄石友訃哭賦八首

一曲驪歌淚暗垂三年客裏最相思那知此日送行處便是今生長別時

有客仙霞嶺上行書來然否未分明生離死別尋常事只恨秋風李少卿

樂志堂詩集卷四

五

江邊事業已灰塵海外風波尚苦辛天上人間同悵望弟兄都是夢中身

四海烽烟黯不開布衣授命豈須哀茂陵尚有遺書在留待君王封禪來

天時人事總茫茫長夜昏沈白日光死若有知應有恨好從地下訴高皇

河山邈矣裂冠巾正氣維餘草莽臣身體髮膚那敢毀九泉端不負君親

上將空勞呼渡河中原誰復荷干戈寧無一事愁

身後臨死維聞喚奈何兄屬續時事

上天入地總難論欲叩巫咸閉九閻南北東西無

可託汨羅江上賦招魂

訪許祈年不值

野外編茅滿逕苔釣魚師蹋夕陽回水邊籬落秋

雲鑠不許閒人看竹來

送家傳叔

客中兄弟最相親匹馬重尋塞外春一曲尊前折

楊柳明朝都是遠行人時余亦將他適

樂志堂詩集

卷四

六

得顧劍英吳荆倩徐庾清書

雲中鴻雁水中魚地北天南賦索居患難餘生雙

病眼秋風萬里故人書

寄彭雪襟

故人萬里逐孤蓬楓葉蘆花兩岸風愁殺潯陽江

上客琵琶一曲月明中

養病脩武酬張繡山明府

故人為宰在河陽為訊平安到草堂不是相如偏

善病茂陵秋雨最淒涼

借許天玉余式如家匡侯訪魯惟聞惟久小

飲

訪隱招尋躅布鞵邨扉不改舊時狀樽前莫惜各

沈醉今夜小亭風月佳

題伍石叟花縣圖二首

剝水殘山春事賒春風一夜長桑麻如何吳市吹

簫客來種河陽滿縣花

開元遺老最難忘手劈吳牋落墨香不是太平新

有象那能花下醉潘郎

樂志堂詩集

卷四

七

和韓固菴詠菊四首

紅闌芍藥已成灰淥水芙蓉一夜摧維有菊花舊

相識秋風零落向人開

春分微雨好分葦辛苦偏裁冷澹花此是花中真

隱逸未容熱客訪山家

一番花信報重陽未到深寒尚有香不是東籬偏

種菊愛他十月鬪絲霜

羅含宅裏動秋風陶令門前夜月空蝴蝶飛飛蜂

欲去更無踪跡菊花叢

曉坐

吹笛誰家倚酒壚江臯木落雁行疎昨夜無端秋
漏永一簾月照病相如

秋閨思

秋高明月落長干舞袖凝寒掩淚看鴻雁空來音
信斷天涯何處路漫漫

遺問十四首

南國芙蓉依舊開蒼霜無復美人來夕陽江上空
回首一句離騷酒一杯

樂志堂詩集

卷四

八

遊子爭誇太史詞名山到處一隨姬風流何過歸
蠶室自古文章數獨奇

校書天祿一文人不信揚雄竟美新舉目河山雙
涕淚吊湘心事向誰申

獵騎長揚萬壑崩長弓短鏃鬪峻嶒當年亭尉如
何吏能止將軍宿灞陵

蔡邕豈願涉三臺只為浮名偃蹇來六十老人總
一死司徒何意不憐才

賣字流離買劍尊陳琳草檄莫重論側身記室渾

無賴猶感將軍不殺恩

烽烟彫悴仲宣身卻笑荊州貌取人三世漢恩應
不負窮途復整建安巾

彈琴何事殺嵇康太學三千淚兩行可信神仙求

不得山陽柳色一朝霜
枕戈夜夜動星旂難起同盟事已非江左到今思

越石登樓誰解晉陽圍

青囊九卷絕人膽有女廬江取未曾柏樹南岡千
古恨徒傳詞賦冠中興

樂志堂詩集

卷四

九

陶公豈為買山資歸去來予一賦遲卻問酒錢何
處得花開彭澤到今思

鄉關曾望子山來朱崔先奔騎不回身歷數朝多
得志江南一賦亦空哀

讀書萬卷一身空遊宦何人訪葛洪只有山中陶
宰相華陽依舊聽松風

巫峽巫雲幾度春綠蘋紅蓼滿江濱少陵事主非
無祿萬里飄零一病身

秋日懷錢柏園胡則先

梧桐葉落閉重關千里勞人去不還吳越一江南
雁杳忍教秋色老秋山

泊桐廬

飄零客夜意何如到處江花入夢虛見說人家兵
後少一鐙漁火照桐廬

送葉柯玉之建州

風雨頻吹送客亭春江無恙遠峯青頭網最好茶
新焙九曲溪流一櫂經

廣陵作

樂志堂詩集

卷四

十

十二樓高競玉簫珠簾遙映廣陵潮誰將歌舞留
年少不記春風別渭橋

題歸雁圖

菖葉蒲芽翠滿湖一羣歸雁起相呼只應嫁作燕
山婿莫再南飛逐鷓鴣

宿釣臺下

荒祠無恙綠陰圍日落峯頭鳥倦飛袞袞灘聲流
不盡月明惟有釣船歸

漁梁曉行

木城半閉一橋霜枕上灘聲入夜長客久無須雞
報曉未明十里下漁梁

秋仲復之漳泉途中作

初黃橘柚乍凋荷茅店頻驚病客過走馬莫嫌千
里遠無家還恨一身多

漳州謁文信國祠

海東難立小朝廷正氣歌長不忍聽一自天南軍
散後何人片紙寫零丁

贈琵琶妓

樂志堂詩集

卷四

十一

輕彈細撚四絃分不似蘆笳月下聞惱殺江州白
司馬曲終楓葉落紛紛

臥龍山遠眺

凭高宛在畫圖間萬井人烟四面山無復蓬萊舊
高閣斷碑零落蘚痕斑

揚州雜咏二首

湖海詩人久寂寥重經二十四官橋風流何遜今
安在坐對梅花共雪飄

玉笛銀箏盡少年納涼郊外綠楊船老夫不是黃

門客那得金貂作酒錢

丹陽道中

江入丹陽路幾彎孤城月落尚開關獨輪車轉羊頭小遙指青青句曲山

雨泊淮上

土作牆匡葦作籬居人彊半是漁師孤舟乍入淮陰市一水猶存漂母祠

謁老子廟

相傳仙李信同枝入毫先尋老子祠騎得青牛何

樂志堂詩集

卷四

十一

處去函關西度到今疑

謁莊子廟

觀魚何必在濠梁偶爾逍遙水一方豈為微官存廟食江花猶帶漆園香

過韓信壇

野草蕭蕭泗水寒戰場空弔夕陽殘早知劉季酬功薄拜將何妨不上壇

過十八灘

峯痕齒齒蟲重灣章貢爭流去不還到此寧無惶

恐客灘聲猶似哭文山

過韶州哭姪曉令

嶺南燧火正烽屯我到錢塘子出門豈是去秦為逐客竟同入楚賦招魂

春感二首

天南梅子正垂枝江北梅花未放時春隔萬山何處好一圍風雨故人思

未老鶯花二月中一枝一葉任東風畫梁落盡殘

泥壘燕子猶能識故宮

樂志堂詩集

卷四

十一

庭梅二首

貪看江梅憶遠行歸邨手植十年成美人來暮花先發無奈春風不放晴

春生三徑暗相催梅信年年犯雪開欲折一枝尋

驛使茅堂無復故人來

花朝再咏庭梅

春寒梅蕊雪慘慘寂寞衡門總不堪耐得花朝花未落應留春色在江南

遣懷二首

幽棲應得故人疎，自信無才不著書。
茶臼酒鐺明月夜，山中夜夢匡廬。

江上斜暉老薜蘿，出門何用五噫歌。
維陽春色多如昨，飲馬曾過洗耳河。

贏得二首

贏得長林日似年，數竿修竹伴高眠。
行吟澤畔非吾事，老至何須復問天。

贏得邨居病更閒，不耕不釣坐花間。
五陵年少休相笑，猶勝封侯老未還。

樂志堂詩集

卷四

古

邨居

無數落花水一涯，香清自煮洞山茶。
籬邊過客如相問，不是青門學種瓜。

中秋坐雨

天柱峯頭月正圓，雀羅門巷雨聲偏。
甌南冀北無消息，何處秋光似昔年。

重陽前三日

小苑芙蓉照水香，登樓不見麗人妝。
蕭蕭暮雨吳娘曲，搗破琵琶枉斷腸。

寄揚州友人

一別秦淮興寂寥，五年不見廣陵潮。
最憐三月桃花水，紅袖酣扶廿四橋。

將之廣州寄王言遠

珊瑚洲北白雲隈，涿水芙蓉五月開。
昨夜珠江應有夢，飢驅萬里故人來。

題徐文匠八千里集

徐自漳州至平涼所作詩也

風雪關山匹馬馳，八千里路一囊詩。
可憐紅豆江南曲，唱與黃沙塞上兒。

樂志堂詩集

卷四

十一

春詞

宮柳垂垂古渡頭，紅塵白馬少年遊。
誰家不解春消息，獨許春歸十二樓。

懷兄青來在粵

烽烟初息五羊城，問路西江尚未平。
六十老人遊萬里，霜天孤月半樓明。

憶舊

閱盡交游鬢已斑，歸耕十畝得閒閒。
夜來無數相思夢，半在閩山半婺源。

過富春

平空野草入孤城萬壑寒烟雁叫清江上原田春
晦晦荷鋤誰學子陵畔富春山有嚴先生畔址

蘭陵即事

沙草秋江帶月黃旌旗何事斷河梁相逢盡道官
兵苦况是征人在異鄉

別丁元闢余伯極諸門人

雲物淒涼雁叫秋夕陽無限故人愁相思河畔青
楓老一葉西風去客舟

樂志堂詩集卷四

亂石堤在滕王閣下

章江門外水痕齊晚泊扁舟亂石堤誰向荒臺思
帝子年年杜宇一聲啼

途中作

披裘五月渡河東勒馬蕭蕭古樹風望氣臺前頻
悵望不知身是白頭翁

趙洞門年伯席上賦

水精簾子卷輕寒紅豆聲聲曲未殘一自故交零
落後更無消息到江干

偕同年夏藻園之金陵

大江東下水潺潺與客乘舟落照間此去不尋桃
葉渡杜鵑啼處問鍾山

席上題

一曲尊前唱鷓鴣江南行客淚如珠坐中亦有田
丞相醉後休嫌灌仲孺

歸舟口號

廣陵千里送歸帆浣盡黃塵客子衫猶有梅溪敞
廬在春風雙燕自呢喃

樂志堂詩集卷四

哭姪龍生

剩得餘生返故鄉弟兄零落舊門墻可憐白髮零
丁叟又哭秋風十二郎

題王介人詩卷

藍田秀句久沈淪一曲新聲妙入神共道右丞家
法在風流畢竟屬何人謂言遠

富春江上

萬事銷沈一病身並遊年少各風塵富春江水浮
桑岸只有青山是故人

江行感懷

老去無家復遠遊春深樹色暗江樓相逢莫訴餘
霜鬢自是愁人易白頭

江郎山

石門西去正斜陽天外三峯入望長何處深山人
不到白雲只許贈江郎

天涯

晴江柳色入春衣雲出無心鳥倦飛南北東西都
可託天涯只恨故人稀

樂志堂詩集

卷四

木

柘浦舟中

萬里秋風賦遠行飄零書劍悞生平經年客路消
雙鬢不是車聲即槳聲

滄峽道中

獨插峯頭一樹寒層層月影落前灘豈應只許漁
郎渡過客長歌行路難

琵琶曲

絲中傳語一聲聲鄰上玲瓏舞袖輕紫塞琵琶明
月夜烏孫公主不勝情

昭君怨

宮柳垂垂照玉池飛花不斷上林枝真成薄命紅
顏在莫恨無金賂畫師

廣陵寄客

高枕泉山足解嘲累君千里出衡茅當闕吐握憐
勞吏莫道人情貴易交

自湖口至東流縣作

西江水脈接東流湖口平分萬里洲少伯扁舟何
處去石門相對洞庭秋

樂志堂詩集

卷四

九

南雄舟中對酒

風雨扁舟江上春天涯獨客更誰親早知杯酒陽
關外何必相逢是故人

春感二首

湖邊楊柳綠沿堤枝上黃鸝一晌啼多少別離芳
艸路春來風雨自淒淒

宕子關山離別愁畫梁乳燕鏤空樓梅花依舊春
風裏無奈開時已白頭

偶題

天津一夜聽鶉啼更向南飛路已迷無數春閨離
別恨不教傳語到遼西

邨居立春日作

歸來三徑菊猶存郭外蕭條獨閉門為問宮梅幾
樹好花開應憶故人思

張樂天明府貽書言歸詩以留之

江邨霜落長蒹葭得遂初衣到處家叢桂留人休
沐地不妨梅市話桑麻

酬樂天贈別原韻

樂志堂詩集

卷四

辛

五柳栽成湖上邨秋來忽憶舊柴門輕橈漫怨東
流水廉吏生還亦 聖恩

送徐子大公車北上

送君千里赴皇闈躍馬春風柳汁衣莫謂治安無
一事上書先奏浙秋饑

歲除書感

寒歸塞北散花少春入江南柏酒濃一飯不忘成
底事敢言心是後凋松

偶感

亭亭曾向玉階行長信宮愁處處生多少花源人
不到平陽歌舞自傾城

題項孔彰孺慕小影

半山松柏雨涓涓夢裏音谷四十年一幅吳牋雙
淚下分明重畫蓼莪篇

偶題

花飛將落舞前檐燕子猶來拂卷簾歡笑無端春
欲盡垂楊橋外雨纖纖

病中喜楊鄰三至

樂志堂詩集

卷四

辛

苦吟善病總沈沈百歲光陰在眼前閒看浮雲馳
野馬不知有客到籬邊

苦雨

天柱西傾四十秋補天無術杞人憂世間定有迴
瀾手坐使淫霖遍九州

一病不起口占示兒曹用陸放翁韻

事到頭來一樣空烏鳶螻蟻總相同維餘四十年
前恨腸斷江南陸放翁

〔清〕喬于洞撰

思居堂集十三卷首一卷

清乾隆二十一年喬序駕刻本

乾隆二十一年四月鐫

休逸老人訂

思居堂集

本衙藏板

序

詩以道性情文以足言言以足志由是觀之非性情心志之自生而勉強為詩與文則必不工甚或偽體於是焉出高者喜新異軋茁弔詭認須眉於幽夜叩音聲於濕鼓卑者標浮艷風雲月露繪優孟之衣冠塗東施之脂粉兩者異病同原耳若乃性情心志之用光明坦易真摯磅礴觸手成

序

章不求工而自無不工古之作者大較然矣六叔休齋少學聲韻于江南梅和叔學古文於仲叔澄潭公已而從張拘齋郭存齋諸先生遊而詩文益進叔之言曰或云學詩不可從宋人入即屏置宋人或云初盛中晚分四唐當辨其所以分即涵泳尋究始而見其異繼而見其同終則見其大同夫詩之宗唐與李滄溟合而因異得同

更有以化毛西河之町畦也又嘗著文論上自左國下訖唐宋論次畧條大要謂文章之道以理為主以氣爲輔以意爲骨以詞爲肉而學文者宜師韓柳論載集中觀叔之言而文可知已顏嘗讀所爲詩與文每展卷諷詠數四覺光明坦易之懷真摯磅礴之氣勃焉振興乃知性情心志之感人有如是而絕非前二者所可竊似殆所

序

二

謂不懈而及於古者與歲甲戌次子駕宦浙之鎮海思哀而刻之請於家得如干卷而屬序于顏顏亦何敢然重違叔命謹述於端以俟博古君子論而定焉乾隆二十一年孟夏月姪學顏書於鎮海署中



思居堂集目錄

猗氏喬于洞休齋氏著

卷之一

五言古詩三十四首

卷之二

五言古詩三十四首

卷之三

七言古詩一十九首

卷之四

七言古詩二十一首

卷之五

思居堂集

目錄

五言律詩六十一首

卷之六

五言律詩六十二首

卷之七

七言律詩八十首

卷之八

七言律詩八十首

卷之九

七言律詩八十三首

卷之十

五言絕句二十八首

七言絕句六十四首

雜詩六首

詩餘二十九首

卷十一

賦九首

卷十二

論三首

序五首

記三首

卷十三

引一首

書二首

祭文四首

告一首

說二首

墓表一首

銘一首

男 學衍椒蕃

婿虞鄉胡元長邁庸

同輯

思居堂集

目錄

從學沁水陳其道獻廷

張遵孔蓮濱

解州介玉濟廣陵

虞鄉胡經虞舜思

姚有成聖期

同邑景思貴古脩同校

輓王樸齋進士

無計逢君話篋開檢舊書春歸三徑冷月上一簾虛過

墓慙徐劍瞻雲驅范車泉臺今寂寞何處子雲居

癸酉秋八月和喻武功臬司中秋登明遠樓懷衛

爾錫中丞韻

秋色平分夜當樓覺倍親最憐今夕月曾照舊時人天

潤橫銀漢星踈孤玉輪臨風極目處一望一回新

爽氣城頭迥梧桐葉乍殘風高從俯聽山遠可平看燭

影連星曙林光帶露寒低徊今夕事閒眺到更闌

先府君與邑中諸先生約詩社相酌和者若而年然

不自收拾絕無存者前癸酉八月洞從先君宦

思居堂集

卷之首

署有與喻武功臬臺懷衛中丞二首洞錄存之又

尋得一首今姪孫序駕將刻洞所為詩文因并錄

寄俾冠諸卷首云

思居堂集卷之一

倚氏喬于洞休齋氏著

五言古

述懷三首呈王孝廉先達

少小抱幽奇孤懷獨徑庭
蝸蠅誰能爭鐘鼎事猶刺心
與古為歡懶與閑相稱
一自嬰垢氛頓減宿昔興
逢時務相合入世期能應
帖括竊俗譽心迹渾無定
四舉入秋閑風簷戰不勝
文章豈有權時數亦云聽
自顧年華晚身世兩無証
出門稀蘭臭入室嗟惡器
丈夫漫白頭撫膺雙眸瞪
慷慨發長歎有懷為誰罄

思居堂集

卷之一 詩五言古


一

逢金張子翩翩有餘姿
駐馬聊相問僕御為遲遲
愧我匪五柳正復拙言詞
囁嚅鞍馬側應對多參差
寒士無弱骨貴客惜威儀
枘鑿安足論遠邇空爾為

日暮涉長道四顧何茫茫
寒風吹我襟怒馬心內傷
榆枋慚倦翼雲霞愧遠翔
返步遲來路遲遲歸我鄉
我鄉綿以邈顧盼徒徬徨
鳳皇來天際千仞下輝光
惠我好音示我以文章
文章既榮榮好音復鏘鏘
所嗟有乖睽攬輝不可嘗
安得假毛羽長鳴入漢漢

叫雨鳩

天色陰冥冥雨氣隨雲布
斑鳩屋上啼聲聲叫姑惡
自訴平生冤遠潤事何預
人皆謂爾功荒唐非有據
昨日



天早時羣鳴了無故
乃知世間事庸庸多遭遇
適然得功名金石流芳譽
勿乃叫雨鳩畢竟何足慕

吳子處厚為天章先生嗣君以本生母大事至運

珠落魄瀕行贈以詩

哲人久已萎湖洞杳何及
幸有名山藏煥我三晉色去
年到蒲阪慈慈問燕翼
玄亭何寂寞徒壁蕭然立
有弟將八旬初謝鯉堂席
衰病擁衾凋冬寒不能出
有子遠行役嘗為珠桂瓊
頃來離城遊過我客中室
所持韓子書見患微君蹟
微君墨成寶蘭亭匪易得
周鼎與商彝珍重同什襲
韓子吾故人睽離歲華失
展指見眉宇如承珠璣日
但悲名賢後佗際寡相識
明月豈終晦眼前

思居堂集

卷之一 詩五言古

二

珠鬱抑余為同病憐挽留
聯晨夕縱談玉繩低早起
輒促膝深羨丹穴資翻恨
竹不實傳天會有時努力
綿先澤

酬韓雲濤

朔風吹寒天容自蒲阪
至雙鯉銜尺書乃是故人
字盤露發其函五雲煥
光霽錦繡爆爆如金石鏘
鏘似意氣真慨慷丰采遠
相示讀罷還問客故人近
所事常將一卷書堅壘却
家計不煩俗眼青別自寬
天地我方困筆耕白髮臯
無寄心蘭久踈澗蕭齋
真飽繁忽聞空谷音頌生
飛動意不謂土木人高情
勞注記感激裁寸心轟聲
鳴細碎再拜付歸容懷抱
安能既

寄王清遠

謂子沉淪流一壘廬城市謂子用世人一卷門常閉維
翰規將穿幼安榻已敝據案觀古今欵枕羲皇世利名
視若塵豈復知豪勢倡時有萊妻指授有駒驥厥見冠
蓋客曾無車馬至而我久擣散世人同所棄潦倒數十
年踽踽乏聲氣不謂方瞳客垂青俗外視醇醪酌明月
藥言加砥礪相愛骨肉同相忘形骸異前年君遠遊汴
洛羈征轡遂使蓬萊人入城履無地於今幾年鄙吝
積胸次昨日始一見稍慰飢渴意因復嘆此生所在不
如志骨相何遠劣艱難每縛繫不如世上人酒肴相嬉
戲猛炬徹夜明漏盡猶歡噱不如世上人統綺夸新麗

思居堂集

卷之一 詩五言古

三

出入換元黃烜烜照門第乃至甌生塵乃至體不蔽奔
馳若有駭蓬轉隨風吹二三金石盟參商艱聯袂斗酒
謀長談束手窘無計却憶君情懷曠曠超無際天馬乘
風行神龍遊雲氣豈如塵埃人牽挽無所至願出度世
丹一言示真諦

雜感

深谷無高木崇岩無卑草憑托既已殊俯仰成顛倒風
雲勢偶借日月光蒙早遂爾相凌越使我形容槁豈無
志與氣窮賤傷懷抱

存齋先生為洞戒酒詩以為謝

胡不飭邊幅陶然樂孟學潦倒委形骸身名豈虛假曰

子情性乖兼復相知寡顧盼亦無聊坐困糟床下側承
君子訓儵然懷大雅情懷三十年欲覺晨鐘打感此惜
才意心藏復心寫

題山陰胡魯齋教子圖

科頭坐盤石松風吹清娛前有蘭茁兒執書膝下趨友
人示余云胡君教子圖君夢熊羆晚四十一丈夫歡喜
不能已珍愛若掌珠更念先家世通顯皆名儒及身因
服鹽浪迹在江湖嘗恐先業墜將賴是兒扶不忘義方
訓期許非區區凡馬豈千里千里驥之駒凡鳥豈五采
五采鳳之雛胡子曠世才式教自尤殊折桂磨吳鋼切
玉礪昆吾他日能遠大斯言以為符

思居堂集

卷之一 詩五言古

四

步答趙癡菴

造化閑呼吸茹吐一何猛氣至忽有生逝者如浮梗柱
維自缺折煉補技誰逞高望終古人千年同俄頃感此
生滅理蹻然不能靜世方競繇華欲言喉已哽用此甘
糜藥一醉空萬境邇來病魔侵使我壺觴屏友人惠藥
石寄言以相警謂飲須微耐勿為下流聘又謂防無峻
意興全然冷川媚珠洄流山輝玉呈環愛我錫嘉言陽
春歌自郢何日能面談還將杜康請

詠史

漢水疏其流種樹植其本流礙多不達本撥終當損孝
元謙莽主無亦實優柔恭顯竊國柄嫉賢有若仇伐異

堪猛擯黨同牢鹿籠雖有京房言激切何足重根為蟲
賊嚼枝葉且凋枯源既多壅塞流派茲焉淤當時不乏
賢鬱鬱不得志于章薛匡輩究復何所濟乖和傳夏寒
陽微記日青天戒豈不赫情懂方未醒

挽郭存齋先生四首

先生遂已矣吁嗟我心悲金石或銷鑠生死安可為我
悲此邦俗典型日以隳老成人遽謝淳風孰與追我悲
此邦士文氣日以卑大雅不能起孰與振荏萎吁嗟復
吁嗟淒風吹淚垂

昔我年猶稚能讀公文詞雖復愚且憐心焉輒慕之高
山切仰止時事多參差未能從之遊愧悔方在茲何期
思居堂集 卷之一 詩五言古 五

遠賦鵬誰當指我迷吁嗟復吁嗟迷者長自迷
先生抱經濟百里畢宏規文章名海內政績在江湄解
組還讀書樂在忘衰羸著述娛桑榆空言見設施賈誼
才不世揚雄字徒奇吁嗟復吁嗟才難今古悲
我本疎散人崛彊亦支離世上悠悠者敢望漫相知先
生以父執獨將青眼垂許我菊花詠遺我戒酒詩憐才
意親切感激曷有涯吁嗟復吁嗟泉臺不可期

呈張鈞齋先生

名賢當吾世多慚未親止今來鳳皇原始識大君子義
則信嘗遺學乃程朱理道氣煦春和茹吐蘊經史桃李
植庭階虛襟下寒士狂悖有如愚亦蒙款殊禮華堂敬

瑤席玉笋酌醇醴蓮鬢琥珀色桑落鬱金旨鬪飲槐羣
賢斟酌煩遠使卜晝復卜夜飽德何無已醜醜良不覺
狂談恣怪倦竟忘先達前詎諶肆無比汪汪江海量浩
涵若稊米而我抱區區轉增惶怖矣即今冬忽春歲月
有如駛每憶能容德銘刻復何似悚惕裁尺書懇懇覓
雙鯉聊寫御環沈更以祝嘉祉

田少宰以依園十景命賦

小臺叢碧

名園叢翠竹依依臺邊繞虛中風韻多陰森烟霧杳動
節每參天密葉難藏鳥可憐一望碧轉使高臺小登臺
盡此君自覺俗氛少

思居堂集

卷之一 詩五言古

六

喬木長青

喬松沒衆姿鬱鬱獨高翔地力稟貞堅天色同青蒼未
敢貪雨露詎能傲雪霜骨性既已定心液流自芳歲寒
良非幸後凋固所長

霜天紅葉

白露忽已結明霜淨秋天山色何晃朗柿葉變紅鮮萬
卉俱凋落霞光朝暮懸那知九秋景爭如二月妍恍憶
赤墀下楓林應更喧

月夜花茵

娟娟天上月皎皎淨無塵灼灼徑中花
照縱橫影花銷錦繡茵歷亂花堪坐清涼月挽人安得

知心者香淡共茲辰

幽畦芍藥

闌淡無人處春風翻紅藥弱枝擊鮮朵綠葉捧新萼蝶翅尋不及紅粉避因忤曲闌光自照春晚芳欲落未知誰可贈空使伊相謔

芳徑梅花

尋芳歲云晚清芬何處來綠徑恣幽討一株香是梅素質寒偏艷清姿晚更暄夢趙憐月落妻林但鶴陪誰惜調羹用野外獨徘徊

林中高閣

魏閣入青天下有蒼蔚林林密疑無路閣迴四遠臨朝

思居堂集

卷之一 詩五言古

七

旭每先得雲霓輒易侵未敢麒麟擬或同天祿吟閒來試登眺不勝捧日心

花下茅亭

結廬在人境軒檻傍春花香風簾外入盈門桃李斜最厭來蜂蝶聊欣映明霞草玄學揚子藏書想張華求志諒斯在蒼生且勿嗟

春風楊柳

淑氣扇和風胎宕吹楊柳依依發嫩榮垂垂拖青綬披拂永豐角搖曳章臺右柔情空低昂家意自抖擻黃鳥漫嚶嚶當世誰好友

秋水蒹葭

爽氣澄碧沼盈盈水已秋微風皺細練劍戟橫中流蕙

葭落空明顛倒蔭浮鷗浮鷗泛清波狎與伊人遊伊人

宛中央溯洄悵阻悠

日暮

天道有循環我生胡不老石王門珊瑚妄夸天地寶巢許悔雲日識見原了了造化皆偶然古蹟昭可考腹枵想龍鬚肌凍思綺縞此心一何癡田儉安足道

古風

鮮衣馳駿馬揚揚有餘安市童皆竦視送目紛相疑何處貴遊客眉宇異凡兒或是金張胄蘭玉擬丰儀逢人偶借問道是霍家廝

思居堂集

卷之一 詩五言古

八

詠史

儒仲有佳儷蓬華欣倡隨未覺我不足何有願外思一旦故人子衮服映門楮登堂候起居棟棟多威儀側目顧己子乃是襜褕兒中懷多慙沮數日色不怡裙釵前致詞君見一何卑飛潛既殊性淵雲各有期草茅得安適焉用軒冕為儒仲乃水釋歡然為解頤歎此閨閣質卓犖有如茲

漫成

阿容世所羞剛直世所羨臨事每取諧頓失夙所見人心甚狙公世道若流電反覆那可詰豈在口舌街君將安所適性情宜善變流水投易合砌石終有間理理與

世乘不如安窮賤古來巢許倫豈惟樂獨善

山氣日夕佳

日夕出城闌綠楊礙遠目行行渡曲澗攝衣陟臯陸石樓青逶迤碧峯翠深穆烟光凝紫霞殘照暈巖谷雲峯互騰踴林宇相掩覆飛鳶猶摩空牧人已駭憤途巡未能返晚色奈催促此際饒清興適意在幽獨

追惟

追惟我先考瓌璋邁羣英慨慷懷不羈感憤乃成名筮仕宰東國厥次稱神明催科屏桁楊折獄每哀矜比及三年後政化果有成風俗登淳美訟牘絕公庭監司俱歎服行將與同升倏然嬰二豎遂爾棄蒼生里巷相聚思居堂集卷之一詩五言古九

房公井

安邑署東隅乃有房公井井何係房公公此沉形影形影何以沉井上碑可省明室類其綱聞賊狡焉逞渡河薄危城邑政公方秉無方能捍禦有氣偏動挺慷慨呼兒女一一皆縊頭公乃辭老母望闕遙引領攬身下無

極坎底目長瞑嗣後邵邑侯撫跡心耿耿井口樹貞珉篆書房公井細述公類末忠烈堪仰景嗚呼潛德光萬古應彪炳獨惜地湫隘英靈鬱杳冥後來誰好義表闡重修整

思居堂集卷之一終

卷之一詩五言古

十

思居堂集卷之二

猗氏喬于洞休齋氏著

五言古

雜詩三首

我有一株樹根自泉源發柯幹干雲霄枝條蔽日月雨露滋既深暢茂交蔭樾風霜或見侵榮枯乃相越歎息同所本精氣固不竭胡為有憔悴母乃運命劣怵惕戒僮僕勿將斧斤伐

清晨向東園撫我園中樹荆棘乃叢生攀緣以為固枝葉既接連根柢相盤互雜之傷嘉植存之將貽誤倚鉏長太息物理良難訴

思居堂集

卷之二 詩五言古

蟻蟻穴草根深藏以為固攜羣潛出入銜食賸來去我方植嘉禾蒿萊所深惡荷鉏往刈之忽見蟻無數營窟遂蕩然倉皇若失路嗟爾莫我怨我亦適然悞要當慎所託草根非所附

寄樊榮川廣文

昔我遊沁水溪山悅心目峙者高插天流者清鳴谷清淑氣鬱盤靈秀富涵蓄石樓碧峰間翠然思名宿廣文今鴻臚法眼何煜煜為余稱樊子被褐懷美玉追琢已有年斗間光氣燭特達矧廟廊豈久哉林麓俄荷羣賢招山亭集珍躅名花楚山雲艷歌陽春曲盡日醉烟蘿仙境恣高瞻當時多所欽個儻君則獨一別曠各天會

面安可卜塵俗相灌浸壅淤滿腸腹株守白其頭七尺真碌碌頃者鴻臚來旅館膝一促問我見君不覺為蹶蹶乃知君領解曾宴曲江澳遊宦不得意河中羈驥足窮老耳目廢聞之心麓歎因循兩葛藟未能通一牘豈忘故人誼羈絆無寒燠百里杳天涯此心空洞腹殷勤裁尺書藉之鳴悃幅會得近臯比覩縷罄所蓄

君子有所思

君子有所思悄然念七尺須髮已皤皤言功果何立春花爛熳開松柏長岑寂岑寂亦何傷驚心西顏日君子有所思所思在廊廟赫赫中天日燭火何由炤菘蘭在幽壑佩芳倚孤峭常恐秋霜飛凋落翻成傲

思居堂集

卷之二 詩五言古

君子有所思仙人儼霄漢霞裳朝崑崙鶴駕夕闈苑願言從之遊縱觀周汗漫徐福竟不歸於何商修煉君子有所思嚶嚶春鳥鳴故人別何時悵然懷不平富貴無夙好貧賤有餘情長謝青雲客勿言車笠盟

東王經儒中憲

歲暮冰雪積羈客伴梅老螭萼綴寒枝含香鬱懷抱簾幃垂寂寞有如籠中鳥斂翮愁四隅跼踖成枯槁人生貴適意豈徒在温飽苟不覩達觀酒肴無美好矯矯王先生曾次何浩浩獨居綉佛齋客至金樽倒如泉吸長鯨三山揀海島彌覺厓岸平空濶乾坤小頃聞貯玉液上客時過擾腐儒方繫維但聞香杳杳酒泉誰移封酒

星空瞻眺雲泥既已懸
馳車安可道

姪莘廬見過話懷

誰云宇宙寬
僅此方大地
獨坐每低頭
獨行妙適意
見子頗揚眉
欣然為倒履
延坐縱橫談
茹吐無踈整
世情吾久踈
齒澁不可礪
所念一本枝
苑枯或殊異
此理誠杳茫
比身須位置
子能光先業
矯翰青雲際
懷忠奉獻華
水淵自惕厲
以是感天心
雖躓還復跂
幸當服政年
匪躬宜勉勵

辭館留別諸門人

冉冉歲云暮
棲棲客將歸
眷言二三子
從茲長乖違
自愧衰朽質
漫然忝講帷
淹留市二載
又見雪花飛
座無思居堂集

卷之二 詩五言古

三

春風拂室得芝蘭
依指授究何禪
群玉終含輝
積疴近益甚
疲蒲自歎歎
有如霜後葉
零落隨風吹
有如午夜燭
餘光燄微慘
慘謝此席蓬
茅掩柴扉
中心如有繫
輾轉在夜幃
梗梓俱良材
梁棟豈天姿
班倭運斤斧
乃為廊廟資
勉勉二三子
勿擲少壯時
俛仰光陰去
老大將何為

紀早

自從二月間
一雨不霑足
至今過百日
屯膏怪造物
下民天所生
田疇以充腹
奈何早至此
無異加屠戮
屏翳不效職
靈靈亦庸碌
蛟蛟雲自出
靡靡為風逐
轟轟雷間作
隱隱為虹束
縱復隆震震
豈同益嚴霖
溽暑一何

毒旱魃一何酷
但見早晚間
燔空火煜煜
稷黍種不得
忽已及三伏
農人走倉皇
欲向黔雷哭
粟價日騰踴
三千錢一斛
錢從何處來
入口但墮感
含愁問鄉里
何處堪采藿
且當望家去
安得戀鄉俗
復聞雍若豫
年歲亦不熟
同此歌雲漢
願望空萬目
我行將安往
坐斃數椽屋

追憶五龍峪之行

爾時方炎暑
衫履出城南
素心同逸興
為我指煙嵐
何處流曲澗
何處結茅菴
瀑布雪花歛
龍宮隱深巖
幽境夙所慕
相與恣討探
亂石疑無路
歷落列頑巖
蹒跚步以緩
偏仄相戒嚴
經邱復涉壑
涓流漸瀾瀾
委折屢蹇思居堂集

卷之二 詩五言古

四

裳踏石頻濡
涵溝崖杳相
間人語聲喃
喃大樹聳千
尋垂蔭若帷
幃卑庠有居
士施茶禮殊
謙怪我冒暑
來問訊頻顧
瞻綠溪沂流
上棟宇峨嵒
崑崙中有五
龍神掀張戟
其髯豎有宋
元碑點畫多
未諳烜烜江
刺史政聲著
清廉茲焉留
遺蹟千秋光
皎潛我來拂
其塵三復情
未厭高山與
流水安與俗
人談江刺史名闕為國朝名宦龍神廟有詩碑存焉與家姪莘廬臬司話衷

一室久息關
終日辭服冕
頗幸世相遺
遂獲平生懶
獨念遠歸人
時時在心眼
睽離廿五年
須眉親一旦
少小同嬉遊
回首猶宛宛
及茲蒙雪霜
升沈各不免
子歷宦海波
聖明子嚴謹
烏龍五春秋
環命敢云晚
皇

思浩無涯我生力有限詎應惜暗暗漫爾忘寒寒奈何
陟此情止得一夕展竹杖痛號咷摧裂何以遣我心為
汝悲更爲一語轉一夕抵百年不然淚空泣今世急功
名鞠勞恩可剪况汝委贄身若綬仍縮將母結精誠
天心佑非淺吁嗟七尺軀如汝當無報日來雨時行炎
風勢頗軟期汝話宿昔一進家常飯當塔花木繁繞舍
槐榆滿蝴蝶看翩翩鶯鳩聽睨用比戶常扁逍遙貧
亦坦但嗟日月逝少壯何可挽當時負微名汲深昧綆
短豈有烟霞疾竟成江湖散與子携手行日給正纂纂
攀條摘其新乘輿自仰俛笑語坐濃陰隨地無須選忽
忽若前日真夢互相舛

思居堂集

卷之二 詩五言古

五

哀河東

河東久旱荒雨遲種不熟禾黍秀時秋霜下嚴酷閭
閻十室空憂生空糶感聚族相與謀宜報官長速官長
置不聞追租更鞭朴殷屎微 九閭 皇心急鞠育
詔諭速查勘發帑賑鳩鵲 堯舜至仁心豈復吝金
粟頃聞有吏來揚揚盛車服不信民間窮逐戶謬相鞠
謂爾屋有廬謂爾骨有肉甚且呼婦女一一閱淫目調
笑方怡情 綸綺何衰瀆終然竟寂寂未聞 皇恩
渥縣官自催科窮黎自采菑孤負 宵旰心誰效賈生
哭嗚呼河東民勿容輕怨讎死生命在天有身勿碌碌
勤力保室家無妄倖天福

寄郭正夫

獵獵朔風吹羣鳥話寒暖言念素心人雜索各在遠會
面安可期鬱鬱情難遣我拙糊口謀終年任蓬轉贏得
雪盈頭歸來門常掩掃葉供熨吹呵凍時搦管自傷老
病侵日月流不返余枕苦夜長披吟嫌晝短行坐劇無
聊四顧誰青眼景純事博通今古肆閱覽探驪珠每得
雕龍具靈脫風雲任鞭駮錦繡憑裁剪佳興起高懷奚
囊貯應滿願勿惜陽春願勿棄鄙淺江海有餘波塵襟
為我澣

馮書五廣文脩葺學舍功竣詩以賀之

從古有廢興修復在明覺自非公溥懷舉事無卓犖司
思居堂集

卷之二 詩五言古

六

訓宅久荒垣頽屋瓦落廳廡雨如篩窗戶風為虐苔毛
侵案脚蝸涎上書格傳舍同因循漂搖非所作撐拄數
百年孰肯一提振壯哉馮先生胸懷何恢濶斯文既振
興鳩工事約椽周遭屹垣墉綿延得郭郭既乃募班倭
經營持矩矱度地投規模程材命斤削煙矮爲之悵湫
隘爲之擴幽者爲之明仆者爲之卓既乃命巧人塗墍
加黜聖歟如新月來四壁光照灼又如升玉宇耳目無
塵濁堂皇既昌明室虛俱爽豁一洗黯慘色煥然非曩
昨先生命世才秉茲陋邦鐸多士藉醉懽執經紛踴躍
臯比儼大匠指揮或前却品行與文章一一申明約期
之以棟梁戒之以齷齪期之以廊廟戒之以邱壑咸予

繩墨遵勿將卷曲學今日山之木異時工則度國家大
營建于茲儲榱桷將展運斤技豈與公輸角

劉介侯索書因贈

介侯端雅士矯矯不羣安家門盛王謝醇謹有良規乃
翁長沙守簡重我所師朝野想丰裁哲人惜早萎盛德
昌其後箕裘見今嗣祥麟與威鳳岐嶷自少時我客離
城久衣冠多攀追企此瑚璉器謂與廊廟宜而性偏恬
淡不肯炫珍奇庭闈奉甘旨承顏得愉怡出友知名士
延賢訓諸兒一室羅圖史古人以自期披吟無冬夏波
磔摹繇義雖復在城市踪跡少所窺伊余久枯朽高誼
不鄙夷倒屣欣欵欵投轄意孜孜陳榻屢為下蘭室沁
思居堂集

卷之二詩五言古

七

心脾置酒或盡日日曩適朵願禮法無懈容終日肅威
儀古道久榛莽君實開闢之頃再索余書謙光卑其詞
我久病腕痛倉扁不能醫為感風昔好臨池有餘思勉
強把栗尾行墨多斜欹有同婢位置曷免識者嗤

讀三國八首存其五其七

魏武殘刻人憎愛故無常寵此娼家女遂棄舊糟糠妾
自弄機杼君自事戎行何有葑菲資車馬駐道旁白頭
吟已斷匪石心久傷共載復何為羞任君低昂
本自娼家女鑿與入譙宮專寵遂奪嫡父兄皆榮封萬
艾誰云賤蘭蕙未必豐雨露所霑濡能使異卑崇世人
惡生女生男亦自窮何如歌舞兒富貴莫比隆

詠史六首存一五六

秦宮鹿為馬隴畝起鴻鵠白挺一以舉干戈紛隨屬侯
王若碁布雲雨俄翻覆重瞳何暴戾赤帝膺天祿所惜
輟耕歎丹書空魚腹富貴雖無成意氣豈碌碌
牧豕青海上詔書舉賢良一言幸投合振纓登廟廊遭
逢獨隆盛漢庭誰頡頏布被雖蒙識好士豈尋常至今
平津閣齒頰有餘芳

女為悅已容士亦傅脂粉天子賜顏色一朝雷殷履珍
帛出內府璽綬膺侯封甲第門如市公卿皆嚮風豈惟
致椒房漸且竊國柄喜怒挾風霜孰敢不奔命嗚呼七
尺軀乃與巾幗競難養古所戒勿謂國不病

思居堂集

卷之二詩五言古

八

擬從軍行

西戎肆跳梁羽檄飛秦隴詔書發六郡將軍募驍勇我
志在立功安能惜頂踵鐵衣介馬馳橫戟氣洶湧誓繫
右賢王歸來邀恩寵出塞曠沙漠惟見天山聳朔風厲
嚴霜跨鞍但森竦寂寞入玉門長城叫秋葦

感懷二首

阿容世所羞剛直世所羨臨事每取諧頓失風所見人
心甚狙公世道若流電君將安所適性情宜善變流水
投易合砌石終有間硜硜與世乖不如安窮賤古來巢
許倫豈惟樂獨善

浮雲多破缺布置不能勻大或聯峯小或剖琳珉高

或覆帶幕遠或垂席茵明若澄秋水黯若結烟塵態固
隨風變致亦與時新斯須輒改觀消息安可論世道苟
如此慎勿惜沈淪

詠懷三首

海霞餞朝日日西自東頃刻催人老我頭忽已童蜻
蜓閑款款映蝶忙匆匆我生何所爲竟與蟬蛸同麒麟
遊盛世鳳皇樂時雍冥頑木與石寧殊亡是公

誰家豪俠子盛氣昂可扛放浪無涯岸狹彼河與江招
呼深井里調笑紅粉媵睚眦屢看劍酪酊語音哢誰爲
肝膽誼報之血一腔相逢修潔士雄心那可降

泰山雲無心有時雨淋漓霑彼中原未慰我農人私君
思居堂集 卷之二 詩五言古 九

子抱幽懷豈與世相期出處隨所遇卷舒各有時古人
或耕釣淡泊適其宜三聘非所望後車非所辭懷抱既
非常宇內蒙德施

出門二首

杖策出家門慷慨登長路耿耿若有牽故園已烟樹迴
首一踏然寂寞忘日暮飛鳥有還翻浮雲隨風去此行
竟杳然今夕知何處

行行重行行一身雲葉輕去來不自由飄飄豈無情山
禽喜巖壑澤魚樂空明苟無意外虞適性安所爭天地
本浩蕩周道多棘荆循途步易窮胡爲涉遠程勸君勿
猶豫冥心且前去

寄介廣陵明府

條風吹原隰百卉發輝光鳥鳴思知己佩綬在邊方前
日惠好音雙鯉遠衛將拱璧映衰顏楮墨呈琳琅雅愛
紫肺腑金蘭謝堅芳我解廣文職歸來如蟄藏四壁幸
無恙半菽聊充腸知己頌清俸足慰羞游囊所悲日月
逝阜蘭道路長安能假羽翰奮飛棲君堂剪燭話風昔
政化觀樂邦空函乏瓊報此心殊悚惶願君珍瑚璉爭
尹凌珪璋勿使浮埃侵終當達廟廊

詠史

青青千里草蔓延及宮殿遂使炎運熄羣雄起爭戰逐
鹿各懷私割據紛南面卓哉劉伯安臣節始終善紹術

思居堂集 卷之二 詩五言古 十
妾相推堅拒弗敢僭所惜操術疎任用多替眩忠義卒
無成千載詈孫瓚

寄張小范明經

小范爲山東膠州名士見余所作中條山賦乃二千
里命駕相訪相見則不啻兄弟數晨夕者幾而歲葢
自己己之春及冬初而始東歸時余尚羈廣文席於
沁水感其意喜白首結契有如此乃一別杳然不得
聞問又皆在桑榆小范已未相年七十五少予一歲豈復有相見之
日耶逢便羽因寄此詩

行山隔東西遙遙數千里感君明月投幸我蒹葭倚傾
蓋膠漆同促膝金蘭擬誼高南北峯情深梅杏水携遊

窮曠與聯吟協興比關飲康成優賂恭師言美武庫良
已裕多才復多技如何秋風拂遽然歸思起飄爾就長
途棄我如敝屣相於歷夏秋睽違今如此况皆逼桑榆
風前燭何恃言念傷肺肝徒驚日月駛我自午年春被
逐歸故里病鬼頻凌瘡瘦骨成枯姜賢達交既踈柴扉
爲誰啓頗存架上書丹銖送飛晷聞君墮酒缸荷鍾同
爾爾丈夫當暮年生平竟何是矯首東海濱應歎洋洋
水

思居堂集卷之二終

卷之二 詩五言古

十一

思居堂集卷之三

猗氏喬于洞休齋氏著

七言古

古意

春花園中發秀吐及時芳自惜天姿好照耀有輝光感
郎留歡愛因真永相將何期一瞬刻郎情忽不常愛之
採盈把憎之委路旁花不媚郎亦不忤棄取隨郎花命
苦

筆爲小兒所挫歎

免鬚湘管稱不律濡墨落紙雲烟出老子興來須此君
藏鋒蓄銳珍甚密小兒慣見長者書亦向案頭學執筆
思居堂集 卷之三 詩七言古 一

橫掃千軍尚有餘遂使生花本領畢歎息管城尖頭輩
豈是寫經裁詔質或遇善書不相擇庸劣反有見用日
不似截玉銛錐材方當脫穎銳已失一挫充散竟至此
貯雲含霧真可休真可休亦其遭逢不偶命之室

述宗先生玉斧翁孝行

吾家上世多隱德莫或表之終以匿中葉離亂四方走
安邑猗氏各有植居巖城者能亢宗本支以茂蕃其息
粵稽家學淵源 入抵萬石尚行實玉斧先生生三歲
母氏棄之幽泉即數日哀號幾廢餐環繞柩旁悲唧唧
親友見之爲垂淚稱說相聞爭欲識自是每遭申降日
悽愴怵惕情鬱抑屏絕嘉旨不入口終身一日無差忒

侍養椿庭供甘旨膝下殊饒愉婉色繼母亦稱真孝子
參損未足爲至極先生仁愛出天性不聞亦式何所則
長年蜚聲庠序中卓然自好能修飭潔如美玉清如注
楷模多士爲矜式惜乎大才遭奇數懸賦園門無人識
鬱鬱不得志以沒輜軒無使史無職近聞學使志表闡
特旌德門錫寶墨又聞人士能詩者爭爲詞章將付刻
竊喜幽微終能顯天理人心真有力亦賦一章志不朽
言之不文心馬愜

郭碧如孝廉招飲醉歌

烏巢欲就鶯欲來李花傳粉桃暈腮客子有家歸不得
蕭齋踰徧階前苔惠風音錫相招飲欣然就道策駑駘
思居堂集 卷之三 詩七言古 二

綺席春風軒冕客縹壺綠醕對花開陋我儼參上客座
高朋深愧野人陪淹留竟日情何極所憤恣談興轉催
主人愛客寬禮數更燒椽燭傳巨杯忽分兩壘樹兩幟
共入越鄉各選材呼擲梟盧爲勝負酒淬舌鋒不可摧
笑予臞腹學鯨吸須臾敗北氣力頽踉蹌索馬且歸去
彷彿羅敷欲夢梅惡態豈惟大雅咏兼令紅粉恨癡騃
情騰一覺晨鐘打唇焦喉咽心如灰世事夢中與醉中
獨倚花闌自疑猜

志鳩

維鵠有巢維鳩居古人云云良不虛巷口有樹偉枝幹
雙鵠棲止去冬初雉兮雉兮共經營銜木作室費拮据

歷春徂夏始告成唯雄相顧意遠遽忽焉有鳩羣飛來
視其亡也據其閭鵠不勝念相門爭羣鳩八九何鳩如
繞樹匝飛究且去竟亦不必更攬挈我觀物理有如此
感憤不平長歎歛適有牧童前致詞此事之常怒且舒
非已所有或竊奪巧勞拙逸獨此與

壽康翁園工部

黃梅雨過濯萬木際天嵐翠連山綠杖引桃竹洛社耆
此日麒麟初降玉如今七十五春秋宦途林下終歲讀
名山著作富猶勤錦囊篇什斷仍續近來始惜筆底花
不肯苦將造化鞠寬風怒月免批抹陽春白雪秘高曲
昨日我曾謁函丈道貌仙顏自清淑語言朗朗步躡躡
思居堂集 卷之三 詩七言古 三

天之所相足欽服蘭馨桂馥滿庭階衣冠濟楚光煜煜
日月方恒全盛時爲樂震鶴歌載載

歌薰臺歌 應劉太守誌

巍巍高臺凌中天臺上薰風時迴旋敷和布惠暨八埏
依稀虞帝禪五弦虞帝當時受堯禪此焉恭已朝羣賢
五臣四岳何翩翩平成既奏箭韶傳又歌南風解阜篇
卿雲月旦相昭宣猗猗無爲化自然於今經歷幾千年
緬懷中古神遊焉登茲臺也意踰躑左顧黃河所屢遷
南瞻中條空峽煙惟帝德極天淵斯臺萬古同留連

贈張雲階

太行勃鬱數千里灑氣奔騰鍾沁水沁水人物自昔多

磊落今復見張子英年義氣何嶙峋囊金每濟行路人
路人莫報空感激善不近名古誼新冢式微不可起
三人一子亦靡倚流落他家為螟蛉遂使宗祧絕裡祀
張子惻愴莫如何典衣覓錢十貫多贖得兒歸歸何處
一力肩承躬撫摩我聞此事長吁歎慷慨英多今罕見
陰陽不肯讓他人種德家門真可羨當日太翁計范儔
貨雄里閉自誇修睦嫻任恤為世重至今高義日星留
世德淵源裕善慶子桂孫蘭芳華盛張子正當而立年
好行其德出天性我來心水闊兩年時相追隨歷涯巔
樽酒促膝出肺腑令我鼓掌心躍然玉嶺之山高無際
梅杏之水流無既天相吉人福自遐如崗如阜川方至

思居堂集

卷之三 詩七言古

四

秋日王明府招飲石樓精舍醉歌奉東

石樓山上松颺颺濃陰半畝暑全收仙令飛鳧上高頂
招攜列坐羅珍羞廣文腹枵喉更渴飲似長鯨吸川流
不能一斗已酩酊恍如身在空際遊眼中無人心無事
葛天無懷同悠悠熟睡覺來夜悄悄惟有老婦聲啾啾
問我昨日上山去渡溪陟嶺歸何由乃知五丁扛我渡
又賜筍與蒙賢侯感愧數日情懷惡未能袒謝空含愁
嗚呼老朽合罷休聊向醉鄉一展籌

久雨諸子出城觀漁詩以問之

試問城西故池水汪汪一片巨幾里聞道民居有漂沒
豈盡靈潦能崩圯前日我來望城西波光激澗天為低

但見鷓鴣鳴上下何處漁船與釣磯况此池涸幾十載
一旦鱸鮪生歟乃果然蓑笠紛中流寧堪數罟恣捕採
諸君徒步興殊豪坡陀泥滑能無勞岸邊曾否留青眼
恐有昔時人釣鱉

與小范奕戲成

近來賢達重手談椒枰楚漢互偵探黑白割據列隊行
出奇制勝不可參合從連衡指間事覆軍陷陣狡而貪
成敗有時計相左虛實攻取或未諳我於此道若滕薛
斤斤慙與强大列張子闕如齊楚臨大聲索戰何雄傑
堅壁固壘無奈何背城借一終決裂自歎彈丸智力索
奚怪江湖沒蟻垤頃聞齊楚亦納降百二之國更稱強
思居堂集 卷之三 詩七言古 五

令人鼓掌歎無常

祝羊廬壽

我年長爾三歲強如今鬢髮各已蒼憶昔童齡共追逐
稍長文苑共翱翔迴首宛然曾幾日彈指六旬付杳茫
羨爾青雲致身早陸海潘江擅文藻蘭臺烏府重京華
諫垣銓司聲名好清節苦操題御屏秉憲八閩海波澄
營營青蠅起風浪龍江萬里獨伶俜就中甘苦臣自覺
謹戒未使臣心忤 聖明賜環天地恩惟矢忠貞勵蹇
諤昔我中丞有遺風爾能繩武家門崇升沈未足為榮
辱要使此心日當中今日一家能聚首此恩所自何可
負愧我名不出一鄉授徒生事但糊口擣詞祝爾懸弧

辰萬象欣欣值新春相看白髮亦可喜南極星原是老人

題巢居署

署於何許掛城頭堆堞隱見西北取崑崙蹠足先憂兼之荆棘橫鉤留幾間破屋四不周高不丈山助之廣不畝地隘之野鬼或棲息胡為我來茲左有真武被其髮右有狐狸聲栗斯迴環瞻視何凄其忽復慨然念太古巢居之民巢焉處今此構榭既甌雖已具湫隘頽塌同架櫓所恃山城萬間宇萬間宇王明府昨日文字間思誼藹相許為我普崇蔭為我蔽風雨使我三年五年老能歸穴居猶勝巢居苦

思居堂集

卷之三詩七言古

六

東嶽廟古松

碧峰山上松如雲盈壑偏嶺各為群獨有東嶽廟中奇留我不去久逡巡直榦怒髮衝霄漢偃枝探空屈復伸皮蹙龍鱗苔斑剝老柯駢脅拗斜紋陰風嘯鬼寒凜凜落日玄鶴歛車輪嗟爾孤寄朝復夕閑寂有誰仰嶙峋扶掖苦心無人識歲寒天外獨含芬

曲松

鳳凰原上松可憐寄身寥廓寒烟既不能直上扶霄漢又不堪梁棟撐青天寂寞之墟空卷學斜拖橫曳自聯翩有時狐兔羣踰伏何見鴻鵠共周旋朝朝暮暮風凄然怒號悲呼和巖泉曉光無意畫山巔細雨只教苔

蘇鮮終然飶落委斤斧東攫西撲若狂顛細葉籠蔥誰能食毛女騰飛竟成仙

代王明府苦雨

官舍畫長苦炎熱甘雨忽靈心為愜豈惟肌膚覺爽然直為吾民解蘊結三日五日既優霑禾黍油油慶閭閻屏翳愆恩雨師怒淋淫浹旬未肯住忽而霹靂織烟布霧忽而霽需迷林隱樹迅雷震更相助簷雷丁東朝朝暮暮噫噓戲愁雲洞溷散何時鳴鳩叫苦知怨誰訟庶雖暫開文告空復滋更恐禾頭欲生耳思之所過翻嗟咨况茲沁邑山水區卑濕床帳常如濡那堪淫潦淹曠駕暫出雲隙旋濛糊但聞萬壑鼓澎湃溪澗勢與江河俱案頭卷帙生綠毛鼠負縱橫蛙鼃跳階除安得推碎零陵燕莫舞剪刀鍛盡商羊羽燭龍開目天為青勿使淖泥汙后土行書大有年歡林築塲圃

下碧峰

下碧峯渡梅溪溪淺淺石作蹊踏石渡溪石隴隴使我失足沾汚泥溪上有老嫗罷澣空回睇歎我白髮莫提攜白髮自歎莫提攜

乞宋先生畫松竹

偃室菴竹生粉壁不風不雨聲浙瀝我來觀之俗氣息恍覺心神如澣滌昔聞與可有奇筆能將一寸為千尺于今萬个琅玕色誰移寶篋在尺幅云是東海宋先生

腕中造化真有力畫山畫水畫松柏郭熙顧愷皆却立
書法高古篆隸工行草顏禿亦辟易而公品行尤卓特
古道高情獨出俗不為論訛自玉溫不為崖岸自璞質
對容閑淡長緘默解顏一笑冬之日我蒙青眼才相識
蕭然起敬不可暱却愁斷蓬易南北他日何以慰睽隔
懇祈為我留墨蹟懸之茅屋頗拂拭豈惟淇澳見如簞
依稀可親有斐德沁水上松難得亦煩妙墨為栽植
龍屈蛟伸經化工當復紙上生雲霓豈惟家世傳珍閱
彷彿清風到蓬華嘻呼聚散不可常白髮安得久親炙
他日相思一展軸應勝東西空相憶

孤松篇為選老賦

思居堂集

卷之三詩七言古

八

君不見碧峯山上屹孤松拔地千尋入遙空根幹挺立
絕枋榆枝柯詰曲蟠蛟龍迎風有時舒長嘯得雨只是
舊菁蔥雪壓霜欺凋萬木傲骨槎枒倚蒼穹怪他鳥雀
空啁啾借庇託蔭鳴嚶嚶投間抵隙潛來往啾唧私語
鬼域同豈知落落出羣意堅卓直可與天通煖不貪榮
寒不避俯仰羞與凡卉同無嫌螻蟻蟻攀緣出無嫌雲霧
密蒙龍晦與星月相明晦晝與清寧同化工有時歌咏
來騷客有時撥禩避蘊隆寬然餘蔭何恢恢被覆小草
亦茸茸閑散寂寞非所慮撐拄乾坤有神功是惟清淑
氣所鍾戒爾樵兒與牧童慎莫戕此十八公

終

思居堂集卷之四

猗氏喬于洞休齋氏著

七言古

夏日歌與王偉度書扇

五月榴花開已落畫長暑燄赫照灼日之夕矣餘威虐
微風穿簾涼初覺月光欲上情躍躍呼僮沽酒聊一酌
爾我一室寧寂寞朝談古今暮濂洛賞奇析疑樂不樂
喜爾年少方志學英英嶄然見頭角有問直欲窮香邈
才分八斗餘綽綽吾徒志氣須嶽卓天衢有路勿鷓鴣
古言就將宜尋索勿將歲月空擲却老我白髮久矐矐
拭目雲間起鵬鷲

思居堂集

卷之四詩七言古

一

又歌與王明瀾書扇

入苦夏日熱我愛夏日長朝旭初上踈櫺曙意思清新
事事良拂几危坐蓉綵細夕曛欲下林風來巡簷散步
納微涼高吟低咏出宮商惟有卓午火輪張還有避暑
地與却暑方方則息氣寧神效地則齋中孔孟鄉既崇
既澗有室有堂藏脩游息絕無所妨敦道義說文章惟
我與爾共翱翔既無世事朋從擾何有烈燄熱中腸願
及青年且努力莫惜攻苦惜時光

初度酬呂文晴嵐廣文

詩翁老居萬卷樓左圖右史古為儔世間萬事不能干
襟懷頗似愛蓮周隙駒日月疾野馬我亦龍鍾老丈社

高秋雁叫初度辰意與牢騷黃葉下那知大雅相憶深
往事猶勤十年心瑤章遠頌慰岑寂恍坐松風失煩襟
何時一尊重話舊奔走衣食計不就持鉢醴城刺支離
遙羨高人醉醇酎

中夜歌

中夜不寐出寢房朧朧月色鋪白霜愛此清景獨相羊
寒威稜稜透薄裳却入蕭齋坐胡床遙聞車鐸鳴丁當
彼何人哉使我傷飢寒所駭朝不遑愧我白髮空披猖
蝸廬優游獨深藏

禽言四首

姑惡苦姑心無定主叫晴則晴姑惡晴叫雨則雨姑惡

思居堂集

卷之四詩七言古

二

雨憎無媚愛無忤雨晴無是處方知姑惡苦

得過且過勞爲身勤逸因性情日出負暄日入瞑卧無
衣未寒無食未餓明日再作明日緣得過且過

泥滑滑行不得哥哥世路壅淤沾塗成痾濡足不得出
日暮更風波舟楫莫施將奈何行不得哥哥

不如歸去果誰留住嚙蠶之客年復年秦中之烏頭如
故皂帽遼東榻已穿草堂漢西客長寓昭君冢青李陵

臺暮空復煩爾喚不如歸去

壽馮書五廣文

廣文先生爲諸生我老儒冠聞盛名廣文先生來秉鐸
莅任之初賜問數言氣煦煦冬之日壁立嚴嚴秦之獄

既入芝蘭室乃見胸襟豁邈迥如故人形迹俱脫畧知

我華髮可與言不惜梵籟出新作新作乃與古人同想

見觀書餘卓犖天邊烏兔急人間貧病惡魂夢時時依

絳紗窮愁何啻桎梏虛今日鄭度初度辰鬢門大啓衣

冠濯或從朴質效華封或倚文墨寫松鶴白髮但迷膠

漆情煩詞覲縷劇讀聒猗邑士風或未醇如彼梗枿期

端卓培植尚須加斤削猗邑文風陋且卑如彼圭璋猶

在璞良工剖制爲追琢猗邑桃李畏風雨收蔗往往恣

斫剝覆被何當張廣幄但恐文羽一朝千仞翔枳棘安

得留驚鷺我爲此邦懼還與人士約侍坐如光庭立雪

如游酢當面有典型執經無前却他日泮宮多棟梁好

思居堂集

卷之四詩七言古

三

爲朝廷起殿閣建立崢嶸照霄漢莫忘安定齋中學

溫公橋行有序

三原古池陽縣後秦符堅於截薛山亦名差義山置

三原護軍因其地南有清鄜原西有孟侯原北有白

鹿原故名其城南北各半中隔一河曰清峪河萬家

之烹飪滌滌咸取給焉初有橋龍鬪崩壞再脩遂名

龍橋每遇大水輒頽以故雖同城邑勿結壩者邑紳

溫一齋先生諱純出資倡脩而經營布置率出先生

蓋萬世之利也橋既成爲石坊於兩端額曰崇仁橋

而士民感公德冠溫公二字今則直呼溫公橋矣公

以進士歷官總憲主察去沈相蛟門私人沈嘆給事

鍾兆斗曹子汴齋公先中丞有糾鍾䟽而公卒爲
一代名臣後贈少保謚恭毅

清峪水勞池陽城城如半壁南北名商賈征役渡不得
驚波駭浪自中行當時橋梁俱苟且民力民膏空崢嶸
有時蛟龍怒相鬪磚甃木架莫措撐坐此土人苦來往
烟斷威絕不勝情明時少保汪恭毅目覩心憂慷慨生
自出囊中金不惜更煩指畫竭精明相度高下揆形勢
爲工庀材勞經營五丁伐石鑿壁壁神駭鬼運泣山精
巧鑿流僑力貢育雲屯霧合諸役興下穿三洞高百尺
穹窿翠閣若天成馮夷屏息止鼉鼓陽侯戩粟戒鯨鳴
至今往來人不斷嶮嶮一旦爲蕩平橋南橋北坡堦陡
思居堂集 卷之四 詩七言古 四
雨後泥滑冬更冰公用磴石平且澁縱有陂陀易降升
盤鬱紆曲皆佳致騎步軒裳若繁星兩邊樓閣遙相對
沿街一帶酒旂盈嗚呼公爲一代之柱石砥障狂瀾力
非輕當日相門牙爪橫氣勢洶湧誰敢櫻公道管察持
公道幽默不郵羣吠聲一時朝野俱倚重我家先人尤
服膺小子私淑想遺澤崇仁橋上榮屢傳湖洄從之水
脉脉嗟峨峯嶽空景行低徊留之日西傾歸與歸與細
雨零

烏雛行

烏雛烏衣已裁成陸我庭前啼哀殺盡日墻角樹陰下
躑躅瞻望悲伶仃或遇鷺鳥相搏擊羽毛完好光澤生

或是惡風相掣曳弱翻失勢落虛清汝母乳哺未應倦
相失豈宜忽無情紛紛啼喚知誰是過者不顧空仰鳴
此地狸貓每來往入夜醜類携羣行汝不能高飛上樹
木潛伏難使我心寧呼僮置汝於嚴密朝來飼養再經
營渴則飲汝飢馮食蟲歟粒歟或稻稔我之所食用食
汝勉強吞咽全軀形却憶荒年多棄兒遇我收舖出至
誠終日哀號不可止非其父母猶怛怛今此烏雛復何
異萬物一理堪淚零

幽居憶江南

幽居好日日得清閑陋巷從無車馬到蕭齋只是校勘
煩倦且步花闌 幽居好簾外拂春風吹得百花爭艷
思居堂集 卷之四 詩七言古 五

媚鴛聲蝶翅開芳叢色色醉人濃 幽居好晝漏夏天
長綠樹陰中風細細北牕一枕睡涼涼野唱過低墻
幽居好秋色足人憐暑退好澆籬下菊涼生獨看月明
天遮莫雁鷺寒 幽居好歲暮掩柴扉矮矮茅椽風力
因蕭蕭院落雪花飛濁酒兩三盃 幽居好何事到心
閒夢裡有時吟舊句案頭無日不開顏書卷幾班班

感懷

昨日杏花開今日杏花落開時燦爛照庭除落處蒼苔
空寂寞可憐開落無幾時今日人情不如世上繁華
不可常富貴自能生輝光勿言輕薄識炎涼冷落趣味
珠不長

苦雨步姪孫鸞韻

秋來暑退殊可喜可厭却是雨霏霏三日五日簷溜滴
晴不半日輒復陰晴時雲影白如練頃刻漫天黑一片
燭龍晝暝常昏昏玄冥蜚廉自酣戰南山膚寸雲層加
斜枝曲蔓委蓬麻茅屋補苴漏如篩濕葦斷炊怨貧家
黍稷在野刈不得禾頭顆粒欲生芽積雨生寒風颼颼
林葉墜綠野花愁高蟬抱葉寂無聲飢鶯戢翼嘯不休
東籬病菊可指數似是天公相憐取日來頗添數枝肥
菽芴未覺雨中苦

姪莘廬北上詩以送之

木葉蕭蕭秋風老筍輿欲就長安道滹沱浪高燕山遙
思居堂集 卷之四 詩七言古 六

霜霧不辭鬢髮皓 聖主恩深臣力強泉石且宜謝

隨光敢道書功垂竹帛庶幾熙載賡明良我酌一觴送
君去長亭短亭迷烟樹咫尺天顏何所携冰雪澄澈臣
心素

嗟我

嗟我龍鍾老茅屋朝朝暮暮手一牘有時兀坐自低頭
壯年日月何太速弱冠聲名藉苑蜚粟尾在握溪藤簇
揚馬李杜遠頽頽詞賦頽青時人目文場屢戰每輒北
志氣摧頽鋒穎秃亦有知己在雲霄伯樂善相非當軸
回頭感慨淚欲寒老女無歸空杼柚如今閉戶三十年
羞與時賢競追逐植菊疎籬秋無花督耕南畝每不熟

呼兒日作餬口計珠桂常使眉顰戚

行記室英侯同諸生西郊觀漁

秋雨瀟瀟匯城西水洪波澎湃將十里遙望瀕洞浸天光
款岸崖剝盡圮漁船紛錯東復西漁唱隨風高復低
歎息子陵去已久誰復灘頭坐釣磯騷人逸興曠千載
衝泥踏沙遠搜採蕩槳中流不可得往返疲飢君無乃
白髮無復少年豪株守空齋坐覺勞却羨海邊雕龍手
臨淵欲餌任公鰲

鞦韆行

春風駘宕香塵暖秋千架下妍粧滿纖手輕軀上綵索
霞飛電繞光閃閃冰輪碾白晝同明明仙子颺晴空
思居堂集 卷之四 詩七言古 七

裙裾曳婁留不住金蓮直欲踏蟾宮

早起

燭龍開眼踈窓曙硯橫筆卧書愁處四壁圍得客身留
昨夜夢魂遙飛去欵枕凭几院落開雨濕花苗風吹樹
白首持鉢心忪忡瓦雀墜簷驚回顧

日暮

昨日此時愁日暮此時還復昨日愁昏昏倦眼校書罷
擲筆萬感紛相投世間富貴難力致骨相薄劣應山陬
胡為置身清濁間樊籠踈踈自羈留

挽張孺人

條山隱海鍾淑氣人物秀發饒英異豈惟忠孝壽簡編

巾幗亦復多節義況在名家姆教嫻婉婉夙遵內則篇
婦德母道懿徽備張氏孺人真大賢孺人家世出自號
號叔之裔增式廓孝廉學行斗泰尊誕育孺入幼端慤
嬪於長揖學士家累世簪纓爲國華中翰友于棣萼馨
偕遊桂苑世所誇夫子玉立探二酉漁古獵今案據肘
一時藝林月旦高便便腹笥更無偶既賦桃夭家胥慶
慶得賢媛卜昌盛尊卑大小罔弗宜鍼黹米鹽才猶賸
未幾中翰沒官邸晉樹燕雲二千里聞訃倉皇議奔喪
夫子病卧方調理斷決大計出繡閣毅然直遣十五兒
山行水涉困不計露寢星宿苦何辭扶觀歸來忙厝置
倏忽又見玉棺至雲車霓駕傲所天薤露遽然悲長逝

思居堂集

卷之四 詩七言古

八

連遭大故已崩摧事務叢雜劇風雷內提外督藉髮髻
素車白馬日喧喧心勞力瘁未肯死毀粧拭泪爲孤子
孟母機杼三十年鳳翥龍蟠顏色喜那知鞠瘁病潛伏
及茲二豎猖獗出藥餌無靈倉扁舐苦出號咷嫻卹哭
姻卹宿仰萱花芳佩蘭初蕙薇音長一旦鶴馭崑崙渺
頓失惻惻焉能忘嗚呼孺人節良苦柱維缺折煉石補
二子聯翩上雲衢仲君更利吳剛斧於今土宇益恢宏
堂構輝煌呈衍榮定角振振嶄然起梧捲永痛啓佳城
少女風迴天姥折松柏青青凌霜雪潛德他

萬古千秋姁娥月



思居堂集卷之五

荷氏喬于洞休齋氏著

五言律

聖駕西巡應離使試 康熙 十年

西顧承天眷歡呼萬乘來瞻雲爭下拜獻果競喧沓
水龍舟渡條山鳳輦迴唐風慙儉陋幸得躋春臺
賦得初日照鳳樓步唐人韻

海上紅輪出明霞煥帝居丹堯承麗景畫棟接晴虛
舟流輝下烜烜照影疏冠將龍甲動簷看鳳文舒萬物
觀光處千官見日初葵心知所向敬授奉虞書

哭先亡長兄五首

思居堂集

卷之五 詩五言律

一

自古誰無死嗚呼我長兄別初雙眼淚離后百年情病
劇江波迥魂歸夜月明拊棺成一慟畫角爲吞聲
兄弟春殘別計音夏盡來驚聞鳥鵲噪恨見鶴鴒哀生
死時無定天人理可猜悲秋空灑淚幾陣雁南迴
苦憶吾兄在如何見此棺孤兒號且泣老母戚無歡始
信分襟易更傷聚首難天乎安可問惟有淚雙彈
耕讀承先業經營賴長兄勞存思善訓苦勵友恭情四
十霜侵髻一朝夢奠極期願終有盡何遽厭浮生
甫得膺鄉薦而今遽歿哉天憐辛苦士命限棟梁才世
俗名原淡生平志竟灰傷心無限淚幾點落泉臺

老馬



骨亦當年駿而今老可憐途長時仰首力憊法揚鞭閱
歷諳前路紆迴避世賢燕君如有意論價尚盈千

王孝廉以勉子之作見示率爾步荅

萬壘雲依閣一天雨漲池晚涼行處好新句到來遲
子終當遠鵬程在所期多慙臯北座指點非明師

劉子玉大區別墅賦池魚三首

自可同鯤化何曾入海跳波聊資踴躍荇亦碍逍遙
過雨寬池岬來風驚柳條徒將鱗五色淹寄湯昏朝
位置知誰力潛游見爾心江湖匪易到荇藻漫相尋
時為羈人出還隨返照沉可憐羣聚處綠水自深淺
失海寧貪餌依蒲總為生嗚于空吹沫出沒定何情
自思居堂集

卷之五 詩五言律

二

惜金鱗粹誰憐玉尺清夕陽萍合處有客意怍怍

謁河東秦太守二十韻

間氣鍾名世中天際 聖朝黜黎殷 睿慮岳牧出星
輶誕錫河東福俾瞻鐵嶺標下車咨疾苦行野憫征徭
縣邑風規肅桑麻雨露遙時和鴻雁集日烈鼠狐銷俗
復唐虞舊衢興耕鑿謠慈仁懷下土駭驥懼同寮路險
行天馬霜寒急皂雕原無憂坎珂遂亦失雲霄駭見驄
臨涑儼看旆指條卑棲原澹泊崖岬更岌堯建議裨民
社留青駐寂寥寒儒慙筆硯曲藝比秋條一卷甘蓬牖
十年倚泮橋駑駘多蹶躓樗柳易摧凋敢幸方歎顧長
愁霜霧颺大人賜存問賤子疇延翹越蔭欣能託巴吟

妄自囂倘蒙收藥籠詎敢侶漁樵

詠芭蕉呈衛有嘉

翠色和秋老寒聲帶雨凄幾層心未展無數葉堪題
月過幽階暗雲來晚徑低勿將閒散置可作扇相携

優人演劇戲成

舊葺衣冠古新腔絲管幾何心將粉黛著意學嬋媛態
以歌喉媚羞憑舞袖翻直教如堵者個個欲銷魂

呈吏部郎中葉老夫子二十六韻

世德崑山茂名家帝夢求文章擅椽筆經濟抱弘猷伊
呂間為耦曹劉輩豈倚高標尊北斗重望卜金甌昔作
卯陽宰今同涑水周甘棠被原野桃李爛芳洲數政鏡
思居堂集

卷之五 詩五言律

三

餘暇談經正未休對菲無漫棄洩勃有宏搜每侍春風
席嘗輕萬戶侯繡駕針可度攻玉斧時投感勵羞囚首
激昂欲出頭適逢 丹詔下特擢吏才優相器資調鼎
卿材望作舟旆旌儼壯上寒賤感青留負笈良無路囊
螢徒抱愁景行空歲月瞻望及茲秋使節臨汾霍皇華
寄度諷妍媸懸至鑑清濁辨羣流賞拔俱名俊擯排無
粹尤不才誠自棄無命復何謀所嗟駭駭質曾蒙參朮
收十年仍甕牖千里愧驂騑耿耿心增惡遙遙道且悠
無緣說道貌可以解貧憂救衽敝哀曲瞻雲切湖游終
當自濟勵不敢漫沉浮

武庫師見招率成十韻

馬帳開瑤席梁園列上材更將春日宴欵論野人陪柳
外鶯簧溜花邊蝶粉體奕投連座次情洽釋形骸畢景
傳銀燭餘歡引玉盃臬盧催酒急律令逼歌來月漏三
更轉塵襟一夕開無歸欣厭厭既醉感恢恢師弟志拘
束門墻足溯洞嗣宗狂態舊幸御惠風回

賦得鶯出谷

時禽隨候出谷外趁芳春燕到猶潛彩花明欲喚人金
衣裁處暗柳線織來新下上羣初聚嚶鳴氣更親迎風
非習習映綠獨彬彬樾蔭從茲託遷喬應泰辰

隋河東守將堯君素引弓射妻

孤城危旦夕守將志難搖勅敵謀討測紅顏語更詆瑀

思居堂集

卷之五 詩五言律

四

弓開處急羽箭去時欵柳葉霜中萎桃花風裏凋情忘

巾櫛重氣向死生超萬古河東路丹忠道姓堯

和郭貞符擬唐試帖體五首

爐烟

亦是人間火温磨一縷烟縈爐香馥馥拂几意拳拳弱
倍搏風上輕隨舞袖旋雲情行處緩柳色染來鮮宛轉
躡倪動聯綿遠岫懸卷舒無所碍應到彩霞邊

終子火

亂向秋叢出輝輝數點螢有光流靜夜無意度寒汀繞
砌霜添色依簾燈更青月華憐散碎風力劇飄零暗起
疑然火聯飛詫聚星可憐初化出天色正冥冥

雲聚岫如複

漸覺峯巒出難將鳥道分層層雲抱岫杳杳岫銜雲萬
疊高低影千岩隱見雲嵐光頻變幻氣色自氤氳踴躍
心無定超騰意不群何能脫塵網從此遠霧氛

湘娥倚暮花

落日花明處湘神出晚波猗猗懷蕙蔭隱隱見英娥玉
色凝芳蕊雲裳接翠柯江搖環佩動竹點淚痕多悵望
觀流水悲思寄去舸思君君不見鼓瑟意如何

踏雪尋梅

梅花開也未雪際試幽尋踏破瓊瑤路貪看澹素林寒
香誰解惜冷色我偏禁展齒隨芳遠襟塵無點侵山痕

思居堂集

卷之五 詩五言律

五

分處淺玉氣望中深怪得橫斜處方酣處士吟

麥熟

百舌鳴殘月千門啓曉風腰鎌呼亞旅肩礪向南東
婦揚枝弱認兒笠帽豐全家事田野終歲計猶窮

布穀

候鳥殷勤意田家鞠瘁時通宵鳴不歇盡日叫何爲
處催人急聽來覺餉遲黔黎辛苦意唯有爾能知

蝶

粉蝶來何處空階款款飛無香高又下覓艷去還歸翅
薄翻風易羣孤入院稀莊周相幻化假寐夢依依

魚

得水容髻鬣江湖豈所期
憑人安置處在藻泳游時
浪搖星月駭波動樹枝何
須羨鯉化不涸即天池

種花

無事堪勝任閒畦且種花
得苗思好雨添葉望新葩
草勤朝夕插籬早護遮轉
增無限意寤寐亦梳耙

寄懷同邑諸友

竟為貧鬼脅終歲客作鄉
勝地山當面豪情雪潑湯
滿園中夜月一枕獨身床
故舊無時見空悲鬢髮霜

遊康韜園先生園亭

宵窵從前導紆迴境屢違
崢嶸過甲第漸次啓遙扉
窄窄窄衙入鱗鱗解宇依
頻疑來處背每作去時啼
地澗

思居堂集

卷之五 詩五言律

六

幽襟爽風清滯慮希高尋
還拾級幽討欲拒衣禪室
蒲團靜雲齋鄴架巍翻經
支遁逸飽腹孝先肥水月
空花趣驚飛魚躍機藏修
閑自適坐卧會偏微曲室
嬋娟列晴窗寶玩輝開構
仙液富檢韻筆花飛瀟灑
天全別翔翔世總非高棲
騁遐望遠岫列青圍境向
崇卑幻祥隨寒暑祈四時
擅風月滿地綻芳菲盛夏
涼生腋嚴冬暖在闌先生
自超脫逸興何羈縶羨殺
風塵客斜陽鹵莽歸

立秋日賦得疎雨滴梧桐

清商初應律雨氣已迎秋
淡淡雲邊灑萋萋葉上投
繽紛看露墜颯沓覺風道
似斷聲還續修來勢未收
耐吟

蟬乍咽攬轡客思留此日
蒙天澤朝陽樹獨稠

傭兒

傭兒工既滿告別淚盈眶
戀主行咨且低頭語激昂
柴薪弛舊擔行李裏殘裝
豈有恩相結徒慙意不忘
貧從勤處解逸自苦中藏
他時能努力隨地可為鄉

恭聽運同王介山夫子講 聖諭二十四韻

祖訓中天麗 皇猷繼世昌
明倫媿二典作法異三章
誥誠民生切丁寧日用詳
承宣期守牧被服屆遐荒
尚體生成德還勤放曠方
吾師理謹政石畫見卯疆
忠悃惕余影虛悚勵表坊
如綸頒 鳳闕捧日拜 龍光
既諭紳衿葦旋傳遠近鄉
約期當朔望集講屬膠庠
尚

思居堂集

卷之五 詩五言律

七

慮閭閻子何知律呂鏘
依文諧俚俗逐句衍家常
鉛槧勤朝夕精研竭肺腸
俸歸剗刷盡帙付囊梨棗
長不惜寒煥苦惟期德化
翔是時三月朔弘開四衢
堂曉日瞻薇座卿雲煥漢
潢肩摩來襪襖雲合集冠
裳奉誦 天心見環聽 帝命
彰兒童知孝弟浪宕念農
桑易俗趨新化回心認懿
良行歌歸路拂拭舞祝聲
颺 聖主勞宵肝賢臣敬
勸勸從茲調玉燭永此固
金湯

奉迎瓜澤州

五馬臨梅杏雙橋麗旆旌
瞻輝歡士庶徧德感生成
愛日曛寒席晴光鑒隱情
玉山看峻胡秋水共澄清
白髮登龍幸青雲附鳳榮
羊腸蒙拂拭伏櫪欲長鳴

豫讓橋步德宗師原韵

國士今何在虹留自古橋漆身心已死報主志難消官
道行人急忠魂短碣標名賢懷感歎踪跡訪漁樵

送張小范東歸二首

與君初識面談笑若平生世路工諧媚吾徒尚老成水
惟堅耐冷月以素偏明惜別無兒女盟心有性情

此別難重晤年皆七十餘雲山二千里魚鴈幾回書光
霽何曾遠鬚眉恐漸疎他時夢寥渺何處訪精廬

述懷二十八韵呈王敬老明府

卯國牢騷客山城濡滯人衰年狗薄俸壯志遂沈淪一
繫廣文席久羈梅水濱煙嵐嘗跼踖風樹亦驚塵屋破

思居堂集

卷之五 詩五言律

八

憂多兩鹿荒怪有宿種花消歲月開卷安心神十口饔
殮缺三年衣食貧透迤悲窘路沾漑累芳鄰桃李門無
樹菁莪意莫伸談經爨舍寂啄屋鳥聲頻寺觀隨藜杖
山溪愁草茵逢人漫唯諾繞樹幾逡巡行止非無地追
隨誰可親高情欽茂宰雅誼恤艱屯推解寧求報包舍
見至仁以茲忘瓠落遂爾漫因循今又逢蘭友昔嘗慕
席珍聲名高玉笋旌旆駐河澹芹藻俱生色衣冠共飲
醇如愚蒙覆被渥愛劇真壯但以衰鄰鬼兼之病采薪
微官自有職尸位豈容身懇請歸骸骨何堪齒縉紳悠
悠歲已晚戚戚眉常翠知已應垂諒他人安可論故園
程不遠情思急難泯萬嶺圍如困千林疊若堙會當乘

閒出庶得及新春

聾

不聞天下事耳乃失其官客話虛然諾心知枉肺肝風
從林抄識兩向屋簷看惟有古人語音聲久不刊

元宵次兒衍韻

家家燈火合處處管絃同盛世春風好良宵障翳空幽
人心自遠僻地興偏濃尊酒形聲外清光洽素衷

旋里一首

自從旋里後還理舊生涯蒔草開荒徑逢人訪異花栽
時籌早潦種處任橫斜日月須消遣鄰翁莫漫誇

賦得其葉蒸蒸

思居堂集

卷之五 詩五言律

九

二月繁華候芳園綠葉新光朝日嫩濃向晚風馴隱
隱花藏艷靑靑柳讓春不言常伴李消恨獨宜人欲渡
無須禡綠源好避秦誰知江漢國感興賦蒸蒸

歲菊

開畦去蕪穢樹本慮紛披艷在秋霜後培當穀雨時叢
茸須割愛灌溉自隨宜莫歎年華晚相安隱逸姿

九日奉陪王明府石樓登高并柬諸同遊

絕湖登危閣憑欄眺九秋松雲圍梵宇山鬼漱溪流對
出羣峯碧平臨百室稠空王懷淨土樵斧響深厓是日

晴嵐媚微風落葉愁相期酌令節早約上南樓後至皆
青選先登讓白頭團樂忘坐次俯仰曠神遊命酒勤僮

僕飛觴咎逗遛主人饒逸興旅客盡忘憂夕照迷歸路
寒沙失遠洲途艱頻納履步倦更經邱却幸名賢聚還
將勝地酬廻看歡笑處縹緲翠烟浮

賦得山雜夏雲多

夏日山光麗層層疊岫雲淺深濃淡色高下整斜紋木
容移爲石天孫織作雲商家霖可再萬里望殷殷

我愛南堂靜三首

我愛南堂靜蕭然獨徃情微風吹緩步淡日引孤行佛
閣遙相待樵夫似舊盟迂儒徃慣禽鳥亦忘驚

我愛南堂靜高嵌半壁間烟巒迷指顧鳥道可躋攀老
步惟宜緩孤懷只是閒白雲每相候漢漢冒孱顏

思居堂集

卷之五 詩五言律

十

我愛南堂靜風光劇可憐松聲來閣後澗響亂岩前遠
望羣峯碧迴看衆壑連巖城何蒼蔚樓閣萬家烟

和元采雪樹二首

玊璫庭階樹枝枝綴玉砂烟凝雲氣白霧隔曉光斜鵲
踏飛輕絮風吹舞素花瘦柯生色處隱與碧天遐

曉來庭院白青女散瑤花滿地光搖目寒冬樹盡葩封
條梅蕊沒綴絮柳枝斜遠近參差影雲烟一望遐

賦得波月動輕文

應宗師試

玉鏡高懸處紋生澹澹波層瀾舒淨練細浪織輕羅渡
漢輪徐轉輝川暈不過光凝皎淚湧影射蚌胎多俯仰

明如印縱橫亂拂舸遺珠在滄海庶得比隋和

蒲津古渡

鶻雀危樓外蒼茫識故津薰風猶上古關樹入西秦錦
纜唐宗渡仙槎漢使巡豪遊曾擊節漁唱每沈綸水去
餘空岍牛閑倚牧人無從聞欸乃遙望岳嶙峋

元宵

第一青霄月漸升雲路寬輪從今夜滿影失舊年寒焰
短鰲燈暗花零火樹殘獨將無限期徹夜與人看

懷令孤二周孝廉

老覺難相見佗鄉况各天槐亭烟樹迴離海雨雲連厲
陣猶空啖魚書豈易傳春花開又謝秋月缺頻圓跡滯
嗟匏繫情孤厭鳥喧思君勤夢寐相望一年年

思居堂集

卷之五 詩五言律

十

五色菊

種出陶籬外秋來五色明楚宮腰與細漢殿體同輕歷
亂風欺弱低垂雨解醒媽紅借翠碧壤娜各含情

賀張躋之續弦

綵緜重聯譜綺琴再引凰齊眉還舊案合卺是新粧鏡
裏鸞雙舞屏閒雀並翔藍田春正暖玉氣早呈祥

寓解步至五龍峪

偶作城南步因成物外遊尋途跋石子選勝指林邱古
屋茶鐺沸幽廊鳥語酌高高山不動去去水長流風雨
聲頻至烟霞暮不收頽崖蹲虎豹莫更入深幽

家姪莘廬抵家謹烏龍江五年矣乾隆元年蒙

思放還二首

關外須眉老相看對夕曛升沈驚宦海夢寐逐邊雲
覆思先德高深感 聖君歸來真意外悲喜欲平分
此夕家中客多年塞外人風沙衣色暗燈火語聲新
執手眸含淚談心夜向晨離懷那可盡二十五經春

中夜

夢斷牕間曙淒淒夜氣寒雨聲停柿葉蟲響亂花開唱
曉雞柝懶穿雲月出難秋深漏應永引被百憂攢

思居堂集卷之五終

思居堂集

卷之五 詩五言律

十一

思居堂集卷之六

倚氏喬于洞休齋氏著

五言律

秋日澆菊

漫踵淵明武聊裁隱逸花人閑功課在地僻草蟲諱雨
後添新葉霜前想艷葩終當勤灌溉晚節要修誇

賦得春星帶草堂

露洗雲光淨風飄夜氣清堂開天地濶月落紫參橫
燦燦懸高宇參差映短楹珠聯簷外動德聚井邊明倚杖
看如綴銜盃欲飲傾幽人春興好獨向少微生

壽馮書五廣文

思居堂集

卷之六 詩五言律

一

秉鐸來倚頓春風滿絳紗宮牆生氣色人士藉蓬麻月
旦冰為鑑奚囊錦爛霞才高霏郢雪學富盡張車敷教
通 皇訓儲材毓國華栽培勤旦旦絃誦起家家庭道化
眉坡迎文瀾涑水遐迂儒長閉戶野性但蒔花不謂蒙
延訪仍然錫寵嘉醇醪浮大白雅愛注無涯誼附金蘭
後情企斗泰賒茲當杓建丑正值梅含葩海屋波紋湧
松雲鶴算加升恒羣獻祝瑞色滿冰衙

令狐臨江齋春日小集

桃杏春方醉金蘭袂共聯話長緣別久盃進覺歡延雨
氣涵窗白花光入座妍良辰驚日暮又欲著歸鞭

題路生新闢精舍

人烟將盡處金石出深幽洞闢乾坤別樓尊風月投路
生千里駿勝地一朝收却此花源是銜盃許白頭

殯亡女後歸家遙見其墓二首

痛絕赤楊路遙遙傍汝墳晚風吹夕日曠野寄孤魂濃
淡寒雲色短長雙泪痕可能隨我去冥附過前村
一邱成昨日曠曠竟何依返照綠林色寒烟沒鳥飛三
天人鬼判終古信音稀腸斷墳邊路衰殘洒淚歸

發新豐

新豐聊一夢若木發曦車老僕治行李前程踏軟沙紛
紛交臂去每每問途賒鳥語喧濃蔭山嵐暈薄霞溪流
深更淺村落隱猶譁嘔出翻經寺旂飛賣酒家停鞭尋
思居堂集 卷之六 詩五言律 二
古跡拂碣洗苔花道路催人急風光到處嘉推敲慙未
穩鹵莽過山家

合歡

葉向晚成縷花凌旦亂開合歡誰可與獨念我無猜碎
碎陰偏薄戎戎粧自催蜂須與蝶粉未敢近前來

姪莘廬移居新宅 時尚未有子

身繡能繩武龍光果克家新營招月地好樹繞庭花竈
啓烟橫碧牕明紫照霞石榴方艷艷早已蔭蘭芽
之野

行行出郊牧望望散幽襟滿地青藏鳥連天翠映岑微
風迴燕透密樹抱村深曠濶忘歸處鶯簧乍出林

望南山

春風嵐氣重一派鬱蒼烟日上微分岫雲升淡接天冥
迷潛霧豹縹緲繪真仙礪壑多高蹈何時了世緣

賦得中夜不能寐二首

陋巷無更鼓秋宵恣意長如麻心緒亂到枕雨聲張起
坐空茫昧行吟自抑揚階前鳴促織倡和不成章
未識天將曙不聞雞肯鳴燃燈山樹動展卷壁魚驚細
雨蛩吟苦踈窗蛾撲輕因思狂阮句長嘯還深更

閑居三首

歎息吾生老身名委巷中關門曾不出謝客豈緣窮世
事羣賢在朋情百樣工蕭齋堪自遣花滿徑西東

思居堂集

卷之六 詩五言律 三

可笑幽居事癡騃任所從種花嫌地窄栽樹務陰濃吸
履寬筇杖行吟和砌蛩忘餐嗔老婦一卷坐高春
平生嗜書癖斯夕守寒牕卷愧不盈萬才慙輒有雙缺
殘珍拱壁披點潤銀缸聊取意中適衰年心力降

風雨夜二首

大風狂吼夜一室寤言時屋角羣龍鬪庭堦萬馬馳殘
燈搖老眼禿筆妬新詩欲睡還猶豫寒雞報曉遲
不知簾外雨霖霖酒階微坐倦科頭出行迷帶露歸農
家望方急天意忍相違今夜期優渥油雲黷不飛

雨中漫成

雨滴閑庭院悠然得自娛柴扉蓬隱雀春樹露垂珠暈

綻粼粼水詩雕白鬚憑闌撫烟景移我到仙都

孫克

生時占得免即以允為名兩歲憂多病今年喜漸平弱
能繩祖武慧解學書聲弱愛吾知戒全家一後生

擬新葺翰林院告竣 上親幸賜宴賦詩應制

二首

神京奎壁地輪奐序西東棟宇增新色池亭引惠風儲
材枚馬聚論道孔曾同 帝煥文明治羣欣頌禱工

天臨雲日麗宴洽管絃融百爾承恩渥經邦勵藐躬

翠華臨翰院警蹕從纓簪士氣興逾振皇風遠可尋詩

書敦自昔館閣煥從今麗象 天顏霽金疊 御酒斟

思居堂集 卷之六 詩五言律 四

笙簧諧 睿藻黼宸愧嘉箴雲漢昭回處長聞韶濩音

白菊

籬下傳清白曾無一點塵當秋衣縞素入夜綻絲銀玉
骨先霜傲冰心對雪真參差明月裡雕鏤正勺勺

微雪

寒風吹薄暮濃靄落珠璣細響敲窗紙輕明透箔幃階
痕堆絮亂樹影綴綿肥欲繼陽春曲無那郢客稀

贈王星垣廣文一首

解梁君秉鐸我亦館官衙同傍涑川住如從條麓家鍾
堂頻駐馬錦席屢駢車促膝心難盡常將後日賒

雨雪

上天雲一色六出降茲辰繞徑花粘樹開簾玉照人從
風輕裊裊被毛細鱗鱗碎擲珠光亂忙飛蝶粉新藍田
千頃潤碧宇萬家勺越犬無狂吠豐年瑞可珍

銅雀臺

雄圖慮偏遠銅雀築高臺既負生前義猶夸死後才西
陵歌舞罷壯里收樵來惟有漳河水不教朽骨猜

困魚

底事罹漁網胡為惹釣鈞深潛寧慕餌浮動果招尤空
瞪混珠目難誇骨鯁頭多時仍囹圄妄想入江流

樗二首

翁蔚居然傑空園得自雄枝蕃多冒雨幹勁每排風彩
思居堂集 卷之六 詩五言律 五

翼迴翔遠玄駒上下通客窗惟月伴作意蒞清空

扶疎能薄蔭茂密善招風散與莊生契薪惟幽俗通棟

梁辭哲匠斤斧遠樵童鳳眼枝頭綴應憑雨露功

鹿子

斑龍原有種少小即清奇立惟標濯濯奔已見伎伎背
上霜花冷草邊土色疑遇人輒藏伏野性故難移

柝

夜夜鐘初動周垣走柝聲敲殘新挂月驚起晚棲鶯似
怕愁人寐常依客舍行陰風吹不斷疎雨濕還鳴漏短

催偏急砧停聽未清他時吾去後仍肯到天明

贈門人彭次範

南北幾千里相從豈偶然他山原是石鳴鶴已聞天志
氣開前路功名在少年風雲生驥足星斗煥龍淵美玉
寧當韞韶光倏已遷他時霄漢上雅誼記蓬編

自歎

老更兼多病貧無可遣愁古方良不驗俗事冗難酬卷
帙重經眼癯瘵每抱頭丈夫吾自愧七尺但懷憂

病三首

萬事吾何有百年世所稀飲餐同鶴儉憔悴魄山輝老
驥甘槽櫪窮途識是非壁魚書卷死未與此心違
古稀人所羨多病我長愁拄杖看花落低頭歎水流中
宵千慮盡瘦影一燈留安擇彭殤勝人生老是秋

思居堂集

卷之六 詩五言律

六

敵榻常歌枕閣牕已積塵縱橫書久亂錯愕夢無因有
志空吁歎對人輒欠伸英華銷落盡逆旅不留賓

和答韓雲濤二首

歸來仍四壁依舊席爲門世路偶經歷孤懷自吐吞時
花消歲月力穡勉兒孫自昔心知少白頭那可論
可厭炎涼世堪憐磊落才文章達俗好襟抱向誰開且
結隨光侶勿興屈賈哀翩翩任裘馬未足起寒灰

賀馬七兄入泮

絳帳流風遠白眉著譽良雕龍心似錦繡虎步成章璞
玉難干楚驛驢未過陽螢牕編屢絕雲路翼初翔 盛
世勤搜拔名材自棟梁不須歎遲暮萬里屹騰驤

賦得梧桐一葉落次韓雲濤韻

風雨來秋氣先凌百尺枝縈迴難下處惆悵未凋時暑
缺猶餘熱朱明已暗移高柯入漢聳一葉覆苔奇玉露
霑清潤商飈妬異姿衰榮何有定君子慎其儀

病

乾坤寃逆旅今古寄殘軀病謝門人禱魔煩扁鵲馳風
光花盛敗庭戶鳥鳴呼安得還強健隨時任卷舒

冬日

短晷多寒色衰年苦健忘翻書失次第掩卷憶蒼黃硯
結池中玉窗收午後光吁嗟吾已老未盡酉山藏

冬寒

思居堂集

卷之六 詩五言律

七

日上光初下窗踈影半斜微風吹有刃秃筆凍無花至
後寒逾甚春前候尚賒衰年奚所望天暖即榮華

雪

玉粒森森下銀絲裊裊斜襪襪非是霧細碎不成花遠
樹迷寒鳥榮檐綴薄紗雲低山盡老一望白無涯

新春獨坐

淑氣來天地茅廬獨覺春窗明心洞達硯煖筆精神病
自閑中減詩從靜處新吾將超世外已是老年人

春風

駘宕自來來諸山氣色潤濕融墻角雪綠染徑邊苔細
拂垂楊軟輕扶陽鳥迴時雍看物變應是五弦催

春雲

暖氣蒸潤微風布
渡勻飛騰連彩鳳
踣踞集祥麟
映水同皴皺
浮山自屈伸
甘霖民望切
滂沛及茲辰

久旱譏雲

倒懸山裏石
薄綴碧空綿
蔽日能籠蓋
迎風善變遷
倉茫來又去
飢縷斷還連
本是無心出
甘霖何有焉

癸酉元日三首

四時通相代
大化自推遷
世俗諱元旦
矜言第一天
渾敦想盤古
沕穆過羲軒
萬物于何始
吾將率自然

久歎門羅雀
翻欣陋巷居
忘人並忘我
無毀亦無譽
竹柏焚當院
神荼怒倚閭
形骸殊未解
但夢衆維魚

思居堂集

卷之六 詩五言律

八

親族紛來往
升堂拜老夫
相期登泰岱
莫自辱泥塗
少壯崇朝事
功名七尺驅
吾宗弓冶在
努力赴前途

寄仙居令姪孫鷺

聞道仙居吏
清勤著政聲
珠還明野浦
魁退感蒼生
方寸天常在
公庭訟自平
上官多器重
外邑共崢嶸
挾藻

琴堂暇琴聲
石徑橫烟霞
縈綵色栝柏
蔭鶯鳴
巖嶧嶧街
中出桑麻
望裏呈闈闈
無殿屎屋瀉
更屏營
汝父安願

卷吾家
滿柱撐年荒
騰泉價
轍涸遠江程
點滴分清俸
封面貯至情
遙思丰采好
更慶絨綸榮
寵命聯三世

世 恩光重百城
衰翁歸故里
豪興失前盟
筆硯閑窗
章裁蔭隙地
盈園林
時曳杖
村巷寡知名
反已真迂叟

憑人喚老儂
春風惠然至
暖日早相迎
病瘦憎裘重
暄妍衣袷輕
鬢鬢難盡白
心力未全傾
鄴架書翻徇
毛錐銳尚贏
抄騰補缺簡
咀嚼味殘羹
自足安貧著
全剛望蜀萌
長江流不盡
遠道夢難憑
願贈尋常諺
無為怠宦成

寄答韓雲濤三首

一室乾坤窄
殘軀覆載洪
從教春又夏
未識始何終
植菊愁天早
披襟當晚風
忽傳雙鯉至
滯慮灑然空

悠悠過歲月
寂寂自朝昏
戒酒緣多病
懷人不出村
花殘空舞蝶
春去更無痕
不見心蘭久
班荆藉夢魂

方驚朝易夕
已閱日成年
布穀鳴新月
金衣喚曉天
良思居堂集 卷之六 詩五言律 九

朋雲樹隔勝
日唱酬喧
可念業居子
蒔花當肆筵
阿儂胡適庸
以新句見示
次韵志喜

返照明秋野
林邱爲駐顏
涓流鳴曲澗
遠樹寫蒼山
曠望烟霞晚
幽情牧笛閑
錦囊添麗句
好謝白雲還

賦得鳳凰來儀 限來字 應宗師試
重華明舜日
丹穴羽儀來
千仞德輝下
九苞雲路開
和鳴諧律呂
高翥絕塵埃
彩翼朝霞爛
文光曉日恢
傳天羣鳥集
巢閣四靈陪
竹實香供喙
桐枝穗作臺
威欽瞻

視肅瑞羨德
仁該拔藻池
邊客代言閣
上才欣逢聖
明世鴻鸞共
徘徊

周太守頌賜先任寧武府 誥命詩以謝之

政績高三晉龍章錫 九重椿萱蒙 寵命伉儷並榮
封曠典 君恩渥惟良臣道隆雙旌辭塞上五馬涖河
中望卓條峯玉弦揮虞舜風羣黎歌徧德六邑慶時雍
鹿穀占嘉瑞行看揆席崇

賦得桑泉春釀美應周太守試

駢馬過桑泉桑泉酒可憐新篔香泛泛細酌興翩翩色
入桃花艷杯將荷葉傳春風添頰暈鳥語當歌弦白墮
慙稱烈伯高笑放顛寧如公瑾座不飲醉人偏

思居堂集卷之六終

思居堂集

卷之六 詩五言律

十

思居堂集卷之七

猗氏喬于洞休齋氏著

七言律

冬日詠小竹

羨爾青青竹數竿清標勁節傲冬寒
風頻過還添翠暖日不來豈灑斑
萬丈參天看氣勢一叢倚檻足檀欒
此君骨氣原豪俠耐盡嚴威不肯殘

冬夜讀書二首

深冬至後夜仍長掃案翻書例率常
婦怪地吟頻問字婢忘職事悞鋪床
書呵凍筆無勻畫句吐幽懷有異光
却似不如時解確作詩一定暮三唐

思居堂集

卷之七

詩七言律

一

代積詩書添口舌人從情性孕文章
奇雲出岫生千態細浪隨風織七襄
擘效西施終醜劣句商老姬太顛狂
挑燈檢韻酌孤興月照寒更滿院霜

麥浪

一望來牟祝滿車媚藍柔翠際天涯
新田漲雨畦無岸遠浪迎風燕有槎
野馬驚湍洲畔過村人戴笠島中家
太平應有倉箱慶不必三岐是瑞華

妓有名風兒者惠子迪以和彭孝廉山公作見示

并索和韻

何處吹來入座輕裙留僊子不勝情
花開徑外香氣遠柳簾池邊鳥語明
枕簟晚涼駕夢穩珠簾初捲燕飛橫

最憐一止盈盈面春色醉人不可醒

謝書蔡劉郎中惠筆

兔鬚湘管貯雲烟系出中山奕葉傳曾為羲繇呈絕技
直教燕許擅如椽郎中銳著文房富迂腐珍承雅惠偏
却笑半生親筆硯江淹得夢自今年

贈惠子迪老大

惠子清癯海鶴姿翩翩雲外寄遐思一盃濁酒數竿竹
終歲閑身四韵詩好學胸中元自富多才世上未相知
只今班駘蓬蔭下意氣凌空我所師

赴安邑應試

未脫儒冠又此行風塵滿面過荒城蜘蛛布網依屋宇
思居堂集 卷之七 詩七言律 二

鳥鵲呼羣上樹鳴雄堞上崩空魏豹風雲運云惜炎精

人生出處論誰勝只怕黃梁夢不醒

哭伯兄仲兄

西江一去不歸來慟我神傷萬事灰生死未能探冥數
別離難可到泉臺家門薄祐誰撐柱伯仲遐升弟敗類
底事鴈行還陣陣鵲鴿原上淚橫腮

冬日偶成

傍晚歸家手一編正襟危坐向燈前疑團未解刪詠註
好句堪珍敬古賢窗月去時雪留影硯冰合處石為田
機聲欲斷書聲續可任風濤戶外連

築茅數間成二首

荒園闌徑結茅菴經始落成月歷三直與蒿蕭爭散曠

不煩燕雀共呢喃踈狂碍俗方能遠湫隘容身自可甘

高卧北窗誰伴侶野風山月舊相諧

門無雜客扉常掩架有殘編性所耽今古驚心都是夢

縱橫堆案祇因貪風林鳥語恁嘹亮月夜花鬚露吐含

物態總添新興致筆公絳客共長談

賦得花覆千官淑景移 應范宗師試

丹宸刻珮集千官畫漏沉沉春色闌花氣氤氳仙仗外
鳳輝璀璨瑞雲端羣鷺有道鶴鸞列共沐無私雨露寬
最望夔龍啓東閣還教王貢慶彈冠

再試輕寒不入宮中樹

思居堂集 卷之七 詩七言律 三

秋飈拂拂曉寒輕宮樹依然向日榮密葉籠蔥含黛綠

高柯挺拔與雲平霜霏禁苑成甘露鳥返秋空下健翎

遙望濃陰籠葢處定知桃李有花生

補祝李心翼壽

柳葉舒眉共舞錢老人星燦照芳筵添籌未有高陽客
獻果應多闌苑仙坐卧閑園無事日逍遙太古大椿年
莫嫌祝致筆封晚正要升恒日月延

所見

香車寶馬長街粉黛如雲隊隊捱亦有艷粧誇嫵媚
幾多新樣巧安排寒棠欲露纖纖手上砌難藏小小鞦
韆道浴陽三月好暉好視此未能佳

友人以諸老詩索和步韵七首

老将

少年斗膽每橫戈，壯志猶存奈老何。
攘臂似聞金鼓振，掀髯曾憶羽書多。
聲名誰畏灞亭李，飲啖猶誇趙國顏。
若使擁麾專閩外，天山定後聽長歌。

老儒

儒冠未謝歷風塵，頭上年年雪髮新。
虎榜名高歆後進，雞壇笠破傲凡民。
論文熟識王唐法，溷迹偏知命運屯。
抵掌滔滔譚不竭，環看座上久無人。

老醫

珠囊肘後貯岐黃，刺有活人濟世方。
自愧無丹能却老，思居堂集
卷之七 詩七言律 四
終誇有藥可回陽。藥筵屢入矜珍錯，華戶難容較短長。
要與子孫留燕翼，丁寧素難枕中藏。

老師

欄衫志氣未全灰，舊是鬢門倚馬才。
屢戰文場風不競，虛銜斗宿劍猶埋。
生徒濟濟衣冠古，須髮蕭蕭歲月催。
截柳編蒲俱度閣，秋風時羨桂宮開。

老妓

嫩葉柔枝喜送迎，髮變白髮陡然生。
菱花無復春風面，錦帳猶含暮雨情。
笳貯纏頭曾易得，座多屬目與誰成。
琵琶一曲堪腸斷，北里當年負盛名。
門稀車馬欲誰迎，獨倚殘粧寂寞生。
舊好寒盟真短倖。

新逢冷眼有何情，祈靈脂粉全無驗。
借夢鴛鴦總不成，老大無歸誰可似。
白頭衣褐尚求名。

老道

欲上三清未有年，晨鐘暮鼓已華顛。
黃冠符籙皆塵障，寄福妻兒是俗緣。
修煉無功丹竈塌，飛騰何術野雲連。
欲聞道德歸根訣，獨讓關門尹喜先。

競康鐔霜工部二首

脩然千古讀書懷，萬卷百城老與諧。
一旦英風空洛社，幾時清籟出雲齋。
傷心孟酒論文地，灑淚童顏倚杖階。
雙眼迴環無處着，失聲知己邈天涯。

思居堂集

春前約我一尊同，忽見文星落曉空。
杖履無聞庭寂寂，鬢眉儼在意忡忡。
新成大刻留天地，忍棄故人始終。
恨我白頭欲安往，虛堂徒倚哭秋風。

睡覺

罷飲歸來夜氣涼，脩然一夢穩繩床。
微風拂拂簾櫳靜，斜月盈盈篔簹影。
長暑餘全消，連雨後放明。
初上斷雲傍，此時心地微滿爽。
厭聽樓東鼉鼓忙。

聞蟬用望之孝廉韻

驟雨駘將暑氣開，疎林忽送一聲來。
悠颺白晝長還短，搖曳微風去却迴。
伏晝初度桐葉老，秋凌六月露華催。
那堪嚶嚶南樓外，先遣霜侵客髮皑。

秋海棠一首

如卿乃可喚幽姿獨向秋階弄色奇冷風前春自暖
樓榭露下伴常携羞多不使朝陽照艷絕偏宜夜月隨
怪得許多蜂與蝶飛來飛去不曾窺

五月聞鴈

一聲嘹唳使人愁滿樹榴花尚在眸塞外自應同五月
雲間忽已報三秋傳書定到衡陽返列陣寧從上苑遊
客館羈懷方病悻不堪肅羽過南樓

同呂緒伯夜飲張氏洞園樓一首

微風習習夜蒼涼好友相逢話素長歎息燈前看雪髮

胡盧盪外鬪霞觴金門有詔孤懷遠緒伯舉博學宏詞不就邱壑

無才舊業荒且喜洞園能把被主人高興正飛揚

思居堂集

卷之七 詩七言律

六

賦得桃花紅近竹林邊

翠竹林邊爛熳紅桃花含笑不言中疑於灼灼觀王化
早向青青識衛風千畝琅玕明遠火一溪烟雨起長虹
仙源莫道尋無路只在篔簹谷口通

訪張躋之讀書洞園并寄令弟望之二首

洞園何處曉城西地僻林深境易迷竹影交加侵徑窄
苔痕施曳上階齊當空白月樓頭近對面青山檻外低
此地讀書人宛在多應太乙為然藜

秋初暑餘有餘威影地全將世界違樹裏蟬忙風颯颯
花間蝶懶雨霏霏嗒唔有韻成金石笑語無嫌洞隱微
但愧此身為俗絆仍將策蹇向炎暉

迎春陪王衍公明府

青旌簇簇出城東冠蓋聯翩拂暖風橋下水流知凍解
山頭雪盡看嵐融笙簫導路芒神喜拊舞祈年稚子同
課雨量晴從此始莫孤賢宰惠民衷

守歲

流光水逝不須愁三百六旬又一周淺淺門庭春易入
蕭蕭院落客能留墻陰積雪消方盡柳梢微風動便柔
舊歲只今餘幾許支願兀坐數更籌

贈樣村宗先生

萍踪天幸歲先生道氣溫溫未易名璞可連城只自惜
鴻非避弋本無營偏於檇柳留青眼得就芝蘭話素情
思居堂集 卷之七 詩七言律 七

每感春風想襟度胡然人在玉山行

再冬

他鄉兩見歲華殘白首何曾戀末官一繫山城無計脫
憑教雲翼欲飛難無臺避債家園索有地栽花風月寬
早晚兒孫粗糲足溪峯勝處且團樂

宋先生東歸詩以送之

聞君治任遠將歸眼底風光乍覺非玉嶺松杉雲黯慘
虹橋梅杏水欵欵離樽聞處鳴黃鳥旅舍休時朗少微
渺渺海邦二千里關山多恐雁魚稀

寄田少宰二首

少壯曾聞相國名朝陽又見鳳凰鳴掄材秉鑑分冢宰

拜草批鱗凜 聖明斬向平泉藏霧豹終期霖雨慰

蒼生賜書堂上思先業風月難禁戀闕情

長孺聲名重漢廷胡為解組在林垌青年豈合甘肥遯

盛世寧當賦采芩月宇拈題追繡虎芸牕閉戶學夔夔

分明却是書生事怪向迂儒眼亦青

賀武城守司榮擢

壯年聲望重干城龍虎風雲指顧生技妙穿楊推上將
材高分閫邁羣英泥金詔下銅符貴玉帳轅開畫角鳴
定遠封侯原有骨肯將尺素慰遙情

憶故人鄭亮揆茂才

三十年來異死生高山無處仰康成花前醉客今重到

思居堂集

卷之七 詩七言律

八

嶺上閑雲總莫憑試問諸孤荒舊業自憐薄宦愧交情

令威鶴語知何日白髮蕭騷淚欲傾

奉迎德宗師

補衮才猷 簡在臣持衡三晉望嶙峋轅門濟濟冠裳

蕭法座煌煌道德醇獎勵春風生齒頰温恭玉氣動星

辰登龍此日欣多士白髮仍霑化雨頻

奉和德宗師淮陰侯祠元韵

自古難居震主功堪憐嶺上漢臣宮登壇未必知身貴

裂土何曾是運通社鼓薦簪千載祀荒墳落葉九秋風

韓家公子誠高見不羨王孫廟貌崇

閒步

渾無拘碍遠城遊石路蹒跚自去留四面青山倚天立
周遭綠水帶雲流逢人詫我衣冠別羨鳥投林羽翮收
早晚家園得歸去茅堂醉卧更何求

奉迎李藩臺過心

寄重句宣制一方山川千里沐恩光河汾波遠明天漢
鴈代峯高擁晉陽五馬問風勤風駕雙轡沛澤歷巖疆
章縫濟濟欣瞻就共指德輝下大行

賦得歸雲擁樹失山村

山村樹暗更棲雲樹色蒼茫日又曛返照峯頭霞似錦
斜陽天外傘成雲雲濃着樹飛難去樹密留雲返不分
一片烟光迷遠目千層嵐嶂聳高氛樓臺隱處枋榆亂

思居堂集

卷之七 詩七言律

九

雞犬鳴時澗壑破田父自行空望望牧童遙指漫云云
敲砧何處尋閨闈舒嘯無從訪隱君靜穆居然成太古
人間秦漢豈相聞

自歎二首

雁來寒葉下霜空屢擬歸期事未從衰老飲餒全不健
沈疴藥餌總無功卑枝似可容蟬翼苦柏誰能量寸衷
可歎桑榆還作客長宵短晷耐秋風

尋常兀坐苦低頭不戴南冠是楚囚荒署到秋真寂寞
老年多病更羈留雲山不阻還家夢風雨只添食肋愁
可歎相知堪借力忍教霜鬢作浮鷗

送宋象山東歸

太行東去海天長底處雲山是故鄉風馳酒旗飛客興
雪餘官道冷行裝晨征旅店雞聲早晚趁郵亭驛駕忙
花徑書堂堪計日應憐倦鳥獨迴翔

贈姪莘廬同卿

歷事三朝蹇蹇臣蟻行鵠起飽艱辛 君王洞鑒忠清
節草野閑偷老病身曳杖槐陰同輩少開窗月色故交
親懣鬢漫興詩成後田叟畦丁共討論

歸來

歸來四壁故蕭然徑外桃花幾樹妍似喜遊人還作主
頓教茅屋欲生烟扶傾補漏安身計治圃栽花遠世緣
從此掩扉無事事猶將力疾校殘編

思居堂集

卷之七 詩七言律

十

孔鑄莘廬與族人為四季會余自沁歸聞而慕之
耆英社會躡前修族姓團樂誼更周薄具酒肴為遠計
全無嫌忌自綢繆春花錦爛堪談噱秋月霜清互挽留
可許醉翁參末座猶能拍案唱梁州

閒居

本自疎慵更暮年南窗寄傲或高眠寒門客少無容謝
梵篋書殘未可捐閣筆庭前聊徙倚栽花雨後乍芊綿
塞翁失馬君休問半畝濃陰別有天

檢書

敝篋殘書卷可千壁魚潛飽幾多年今來照舊標籤軸
此後從新認固遷老病健忘如夢鹿閒搜奇字當遊改

因思少壯能勤苦晝不停披夜不眠

書齋漫興

衰年何事可相宜竊據文房自笑痴久已罷官仍講學
不曾奉旨擅填詞寒欺散燄欣冬暖慣忍飢腸待晚炊
七十老翁憑鬼笑披吟舊業自兒時

木葉

木葉凋霜到處飛從風歷亂舞斜暉條旋轉初難下
到地飄颻更莫依起伏無端終落魄東西何定亦忘機
世間松柏由來少樗柳長青安可希

夜坐

獨坐空庭夜寂寥清涼頗覺世情遙蒼蒼天遠橫銀漢
思居堂集 卷之七 詩七言律 十一

點點珠明掛樹杪靜想乾坤真客寓迴思身世漫萍漂

十一

吾生鹵莽忘歸宿鷺見風驅落葉飄
手顛不得書字
性癖臨池少壯時衰年筆硯欲長辭栽花植竹與猶在
展楮拈毫手已痿登善擅名枯樹賦吳興得意少陵詩
閑臆把玩空長歎不得名場並轡馳

登東嶽廟

崔嵬古廟屢屢攀躋慣步時過澗水西更引孫籬尋怪石
不須樵子指前蹤幾家復穴鳴雞犬一樹松雲蔭坦夷
遶檻砧聲時上嶺沿流浣婦語低迷

八澤州和章至又成

八澤州和章至又成

大守勤民莅沁川更留青眼到微員停車握手榮華髮
倚馬揮毫得錦篇侍坐每欣天宇霽接談私幸俗塵蠲
獨憐遲暮逢冰盃可久山城戀一壚

無聊

三載棲遲一畝宮韶光荏苒又秋風雨連山氣成全白
菊爲人愁綻晚紅拄杖循階衣乍冷撇書歌案志常慵
無聊坐卧如何是竟到家園夢有功

病中滿小愈

撐腸拄腹卷無千何物充盈欲廢眠乍覺胸懷寬更坦
恍如天宇霽無烟衰年苟且祈身健累日疴羸恨病纏
自此方書且高閣尚將茅屋作神仙

思居堂集

卷之七 詩七言律

十一

正月廿三日莘廬生日

伯仲抽簪已暮年園林悄悄獨踟躕曾經世網深局戶
每感塵囂欲問天伏枕多時只檢韻扶筇到處輒談玄
行年七十將何事學得逍遙是地仙

九日次莘廬韻

賦得醉把茱萸仔細看

登高幾逐少年場白髮茱萸佩有囊不爲秋風憐紫豔
偏於醉眼送清香光華未與人同老把玩幾忘菊已黃
那更坐邊飛木葉夕陽西下一傾觴

雞鳴

午夜膠膠斷續鳴時從牕外送寒聲鄰垣穩宿風中遠
院樹高棲月下清燭照豪華嫌漏短愁侵敵榻喜天明

不堪旅館嚴冬候每喚征夫上早程

庚午初度自壽二首

忽忽浮生過古稀從前夢想總皆非妄攀賢達成樗散
苦學推敲惹俗譏嶺上雲水空色相林閒月影自依違
衰殘不用祈長壽落葉風前歎夕暉

不意吾年七十三銀鬚雪髻尚耽耽披吟永晝長志倦
種植名花未覺貪腕病臨池慙義獻家寒有客怕纓簪
蕭條自得閑中趣翻厭兒孫勸飲饌

解幕哭張躋之三首

孤館魂驚雷雨頻不知君作古時人洞園春暮風光好
異地情遙夢寐親藥餌難留天上召凶聞真愴客中神

思居堂集 卷之七 詩七言律

十三

旁皇瞻望無從哭淚眼淫淫盡日顰

知道君亡君始亡多時猶想見清光身羈條麓樊籠客
地遠衙齋耳目荒萬里晴光雲乍暗一林艷朶雨摧芳
滄桑直是崇朝事翻恨人言太確詳

盡日蕭齋思惘然嗟君此去幾時旋塵寰尚有迂儒在
冥路何當國士先最恨醫無倉扁手遂教阮等已辰年
如今白髮將安適極目蒼茫雨淚漣

首春懷彭刺史

條山舒翠萬家春藹藹晴曛欲醉人艸色迎風青似舊
林光映日麗從新登龍自幸矜知遇望嶽空殷愧賤貧
玉柱峯頭雲燦爛餘輝時及涑川濱

元日

歲序寒煥自遞遷遂過六十八新年情如岬柳榮迎暖
態似山松老不鮮爆竹誰家喧里巷神茶各戶仗刀鋌
兒童嬉戲相矜羨未識衰公閱歷偏

十七日雪後晴

東君着意誤元宵才過元宵晦翳消日色清明庭無暖
雲光翠碧海天遙山頭戴白深藏璞野隴含青淺露苗
到底兒童多怨望侵凌佳節是青腰

掃雪

柴門冷寂是尋常雪擁階除亦有光底事駈童須掃盡
只緣見日怕流長浮多虛耀疑偷月潔則生寒濫引觴

思居堂集 卷之七 詩七言律

古

若是恐妨賓客至不知誰棹子猷航

和唐人迎春侍宴應制

御道青旂引翠華迎春淑氣入千家芳林日彩明仙仗
上苑風光駐玉花湛露思霑桃李醉賡歌聲向管弦誇
陽和布德從茲始草綠山腰一帶斜

無事二首

年衰地僻戶常扃世界瀾翻獨寡營幾卷殘書開睡眼
一聲啼鳥動幽情閑尋歷日看栽種偶檢方書思養生
此外許多衣食計痴兒亦自解撐撐

年衰執友久凋殘地僻軒裳枉駕難開卷古人如接膝
對花時鳥亦鳴歡山雲出岫歸時少社燕凌風去處寬

白髮踈慵偏自在猶嫌筆硯廢眠餐

有頃莘廬至

里門停駕夢中鄉少長歡迎滿道旁細認鬢眉知某某
回思官邸意茫茫清癯似鶴神猶健颯爽凌風步自強
早謝朝班甚歸計好憑筇杖學徜徉

與莘廬話告政事二首

久與林泉有夙盟 聖恩高厚未陳情烏龍江外身能
返泰岱峰邊綬更榮病日昏昏幸天鑒歸途坦挈家
行故園門巷全依舊又已三年水上萍

平生事業了於今誰識浮沈宦海心冰檠自持仍坎壈
山川經險獨呻吟歸來豈有平泉適却掃應無俗慮浸
思居堂集 卷之七 詩七言律 十五
不用門前栽五柳閑時扶杖有槐陰

思居堂集卷之七終



思居堂集卷之八

倚氏喬于洞休齋氏著

七言律

選得沁水司訓六首存二

沁水溪山我舊遊於今十日記淹留攀蘿鳥道登高頂
踏石萍灣渡碧流半嶺收樵俱識面中央鳧鷖亦疑眸
最憐雲壑深深處無數名花不肯秋

好友相招得勝遊携觴命侶日探幽詩題蕭寺龍蛇動
霧暗蹲崖虎豹愁勝境依猶在眼行雲渺渺漫回頭
鍾期已去堪惆悵流水高山尚自留

雪後登城眺望

思居堂集

卷之八 詩七言律

石樓山色破蒼蒼雪意闌珊碎有光松壑淺深藏鶴鷺
柏岩高下綴珩璜寒烟漠漠連天宇積素輝輝見佛堂
分別舊遊溪上路悠悠高頂白雲翔

賦得遠上寒山石徑斜

命駕高尋上遠山盤迴狹路歷屏顏輕輪輒軻依崖轉
怪石峻嶒當轍頤逸興不隨西日下孤懷常共白雲閒
霜楓照耀高秋色欲為青松著錦斑

邀王明府侯諸蓮幕遊碧峯寺二首

碧峯山上梵王宮呼吸應將帝座通問法擬登諸界上
探玄直欲萬綠空林烟織嶺無飛鳥野唱穿雲有牧童
期我同心晴暖日携觴聯步極穹窿



遙瞻鷲嶺倚橫峯翠積烟嵐嶂幾重絕壁有雲扶窘步
寒鐘落梵引高踪無嫌偈仄尋樵徑豈羨袈裟問佛宗
勝地自應留勝迹追隨不敢謝龍鍾

贈張梅村

石樓精舍聳清幽高士逍遙在上頭日與雲霞相掩映
時從松鶴共盤遊稜稜道骨風塵外娓娓塵談珠玉俦
幾欲尋君嵐翠杳烟林深處隔溪流

槐庄小憩

山程小憩識槐庄廬舍蕭疎倚夕陽大阜龍從春樹綠
曲流澎湃石坡黃堦頭稚子尋芳草陌上青娥執懿筐
朴澹風光添客思烟嵐深處想羲皇

思居堂集

卷之八 詩七言律

哭李楚九三首

三十年前道誼盟重來猶及話生平君將入表神仍健
我未七旬髻久星竊幸舊交餘碩果可堪羈旅失嚶鳴
蕭蕭苦雨驚聞訃悵別從今異死生

日日愁雲黯不開山容慘淡水聲哀鷺聞易簧君長往
愧說談經我漫來病榻相看只哽咽瀛洲何處獨徘徊
乾坤無色英魂渺楚些歌殘招不迴

悽悽慘慘一登堂薤露歌興欲斷腸道貌依稀遺像在
士林憔悴典型七十年鶴唳悲他日一夕山頽悵此鄉
漫擬瀛洲與方丈將從玉嶺見顛昂

賦得白雲深處有人家

層雲巖際際餘砢戶巖扉逕徑斜雞犬有聲看不見
牧童携伴語無諱寒砢半嶺催黃葉荒坡荒坡叫晚霞
望望無窮烟霧複巢由多在此中家

祝翰亭張鄉耆壽

翠滴秋嵐玉氣輝誰家抱璞在巖扉遙從雁字瞻南極
敬寫雲牋祝少微菊酒華堂觴固老蘭階香霧繞椿聞
相羊不羨魚鹽舉丹穴文雛矧競飛

數鷄

碧樹高樓占一枝司晨修夜叫常遲名標五德空呼食
職曠三鳴豈識時月下幽窗明未曙風傳漏鼓遠尤疑
當時函谷無嘉客欲出秦關未可知

思居堂集

卷之八 詩七言律

三

賦得刺繡五紋添弱線 應朱太尊試

繆覺深宮盡漏遲金針絲線度絲絲水純繡帳鸞將舞
玉樹橫窗日未移遠有春光青柳葉應看暖色暈桃枝
欲茲繡黻昇平候早晚薰風萬戶吹

姪畊廬歸自閩藩出秋吟草見示二首

寄重承宣素服歸際天風浪旅魂飛悲秋有句腸應斷
賦此成吟淚自揮遠路滿添頭上雪征塵恣染襯邊衣
到家山水六千里始得安心哭總悽

遠客奚囊富咏歌披開梵籥見風波雲山滿眼鄉心急
歎乃中流衣淚多旅櫬孤扶悲楚夢石尤狂打恨江沱
歸來且勉爲長計白髮其如 聖眷何

韓信嶺二首

萬山高頂漢功臣廟貌恢宏勳聖新嶺上風雲垓下陣
路傍談笑冢中人寧於雲夢無先見却向未央了此身
累卵危橋綠震主子房伶俐古無倫

千秋峻嶺號韓侯一冢荒涼嶺上頭過客幾多爭酌酒
迂儒登望獨含愁山雲漫湧層巒出野鳥猶爭茂樹留
短碣殘碑多感慨教人轉憶五湖舟

贈儲六雅先生 二首 時藩司聘修晉志

理學江南第一家寧惟闕閱足清華先生道氣真如玉
後進迷津每借槎煉補有方空袖手翱翔到處欲騰霞
即今小試三長技椽燭熒熒燦筆花

思居堂集

卷之八 詩七言律

四

世望嶙峋尺五天先生於道更精研嘗從靜裡探無象
每到神來得又玄一月春風容我坐千秋大筆讓誰先
山川草木蒙光寵好藉輶軒遠 御前

瞿副貢遊桂子園歸再遊四美園以新作見示步

韻奉答 二首 瞿爲儲六雅先生甥

尋幽曾向桂園迴一望迷離抱未開亂草空埋殘瓦礫
斜陽無復舊亭臺僧持貝葉勤朝夕鳥戀珠林自去來
獨有幽人多感慨空將屐齒破蒼苔

古剎觀空未息機歸來逸興尚依微還尋勝地開樽好
共聽清歌有韵飛水榭山亭欣躡履藤枝石角每鈎衣
名園自此方生色一曲陽春玉屑霏

偶題

漫充賓館送羈棲影暗踪窗日又西每聽晚鐘僧寺近
易來新月女墻低家園夜夜紫歸夢筆硯時時複舊題
總為未別名利念萍漂處處不堪提

重遊桂子園仍用瞿副貢韵

舊遊佳地路迂迴迤邐遙尋一徑開襟襟似曾諳面目
烟林早已出樓臺人登絕頂披襟立嶺越重城送翠來
何處可能沽斗酒儵然共醉卧蒼苔

太原

大山三面晉陽城水聚風濛歎谷陵晉府遺基荒草合
唐朝舊業野雲生清晨鳴角烏臺署白晝轟雷驟騎營

思居堂集

卷之八 詩七言律

五

武備文修磐石固每聞簫管唱昇平

北街

長街北去漸人稀緩步從容識細微短家垣牕向市
深深僧院樹籠扉驅驢馱炭來黥面挈鷄傾觴鬪綠衣
大槩名都多似此道入閑處坐忘機

晉祠

晉水源於懸甕山尋源不見水潺湲山銜古廟盤空出
水繞危亭逐徑還老柏支離龍怒攫垂楊菊蔚鳥綿蠻
留人處處清冷界底事朋從在世間

省四兄於交城

晉陽司鐸近何如聞道衰顏似鶴癯老自舊年積已雪

貧非今日食無魚萱堂夢寐心千里宦舍荒涼草一區
知有幾多愁思在相看白首共長吁

送別瞿副貢歸江南

何如歡會寓離憂把袂相看不可留一騎雲山江左路
滿城風雨晉陽秋詩吟白雪高無和氣吐芳蘭鬱寡情
枳棘元非棲鳳地驪歌唱罷使人愁

用馬壽君解元韵留別同事

雨後山光翠接天其如歸思滿樽前愁看野穀成新粒
厭見盆花落晚妍未別銷魂憐宿好含情得句悵寒烟
吾徒浪散尋常事選勝高歌莫惜錢

馬茂公茂才以感憤之作見示步答

思居堂集

卷之八 詩七言律

六

文壇豎幟幾多年白髮猶爭祖遜鞭世上功名真泡影
家傳弓冶有心田途窮似我寧當哭學富如君可自全
古道荆榛誰與闢南華且讀北溟篇

對菊

隱逸幽姿手自栽經春歷夏亦艱哉曾沾酥雨盱眙出
幾被炎風憔悴來老僕見憐時汲水微蟲何意每戕胎
秋來也有英華發白白黃黃次第開

白菊

一種冰雕玉鏤姿凌霜皎皎上英枝雲擘月朶參差出
露沁雪團照耀奇入夜姮娥應斂態凌晨郢客欲題詩
休誇院落梨花好多恐春光早讓遲

落花

芳菲時節怨東風，忍使枝頭艷色空。
敗粉飄零鋪徑白，殘枝飛舞繞窗紅。
長歸西子辭吳苑，遠出昭君別漢宮。
冷落不須悲命薄，絲華自古有終窮。

自歎

半生漂泊苦無依，彈鋏朱門事事非。
錦瑟千齊空逆耳，夜珠投路動危機。
餘光誰許鄰家借，點滴長將酒轍違。
欲脫儒冠雙鬢白，還將螢火照書帏。

辭令狐二周孝廉見招

新年使命辱相招，暖日薰風路不遙。
病肺未能勝點酒，閉門曾已度元宵。
華筵漫想陪嘉客，散態惟應對野樵。
思居堂集 卷之八 詩七言律 七

謝家羣雅孝廉借乘

羈人歸思際天涯，無騎堪乘道路賒。
上廐許將鞍馬出，愁懷頓與野雲遐。
風生駿尾爭飛鳥，鐵踏霜蹄踏軟沙。
快此趁趨思古誼，宣尼何事漫興嗟。

鳴雀

黃昏瓦雀亂鳴枝，上簷閒話次寥月。
冷早應覓歸宿，風淒寧可任漂搖。
相商每每多相誤，獨往紛紛忌獨高。
世事可勝長太息，婆心為爾古偏饒。

偶成

洞園風月又高秋，每到黃昏輒復愁。
風慣樓頭吹鐵馬，

月初雲外挂銀鈎，踈林着意隕黃葉。
紫葍無心憶故邱，客子衣寒惆悵處。
時聞旅鴈叫無休。

講堂

同張漢傑副貢野步遂至鹽池歸過曹文若孝廉
同人結袂步城隈，不覺遙臨監澤頭。
一片寒光浮玉氣，千畦碧影照霜秋。
周王馬跡無從問，猗頓生涯何處求。
雨後烟嵐藏虎豹，晴來雪浪擁鳧鷗。
薰風歌罷虞弦在，帝子詩成鐵畫留。
俯仰溪山遊遠目，撫摩碑碣識名流。
歸途喜過玄亭近，勝地無妨野客投。
粉壁龍鸞騰采色，書幃金石動城樓。
騫塵不到即仙境，雅韻初聞豈漫遊。
却笑吾徒生計拙，孝廉亦只筆耕謀。

思居堂集

卷之八 詩七言律

八

秋雨

多時不雨雨難堪，淡夜連朝與致酣。
望去只看孤鳥沒，聽來如共俗儒談。
鳴鳩苦苦雲明暗，幻泡盈盈自茹含。
戶外總無容足處，補天無石使人慙。

中秋招友人

倏然五十九，中秋每到中秋歎。
白頭却愧良宵無勝致，空教明月笑庸流。
花枝雖老猶含艷，菊蕊方苞可遣愁。
沽酒寄言諸夙好，一場携向桂宮遊。

哀周虛中一首

蕭然一榻目長瞑，信道全無戀世情。
贈我詩猶粘素壁，尋君棺已蓋英靈。
人間無地容吾輩，天上伊誰是友生。

可識貧交非易得，幽明相憶淚同傾。

寓解

底事羈棲久不歸，山雲谿雨日依依。
端出岫成蒼狗，每聽驚濤入夜扉。
艷火榴燒玉樹森，森蒲劍擁苔磯。
花塔石砌多佳致，爭奈鄉心共鳥飛。

秋日之運訪躋之望之昆仲

禾黍中原半已收，紫花黃草際厓頭。
疎林亂擁千村色，遠黛橫拖萬里秋。
一騎蕭條邱壑路，孤懷勃起牧樵謳。
躊躇此去舊遊地，好與機雲共唱酬。

偶成

半畝之居一腐儒，優游卒歲號書愚。
只教過眼不求解，思居堂集

卷之八 詩七言律

九

總要無心得自娛，癖嗜臨池因病腕。
老耽拈韵漫搵須，於今筋力俱衰朽。
日月驚心過隙駒。

除日雪

此日難留雪滿天，青腰得得餞殘年。
銀花糝徑飛蝴蝶，玉葉繁枝舞柳綿。
壓帽轉愁添老鬢，穿帷猶似照青編。
鄰家爆竹聲殺急，底處還尋訪戴船。

丁巳元日仍雪

歲朝仍見雪花飄，送舊迎新遂徹宵。
不許人情乍寒暖，偏教世路更瓊瑤。
庭燎影裡蛾爭撲，柏酒盃中玉易消。
聖世豐年原有兆，繽紛委積不封條。

新春張躋之見招路上作

新年好友遠相招，喜駕輕車便出郊。
雪老春山雲色冷，烟濃南浦柳絲嬌。
薰風一路多香陣，斜日千林過野橋。
雉堞分明城闕近，未知何以慰心交。

醉中訪馮書五廣文解嘲

酒席因循散曙雞，含情未覺路高低。
謝公枰外乾坤別，莊子蝶邊勝負迷。
就枕何曾知旦暮，呼僮猶自問東西。
世間多少模糊事，莫向伯倫醉裏提。

歲暮

歲暮閑閑臘月初，踈慵一室得幽居。
高吟曲盡人情句，遠屏無關世道書。
不雪寒輕爐火地，無風日暖硯冰舒。
只憐白髮成樗散，賸得蕭齋事獵漁。

思居堂集

卷之八 詩七言律

十

問柳

莘廬姪傳詞林內，有栽柳者衆相問。
遂命題同賦云

鳳凰池上柳垂垂，學士吟餘手自移。
風裏腰肢柔似舊，雨中眉葉翠應滋。
金鸞幾箇能栖託，玉笛誰家贈別離。
早晚連雲到霄漢，五株栗里未云奇。

哭馬次呂明府

巍科登仕厭銅章，解組園林翰墨香。
鶴髮童顏年杖國，雕龍繡虎筆含銜。
銜泥鼻廡知情重，雪乙卯冬公至運冒
暑陶籬感誼長。載酒問奇期異日，螭駮
駕已高翔。

七女歸寧

一棺昇汝向泉臺萬里悲風曠野來吹我淚流曾不斷
送兒魂去幾時迴中天有日寃難訴滿地無情骨已埋
解憶生前相愛否忍教白髮哭黃埃

憶亡女

桑榆誰遣淚長流弄玉飄然去鳳樓老眼望穿何日見
迴腸斷盡幾時休思尋仙島雲千疊欲問嬌魂上一邱
我病久知泉路近提携能似舊時不

辛廬北上

家園兩載共追遊又是驪歌送別秋官道柳迎征蓋遠
夏雲峰感滿山愁才離里行人呼客慣涉風波身是舟
北闕思深應永矢憑教雪髮鏡中稠

思居堂集

卷之八 詩七言律

十一

塵

輪碾蹄磨作細塵倚風爲勢更難馴輕微有膽凌君子
點屑無心忤貴人大道偏多如浪滾通衢乍起似雲皺
書生不識元規惡一出門來惹滿身

望嶽

攢峯列岫似蓮花日色高臨辨瓣霞歷落雲鬢天外出
驪縱仙掌霧中迴西連白帝逶迤去東到黃河傲岸斜
身世合尋歸宿地希夷睡處定無譁

華州道上

華州西去傍山行路柳林花送遠征柳輾長條金萬縷
花開新蕊玉千莖雲填缺岫生山態石卧中流怒水聲

好景贈人辭不得撚鬚驢背到前程

趙峻飛擢守西安

宏才殿柱久題名特擢黃堂紫綬榮八水兒童騰竹馬
雙轡雨露入金城君恩寵渥如天地衆望殷勤仰日
星冰榮自持風兩袖知君不肯負生平

候峻老不至二首

羈棲又見哉生魄鹿鞞仍遲返旆期心轉輓轡疑不定
興如灰燼煖無時檀欒竹外悲歌憤料峭燈前風願違
大抵到今無可待明朝定擬出愁圍

北斗城中日月遷郊原已是麥秋天能教萬事隨流水
可奈閑愁似湧泉日對羣賢強笑語晚挑殘燭自盤旋

思居堂集

卷之八 詩七言律

十二

巴歌留向故人道落魄窮途甚往年

四月初六日峻老歸署

前駟初報隼旗回陔覺胷中轆轤開雲樹幾迴凝望眼
鶯花今日共擎杯江吞海茹雄心在玉彩珠光滿座來
笑我庸庸空白首聽君娓娓動寒灰

峻老未歸先以書留余

太守軒車尚未迴遙將尺一傍雲來深銜友誼敦蘭譜
時耐鄉心負酒盃閒月秦京真佗僚通宵客舍自徘徊
何當一話窮途恨漫望榛苓抱未開

峻老調守遵義似不釋然詩以慰之

蜀川風景勝秦川劍閣峩峩別是天水漾桃花明濯錦

山連巴峽叫啼鵲君家琴鶴仍今日老杜詩篇富晚年
政績才名前後事知君不讓古人偏

閏九月十五日遲令狐二周表兄不至俄而雨

掃榻時聽長者車濕雲含雨暗庭除空林浙瀝飛黃葉
旅鴈聯翩叫碧虛攬轡衝泥才咫尺掩柴搔首獨踟躕
心期竟使靈靈阻無限蕭條在敝廬

冬夜

幽窗悄悄泣寒初入夜湘簾更覺踈蓋結孤燈明燭火
灰殘冷炭費吹噓石由冰合雲凝玉銀海花生魯誤魚
掩卷不禁長太息老來貧况有誰如

李長元茂才枉顧一首

思居堂集

卷之八 詩七言律

十三

方山秀起蔚參天佳氣常浮翠色鮮老眼望迷雲際寺
幽人居傍兔跑泉離情兩地艱魚鴈語今朝惜歲年
看爾容顏還似舊慙余曳杖劇堪憐

虹二首

雨過南山起彩虹陸離龍劍劈長空虛傳貫日光全白
可信流祥氣轉紅漫插深潭憑吸飲疑隨返照作雌雄
農家久旱真銜恨耒耜長懸盡指東

輕雲薄霧微微雨蝦蟆千尋起遠空禾黍未安憂旱魃
陰陽方戾掛天弓秦宮複道非閑霽楚客多愁欲駕雄
吸酒飲池果何物每偷日影幻西東

賀張躋之公子入泮

驥子騰驥不可羈他山為錯舊相依雄圖久望培風起
小試初看捷羽飛泮水芹聯月桂馥驪龍珠映斗魁輝
由來雛鳳丹山出竚見高翔入紫微

石衛訪維次玉隱居

烟巒霧岫隱山村策蹇遙尋日已昏久別未能忘道貌
乍來不免問衡門登堂蘭玉森森立對酒寒溫細細論
最羨東臯多好事醉鄉高卧別乾坤

哭趙峻飛鴻臚五首

天涯生死別遙遙零落殘魂黯欲銷宦邸孤懷空鬱邑
長途旅櫬劇蕭條伏波勳伐標銅柱裴相風流盡午橋
每羨壯圖常矍鑠果然何恙上雲霄

思居堂集

卷之八 詩七言律

十四

前年旌旆拂眉坡旅舍停驂顧盼多不惜囊金委溝壑
更憐泥尾失江河分携未悵青驄去後會期從綠野過
詎意遂成終古別何時書問到槃阿

世好相從三十年宦遊隨在意纏綿難忘沁水聯吟後
每憶臯蘭賜問前春樹暮雲遮遠道魚來雁去積長牋
從今望眼知何處點淚安能滴九泉

當今管樂有誰倫可惜乾坤誤此人已見籌邊多幹濟
不教調鼎盡經綸騎箕天上英靈在委魄泉臺士類墮
聞道去年上封事屏風名姓御題新

初聞猶恨是訛傳眾口誼騰不可捐細問方知君果去
傷心無奈淚潸然樓高同甫餘豪氣增識南菴舊上仙

想像生平成隔世春秋才過古稀年

哭胡圖南茂才

年來哭友已魂傷又報康侯早廢床
固歎人生非木石
可堪秋葉下風霜
經幃罷講生徒在
總帳悲歌薤露長
幾度借君駸鄙吝
從今愁問鄭公鄉

思居堂集卷之八終

思居堂集

卷之八

詩七言律

十一

思居堂集卷之九

猗氏喬于洞休齋氏著

七言律

懷彭刺史鳧麓先生二首

山城刺史富烟霞
朝翠夕嵐日滿衙
考績虞廷頻報最
鳴琴條麓若為家
曾收燕石留賓館
每接珠璣得袞華
一自斷蓬風裡去
誰憐九折困鹽車
賦政優優歷七年
民安物阜自虞弦
五龍峪口清波激
一柱峰頭曉日鮮
政暇論文霏玉屑
情深愛士拭筵淵
衡茅無自瞻光霽
寤寐依依北斗邊

姪莘廬宅成

思居堂集

卷之九

詩七言律

一

多年寒塞矢匪躬
髮白纔營一畝宮
棟宇從新輝里巷
冰澗自昔歷窮通
垂簾笑謝堂前燕
植菊香來徑外風
只恐天書飛五色
忘家不敢道龍鍾

賀劉介侯納妾

綺琴初唱白頭詞
帳鳳帷鸞正舞時
月府清虛星自曙
藍田璀璨玉呈奇
銀河已見天孫渡
熊夢應占桂子宜
穠李天桃休艷羨
一尊先為賦螽斯

秋日漫成

淡寥天氣逼秋來
木葉先凋檉柳材
遠聽蟬聲風裏急
暮看燕子社前迴
寒侵斗帳霜華早
早望山雲雨脚頻
光柯空處借曳杖
麻仙紅艷向人開

客館賦雁

秋風浙瀝鴈南翔个个雲箋列陣長自是避寒辭塞北
何嫌貪暖過衡陽斜排恐斷頻迴合遠舉長鳴互抑揚
只有羈人聽不得無衣無褐滯侬鄉

重來

重來窗戶故依然院落蕭森栗列天爛熳花從何處去
伊啞笛似舊時喧中山穎識文房友橫榻余愁槐國眠
爐火檠燈獨朝夕侯芭無用與談玄

解署散步閑園

蔓草荒烟一徑遙亭臺寂歷夕陽饒凝眸綠沼渾榛莽
放眼青山盡沈寥世路杳茫隔萬樹人家錯疊際層霄
思居堂集 卷之九 詩七言律 二

壽何英侯記室

閩海才華入晉疆十年琴劍自徜徉常邀風月傾金斗
每拾山川入錦囊玉柱峯頭雲五色蓮花幕外日初陽
長庚燦燦椿年茂為賦升恒進壽觴

傷馬樵川二首

中條忽見一峰頽霧岫烟巒慘不開仰止無從悲士類
翱翔何處問黔雷忘年多載蒙青眼倚玉通宵共綠盃
往事依依知己盡悲歌安得徹泉臺

河東斗望讀書人濁世誰窺席上珍洗馬丰姿渾道氣
青蓮才調絕埃塵衰年吟斷悲花萼側理書成寄凍濱

今日詩魂同杳渺為言樗散故沈淪公令弟次呂
沒後公罷吟

次次範雨後閑步韵

掩卷寒帷出院中閑園曠望踏茫茫晴嵐按翠迷歸鳥
返照烘霞曳斷虹地僻人烟攢市北天清林樹繞城東
逍遙連袂渾忘暑好共披襟當快風

詠鹿 解判史衙中鹿

深山曾與野人遊斂跡官衙豈妄投漫遠周臺夸濯濯
還供賓宴賦呦呦雲中未見仙人駕世上空傳隱士裘
自是黃堂兆嘉瑞行看夾轂向皇州

見何記室扇頭詩次韵以贈

客館牢騷有幾多晚燈殘月足悲歌林風易斷還鄉夢
思居堂集 卷之九 詩七言律 三

歌兒

山雨時添遠砌波刺史政成蓮幕靜中書鋒利綵綵羅
才華到處堪乘興莫向條山嗟髻蟠
不脂不粉玉顏醜素口蠻腰未此過笑動春風生兩頰
悲念秋水感雙蛾嬌音宛轉絲桐外媚態褊躩衣袖多
信道傾城只一顧不須聽盡後庭歌

李尋木明府枉過

曲巷旌旂夾道開雲霓煥采大夫來衙門共訝軒車駐
散木偏承雨露恢座上蘭言霏玉屑林間鳥語勸村醅
炎風漫爾催征騎不許華顛久奉陪

賦得清明時節雨紛紛

萬樹籠烟雨氣生，輕寒輕暖濕清明。
珠編弱柳風無力，露綴殘花雪欲榮。
掃墓幾多情，悵悵行人何處淚縱橫。
金衣亦似綿山魄，歌罷龍蛇更不鳴。

和荅韓雲濤

雪髮霜髯給背翁，年逾七十萬緣空。
忽承雙鯉來天外，却似百花開雨中。
伯樂難逢驥長困，蒼筤不實鳳偏窮。
西崦已逼更何事，粟尾谿藤最有功。

八月初九日聞張子厚訃四首

弱歲文壇相後先，絲蘿結好更纏綿。
其如聚散人間事，常任浮沉世上天。
把袂漫懷諷日意，停雲空悵擲梭年。
三秋不見長辭去，聞訃神傷落葉邊。

思居堂集

卷之九 詩七言律

四

人生離別是尋常，永訣今朝欲斷腸。
佩綬海邦雲樹迥，公為山東談經山邑歲時長。
余復司水歸來謀面終無計，蘇令老去多情每不償。
從此更無聯榻日，相思何似在鄉。

解組歸來自海濱，蕭然徒壁更無隣。
庭傳詩禮綿先澤，野課農桑少故人。
輒軻未伸千里志，昂藏直作九天賓。
駭異何處雲霓亂，悵望遙遙欲捨神。

嗟余薄宦滯山椒，每憶玄亭夢寐勞。
既賦歸來金玉邇，相期好會夏秋遙。
那知便隔幽明世，翻恨空過風月宵。
人事從來多此誤，獨憐華髮兩相拋。

白菊

秋籬舊歲有心盟，鶴羽毵毵月彩瑩。
不憶今朝還到眼，

如逢好友慰離情，孤高容易風前驛。
皎潔偏從月下明，一片清光饒善氣。
寒香常與老夫迎。

為李尋木父母送白菊附以二詩

霜催白菊白於霜，月散清華玉琢光。
照耀曾無塵一點，蕭森正喜雁羣翔。
微風處處香氛遠，曉日臨時瑞色昌。
送汝琴堂陪舞鶴，應如寒士着冠裳。
手植秋籬粹白花，寒光只照野人家。
征鴻陣陣空嘹唳，俗眼紛紛漫嗟呀。
艷麗羞同紅紫鬪，晶瑩不使雪霜加。
含香此去依蓮幕，玉潔冰清遠近譁。

歲暮即事

歲暮烏輪迅似飛，中天已見一星輝。
樹留殘葉猶藏鳥，思居堂集 卷之九 詩七言律 五

菊有餘香欲襲衣，老愛清閑垂首坐。
寒侵肌骨杖藜歸，家人瑣談薪米虧。
得翁聾入耳稀，冬日懷方慕韓明府四首

梅杏橋頭叔度來，東郊行馬沸如雷。
當時窈為蒼生幸，遲日歡傳惠政恢。
大雅臨民光霽迴，春風滿境蕙蘭開。
新年更得衙齋集，逸興玉山未肯頹。

衙齋新歲啟華筵，卜夜留賓逸興翻。
滿座飛觴燈燄皎，暢懷脫帽語便便。
西施每入迂儒袖，范蠡空迴越相船。
是日接羅俱倒著，醇醪不覺醉人偏。
公為酒令以骨牌為范蠡訪西施不飲者

一層樓上鳳雛棲，暫向林間抱火齊。
幾處樹棠留石碣，

何時得路騁霜松風早晚供清嘯嶺翠依微喚遠躋
素位自得饒佳興時招白髮對玻璃

驪駒唱罷渺天涯落落孤踪海上槎製錦已虧經濟畧
駈車長使道途家鱗鴻信杳空猜擬春雪曲高可歎嗟
一段杞憂消不得時依北斗望清華

賀族尊雲若生孫

七十餘齡杖國翁更將何事到胷中休嫌日月如流水
且喜庭闈說夢熊繩武自茲占世大詒謀從昔積功崇
綿綿瓜瓞為君賦暖日暄風颺彩虹

閨兒行應試菡喜賦

家務焚絲憐汝勞猶能鉛槧夜焚膏文章博取如蜂蜜

思居堂集

卷之九 詩七言律

六

藻采高翔詡鳳毛知遇自當安時命推敲須是棄醜糟
貧謀珠桂真為累學未全荒漫鬱陶

寒夜命酒

久不銜盃為抱疴無聊寒夜可如何眠愁漏永肢骸困
坐覺神衰噫噫多命酒無端驚老婦持觴欲飲慮醫和
殘年最是堪憐處飲食時時作病魔

惜殘書

古聖先賢典籍香雖經秦火未全亡那堪敗子輕淪棄
忍使先人暗痛傷百卷或拋一二卷千章止剩兩三章
從佗殘破須珍重有字皆堪裕智囊

獨居

癖性從來喜索居案頭常擁舊時書童年句讀粗能識
華髮披吟始覺疎陋巷烟荒無客到殘編角折逐時舒
閨窗自限朝昏課生怕村隣問敝廬

貧

田無百畝口偏多欲不憂貧可奈何平肥自是饒糠覈
沈瘦寧惟羸病魔雕鏤傲骨難逢世躑躅屠門當飲河
五陵公子曾相識擬借壁光面已醜

雪

非烟非霧織寒空滿地瑤華遠近同上砌有痕高白浪
縈枝無色失青葱占年雨玉伴嘉瑞照夜看書勗幼童
可惜當衢多素練從教履跡破西東

思居堂集

卷之九 詩七言律

七

條山積雪應喬道憲試

南山雪後碧連天霧髻雲鬟總皓然稍見松杉青綴玉
遙驚巖岫翠籠烟朝暉光射銀砂麗夜月羣分野鶴眠
萬里誰移西域勝烟橫拖素彩傍河邊

春日漫成二首

暖色春容處處春庭堦徙倚獨閑身林烟不逐東風散
樹杪時聞啼鳥新携榼更無華髮伴到門多是少年人
篋中檢得心蘭字遠水遙山淚滿巾

茅椽土壁堪容膝一棹橫窗朗照書老眼近來須覈鑿
壯年容易失居諸番簾架上翻今古積卷牕前辨魯魚
除却批吟更無事新春獨喜客來踈

正月十四日大雪

初春羃歷布同雲歛見銀花玉葉紛滿院縱橫張帝幕
連天皓白淨塵氛占年共喜豐稔兆壅路應輦士女羣
萬戶千門渾似畫何煩燈火照西曠

擬早朝

箭漏聲催午夜雞冕旒端拱玉繩低丹墀百爾冠裳肅
金鑿千秋祝頌齊曉日烘霞金闕麗香風裊篆瑞烟躋
昇平問夜勤宵旰未許巢由邁軸棲

挽張永思明府

寄傲南窗已有年懷芳佩玉獨悠然秦關去思傳輿口
嗟郡耆英重大賢劍化延津波渺渺鶴歸華表望綿綿

思居堂集

卷之九 詩七言律

八

騎箕天上知何處青眼誰留布褐邊

寄王星坦廣文

中條山麓久分携謀面艱難阻小溪我向萬峰叢裡去
君歸五柳巷中棲鬢髯易染窮途雪日月空聞午夜雞
眼底故人星散盡春風又見暮雲低

寄宗兄羣雅孝廉

凍水遙縈柳岸斜涓涓衣帶嚼灘沙風烟相望峩眉近
松竹空疑閩島賒老去追隨愁日暮病中摸擬歎人遐
獨飲八十身強健時向園林醉晚霞

寄張望之孝廉聞其主盟文壇就正者甚衆

嵯城一舍渺天涯落盡梅花又杏花隔歲風光迴塞鷹

滿懷塵累賦葦葭梁公藥籠無遺物茂叔春風長異葩
濟濟登龍誇月旦應憐頰尾困泥沙

姪婦介氏以節孝蒙 旌表建坊

堪憐此婦到吾家事不專成服不華中匱米鹽勤內職
六年中櫛足脩媵兒殤夫死霜侵髻姑寡帷寒髻並麻
薄命幸承 天日照教人喜處起長嗟

春日偶成

抱病多時未有詩杖藜徐步遠塔墀魁梧乍見紅心艸
晚院初聞茂樹鷓出穴玄駒行作陣穿花蛺蝶駐還移
年來興致渾衰颯覩物悠然若有思

端陽

思居堂集

卷之九 詩七言律

九

柴門綠樹蔭蕭森好杖青藜作漫吟石竹颯風花綻錦
長春笑日盞團金韶光久去留餘艷暑燄初騰欲解襟
端陽稚子偏多事艾葉將來白髮簪

石竹

石竹搖風冒暑開淺深紅白雒陽來原知國色非濃艷
自有仙姿拂綠苔不肯相尋知蝶俗偶然唐突笑蜂駭
衰翁獨有踰躓意拄杖庭前日幾迴

白菊擬送李尋木明府

東籬今歲菊全荒一樹蒼龍意差強霜後粉疑平叔面
雨餘晴散令君香頻招老步俤藜杖獨振秋容迓月光
只恐天寒無處着好歸華屋貯幽芳

得韓雲濤書喜又舉一孫詩以賀之

月近中秋喜抱孫桂花香歎掛弧門由來丹穴多文羽
自識滄溟起大鯤湯餅未徵綠路遠掌珠煥彩映澄源
詩翁屢得含飴樂椽筆花牋逸興審來書云中秋前七日又抱一孫

冬晚

漠漠寒雲壞絮痕茅簷獨坐舊乾坤高槐葉盡疎垂英
敗菊枝枯蔚有根萬物總含生意在百年空抱壯懷存
只憐筆墨風緣了一任曦暉自曉昏

冬夜不寐

冬來最苦是長宵睡覺心旌輒自搖四壁昏昏天地濶
一身杳杳古今遙那堪耳目都無用只有神魂到處飄
思居堂集 卷之九 詩七言律 十

可怪燭龍不開眼雞聲三唱亦明朝

夏日寄王星垣廣文

祝融烈燄甚常年遙想髯翁別有天霽月襟懷饒爽氣
幽林杖履拂涼烟寥寥儕輩誰同酌寂寂音書久莫傳
晤面無時流景迅梧桐又早落風前

新春

布褐衡門似舊貧柳青莎綠歲華新藏書有屋身同隱
曝背貪暄雀作隣老覺乾坤太多事閑思日月肯留人
隨緣且喜春風暖檢點羲和種植辰

初春雪

六花散亂舞空霄故作紫迴繞樹飄豈有開心聊爾爾

曾無失意自蕭蕭隨風颺去春光麗撲面狂飛目曉搖
病叟已無毛可白何煩頭上慘瓊瑤

檢篋中得王遠菴明府贈別之作因追憶而和之

孟婆春半尚餘威駢遣停雲嶺外飛晨夕素心猶滯迹
風塵迴路獨言歸長亭話別還相對旅舍誰家可共依
醉眼模糊更垂淚回頭烟樹與情違

憶方慕韓明府二首

碧峰山下識風流大勝人間萬戶侯自幸寒種留白髮
猶依冬日入青眸一層樓上挑燈夜二水橋邊話別秋
憶昔依稀曾幾日魚沈雁杳不勝愁

別後經年返故鄉幽居閉戶數亡羊貧餘斷缺資閑課

思居堂集 卷之九 詩七言律 十一

老藉披吟送夕陽每憶行旌雲樹外頻馳遠夢水山旁
無從偵訊空惆悵妄想珠璣嚼草堂

寄介紹酒孝廉

與君俱入老班行誰似君家事事長表聖尚強辭紱綬
蘇瓊有子著循良書堂近市心偏遠賦興凌雲筆吐芒
愧我蝸廬空白髮每依玉柱首頻昂

題胡亦髯遺稿

一卷敲金戛玉篇吟來珠淚濕瑤編原知叔夜半姿異
未識青蓮骨氣仙一自南遊萍梗渺長教帳望水雲連
奚囊幸有琳琅在什襲珍藏屬後賢

令狐井聚孝廉下第

聞道荆門抱璞歸槐亭依舊足光輝雲間奎壁有時暗
世上驍駒識者希雪擁燕臺風析春迴故里柳依依
無容作賦悲窮鳥大翼終當萬里飛

和答荆茂才二首

老來頑鈍欲忘情鄰舍相逢問姓名輝曳蝸廬身慣病
凌巡蔣徑草橫生尋思舊好天同遠忽得新詩眼爲明
盥手長吟思命駕先欣擲地有金聲
笑余平地學爲山恰入千尋萬嶺間嵐翠隨時生幻態
雲霞於我竟何關歸來夢裡還尋鹿老去花邊暫解顏
深掩柴門慙霧豹烟林深處欲藏斑

觀蟻

思居堂集

卷之九 詩七言律

十三

出穴倉皇任所之東瞻西望每揚眉斜穿草徑聯成陣
直上枝頭險若嬉壘土爲邱占雨至添香浮甕與孟宜
君臣逐隊無從辨日見携羣四散馳

次張望之孝廉

隱隱虹藏霽不成夜聞簷溜亂幽情華胥夢斷燈花落
阮籍琴懸枕簟橫乍覺涼生人快雨偏多愁緒我祈晴
商羊莫漫連天舞恐怕銀河漸欲傾

望之賓館夜酌贈望之

景陽才調曲江風抱璞含珠映遠空廿載素心稱莫逆
頻年契濶假難逢縱橫今古挑燈夜吞吐風雲促坐衷
泉閣北宵鏡逸興一輪明月正當中

張永思明府故居

蒲桃一架覆陰森記得淵明惠愛深携手芸牕孟共酌
談心樺燭夜嘗侵平生骨鯁銅章賤奄忽山頽玉樹沈
茗椀琴床渾似舊迴環瞻視爲泠泠

挽介紹泗孝廉

驚聞條麓玉峯摧霧結烟凝慘不開士類共悲奎壁暗
苦聞忍聽蓼莪哀元亭剩有名山業閭島翻愁仙侶催
可歎經綸病中老長教終古惜宏才

詠楊花次韵

有屈詩人者和咏楊花詩云一女

子能詩而所適非人咏楊花十餘首因和其韵
子偶見之和得一首

思居堂集

卷之九 詩七言律

十三

何物輕盈作絮飛飄揚得意亂春暉黃鸝枝上嬌隨語
白雪歌邊弱點衣落向含章添斌媚吟從謝女見芳菲
滿橋應蓄沾泥恨閱盡行人未有依

惜菊

綠衣襪縷倚疎籬傲骨蒼然朵朵垂雪意稜稜欺皓首
風香冉冉出殘枝英華頓盡驚吾老寂寞相看歎歲遲
杖履從今無處着庭前躑躅倍凄其

唁介廣陵明府丁父艱

遠膺民社逼西戎異俗烝烝雅化中再者循良高漢代
方期侍養失東公倉皇陟岵雲封岫踴趨庭樹撼風
遙想蓼莪深抱慟還思金玉此身同

冬日懷王衍公明府

千林禿盡次寥天，獨倚南牕思悄然。知己海濱魚雁杳，寄書雲外歲時遷。閨河迷夢多歧路，笑語聯床憶舊年。林下自饒詩酒興，不知唱和與誰聯。

亡姪學熹歸寔詩以悲之

東西南北十餘年，未有寧居與化遷。萬里有時還故土，千秋何日返幽泉。人生富貴誠難致，世道江河豈盡然。總付一棺那可論，不堪孤子泣旻天。

哭宗兄羣雅孝廉

木葉凋寒海宇愁，典刑無復老成留。玄亭經有揚雲艸，楚夢魂悲宋玉秋。謀而三年無好計，生芻一束慟清流。思居堂集 卷之九 詩七言律 十四

幽明莫道長睽隔，白髮蕭齋病未瘳。

壽某閩君

桃花烘暖柳飛綿，勝日萱庭啓壽筵。松柏矢貞堂構峻，燕丸有訓子孫賢。瓊漿獻爵來金母，瑞霽呈祥慶鶴年。八袞升恆方未艾，盛朝人瑞蒞宮仙。

哭李幹臣二首

悠悠缺畝樹高標，抱璞含芳與自超。濁酒每從巢許酌，曠懷不使惠夷驕。年登杖國雙眸炯，病促騎箕孤鶴遙。暮聽訃音來意外，老成凋謝欲魂銷。

絲蘿新附舊相知，咫尺村居晤易期。正擬携觴酌節序，無妨跋履過茅茨。如何跨鶴先於我，將欲談心可向誰。

年齒與君爭一歲，薤歌聲起此心危。

靈石縣東北旌介村，更東十里有柏萬株介之推廟存焉。為宋時勅建，其柏林土人呼神林云。庚戌年余曾過而遊焉。今二十年餘矣，偶然憶及因追賦之。

綿山之尾柏森森，烈士英靈此可尋。不肯貪天身遂隱，獨能偕母志同沈。於今婦孺傳遺冑，自昔龍蛇著苦吟。宋代褒揚稱潔惠，貞魂久已倚高岑。

哀鄭綠野

綠野二子俱先歿，止兩幼孫

在子聞而痛之

遠道相思在沃泉，游鱗翔羽望遙天。那知兩地音塵斷，永絕三年夢寐緣。別後歸懷悲老大，傳來凶問久留連。

思居堂集

卷之九 詩七言律

十五

堪傷子舍墮荒寂，止有童孫總帳前。

郭南園以新詩見示

郟陽才子鬱嶙峋，慷慨悲歌郢曲新。懷玉不逢猶被褐，探珠獨得笑餘鱗。龍門浪湧登臨興，虎座風吹桃李春。霧豹共看文蔚變，勿言賞識竟無人。

姪孫序鶴貢

大廷詩以送之

握瑜懷瑾入京華，雨雪霏霏道路賒。盛世邱園羞自棄，壯年日月未堪夸。曾經伯樂期千里，可識天顏重五花。襟被無愁雲路迴，門閭望汝大吾家。

謁周太守

久欲識韓頌，未償衰殘。自覺負年光，春風賜東來。荒徑

鍛羽看雲思遠翔
桃李舒榮鸞出谷
山川生色漢爲章
扶筇拈蹕龍門邇
茂叔堂前草木香

春日過守道喬憲臺

蒲東保障控秦關
帶繞長河礪枕山
曉日轅門誼鼓角
清天郭外湧烟鬟
民安物阜薰風遠
玉柱瑤台衆望環
下里書恩曉望切
可容席地拜光顏

謁邑宰劉父母

百雉巖城凍水隈
慈雲藹藹自東來
田疇敷翠春風遠
里巷騰歡淑氣催
太守甘棠遺蔭在
卯封膏雨下車恢
茅簷襍穢依切一
近琴堂傍砌苔

贈介弟卜僕少

思居堂集

卷之九 詩七言律

十六

解梁名閥照寰中
五鳳樓高入遠空
昭代文章推賈
董歷官德政洽
耆童歸田共訝
經猷裕宰社羣
推品望隆廿載清
光懸北斗聊將尺
鯉達方瞳

聞樊式似恩拔

驕驍骨氣異尋常
掣電追風卜遠驤
小試聞君能奪錦
相期不日可穿楊
壯懷繩武勤螢案
異彩干雲識玉光
宿昔忝爲膠漆契
含情爭似杏梅長

思居堂集卷之九終

思居堂集卷之十

倚氏喬于洞休齋氏著

五言絕句

程嬰二首

身爲趙氏客應從下宮死
獨能爲其難卒復趙氏子
千金殺趙孤誰能不恨死
屠滅武既立程嬰乃如此

夢中人

夢中新相識欸欸情如故
曉雞吹長音不知歸何處

寄二兄湖南

入耳嚶嚶鳥吹林細細風
不識湖南路有夢總成空

山行

思居堂集

卷之十 詩五言絕

一

亂流鳴淙淙行客驚策騎
戈甲兩山間風雨千林際

晚興

漠漠踈窗白淒淒落照寒
無聊枝上雀啁啾啄梅殘

茉莉

雲落扶踈葉脂勻紫艷花
及秋方吸露傍晚乃明霞

新月

玉制彎彎樣銀雕細細痕
一鉤初散彩早已上東垣

悶

綠樹花顏老孤燈客伴稀
館中多後至若箇不先歸

對菊三首

花從枝葉生精英及秋發
都誇紅白好誰念枝與葉

秋老籬菊開風雨歷三時可笑羨花人折取俄已萎
日日花邊立花開不見開黃金與白雪誰向暗中裁

灞橋

灞水流無盡灞橋斷幾年從來傷悲地殘柳尚飛綿

仁義遇雨

亂石孱顏路雲飛白雨來溪聲鳴衆壑隱萬山雷

洪洞

遠城水已秋敗荷紛凌亂晚日射斜光猶有六郎面

豫讓橋

溪聲響林間平橋客紛渡中有下淚人慷慨懷知遇

抵沁四首

思居堂集 卷之十 詩五言絕

二
出山乃見城入城不見山偶上城頭望羣山四面環

周遭不三里入烟百十家門閭劣容駟樓閣善迎霞

城壯水北來城南水西來雙流東去合橫橋截不迴

未知何處入遠矚將安出萬山擁彈丸雉堞在深谷

感懷四首

禹舜或厭目諛詔或忤耳我欲彈古調奈何君遽起

滄海復如何鯨鯢出沒之瞬息數千里細鱗那得知

刈草當刈秋藝圃當藝蘭蒿萊復何爲零露空溥漙

頑石不可器椎達勞玉工積年光不出反使玉工窮

館中偶題二首

羈館條山下依山不見山偶當墻缺處隱隱上烟鬟

宦署同邁軸閣窗事事幽繁簾烟篆裊蝕字壁魚遊

偶然作四首

平生惡釋老空寂渺茫茫近來覺空寂亦是安樂鄉

富貴人多傲貧寒人每謙謙德原自美貧則令人厭

貧無對人言乞憐態可耻不食嗟來食古人乃如此

雞犬固禽畜似有天理存主人貧到骨不肯離家門

次周太守絕句韻

瀑泉匹練垂活活萬山響此中有化源高尋絕頂上

七言絕句

漢華陀墓

如今何處有神醫俗事俗心滿肚皮換骨滌腸須九轉

思居堂集 卷之十 詩五絕七絕

三
道旁短碣使人思

清河侯王猛墓

景畧良宜埒孔明符堅真不負豪英只如捫蝨人猶在

若箇能輸魚水情

陳希夷大笑墮驢處

希夷大笑墮驢處溪乾橋壞空駟馱我不騎驢亦不笑

大睡無方是腐儒

鴻門

緬想重瞳一代英戰餘七十竟無成于今赤帝無消息

渭水猶聞叱咤聲

贈酒家姓賀者

騎馬乘船趣正長更從白墮得奇方相逢共飲長安市
忘却河東是故鄉

瓶杏二首

吐蕊開花幾日春園林片片作飛塵瓶中尚有紅顏在
不做風前雨後身

樹頭開盡尚含葩次第從容放一花常向讀書人情笑
陽簾已映遠天霞

迷懷步宗叔德元學憲韵應存齋先生教十首

常將書卷對幽窗敢道能同國士雙心事自憐天上月
清清冷冷照寒江

少年場上羨輕肥倏見朝暉作晚暉古往今來總如此
思居堂集

梅花開處未春歸

從來懶性喜幽居每有餘閒爲室虛俗外相知曾有幾
篋中珍重故人書

柴愚自分不如柴謾謂編殘古可憐癡守營窗非避世
人言調度不時諧

半世文章止覆醅爲澆詩興更啣盃天寒筆墨無波浪
目注庭前欲放梅

偶因送客出荒郊情似歸林鳥戀巢怕碍時人多急步
子雲無事解閒嘲

殘燈漏永吐奇花倦眼朦朧落晚霞驚起寒宵多少興
足成新句自燒茶

幽居何以遣幽情書校魯魚字辨聲得趣憐然誰共賞
天懸明月照孤清

月冷霜暄夜色澄蒙叢蔽戶尚稜稜推敲未穩寒猶耐
吹氣以消硯上冰

朝窗旭景接晴嵐展卷欣然與古談漫掩柴門懷往昔
案頭已有益來三

夏夜月步駁老

清冷一片駭煩惱葉未齊來更早我有所思起徘徊
濃陰歷亂微風掃

和衛有嘉世兄芭蕉

一株蒼翠正紛披老向幽齋獨豎奇舒卷有心誰得見
思居堂集

篔簹風雨自隨宜

山家二首

峯回路轉見山家雞犬閒閒一徑斜門外壑深深萬仞
兒童嬉笑採山花

倚山爲穴戶窗開比耦人家更莫猜日暮呼兒何處去
一聲天半欲成雷

沁水晚興

杏澗近連梅水合石樓遠對碧峯開參差影裏斜陽暮
澎湃聲中萬石堆

贈沁水黃酒

濃於琥珀艷於金惟汝他鄉知我心才有點愁來寸曲

已將佳興作長吟

觀釣魚

蘆葦灘頭把釣竿游魚何意出清澗無從寄語依蒲伴
莫更吞鈎得水難

初至洞園二首

園林深處最高樓駐月涵風爽氣浮乘興披襟每登眺
無邊山翠自來投

睡起朝暾欲上時疎窗窸窣拂桃枝寨惟未有閑人到
一架清香噴鷺鷥

漫題二首

溪藤側理日相尋誰識蕭齋老病侵鐵限欲穿人似舊
思居堂集

半間茅屋自呻吟

早歲粗能辨四聲便承多口贈詩名如今鬢髮蕭然白

筆墨教人悞一生

聞笛

尺八時聞鄰舍吹穿林繞壁到疎籬無聊客况誰如我
每送閑愁夜靜時

雨後菊

細雨通宵玉漏遲凌晨冷色入東籬六郎面似楊妃醉
露沁霜欺朵朵垂

衍兒應童子試四首

遠道寒天戰勝無搖搖不定一燈孤入言伯樂世常有

選駭寧遺千里駒

敢夸稚子果能文夙昔操觚意不羣荏苒年華過廿四
千雲期采泮池芹

秘思妍辭競出奇文章得失寸心知歐陽漫道無憑據
遂使朱衣妄主持

衰年屬望太慙慙夢寐時聞喜報縶昨夜柴扉閉剝啄
此心躍躍到清晨

和唐人浣紗石

苧蘿山下浣紗時水齧苔侵石未移千古騷人猶感慨
沼吳原不是西施

署中咏月

思居堂集

未秋先已冷清清

題牡丹畫二首

春催花信幾番風始向芳叢見化工縱是凡葩爭艷麗
沉香亭北許誰同

天然綺麗占春光獨殿百花去又忙只有丹青留得住

風風雨雨總無妨

陽城道

不盡高山麗碧虛登天有路總崎嶇人家却在雲間住
樓閣參差入畫圖

河邊

一灘楊柳開桃花遙望烟林幾處霞
遍踏藩籬春寂寂
溪邊笑語有嬌娃

和冉姪三友

松

歷暑經寒十八公風霜不改舊青葱
幽人歲暮誰相伴
籟起驚濤韻自雄

竹

青青歲暮亦蕭森勁節凌霜自作林
稽阮路窮無處着
携鶴常向此中深

梅

寒枝冷蕊有幽香氣共林家處士芳
歲暮橫斜浮動意

思居堂集

卷之十 詩七言絕

八

晴時幻夢入山房

城東三首

不成籬落有人家綠樹陰森野趣賒
雞犬閑閑真太古

常門各樹一盆花

寶林村寺院蒼厓老衲邀賓上午齋
門法無從空竚立

斜陽影已轉高槐

憶步蹢躅問酒家村童指引路非遐
青旗不挂門庭寂

白墮香飄客興賒

紀信祠

誑楚捐軀為沛公烏騅歌後更無功
不如雍苗猶茅土

萬古蕭條馬鬣封

偶見王荆公有陳后主三品石詩李承之有秦太

松詩皆有嘲意代松石答

雕闌玉砌不堪留位置憑人棄道周自愧不如君一品

青苗助役有良謀代石

堅貞未肯立朝端虐斲方張自耐寒遮莫詩人翻譁浪

不章不綬本無官代松

平定州王刺史環翠亭和姪孫駕韵

高亭環翠似仙家萬嶂嵐光疊彩霞
刺史開筵逼天關

星河滿座是官衙

雨中念

西風颼颼吹冷雨子子行役在何許
長途襜褕被誰為侶

思居堂集

卷之十 詩七言絕

九

詠史

牧野陳師會若林祝融先已燼
醜淫寧須親手揮黃鉞

難服西山義士心

白菊

一種幽姿殿晚芳雕冰鏤玉自清香
嚴霜徹夜隕黃葉

偏與寒枝散月光

長春

長春春夏蓋長開每酌清晨玉露來
可惜青腰殺風景

嚴霜一夜壞金罍

鳳仙

鳳頭紅艷詭為仙綠玉枝間朶朶鮮
可惜九苞舒瑞彩

只教脂粉女兒憐

歎菊二首

籬花未肯落秋英十月枝頭雪朶明總是懷芳望誰盼

風霜耐盡自含情

寒天晚日自矜持寂寞無妨獨映籬鏤玉雕冰心幾許

惟應靖節是相知

茶

伏枕年來遠屏茶武夷蒙頂任虛誇家人破戒聊相試

一盃清香襲齒牙

首春漫成

天氣冲融始覺春微風拂拂不侵入扶筇試出柴門望

思居堂集

卷之十 詩七言絕

十

翠色籠烟萬樹新

車公子 安邑宰車公敏來子也余於安邑公署

曾識之勺象年耳眉目如畫聰穎絕倫後十餘

年聞其以孝廉宰襄垣旋聞其丁艱旋又聞其

早逝因並感念安邑公之知遇云四首

玉鉤仙吏久雲霞種得芳蘭記茁芽眉目清揚宛如畫

謝家玉樹未堪誇

旋聞折桂向清秋玉笋高標藥榜頭一日聲名馳海甸

才華應是應劉流

製錦纔能弱冠年潞河之水為清漣忽傳讀禮南歸去

感念知音一愴然

武子當年令禹都會垂青眼到寒儒天涯遠別騎箕去
世上鍾期更有無

貧二首

貧原非病病緣貧日日倉皇計米薪筆墨無靈空訣墓
參苓不救腹枵人

無衣可典妻孥怨有廩皆空鼠雀嗔明日便當持鉢去

朱門應厭白頭頻

偶憶二首

名飛壯里入幽齋暗想桃源路有涯暖色温香仙境別

月光如水浸濃懷

裙釵俠氣異庸鬢羞與鶯鶯燕燕班把盞目遊周四座

思居堂集

卷之十 詩七絕雜詩

十一

將逢烈士一開顏

雜詩

自題畫像

畫師畫我咸云逼肖視諸婦子亦孀其笑子云肖父婦

云肖夫果其肖矣非我莫如顧我自維我豈若是我既

右是奚用於世言莫我聽行莫我從踽踽涼涼途則屢

窮我乎我乎無往而可無往而可是為真我

題畫五絕

誰家學道翁出世仍觀世冷眼倚扶桑風波日無際

右仙人倚海樹而坐

牧牛牧牛得休且休今日牧牛牛已飽明日牧牛仍有

華夢入華胥色色好 右牧牛圖

枕邊書幾函睡起慵復理 夢斷畫沈沈尋思渺千里

右美人睡起圖

寒香誰解惜况復深深雪獨有跨驢人千載稱高潔

右踏雪尋梅

盡日獨凭闌愛此庭前樹正如枝上鶯嬌啼未能去

右美人凭闌圖

詞

虞美人 秋時

丁東何處車鳴鐸夢裡驚初覺起來無限月蒼茫只與

愁人眼底做淒涼 更堪吟壁蟲聲亂助我添吁歎擬

思居堂集

卷之十 雜詩詞

十一

將心事訴天公天也含愁不語黯長空

南歌子 詠愁

暗把新歡換翻將舊恨投迴腸斷盡鎖眉頭自與伊家

別後又驚秋 合與伊同去翻借我並留似伊相贈我

全收這伴人情未審甚時醉

訴衷情 月夜

素娥圓玉弄清華榻募幾枝斜亂影搖涼風景憐我在

歡人遐 魚雁杳樹雲賒各天涯想佗良夜邀月成三

知與誰家

烏夜啼 幽窗

問我幽窗作甚朝朝選調填詞憑將寫得相思句長短

欲盈筇 問我相思幾許尋來未有端倪悲風恨雨知

何故沒得寫完時

滿江紅 書齋

雨後新晴商飈送滿天秋色看此時綠老桐危紅銷遠

拆暑皎漸輕山氣爽斜陽欲下蟬聲急喜簾幃寂靜更

無塵微風襲 光景好真堪惜書史在猶能力向小窗

鉛槧串珠聯壁得意高吟低詠處忘懷夢鹿亡羊跡恨

十年未了讀書心時難得

又

有限光陰生涯似駿駒過隙便百年逝波奔瀉幾曾留

得漫借後來寬有待後來懺悔悲無及到如今兩鬢髮

思居堂集

卷之十 詞

十一

惺惺霜華白 鍾鼎業槐王國崇愷富蟬蠖翼况刻舟

癡漢守株愚識合作林中風月主權充菟苑詩詞客愧

暮年方與壁魚兒爭殘帙

又 述懷

二十年前謬自許梯雲步月向世間紆青袍紫未消提

挈筆未硯田螢火案枕經藉史蟬魚業到如今空白少

年頭何干涉 垂竹帛勲難捷馳範苑名徒竊算不如

拋却讓人漁獵敗羽類翎飛不起鳩棲雌伏心能貼近

新來小小築茅菴安吾拙

又 夢先亡二兄

世路崎嶇踈如我安從着足築得成數椽茅屋鷺棲鳩

宿花月時辰堪嘯咏人情雲雨滄翻覆近年來深自掩
柴門甘奉曲 風雨夜更籌促生死路神魂續痛見君
無日此宵能復可是寒天無處住或將弱弟憐幽獨悵
夢醒雷電暗還明光欺目

鳳凰臺上憶吹簫 前題

十一年來詩魂何處冥幽香杳無憑想西江風月不繫
君情宦海生前厭苦辭世去更肯飄零傷懷處生離死
別骨肉流萍 怛怛笑談宛從夢裏相依腸斷殘更
悵論文人渺悄悄冥冥似恁風狂雨怒昏慘慘閃電轟
霆歸來些波濤如此不可以行

又月夜

思居堂集

卷之十 詞

十四

樹戀濃雲暗橫亂荇溶溶水溢銀塘算金輪半缺未減
清光幾朵寒花低露更照着宿鳥眠霜蝸廬在鳧鷖波
裡蘆葦中央 清涼漏沉籟寂只細細微風噓吸虛窗
想世間何處宜詠宜觴對這秋宵冷月應勝似玉界仙
鄉無人處雖空酒興已沸詩腸

永遇樂 賦得飛泉挂碧峯

千仞峯頭瀉浚窳窳無日無夜素練垂霜碎珠歎雪一
派寒光瀉遙看雲色近聽風響馳驟漫天落下又還似
江翻海湧聲勢教人驚怕 明明朗朗天晴日麗襟袖
涼生盛夏瀾壑波澄林岩翠潤都長懸流價翻思一六
生成不測却向天邊高挂想應是銀河泛漲瀑泉激射

浪淘沙 三闋 閒步

日日出城遊信步行休被衫戴笠立橋頭雪浪歎花新
雨後鷺浴鷗浮 白首更何求愧此淹留朝看杏水夕
梅流盡笑廣文無箇事鎮日悠悠

極目望龍從綠草蒼松侵岩占嶺足青蔥倏忽雲生烟
氣白毛髮鬚鬆 遙見翠微中點點兒童隱現山頭僅
有踪聽聽樵歌天半落一陣清風

城址是梅河曲引清波吞沙吐石皺紋多細浪空明無
荇藻雲影婆娑 天氣喜晴和浣女阿那提籃執杆下
危坡坐石敲砧頻笑語綠柳鶯歌

醉太平 方明府招飲賦謝

思居堂集

卷之十 詞

十五

晴曛滿廊仁風滿堂雪融簷溜丁當荷賢侯賜賜 西
齋宴張葡萄酒香塵談塵慮胥忘怪金烏太忙

醉太平 二闋 大雪念子

綠枝綴花痕橫影斜鵲翻飛絮紛拏入烏衣謝家 行
入路遐關河望賒賒眼光撩亂天涯想征鞍歎嗟
歸與未歸音疎信稀遠天行止誰知滿空中雪飛 瓊
花滿衣銀砂擁扉陟山沿水何依向青腰拜祈

洞仙歌 寄王遠老

桃唇杏臉頃刻紅銷艷落時候潛移未曾覺別山城已
是兩月風花空只見驥駕東來西沒 山城留帶客坐
卧閑庭早晚阿誰伴蕭索睡起自傾觴顧盼無人應念

我到家奚若便戚友紛紛坐中添怎解得離愁滿腔薰
燦

風入松 春日憶別寄王遠老明府

氤氳天氣暖融融拂面薰風一聲吹起情無限正如春
艸蒙茸嫩綠縱橫一片侵階覆砌無窮 去年山館訴
離衷綺席金鍾醇醪都作衣襟泪醉鄉深處洵洵潦倒
啓車而去天涯嶺過西東

醉蓬萊 述懷

憶少年豪氣占籍竹林醉鄉潦倒拉阮扳稽羨壺中天
好月宇風亭雨宵晴晝總模糊過了錯擲光陰暗添沉
痼覺來不早 可歎而今霜侵鬢髮雪颺鬢髯遠成枯

思居堂集

卷之十 詞

十

稿試想吾生豈朽株柔草七尺崢嶸所爲何事又幾曾
温飽天地寬然草主蕭寂數椽空老

永遇樂 應陳邑尊試

鬢髮蕭騷心情散漫江郎錦盡日掩柴扉時掀蠹簡但
覺流光迅花開任落鳥飛教去那得工夫閑問忽孫陽
留青下邑欲向驪黃選駿 自慙駑質應甘伏櫪况復
衰殘已甚榮日非堅意鋒不利齒莖出文陣喜逢法眼
冀邀清鑒仰斗瞻山偏近可羞是砥砭燕石漫將呈涸

永遇樂 春雨

冷色蕭森陰風激越鳴鳩互啣點點敲牕絲絲洒葉碎
碎聲繁亂桃花紫瘦杏花紅皺留得枝頭幾瓣但茸茸

榜砌苔痕嫩綠深青如染 掩扉人困階前徙倚萬樹
烟霏霧暗料想中田芄芄菽麥翠色連天遠柳陰深悄
濕鶯眠穩懶蝶殘花猶戀儘簷溜玉鏘珠綴紋皺暈綻

沁園春 新月

細細彎彎熒熒淡淡晚挂雲西正義輪初墜餘霞拖照
星躔未列一碧無翳橫截窗痕斜欹樹影嫵媚天邊銀
畫眉漫猜道誰將玉指甲掐破囊囊 如何一向遲遲
三五後更深漏盡時想姮娥戒滿暫圓還缺玉魄須盈
從此潛滋且屬東風先須緩緩莫向遙空狠力吹姑留
得這半環清景助我詩思

逍遙樂 贈姚文崑並乞菊

思居堂集

卷之十

七

盛世田園遺老柳密林深踪跡有誰知道澹素家風肅
睡庭幃樹得桂芳蘭好滿前森繞但閑時杖履夷猶課
學舍橫經蔬圃芟草 堪羨烟霞高蹈可飲醇和古貌
依稀過仙長於閨苑或蓬島猶能記得有如許白妍紅
裊秋容最爲明艷分光是禱

南鄉子 早起

膈膊聽晨雞曉色矐矐日未躋起步庭前無箇事低迷
雀啄殘花幾瓣飛 密柳暗黃鷓鴣夢穩濃陰不肯嘵
地一聲忙過去墻西底處同心覓共棲

行香子 歲菊

隱逸標名傲骨天成幾曾和桃李爭榮含英蓄艷獨有

深情且清閑且收斂且消停 契合淵明彌歲經營一
叢叢布置縱橫約於霜後鏤玉雕冰嫩如金皎如雪艷
如瓊

又喜雨

黯黯雲來緊緊風催霎時間破碧轟雷踈踈幾點似費
安排漸敲牕還洒葉更鳴堦 霧暗烟霾霧霽濼喜
東籬菊本新裁正愁憔悴忽見結總睡初醒病初起願
初諧

又歸來

曦駕西傾復路車輕恰黃昏已到門庭深深院落雞犬
無聲樹陰陰花寂寂帶踈星 近來心性不耐喧轟隱

思居堂集

卷之十詞

六

蝸廬與世忘情偶經街市自覺顏頰喜歸來見聞去夢
魂寧

桂枝香

人間自好看駿馬高軒往來趨造今日華筵趙李管弦
天曉明朝許史列珍羞座諧嬌小淺斟低唱玉聯珠串
彩飛霞繞 獨蓬門潛踪却掃向隙地蒔花蔬畦蒔艸
不則抽書校字倚窗聽鳥客來謂我胡無悶委多年自
喜枯槁任教門外雲翻雨覆海迴山倒

唐多令 與趙峻飛

往苒麥秋天歸心日夜懸幸使君五馬言旋把袂談心
拋俗慮風月下竹梅邊 恰更值榮遷楓宸眷注偏羨

黃堂皂蓋朱旛漫道駢車頻叱馭看指日鳳綸傳

沁園春 祝王衍公明府壽

世胄才華剖竹山城愛日曛曛正小春天氣萬峯環翠
薄寒風景二水流雲共看琴堂弦鳴韻繞紫氣飛翔瑞
色紛滿城裏士誦民謠羣喜降申 現前岡阜嶙峋偏
巖嶺蒼松古柏鄰取嵐光獻爵仙顏駢景翠色釀盃道
貌長春况復椿齡尚在芳華日月升恒歲歲新效封祝
願多男多壽多福盈門

唐多令 秋夜

沁水蕩丸封層巒疊嶂中記舊遊木落秋風今日重來
風景似三十載杏前踪 多半故人空相逢亦老翁惜
思居堂集 卷之十詞 十九

當時柳綠花紅盃酒半山亭子上鶯燕去但溪峯

思居堂集卷之十終



思居堂集卷之十一

猗氏喬于洞休齋氏著

賦

中條山賦 應朱太尊試



三晉名山北則恒霍大岳東則太行王屋西則懸甕龍
門而橫亘其南為全晉之屏障者厥惟中條之轟轟突
起坤輿撐撐於穆體勢遠舒氣象高屬遙而望之則綿
邈窈窕迤邐起伏隱沒高羽蔽虧萬木蜿蜒扶輿烟重
靄複何始何終表延勞目近而即之則峭壁攢峯棟漢
掛宿歇巖卧嶺龍攫虎處踊躍者陵坳窪者谷澗流奔
響崕躡冒綠鳥道盤紆蛇徑斜曲笠叟負耒牧兒驅犢
思居堂集 卷之十一 賦

破陀偈仄吟隴短促石角鈎衣礪礪足千態萬狀曷
勝眺矚若乃語其所起則枕黃河之澎湃兮聳拔地以
差我掠鶴樓以奔騰兮拂薰臺以遠拖實虞都之郊圻
兮漾瀉汭之清波皇英茲焉釐降兮奚謬指以為湘娥
尋歷山之故迹兮紛樵牧之吟歌傳象耕而鳥耘兮空
悵惘手烟蘿俯雷澤之深廣兮見牛羊之寢叱復何有
乎鯉鮪兮明舜日之皤皤爾其龍首昂霄岩懸穴朽朝
暉映紫晚風嘯鶉歎蕨薇之滿地兮餓夷齊而莫療樹
萬古之高風兮冢義士之岩堯緬許由之嘉遜兮介質
名而遠逃曠箕山之踪跡兮誰踞巔以傲堯由是而東
則五老連峯峻嶒竦立直排閭闔盤踞斗極紺宇絳宮

輝映金碧首秋望日士女雲集鐵索千尋攀緣百級至
乎其上也往往眩瞶謬迷心悸而膽慄若夫王官雙瀑
無朝無夕旬旬鳴雷素練垂幅石髮梳晴雪花敷白深
宵響震盛夏寒逼休休了了之亭昔嘗分侍乎三詔之
側司空既渺故址莫覓其南則有版築遺迹厥名傳岩
商室盛典千古喃喃夢卜形求遂成美談憶賢聖之挺
生雖有靡而才堪固茲山之鍾秀良遭遇之不允彼羊
腸之屈屐兮困騏驥以服鹽空削竹而踏鐵兮憫負重
而食廉希一顧於伯樂兮橫萬里其駢驂嗟乎艱哉兮
夫孰不歷虞坂而心悵至夫監澤寶池八駿所臨猗頓
權輿桑孔討尋瓊瑤連詠琳瑯映岑物華天寶實在山
思居堂集 卷之十一 賦

陰皆中條之鬱蒸豈治沚之浸淫又如玉柱瑤臺孤潔
高秀雨洗其塵風刮其垢晴日烘嵐慈雲出岫眾派環
趨羣峯領袖海宇聲聞河東瞻就雖未躋於泰華亦託
體乎仁壽者也於是草茅下士濱凍傍條望崔嵬而延
佇賦考樂而情超思買山兮未能借烟霞兮非遙爰感
懷乎古蹟微聞見於寂寥愧陸潘之文藻發幽潛於崇
朝庶有當夫輶軒差堪擬乎芻蕘其飛走動植殊無特
異兮固無煩於刻琬
薰風樓賦 應河東道喬宗師試
若乃峻嶒百尺屹立三衢樓雲隱霧穿空洞虛庇廡萬
家附麗千廬日月獻暉風雨贊謨成曰此薰風樓也考

古帝之邦畿舜實都此蒲阪玄德既已升聞總朕師以
帝簡地平天成而治隆恭已無爲而化遠交趾渠搜肅
慎山戎島夷氏羌咸戴帝功於是命夔典樂正六律和
五聲以通八風蓋天無不覆地無不載信季札之能聽
當是時也風教漸被九州四海財罔不阜愠罔不解而
帝心谷虛軫念彌殷適南風之惠來援五弦以寫心切
吾民以寄詞借薰風以抒吟諄諄懇懇藹藹惜惜至於
今數千百年而如見率舞之容如聞來儀之音此茲樓
之所以建也爾其昌明峻偉極天表地與堦磐固山屹
岳峙其上則榭榭穹窿寔瓦鮮麗丹雘黜堊照耀暄媚
巍乎煥乎如冕旒端拱而臨泣其下則洞開四達輪蹄

思居堂集

卷之十一 賦

三

錯至貢珍炫奇排行列次燦乎爛乎如萬國輻輳而輯
瑞其南則攢峯列岫獻翠輪青其西則安瀾恬浪赫聲
濯靈其北則平原沃野室盈而婦寧其東則千桑萬柝
俗樸而風清熙熙乎皞皞乎夫孰非薰風之所鼓盪與
悠久之所曲成乃歌曰南風之薰兮溫溫其和以生以
成兮萬類星羅耕鑿之儔兮卷舞衢歌毛羽之屬兮或
林或阿蟲豸舟舟木胥安作訛惟此薰風無棄么麼慨帝
德之浩蕩兮將億萬年其猶在矧茲畿甸之地兮固瞻
就而莫界伊茲棧之肇建兮邈靡稽其何代抑萬古之
人心兮與臯夔而同戴

周有八士賦 應溫藩臺試

遐矚千古遠稽三代維姬膺歷精華萃賢哲挺生英
奇茂對思皇濟濟於王國吉人藹藹於卷阿倬雲漢以
作人糾武夫其英多夫何所生之殊異兮八士出諸同
父韓棣萼之輝映兮抑又得之四乳伯也達迺雙其秀
仲也突忽聯其芳夜夏則叔氏之琬琰隨騶抑季氏之
琳瑯名義莫測其所取兮材質則鍾其靈秀清淑聚於
一門兮何千百里而希觀序雁行而跬步兮或接踵而
或比肩急鶻原以相顧兮亦左右而亦後先絜銜高陽
之八元兮頡頏高辛之八愷獨學生而雙舉兮實間氣
之斯在丹穴有翼而皆鳳崑崙無石而非玉九苞比翻
以聯翮城共璞以出橫既徇齊而敦敏兮宜攀龍而

思居堂集

卷之十一 賦

四

附風高聯步乎玉墀兮偕股肱乎九重或居疏附後先
之列兮或克奔走禦侮之班或膺翼爲明聽之選兮或
膺承輔弼之間寄旬宣於岳牧兮定八方之清寧熙
熙績於廟廊兮自八政之修明胡爲乎其幽沉鬱塞而
僅以士稱耶在昔文武成康之世可不謂之明聖即召
榮畢散之儔夫子亦未之論定謂黜猷之彪炳將終古
識其名姓獨特筆以表此意蓋悲其不幸故奪天地之
菁英而繫之曰周有以見周之不能有也蓋八士之生
其在穆昭之後乎若乃猗頓城北峨嵋坡上阡陌高低
雲烟升降農人有事於春疇獲短碣於古壙形模糊而
可辨曰周八士之幽藏似是似非亦真亦妄生既不知

其所出兮死何知其所葬紛相傳於衆口兮歷百載以附傍欲考稽而無從兮邑乘志以待訪遂積疑而不疑今任訛傳於杳曠然造物無擇於方隅兮聖賢或誕於僻瘴謂英魂之在茲兮夫孰識其未嘗

嘉禾賦 應范宗師博學鴻詞試

聖天子膺圖御歷德化洋溢天休滋至地靈踵襲紛班班其祥呈赫昭昭其瑞錫珍禽與異獸爭奇瓊樹共仙葩關色階生棠蔭殿產屈軼騶虞虎文角端麟質惟太和之感召雖希世而猶易若乃農爲邦本食爲民天火耕水耨舜日堯年秧針葉旗竟畝盈阡既寰汙邪舍箱萬千履豐大有無歲不然夫何攬綠疇之葦茂兮挹與翼

思居堂集

卷之十一 賦

五

而特異翰孤起而挺拔兮乃同柯而並穗穗橫簇以離披兮莖岨強而梳綴乍臨若根株之離離兮諦觀或四五而一蒂驚耄耆其相夸兮駭髻訖其互視未見震夫千古兮遠近詫其一致既或仰而或俯兮亦若翹而若企若夫太行山右汾水河邊霍岳礪河潛滄淪漣山瘠其土水沃其田肥硤既殊豐歉遂遷何靈祐之昭彰實率育之自天驟雨金而雨玉奚史載而籍傳爾其唐虞洵穆擊壤鼓腹晉絳樸儉力穡重穀蟋蟀戒荒葛屨塗足既三時之作苦亦終歲其勞碌惟有求而斯獲豈並一而秀裕異乎美哉誠 盛世之嘉祥羨誰得而共觀

原夫

聖主憂勤

法宮宵旰飛鴻切心蒼蠅戒旦問閭闔之疴瘵登衽席而猶念勤精田謹天時咨保介郵老羸思有加而無已德已極而仍滋惟彼蒼之眷顧響斯答而莫違用錫箕疇田野獻奇並交葉接穎粟多岐植有表丈之觀穗有盈尺之姿喜誼厯以隱辨嶽騰踴乎雲霓起菁莪而並蒨映梗梓而俱宜於是蓬茅下士草莽賤臣感茲休徵湖厥來因汲魚躍之深淵弋鵬負之高雲擷管攜詞自愧不文矣

秋日懸清光賦 以題爲韻 應德宗師試

金風礪鈔玉露垂旒白帝司權溽暑全收梁燕辭社塞鴻喚儔草蟲趨趨乎階砌蟬聲嚶嚶於樹頭紛促織之

思居堂集

卷之十一 賦

六

急響朗熠耀乎螢流感時物之乘化驚倏忽兮已秋爾其海光霞湧杲杲出日陽谷轉輪女紀馳駟雲無路而自升天本清而生霽照不遺乎東西朔南度無歇於三百六十豈夸父之所可追抑窮奇之所能軼獨至於秋若高其懸踰朱明而熄焔蕩塵氛而明鮮望嚴冬而留暖燁風物以暄妍仰峯巒其明秀兮俯池沼其清漣山輝輝其若韞玉兮聳入雲以連蜷水瑩瑩其若含珠兮虛映花以泃漩於是雲歸礪戶露出山楹風驅落葉霜被高陵鳥雀爭旭籬菊舒榮一塵不起千里肅清曠曠乎披襟袖以涼爽兮皎皎乎放耳目以空靈於是障翳既消義馭正翔普天散彩率土呈光蛟螭咸被織曲畢

帝畿

彭殿閣崢嶸圭華焜煌安仁興逸宋玉悲忘起而搦管
亂以成章其詞曰秋之日兮傲傲其潔欣瞻就兮温温
其悅又奚異兮春光暖融融兮洩洩獨澣濯之清明兮
合海宇而澄澈又曰秋日何高朗萬物生光暉朱門夸
衣馬寒士掩柴扉東籬有晚芳黃白金銀輝紐之以爲
佩將因蘭蓀辭年華已遲暮安能遠

遊郭壁王氏園賦

郭壁名鄉烏衣華胄甲第雲連才名錦富壘篋迭吹棣
萼競秀國士無雙梁園居右乃有梅杏寓客邨園逸人
嚶鳴懷感爰咨爰詢遂入芝蘭之室非同彈鋏之賓既

思居堂集

卷之十一賦

七

賦麗留之什旋脂言邁之輪主人乃錯愕而起牽裾而
挽之曰客何其遽耶客亦有遊覽之娛乎吾沁山水頗
稱佳勝即在鄙鄉亦饒名境客獨無意乎余曰唯唯爾
其因高啓路砌石作階拾級而登遂境而恢曠朗幽邃
自至與諧亭向日以肅立堂廡陰以宏開徑周欄以縱
橫花綵羅以培栽艷牡丹之富貴兮冠百花而自魁擎
瑰麗以焔灼兮信東皇之鴻裁樹特起而參天兮杖扶
踈而雲霧風颺忽其震蕩兮喧晴空而轟雷他若月季
山丹辛夷紅梅芍藥玫瑰繞檻布陔或粉其面或脂其
腮或蔓而延或叢而排其名字之無徵則非筆墨之所
能該若夫境以地異形隨勢遷曲徑逶迤迷途迴旋路

將轉而扉啓登已高而望綿於是僕夫前導客與悠然
臺升乎九層之頂樓上乎百尺之顛眺榭山兮鬱勃湖
沁流兮清漣俯室廬兮鱗次環峯嶺兮眼前於是上下
殊趣俯仰異觀卉木倒垂藤蘿蔓延不垣不墉以籬以
藩綺窗對啓綉戶遙聯高聳畫棟幽結彩椽鳥革翬飛
布置迴環游無窘步息可流連極遊探之幽趣終眩暈
於變遷於是容遊既倦命酒屬觴八斗量窄三五興長
浮白引滿玻璃泛光伯倫既頌其德嗣宗漸發其狂馳
騁乎白墮之里顏唐乎無功之鄉蝴蝶夢幻燭龍目張
方夕忽且四顧徬徨安能解脫夫塵羈兮於茲乎淹歲
月以翔翔

思居堂集

卷之十一賦

洞園賦

澁城張氏之園林也余既與躋之望之有如蘭契因
得游息其中遂生塵外想乃壬子夏酷暑炎蒸苦蝮
居湫隘思洞園之適而二張又屬久睽爰賦其地以
寄懷云

澁城西郭厥有洞園創營曩詰踵美後賢適兼曠輿境
極隰原濶數衍而遠目遠委折以綿延幽窳窳以隱深
峻穹窿以聳搏誠世間之福地良方外之奇觀得其門
者或寡羌誰得而備傳爾其垣墉界野闌闌凌虛開闢
十畝履周方隅夏麥秋禾茲焉登儲崇墉比櫛農家慶
餘其稍進也雙扉啓戶屈戍銜環塔鋪文石徑砌花磚

堂構喬皇輪奐鬱盤楹長文藻桷翔鶴驚雲連霞屬金
碧翠鮮堂之西窪然以深精舍調淨以書以琴悠然南
牖窗雕已宇有室歸然莫得其自堂之東實維斯宅規
模宏偉樓閣複摺漢擎霄清華萃祥覆屋蔭舍不可
紀極堂之後分宇列院棟棟亭亭左屬右隸軒檻盈盈
藏修游息窈窕澄泓若乃自堂而返戶別徑長間以粉
壁覆以殿廊雕闌繚繞婉委明昌爽心豁目肅肅涼涼
所謂洞圓於茲啓疆爾乃肅穆嚴整亦陰亦陽基平壁
豎規圓矩方良敦磐因虛靜深藏習習谷風穿箔逗窗
有聲皆韻無言不銷冬弦夏頌金石遠揚由此而進陰
森蒼蔚茂樹翳日修篁交翠縱橫披拂牽衣縈袂步之
思居堂集 卷之十一 賦 九

舒層雲鳥道偏仄一線可循崎嶇崑崙嶽中存桃源
小有此疑其門緣綴而下方塘半畝錦浪皺綠波蕩
柳澎漾容與錦鱗昂首游泳中流霞光拖縷明宵月而
鏡開來晨風而鯨吼珍木異卉莫得悉數西出則孤亭
迎面咫尺莫通緣垣爲徑坎穿其中小橋周折乃近簾
櫳茶竈酒爐各司以僮賓館師席位置斯隆更有進焉
非可易窮循徑而去緣階而上皎乎如白玉之樓迥乎
滿乾坤之望南南山之橫巨環嵐翠而列嶂壯峨嶺之
鬱勃推青蒼而拱向西嶠函之烟霧遠迷離而擬像東
玉鈎之合運幻雲蜺以萬狀至若壤接境鄰吟連畔交
千村萬落或下或高林木藪澤黍禾喬夭無不井井歷
思居堂集 卷之十一 賦 十

翩躚絕城市之囂諱何俗慮之糾纏當夫晴晝悠長羲
輪晃朗萬瓦班剝千廬俯仰動息不謀晦明惚恍或容
以幽或踈以故瞬遷制而改度俄殊貌而變象至如陰
雨淋漓暴屋麗徙彼此相望烟遠霧低溜急濺階波驚
漲溪近丁東以震響遙點點其淒迷懸流沛其若瀑遞
滾滾而莫稽或則同雲颺雪散漫縈迴陵谷影沒城平
陵理瀟綸一望混混皚皚上下藍田之璀璨彷彿齊宮
之琦瑰望縹緲以隱見目光眩而遙猜斯名園之勝致
非筆墨所可施其化裁乃若爲之主人者夙擅通儒羣
稱偉器元方季方難兄難弟明經既颺翻以傳天孝廉
復凌秋而折桂咸被服乎道德藹陽春之煦粹雖世曾
思居堂集 卷之十一 賦 十一

雙紫荆賦

洞園之西雙樹青葱倚階籠牕榦壯枝豐名曰紫荆并
峙同榮葢雨露之澤既深斯風霜之患不櫻於是澹園
何子欣然若慕顧謂休逸子爲我賦休逸唯唯命玄伸
素遂啓青縷雕采繪度羨青青之佳樹兮菁英鍾乎造

化鬱枝條之茂密兮不知幾歷夫春夏惟根深而本固
兮吸膏潤乎泉源紛挺拔以虬蟠兮結翠靄以綿延貯
風雲以礪礪兮挾松杉之勝槩豈樗櫟之凡庸兮可頡
頏而比類乘載陽而舒采兮乃綠柯以綴花蕊艷紫以
貫珠兮穗含香以爛霞芳馥郁而遠播兮奪清芬於蘭
蕙光陸離以照耀兮先煥燁乎韶歲蜂蝶惜其不及兮
遊女悵其難攀封姨或藉以揚馨兮月姊或竊以爲顏
葉肥厚而圓濃兮承朝暉以團翠條競起而秀擢兮嫩
綠玉之叢萃信名園之嘉植兮更雙翹而比穠既交柯
而敷蔭兮亦連枝以奏功儼昭穆之相向兮吹璫篋以
御風擬瓊瑋於機雲兮寶典中之雙秀絮英多於華載
思居堂集 卷之十一 賦 十二

王官瀑布賦

虞鄉之東谷曰王官名彰簡冊境開條巒劈硤以劃
開望罅窳以糾盤中龍游而蛟走閎怒擊而猛搏澗流
奔響巖崖誼謹雷鼓書震梅雨宵溥爰乃踏石幽尋冒
霧遠彈聲鞞鞞而不斷氣栗冽而增寒沾濛濛而衣濕

仰千仞而蹒跚絕壁懸流垂白拖素雪歎其花珠濺其
露輕純孑水縐縠展霧縞羅屨以千尺練澄明以委注
石髮耗耗而雲綠鼉鼓逢逢而吼怒絮廬山之名勝斯
王官之瀑布其源也涌出乎絕頂沸騰乎深淵礪勃乎
坎窞迸落乎山巔合一六以生成懽升降之由然其流
也沿谿泝壑凌阻破堅吞風鼓浪浴日生烟或直而瀉
或曲而旋迴環起伏變態萬千其厲也移石阻路捲沙
沒田塞裳病涉扛梁胥捐負笈者望洋戴笠者息肩其
功也以灌以溉越陌度阡溝蓄遂洩循塗就川不雨而
膏者千頃不井而飲者萬廛此河東之腴地而秦晉之
所爭焉者也乃若司空之高蹈當李唐之季世傍一方

思居堂集

卷之十一 賦

十一

以卜居開三詔於幽翳聳高節以崔嵬澡潛德乎溶濟
世遠人遐芳踪莫繼乃歌曰瀑布之水日噴薄休休了
了空寂寞高人一去兮安可作瀑布之水日鏗鐘本源
盛大洪鐘鳴出谷沾溉兮裕民生瀑布之水巖谷底咳
唾珠璣風雨裏自有機杼兮高山倚

思居堂集卷之十一終

思居堂集卷之十二

倚氏喬于洞休齋氏著

論

理學論

循習相傳之說歷數百年而衆口如出一人有一人焉
忽起而欲破其說則此一人必且重得罪於天下何者
寡不勝衆而積久之勢不可以一旦爭也如近代理學
是已夫儒者好談性命皆求勝於夫子者也而吾謂夫
子卒不可勝則不知其已也蓋空言無補徒滋口舌以
長偽學而究之不言性命者或可以致實用於天下而
言性命者往往借以植黨樹私壞人家國於不可救
故曰不知其已也夫性命之說其不可知也久矣即言
性命者之爲君子與爲小人其不可知也亦久矣舉
不可知之理以示人欲人之不疑舉不可知之人而指
之爲君子欲人皆翕然而信奉之雖勢以制之威以劫
之刑政以迫之將有服其外而不足以服其心者究且
詬訛罵陵而譁然其不靜蓋凡目之所共見耳之所共
聞不待告語而後人信之也今以所共見共聞者而稱
人之善責人之惡人無不服也乃共見共聞者善矣而
曰是不言性命或言矣而非循習相傳之說於是詘其
共見共聞之實而責其不可知之隱則不服者衆矣夫
苟不言性命而非其循習相傳之說雖君子而不得以

思居堂集

卷之十二 論

一

爲君子則反是者雖小人而亦將不可以爲小人也此其禍之可憂不在世道而在人心不在草野而在朝廷矣

三晉沿革 應劉太守試

物必有所統惟土亦然故天下之封域山川統於土而州郡以統縣邑省會以統州郡京畿以統省會惟其有所統乃各有所屬而後條理以明疆界以清因地制宜隨俗施教治化於是乎出焉然建置不常因革代異故考古者不可不究心於其際也今 執事以山右之封域山川爲問雖世遠代更不免訛謬難稽之處而按籍以求亦可得什之八九焉自唐虞之世分冀爲幽并二

思居堂集

卷之十二 論

二

州而山西乃專屬之并矣言乎國都則平陽堯都也蒲坂舜都也安邑禹都也而河津爲古耿地則商祖乙之遷都也當是時九州胥統於唐虞夏商帝王之世民生其間蓋亦幸矣及乎周其國之大者爲晉初叔虞封於唐或以爲太原地然有辨其非者大約不可據後從絳今翼城縣也晉自是始益大而小國之在山西者若虞若芮若郇瑕若耿冀黎荀潞氏唐咎臯落皆入於晉當是時王綱不振強侯專命晉既以強吞弱統非所統矣又何怪三家之起而分晉也於是趙則割太原以北韓則割澤潞以東魏則割安邑以南而後俱見滅於虎狼之秦則所謂大者不可恃而強者不終強也以其無所

思居堂集

卷之十二 論

三

統也秦既一天下矣乃舉天下而郡縣之而山西之郡六曰河東今平陽也其縣二十四曰上黨今長子也其縣十四曰太原今太原縣也其縣二十一曰雁門今太原北境也其縣十四曰雲中今大同北境也其縣十一曰九原今榆林邊外也其縣十六當是時其統之者非而其爲之統者未必盡非故自漢以來皆因而不變夫亦時勢使然乎漢仍秦制增四郡曰上郡其縣三十三曰西河今榆林塞外也其縣三十六曰朔方今延綏邊外也其縣十四曰定襄今大同府西北其縣十二然河東則以屬之豫州部而上郡今爲延安府治其縣又未必皆并州矣東漢惟西河定襄雁門治所非舊而河東又屬之司隸部司隸治都城而光武都洛則仍屬豫州部耳洎司馬氏興則增平陽樂平新興三郡而無雲中九原上郡朔方定襄五郡蓋漢靈之末邊塞大擾人民皆逃亡散走無復遺子後頗招集塞下置縣領之爲新興郡而以句注爲塞句注山在今代州則今大同之境晉皆棄之矣自是而南北朝則一郡一邑或分見數州複疊雷同益不可考則無所統之過也約畧言之則并州今太原也恒州今代州也朔州即上原也北朔州即馬邑也雲州今文水也晉州平陽東北之白馬城也建州今入澤州也南建今高平也汾州今隰州也當是時有所統而實未能統故南北各自爲統而朝濟夕設卒罔

定歸至隋而始統之於是復合幽并爲冀州部而山西之郡則上黨今長治也河東今蒲州也絳郡今絳州也文成今吉州也臨汾今平陽也龍泉今隰州也西河今汾陽也離石今永寧州之臨縣也雁門今代州也定襄今朔州之北也樓煩今靜樂也太原即太原縣也唐始爲十道立府而河東道之府二曰河中府曰太原府餘皆爲州宋以道爲路而河東路之府三曰太原府曰隆德府曰平陽府隆德即潞州也又置軍七曰威勝軍今沁州也平定軍今平定州岢嵐軍今岢嵐州也寧化軍今寧化所也火山軍保德軍晉寧軍今或省而或改也夫古今之天下有所統則易考無所統則難稽其有所思居堂集 卷之十二論 四

之朝邑韓城至於延綏北直之真定邯鄲其西北之接壤也并亦大矣哉至於山川則有若雁門五臺之聳峙於北懸甕太岳姑射之蜿蜒於西太行王屋之盤薄於東龍門中條底柱之突兀屏障於南山不盡是而此其著者也爾乃濁漳出於長子清漳出於樂平涑川出於華谷洸水出於清野或合流而入衛或源異而派同固與汾晉洪澮咸稱淵源水不盡是而此其著者也若夫山之所起與水之所原無不發於西北者天下之大勢皆然不獨三晉也若可以究其從來按其踪跡則凡載於地者固未有無所統屬者也而獨山川乎哉於三晉之山川郡邑實能窮源竟委鑿鑿根據舉業思居堂集 卷之十二論 五

文論

文章之道以理爲主以氣爲輔以意爲骨以辭爲肉無主則言之無當不如無言無輔則囁嚅而無以達當矣達矣而勦說雷同則雜亂而無章或羞澁而不可堪位置是我意之不立而文采不足以飾觀也故四者缺一不可然吾觀古今文章則有不可一槩論者聖賢經傳勿論已左氏爲敘事之文理尚不大謬而氣則出之以安和意則存之以長厚詞則布之以溫雅居然文家冠冕然機鋒時露則已放戰國縱橫之習矣戰國之文辨其言多不衰于理而氣則曲折而條暢意則隱深而堅僻

詞則激宕詭幻而不可繩檢蓋豪俠之風也佩玉鳴珂之度何有哉西漢當燒殘之餘一洗狙詐習氣而返之醇朴若有天馬莫知其然而然其理則味爽之際也其氣則混茫之初開也其意則慄慄而懼其辭則端重而有體也倘所謂文質彬彬者歟而鄒枚揚馬之篇間有麗詞東漢班張諸家效而尤之遂日趨於靡至乎六朝而浮華之習莫能救挽雖高才宏學亦皆迷溺其中而不能自振蓋可惜也已迨韓柳氏出乃始刷洗振拔去其障翳昏塞而爽朗之矯其濁滯拖沓而動盪之如暗室之得猛炬焉如艱險之得駿足焉豈非古今一大快心事乎要其所以致此則由乎識見之高與其學思居堂集

卷之十二

六

問之大遊目乎千載之上而是非得失瞭如也則不肯隨波而靡耳含咀乎經史百家而挹芳漱澗蔚如也則自暢遂而莫過耳迄有宋諸家亦復如是莫不依附聖賢以爲理養心擇言以爲氣高自位置以命意蕭疎淡雅以命詞而後有作者皆於是乎取裁焉此自春秋戰國以來文章之大槩也若其淡逸則有若檀弓清矯則有若公穀詭譎深微則有若莊周列禦寇雄深雅麗則有若淮南亦皆卓然自成能移人情者好尚不同存乎自取而吾獨以學文者宜師韓柳師韓柳者師其識見不高不可師其學問不大不可高矣大矣則辨理戒其粗疎養氣戒其飛揚立意戒其俗淺修詞戒其鄙陋持

是以往駕漢唐而上之可也

序

王集銘先生側室孫孺人淑德序

原任徐溝縣訓導集銘王先生以學行負斗山望爲解州儒宗子敬修公先生所撫猶子以爲後者也復艱於嗣晚乃得麟兒曰于璽弱齡怙恃俱逝甚零丁然耕讀無偏廢卓然能自豎立集銘先生之業乃於是乎復振余生也晚素慕先生名每訪問其後昆既而聞乃孫之幼而孤也甚爲先生危又既而聞乃孫之克家也甚爲先生幸然不能無疑焉今世道人心其不古矣居是邦子子而辱或爲強之肉否則誘之匪僻以墜其家聲所

思居堂集

卷之十二序

七

在皆是而敬修公夫婦俱逝遺一子可謂孤弱然卒無諸足患者果遵何道歟居無何其鄉人有來乞余表婦德者問之則婦爲集銘先生如君而德則貞其苦節以撫敬修公之遺孤子使有成立爲足稱也余不禁嘖然色喜覺從前之疑頓釋曰端在是與端在是與按如君姓孫氏賦性閑靜寡言笑及笄歸集銘先生則能執婦道以敬慎聞既喪所天以栢舟自誓茹檠甘苦歷今四十年如一日也敬修公夫婦相繼去世則引呱呱者爲已責顧復之噢咻之朝夕弗怠既長成則教以守身保家之道既有室則教以雞鳴盥洗之儀以至勤儉以裕家恭謹以應物一切內外之務無不操之如君而王君

亦恪遵內教事事循蹈規矩故能相與以有成而如君則難矣當集銘先生歿如君既處不能自專之勢且子女無所出如俗人之見則必再天亦情理所不能禁而如君顧冰霜自持匪石不轉則天之所以資王君也設使其時非有如君爲之維持於其際則王君雖良子弟而藐焉一身方且進退掣肘過一事茫無所稟式又安見無強凌衆暴或有比匪之傷皆不可知則即是以思而不幸者不獨在王君也則反是以思而可幸者亦不獨在王君也而如君之有關於王氏豈淺鮮哉鄉人曰其細微不可悉數其大節如此余故表而出之蓋以是爲王君幸即以是爲敬修公幸而又何莫非集銘先生思居堂集 卷之十二序 八

之幸哉是爲序

劉母彭太君八十壽序

斯干詩言女德曰無非無儀無非可矣奚云無儀耶紫陽註謂有善亦非其吉祥可願之事由今思之顧不信歟蓋家庭原無奇節古今來忠臣孝子類由變故著稱況在室中饋者安常處順無成代終又何貞節可見然天之所福必先予之以拂逆而後償以人世之所難得理固然也醴城 誥封安人劉太母彭太君出貴盛家嬪簪纓宵其居處崇煥飲食衣服麗都視孟德耀則未嘗寄人廡下視桓少君則無容共挽鹿車雖恂謹自將謙抑善下嫺內則雞鳴之儀佩敬戒無違之訓亦閨閣

尋常事其能享大年膺多祉固爲得天獨厚而安人之所以得天者固不盡在是安人爲方伯公媳爲內翰公繼室爲太守公母方伯既勤王事方宦遊皖江滇中未遑家務則委寄中翰安人佐之閨內外咸理是惟安人才時中翰公尚未有弟應酬之務焚絲旁午安人則分其勞而寬其力俾精所業成名抑始終如賓無幾微忤是惟安人德不幸中翰公不祿太守公方在孩提安人甫弱齡耳義執從一操堅匪石撫呱呱兒成立由部郎至長沙守皆有卓績可紀既而太守公以終養請急歸里不數年又復賦鵬安人則又撫恤孤孫提攜之規矩之令孫介侯德器成就恬靜醇朴他日益仕登朝亮思居堂集 卷之十二序 九

工熙績未可意量又何莫非安人苦心勞思有以致之

夫劉氏自少保以來紆青拖紫世代顯榮河東推闡

第一安人作配京華於人世所願欲固無不足者然閨

德窈窕幾莫由表見至白頭吟斷寡鵲操成乃始以貞節嘖嘖縉紳間推而考之而凡淑慎懿徽乃始無所不著然則其事固非恒情所願而懷潔佩芳衆美畢見職此之由然則安人之不幸固天所以拂逆之而大彰其微德者歟益信紫陽註詩理有固然良非誣也今安人壽登八表萱齡益茂家道亦日益昌熾都人士咸歸福安人思致升恒之祝而乞言於余余鄉距運一舍許其劉氏鼎望固所素欽而安人令儀得諸姻戚之稱道者

茲詳因約畧其大節特聞其享大年膺多祉之券如右
先是安人古稀時侍御董明遠先生文以賀之稱其能
得兩大人歡敬事繼姑待小叔以禮以至與臺廝養無
不體悉推恩更僕難悉也夫既已表之矣固無容覲縷
爲是爲序

代王行公壽張太翁序

蓋聞鶴峯桃澗昔多命世之英仙洞雷崖代有軼羣之
雋良地靈之鍾萃寧惟杞梓楨楠實嶽降之有神豈止
水晶玉版問虛溪舊隱草堂猶存尋唐世名題鶴湖無
恙文物從來稱盛知音自古爲難縱學富五車莫識荆
山之璞雖才高七步難點朱衣之頭然而光風霽月襟

思居堂集

卷之十二序

十

懷一切俱能擺脫况乎陸海潘江才調高吟自得安閑
則有如藜翁張老年臺者曲江嫡派南粵舊家遷居安
福本真人助義之鄉僑寓宛平亦霽雪凝花之地栽我
門第高章社之清華奕奕冠裳裕匡劉之經濟蓋家風
有如建奮而世業惟事詩書廷尉稱平司寇之休聲遠
矣瀛城競美詞林之峻望宛然惟續緒之有人箕裘不
墜賴紹衣之勵行弓冶斯綿當舞勺舞象之年輒勤鉛
鼎泊學禮學樂之歲已奮芹池賦就三都不須玄晏而
長安紙貴文成五鳳勿俟子將而月且評高縱錚翰墨
之場颯如風雨絢爛文章之圖彩若雲霞試輒冠軍每
樹詞壇之幟學期穿硯莫攀月桂之枝斯命運之多乖

允天人之可憾者也乃同甫之人龍文虎方矯矯以凌
霄即少陵之食柏餐霞亦悠悠而樂志高致與山松並
韻曠懷偕野鶴同超若乃篤一本之思修先祠以聯支
派推二人之愛抒誠款以惠宗盟春露秋霜羣歌伐木
歲時伏臘胥戒駢弓瓜葛則體恤有加金蘭則綢繆罔
間仁心兼之義氣慷慨誼高博愛下及輿僮胞與情摯
盛德洋洋於衆口芳名藉藉於遐方至若雙鳳鳴陽共
羨丹山之自出聯珠映斗咸欽滄海之多奇堂構相承
父爲作而子爲述壘篋迭奏兄以雅而弟以南郊祁並
轡以騰驤載協連鑣而馳騁侍椿庭之側必當顧而樂
之膺 鳳誥之榮自然喜可知也今者籬 芳菊屬申

思居堂集

卷之十二序

十一

誕之佳辰塞度賓鴻正松年之週甲戚友獻升恒之什
剋蓋續紛豆籩羅山海之珍管弦煩會而余與長君爲
僚友同宦一方情隨分誼以延綿寸衷千里會紳士將
陳詞以祝嘏乞迂踈代摛藻以揚輝是以不愧無文盡
雍浮夸之語忘慙撫筆聊伸企慕之私云爾

贈陳邑侯調任鳳臺序

邑侯陳老父臺令吾猗幾四載上台廉其能以鳳台煩
劇非公不可遂調公去猗民士哀詞籲各憲乞留不可
乃以口碑暨石永其依戀之隱而又爲製衣書萬民名
其上以衣公然公終不可留於是行李既戒矣鱖生洞
送之以言曰公往矣鳳臺民如猗民也鳳臺士如猗士

也公既愛猗知其無所不愛也洞竊爲鳳台幸然鳳台
豈能久有公公治猗猗方治而公去以公之不能久於
猗知公之不能久於鳳台也今猗士民方悻悻於公之
去又以知鳳台之必將悻悻於他日也雖然無庸也公
以治猗者治鳳行將以治猗治鳳者治全晉治海宇則
舟楫以濟鹽梅以調普天率土皆猗氏皆鳳台也何區
域之可界而分也若然則悻悻者直欲私公於偏陬僻
壤而獨食其利也而又烏乎可也抑洞亦有不能無情
者洞頡讀書喜詞章獨蓬葦鍵戶數十年嘗恨不得大
賢成就之既得公叨一顧榮竊欲附游夏行輩請業請
益以開其聾聵求其所歸宿乃老病飢寒不能出門而

思居堂集

卷之十二序

三

城市官衙又素所不習思繕寫拙作以溷清鑒而公將
行矣未免快快不能自釋然以猗氏萬民之心萬民之
口尚不足以留公而私其膏雨而洞且奈何亦可嗟之
甚矣公往矣鳳邑多山水琴鶴優游足以富奚囊則差
勝於猗者也然留德政之碑於猗而衣猗民於身顧盼
間公又烏能以無情哉

王雙鳧詩序

自古有性即有情而語言出有聲即有韻而詩歌作權
輿於三百漫衍於騷賦而漢魏而六朝隨氣運爲轉移
而已至李唐則句有平仄韻有一定七言五言名爲近
體而試則五言六韻爲程式詩之變遷無以復加矣但

詩以溫柔敦厚爲教唐人惟王孟爲正宗即李杜光燄
不免讓長而餘子又無論矣頃友人王子楚良出其尊
大人雙鳧先生詩稿示余曰先君子苦心斯道遺有茲
集將繼志付梓僕僕未能倩子弁一言庶以行遠余捧
讀輾然曰是得詩之正宗者其咏物則袁中郎所謂不
工似而工意託寓遠矣其贈答則支道林許掾輩所謂
通一義送一難四坐莫不厭心寄興高矣然而出之温
雅則楊柳春風也行以駘宕則桃花流水也誠於溫柔
敦厚之旨有深焉者而其性情之忠厚和平亦即可於
聲韻想見之耳昔高彥敏品彙之選人多有議之者以
其過分羽翼流派似乎拘拘然詩確有正宗余斷乎以

思居堂集

卷之十二序

三

王孟爲的而先生是集又確爲王孟正派名公哲匠必
有可余言者余晉之鄙人也不獲與海內大方共質所
見謬以友人見屬誼不容辭遂爲之序孫月峯批文選
咄皇甫序三都也余其能免於月峯之嗤哉然鄙人或
藉是以傳世行遠有餘幸焉

記

石樓記

昔柳子厚論遊之適曰曠曰與曠者跨穹崗凌絕巖境
欲其敞林欲其踈峯呈其秀石獻其奇使遊者俯仰空
濶而延攬乎無窮斯之謂曠與者山不厭高壑不厭深
巖嶸複疊林樹叢蒼琳宮精舍曲折而幽窗使遊者出

入錯愕而塵煩蕩乎其一空斯之謂與余以為曠與與相須偏袒者失之大抵性情玄黃而識趣岐焉歲兩寅東海王公以名家玉笋縮銅沁水而余亦適司訓是邑一見若故惠好有加因相與謀選勝為觴詠歡則共擬石樓佳處約以九日登高其上及期余先至陟其巔伏檻候公者久之俄見衣冠五六月人聯袂跋石而來逼山趾忽不見或見其冠前者後者亦各有時不相及蓋峭壁懸崖若蘧藤若威施而磴道盤紆蘿徑蔽虧故乍潛乍見有如此既上則公偕蓮幕諸先生共五六人其形貌映麗吐屬名雋而煦粹可掬者為會稽王先生公所延西賓也其魁梧偉岸廣頤微鬚而顧盼雄豪屬余賦思居堂集

卷之十二記

十四

既下却顧所來境則蒼蒼橫翠微而已初余之先至也以老步蹣跚恐不能追隨然尚不自敗故歸而賦十四韻且作是記

重修文昌祠記

文昌之祠所在皆是沁水祠在城外當東門之對蓋以叢辰家言為著祭也按天官書斗魁戴筐六星為文昌文昌星也像之以人而衣冠之近乎誕矣至舉業家尤尊禮敬奉謂神能佑人以科名夫文昌能佑積學者而使之登科不能佑牧豎販夫使入棘闈而奪幟也而徒敬奉尊禮以為養由之技則益謬矣雖然有其興之莫可廢也當日之所以建是祠者既各有說則因而永之思居堂集

卷之十二記

十五

重修 聖廟碑記

亦未為不可廩生張子沁舟謂此關一邑風脉歲久金碧黦黯丹青漫漶不修且有頽塌之憂哀然倡首著簿募緣請教諭鄭公為之引又請邑宰開其端而人士翕然從之以至遠方客商仗義樂輸者若而人而事遂集於是估工較值徵班倅延畫師丹雘刻鏤凡六閱月而厥工告竣夫風脉所關非一人一家之事而張子獨以身肩之盛暑不辭以數月而為數百年之功可謂勤矣余嘉其志喜其成樂為之記但堪輿之理吾未之學容或有之若撮巍科拾青紫則斷斷乎其必出於學如曰吾享祀豐潔神必據我則文昌且誤諸生矣

猗氏學宮頽塌有年議脩葺者數矣竟成道旁之舍卒莫之肩歲庚申邑侯陳公甫蒞是邦即慨然念學校起化之地殿無瞻仰所關其不可以聽其剝殘罅漏而漠然不爲之所也况我列聖相承罔不崇儒重道興行教化以風淳俗美爲期而令茲邑者顧使師表所在幾幾茂草是鞠雖職微俸薄亦當有道以處此於是都人士無不手額相慶知公之足以毅然有爲也越明年於凡邑之利害畧已興而革之矣遂集諸紳士約期舉功會天子方發帑金勅修天下學宮不遺彈丸邑公益爲欣然于是司鐸李公職其要襦衣之能者職其詳遴班倭庀材木命圻人儲餽既架而構者運思居堂集卷之十二記

卷之十二記

七

而轉者需用之物陸續俱集董工者不覺其煩執役者不知其勞於是新其舊而補其缺起其仆而卓其歆自大成殿兩廡諸祠黜聖丹雘宮殿內外煥然改觀葢起訖無踰二百日而宗廟之美百官之富煥耀乎光天化日之下固聖天子昇平之氣象所徵發抑亦公之義舉有以激其趨事赴功之誠也工既竣共計帑金若干邑紳士輪助若干貲不償工者且五六百金則皆出諸公之俸俸不足則皆出諸公之家然而公不以介意也上體朝廷右文之意下念教化之所以興行職所當爲不辭其難事期有濟不吝其私求之當世殆不數觀也已公愛民勸農課士勵學媚坡涑水方倚公

爲衽席而公以長才調風臺行將去矣不知猗民何以無福天何以不福猗民而公又何忍棄此多年乳哺之赤子也於是羣相謂公善政不可縷析其大者在脩學蓋刻石以常甘棠遂屬余爲文樹碑廟左以示永久云

思居堂集卷之十二終

卷之十二記

七

思居堂集卷之十三

猗氏喬于洞休齋氏著

引

募修蒲州城引代劉太守作

蒲扼秦晉之吭南則潼關西則大慶自燕薊之有事西南與隴蜀之有事東北者必道於蒲而兩省交會之區則易藪澤奸究其盜藉濁流一葦彼此躲避尤為煩夥至漢唐宋末季樓櫓燄照灼鼓擊喧震關左右居多然尚皆密邇神京巡幸時及警蹕所潛懼且猶如此以故元明以來加意茲地設重兵鎮守之道臣彈壓之州牧主守之別駕巡察之

思居堂集

卷之十三引

今上龍飛六載復仍州為府以隆重之置太守以保障之置縣尹以勤理之然則蒲之為地固不可忽如此顧其城剝削殘破勿問遠古遺跡漢唐樓觀皆成赫胥尊盧而垣墉腐窳雉堞頽禿大可為保聚憂夫闌闌闔闔所以附麗城郭而厚集其勢而衙宇因之以有官長室廬因之以有民人衢肆因之以有器用無非藉此城垣雉堞以守以居以通於是乎能國今蒲自鼓樓四訖東則客館幾所土著幾家城外稱是而南茫如也而北阨如也而西荒如也而城外亦各稱是是又烏乎聚而又烏乎保余來守是邦觀茲蕭條則疑撫茲垣墉雉堞則驚思此地之所處與余之所以任則思噫烏可以無修哉

雖然談何容易役非寡力所可勝工非斯夕所可就費非么廢所可裕無終無寧無始無收無寧無發此念幾灰矣顧河東股肱郡而以余承乏將保聚之責謂何况此何莫非 朝廷事而官於此寓於此飲食聚族於此與屬於此者其欲盡心輸力於 朝廷寧必後余而余乃為是私憂過慮耶用是叙蒲之關係與其所以荒涼愁慘皆由於垣墉雉堞之不修有如此而布諸同志願各以 朝廷為念多少不拘士民咸勸幸有成功實人之利也

募修黃儀南仁壽寺南殿引

猗氏縣南二十里曰仁壽寺由來遠矣中石佛座下猶

思居堂集

卷之十三引

存大魏年間數字則知不創自近代顧以年世久遠旋修旋廢勝國兵燹之後益頽圯不支賴住持和尚德教者募化修補遺模僅存至今又且四十餘年神殿像宇且復有岌岌之勢於是德教之弟子圖起者奉其師傳欲重然慧炬再啟法門而工費不貲非合眾心集眾力則恐綿力不繼故為茲簿以告四方君子而求余引其端予以釋道非吾儒所崇奉宜不與聞但事有不可一槩論者今玩好器物傳自秦漢則相與珍而重之或有缺焉則往往為之流連感歎而不能置人情大抵皆然也况佛自漢明以後信奉者甚夥其殿宇所在皆是而弘敞偉麗金碧輝煌視大成往往百倍足為一方壯觀

瞻肅耳目而匹夫匹婦習於因果報應之說亦或有所警於心而不敢肆又其來也遠乎古者所不能無今昔典廢之感則圖起之爲此舉亦有未可盡非者仁人善士吾知其有同心矣

書

上王介山先生乞墓銘書

夏六月由沃道中獲遇軒車欣抃無已既而侍談蕭寺茶頃化雨春風塵襟一洗奈岐途背馳跬步天涯自茲以往盡是蕭索景况矣洞於八月下旬告假歸家師墓已渡河而西未審榮補何地私擬鳧賀有期不意先母忽焉辭世煢煢苦塊者五十餘日矣洞兄弟議襄葬事

思居堂集

卷之十三 引書

三

咸以先母生平仁厚慈良朴誠勤儉非得當世名公大賢一題墓石此心不安因思我夫子品高望重海內共仰或者不吝珠璣錫光泉閣則不孝等萬幸即或政事無暇賜之名字則亦萬幸然私計貧乏下士潤筆無資何敢漫爾干瀆用是咨且者久之頃復念吾夫子理蹉之日屢嘗愛洞而卹其烏哺之私則今日齋沐以禱必不忍漠然置之遂乃遣力代叩兼致芹藻之儀於左右伏惟念洞久侍門墻其蒙愛也深而洞兄弟等瞻仰殷切其拜禱也誠幸廣錫類之仁以爲華袞之榮庶先母藉以不朽則幽明銜結均無有既

上德學院書

其於十二月十七日接到憲文一封蒙賜大刻兼賜和韻盥讀欣悚榮幸何以當什襲秘藏以爲傳家珍寶謹此感謝並和前賜四詩一併上達 某嘗讀太白垂衣貴清真之句竊以爲太白目空一世而其於詩乃僅以清真爲貴既而讀四唐諸名家若少陵及高岑王孟等作下至溫李錢劉無不皆然則知清真二字爲翰墨家不易之軌則頃讀大作詞氣溫和體裁雅正既不屑以綉麗爲工又不屑以艱澁矯異冠冕見正大獨得風雅正傳則青蓮清真之訣也至於書法一道鍾王真跡既不可復覩得二王法者惟唐人爲最多永興登善率更其尤也宋四家皆出顏魯公而襄陽工夫獨到元人則吳興

思居堂集

卷之十三 書文

四

爲最明人則衡山華亭爲最論者以吳興集書家大成而衡山則吳興的派 國初皆習趙董然學趙者不免拘苦學董者不免滑媚伏覩大人筆法於謹嚴之中有駘宕之致龍跳虎卧如可復覩應在永興登善之間要當與陽春白雪均爲世寶而 某獨幸得之私心忤躍因抒管窺之見觀縷如此

文

祭四兄文

嗚呼人之生死原有定數於吾兄之歿也奚尤但以家門不幸兄弟凋零七人僅存其三而吾兄又奄然其不 昔昔伯仲之繼逝年皆五十而未周三兄甫得三十七

第四十有五皆未能豐其春秋今吾兄獨得五十有九
 謂我三人或可久依倚以綢繆夫孰知二豎侵尋醫藥
 不瘳遂爾瞑目長夜捐館舍而仙遊嗚呼人皆有兄弟
 孰似我兄弟直如疎星之墜曉黃葉之隕秋心焉念之
 雙淚逆流嗚呼人之生死原有定數而洞之所悲於吾
 兄者固深悲夫致病之所由當乙巳五月吾兄以母老
 家貧冀薄俸以爲菽水之謀爰就教於陽曲而陽曲遠
 以千里未免怛怛於道途之阻脩自是每於歲首輒哀
 懇當事得暫歸省以慰陟屺之憂乃吾母愛子情篤若
 更多愁每相見而欲泣吞聲每相別而倚門淚眸如是
 者於茲六年蓋身在他鄉心繫慈幃而冷署蕭條曾無
 思居堂集 卷之十三文 五
 足以解憂去年六月洞以脩志之役奉藩檄至省得晤
 言於卦山之敵吾兄病瘦不堪然神采舒愉風致翩其
 爽猶既聞而月洞將歸家吾兄乃復至乎鴈邱是時漸
 已痊復與從前憔悴之况覺迥然其不侔孰意弟歸月
 餘吾母長逝老幼泣其啾啾急遣人計報而吾兄痛裂
 之餘病魔遂以復投泊力疾抵家雖勉強措撐而語言
 顛倒精神亦恍惚其颺颺蓋至過年後日甚一日而遂
 赴名乎玉樓嗚呼吾兄之病因吾母而病吾兄之歿因
 吾母之歿而歿天也命也而何禁於此心之惻惻謂天
 道之無知理遠而幽謂人事之不善數極則休自古莫
 不如此有若夢幻之與浮漚然吾兄生平有爲有守能

剛能柔其無可懊悔而孤行於宇宙者必不同於雨雪
 之漶漶况吾父吾母吾兄吾弟得共相聚於泉下又安
 見不勝於人世之沉浮嗚呼吾兄之心力既已瘁極今
 身已不存心尚何求即子姪輩不無煩吾兄之營計者
 然亦安得尚有可展之籌今我五兄與弟猶存其可以
 極力斡旋者固將拮据於白頭其所不能爲力則當聽
 祖宗父母之默爲挽兜嗚呼已矣人鬼路悠相見無期
 永隔明幽他日吾母歸窆時將惟我五兄與洞執紼而
 引柩矣綿綿此恨其何可收耶嗚呼哀哉
 祭令狐二周文
 嗚呼士生斯世而沒沒以終老君子固疾夫無稱若其
 思居堂集 卷之十三文 六
 品行卓卓聲聞藉藉蔚然師表之望而終無以自慰其
 生平蓋所志之既高斯有就而不盈若山泉令狐公者
 固岷坡涑水之精英家世源遠歷周漢唐宋以迄於有
 明遞傳金紫奕葉簪纓於今爲吾猗東南之巨族而惟
 公自高曾以來能不墜乎家聲公以孩年失恃志學稱
 孤斯時家道亦甚飢餓而卒能極力以措撐自家常日
 用以及親友之酌酢往來其務甚紛錯旁午而卒能自
 勵於雪螢故入學後每試必冠軍而退舍避鋒者雖名
 宿亦莫之敢櫻於是近居者請業遊聽者簾籬問奇之
 履常滿戶外而隨其大小叩以鳴以至章綬三晉者無
 不臯比以待而藩
 其運德之氣樹爲山斗而

非徒詞采之光瑩故或數千里而偵訊或數十年而景
行乃時數所限鄉書晚登至丁酉秋捷年四十有八矣
尚安能與時流爭一日之名然公之學自有得于聖賢
性命之旨公之行誼文章自有立達及人與含蘊一切
之功能故處家庭則繼母樂其愉婉而從昆弟子姓咸
服其性量之寬平處鄉黨則族衆胥賴其匡扶而姻戚
友朋無不欣而奉之以爲吉人則而象之以爲儀型嗚
呼士之生於世如此亦足矣而又奚必旂常之績與鼎
鐘之盟况乎有書五車可讀有田數頃可耕有三子皆
丹穴之雛而長君已奮翮乎天庭有孫四人亦皆芝含
其秀而蘭蓄其馨公於人世誠無所不足而易簧之頃

思居堂集

卷之十三文

七

獨悵然其含情若有憾于椿萱之不逮若有歎于聖賢
之遠程是知公之所志原非世俗之所爭榮而欲然其
不自足者雖使乘權濟世澤被生民而仍自覺其怍怍
嗚呼公真古之學者也而又何羨乎長生某等想襟期
而天遠思道範而雲停觀幽宅之既建聽薤露其如醒
奠一觴以餞別陳蕪詞以格冥冀靈修之默鑒紛瞻望
而淚零尚 饗

代祭嶽丈文代鈞姪

涖灘之歲兮杓指東而建郊嗟青城之崩摧兮哀中心
其如搗人生固若朝露兮孰非金石而壽長哲人亦隨
化以全歸兮夫寧有憾乎彼蒼顧撫躬而自傷兮念疇

昔而耿耿辱門楣以十年兮荷亭毒而知省昔卽星之
方炳兮媒鳳鳥以宜家仰岱宗之嵯峨兮韜軒賦乎皇
華五馬既言旋兮雪紛糅而擁路獻椒觴於首歲兮乃
承顏而一晤蒙授館於宦邸兮歷冀莢之屢榮愧叔寶
之玉潤兮欽樂令之冰清誨諄諄於夙夜兮情慙慙乎
半子溉烏鹵以澄波兮植薦蘿以文梓羈奔蹏以就範
兮繩奉曲以就裁既誠愛以曲成兮夫何論乎形骸當
先嚴之遊宦兮轍東西其無定疲往返於道途兮登涉
有如萍梗日神馳乎左右兮空悵望乎天涯銷日月於
風塵兮情抑鬱以迷離閱表葛已兩易兮旌旆歸自西
夏觀光霽而心夷兮旋嬰病其無那惟樾蔭之庇覆兮

思居堂集

卷之十三文

八

延倉扁以醫療愛護無殊顧復兮感空深乎鬱陶會有
命之自天兮於青齊乎出守朱熯而皂蓋兮鹿轂慰夫
黔首時先嚴亦觀察右江兮乃隨侍夫粵鄉隔故山以
六千里兮雲樹杳其蒼茫既違離於各天兮鱗羽缺其
音問返乃鳧趨乎冰署兮聊得伸其方寸接光華之煥
燦兮瞻景慶而心怡卜超軼乎天衢兮詫解組而過歸
歸相羊乎林園兮亦羈宦之宿志胡二豎之憑陵兮遂
淹冉其辭世吁嗟乎悲哉兮信天道之無知混芸生而
同盡兮痛賢哲之遽萎承提命其無日兮緬音容而已
渺以小子之空侗兮復誰示以周道我嚴君之捐館兮
悲命途之已乖泰嶽又復摧頽兮泣皇天之降災抑大

原缺第九葉

入中齒落髮禿者若而人鮎背而馳囊者若而人其與
公年齒相上下者若而人凡風雨晦明皆必得公乃快
公故富腹笥精鑿別善吐屬或論身世之宜或言文章
之變無不切合曉暢使聽者聳然有若發覆其或四座
悄然鬱悶無聊則博引山經廣徵水注以至齊諧東野
之荒唐咸資麾塵而倦者以起愁者以喜以故邑中諸
同人不能三日不見公公亦樂與諸同人善遣此有限
之居諸也而今已矣玉棺已蓋佳城且啓言念伊人永
絕音耗其何能不惘然如有所失悵然如有追而弗及
耶嗚呼聞公病革時促家人速具朝衣朝冠如將入朝
狀夫生而爲英死而爲靈理有固然公有大才而不竟

思居堂集

卷之十三 文

十

其用豈不得於人世者將展布於陰府耶然前者

朝廷有賢良方正之舉嗣又有博學宏詞之選公皆可
當之無愧乃公皆不應則公固不屑屑世榮者而何有
於朝服朝冠也是亦無從而測之矣茲者窆期在即薤
歌聲悲聊陳薄奠以餞遠別靈其不昧庶幾鑒只

告

絕酒告

余與足下稱相知且四十年宜不忍言絕然足下戕賊
余特甚則不絕不可余故歷而數之敢因管城以達於
左右惟所裁擇幸甚往余年十四五即聞足下浪蕩自
喜用儀狄薦得達於夏王禹禹初甘之旋復惡之余固

疑足下不知何物也至姬公作誥則直斥足下醜德且
欲執殺羣飲嗚呼不已甚歟意足下何至於此乃又聞
足下與衛武公交最耐久然至其老也亦作賓筵抑戒
諸詩以相絕豈知遇之不易抑足下實自敗也不然彼
禹周公衛武皆賢聖非不近人情者而足下曾不一遇
即或乍而相合究則久而仍隙然則足下之可遠而不
可近也審矣乃吾夫子實集千聖大成吾黨論取舍可
否必於吾夫子折衷焉而吾夫子之於足下也初不爲
崕岫必極量以相與則足下果可遠而不可近者歟况
千百年以來朝廟鄉國祭祀宴享自天子以至於庶人
非足下幾不可成禮其可謂無關係於人道者歟而何

思居堂集

卷之十三 告

十一

可執禹周公衛武之成見以相擯棄耶此余所以於足
下不能無疑而亦卒不能釋然者以此歲壬申余年十
六趨庭厥次始介梅子和叔識足下因訂交焉則知足
下英烈超曠能使人有勇往氣能使人有仔肩力能使
人有不可一世之意而無所限格於曾中於是無朝無
夕無冬無夏惟足下之與偕花晨月夕得足下而花爲
之香月爲之朗良朋勝友得足下而情爲之洽話爲之
長讀書不可無足下喜有與爲喜而怒有與爲怒應事
不可無足下急不過於急而緩不過於緩作文不可無
足下思以傷其泉而舌以鼓其簧作字不可無足下風
雲以布其陣而龍蛇以動其機蓋余之與足下四十年

如一日也有如此意足下必將有以報我而不謂足下之駿我以生也破壞我坊檢潦倒我衣冠空虛我囊橐虧損我田園蓋余四十年名與利兩無得焉則職汝之由雖然此猶其外焉者也至於發我狂言觸時俗忌長我怒氣取妻孥嫌與人之離心鄰里以之側目皆非足下之力不至此然此猶其小焉者也乃比年以來耗竭我津液腐窳我筋骨顛搖我肢指躄曳我步履猶不滿願又復昏我目聾我耳禿我頭壞我膚是足下以四十年之相好而竭力以相報若不欲余在人世間者足下何狠毒若是哉初余猶不知足下之爲我厲也遇倉公曰汝四十年好友實崇汝余始疑足下既又遇扁鵲思居堂集

卷之十三 告

十三

與倉公同則足下其何辭焉然則余不絕于子將絕余是用忍情割愛與足下訣足下若不忘舊好或於燕享時止可以色臭相及萬勿以心腹相見或者口舌不生猶得善全終始耳吁禹之惡之非矯也姬公之斥之非過也衛武公之絕之非謬也足下宜自思勿徒恣人千古以來惟我夫子大度相容耳豈可執以爲口實

樗說

休齋不材人也樗不材木也其居多樗豈所謂物以類聚者耶然吾觀樗爲木氣盛而易長理直而性勁其初生即挺然有干霄意不十年即可備梁棟用與本草所

云材易大而不中用莊子所云擁腫拳曲者何相左耶河東之木其足以適用者柏楸槐樗枌榆楊柳而已而槐第一樗次之榆次之然皆不若樗多且易成故屋宇解舍樗之功居多貧富皆然然則無用之說無乃以名相循而不察其實歟夫實可用而名無用樗亦何損而循其名以棄其實或且求梁棟而失之於當前不亦深可惜歟夫苟可以濟事材之可也如其名將來之於遠力勞而費多而又未必可以濟事亦已過矣且天下之材焉者亦復何幸斧斤以斫伐之刀鋸以割裂之一蒙取用於然沮喪欲植根於厚土挺幹於雲霄吟風醉露其可得乎若是則樗方且恨其實之不如其名將以

思居堂集 卷之十三 說

十三

見用於人而不免於支離也而豈有以不材爲憾歟若余則有不材之實而竊有用之名與樗反焉則樗之所患余固有所弗患矣

蠅虎捕蠅說

蠅虎捕蠅嘗聞其語矣竊疑蠅能飛輕捷而黠蠅虎渺小耳雖善跳不能踰尺寸安能捕蠅而制其死命夫蠅虎者蠅之虎也豈其然哉夏月多蠅窗牖間多蠅虎乃蠅之多且什伯於虎而虎卒不見其肥蠅或飛過其上則翹首環視而已耳或附近其側亦攬身垂涎而已耳終不能奈蠅何甚矣其有愧於虎也名與實不相副往往如此哉乃忽焉有聲鳴踈橋間視之則蠅虎捕得一

蠅擒其頭拊其臂蠅舞翼旋轉而不能脫須臾而斃乃蠅虎之視蠅不啻小矣蠅雖奮力震蕩而彼不一動豈形小而力大歟或亦得勢者之有以爲據歟虎哉虎哉於茲信矣夫天下之有其能而無其時不得自見其所長而遂使悠悠者相疑於其名如蠅虎者亦可慨矣若恃其輕捷點滑而招呼朋類以擾攘於斯世自以爲無慮者抑又當以營營爲鑒

墓表

太范何氏希平公墓表

此何氏祖諱思禹字希平公墓墓前短碣表公者先中丞也中丞在明神宗時以剛直重朝野然遺刻尚在曾思居堂集卷之十三說表十四
未有表墓之文則生平固少所許可而希平公墓前獨得之公豈無可見重於世者耶或謂公以太侯侯氏與中丞有中表親此其緣也是固不然中丞戚友多矣獨表公豈以親誼故耶蓋公自有足表者而不在乎親誼也以親誼則可表者多矣獨碣歲久剥裂字皆蟲魚鳥跡歷歷落落不可摸索而公之高蹤芳躅遂與此碣同盡爲可惜也夫人生必死死必朽不朽必借金石而亦竟不可得甫逾百歲而已斷裂漫滅有若斯滄海桑田豈不悲夫即正人君子之湮沒無聞者又何可勝道哉何氏子不忍其先人遽就磨滅而以余爲中丞裔孫錄其存而可識者求重理之余諦視則止有公諱字與中

丞銜名故得知先中丞實表公而公固諱思禹字希平者也嗚呼天固不欲沒善人也有如此余復何辭焉因叙數語付之俾刻諸石

銘

船屋銘贈介僕少

川居則船陸居則屋似屋似船不水而陸若行若止可棲可宿不必江湖而若有游泳之適不必繫纜而自獲安止之澳不蓬不帆奚虞颶母之震驚不驚不櫓寧隨波浪以洄瀆意居是屋者動靜之樂俱宜故棟而並蓄

思居堂集卷之十三終

思居堂集

卷之十三表銘

十五



〔清〕顧貞觀撰

徵緯堂詩二卷

清鈔本

縣志文苑列傳

顧貞觀字華峰舉康熙丙午京兆試擢秘書院典



丰儀才調清麗文蕪衆體填詞語業不諱清狂然為人傷寒萬古誼初契松陵吳李子兆騫兆騫以才招誘戍寧古塔貞觀灑涕要言曰必歸李子納蘭成德者貞觀金石文而相國子也雅善兆騫貞觀作金縷曲二詞示成德寄戍所德愴然曰可梁生別之詩山陽死友之傳得此而三此事三千六百日中當任之貞觀曰人壽幾何請五年遂悉力處辨贖緩相國高其義為之地兆騫卒得生入關如要言焉而兆騫言塞外多異暴骨貞觀

即募僧心月者飲金徧歷戰場收瘞無算又游跡所至贖失鄉客常身者數家其居心行事如此貞觀自少名謀東南慎交社繼入都題詩寺壁龔端毅鼎學見之讀至落葉等閑聲似雨聞卿何事不成眠句驚賞延譽名孟騰起自此始甲子移疾歸構積書嚴於蕙麓祖祠旁坐擁萬卷領襄溪山風月幾三十年與秦官諭松齡嚴宮允絕孫相羊觴咏邑中目為三老著書數十種而彈指詞則與迦陵竹垞稱近世詞家三絕云

右丞見襄陽詩挂席幾千里名山都未逢泊舟潯陽郭始見香鑪峰美其風調因就所舍圖於卷軸世所稱襄陽吟詩圖也

曠代知己於二公遇之余論詩海內四十餘年獨心折梁溪數君子古調自愛不為流俗轉移中間如蓀友留仙梁汾尤為起詣頃讀梁汾楚頌亭詩趣味澄復如清沆之貫遠所謂得味於酸鹹之外者悠々斯世其孰能知之吾恨如不能如右丞之善畫聊為點次以傳以比于襄陽吟詩之圖試與留仙共坐清泉白石之間出此卷觀之亦足發一笑粲否乎漁洋山人王士禎序

徵緯堂詩卷上 又名楚頌亭詩

無錫顧貞觀梁汾著

諸同人集鄒黎眉齋中賦得晴

還過今雨後吾亦感朝暎冉：翻幽草暉：淨遠

薄野水向來渾早踐隣翁約跡離放酒樽

集秦留僊齋中賦得何事棲碧山

與世久為別拂衣誰共君嘯當巖際發人自靜中聞但覺半空

雨不知代雲向來愁獨往持此慰同群

清明次少陵韻

青郊過雨潤著屐游鞞與畫船鬢帶香驕不返明眸見何

緣飛：燕子輕無賴短：桃枝弱可憐醴酪幾家還設在秋千

近俗亦居然潛行野老悲蒲柳暫下饑鳥逐紙錢酒冷錫温好

風日他時曾比太平年

其二

風飄絲管任西東耳厭春聲不肯聾陰薄柳綿吹宿雨烟分榆

火散晴空安巢野燕回：入洗翅輕鷗箇：同竟日園亭歌白

芡何年池館閉青楓若為棄置從身外豈有繁華在眼中訝許

流光都向晚爭教穉子莫成翁

夜坐

銀泥衫冷坐殘更醒怕閒愁醉未成花與故人同并冥月如春

夢不分明旋思舊路沉吟立漫繞回廊取次行聽得金堂西畔

否夜深誰撥子弦聲

村望

空村望不極水檻夜還凭樹色收殘雨人家共遠燈一樽賒便

得雙杵歇何曾海內仍凋弊端居念友朋

新柳

溪南春動綠楊枝雁齒紅橋盡掛絲長是歛眉渾未嫁正堪回

首已將離翅塵到水憐曾折金縷隨風肯自持料得有情應看

殺雨飄烟鎖日沉時

其二

千載章華事可哀細腰魂魄任歸來雪窓好待重飛絮風笛還

蕪未落梅渭北輕塵連曉別漢南枯樹及春回新黃嫩綠添惆

悵莫向池堂面：栽

其三

綠暗千條客未還輕陰初轉白蘋灣真濛曉霧侵香陌約略春

風度玉關為有別離當手種更無消息與誰攀懸知青鏡蛾眉

妒不敢窺人畫遠山

其四

乍寒時候欲晴天，短葉長條盡可憐。
却愛風微因試舞，似嫌春淺不成眠。
絕飄弱縷臨歧路，別縮愁心與少年。
早晚白雲烟景暗，烏啼重醉博山邊。

感興

洋：西北雲暖，蔽雙闕，顧瞻失遠道，重陰阻華月，思君若幽蘭，芬馨隨風越，常恐宿莽滋，流芳坐銷歇，光景勞微躬，因之念

明發

其二

明發起躑躅，悲哉久滯淫。絃辰自名佳，過隙爭餘陰。騏驎鳴中
遠激電馳華林，主人重剪拂，丹却隗臺金。一朝缺唾壺，感此伏
樞音不自驚，衰節無為年少心。

其三

年少多苦心，假翼思高飛。良時困被褐，米：藿與薇。達士給外
賞，哲人含內機。願我喪真筌，百感紛所依。緬懷無終畢，誰為鑿
容徽。睇睇忽已捐，復此明月輝。

其四

微月朗，薄幃揚，輝室南端幽。憂不遑寐，攬衣起盤桓。灼灼當軒
姿，偏棲獨吟難。所思即長路，日遠衣裳單。橫衿撫清瑟，三唱不

一彈。情沾有交戚，響促無遺歡。願言凌晨風，並托雙飛翰。

送友赴稷下

似爾獨行久，亦知相送稀。日遲供旅飯，風細拂春衣。試問長途
孰，頻過舊俗非。岱雲垂野濶，及此更因依。

其二

不才吾少賤，多難爾長貧。稍喜先為客，還悲獨送人。戎：山驛
暗念：野塘春容易，杯中綠他鄉。慰苦心辛。

虎阜

昔來香徑草萋萋，重見橫塘水拍堤。千載山猶誇卧虎，一時人
共舞荒鷄。煙生遠寺，疎鐘磬秋近，高城散鼓聲。知有同予愁絕
者，碧紗如霧障烏啼。

鹿城

金盡重為歲宴行，濁醪何意有逢迎。貧知客况同遷謫，寒覺山
容也瘦生。秋水帆樯明遠樹，夕陽笳吹起孤城。清砧拭罷催刀
尺，繡被鳴榔夜：聲。

婁江

一舸從移葦岬停玉簫金管共冥冥。天邊雨脚臨城黑海上朝
頭動地青不為倦遊寧汗漫常緣旅泊見精靈斷蓬歌側垂竿
夜煙霧誰知有客星

畷城

落帆風急布帆斜秋到江南客海涯晴隴婦携青箬笠渚田人
摘木棉花更無雜樹侵官路忽有鳴箏逐使槎重過臨印倍蕭
颯賦成難賣酒難賒

寄吳漢槎

時在秋曹有詩寄予

尺書自遠道叙意無暄寒上言千載期中有生平歡今君履朔

雪令我愁南冠入宮掩蛾眉當門刈叢蘭生不傷羅網安知惜
羽翰曠窮秋日悠清川瀾揮涕一水間延矚層雲端精誠
兩相鑒之摧肺肝

西吳齋

齋為七星橋毛氏葺書處

不知叢桂隱一氣入清秋捲幔諸峰合看雲四壁浮蕭齋供徒
倚禹穴慰尋游後夜星橋望長應宿斗牛

弔李長蘅唐叔達婁子柔程孟陽四先生

四子文章伯清時講德優重未亦凋喪不復掩風流殷禮鄉賢
並遺篇過客奴似聞千載上竄寔茂陵求

弔侯廣成黃蘊生兩先生

見說登臨處曾飛百戰塵紫髯張白幟黃土照青春學自汝南
重名歸上谷新幾家安穩在留識太平人

吳松

駐節驚秋汎傳峰起夕烟但聞飛羽檄不見返樓船鷓鴣寒相
逐魚龍靜不眠伏波將苴蕙萬顆訝勻圓

白鶴寺

白鶴琳宮舊駕鳩碧瓦明歲時兒女作風俗亂離輕鼓節迎神
曲茄吟入塞聲暫來逢里社失喜見昇平

久客

久客歸仍懶離亭坐不辭正愁當落日欲去更移時帆影隨堤
曲潮聲入海遲扣舷烏鵲起一倍借無枝

許溪行

溪口白雲晴不歸溪邊紅雨沾人衣老漁奴冒坐釣磯人家賣
酒開雙扉艇頭鱖老鰕魚肥短簑藉草爭相依欲醉不醉烟霏
霏去與乳鴉投落暉

題華城周東侯奕譜

元玉文犀百戰殘周郎三十已登壇心同海鳥忘機易迹似神

龍見尾難年少君才雄赤壁秋高世事憶長安未妨睹墅從兒
輩清簾踈簾子細看

送嚴蓀友

惜別驚秋共黯然相逢河朔即離筵前期蔽蕩披裘釣客信香
闈買卜錢 舫醉邀瓜步月紫駟驕蹴蒨門烟誰將紅錦江淹
夢却逐涼颺寄日邊

送秦留仙

拂樹金波漾夕暉驪駒再疊手重揮河流落迎仙掉驛踏微風
展賜衣計日懸知京國近瞻天只似故鄉歸慚余寂寞滄江卧

欲把雄文願已違

對月

金觴掩罷已三更浙涼颺遠袂生玉宇四垂天一色銀河高
瀉月無聲乘槎鵲駕秋期近擊柝烏啼露氣清辛苦齋紈畫中
語為曾捐棄倍分明

江行

白日魚龍夜千帆與浪平烟分楊子渡雲拱石頭城列宿朱旗
影連營畫角聲百靈哀擊揖况有熒屏明

其二

平沙開列帳下瀨擁千艘雲氣連秋白江聲入夜高薄寒猶戍
鼓殊賜已宮袍日落揮鞭飲承恩見汝曹

天寧洲

陰森咫尺見金支颯檣烏欲暝時玉樹夜催商女曲蘇碑秋
卧水神祠潮聲欲斷橫江鎖雨色遙侵酒旗不為阻風淹旅
泊黑貂裘敝獨歸遲

金陵

景陽清漏晚鐘孤聲逐延秋乍夜烏六代丹青斜餘壯麗諸陵
松柏斷樵蕪龍盤虎踞爭迴合紫蓋黃旗定有無此恨秦淮流
不極并刀為剪莫愁湖

喜吳宏人兄弟放還有懷漢槎

數有還鄉夢真成夢裡還何年吳季子生入玉闥向闕悲歡併
全家去往往閱傷心逐漂泊絕域損朱顏

其二

遂有南歸日終傷北望情一身仍萬里令弟即吾兄所適無親
故何由問死生自來携手好不禁淚縱橫

唐解元寅

自拖連城看肘痕如君怨恨許誰論一朝翰狂士墨推兩字風

流重解元遺畫滄洲渾漫興倦吟花月未招魂
芒鞋持鉢吾同雁蝦菜忘歸一釣翁
調身是吳趨舊弟昆

集劉震修齋中懷古蹟五首

秦伯墓

廢郭平墟不追可百家守塚尚崇祠
荒梅里瞻遺像路繞皇山識舊碑
藥到處生原共採髮何年斷至今
垂茂陵玉杖杖人間物幾度亡羊火重吹

專諸論

倚胸文戰事誰憐埋骨猶臨大道邊
結束新春兒女隊蒼涼古

巷姓名傳浮圖舊俗還仍漢七首遺謀直誤燕
細飽炙魚三月味只應身老太胡船

西施柱

豈有荒苔粉屨留紅顏信宿已千秋
村莊一笑皆傾國歌舞三年大復仇
遺鈿去時花靨面捧心顰處柳眉愁
浣紗石畔聞麋鹿不記蘓臺幾畫游

闔閭城

無復蓮梳發故宮水鄉猶憶霸圖雄
六千軍合堅城下二十年來廢沼空
粉堞悲笳虛夕照碧桃深塢起秋風
稻梁已熟多見

春中澗

眼省蒼翠照輕明澗戶涼颼撲面行
利界金螭分溜急巢深水鶴避寒生
山川舊蹟更吳楚賓客當時笑呂嬴
洗鉢焚香間坐

○ 礪城晚眺 管鵝池在城南

雲樹杳蒼關河遠望長孤城通海氣
落日下烟光為客憐遲暮聞人說故鄉
清渠明名自好吾意惱鴛鴦

銅雀臺

炎精走秦鹿慷慨古風歌悠
五百年魏帝揮日戈睥睨俯八極諸侯敢誰何
甲馬滿鄴城膏粉填漳河當門畫龍虎彭城與東阿
朱輪間左纛層臺啟峩峩臺高憑縱目道遠傷心曲
二喬渺何許乃在黃金屋傾城托名士得婿如此足胡為
事吞并壯志奔盤盃灑酒對長江艤艦下南服百萬付一炬
水赤蛟龍哭至今波浪底猶有當時鏃猛烈氣不平坐使鼎足成
非無孫吳略奈此兒女情老驥困遲暮宛轉身後名愛子酬保
姬故伎囁平生悲哉橫槊賦倏忽薤露聲總帳闕白日二八畫
冥玉衣與珠襪疑塚浩縱橫感之三太息往事信陳迹英雄縱
陳死亦

為後人惜蒼涼魏宮殿金銅蘚苔蝕古瓦勒黃初猶聞萬錢值
所恨失吞吳東風轉奔迫生平不及百適意豈有極佳麗若可
得此莖終爰兀

又愁

野戍收歸馬空巢返故禽淒涼五夜月搖落百年心龍虛蟠踞
風雲此鬱鬱沉檻前磨舊鏡彷彿二毛侵

其二

異地傳消息艱難愧一言天心危蜀道日脚下羌村水澗芙蓉
隔雲深翡翠昏收兵無上策慟哭古夷門

其三

荒廬臨舊城山水倦將迎昔日歌鐘漏今秋瓜蔓生兒童踈較
客奴僕倨稱兄獨往虛延佇依然去國情

其四

中庭多桂樹冷落好誰攀烽火迷城闕神仙去海山薄寒傳翠
袖輕騎過雲鬢迸淚空沾漉何與破顏

其五

一葉晚蕭蕭江頭打暮潮不聞飛羽檄空自奏簫韶壩隼秋仍
健城孤老史驕縱橫何所託決策裨狎漢樵

無題

熏籠側倚試婢娟約略瑤華第一仙何事心香分兩穗博山燒
出並頭烟

其二

紈扇誰將屈戍敲亂紅斜映玉苗條翻嫌金屋藏來舊小像沉
香拜阿嬌

其三

憐香不忍却羅衣暗麝當風誤蝶飛携手花櫻桃花樹下一身
紅雨待君揮

其四

莫下瑤臺問謫居散花人已屬相如為郎揀削神仙籍長寫新
銜女校書

其五

更殘猶炷水沉烟素綆銀瓶欲曙天落葉等閒聲似雨闌卿何
事不成眠

其六

邀郎着意畫雙鸞鬢髮如雲閣遠山掩過釵奩無一事手搓紅
玉製連環

其七

澹妝常愛託微疴譜就餘銀箏嬾按歌一縷茶烟風颺處選郎
詩句教鸚歌

其八

嬌憨不自整芸籤紅豆時常裹手拈倩折楊枝供大士愛他龍
女王摻摻

無題

歲筵竟日鎖無聊不繫連環解步搖閒語雪衣猜薄倖戲絨紅
豆贈妖嬈愁眉乍掩初三月歡信難憑十八潮浣却啼痕留束

素帶圍堪記別時腰

其二

總聞油壁度香車便擬留歡過妾家月轉雕梁宜宿燕風多弱
柳不藏鴉更無物替相思子只有儂如解語花白石青溪居處
穩怪人偏說最天斜

其三

洗妝無緒弄妝遲減盡鉛華好自持千里斷魂斑竹淚五更殘
夢刺桐詩封米尺鯉心相憶望去驚鴻影若離欲展情悰何日
是鴛鴦劫裏莫圍碁

其四

芙蓉塘淺起微波不復看花帶綺羅燭淚偶垂渾易剪鏡心剛
味即多磨教殘搗素秋風歇織倦流黃夜月過阿母縱傳青鳥
信飄零羞報近如何

其五

藕絲衫窄練裙輕風度相簾百轉鶯郊酒只添中酒倦午蒸茶
偏喜闌茶清端詳解意双眉語消愛受憐才幾自成縱孽彩雲
書恨字有誰方便寄鄉

其六

縱憑釵卜轉添疑約略閒情訴豈知香徑晚開邀入夢銀河秋
冷界相思苦吟有句皆銷骨佯說無愁已到眉簾幙自來甘寂
寞一春鶯燕不曾窺

其七

潛覺蘭吹度曲廊眼波於此着踈狂天然好夢和心死格外微
名到齒香豈有新詩誇李白漫容沉醉賦姚黃平陽宅裏如花
舊留得春風認壓牆

其八

夢將何處憶題箋荳蔻終舒碧玉年翻出眉圖傳別後寄將心

鎖到歡邊雙棲翠羽分釵燕半睡紅潮約鬢蟬峽雨旋收雲影
散始知神女亦凡緣

其九

窄衫親手製齊絢月透凝酥起薄寒幾夜涼翻白個人靜
統紅闌君身偶爾隨梁燕妾之計非歎似檻鶯多病極知垂念
久寄教葑菲近粗安

其十

芳草斜陽雨夜分悔緣往事一思君惟空月照人如雪梗斷風
吹我入雲虛擬追尋酬十索那知決絕報雙文琴心再疊無消

息料解鸞膠迸斷紋

搗湖行

驚風吹沙翻大澤萬頃琉璃撼空碧魚龍跋扈天冥行子蒼
茫動魂魄高檣大舸忽輕過云是江湖販齋客猩紅纏腰白帕
首清書傳觴夜行炙自誇白雪橫金黃八估壹千私六百出素
葵波徒爾為破浪乘風豈相厄行驅鳧鴨亂萍藻稍集村墟變
禾麥嗚呼天物本無主此輩暴殄豈足惜所愁狐鼠劇豺虎烽
烟未盡長弓射推蓬欲語意塞默石尤初定日向夕稟山寺傳
暝鐘隱明河漏秋月身涉風波不自知淚灑河山竟何益幾

年滄海罷騰沸共理魚鈎銷金戟薰葭翠滴鷗鷺白浩蕩萬里
從所適

大田陳翁以愁衣詩見示慨然有作

積雨失昏旦桂苑亦楷風色日淒緊颯然恐肌膚非惟稻梁
謀兼為衣褐圖昔年千金裘之棄酒家胡締給美人贈所愧節
候殊煖酌當高秋勉慰七尺軀僮父紅襖褊小兒錦襜褕乘時
動顏色春風與之俱西河及東郭衣冠葬虛無空留寂寞名飽
踐霜雪遂今古共蕭緘沉痛忍須臾壯哉秦庭哭同袍徧征徒
組練狎衽席水玉生眉鬚遂令凜冽情萬乘為嗟吁寒蛩號蚓

數斯人信非夫

閏七月生日發滄上作

五陵多不賤裘敝爾何人萬里思投筆三年愧負薪辭家初度
日作客丹生身行旅秋應健天寒念老親

毘陵

誰唱驪歌送此行秋風無恙布帆輕乘槎一水通官驛埋尸千
家避客兵已別故園猶信宿亦知前路少逢迎蘭陵玉盃何妨
醉憤真新來似馬卿

雲陽徐偃王廟

八駿東歸路已忘，誓教玉帛會南荒。誰知此地還祠廟，民到於
今禮偃王舟楫共瞻遺像，肅星辰猶拱霸圖。長繁結急管中流
暮一曲迎神奠桂漿。

新豈

渡喧人語亂流中，估客船回信宿同。變服魚龍還楚澤，橫行鷄
犬自新豐。孤村向月多停杼，八月迎潮有斷篷。使把一樽成薄
醉，不知江畔叫離鴻。

江干

我行宿沙渚，維舟共歸翼。是夕風露寒，良久羣動息。孤衾擁無
寐，濁酒賒不得。攬衣坐推篷，月落水光真。直中夜客子心，平明
秋山色。長江亦何事，終古恨南北。

邗關示逆旅主人

高館明燈此客居，清秋江上別鱸魚。囊錢一擲租驢券，盾墨千
言倚馬書。自是客羞彈短劍，豈堪人羨曳長裾。十年作賦遊梁
晚，狗監何曾識子虛。

維揚

憔悴瓊花不可憐，自拚佳麗委風煙。黃衫對酒聞催拍，紅袖爐
喚教錢曉。那珠簾還十里春堤錦纜，已千年月明橋畔吹蕭處。

勒馬重回一惘然。

灣頭

祁連像塚霍嫫姚，落日經過見採樵。蒿麥花明千頃雪，茨菇葉
亂八分潮。即看野色回征騎，豈有雄心逐射雕。欲向津頭挽離
恨，西風折盡最長條。

邵伯

湖光如鏡飲晴霏，紅粉青樓伴侶稀。入市不知菱藕賤，過江全
覺蟹蚶肥。荒祠客去懸幡錦，野帳人閒卧鐵衣。獨自回鞭指岐
路，羨他征雁一行飛。

秦郵登來薰樓

登陴曾此擁瑀戈，堞隱悲笳勅勒歌。瓜步北來山勢盡，淮陰南
下水鄉多。孤城馬度荒煙入，小市人衝細雨過。極目湖堤好風
景，亂飄衰柳聽殘荷。

汜水

殘陽倚馬傍村墟，搖落秋原西不如。陌上昏鴉歸翅攢，水邊飢
鷺下窺魚。千家喪亂同為客，一樹婆婆頗似予。為語隣翁休問
姓，好看容張儉對門居。

山陽

千里平蕪返照中，盡催鳧雁下秋空。
野田新漲多橫艇，水碓回颿亦掛蓬。
半渡裝輕如梵夾，零沽釀熟問郛筒。
舊遊稽阮已來盡，駐馬山陽一笛風。

曉發淮陰

小山遺跡此追尋，數騎橫過曉色侵。
天上明河經歲別，隴頭流水五更心。
衝寒自放青絲絡，病渴還携綠綺琴。
知否門前烏桕月，正回孤夢掩香衾。

鈎臺

我來王孫釣魚處，草深欲沒荒臺址。
為君定禹臣當誅，豈有精靈怨淮水。
一楚歌終一楚擒，假王不死真王死。
微時進食不可忘，相君之背徒為爾。
藏弓豈侍高鳥盡，登壇數言先震主。
漢后陵荒漂母祠，生殺權尊兩女子。
百城南面有今日，何似橫行五都市。
乃知淮陰少年真，壯士哀哉王孫暨子耳。

清江浦遇天長曹直方

平堤立馬見黃河，折戟沙邊試一磨。
金馬使還爭負弩，水犀軍散罷橫戈。
人家久住逢迎熟，客路新知感慨多。
我亦皇華亭畔宿，醉來亭尉莫頻呵。

渡河

白草黃沙兩岬秋，盤渦落日龜鼉浮。
塵生復見幾清淺，天上無端來濁流。
已似奔崖喧萬馬，未容柔艣狎輕鷗。
傷心瓠子沉雲墨，漢帝親勞負土投。

五鼓從清河入桃源

銀漢西回靜不收，據鞍先自拂吳鉤。
侵晨布被辭鄉夢，中路緜袍感客游。
衣上霧深荒草沒，馬前星湧大河流。
無端傍水驚憔悴，為照行人未白頭。

郟城道旁一石為兩省分界

此路應回度坂車，看碑遲辦客程餘。
居人坐剝鷄心棗，驛使傳烹馬乳茶。
紫塞北來惟有雁，白雲南望已無家。
臨岐總下楊朱泣，不似乘風八月槎。

蒙陰山中七歌

吁嗟願生誰遣來，抑塞磊落無時開。
朱絲白壁不可問，閭閻笑我如死灰。
且復全身馬蹄下，休惜面目辭塵埃。
漢家將相亦如此，衛青牧羊公孫豕。

其二

有親有親涇水北，笑落含飴聽朝讀。
開顏暫看孺子戲，疾首更念男兒辱。
出門欲告不忍前，但道道路穩歸期。
促兒行自慎防風。

寒雨親強飯兒加餐

其三

伯也賦詩卧酒壚方駕屈宋驅王盧且留黃金顏色百萬一擲
非良圖貪來肝膽竟誰是有口莫談諸賊奴臨行嗎我淚如霰
車黃昏兮馬清旦錄

其四

有姊有姊工詩文長者曹昭次左芬針神弟子盡北面繡成賣
作金縷裙十日遣使五日召遠遊不忍令姊聞兄弟飄零世所
詬甥乎成爾莫如舅

其五

小兒塗鴉絕七齡短髮過耳雙眸青倒篋縱橫問奇字自言長
成通五經我來山頭見梨栗欲拾寄女愁伶仃寒宵穩讀晨就
傅夫差夫差忘爾父

其六

松陵李子世無兩徒籍窮邊屬亭長禹鼎不鑄海外州天生才
人禦魍魎我行霜露猶苦寒冰雪摧殘不可想淚滿李陵身上
血生當米歸死永訣

其七

墨雲濛：雨不雨招手何由見徒侶山深亂石穿馬蹄鞭箠已
折不得舉微明涉水辨行跡老樹如人欲人語生平忠信那可
仗風波倒落懸崖上

螯山

何處空山無白楊欲看碑字卧牛羊暉：日下高原直泯：煙
生野戍荒石擁寒流如劍鏑天清秋色在衣裳憑君細憶來時
路八月應催點鬢霜

度長城嶺

秦王本意十年築城廢何年絕壁歎曉日雙崖閉錦繡荒祠片

瓦墮琉璃青鞋倚樹人行歇綠幘看山馬去遲卧石雲根鞭不
起亦梁應待海神移

白雪樓戲傲李滄溟語

豈有陽春曲因開白雪樓風塵如按劍天地一登樓紫氣中原
合黃金我輩遊使君懸彩筆千騎古諸侯

出塞入塞篇

朔風吹沙白日寒天低曠野雲盤：辭家不覺歲月晚歸去頓
忘行路難此時遊子歸期促馬蹄特：聲相續記事方吟塞北
詩驚心忽唱江南曲塞北江南遇亦奇我呼遊子前致辭豪華

雖復暫銷歇，還謫幾曾終。別離社日好，尋栖燕壘陽。春仍發落
花，花枝寂寞涕潺湲。新愁舊恨凋朱顏，君不見洛陽薦士輕
時輩。日較霜臺抒愴慨，置宴頻沾白獸樽。退嘲笑擲金魚，佩綠
牋草就陳天扉。補家原知重綉衣，自倚直聲言路久。不緣無關
諫書稀，由來身事帶傾覆。轉為君恩多，是非排擊橫秋鵬。鴞眼
微軀搃拜君，王賜閒曹承乏小行人。優詔特宣真御史，幾番折
角更披鱗。勁節重褒抗，疏新伯同清。優納言貴一時丰采，何嶧
岫中台象折，宜知避貫索星明。及從臣君家鷄，末縱遊俠珠笠
金羈爭蹂躪。平陽竟許冑家奴，亭長豈容呵夜獵。長鯨短狐封
事危腐鼠孤，雜被彈壓片紙黃門。並見收灌夫，失坐魏其侯。大
索幾同秦博浪，破家非為晉春秋。墨綬望風今鐵嶺，烏衣徒籍
古銀州。囊頭已分闕三木，喧驅上道那容宿。党禁翻成監子名，
鈎連苦戒親朋。哭門前槐柳空，汝曹復壁藏。孤不可逃，漫灑枿
漿祠杵臼。潛持酒脯祭皋陶，焚林乍染啼鶴血。壞柱俄傳索鳳
毛，鳳毛季重當年有清池。飛蓋西園久碧玉，調笙河朔觴沉香。
薰像平原繡醉拂桃駒，兩耳紅獨持意氣。少年中揚鞭指點窺
珠箔，挾彈經過贈柘弓。一喝盧丹喝雉，陳百伎薰雕蟲國朝
寶翰推文氏，興酣落紙毋乃是天。遠疑看雙鵝翔藤枯，更見孤

猿改水咽昭陵石，馬嘶重收襖帖真。疑似長康痴絕信，吾師蕉
雪維摩畫裡詩。一日五日見生意，一丘一壑無停姿。裂水喜見
南宗法，裹鐵平分北苑支。道書慵把晶簾卧，千首風流輕萬戶。
換馬篇因好事題，乘鸞扇入閒情賦。半面看施回鶻裝，低腰試
學邯鄲步。笑倚瓊妹立鏡邊，欹鬢鬆釧盡娟娟。剽風自領專房
勅，鸚鵡初投值閣牋。玉果避寒卿易老，花爭解語見猶憐。妾娘
歌與邠娘鼓，做得開元悖絮舞。歌旋梳時勢頭歌，罷戲翻新
樂府樂極哀。生理則然脂粉含悽色，如土如花速映榆。閨色絕
域傾城滯消息，夢去還應逐綺羅。魂來何處生羽翼，龍標肯慰
夜郎愁。張儉還憑孔融匡，自此深閨日斷腸。空懸皎魄照流黃，
錦衾乍掩茱萸匣。黛筆虛安翡翠床，十斛珠塵傾石尉。二喬銅
雀謝周郎，却憶春盤纖手送。前春有個人，共阿環被底散驚
鴛。蕭史樓中跨彩鳳，肯宿花寒想寄衣。茨菇葉爛尋歸夢，何日
金鷄放赦還。何年生入玉門關，望夫可解憐徐泚。替父長教怨
木蘭，河隔白狼音信杳。城登玄菟髮絲殘，詔求銀鹿隨雕鞞。軍
書夕預中男點，里正何曾與裹頭。鬼薪亦致青門餞，去日曾拚
節旌落歸時。似見蓬萊淺，不憂肌骨苦寒侵。嗚咽露巾倒喜心
繫帛尚遲親，祝雁寄衣猶惜未。停砧蒙茸季子理，表散夜闌來

燭墻頭語彎弓今識李陵見蘆笳共泣中郎女人從沙磧遂回
惜未招魂烟霜去矣吾何適肝膽相于此重論怪道秋風珠履
散他時曾覓主人恩

海上

喜捨秦宮鏡隣月淒涼蜀國絃燕掠芹泥非甲帳雀還遼海是
丁年故鄉已作并州記一一窮邊風景異雪擁葫蘆原上衣霜
豈為閩中徒因乘海上便八千雖覆楚五百尚依田保障元相
倚縱橫亦偶然似聞遺益智蓬島託求僊

旅情寒况一百韻次秀巖集

井研相國集有春懷秋思二篇丹慶百韻予客中把讀
因倚而和之前有長慶後有秀巖不知何地置此詩也
代序驚搖落移時乃退藏離歌聞變徵遠吹襟清商野鴛寒成

賀畢淄涓司理

長康家近五湖雲客路蹇惟此謁君晋宋一時誇物望東南千
里見人文春城日麗風霜淨澤國星從海岱分况是妙年推上
第青綾昔夢氛氲

養馬

白羽交愁促青鞵底事忙駑駘足文繡驥裏自風霜此日歌天
馬何由見武皇還如古封禪雲錦滿東方

贈商丘宋翹陞

先皇在日宋公語文采今看爾弟昆三絕可憐同作客九歌誰

陣昏鴉晚作行橘徠謠楚澤楓冷怨吳閭柿葉臨書滿蓮花驚
夢長盛艾絕解佩割審尚留房乍接重裘暝因添版絡涼刀鏢
秋戌杳砧杵暮催忙浥：還承露糾：試履霜入林邀候傳出
谷並歸箱燒逼嚴城靄烟駐返照光旗亭紛讌會軒蓋久低昂
踟躕迎驟騎銅銀趁葛疆鷹鞞煩指示雁字感偏旁狡兎營深
窟雖鷄語異鄉眼紗蒙玉勒臂釧約約紅妝駭自隗臺識貂曾
賀肆償丹青睥睨窳兀辨規方瓦圻鴛鴦碧苔侵巖巖黃危峯
夷日觀細柳學雷塘湖曲澄開鑑水漸巧奏黃我行尋廢殿人
坐說駘王德王府寶玦懸改路金枝委斷岡岡南遷腥太臆北

走屈天潢封承渾難觸奔鯨已莫壞衣冠千劫流弓劍九回腸

隴沒雙垂韃沙沉半段槍控弦圍屢合斬木禍誰倡

昭代

初頌朔道黎蓋裏創忽看新宅第差喜舊耕桑遂有升平願都

無凋瘵傷枿馨蠶卧穩果熟鳥飛頌稚解收梨粟鄰務矜獲稻

梁鳴騶喧特擊鼓較咏鼓彭精衛波仍偃爰居歲豈殃麥

畦稠嫩綠菊圃傲餘芳塞堙如策駝丸泥類抱蜺筆字誰萬井

飲社法三章旭映雕甍麗風延綵綬香羣公分蔡戟列帥擁干

將畫諾名藩貴鸚栖獨客狂全身進去就抵掌劇興止匣氣虛

龍虎琴心諱雀螳榛途雖飲翼冷雨不容踉風昔攻文選優游

舉大網雄談揮塵座小隱覆蕉惶按譜嫺朱鷺激詞擬白狼賦

才輕庾鮑詩格僭盧揚珠賤拚投鵲壇存或乳羊侏儒憎上陸

傀儡訝登場薄技輸山鬼哀禮國殤直針猶宛轉貝錦特輝

煌蕙却猜芝艱桃翻問李僮寨裳聊予弭節益彷徨推枕辭

肱被探錐負穎囊廣度潮拜寘淮浦月茫洋跡似憑槎泛愁瀕

倩斗量歡遊嗟物換逆旅笑机忘苦失樽前著傭披袴後襠踞

鞞寧逐援去攬轡啟齊滂鳥道疑通棧魁形怪築糠嶽崎隨覽

厯泉石本膏肓駐馬爭炊黍聽雞促撫床層陰迷宿霧微曝肩

朝陽隔渚灘徙鶴綠岬蔽蒂棠兼程趨海甸逸興在滄浪捐佩

思婁水飄蓬想建康待攀仙侶桂幾摘故侯瓢雪屈屋瞻烏集

星榆飽鷄搶脩柯酣蘭蟻永夜泣啼螢一擲占梟雉孤眠借鷓

鷓蘭推禁颯杏匏繫足悽愴涸鮒沿窮輒栖鸞覓女墻數奇慚

管樂計拙謝漁張棄置淹同調推理許最良貧交多反側見慣

只尋常恥向門彈瑟潛求市賣漿工曹揚季布鉅鹿感馮唐歷

閨庚寅度日以閨生吟題丁外莊蕭齋依馬嶺家在馬山下里閣嗣

高陽標榜魁厨及銓衙析欲剛北端文康銓講學時日之為党魁諸生經是伏

尚書家世受博士世推匡俱尚寶及王父伯氏甘違俗徵君果就荒

親闈爛袖舞今春大友駕碧筒觴獻璞那頻剛持籌搃未遑嘯

歌娛折齒絲殺任醫瘡甫也錄為命伶子鍾當輒放懷期汗

漫抑戒矢嘉臧藉爾他山錯拯予彼岸航棣華憂外悔柳絮念

中郎兩姊俱有詩病每呼調藥遙應囑聚糧便能容范升切莫

惱韋娘辛苦從携缺蹉跎悔處堂瑄段仄欲動龜策兆俱祥驥

子加飡好鯉魚尺素詳五噫連案斫四角統盤央悵矣蘿蕪徑

悲哉卷耳筐痛驕僕御慰藉托巫疇古驛梅堪寄春池草正

望闕河雲樹迴極目共蒼

寄伯凡

好客曾開北海樽今見信陵恩依人肯負佳山水失路慚

逢舊弟昆白雁書應還古故國墨貂裘亦戀中原寒深素髮愁
相望此日憑君慰倚門

偶咏韋莊四月十七小詞因憶是日旅泊蓉江查伊璜招

集韓園看所携女劇

千樹臨江白玉梅綠陰重見舞筵開城嶺渚上蛾眉月曾許狂

生照影來

又夢偶感前題因書舊夢得籀字

承恩歸去逐星輶欲問宮車掩淚綃今夜莫愁湖畔柳一身涼

月教吹簫

其二

昔昔橫塘金縷飄離魂重向白門招苜蓿小娃知相識稽首雲

冠學洞簫

其三

落燈風裏見雲翹碾雪碾香玉一條自說蓮華峯頂月一雙飛

去駕文簫

其四

紅袖青山怨未消不成持節似韋臯玉環好在長生約腸斷三

生是玉簫

酌突泉倒疊趙松雪原韻

開府餘踪白鶴孤依然勺水注明湖濤翻勢欲連雲沸玉立人
應嘆海枯雪窖不曾通太液水山原自近蓬壺六時擁地千花
發喚覺游仙夢有無

登華不注絕頂

行攀積鐵迥添愁白日晴崖雪不流石語寒山惟一片雲圍古
殿亦三周金輿險盡芙蓉削帝座高通麋鹿遊江左夷吾何事
業醉首九點巖齊州

詩述國野史

其一明本意也

雲臺高議傲垂裳衮冕無端缺斧斨豈為流言疑叔父都憑祖
訓失親王同根忍下燃其泣遠遜難招採藥狂事定若翻前日
奏幾緣離間寢封章

其二哀馬后也

土花凝碧照空宮淚洒昭陽恨未窮漫賜玉魚歸地下誰憐彩
鳳出灰中貞魂不逐雙娥遠誅冊還虛二謝工為問誤傳遺虵
後小臣曾否拜髯弓

其三悼方黃諸臣也

素量決策竟何人，
豈與株連碧血新。
夢繞白虹天上氣，
魂依紫禁客中身。
從前禮學能無悟，
到此艱難自有真。
終古日星河岳在，
若為行處見諸臣。

其四 教茹塞諸臣也

五雲依舊拱宸居，
賜勞微聞下輦餘。
謝罪群收蒼玉佩，
論功再拜紫金魚。
若非誤朕無今日，
翻說臨朝有故車。
疏墨未乾呼草詔，
一時爭出袖中書。

其五 追恨李景隆之喪師也

綠幘軍前夜唱籌，
長城何處擁貔貅。
書數下權方重郊，
餞親行報未收。
莫道異時恩禮薄，
須知今日破亡由。
青嶙滿地空遺骨，
野水無聲咽白溝。

其六 惜京地且遷都也

太史占星動御床，
憑高久失獻陵望。
兩都自昔分南國，
三衛從今棄朔方。
不信契丹終背晉，
亦知回紇舊歸唐。
山河一寸都堪惜，
獨倚冬青怨夕陽。

其七 謂胡深名訪仙寔為我

樓居原不好神仙，
絕域遙聞絳節傳。
吹竹已甘從子晉，
乘槎渾欲避張騫。
幾番夜月啼精衛，
何處春風泣杜鵑。
煩語使臣歸報

主好容衰鬢學安禪

其八 終傷行路之難也

幾看芳草滯天涯，
一飯王孫事已賒。
南去瘴烟開百粵，
西遊風雪阻三巴。
鷄聲店曉疑黃屋，
鳥道峰寒憶翠華。
柏谷主人應識我，
等閒行脚不歸家。

集杜憶大田陳翁

問俗營寒事途窮，
仗友生貧知靜者。
性老逐衆人行，
白髮少新洗青山。
空復情向來幽興，
極多病也身輕。

送畢淄涓還益都高密李揚先適至下馬舉觴別去

至後二日君馬東我行，
朔雪如飄蓬。
計程臘盡君馬南，
我家春兩棠陰甘。
羨君鞍馬光焰耀，
君行騎向青川道。
迎春廟下送君，
慶酌酒與君亦草。
惜我旅遊困望我，
致身早問我垂白。
親南去相慰勞，
我言桑梓正竭澤。
待君速行起枯槁，
衝風數騎何方來。
聞君一呼首，
再回君言是我同袍友。
下馬却立傾餘盃，
談笑謝羈束。
顧財揮塵埃，
使我客懷抱次第。
為君開白日，
欲區鞭在手。
我欲別君久，
徘徊君治吳民。
我燕市上苑花明，
見李子短衣匹馬三慶歸。
人生岐路長如此。

桃葉篇 唐子秋旅泊秦淮

桃葉渡頭水鳥衣巷口花珠簾九微火寶騎七香車小娥十一
工繪事身任西南第幾家兒家窓几清幽足遠山排闥天然綠
坐愛芙蓉出水初微涼試展滿湘幅吳牋銀粉蜀牋紅隨意春
蘭及秋菊對客佯羞隱姓名扇紈小字題宗玉欲前還却總嬌
痴鸚鵡傳言索贈詩教見兒郎應悔早學成翰墨自嫌遲座中
白髮看揮染云是金陵老画師宛轉如宿細昔教秦淮全盛時
七貴共誇行樂秘九秋爭惜最佳期寬裳急拍三五夜水榭華
燈十萬枚果餉合歡宜並萱蒂樹名端正亦相思董沙聲價秋
娘重誰擅清狂杜牧之過江五馬來與迫虎踞龍盤竟何益御

榻重茵索戰書刺閨片紙斜封勅絕選昭容上犢車浮屠浴鐵
來江北可憐雜組繫降王可憐羅襪埋傾國一夜迷樓烽火連
三十六宮花脉脉瓊樹歌中石黛愁銀牀井底燕支魄箏玉飄
零鳥雀呼鈿珠冷落莓苔蝕若令此女在當年定賜一花陪鞏
側前世青衣認玉環今生繡幕窮窺仙客昨歲家鄉又被兵伏
波橫海破連營樓船忽報沉瓜步縞素俄傳響石城再逢喪喪
亂歸來日何處深閨無哭聲猶是淮淝聞鶴唳依然鐘阜鷓鴣
鳴眼前指點供嗚咽容易蛾眉得長成昔我來遊白門路將軍
揖客初開府醉燒檠燭聽鷓鴣絃冶葉倡條詎知數恩怨千般不

自由韶華一擲教歌舞清溪廟裏朝雲暮靄金堂下新人故待
得麻姑鳥爪長桑田滄海疑前度鄭重分明掌上身蝶翎未退
蜂黃護莫遣檀槽訴別船莫將篋扇捐中路瘦燕肥環何足論
羊車鳳謁皆塵土話久神傷滄斷蓬青衫翠袖意何窮六朝金
粉銷殘劫三月烟花逐便風彷彿西園相對坐上陽宮宮女說
元宗

贈三山

抱甕城南生事微吹簫舊伴市中稀樽開楚醴虛前席帶拂吳
鉤短後衣老覺髮絲垂更減閒慚解向坐來肥莫從燕趙悲歌

容忘却青門已息機

贈義興苻繡峯明府

相門才地燦高霞宰邑還逢山水嘉萬頃黃雲九月稻一城紅
雨四年花重尋桂籍皆傳世恰就棠陰可寄家但得過從心竊
喜看君報寂歷清華

姑蘇夫差破越父仇已復諸作皆謂其忘仇非也只太覺寬縱耳

伐越功成願已酬旋開茂苑起長洲徑香蘭蕙多臨治衣冷芙
蓉促泛舟歌舞正須兼日夕湖山況復擅風流美人半醒君王
醉莫報梧宮一葉秋

詠花詩存十九首 原名清平遺詞

牡丹

九天春露湛朝霞第一風流帝子家容易一時俱第一傾城名士與名花

蘭

玉樣空明水樣清了無煩暑緇壺冰不知是韻從香得還是香

從韻裏生 宋宣和中明節和文妃六宮人稱之曰韻

蓮

誰錫嘉名字：香粉紅金碧只尋常靈根別是多情種一縷偏

能繫斷腸 草木中根苗花實一種數名者惟此

梅

竹籬茅舍儘婬娟最是超群萼綠仙知否空濛勝皎潔雪應輸

韻輸 月烟萼綠語見石湖譜

磬口蠟梅

蠟書何事却封還不放心檀印口檀憑與比量犀玉價辟塵猶

較辟寒難 李義山無題詩句似為黃白兩梅寫照

菊

自甘岑寂闌霜濃籬下還來廡下逢九艷搃銷真骨在只拋香

夢與西風

玉蘭

纖埃莫上最高枝鶴立真成絕代姿誰在無雙亭子畔每枯紅

豆即相思 秋深結子宛如紅豆惜從未有補及者

桂

色空金界定誰薰十二樓寒倚醉聞不到月中那結子人間所

得只清芬

水仙

翠佩明璫不可尋小傾金瓊隔生心微波有亦通辭便絕踏湘

雲凍已深

芍藥

十分明艷十分珍幾度催開却殿春國色自來驕妬甚休將梗

葉話前身 牡丹異種多芍藥接成而聲價懸絕可為一概按六朝以前無牡丹之名止有芍藥

蕙

紫莖綠葉任相猜憑仗光風為翦開一種闈房林下氣蕪家原

字若蘭 采一名媛常言闈有林下之風氣蕙乃闈房之秀二語絕佳

碧桃

深緋淺絳總難安獨傍瑤池瘦影着知是夜來承賜錦故留晴

雪作春寒

黃鶯微

舞腰纖怯戲相鉤旋拂宮眉駕翠蚪還似鬱金堂下見滿身春
態一心愁

寶珠山茶

雅稱莊嚴百寶攔凌寒獨押藍珠班因憐詠絮人憔悴乞與雲
容絳雪丹

茉莉

慣見橫釵墮水晶微聞鈿合語丁寧素心從不因人熱剛對銀

灣織女星

歐陽修詞水晶双枕旁有墮釵橫金釵鈿合太真長
生殿事都中女子七月七日嘗奈花為織女戴帶見

書

多葉杏

一片紅酥一片潮一層紅粉一層綃天工翦刻應連夜猶自難
摹別樣嬌

白翎茶

巡簷冷笑阿環肥不許鉛華浣雪衣十斛鮫珠拚瀉盡此生仍
喚作梅妃俗名粉紅者為楊妃山茶故云

醉醺

浮白朝傾瑞露醉頭扶起怯鶯喧水沉蒸透鶯梨液更結束
君未了綠瑞露仙酒釀于百花之中南唐宮中以鶯梨汁蒸沉
香蕙詩調到餘醺花事了陶穀謂餘醺為沉香家友

西府海棠

點唇嫌重注腮輕沒骨雖輕豈不成染作胭脂吹作雪東風一
味是多情徐熙西沒骨海棠劉後村詞云日暮
東風無聊賴似非情語作此反之

題王丹思憶得集時間七月

再來前度益分明人在長生話隔生愛殺一雙紅喜子合歡絲
繡阿環行

書婺州城外禪院第一層浮圖

官橋柳暗越江春拂地千絲颺翅塵惆悵恨遠山青不盡倚蓬
閒却画眉人

過湘潭女伎墓

如此傷心盡與誰澹烟衰草斷腸碑湘春門外無窮綠中有亭
亭素手垂

次舊韻

綠楊影裏試凭肩小立低鬟欲暮天油壁重過定
畔戟門前

題吳制府伯成橫卷

千古心期一代才，丁寧葉落返根荄。那知華表南飛鶴，却共孤

槎萬里回。此記公別時語

其二

漫標銅柱鎮炎方，時有泉聲入夢涼。明月一襟風雨夜，會尋遺迹過桐鄉。

其三

白頭傾蓋絕如新，詩酒論文若有神。贈答不遺題字在此時，肝

膽向誰真。

題王武徵蒙齋讀易圖

似鏡新磨墨一池，淪泉親注小花兒。香縈几席簾垂地，正是先生讀易時。

其二

巢湖秋漲蜀山高，載酒尋詩亦自豪。何事客窓欹枕處，夢回偏憶廣陵濤。

題沈客子林屋山居圖

柘陰深碧茜畦紅，何事移家入卷中。便與湖波分浩蕩，休將岩石闌玲瓏。

其二

乘暇來探洞腹幽，莫嫌深處冷難留。此中最好牽船住，縱有波濤在上頭。林屋最深處聞濤聲乃在頂上

當湖留贈高竹牕詹事

難忘易識列仙家，不是彤雲即彩霞。天上去來剛幾日，人間早試碧桃花。時清明後一日此花正放

其二

重開別墅好登臨，休戀東山歲月深。要使蒼生都識得，十年書卷一人心。結用其柱殿中語

其三

來即承恩去便思，袞衣敦促綵衣遲。待傳天語相迎勞，看捧肩輿上殿時。

其四

異書經許叩瑯環，又趁東風一昔還。塵土自應仙分薄，只教回首望蓬山。竹庵藏書最富此行不及窺

重製竹籬告成志喜 甲子仲秋

竹籬清韻忽依然，位置仍宜水石邊。書訊有僧來穀雨，鬢絲如鶴伴茶煙。家山夢去忘為客，故國詩成感紀年。冷煖此君須自覺，無勞更試醒心泉。

附納蘭成德題竹鑪新詠卷并序

惠山聽松菴竹茶鑪歲久損壞甲子秋梁汾仿舊製復為之
置積書爨中諸名士作詩以紀其事是冬余適得一卷題曰
竹鑪新詠則明時王舍人孟端李相國西涯所為竹鑪詩盡
並在寔聽松故物也喜以歸梁汾即名其巖居曰新詠堂因

次原韻

鑪成卷得事天然乞與幽居置坐邊恰映芙蓉亭下月重披班
竹嶺頭煙畫如董巨真高士詩在成弘極盛年相約過君同展
省淡交終始似山泉

竹鑪聯句

丙寅之秋予適携鑪及卷過朱竹垞彞尊寓齋古藤書屋而

孫愷似致彌姜西溟宸英周青士贊亦至坐青藤下燒武

茶茶相與聯吟成四十韻

西神峯連延龍角汎車泉飲似桑亭次水經第較中冷遜西山

僧寡營役谷飲遂夙願坳跣跌長松根風來耳垂鬢靖都籃選

茶俱一、細莎頊街結惠山詩重舍彼陶冶工載截竹等辨拳

似附以紅泥團具修僅扶寸坳坎上離於中下乃利用巽坳微

颺颺入活火燄峻靖初聆檜兩暄漸見魚眼輪紫笋舒

萌尖乍點湯色嫩似王郎穿竹過受接支許論西鮮帶磐石間

素瓷迭相勸坳欣然愜所遇伸紙隨染渲靖潔：巖亭瀑歷：

水田畷梁短：茅覆屋茸：荻抽薈似橋歌乃有路門闌或無

捷西林空雖未深埃壘頗已遠坳流傳盛新詠群雅足彞憲靖

或為蒙窳隸若盃昂敷庸梁或為真行草若繇靖彞獻似穆如

清風作舉一可當萬西鳴嗚呼百年來精廬窟龜貓坳曩時所

珍物零落委荆蔓靖吾家纏塘側想茲恒梁縷梁縷形模授巧匠

高下仿遺後似惜七尺圖慮為塵土全西開蓬蓬故人輟贈

得右券坳羊脂鏤玉獸錦束腰秦靖譬之延平津劍合始無

恨梁俄驚鄰笛悲永歎壑舟過似蕭條黃公壚歌突與俗溷西

是物覩者希五都絕市販坳今年吳船來載自洛沙堤青徒置

青簾陰旅話破幽悶梁質比蓮芍輕形唾石鼎似小勺分宮

時頭網試歐建西忽憶秋水生乘此風力健坳逝將掛席歸耦

耕師下溟青毋令石林空兼使夜鶴怨梁



徵緯堂詩卷下

無錫顧貞觀梁汾著

石六一首為荊州田芝來題照

牛李昔米炭嗜石如一人石理具卷舒不言謝
滿硯笏再拜傳其真硯池既清連中峯亦璘珣
枕流漱松風于馬狎
隱淪君看兀坐者自與羲皇鄰

榕城春社林天友道山亭携酒招諸同人讌集

高臺俱曠望促坐且論文客語依鄉合春愁逼社分一樽猶半
嶺雙塔已斜曛誰是探驪者清吟入夜聞

徐司寇健菴花蹊

齊女門邊接綺霞難忘易識是君家
衆香國裏三春雨羣玉山
頭一夜花催捲朱簾招宿燕待張銀燭散
栖鴉經過誰似裴王
熱取次新題護碧紗

其二

小山高興玉峰齊不是浯溪即滾溪
亭子晚開花入坐舍人朝
卧客留題詩成北郭憐同調飲散西園惜解携
自是不來便

醉吳歛全唱白銅鞮

舍人謂汪蛟門

張吉友少文招遊焦山 時四月三日



片帆雙屐莫辭頻喜見苔碑勒字新
風雨不磨三代器煙霞相對六朝人
絕逢好友如初月再到名山又隔春
便欲放懷窮溟渤不知清淺幾揚塵

陳朝階瑞聲

知君耽隱後即事紛可喜
疎密道豈睽素心澹如此
池館近逾僻詩文清益綺
經過羨裴王解帶竹林裏

安孟公璿

君家南山南相望北山北飛沉
兩不隔問訊眠與食點染好林
亭摩抄贖金石共保黃髮期
春言追祖德

庚午九日紅螺山登高顏范文肅公丙舍并觀忠貞公所

題寺壁

策筇高會眼中稀暫掛征衣擁衲衣
荒塞正堪供遠眺亂山何
事列長圍徒聞白雁催寒色不見紅螺映夕曛
讀罷碑餘想像忠魂應傍夜深歸

御製范文肅公墓碑
余向日手書也

贈西雲舉孝廉

風雅論交事若何
玉樹傍鳴珂名家自合兼詞賦才子還
能重制科待約看花三月近
驚傳視草五雲多塞鴻他日南飛
便莫忘緘題慰薜蘿

送朱悔人南還

共是將歸客天涯此送君故人猶未達前路轉難分漢水連江

月燕山隔楚雲隨陽知有伴嗒啞詎堪聞

庚午北閩撤棘賦慰何此瞻王用儀汪武曹文升

緇塵便未亦便去芙蓉鐔掛舊遊處余一展容若基即擬出都正值燕臺百

草黃微霜半落江南樹征衣欲寄蘭閣空細腰雙杵寒丁冬隔

鄰嬋娟正愁絕却映臂綃看守宮亦有青衫離思急曲殘轉覺

么絃澀蠟痕乍冰去酒痕膠墨暈如啼吹暗濕釣竿篴月輪

孤無事長嫌結網踈任把千絲罥西子玉階終致女珊瑚

集唐敬題 裕親王亦樂園十景各二首

南樓眺望

曉來樓閣更鮮明荏苒東風露色清極目向南無限地參差宮

殿接雲平 王建 許空 鄭畋 司空曙

又

秋空如練瑞雲明爽氣朝來萬里清暫放塵心遊物外自朝真

祖報昇平 楊巨源 錢起 許政 曹唐

柳嶼繫舟

玉殿猶分下苑波柳偏東面受風多維舟十二峯鬢下誰送春

聲入權歌 李商隱 白居易 李群玉 白居易

又

碧樹如煙覆晚波水流無限月明多君王昨夜舟中宿卧聽行

雲一曲歌 趙璘 劉禹錫 張籍 許渾

蒼崖雪霽

玉檻春香九陌晴白蓮千朵照廊明不知子晉緣何事又見驂

龍向玉清 劉得仁 韋承詒 高駢 姚鵠

又

不勞鐘鼓報新晴自得隨珠覺夜明欲識蓬萊今便是玉山和

雨射人清 杜甫 杜甫 周朴 韋莊

西閣聞泉

水積雲重思萬端也從江檻落風湍碧霄來下聽還近殿角東

西五月寒 李中 杜甫 韋應物 花葉夫人

又

遙情終憶白雲端引水飛泉應激湍直似當時夢中聽踈鐘聲

出慧山寒 吳融 李治 羅隱

平臺晚照

每到仙宮即是秋晚涼含笑上蘭舟夕陽亭畔山如亞曲樹回

廊繞澗幽 溫庭筠 李中

又

日帶殘雲一片秋棹歌遙散採蓮舟支願忽望碧雲裏別有仙

人洞壑幽 趙殿 李邱 陳羽 宋之問

水榭納涼

幾多雲樹倚青真好是春風湖上亭水似青天似水三生塵

夢此時醒 陸龜蒙 戎昱 李涉 徐黃

又

踏水踏雲攀香真紫煙樓閣碧紗亭悠然到此忘情處可合花

前半日醒 施肩吾 王建 溫庭筠 鄭谷

曲檻看花

華萼樓前雨露新餐霞閣上最宜春水浮花片知仙路不敢停

梳更問津 張說 施肩吾 胡宿 吳融

又

鴛鴦樓下萬花新飛閣旁臨東豎春更到無花最深處綠波搖

艷接星津 陳去疾 趙彥昭 盧綸 溫庭筠

碧沼觀魚

種蕪栽莎劇古坡先生織字得龍梭潮頭望入桃花去長憶梁

王逸興多 姚合 曹松 法振 劉禹錫

又

遮莫光陰日下坡鮫人出沒傳綃梭此時獨立意無限水借蛟

龍何惜多 劉方干 劉禹錫 白居易

紅亭漾月

芙蓉闌下絳河流月出滄溟世界秋半夜水禽樓不定更疑神

女弄珠遊 錢起 李中 吳融 孟浩然

又

銀輪玉兔向東流皎鏡方塘菡萏秋幸得歡娛承湛露應陪東

燭夜深遊 姚合 溫庭筠 張說 李洞

山牕聽雨

畫寢宮娥夢裡驚菱荷香柄折秋鳴覺來正是平階雨散入秋

宮韻轉清 王建 譚用之 李商隱 王仁

又

花浮出洞世人驚萬籟潛杖管獨鳴為愛九天和露滴九天龍

氣在華清 劉商 張祜 王涯 張祜

謝讌詩有序

康熙辛未上元後四日辰刻啟 王辭行 王立殿西廊侯余

入云昨晚不及相邀今須深坐不必回寓隨賜飯。畢遊亦樂園：限於地碧梧垂柳疊石四圍位置殊勝書室數處几

所羅列備極清雅 王自撥古琴數聲語余曰留題十景風

韵何清遠乃爾余遜謝弗遑尋出看座後齋山燈薄暮過府

西喇嘛寺看說法隨 王坐僧舍良久回宮仍引入內遍觀

燈火出後殿領燕酒行樂作觀梨園子弟扮演訖隨 玉出

至正殿看放煙火散後 王出坐西廊及退息齋宮漏下已

盡三鼓余雖倦然耳目恍恍都不成寐早起謝恩傳免自初

見至辭出奉 王諭竟未一行叩跪禮翼日賦詩恭謝

朱印從容味道腴乍窺清燕似仙居縹緗舊譜瑯嬛錄翡翠新

裝宛委書過眼煙雲揮塵外賞心山水燮桐餘十年賜札供摹

寫虎卧龍跳捉不如舊曾蒙賜西神雅望區額

其二

亦樂將最樂同西園却在鳳樓東即看蓬嶠栖真處盡入荆關

寫照中飛蓋夜隨雲母定鞏香朝憩日華宮君王八斗才難及

不教陪遊賦詠工

其三

草茅何事極心傾滄海冲襟湛不盈叢桂小山招隱曲幽蘭空

谷愛賢情燕臺價設千金重梁苑篇酬尺璧輕更羨鳳毛今五色讀書時和九霄聲

其四

樂府雍熙勝事新驚傳上容是微臣何當璧月珠星夜正對金

枝玉葉春燈燭逾三五夜屠蘇較比十千珍從茲歲逢佳節

長倚簷梅望北辰

贈博問亭王孫

曾瞻納陛拜君侯南面今開萬卷樓瓊樹曉開珠露滴銀潢時

見墨雲浮不綵地望誇龍種偏以才名惜虎頭珍重臨岐無限

意為攀叢桂一淹留

喜晤周陶真次韻贈之

舊交重訪竹林賢家近山邊亦水邊是處聽鶻嘗載酒當時飲

馬共投錢曾為燕市行歌客猶憶荆門坐嘯年總不若看雙稚

子對花沉醉伴花眠

集唐再華商原七十

人生七十古來稀杜甫便欲因君問鈞磯薛商為報洛橋遊官侶

應物莫將簪弁勝荷衣司空圖

其二

復見金輿出紫微李人生七十古來稀杜吾君側席求賢切

肯許巢由脫俗機姚

其三

墨客儒生皆白首錢金烏長飛玉兔走韓人生七十古來稀杜

且與少年飲美酒高

其四

閑梳鶴髮對斜暉張庭樹曾栽已合圍薛壚畔自斟還有觀

崔道人生七十古來稀杜

秋日山居偕余山人澹心吳湖州蘭次飯桂花下午餘步

過忍草茗談至暮西君言別余苗庵中賦此

遍入鄰園賞金粟蕭辰勝侶歡言足伊蒲飯罷時問六師更探

幽繡嶂街連西山巖却指西南一徑深萬松蒼翠護祇林叢靡

但有翹翹迹籬舍僧無鷄犬音到此塵緣忽俱靜相看已是無

言境斜陽隱樹客忘歸落葉打窻人入定送君行踏暝煙浮我

愛清光去復面明發欲觀滄海日扶筇直上萬峰頭

題荊州田芝來所藏龍鳳恠石

蛟宮月黑珊瑚死九淵夜啼玉龍子古苔繡壁雲茫茫琅玕叫

徹青鳳皇龍殿秘書不盈尺篆籀五色化為石米岩穴多精英

誰其鑒者田先生賜汝蒼壁酬連城

題喬無功亂書圍小照

長康爛醉花蒙卧紅裝烏絲等閒澆此時淮海何所有一燈萬

卷屏人坐今未頭白並何如臧穀悠一話絕虛君行且莫志河

渠得意還成封禪書

題張廬州見陽画

疎林晚漾竹爐烟筆底冷二第二泉已自憶山兼憶友憑君為

結幾生緣

題張見陽臨米元暉五洲煙雨

誰云縮地術難工如浪連山過眼空咫尺為還千里近只應長

在有無中

寄題博問亭王孫東臯漁父圖

浮槎泉頭雙鯉魚得書時在廬陽長跪剖讀王孫書上言別久顏色改

下言憶苦音訊踈嗟我當年倦行路京國頻遊悵無趣聽罷何

戲一曲歌危葵燕麥非前度承君解佩馥幽蘭玉葉亭寫照

難衆芳蕪穢不可伍心許澗松俱歲寒歲寒誰復耐霜風多少

繁華逐雪鴻短策却掛東臯東此意豈落塵埃中藏書萬卷酒

千斛一任檣花飛亂紅君不見灞陵橋邊道煙絲折盡傷離抱

又不見黃金臺畔草駭市淒涼骨空老釣竿本是珊瑚枝雞蟲
得失吁漫悲他日相尋預相約不論世事只論詩

題輿山兄大雲樓次原韻四首

鄉園秋老碧梧枝倦翮歸栖亦未遲綽到水邊機已息逕投林
下路何岐暄炎夢逐浮雲散冷淡情教片石知休向輦紅塵裏
容問他誰點與誰癡

其二

城隅一徑接煙蘿高卧衣然在澗阿疊石轉難消磊塊種花猶
及補蹉跎止容跨鶴吹笙入未許聽鸞載酒過侶此香山應不
笑主人來少客來多

其三

青冥直接大雲樓是路何緣嘆阻修曾入蕊宮翻失脚但經蓬
島莫回頭千崑互蒼翠中響一水真從鏡裏遊佳處列仙能占
幾儘風月待君收

其四

相看兩鬢各蒼然蕭瑟如余莫問年漫有新詞傳海外都無舊
業寄吳邊春池草長應堪藉明月樓高只獨懸自覺心空能及
第懶從雲笈話丹元

張太守見陽為曹司空子清寫棟亭夜話圖即次見陽韻

贈子清

水月濛濛棟花謝儵然坐我草亭下過江人物最風流千里相
思勞命駕細看此會迥奇絕自是張侯墨痕化張侯胸中無點
塵古木陝堂隱臺榭此間聊可當五壑餘子誰堪共杯筆小童
侍立玉雪清話久應分顧榮灸我亦生來澹蕩人卧遊四壁常
多暇蕭統樓閣昔見招陳蕃榻在今重借展圖忽憶蓋香幢容
名夢裏紅香吹暗麝翦燭論心會有期入林把臂還相迓正携
斗酒摩双柑想見嚶鳴求匹亞已過二十四番寒披襟坐待明
蟾夜

商工中丞見示滄浪亭詩用歐陽修公原韻奉和

梅蘓昔出歐陽足相與唱和滄浪篇如今亭子迥非昔賴此數
詩猶宛然宋公絕愛宋賢作百回吟咀時循環因詩簡志覓故
趾但見水石餘清妍有竹能令意態古無花勿憂絲竹喧公加
拂拭重點綴眼所過處生雲煙俄經長廊一徙倚似撥短棹相
延緣會心有境豈在遠此意欲問誰九仙使院絕聞早衙散趣
看野色來鷗邊初從騎道久徐步續承稅駕同桑田再拜初時
作亭者嘯歌彷彿紫漪連孤標可親不可狎薦以蘋藻澆瓊船

取次辨香奉斬國豪華執記章與錢豪華但縱當時樂府冥寧
為後世憐子美解人應熟計得之未必皆由天回思屏棄頗不
惡如鹿淺草魚深淵荆布齊眉相門女笑看飽食仍高眠何事
書叢甌屢積漫欲煮字供長年人生垂名亦有教詩就或附縣
津傳

採菱歸

採菱歸渡頭爭發睡芙蓉露重華漸稀綠房墜粉沾羅衣早間雙
鯉隨釣得三十六鱗紅一色斷清誰遺金錯刀裁成素書不盈
尺君從何方來留君酌君新發酷已是衝簾飛熠燿不須鄰女
仍分照玉盤進魚尾那得猩：唇漫言相見即相親西南風起
晚潮上相送菱洲月滿身

汲泉行

九龍山頂銜落月九龍山人起送客九龍泉香夜深發山亭此
時萬籟寂兩心如水：應知明星白日光參差風輕暗下碧梧
葉重露微開青桂枝對此能令殘酒醒况復清音傳素綆為君
汲取贈君行中有江湖片帆影

溪上 陽羨徐文靖公里第

溪上晴光轉白蘋遠溪山碧淨無塵承平過合誇賈相垂老飄

零訴美人珂里舊遊裙履散西堂遺恨管絃新醉中休折黃金
縷留取江潭一樹春

李谷齋相國丁內艱廬墓有白燕一雙來巢棟間次韵二
律

南陔總戀北堂暉華白還驚白燕飛自是縞綦香未散不綠金
翠影全微傳來曉語頻伽似託向春心杜宇非待約圍碁過別
墅捲簾君早悟仙機公園碁高品

其二

玉照何當竟夕暉乍來銀翦一雙飛依然綠水分紅濁忽漫清
秋共翠微仙馭即攀鷗尾是樂章重按雀翎非身輕好耐蓬萊
紫莫便回翔問息機

六安州明督輔史公祠堂三十六韻

最古仲甄國宿稱山水佳岡鬱鬱相望煥若層城霞明季捨攘
極潢池聚群譁蔓滋吳楚間鏟削隨萌芽客賦恣衝宸居民失
耕畬向來弦歌地比屋存幾家劫灰燼昆明淳風邈元嘉肉食
議勦撫築舍母乃差史公河嶽英茲焉建高牙嗽和煦哀鴻靈
迅擊脩蛇煉慨昨陽笛淒清越石笳臨戎整麾蓋玉色無疵瑕
至今登埤震折戟猶沉沙入相旋出將當軒拜黃麻軍聲振北

府士氣雄南衙其如盧淵景橫被偃月遮芟除及衆正似摘黃

臺瓜大厦已傾覆一木空杖尚營筆驛肯泛支機查拊膺

叫蒼梧握血凝丹砂志决身亦殲衣冠莖梅花梅花嶺莖六人

感其義廟祀禮有加足知公論在休嘆直道賒歲久金碧黠荒

祠空暮鴉初疑鼓吹喧草深亂鳴蛙豐碑記勛德寧類世俗誇

翠蘚蝕銀鈎字畫紛欹斜守土今為誰青箱嗣琅琅昔刊雙忠

集流傳滿金華復此瞻遺像丹青拭篆蝸下云棟隆吉薦豈昂

寔奢精靈匪遠隔宛在霜蕙葭我欲寄瓣香紫茸奠春茶茶試

歌迎神曲風馬乘雲車日皎滿山嶺星爛渾水涯三光一合照

萬古同咨嗟州守王廷曾建祠

版子磯有懷黃靖南

粉蝶悲笳同渺茫不堪憑吊倚斜陽青燐已逐春燈散赤壁猶

存故壘荒秋盡江邨餘蟹稻夜深祠廟雜漁商紛茅土俱仄

減容易將軍一瓣香

皖城余忠宣公廟下即次公山寺詩韻

簪笏峩然鎮一方拜瞻時復動悲涼不知鎖甲埋春雨猶自瑀

弓枕夕陽今日轉看兒女重公夫人子女當時早覽姓名香分

寫照兼楓荻血碧心丹兩鬢霜

螺磯孫夫人廟

江心片石湧輕潮離合神光荒望不遙蛛網斷絲縈雪藕燕泥侵

壁浣香耕若為兒女雄三國豈有河山勝二喬玉殿翠華俱寂

寞卧龍何必勝潜蟄

題高念祖小照并序

念祖曾於同門陸稚坪京師邸舍一再把臂今年七十道乃

祖明水孝廉從先端文講學舊事及當時諸老淵源甚悉

忠孝一門今幾代淵源屈指吾同輩誰云撫卷事茫然恰喜持

樽人健在既憶三十年前長安市上遊更追九十年前仁文院

中會余兩人相識在丙午丁未間而講會則前戊申也樂莫樂兮休感慨從教圖畫長

相對

顧山一名香山地當常熟江陰無錫三縣界上有古觀音

院：中山茶相傳梁昭明太子手植舊志云花覆七樓

紅暎十里為江南第一樹明隆萬間本棧已毀而遺楫

復萌迄今又百餘年丁丑秋余偕弟姪扁舟過訪坐卧

其下次壁間原韻留題院僧雲濤復出詩五兩冊見示

多名人手迹因寫拙詩及冊屬廊堂上人持似商山中

承索其表章若雲濤之酒廊堂之詩皆縑流中不易得

者別有記

花覆七樓紅十里幾經塵劫轉名高團、月路陰如桂磊、秋
臆實似桃帝子法筵那復啟宰官吟筆定誰搵嚴文靖公外
高祖也冊端詩

序似屬文衡急需鑿賞留金石重為山靈慶所遭
山先生代寫

丁丑七夕若采姪招飲世德堂會者斯年兄暨姪箴磷中
辰司直黃初希曾良肩予肩侯甥尊王

家山如畫映秋空偏喜樽前數子同萬戶涼生今夜月一門好
在古人風即看偃蓋留槐蔭已覺飄香度桂叢早晚移丹簾拾
翠餘銀河應許客槎通

天門山追和太白絕句并序

戊寅重九後十日阻風天門追和太白絕句回首眼前有景
道不得崔顥題詩在上頭昔賢虛心若此而余乃為此效
顰後人應笑我膽粗也

片帆遙指兩崖開舟楫欹斜到却回急雪乍翻驚浪起不知誰
唱野鷹來時有一鷹
掠水而過

其二

黃屋當年建業開奸雄多少此排回東梁戍主西梁敵上水樓
船下水來

其三

天門絕險至今開八翼乘風底便回偏是浪兇身手捷送潮歸
即弄潮來

其四

紫綺裘寒大柯開倩誰招得謫仙回磨崖歲月猶堪記君去千
年我復來山銘為大
白舊題

題金別峯乞言卷呈張見陽太守王培菴州牧

兒幼不識母及長尋殆遍母老不識兒何期忽相見解相見還
相持相持復相泣母願從兒歸其如若維繫解雖則苦維繫兒

終持母歸此事古曾有此情今向誰解誓言積一誠、積感蒼

昊果蒙皇天慈遂得神者告解言令大善人助汝完骨肉廬陽

有賢守臯城有良牧解血災拯患難決行安所疑俸入稍有贏

亟以還孤婆解六人慕義者不受上官俸母未緣六人歸亦六

人送解何可以贈母行各自致區、或詩歌古辭好事傳里閭解

里閭多好事合掌呼天、但看母與兒登程如登仙解裁上江

北船即問江南路喜極翻露襟孰能喻其故解向家吳趨里廬

舍不復存今歸結一菴乃在銅坑村解織簾兼織屨抱甕灌園

蔬昔為失乳瓶今作反哺鳥解母已近桑榆兒慎勿退轉尋親

親仍還念佛、不遠三

釋別峯名德雲金姓蕪州人聖歎孫也聖歎臨命時德雲

尚幼生母以患難他適流轉六安已卯冬先君子客羊城

旅次遇別峯詢其顛末為題乞言卒藉太守張公俾得毋

子團聚詳誦芬集男開陸謹識

題贈張魯庵觀察

皖山清皖江明由來開府屯重兵羨君今作江山主懷人望古

情如許五園金碧宇磨崖定滿昔人吟眺處君家碣石天門開

萬里潮聲殷若雷高牙忽建樓船來連空蜃氣何崔巍更勝樅

陽風雨集一樽携客射蛟臺

高竹牕詹事屬題將車圖

花如步障滿郊園不比尋常只樹護更向瑤池春宴裏乞裁黃

竹製輕軒圖中阿母坐班竹小車兩孫推挽竹牕持杖携一花籃前導

查夏重索余題放鴨圖久而未答今十三年矣見竹垞稿

中二絕和之

繡頸縈波紫蓼殘闌來那復戀朱闌呼名一、皆增價穩坐芙

蓉鏡裏看

其二

依然坐對夕陽黃啜：蒲根水漫塘君自黑頭吾白髮不知判

袂幾星霜

石仙歌并序

華藏寺山東北趾有兩石翁仲冠劍儼然對立路傍庚辰秋

擬就近擇一杯坏置生壙因呈絕句八首倘不嫌饒舌應

試為點頭耳

猶是威儀肅漢官為誰長護此林巒祇應悔作千年別不送王

喬白玉棺

其二

滄桑遍閱已通靈不似頽然土木形一任瀛洲諸學士借他模

樣入丹青向見閣立本十八學士圖仿佛此像

其三

欲尋遺碣總荒苔時有神遊颯：迴東是項王西伍相此間遮

莫現身來山與兩廟東西相望

其四

多事三泉錮水銀驕奢亦復任天真英雄只在能回首休榜蓬

萊作笑秦相傳有人至蓬萊見其高家榜笑秦二字

其五

華表重歸益惘然舊時城郭滿蒼煙一般清淚和鉛水知是銅
仙是石仙

其六

高冠長佩儼臨之丈：前頭起拜遲亦有傳家袍笏在却嫌相
對不相宜

其七

漫勞酒脯費將迎薜荔蒙茸禁散行何況亂山深雪夜肯來聯
句學彌明

其八

簪佩從教濕翠嵐若為凝竚見精藍分明兜率同歸處仙佛由
來本一龕白詩蓬萊不是吾歸處歸則西歸兜率天

六安汪母楊太君八表太守清和公寫大士像以祝歡喜

讚嘆為賦是詩今子名乃朝字灑洲余門人也

昔聞慈寧聖瑞相見九蓮夫人生其時受記理或然紫綸紀盛
事綠字書長年今子天下士諸孫亦聯翩余未滯金斗未與祝
嘏筵太守方探風翼令壺德宣誠將金壁重敬以丹青先接引
觀自在身雲擁如煙鶴髮映朱光照見性地圓名川有良牧彤

史當為編

贈某侍讀

致身金華省早貴猶力學經史期貫穿浮華從剝落兀工五七
言興來極磅礴碧海掉修鯨顧惜蘭苔弱昌黎廬陵外未肯輕
所託古愛今不薄尚求他錯居然萬間厦傾吐及葵藿會布正
始音寧謝建安作大雅欣有歸吾廿老年登

又

珥筆陪遊豫倚棹梁溪濱是時春向深山禁百卉薰朝米九峰
下一片瀛洲雲玉立照空碧隻將笙鶴羣相逢道疇昔欲別何
慙慙且復立斯須遺音念相聞冷：幽泉曲可以寫清芬

有懷依平弟北遊未返

問年過四十豈尚學干名為係全家望難辭間歲行雁踈鄉信
杳表敝客裝輕何日涇溪上西流一笑迎余家涇皋每有喜慶必江荆西上

小遊仙為宋牧仲中丞壽

瑤池一水接銀塘勅許青蛾泛羽觴爭進權歌新樂府御前惟
唱小滄浪

其二

青鳥西來送好音轉煩銜札報泥金紅綾餅遠知難寄正值天

厨賜點心

其三

侍晨僅奏萬年書
玉几重攤激賞殊
分付宮娃好收拾
一千四百顆驪珠

其四

瑯嬛秘裏滿行宮
鴻寶依然在枕中
夜半九華前席語
早聞鷄犬盡騰空

其五

恰得堯時瑞露敲
蒲桃半濕已盤根
結成先餽丹山鳳
九子翩翩各領孫

其六

珍重黃封手自開
幾將袍袖拂香埃
還應喚孽麒麟脯
瞥見麻烏爪來姑

其七

虹月分明書返船
因風棧傍小西天
往來攀鷓皆金紫
誰道元章是散仙

其八

瀛洲喜氣動恩光
第一才名第幾郎
親寫老臣恭謝表
不勝誠忭與誠惶

其九

莫憶西陵好景風
天書且著紫泥封
拍肩戲奪洪崖杖
投向波前化作龍

其十

釣臺法駕危東明
舊侍真人列紫庭
三館會修群輔錄
世家應亦傲韋平

秋曉登滄浪亭呈宋中丞

初日上東南林亭空
宿騎草香珠露重的
蝶侵衣袂唱香曲池
菱吟餘小山桂猶聞
遺翰墨但惜沉碑碣
望古情已深懷賢感
亦係繇來澹蕩人
別作流傳計翕絕
賤原嘗虛徐狎莊惠
誰陪飛蓋遊屬和高
文嚴麗

廬州張太守見陽來吳過訪招同舟次半月送之江寧

屣履急相迎相尋喜
是君謂乘西北風吹
落東南雲君官二千
石虎竹臨淮向不作
吳趨行何由泉上見
齊江秋月夜十載照
相思夢裡一樽酒醒
未忽共持星稀露漸
濃暗覺衣帶濕為問
客衾寒蓬牕猶竚立
行且分袂移泊石頭
城隔舫吳娃曲無非
離別情別情不可道
鬢雪應難掃把臂待
春回見君顏色好

題漁洋山人西城別墅四首

風篁徹清聽烟條迷幽鵬勿以千畝陰而輕數竿竹掩扉謝求
羊苔花翳纖玉

右竹徑

坡陀供曠望好景無人知遠火映微月獨來當此時臨流嘿有
悟華子者為誰

右小華子岡

跋石間斧柯嚶鳴結遐想遙聞紫芝曲似蒼煙中響更有長吟
人微風吹鶴筆

右蕉唱軒

風雨移巖竇白雲猶自眠誰施混沌鑿復此堯時天石髓如可
服歸來定得仙

右小善卷

喜儲泥雲謝皆人過宿用朱慶餘與賈島願非熊無可上
人宿年姚少府宅韻

明鏡兼散帙此會客中難才子年俱少清言夜已殘開樽猶待
月時諸君擬社集南岳抱被不辭寒努力存風雅誰云信宿歡

湫溪訪門人徐南州兄弟晚歸用趙松雪韻

綠野此重尋陽溪岨陰嶽霜紅楓葉稠濤白葦花偃沙淺隄亦

平一航爭往返溪口再渡始過徐文靖公里第簪箸羨漁樂柳標逢僧晚歌舞
迹已陳經綸事彌遠因之懷疇昔欲別餘縵綬

次謝皆人歡字二絕句

重來老友益凋殘却對新知數舊歡最憶蛟橋聽雨夜濁醪清
茗共春寒懷山友陳其年也王阮亭曰驂沒遂已二十年矣對此如聞山陽之笛

其二

毬場縱飲獵場歡垂老何心復據鞍一任蛾眉憎鶴髮不妨留
作西園看

蛟墓橋即杜橋收之水榭在馬今為僧舍

蛟墓橋畔碧流澄水榭空闌試一憑一種鬢絲禪榻意早宜清
梵伴香燈

周孝侯廟傳有靈應里人於此立廟

殺虎剝蛟氣已柔神威猶自肅千秋無因得奉平原教不事周
侯即戴侯

盧忠烈公祠小照傍列從死二將余謂宜增今弟幼哲解元

白面臨戎儼若神騎箕二士尚隨身一門忠烈堪留照待寫西
堂夢裡人王阮亭曰此種可傳不獨以詩

清暉閣故相別墅有董華亭書此塌石精甚

法書珍重半閒堂玉蹟金題手自裝無限清暉留不住只如鷺

籠幻興王阮亭曰二絕句旁見

卷畫溪即五雲溪以春暮兩岸藤花得名因憶西山畫閣之勝

水寒誰唱浣溪沙到此令人憶若耶照黛閣荒金粉畫夢歸空

掃紫藤花

楚頌亭東坡所欲構而未成者以名吾詩意有待焉

笠屐歸來雪滿髭擬裁甘橘計何遲雄心耗盡餘年在彷彿香

山種荔枝

送柳盤陵之荆溪四首

聞聲日久見何遲相對東籬把菊時江館白萍風乍急携團扇

寫君詩却

其二

一曲清唳一曲歌時無一瓊奈愁何香山語識君偏合詩酒琴

人薄命多

其三

此樹婆娑竊自傷白門踈影倚斜陽柳子有金陵懷古詩閱情最是烏啼

夜不見長干塢放光

其四

誰念寒衾為客愁用謝詩更營茅屋借蘭舟用謝詩謝家兄弟那多得別覓知音恐暗投

秋宵月下懷

飄蕭木葉下纖月淨初陰此夜滄江曲何人彈玉琴縣知泊枉渚亦念步疎林衣薄露華濕水寒深不深

雨止纏塘書舍抵暮無一人過橋上者

山深雨亦深烟光暮如積窅然清池上暫與塵土隔倚杖玩浮鷗憑闌數歸翼無生復奚減有動隨所息磬響時一來懷哉巖栖客願言依此境共對香燈夕

春夜大雪念儲汜雲宿舟中詩成黯然兼寄謝應雲皆人

兄弟

百里非遠涉忽嗟行路難蓬牕半夜凍積雪摧檣宇念子擁衾坐知余撫枕難歎吳中文翰侶公譙方極歡煖響迷玉漏晶輝瑩珠盤誰持一樽酒慰此孤舟寒前路逢二謝客愁應少寬平生倦水宿歷歷想風端

午坐

少輕延年術精理暗嗑喻老至學忍饑春還思却立粒垂簾坐清晝養生家以閉窓慵何時濕人靜山雨來雀喧庭霰集泉香

冷逾徹已就漪瀾汲更不越紫荊無為具裝笠

廬山二勝

別廬山三十餘年向所為詩都不復記憶適見坡公二勝之

作欣然和之昔老友苗黃皇語余曰五岳之外有匡廬猶

六經之外有莊騷也其言可傳并錄於此

開先漱玉亭

壁立巖芙蓉正臨無底谷誰揮修月斧盡削銀河曲倒瀉萬斛

珠翻飛千尋玉有龍蟠其下喧極眠更熟縱橫題石字但見每

苔綠洗鉢注軍持餘生此焉足

棲賢三峽橋

百泉爭一澗亂石紛礧錯神禹愛此奇茫然輟疏鑿雪車撞水

柱呼噪萬弩却高鳥不敢飛潛蚪將安託夜分禪閑夢猶自避

噴薄絕境難久留會尋他年約

涇上

無事臨溪坐催歸戀綠陰遙聞下坡笛已應隔村砧更向溪西

望夕陽猶未沉

雪晴後望舍北諸山

霽色明遠峰茅茨宛然在遙知此檐下適曝幽人背斷壑已難

尋雲歸如相待誰攀木冰折清響遺環佩

膠山在舍南相傳為當日魚鹽處

我家東海上百里聞風濤南對膠禹山緬思古賢豪相殷實早

達歸周應晚遭方其混魚鹽忽二毛屈體伍商賈陰習險

與勞中夜長難歎息曷為隨汝曹大夫雖固窮未可輕錢刀况

以王佐軀饑寒委蓬蒿奈何夸誕者僵卧思釣鰲

懋鍊石閣時為道流所居

世間無可食更亦無可語山寒菊亦盡白石聊堪煮莫服黃金

丹身輕恐霞舉天上多至尊奉事良更苦真靈位易闕需次知

誰補江湖足優遊吾從白與甫李杜輩優遊江湖稱散仙王

如清沈之贊遠所謂得味于酸鹹之外者悠斯世其孰能知之

寄携李杜詒穀

昨秋詒穀道梁溪投余二詩深感其意以老嬾至今未答頃

來握手不數日返權云當再過因令兄紫綸行使寄之

環堵未云僻復誰過隱淪適聞足然響秀水枉嘉賓衡宇猶虛

接何期遠見親憶承芳蘭蒸延佇涉冬春及此覩標格逾令冲

抱中雍容文翰場吐納皆清真無事求犀玉為祛寒與塵載廢

棠棣詩歡宴洽茲辰惆悵鷓鴣谿權遽回駕湖濱人生幾聚散樂

在相知新杯酒分非薄春言後會因高門仍異才自即躍雲津

問訊行且踈追攀安得頻惟乘暫間日一訪煙霞鄰

春分前一日喜晴適鄒泰和見過散步城北移時始歸

積雨滯芳候歡言良已垂茲辰忽暄和旭日開陰霾披襟聊散

帙落花紛滿堦經過如有期共此天氣佳弱柳既婀娜新禽亦

啾啾樵蕪畫不費直委平生懷念子獨相尋知子寡所諧綺席

羅山樊華觴浮水涯一肯與徵逐豈無裘馬偕何當從我遊扶

杖信芒屨

寒食留山中作

林栖愛山靜亦愛山泉冷恍與道言接欣將塵事屏間尋煙蘿

蹤忽落風花影遊冶偏阡陌登攀非一徑誰能芳節近不逐韶

光永機擢向橫塘飛觴凌絕磴巖巒畫如夢入夜還復醒却謝

景中人來參人外景

杜鵑花殷紅類山躑躅所異者花中向上一瓣獨作澹暈

有光榮：相傳為血淚痕感而賦之

蜀鳥名杜鵑相傳望帝魂銜哀訴蒼穹白日為之昏茲事久荒

忽煩究竟誰論如何澗底花亦復霑啼痕應是後宮女判嬌殉

至尊故持三春艷以答平生恩詎減英皇淚斑：相竹根

立夏見新月

織：初生月欲落更微嘖流影不待夜歛輝絕送春昔從北陸

行相背若參辰今逐南薰便入懷情自親網軒既已闌玳席亦

已陳方惜到暈澹復驚涵煙新裏回應難別其如愁思人

灌園

不自量筋力求為人灌園意惟營一食迹若避群喧誰遺五色

芝服之詫騰審奈非塵埃種移時安得蕃還將理菜畦膏澤資

泉源勉試搯作編籬復揮援早韭和露茁晚菘凌霜翻但從

采拔便未覺烹飪煩心形誠苦疲既飽亦軒：向讀神農書近

聞老圃言

小渲港去仙蠡墩不數里向擬卜築舟行惘然

夫何去城郭即得臨煙水曾是越大夫扁舟擁西子至今抱香

骨落月沉波底柳岬啼一鶯蘋洲躍雙鯉采菱亦采蓮聲逐漁

歌起所恨不移家同來清鏡裡

夜聞梵音

一燈山牖出隔竹露光法坐聽香臺人法華中夜轉清泉漱寒

玉細入吳音輕嚼蠟况橫陳几襟何待遣

寄陸紫宸其居處最近先壘鳴城
舊傳吳王養鴨所築

積水緬深秀橋回知路迂牛眠斯安宅龍卧亦幽居綠畦雜瓜
豆稱結蓬蒿廬中有抱膝人孤琴藉群書時非雲雷會鱗鬣焉
所如紛吾想真契微尚託樵漁老矣方識君過從還苦踈鴨城
今何在吟眺一躊躇

立冬日荆溪道中

言辭故鄉雲枉溯清溪流群木日夜疎空水相與秋迨茲農功
畢霜明落墟幽颿輕惜飛渡佳處不少留煙火指河橋停燈待
維舟誰云豈年樂可解寒宵愁斑白各已閒我何為客遊

答諸記雲見訊

凌晨枉蘭蓀委曲問離索媿以遲暮年羈栖煩慰藉時非變涼
燠境自殊喧癖木落霜色黃苔荒雨痕碧宛然蓬蒿徑盡日無
來迹幽獨故所欣在家原似客

記雲雪中携酒過通真觀醉飽竟日

風雲臨高館栖真事尚難况當客遊暮耐此肌骨酸幸依瓊
樹枝過從屢相寬情親豈在客少別見逾觀歡話久出所携擁
爐勸加餐金龕和王糝羅列傾杯盤中座回陽春鋪歡略可觀
急景浮大白衰顏渥餘丹念子亦清素為余營煖寒情勤一何
至大息下更闌

寒甚不得遊南岳張公善卷諸洞依韻惜別聊為後期

神仙所曾寄想像遺空曲不辨雲與雷長留石如玉我來已垂
白心怯凌寒綠乳筍晦砂牀詎應燃犀燭明年知誰健漫擬探
山腹五岳方寸間真形寫酒菽王阮亭曰荆溪五言諸詩纖濃
古澹直入韋公之室木首起法

近人惟邢五貞
陳伯幾知之

吳蘭次太守六十初度時僑居吳門

煙月揚州不可住金昌亭下牽船處風流海內幾知名却傍江
潭惜楛樹雄心無計得消磨千疊蠻牋一曲歌鴛鴦翡翠長相
守其奈纏綿舊事何舊事追趨青瑣闥承恩獨給尚書札玉箱
珍重貯填詞夢裡西風生白髮武皇仙去已多年老伴文君繡
佛前第一莫派琴酒與夜分高譙日高眠

向宿汝溪得二語今足成之

午橋莊外即寒蕪不盡烟嵐帶五湖篝火一灣迎郭索撥金半
嶺遂於苑人間漸欲趨耕作景好惟堪入畫圖便約登臨須濟
勝典表為覓酒家胡

小雪日遊法藏寺

踏葉城西一徑偏頻過古刹尚巍然廊虛萬壽 歲室密群
芳小雪天金地那容苔癘合石林應任薜蘿綠誰知臣甫低頭

處獨抱泉香酌杜鵑

輓華錫理奇

吾鄉昔鄧魯群賢遺芳躅惜余生也晚漸見輕儒服何計挽頽
波漫施宣房築武陵有端士提躬就簡束確循朱子禮精研薛
公錄雅慕范希文敦宗先敦俗盛舉首義庄畢力圖興復古道
行於今靈光巋然獨推解從此遍無事悉更僕有美振箕裘象
賢非似續年豐既為玉年荒即為穀學海務窮探插架三萬軸更
期追往哲方寸叢理欲水深桃花潭世澤流芬馥

送胡元方兄弟應 台北上

天語親褒五色雲即開深殿和南薰長離久作人間瑞那更鶴
雛早出群

其二

星言並駕莫襄西爭旰仙郎傑直來猶是對牀聽雨夜玉珂金
鑰遞相催

送杜紫綸應 台北上

今節千秋日再中綠波仙棹去匆；瀛洲見說如天近剛趁蒲
帆一葉風

其二

到日薇花滿玉除即離塵土上清虛集賢殿啟群賢集縹碧分
題四庫書

丙戌花朝送侯伊傳北上

素心晨夕幾相招時復緘詩慰寂寞已惜流光兼惜別送君偏
在百花朝

其二

月店霜橋盡昔遊踞牀先自解吳鉤遠山如黛當壚者微認鷓
肩識馬周

其三

却指都亭卸容裝燕歸猶憶舊時堂慈恩塢上新先輩可信驛
驕不入行

向所和三唐人惠山詩已刻入無錫縣志丙戌重九前一

日遊石門觀水簾洞還至僧舍復檢前章各次一韻

峯嶺隨轉側遙瞻但青蒼昔賢詫靈詭石壁開艸堂遺迹負莫
尋孤雲獨回翔我來凌絕險曲折窮秋光崕斷碧羅合澗深叢
菊香忽疑排空出世慮愴已忘次王武陵

其二

到此探幽者經年知幾人所尋石門路拾級尚如新積鐵上嶄

蕚濺珠下磷磷快乘兩腋風盡滌五腑塵有竈留丹藥無梯倚
青旻竒馬堪枕漱永與松喬鄰次寶群

其三

落日如歸人依戀林樾山靈應怪我一笑仍濶絕出谷望翠
微杳隨煙光滅絕離羽人境已叩禪扉月笙鶴時一飄鐘魚冷
然發學仙與學佛諒復何岐轍次朱宿

錄前詩

層霄變日夕秋崖緬蒼言尋俗外軌憩此金仙堂拂衣攬空
翠邈若凌雲翔虛巖答沈籟秘室韜浮光桂桂樹發華滋迴颺

生遠香心期協幽勝覽歷誰云忘

其二

躋險歷蕭寺駕言從故人容未要已接曠往情猶新石溜激迴
波微光動磷酌此留顏色兼為滌煩塵烟霏薄寒照露彩澄
秋旻窈窕山阿安塞華相與鄰

其三

鷲嶺下梵音真栖迴修樾獨賞已無違群氛自茲絕浮生困往
來還欲照觀起滅了然色相外清泉溯明月萬壑迴天風笙宇
靜中發長吁慰真懷謝彼岐路轍

雪月山行

清光欲濕水田衣猶自支筇歷磻扉雙徑夜隨燈影入衆山寒
逼磬聲歸頻未莫認泥鴻迹已過偏驚羣鴨飛良久風幡俱不
動任飄殘葉擁平磯

壽性公週一甲子

說與松苓勺水知冰蓮早湧壽吾師從教盡奪人中景莫惜虛
傳西裡詩身立寒岬如古木心懸皓月共清池由来甲子須臾
過力振綱索在此時

題陸紫宸金陵日鈔

坐歷巖扉十九秋儘將奇字答英流那能漫學天隨子雨笠煙
蓑五瀉舟

其二

更無塵土翳禪關滴露研硃亦不閒何處一筇相對好細泉和
月響漪瀾

題石林菴竹軒

唯應獨對此君身半榻那分主與賓多事夜深煨芋火管他宰
相是何人

其二

但堪容膝即欣然別有幽居勝事傳收得白雲米此放一龕睛

翠一籠煙

次邑侯殷夢五讀陶詩

誰令天下士仰面邑中見天下不可蓋惟君稍下之欲望風俗
淳難捋盤錯辭劉井與柯亭暫別何足悲蟬吟飽秋露那復問
晨炊清明名河南北高步行相追

聖水井并序

永寧縣東北有聖水井其色湛碧飲之可以愈疾載一統志
而邑志遺之意即所載溫泉者耶歲久湮沒今茲忽湧洗

殘試酌清冽逾常真此邦之異端也已為創設小山畧衛

冰玉尚祈好古君子共加表章若能建一草亭以為遊憩
之所尤稱不朽韵事拙言倡紀乞賜郢風癸巳七月下浣

我來尋聖水驚喜值還珠潔似涵水鏡甘宜貯玉壺但令能代
藥深足慰分符與拔崧高勝將泉入畫圖

臘去春來旬日間得長句如少陵秋興之數字歲拾片紙

書之冀得知音垂和為衰年一勝事也癸巳

纓彩素髮耐元冬煖借青陽恰早逢絕息短檠眠已熟尚留殘
竿醉偏濃仙遙脉望還成嘉供盡干將不化龍明日杖藜誰與

伴好看新翠滴庭松先夔州手植兩
松今存其一

其二

林壑春回牧監豎知嬾翁猶自掩茅茨甫傳替弟梅兄信待和
貓兒狗子詩蠟剩餘灰嫌欲別巷殘得叔倅相持平生事：皆
如夢：覺翻憐入夢時

其三

霜露凄清幾十年歲時空拜影堂前衣冠莫問牀頭笏朱墨誰
縉架上編先孝廉遺書
散佚都盡一息尚存懷舊土百身莫贖恨終天無
繇再侍屠蘇酌欲頌耕花倍愴然

其四

憶昔曾隨供奉班玉河水底暗潺：鴛鴦未曉趨三殿虎豹多
時慄九閨狂是長卿儀儀
制宜見逐文非若士亦遭刑湯遂
昌思量
畢竟憐才甚不得歸來那得閒

其五

雪泥鴻爪漫追尋空復茫：百感侵莫怪吹毛污白壁須知啣
蔗值黃金芳池對作回波舞繡陌遲歸擊壤吟即此嬉遊吾事
足駐顏何必紫團復

其六

曲：涇流護板扉向陽真接杏壇暉先端文晚年海內松楸列
祖臨華表祖塋梨栗諸孫揖彩衣雙堰並添新張綠四山相暎
晚霞緋靜聽魚躍知將乳且擲綸竿坐釣磯

其七

遙撼細字話平安廿六日晚接兒此是春來第一歡祇有馬羈

留坐客更無魚鮓勸加餐香泉晝洗菜蕪泉出邑西旭日朝

臨苜蓿盤咫尺金門瞻涉近定聞吹律散餘寒邑東金門山屋

二律亦名律管山

其八

庭燎隨風急雪颺分明火聚得清涼乍融酥酪中邊味旋合瓊

瑤內外光燄絕葷羶惟置酒室無經梵只林香應須學刻蓮花

漏約略跣趺景漸長

扈從詩 丁未九月 存二十四首

聖諭出獵恭記 四首

令節千秋月正中早傳 天語賦車攻龍旂指日臨雙闕鳳輦

先期告 兩宮中秋傳 諭定出 都日期并點從官

垂衣咫尺殿中央銅鶴前頭捧奏章親決萬幾當七夕遠巡三

輔待重陽親政後一幸海子 至是始遠出

天門初日映瞳矚勝事茲辰想像中昔咏天桃催奠雁今來細
柳憶當熊大婚至此 恰而閱歲

岐陽罷獵只兼旬早卜歸期御紫宸正朔千官承教授初冬

九廟薦明禋往返二十日 駕歸 頒歷行孟冬 祭禮

馬距橋

馬距橋頭帳殿開侍臣簪筆羨鉤枚經過南苑重回首曾扈

先皇玉輦未國散後院中諸僚長畢至王 舍人新命談舊日事甚悉

三河

戲馬臺空馬正肥揚鞭卻拍塞鴻飛 太平天子行時令到處

霜華映鞠衣是日重九地多土山廣 壘解鞍暫憩即當登高

定府莊

甲第全荒狐兔腥珥貂圍玉舊精靈西風野火吹沙磧翻出當

時鐵券銘故定國公賜第荒烟野蔓不復 可問其地今名漁陽定府街

靈泉寺

繫馬高松古寺邊偶看碑額坐流連非因說法來金地自欲尋

源漱玉泉在玉田縣南以泉 得名清甘勝他處

新店堡

湖石漾晴莎斜日綠堤散索駝駐蹕絕離榛子鎮合圍已

近野雞陀地多水草午後即下營傳云明日圍城雞兔最多聞者皆有喜色

三皇廟

三皇祠廟轟烟霄檜栢陰森鎖寂寥古壁丹青猶後殿豐碑玉

帛自前朝沙河驛西微雨不及展謁

遷安

亭午雞聲暫解羈隔村桑柘起炊烟桃源父老如相問正是罇

租賜帛年早起失路行深谷中雞犬桑麻彷彿武陵問津忘此身在車塵馬足間也

羊角屯

野牧千群出廢屯荒：白日下烟墩只今遼海皆湯沐鎖鑰何

須重北門此名不一至小總記之

劉家營

當時設險劉家口半壁天高萬里回今日太平烽火息千山秋

霖六龍來孤城斗大是近期一口子旌旗壁壘想見當年

長城

砧杵秋風萬里情古來征戍說長城金宵指點深閨夢只傍朱

旗翠輦行因山高下晚色如練塞下秋來風景異信然

青龍河

蒼苔石壁繡縱橫寒下寒潭日夜清一騎晚穿深樹去傍崖聽

得喚鷹聲過河宿茶家莊層巒結營萬山繫馬

馬鞍山

寒色憑陵伏濁醪夜深千帳解弓刀山：落木却：雨卧聽天

風送海濤此風雨昏黑更深微月慘甚相傳此山有封齊墓夜至不及一訪

橫山偏涼汀

雲根一線入微茫飛閣晴收灑激光行過懸崖最高處莫回馬

首望羊腸此行所見山水第一碑刻金城郝壁望海潮二詞有回首望長安帶子攀號慶清波關珊語又過客留題

如一騎晚雲穿蜀道半籠烟雨冷吳江
奇石出新雲澄波苗古月亦復可探

呂仙祠

海天明滅見蓬山駕鶴重來許一攀惆悵經年仙侶別松風吹

夢落人間橫灤別墅故經畧高第所構有白雲樓覽勝臺洞天石室此祠路絕頂

問津亭

津亭一唱濯纓歌便拂漁磯掛綠簑百尺寒潮千頃月夜深留

待水仙過亭與釣魚臺相望以上俱在偏涼汀去灤州咫尺無一登此者惟女道士上元轍來燒夜香可笑也

還至玉田

飛蹕凌寒計日歸晚占雲物變晴暉象籠貂篷催供御已有烟

霜拂 禁闈是日立

林南倉

風昔籌邊此聚糧祇今屯衛屬農莊不因較獵過園地那識流

移待發倉遠時屯糧遺址久為民居今撥諸旗耕牧

宿煙郊何戶曹元英來朝賦贈

匹馬朝回落日曛一樽總共即離群短衣射虎他年約前過漁

陽更憶君何戶曹攜雞黍見過他日出沈啓南山水橫幅示我云是夕從荒庵得之信翰墨有緣耶

贈同行陸舍人菜

紅藥聯吟記晚朝即揮金策共行鑣銃歌用不翻朱鷺樂府新

添望海潮陸過橫山和郝詞有磯如采石水似巖灘之句彷彿宋人

張舍人鵷

宿昔凌雲賦子虛上林今日從金輿遠山如黛燒椽燭洗硯焚

香注起居張所著從行日記類悉

帳房隨筆存十六首

木城南面 御林高飛鞚絕停 聖體勞日夕寒生猶露坐烟

光欲上袞龍袍日暮啟奏月高始退

一箸紅乳鹿脯香更綠消渴試瓊漿也知 天子憐臣朔親賜

神仙服食方御榻東偏稍下設一帳房夜深入直賜餅 賜茶每叨 異數

寶篆初更便速携黃封一字印層縑木紋細直愁風裂宇合金

玉潤紫泥時新製木寶函封識止用清書不着年月

勒馬環聽 上諭宣諸旗約束並森然莖蔬勺水嚴三令莫向

民間損一錢諭旨極嚴或取村中東薪遇選者輒棄不敢視

告密無端得進呈手持黃紙認僉名草茅也識登聞鼓 萬歲

親裁勅部行紛告訐上有親折其妄者按之果屬子虛

幼直形闡染御香夜深傳取六曹章外人那得知名姓身似紅

雲捧玉皇侍臣夜出取本或傳詰學士以下皆共聽

身隨豹尾屬期門貂錦多年拜 主恩肘後只疑金印重尺綃

懸腕累創痕圍場墜馬者多懸臂于頂

綠鞵擊臂羨鷹師玉爪金眸異姿暫緩凌霄封郡勅五城移

帖覓松兜獵後雀鷹一架名松兜兵馬司張示購之

不施金鎖綴繁纓牽出韓盧逐隊行白鵲青鷗三十六圍場一

一聽呼名獵犬有下負主之更番勞遠計三十六條

馬上橫擔草果筐海榴紅綻 御梨黃勻圓萬顆休輕折揀選

封題屬尚方人携西筐覆以密葉行者皆為讓道

獸炭桃紋起瑞烟 天厨只在網城邊銀絲細膾灤河鯽薄暮

回宮促進鮮灤鯽出偏涼汀者紅鱗味最勝

丁：銀銀箭鼓擊：漏刺香添驗立冬不用西洋傳水法種車

猶載自鳴鐘更漏以香為驗

行在相傳物價平，潛開小市傍。
天營金吾莫禁，新豐夜卮酒。

三錢賣徹明。晚間不可得酒更深帳外見一燈往來注之群社

賜來寶炬對銀蟾，紅本全翻手自鈐。
細把米朝封事看，黃綾重

裹綠頭答。滿字書綠頭牌子口奏用代章疏

上方服物護璣瑜，雲錦千盤鳥道紆。
多少軍容環御座，一雙

金槊正前驅。乘輿所過堙山填谷門鎗前導無敢越者

曾聞執戟賦甘泉，又見長楊扈蹕年。
欲做虞箴慚獻納，不教班

管漫流傳。

扶輪承蓋憂玉縱，金岐陽石鼓之音自非纖。
響其規頌虞尤

得管筆之體當亟梓以鳴風會之盛。項錫肩識

摘事會新抒詞必典可備實錄所未載，真杜陵詩史也。丁彭識

以宮體而注起居奮筆花而徵羽獵把袖龍標拍肩摩詰鳳

池絕調不獨推賈舍人矣。紀昀識



柒輯 28-222

〔清〕賀振能撰

窺園稿六卷

清康熙刻本

序

穎園稿序

李太泌曰詩文厭剽襲則流而為響其喜響字句流而為杜撰近且摻入方言里語俳調俚詞自詭為四換一新而不覺狂魔據

任序一

其心胸事文之不能行遠乎大有力者能出而掃除更新其義為以多讀書少應酬為第一義余嘗執此問世而難其人也左屈指十年以來三詣京師兩

居里門閩人多矣而僅得之賀子遂憐不傷旨遂憐生因里遂憐先余舉於鄉其時維治公身空固儼然以子林自命需次計信不得志於有司然狂情綜該

任序二

覽多倦色明徽伊始譽紫方新羞映數名者其熠熠而爭鬪備之角惟高卧名園洗竹灌花簡應對謝獻酬踟躕壁篝燈宵短吟飭所能以占二三同志相唱

酬墨花淫滄淋漓于石痕蒼藓
澗水出而鼓名山之履長歌短詠
君往實得法風在懷明月在袖
則茲集可致也矣家河朔人文
之盛自建安以來亦浸、身息

任序三

參蓬仙崛起當代具嗣宗之環
崑崙幻興之風節真情爛熳逆
致酣暢想其習次且嘆且啼且
傲且快且憐且隱而縱遊神於
時局荒枯之外謂非卷於讀書

且之餘者身之元美与存于麟同
在西署手抄史記久選各一部裝
觴抽讀以記原為崇罰即大必批
閱周禮及南北史皆有小徵錄他
經傳稿是萃珠為淵核玉成團

任序四

以今況古夫亦何多謙焉抑閱
之淵明靈運同為晉室勳臣之
裔而一則浮沉禪代裝爵席紫
晚乃自海而歸止秦帝之鏡
一則冥鴻鼎革之間易紀之以

甲子維寄懷沉酒而德輝弥上
 骨不朽之業不僅受成于三寸筆
 端參道仙固世胄也教業金匱久
 已清白傳家而迺祖景瞻先生之
 大節後炳焯典冊遂仙以類後開


任序五

敏之姿使出至寸以表見于世何不可
 性疏通顯而待書林望為將焉
 每一晤對使人名利之心頓忘烟火
 之欲盡自然留清文卷遂仙身遂
 仙重清久身者猶於斯集焉卜之

系照二十七稔歲次戊辰初伏
 日郁庵年家社耆弟任璠
 題於東園之綠筠軒



任序六



窺園稿序

詩有別才非關學也恐無
學亦不足以充其才詩有
別致非關理也恐無理亦
不足以標其致蓬仙才揮

郭序一

八極學富二酉致則驚鴻
游龍也理則繭絲牛毛也
課業之餘寄興風雅字驅
奧窅語屑琳瑯信手拈來
超超立著綠四德俱備故

雞群鶴立耳余逐客幽居
時遭山鬼挪揄壘塊難銷
憤懣欲絕得其藁讀之恍
若清風襲袂皓月窺簾韻
趣撩人覺感慨歔歔蕩然

郭序二

如掃知作詩抒懷尚有敲
琢之苦讀他人之錦制流
連不已其抒懷更暢也余
昔嘗有里言焉郢今珠玉
在側覺我形穢當付之丙

丁矣

辛丑莫春十有四日一蠹

老人郭獻吉拜手題於

袖哦齋

郭序三

自序



蓋聞諸翁州君子得其志則精
渙而為功不得其志則精斂而
為言顧所謂言者立而不朽為
世重輕類高文典冊如金華殿

自序一

中語耳若夫窮愁所著感身名
於遲暮則辭只寫憂懷世路之
嶮巇則歌恒代哭又何當作述
之林哉雖然鳥春而聲蟲秋而
響曾於時何增損而鳥與蟲不

自已謂其中皆有所不平而然者韓子之言是耶非耶振能早年學道無聞因稍稍習弄鉛槧以爲有君子之業焉然而制義窮年不竟其效復不甘於俗而

自序二

信好古文辭以逮有韻之言到今頭毛種種嗜籍不衰觸境會心輒形篇咏故昂臧七尺坎壈半生一切富貴歡樂之事於分旣左于願亦違而潦倒風塵婁

涼丘壑所恃以豁幽憂銷其磊塊於匏懸懸伏之間者則良藉爾也又平時楮墨狼藉不自珍愛檢散哀零文纔數萬因剗剔之便效顰災梨言之無文何期

自序三

行遠意或有幽尋靜觀者焉春晨秋夕携斗酒雙柑於雨中燈下偶一披覽覺芳樹綿蠻寒原嘒唧有可以砭俗耳而當鼓吹者識苦心于瓢中云爾

丁卯中秋眉生賀振能題於窺園之會心處



自序四

窺園稿

前卷 詩目

五言律

有懷

臺城道中

春夜感懷

亦園漫興

過萬子齋

窺園稿

五律

百岩寺

百岩寄用九年丈

郊行

村居

新鄉路

冬仲壽顧孟宛學博

守歲

歸鞭

窺園稿

比干廟和匡侯道臺韻二首

初度日別墅聞兵

駱駝灣雨

齋中漫興

代壽臺撫軍

飲蓼航大史園亭

大隱園產芝

冬日郊行

二

五律

贈尹玄陽道者

栢鄉道中

清化道中

再過懷慶道中

窺園

壽吳太公恂翁先生

荒旱

壽某邑丞

窺園稿

青霞閣漫興

北都燈夕

村中訪友

病臥山村送族兄克承

客中曉出

再過崇興寺

秋別

清明日北都

三

五律

豐樂鎮

百門泉

貽姬人

清化鎮

東庄園

時可卜築西隣二首

贈吳五厓學憲

窺園

秋齋

明浴藩陵寢廢爲僧寺感賦

和任太史東園新晴二首

代題熊母張孺人苦節榮壽卷

再過百門

村居

孫節婦詩

江夏晤桐野二首

鏡園稿

四

五律

贈傅德安繡水

荊州東湖

贈盧江陵

歸次襄陽

辛未南歸

郭親家庵成

題月

秋茉莉

新吾呂先生裔孫孟善年丈言有祠在其邑

并示諸人憑吊之什

懷禮山二首

周顯承先生齋

感懷

村居感懷

早

蘇子筠勺園二首

鏡園稿

五

五律

贈景文巖

山莊招爾純遊白雲寺

定波和尚連理杖

有感示友人

石琴

時可送秋海棠

窺園稿

河北賀振能蓮仙著

高安劉 惠靜屏

平丘彭昌齡鶴庵 評

詩集 五律

有懷

不聽屐聲久。西風老徑苦。相思新夢後。音信舊鴻來。
野水郊常合。秋雲晚弗開。論文當日地。清閣冷殘杯。

窺園稿

臺城道中

橋色臺城路。天涯一劍還。旅愁新白髮。客夢舊青山。
得句風塵老。經春花鳥閒。近家勤屈指。明月印前灣。

春夜感懷

習靜空齋迥。胡然感慨多。春風傷白髮。新歲發青蘿。
世亂慚杯酒。詩成引泣歌。壯心彈夜劍。晴月滿銀河。

亦園漫興

小圃違城市。幽居興自閒。花時貧復飲。詩帙病猶刪。

摩詰

襟抱何等

于鱗佳句

中唐稿

直鈔

踈雨庭前樹。晴雲樓外山。漫愁生事拙。只此遂癡頑。

過萬子齋

俱是窮途客。相逢話欲長。禪心今漸了。空事長猶忙。
病久詩全拙。情多酒易狂。清樽堪解脫。應與破愁腸。

百岩寺

避喧依勝跡。信宿對僧幃。寺冷雲藏閣。山高月戀窻。
野泉秋更響。遠磬夜初樅。莫問安禪意。龍魔舊已降。

百岩寄用九年丈

窺園稿

掃石晴霞裏。巉巖覺磬聲。林光通日靜。山色向秋明。

僧老雲相識。人閒鳥不驚。懷君方得句。落葉度風輕。

郊行

落葉荒城外。危橋下馬行。林空蕭寺出。溪冷白鷗驚。
不厭歸雲懶。溪憐淡月生。病回甘遂拙。無句譜幽情。

村居

桑田雖十畝。棲托未云閒。詩興秋能發。愁懷老不刪。
無才酬未俗。有夢到溪山。所賴殘經史。相思見古顏。

老氣橫

沈州

沈州

沈州

沈州

沈州

沈州

少陵集
中語

精嚴
五六健
舉

領野夕
是相生
故不嫌
夜寫景
而情在
其中
味更精

新鄉路

惆○悵○新○鄉○路○荒○荒○對○古○津○浮○生○空○聚○散○何○處○絕○風○塵○
獨○樹○看○人○老○斜○陽○閱○世○新○息○機○吾○未○遂○安○敢○咲○蹄○輪○

冬仲壽頌孟宛學博

莫○言○樓○冷○署○為○國○育○才○賢○設○帳○春○風○裏○談○經○瑞○雪○前○
祥○回○天○統○月○福○介○海○籌○年○眉○酒○諸○生○賦○菁○莪○更○幾○篇○

守歲

爆○竹○遙○驚○處○孤○燈○未○可○眠○乾○坤○留○病○客○風○雪○逼○殘○年○

窺園稿

三

歸鞭

珍○重○杯○中○物○推○敲○醉○後○篇○明○朝○四○十○九○非○是○總○堪○憐○
百○里○山○原○外○歸○鞭○暮○雨○橫○草○溪○忘○路○滑○風○勁○惜○衣○輕○
生○事○秋○還○薄○人○情○晚○足○驚○頭○毛○種○種○日○何○計○謝○勞○征○

比于廟和匡侯道臺韻

太○師○千○載○著○廟○貌○此○中○存○草○木○霜○前○色○山○川○日○暮○痕○
雲○迷○毫○社○路○風○急○牧○宮○門○一○片○殷○天○月○常○留○釜○烈○魂○

二

莊嚴因
煉辭吉
多有

更出局
作遠慨

字字感
慨字字
而平怨
而不怨
詩人之

道

桂陵小
樣

語傳

行○邁○吊○今○古○獨○有○草○長○萋○牧○野○看○炮○烙○盟○津○聽○鼓○鼙○
乾○坤○空○廟○貌○風○雨○尚○虹○霓○竟○烈○士○千○秋○志○荒○原○一○鳥○啼○

三

世○變○孤○墳○在○相○尋○百○感○生○高○原○留○日○色○大○野○度○秋○聲○
馬○放○林○光○寂○麟○眠○石○貌○清○漫○嗟○殷○室○燬○何○處○問○周○京○

初度日別墅聞兵

四○十○吾○方○至○干○戈○幾○度○周○如○何○廊○廟○筭○偏○作○閭○閻○愁○
漂○泊○悲○雙○鬢○征○輪○竭○晚○晴○太○平○容○再○見○投○老○伴○沙○鷗○

窺園稿

四

駱駝灣雨

歸○路○臨○河○曲○踏○沙○帶○雨○行○扁○舟○漁○子○興○百○畝○野○人○情○
樹○遠○烟○舍○白○岡○迴○濕○照○明○時○危○厓○車○馬○久○信○綠○篔○簹○

齋中漫興

小○閣○藏○書○滿○生○涯○老○蠹○啣○三○春○餘○酒○債○一○病○塵○花○時○
底○事○禪○中○覺○新○詩○象○外○奇○漫○矜○肥○更○瘦○只○自○任○狂○癡○

代壽道撫軍

典○朝○推○福○耀○中○主○快○承○休○嵩○嶽○勳○名○峻○黃○河○惜○澤○流○

肩觴開萬姓○海屋貯千籌○社稷昇平日○群歌燕喜疾○

飲夢航太史園亭

舊仰鄴侯宅○今過太史家○幽泉漱危石○邃閣遶名花○

下士楊管滿○論文酒更賒○歸心載德意○魂夢傍烟霞○

大隱園產芝

如意飛仙掌○人間鍾秀芝○丹書瓊瑞草○青史艷銅池○

世德栽培遠○舍元造化奇○應將陪玉樹○長發謝公墀○

冬日郊行

窺園稿

五

惺然

結溪厚

寒歲催人事○郊行未是閒○凍雲迷雪嶺○霜樹列冰灣○

日月荒榛後○乾坤蕭殺間○吾廬薪火在○歸去掩柴關○

地志等

贈尹玄陽道者

吾讀列仙傳○怪奇多似翁○何緣早日用○迺爾鑿天聰○

常以氣爲飯○能驅鬼若童○他年身就服○當叩赤松風○

與夏雲

栢鄉道中

薄暮丹林路○秋聲送客過○遙山環野澗○近水覆雲多○

雨○積○愁○新○漲○鯉○飛○惜○晚○禾○離○家○知○未○遠○無○奈○旅○情○何○

是其性
非言其
似也

清化道中
古道傳清化○丹林秋色勻○波光漾旅舍○竹影度商輪○

側通是
解人難

動人
處婉婉

蕭然自
遠

客夢山河舊○浮雲歲月新○石橋餘酒肆○且莫問前津○

窺園稿

六

修整
三四錯

三四錯

丘整容開帙○風塵任掩蓬○蕭然窮達外○敢謂古人同○

安
神似文

寒
東鮑之

壽吳太公恂翁先生
五厓學憲尊人

令譽推仁者○清修合駐顏○鳳毛丹闕近○鴻影白雲閒○

夢隔礪溪隱○詩傳洛社刪○中原一樽酒○嵩嶽指南山○

安

荒早 壬戌

薄海真成一○胡然喪亂臻○訛言生早魃○赤野散流民○

經戰三年後○拋荒百畝春○繪圖何處達○有恨泣蒼旻○

壽某邑丞

花○殺○神○仙○客○風○流○贊○府○逢○壯○心○聊○涉○筆○高○韻○自○哦○松○
萬○姓○眉○顰○故○千○籌○海○屋○重○清○源○推○骨○相○列○岳○看○褒○封○

青霞閣漫興

高○閣○依○林○壑○超○然○意○不○群○登○臨○時○寄○傲○風○雨○坐○論○文○
小○酌○酌○明○月○清○歌○駐○白○雲○有○時○吟○句○好○未○許○世○人○聞○

北都燈夕

正○是○元○宵○處○公○車○吾○更○來○燈○花○驚○歲○月○劍○氣○引○風○雷○
青○鬢○春○前○影○新○詩○客○裏○杯○此○時○憑○一○醉○忘○却○滯○燕○臺○

窺園稿

七

村中訪友

訪○客○西○郊○去○悠○然○入○茂○林○荒○邨○無○潤○屋○野○老○自○恒○心○
喜○我○來○非○約○知○君○室○有○琴○歸○途○莫○遠○別○暝○色○下○溪○森○

病臥山村送族兄克承

驅○寒○青○山○足○相○看○意○自○慙○西○來○新○雨○歇○南○望○別○途○分○
一○水○潑○孤○廟○千○峯○掛○濕○雲○平○安○持○兩○字○為○報○北○堂○聞○

客中曉出

匹○馬○西○風○下○控○鞭○度○曉○威○霜○華○依○宿○芥○曙○色○上○征○衣○

運經語
穩而雅
見身分

青

青

天○際○孤○村○小○雲○邊○鴈○字○稀○新○詩○偏○旅○思○轉○咲○錦○囊○肥○

再過崇興寺

久○別○崇○興○寺○還○來○躡○舊○蹤○徑○荒○跡○欲○古○樹○老○幹○猶○恭○
僧○語○人○天○側○風○閉○朝○暮○鐘○修○真○緣○未○果○向○此○媿○塵○容○

秋別

歸○路○夕○陽○滿○霜○林○欲○盡○時○西○風○吹○別○淚○北○馬○度○秋○思○
曠○野○嘶○班○馬○空○天○結○露○絲○浮○雲○回○首○外○孤○月○冷○幽○期○

清明日北都

窺園稿

八

莊

豐樂鎮

帝○里○清○明○日○金○臺○一○劍○臨○和○風○開○上○苑○春○色○動○高○吟○
學○問○千○秋○業○功○名○四○海○心○曉○鶯○何○處○聽○翹○首○五○雲○深○

百門泉

單○車○重○到○此○孤○劍○引○悲○歌○路○遠○經○春○樹○村○荒○帶○石○河○
近○家○風○漸○暖○倦○榻○夢○偏○多○旅○思○懸○新○月○推○窻○映○薜○蘿○
幾○酌○嶽○泉○水○今○來○漸○白○頭○風○塵○銷○歲○月○魂○夢○慙○林○丘○
山○色○初○憐○霽○濤○聲○晚○覺○秋○濯○纓○聊○有○意○非○獨○事○清○流○

五六林
集中造

頤聯情
景語却
酒淡

貽姬人自都門

此別知非遠何堪日漸稠信來疑謫疾夢去只增愁
密約懸秋月微吟慰白頭鍾情原世世莫恨暫相侑

清化鎮

十載風塵道丹林照客顏雲光朝拂水日氣晚含山
列市紅粧盡驅車白髮還總餘今昔恨迷夢隔潺湲

東庄園

久冷羈市井破冗野園開蚊鳴閉亭草蝸書冷砌苔

鏡園稿

九

朴老

餘生留百祀乘興且三杯况值風光好清軒舊月來

時可卜築西隣

聞道同心客新齋起近阜從茲風雨夕無復夢魂勞
酒熟相過便詩成迭和高荒園疎竹下日日聽離騷

二

誰築荒園側居然觀大儒君才良不偶吾德豈應孤
月色堪來賞花時莫厭呼墻東雖避世念爾素心夫

贈吳五庄學憲

中土思模範天將夫子過卿雲通紫殿化雨接黃河
八代衰能起千秋盛不磨文章堪報主大業羨君多

辭窺園

幽林無半畝棲托十年還世事愁多故人間惜暫閒
栽花存淨土選石憶溪山小閣陳編在秋溪且閉關

秋齋

荒塗勞悵望高臥引遐思落日懸窓影空齋澹菊枝
且尋三徑樂獨詠五君詩偃蹇風塵外千秋若可私

窺園稿

十

此說

明路藩陵寢廢為僧寺感賦

勝國名藩跡園陵入亂山草留翁仲席鐘鎖梵王關
風雨秋聲大松楸暮色閒興亡餘冷泪向此倍潛潛

奉和任太史東園新晴

寒暄驚物態風雅賴吾曹把臂林中意高吟興轉豪
浹旬傷晝晦霽色破牢騷日射窓光靜天開樹影高

二

共愛新晴好名園聚一歡嵐光開席近雲影落杯寬

能新
越然而

頓覺天容闢寧辭容興拂夕陽富松竹應慰

代題熊母張孺人苦節榮壽卷

烈節珍青史何堪歷苦辛和九心不轉吊影泪長新
夜績分書燭朝炊拂甌塵天香開玉樹翠綠慰萱春

窺園稿

十一

窺園稿 甲子後集

河北蓬仙賀振能眉生著

武進玉淵蔣 鏡

評閱

襄城禮山李來章

詩集 五言律

再過百門

神味冷
逸真不
可及

聽泉會幾度華髮咲重遊峯淡還啼鳥波晴欲試舟
山川風不改孫仰趣長留莫負白雲去題詩更倚樓

窺園稿

十一

村居

畫來清
標高

自入荒邨後孤燈夜每闌家貧甘晚食事少覺清歡
霜樹遙風吼蘿牆碎月寒一編稽古意忘却歲將殘

孫節婦詩

中二聯
語雋情
至結翻
著更奇

聞有水心淑貞風號未亡和九朝濺泪操杆夜摧腸
孤鴈經霜老神駒出隊良千秋銀管在青史賴餘香
有子成名

江夏晤山左徐栩野

復解意
氣豪舉

絕佳

峻明滿
灑不愧
古人

雅秀之
瀛

鄂渚逢君暮。飛花度容艇。同聲黃鳥和。高韻碧雲懸。
風雨長吟後。江湖短飲前。吾人慚康樂。不共長瑜還。
徐君在官幕。意頗辭贊。

其二

黃鶴樓頭月。來看一度新。江天連客夢。楚市識陽春。
老惜人同調。窮慚德比隣。梅花留玉管。借訪白雲津。

贈傅德安繡水

中原懷世講。此地又登龍。露滿江湖地。春溪桃李封。

窺園稿

十三

黃堂孺子。楊白兆。謫仙踪。最愛喬柯近。鶯聲處處難。
白兆山在德安西。南太白讀書處。

荆州東湖

荆楚多名澤。東湖亦大川。波光看無地。棹影動連天。
風正舟方穩。雲流客自眠。從來饒遠興。疑傍斗牛還。

贈盧江陵簡心年丈

才子中原客。循良盛世官。雉馴新麥隴。虎渡舊河干。
江國青雲路。郢州白雲堦。天涯老兄弟。重見續清歡。

雅直溪
秀此格
時流已
無解者

頌賦而
雅頌比
而逸

起得俊
亮
頌義溪
正

領義是
詩人當
家處
結更奇
趣

辛未南歸道中

歸次襄陽
來時春正好。花發渡襄陽。歸去襄陽渡。風吹野水荒。
河聲連兩急。山翠撲孤涼。未敢題秋思。鄉書隔鴈行。

駝臣親家庵成

蹉跎春又暮。裘敝且言還。燕市花前淚。盟臺夢裏山。
摩霄孤鶴冷。戀渚碧雲閒。劔拂奎文好。休驚兩鬢斑。

窺園稿

十四

戶閉寧時態。詩裁見古情。我來留片榻。共喚晚雲輕。
題月分韻
何年飛一鏡。秋至轉相思。愛客雲開曉。催詩影向巵。

秋茉莉

炎葩推茉莉。待爽此方開。自厭逢時態。寧愁晚節催。
光留兩谷氣。香奪微垣。茲秋醉因君。早黃花作續杯。

秋茉莉

余昔讀新吾呂先生呻吟語。到今奉為模楷。壬

為雅極

申秋晤其裔孫孟善年丈言先生有祠在其
邑并示諸人悲吊之什走筆附數語於冊
聞有遺祠在巖然故土存一區傳俎豆斯道永乾坤
我亦呻吟者長懷典策尊何時展一拜清夢欲駿奔

秋日懷禮山

公車星散後數載隔樵漁燕市花前淚嵩陽月下釀
羊裘堅野夢牛角倚殘書轉憶秋來髮霜華點舊梳

其二

窺園稿

十五

與致思
調沉雅
幽博自
應千古

判袂無消息停雲望際浮乾坤私爾業丘壑寄懷愁
漢史清樽夜吳鈞白髮秋兼葭新露滿有夢識滄洲

壬中嘉平宿周顯承先生高齋小作

字斟句
酌爐鑪
何等

周公昔傲吏林臥識幽衷客僅談詩到囊先買藥空
遞世推陶亮通家魏孔融鵬梅香繞座知是傍春風

感懷

雅健真
老

徙倚臨蕭逕春風起舊林滄桑驚世態衣狗任雲心
白髮荒年度青衫冷泪侵樓暹空自歎誰與問孤吟

此豈只
稱圖中
人
結更佳

村居感懷
類年生事迫稼圃遂淹留月滿荒園夜村寒落葉秋
清罇消漢史白髮咲吳鈞世亂甘遲暮奚囊莫貯愁

早

早久郊原寂柴門向野雲老懷畝畝計貧逐馬牛群
好句愁空得高眠夢每紛長林搖落夜翻作兩聲聞

子筠蘇年丈勺園在百泉之隈癸酉夏相携再
過更乞得不時來遊

窺園稿

十六

小閣泉源上相偕問舊蹤快心當一兩縱眼識諸峯
波響疑鸞嘯雲流隔梵鐘更思携石枕清夢付幽淙

其二

知語

別墅蘇門遠主人幸共回危樓懸夕照曲磴繡蒼苔
餘興存秋約無朋尚獨來園丁知姓字花外戶應開

春日贈景文巖 武士工書文

俠士寫
始結句
壯意

佳客乘春到衡門紫氣占風塵依短筇湖海識豐髯
書就龍還跳談溪鳳獨瞻盟心應有在知不棄衰潛

焦泉山莊招爾純遊白雲寺

幾負幽尋興。浮生咲日忙。山村新麥飯。野屋舊藜牀。
寺近雲還繞。峯高夏正涼。窮愁知爾共。相待話空王。

定波和尚連理杖

定老遺筇在。琅玕並蒂懸。根通原不二。情滅故相連。
乞食隨香鉢。驅龍涉大川。高踪千載後。一棒寄宗禪。

有感示友人

今古荒津迥。乾坤此杖藜。辭微麟乃獲。文在鳳誰儀。

窺園稿

七

秀其自任如此

慷慨千秋業。風流兩鬢絲。幽梁懸海月。不必恨臨岐。

石琴

空對雲邊樹。還橫石上琴。三春留閨月。千載寄孤心。
夢憶青山穩。詩傳白髮侵。乾坤今更淺。不敢問知音。

時可社丈每歲逢秋輟承海棠之賜此荅

慰我窮愁處。分香不厭頻。誰知霜節近。翻值露華新。
芳意遲還艷。交情老更親。荒亭伴寂寞。轉憶素心人。

緬懷幽

窺園稿

七言律

夏宰訪君僑孫逸士

寄懷劉葛石丈

王夢航太史謫憲西江以九日行一首

立春日懷子僑年丈

代贈孫開州明府

宜溝驛

窺園稿

七律

雲門道中

亢村道中

九日聞兵同人集城樓分韻

百岩寺

百家岩懷用九

楊司空雪巖年伯留飲豈園

崇興寺

蝨瑞年丈邀集豈園

七夕感懷

南城別墅三首

都門寄懷涓公表祖

演武城

秋口 父母招飲賞桂梨園演黃翠妙

劇

亦園漫興

村居

窺園稿

二

七律

壽夏峯孫先生

傷逝

明谿藩山陵用韻

聞表妹丈疾生急其父兄之難事以昭雪喜

而成詠

贈李璠玉道丈

村晚聞王師林馬鄴下

擬李商隱無題詩四首 有序

宮怨

壽介眉田大忝公祖

秋日雨阻遙壽王資生年尊

尹村王文安公畫石故跡圯湮為愴然賦之

壽坦公馮父母

衛橋百雉關

李章六父母招飲南閣

五日病中

窺園稿

三

七律

飲百泉

穀日西齋海棠早放二首

東林禪院復遇白雲寺如上人

鄴南諸年親走相招人社

冬夜

簡

寄懷施子子用來韻

樓頭

晚秋喜政翁太史暨諸親社丈以東園倡和

詩見示敬和重陽之作

頌庵上人南歸

贈夫隱上人用來韻

秋日養疴小圃夫隱禪丈見顧兼示佳章用

韻

再遊白雲寺二首

午日結釵頭赤靈符用唐人觀妓韻

四

七律

贈別任太史赴都就筵二首

清暉閣有感

百泉憶舊

報國寺晤簡心子交

子交之任祁門

經蠡邑用九明府載酒蘭若

懷禮山

襄陽舟次

登黃鶴樓二首

贈臥衡李公

洪山寺二首

蛇山蘭若

贈萬嗑受

太白樓和傅德安韻四首

贈景玉

紫金寺感懷示景玉

五

七律

登荊州城五首

贈王寧五

荊州襟輿

岳家口

歸泊襄陽

客話京師感作

駝灣寺

道過襄城留別禮山

得君學社丈問

讀禮山集

病承永光先生惠佳刻

壽郡守胡公祖

山村

懷劉遜山二首

村居

八月十五東庄

窺園稿

六

七律

乞人野死

愁

晤張爾純兼承新句二首

初張子未續嚶鳴忽當經變揮泪里言聊見

懷抱二首

聞 詔捐租用韻

坦公馮公監運賑秦

懷季長

村居張子見顧

夫隱禪丈秋日暫還尋仍詣汴二首

時可話爾純近况

贈分防孔將軍千齡

村居感懷

約爾純遊白雲不至

喜爾純至

癸酉重遊白雲寺四首

窺園稿

七

七律

村居感懷

村兩卽事

山莊荅友

霽雨

窺園稿

河北賀振能蓬仙著

高安劉 惠靜屏

平丘彭昌齡鶴庵 評

詩集 七律

夏翠訪君僑孫逸士

君僑孫 逸士 德高人 向聞與 莫逆此

烟水蒼茫近百門。驅車遠訪到溪村。過庭舊訓容三
得抵掌新詩借一樽。病骨風塵愁廓落。雲鴻湖海自

窺園稿

翩翩却憐風昔相思。意幾度曾來是夢魂。

寄懷劉葛石丈

章寫良 聯倦性 解情見子 三四勁 披足贈 舊石語

十年湖海期同調。一旦欣投敢恨遲。意氣共探千古
勝風流未許眾人知。鱗鴻消息春還斷。嵇呂相思夢
轉奇。試望南天成。獨嘯不堪雲樹總迷離。

王蓼航太史請憲西江以九日行

登高候鴈正翩翩。宮允風流使節懸。北闕鳴鐘歸計
日南州雲樹望連天。匡廬翠色禱帷外。章貢秋光彩

詩作者 如林慈 遂絕唱

筆前應為數文勞。柱史餐英莫厭九江邊。

中原幾載問元音。夔裡高山接素琴。自有文章光世
由豈緣湖海念升沈。樵人碧水關秋思。賦別黃花入
苦吟。吾道經綸原不朽。好看雨露遍江潯。

立春日懷子僑年丈

其極淡 舉其音 曠遊

目極停雲天外留。青陽乍啟雪還稠。燕臺春影來新
麥。珂里風流憶舊遊。無那短書從鴈斷。豈應長飲為

窺園稿

魚愁何當共赴看花約。笑指千霄五色浮。

代贈孫開州明府

是滄溟 一葉語

延丘舊路五雲通。鳥影雙鳧下碧空。共指漆園仙吏
蹟。到臨瓠子漢王宮。行車麥秀隨春雨。拂座花深入
曉風。自是循良能化俗。相傳東郭古鴻濛。
邑有盤 古鄉

宜溝驛

十載公車念舊遊。風塵孤劍又宜溝。高原戍鼓傳山
郭。古驛殘碑架石樓。過眼鶯花成浩歎。驚心兵甲暫

確遺系 落

澆留清樽得句逢春脫羈月窺人賦旅愁

雲門道中

廿年類向共城道逐逐山原去不迷村過雲門風乍
冷地通泉脉稻先齊垂楊近拂蓮花水修竹遙分蔓
草蹊下築何人當茂樹小亭午日憺幽栖

亢村道中

鴈陣高天接晚霜村原葉落近重陽人因逋賦稀投
市野爲經兵早滌場古道塵飛荒草木西風日落冷

變圖稿

三

衣裳太平自昔猶常事征戰空聞髮髮蒼

九日聞兵同人集城樓分韻

重陽無酒不成歡城上風高鴈路寒擬向秦關裴已
撤未歸楚澤菊先餐連天兵甲傷心久滿佩茱萸白
眼看漫爲登臨深扣鉢浮雲北望是長安

百歲寺

誰尋仙嶠問還丹山閣登臨覺望寬兩過白雲封紫
岫風來紅葉舞青巒窻懸瀑布逢秋大洞隔蒼烟自

以老此

未語悲
流特甚

高老澤

由出共
郊爲勞
未爲勞
兼中健
美意如
現

復動人

古寒絕頂有人烹石髓試憑蠟屐度于盤

百家巖懷用九

幾年幽夢問卅榭百轉烟嵐入靜谿塔影半留溪樹
外山門正鎖亂峯西詩成坐石秋方晚興到攀雲路
不迷無那懷人勞遠望支筇獨嘯日將低

楊司空雪嵐年伯留飲豈園

司空別墅對高城下榻携遊邁世情檻外名花方帶
露墻邊喬木自遷鶯登臺雲引千峯合向日窻開萬

苑圖稿

四

卷明更愛當軒隔大壑魚龍入夜舞濤聲

崇興寺

西北招提向郭清空門寂寞古苔生山迴雲影朝栖
閣地近鐘聲夜入城久欲泰禪窟正覺恰來行散愛
春晴坐移紅日閒僧話已信人間萬事輕

蠡瑞年丈邀集豈園

曾聞海外訪卅丘公子芳園事事幽逕入杳冥天乍
曉亭園積翠且常秋炮霞迥失人間色林壑真從畫

景大可

妙在栖
入字

未語用
得賢語

句句頌
却不然

詩耶畫
耶

悲壯

裏遊好客無煩投玉轄興來十日為君留

七夕感懷

似有秋聲破晚燭銀河影盡夜初遙乾坤佳事曾何
許風雨人間更此宵潦倒泥塗荒歲月蕭條霜鬢滯
漁樵久拚性拙從吾好巧乞誰家拜雀橋

南城別墅 在新開禪院側

城邊茅屋兩三楹路出東南半里程地道發祥開靜
上人間逃俗倦浮名詩留世外山林氣夢覺窓前風

宛園稿

五

碧然

兩聲獨檢牀書懷古德乾坤寂莫見溪情

二

清泉茂樹帶長堤寂寞蕭齋別有蹊漫信地靈披勝
蹟真將禪悅了塵迷山門待月遲僧話野榻留雲伴
客栖更聽秋原吹籟發悠然萬物靜堪齊

三

幽林長日愛閒行梵宇秋高晚更清幾度塵寰悲計
拙自遊方外覺身輕香臺磬送風聲細野閣燈疎月

初秀

頤語婉
綺始絕

色明開道羅含甘遠宅棲遲便欲了生平

都門寄懷涓公表祖

自別蘇門鴈幾行高賢回首憶恩光功成上國風雲
燦賦就名山歲月長開向漁樵談性命定將花鳥佐
文章青春作客燕臺冷歸夢頻經逸老堂 公有堂名
逸老

演武城 在漳水上

相傳鄴下古神州魏武高臺瞰碧流髣髴千屯排介
馬淒涼一隊引沙鷗詩成月冷誰橫槊歲晚風清客

俯仰今
音慷慨
壯涼却

宛園稿

六

包攝幾
許

弄舟俯仰乾坤身未老浮雲何事入鄉愁

秋日 馮 父母招飲賞桂梨園演黃梁妙

劇

正喜千郊雨露稠幸君開宴見風流聽來仙樂行雲
繞半引天香傍月浮堂上華燈真不夜樽前玉樹漫
知秋當筵未羨盧公夢此日華胥好共遊

亦園漫興

小築荒村數畝疇年來踪跡此中留名花籬下栽還

似唐人
應制作

三四有

賤

少○香○葉○畦○邊○長○已○翻○月○照○高○臺○聊○散○步○風○吹○綠○樹○自○
科○頭○詩○成○不○用○驚○人○句○麋○鹿○沙○陽○好○伴○遊○

村居

幽○居○林○麓○久○安○貧○落○落○真○成○物○外○身○晴○日○庭○花○香○繞○
座○春○光○苑○鳥○語○窺○人○山○迺○未○辦○尋○芳○履○客○散○常○閒○漉○
酒○巾○靜○倚○翠○簾○成○獨○坐○長○吟○非○是○感○風○塵○

壽夏峯先生

平○原○積○雪○正○窮○冬○薄○暮○來○歸○識○夏○峯○雲○老○蘇○門○封○古○

復園稿

月○州○溪○衛○水○臥○神○龍○高○風○欲○失○羊○裘○傳○正○學○真○開○鹿○
洞○宗○莫○向○肩○觴○驚○歲○晚○幾○回○兩○丈○醉○春○濃○

傷逝

招○魂○賦○罷○對○斜○暉○玉○碎○香○銷○淚○濕○衣○方○訝○生○離○成○獨○
恨○渠○知○死○別○永○相○違○溪○春○小○閣○花○爭○謝○芳○草○高○原○露○
早○晞○此○際○夜○臺○如○有○覺○長○宵○清○夢○冀○若○歸○

明潞藩山陵用韻

麒○塵○舊○塚○對○清○秋○風○冷○高○原○起○暮○愁○四○目○河○山○仍○夕○

俗涼悲

佳句

三四春
挂曳
五六

壯

照○二○陵○宮○殿○只○雲○浮○興○亡○久○識○松○楸○老○歲○月○空○悲○雨○
雪○稠○千○古○驪○丘○成○往○事○不○堪○衰○草○度○羊○牛○

乙丑冬日聞表妹丈侯生他石急其父兄之難

北走都門事以昭雪喜而成詠

美○人○騎○馬○北○風○涼○跋○蹠○間○關○去○路○長○秦○塞○白○雲○驚○斷○
雁○箭○門○孤○欲○照○飛○霜○幸○披○旭○日○益○天○賤○遂○感○青○春○黍○
谷○香○百○行○男○兒○推○孝○弟○多○君○紆○難○見○才○良○

贈李瑋玉道丈

宛園稿

八

雅渾
杏亦無
煩妙更
末與更
遠

多○君○瀟○灑○舊○知○音○入○世○能○為○出○世○心○白○首○三○車○功○澹○
漠○青○囊○六○甲○氣○蕭○森○栖○神○會○向○蓮○為○社○濟○衆○何○煩○杏○
作○林○更○訂○遊○僊○他○日○約○溪○山○石○髓○好○同○尋○

村晚聞王師秣馬鄉下

歸○從○林○落○事○躬○耕○漏○遠○邨○荒○賴○月○明○類○歲○流○亡○憂○寇○
盜○何○人○拔○粟○佐○輪○征○霜○風○滿○砌○衾○初○薄○落○葉○當○窓○夢○
每○驚○安○得○王○師○成○無○敵○漳○流○旌○下○即○休○兵○

唐李商隱作無題詩藻麗綺靡或致見薄于大

忠厚
真

凡與之
肯奇義
迷溪解
人當自
得之此
難為蕭
太子言
也四章
真不愧
西昆

雅○然○寄○感○遥○溪○膾○炙○今○古○謝○茂○秦○稱○其○格○新○
意○襟○託○寓○非○一○又○何○訊○焉○溪○春○風○兩○百○緒○粉○
來○偶○爾○摘○詞○音○隨○調○轉○可○發○一○咲○耳○
寂○寞○花○飛○江○上○村○浣○沙○歸○去○鎖○重○門○嬌○雲○夜○冷○留○金○
鴨○膩○玉○春○香○倒○翠○盆○一○自○仙○郎○工○射○雀○只○教○倩○女○愛○
離○魂○傍○人○漫○奏○求○凰○曲○肯○把○雙○珠○易○舊○恩○

和○泪○聽○更○漏○頻○移○東○風○乍○轉○夜○凄○凄○燈○花○慣○對○相○思○

窺園稿

九

落○鴈○影○翻○將○密○約○遲○夢○裏○青○山○知○有○路○春○來○綠○鬢○漸○
成○絲○愁○心○難○共○人○間○說○小○苑○焚○香○月○滿○墀○

三

藍○橋○東○望○碧○雲○斜○路○入○紅○樓○小○玉○家○翠○幙○孤○眠○宵○覺○
冷○珠○簾○靜○掩○畫○偏○餘○每○因○破○夢○憎○啼○鳥○可○是○傷○春○為○
落○花○坐○對○雕○欄○楊○柳○色○看○風○吹○絮○到○天○涯○

四

錦○瑟○新○聲○學○未○工○阿○瓊○香○閣○鳳○城○東○溪○簾○細○印○梨○花○

音百流
擬義悉
婉暢亦
西昆體
也
自許非
常

月○孤○枕○遥○驚○楊○柳○風○夢○破○脂○粉○春○寒○遠○燈○寒○琥珀○夜○
樽○空○都○來○魚○鴈○沈○消○息○汨○染○綵○綉○勝○落○紅○

宮怨

梧○桐○微○雨○夜○方○收○統○扇○西○宮○掩○素○秋○瑪○瑙○雲○鬆○酣○乍○
覺○蝦○鬚○月○冷○夢○難○留○靈○臺○芳○草○經○辭○葦○太○液○恩○波○悔○
盪○舟○誰○信○生○平○心○一○片○當○熊○不○讓○古○風○流○

壽介眉田大恭公祖

河○朔○蕃○宣○古○壯○觀○褰○帷○玉○節○照○春○寒○天○開○行○嶺○風○雲○

窺園稿

十

大○地○接○黃○流○兩○露○寬○報○國○自○拚○星○入○鬢○引○年○爭○信○黍○
為○丹○啣○恩○共○上○南○山○頌○銀○管○勲○名○萬○載○看○

秋日雨阻遥壽王資生年尊

欲○從○秋○水○問○高○賢○積○雨○連○郊○溯○莫○前○梁○月○風○光○新○入○
琴○玉○壺○心○事○舊○忘○年○傳○來○碧○海○籌○增○日○正○值○金○鷄○桂○
影○天○擬○介○一○樽○空○極○望○徘徊○遠○鴈○暮○雲○邊○

王文安公舊有畫石在尹村古驛中余公車往
返必就觀焉今乙丑更經其下而故跡已湮

清蒼澹
宕無隄
低徊

館垣改作不可復識矣為愴然賦之
當年太史畫蒼山古壁雲根照客顏
影幾回風雨動塵寰升沉底事滄桑後
墨閉却怪天驚頗飛去斷魂渡海夢烟鬢

詩 父母

漢家伯史號神明花縣驚傳製錦聲
兩千年保障美成城秋高南極卿雲燦
露橫史管留芳他日事御屏今已豔題名
時為君獲改瓶瓶城

窺園稿

士

雄壯包
括

瀟灑流
動

衛橋百雉關

衛水洪橋接大空關門遙瞰晚天虹
郭山拔雲開大國風古磬自沈先聖閣
王宮登臨莫訊匡時策富教從來蠹簡中
內存藩址

李章六父母招飲南園

乘興空原秋氣清登臨携手益初傾
下高閣風微片塵輕望處青郊連雨色
歌聲莫愁醉去歸途滑露晷看君跨馬行

五日病中

艾葉萋蒲媚酒卮薰風近是立梅時
遠病久偏宜藥餌隨底事無端荒鶴夢
新詩可憐瘦骨空如許漫向家人覓五絲

飲百泉

渺渺剡波接太虛風塵寥落漫停車
盡酒與偏將百感餘自號醉翁傷獨醒
無魚臨流已信升沉事莫就屠尹更卜居

窺園稿

士

領處怡
然不盡

記言獻
瑤固是
俗物五
寫爭先
文成榮
柏如此
另開手
展寫蓮
奇思使
早放意
若遠若
延不著
應淫解
之者庶
期義山
玉明伯

救日西齋海棠早放

分得蓬萊敲笛春風流獨占歲華新
日幻出朝陽被酒身艷質自班高士
方隣人間舊負憐香約聘向寒梅不厭貧

誰折珊瑚倚翠茵

誰折珊瑚倚翠茵綠雲紅雨冠芳辰
在候並嘉承瑞色勾西府舊傳香絕代
驚人風流不共桃花夢腸斷漁郎漫問津

余舊遊白雲寺友如上人及今廿餘載復相見

於東林禪院修法事也喜而賦之

漂○泊○風○塵○二○十○年○行○踪○遞○斷○白○雲○邊○相○思○不○淺○三○秋○
興○把○臂○今○憐○半○日○閒○入○座○經○聲○清○風○障○開○壇○花○影○散○
諸○天○夕○陽○轉○覺○鐘○冷○彷彿○松○門○舊○叩○禪○

鄒南諸年親交相招入社余象變屬約特以郵

名○流○佳○會○久○成○期○講○德○論○文○總○故○知○地○接○由○旬○通○楚○
早○時○驚○桂○萼○報○書○遲○誰○緣○意○襟○辭○康○樂○自○識○風○高○傍○

窺園稿

三

紫芝念我過從勞命駕教憑雙鯉慰相思

冬夜

小○閣○擁○爐○月○漸○多○霜○風○颭○颭○庭○柯○平○生○性○癖○耽○黃○
卷○晚○歲○窮○愁○仗○濁○醅○鏡○裏○星○光○雙○鬢○冷○窻○中○梅○影○暗○
香○過○怕○鳴○孤○鉢○增○幽○怨○漫○和○離○騷○一○放○歌○

竹

玉○露○初○涼○未○可○眠○推○窻○清○影○獨○娟○娟○偶○來○此○夕○掃○新○
月○曾○向○人○間○紀○古○年○有○節○一○生○甘○信○直○無○心○到○處○自○

有身世 蓬蓬意 却不然 領職之 呼應味 誰對此 漸到則

猶人矣 未暗用 成語亦 得

成○圓○久○絳○性○拙○終○違○俗○對○子○空○齋○了○太○玄○

寄懷施子用來韻子楚人時將秦中

別○去○誰○傳○風○馬○牛○天○涯○一○劍○自○風○流○思○君○白○雪○沉○鄂○
市○慰○我○梅○花○不○隴○頭○北○道○山○川○封○客○淚○南○天○雲○樹○接○
春○愁○由○來○為○將○關○西○重○投○筆○功○名○尚○可○求○

樓頭時在汝南

危○樓○片○榻○對○窻○懸○窻○外○浮○雲○照○客○眠○五○夜○聞○鷄○鞭○未○
着○十○年○字○女○卦○空○傳○湘○川○雷○雨○波○提○峽○蜀○棧○風○烟○路○

窺園稿

古

上天不信虞翻知已絕乾坤極望轉凄然

晚秋喜政翁太史暨諸親社丈以東園倡和詩

見示敬和重陽之作

似介州 五子諸 篇

空○齋○把○菊○日○將○照○佳○興○龍○山○自○遠○聞○信○有○德○星○關○紫○
氣○可○知○文○酒○傍○青○雲○江○湖○舊○任○荷○衣○老○風○雨○誰○憐○劍○
影○分○恰○羨○柴○蕝○傳○好○句○百○用○惠○我○慰○離○群○

頊庵上人南歸

偶○尋○香○蕊○到○孤○城○玉○塵○升○壇○四○座○傾○塵○海○津○梁○飛○片○

音首在
中盛同

色○橫○別○後○相○思○悲○遠○愛○魂○隨○飛○錫○續○淡○盟○

贈夫隱上人用水韻

遠暈北
地近則
聖洋

久○慚○綺○語○賦○彫○章○此○日○真○承○百○寶○光○象○外○詩○成○金○乍○
擲○中○邊○法○演○蜜○初○嘗○石○牀○舊○夢○降○龍○錚○錚○杖○偏○窺○避○
世○墻○好○得○飯○依○叅○正○覺○滿○滿○花○雨○待○相○羊○

秋日養病小圃夫隱禪丈見顧兼示佳章用韻

年○來○詩○思○總○悲○秋○方○外○欣○逢○石○室○儔○白○水○禪○心○留○印○

窺園稿

五

發疑

月○浮○雲○世○事○見○虛○舟○文○殊○問○疾○言○三○昧○婆○塞○傳○經○慚○
靜○修○莫○向○虎○溪○論○遠○近○獻○花○常○待○小○齋○頭○

再遊白雲寺

毛嬌却
扇粉黛
無色五
六之謂
也

上○方○曇○影○舊○氣○氤○氳○無○恙○重○來○廿○載○分○化○雨○自○臨○清○梵○
落○松○風○還○倚○暮○鐘○聞○山○門○夜○靜○僧○敲○月○野○閣○春○溪○客○
伴○雲○我○欲○隨○緣○成○解○脫○千○峯○何○處○問○麋○群○

起處軒

憶○昔○登○臨○是○少○年○驅○車○重○問○翠○微○天○穿○林○風○送○山○山○

詩餘然
以遠

兩○掃○石○雲○棠○處○處○燈○影○一○龕○清○客○夢○禪○心○片○似○破○
塵○緣○蒼○顏○未○了○人○間○業○慙○愧○松○陰○半○日○眠○

午日結釵頭赤靈符

用唐人觀妓韻鄰社拈題

蒲○樽○艾○葉○照○窻○紗○更○整○靈○符○感○歲○華○故○事○原○同○雙○臂○
縷○新○粧○應○代○一○枝○花○怨○忽○向○曉○纏○釵○惹○妮○轉○臨○風○拂○
鬢○斜○却○咲○太○平○傳○舊○俗○無○端○兵○辟○漫○家○家○

贈別任其茨太史赴都就館二首

清○樽○玉○塵○太○行○傍○才○子○襜○帷○望○帝○鄉○一○片○征○旂○憐○日○

窺園稿

去

雜文淺

影○幾○人○佳○句○向○河○梁○萱○闈○雲○送○斑○斕○色○薇○省○天○開○雨○
露○光○老○我○江○湖○航○靜○臥○從○今○飛○夢○近○長○楊○

二

類○年○綵○筆○侍○東○園○已○信○絲○綸○待○細○論○共○指○五○雲○連○魏○
闕○乍○分○雙○劍○隔○衡○門○文○章○金○馬○能○經○國○身○世○江○湖○漫○
立○言○却○羨○長○卿○逢○漢○室○好○憑○詞○賦○荅○新○恩○

窺園稿 甲子後集

河北盟樵賀振能蓮仙著

鄒南具茨任 璿

評閱

吳江適園顧施禎

詩集 七言律

清暉閣有感 閣在蘇門百泉試院旁

樓上波光拂檻勻 紛紛軒蓋傍遙津 升沉乍變浮雲影 去住翻憐逝水濱 一白垂綸甘雨雪 更誰歸歛怨

窺園稿

七

風塵滌浹舊識滄洲趣 莫嘆霜華兩鬢新

百泉憶用九

美人曾此話滄洲 又傍雲山碧水頭 白髮乍驚川上坐 紅塵聊放畫中遊 窩留花影驚時晚 臺隱鷺聲滯客愁 不見當時狂太白 興來誰與弄扁舟

報國寺晤簡心子交時諸公方謁選

驅車千里念重遊 蕭寺逢君豁旅愁 帝里雲霞春五色 鷄壇風雨夢三秋 多君指日來朱戟 慚我窮途

蒯縠見說循良與漢室 為霖遺典慰滄洲

送子交之任祁門

專城百里過江開 才子新承漢罷回 落日幾人懸竹馬 薰風一片動琴臺 郎官宿近青雲燦 茂宰車臨化雨催 恰憶天涯花滿縣 迷離春樹夢南來

戊辰經蓋邑晤用九明府載酒蘭若

長路風沙客思勞 招提春色漫遊遨 陰森古鐵猊壇冷 高寺大士座鐵髮 纒縹渺浮雲 馬塔高幸借菽牀 堅

窺園稿

十六

旅焚恰當花縣投 緜袍相逢更為留 歡伯真堪長鐘感 二毛

懷禮山

曾向雲霞問客星 燕臺回首舊班荆 已探元草文心奧 更語青萍意氣橫 夢遠魂迷鷺落月 秋高風急燕來鴻 傷情最是公車路 一別霜華兩鬢生

襄陽舟次

寒食他鄉酒一樽 襄陽古渡問潮痕 江程三月鶯花

情景近

此等題
妙在離
印之間
左司所
以千古
也二詩
真不愧
古人

雅切

老客憂孤舟風雨昏岸倚空山鋪小石雲隨流水抱
荒村久懷棲遯傷遲暮醉眼魂銷向鹿門

登黃鶴樓

縹緲仙踪接大隈翠微深照古樓臺雲來畫棟疑歸
鶴風暖空山見客杯雙鯉湖臨江漢濶何人槎拂斗
牛迴坐圓新月鄉書斷回首天涯夢幾猜

其二

仙人自去乘黃鶴客子空來上畫樓滿目烟波開七

窺園稿

十九

澤一樽風雨向千秋尋鸚鵡疑芳草岸老芙蓉隔
楚謳早晚孤帆從大庾莫教玉篴倚新愁時欲為五
羊之游

贈臥衡李公奉典三楚離郵

吾邑舊宰

於今盛代風流使自昔經調化域萃北望金闕承帝
寵南來玉節散春霖天家應試和羹手澤國同推攬
寧心有客棠蔭曾得御龍門重到拜恩深

洪山寺

鄂渚春殘感客襟山頭蘭若快幽尋諸天日靜烟霞

延古殿風微辟荔陰塔影橫分青嶺色鐘聲欲擾白
雲心到溪逸典隨緣坐窈窕僧寮起梵音

其二

見說偶來開半日真將勝賞慰浮生壇開龍象山門
古窓倚江湖梵閣明鳥道披林逢石怒虎溪經雨礙
雲行青鞋屨屨渾無礙可是風流屬向平

蛇山蘭若

上方曇影照中阿客裏支筇試一過萬壑鍾傳催月

窺園稿

十

轉千峯雨歇對春和風清日繞神龍窟花暖香生古
鳳窩最有宰官能護法山門新種五雲多地名鳳凰
窩

德安贈萬盛受用元韻

扁舟三楚問名流才子芳聲七澤周短鉄江湖傳寄
傲長吟風雨更誰倚經春白雪隨斑管結客醇醪滿
玉甌正是天涯愁廓落金蘭新譜慰糜留

太白樓和傅德安韻

青峯白兆影崔嵬睥睨西懸畫閣開作客未驚湖海

夢使君原屈豫章才望窮流水桃花去興逐清樽玉
塵來一度低徊今古事千秋勝跡待仙才

其二

樓上朝暉俯萬家青郊井里過桑麻文裁班管黃堂
賦岫對穠桃白兆花醉月斗牛低玉案經春鷗鷺泛
金沙憑欄每作真人意惆悵東風倚片霞

其三

雞埜高窺閭闔天更開傑閣綵雲邊四郊春起多穡

宛園稿

三

鎮五馬恩流無暮泉夢澤烟霞晴北拱桃巖風雨暮
西迎擬攀蒼翠尋金粟共憇人間沃土蓮

其四

西來新爽雨初收一派清瀆繞檣流旅食馮驩常叩
狹思鄉王粲愛登樓雲疑江漢遊仙閣目斷衡湘落
馬洲幾度躊躇運作賦左司新唱更高頭

贈景玉

春來乘興倚扁舟訪舊真成七澤遊路鬼風塵朝自

吟名流湖海楚相求延平乍合張華劍荆楚還登王
粲樓為信天涯知已在不將漂泊怨三秋

由武昌至安陸紫金山寺感懷示景玉

黃鶴梅花隔曉吹扁舟七澤路還岐風塵未暗綈袍
色桂玉終愁楚客炊旅館衾裯驚夢蝶梵宮雷雨恨
殘碑天涯却幸存知已轉嘆相思寄語遲

登荊州城五首

千載臨江亦大風東流消盡古英雄山川襟帶留殘

宛園稿

三

局與楚興衰識故宮地肺生潦新漲野章華蔓草暮
連空支節霜鬢他鄉客不盡相思對轉蓬

其二

上游烽火靜新烟南郡風猷自古傳形勝神臯愁割
據名流幕府憶招延江臨吳蜀湖空大世冷殷桓月
更圓俯仰中原慷慨甚不堪寂寞向高天

其三

春日江流氣未融來聽清角畫樓中扁舟興自千戈

秀雅勝沉

襟抱與會直追

秋興

頸聯奇情勝致
蘊慨無窮

後○夜○兩○涼○生○睥○晚○東○香○村○花○落○明○妃○恨○鐵○甲○城○高○漢○
將○功○升○沈○自○古○人○開○事○新○淚○休○將○滴○晚○風○
甲○山○城○
地○有○明○妃○里○關○公○擲

其四

澤○國○雲○飛○日○易○昏○登○臨○楚○兩○暗○發○村○樓○高○漫○續○王○孫○
賦○江○冷○難○招○屈○子○魂○寒○食○他○鄉○花○亂○發○春○風○客○路○馬○
孤○翻○愁○來○天○末○山○容○小○何○處○堪○攀○望○故○園○

其五

浩○渺○江○程○動○客○心○風○高○雉○堞○望○干○尋○猿○聲○舊○遠○黃○陵○
峽○驪○唱○新○催○白○雪○音○田○氏○圖○書○多○難○後○劉○生○魚○鳥○暮○
情○深○思○量○柔○畝○成○歸○計○抱○膝○休○稱○衆○父○吟○

贈王寧五 秦人時居荊州

滄○桑○同○話○醉○流○霞○指○點○青○門○有○舊○瓜○老○去○多○情○還○結○
客○貧○來○無○事○漫○栽○花○千○霄○氣○冷○豐○城○鍊○倚○籠○丹○成○勾○
瀾○砂○俠○骨○仙○風○堅○我○抱○天○涯○歸○棹○夢○兼○葭○

荊州雜興

窺園稿

三五

歷用陳 事田劉 本妙合 之遊子 高暢推 適五子

扁○舟○自○倚○斷○鴻○灘○長○欽○何○心○更○識○韓○鶴○澤○舞○餘○方○款○
客○龍○山○賦○好○咲○彈○冠○經○殘○絳○帳○存○簫○鼓○節○引○青○驄○度○
獨○徂○此○日○荆○南○還○重○寄○仙○郎○席○龍○世○為○官○

岳家口

誰○教○一○葉○楚○川○中○華○髮○終○朝○歎○轉○蓬○客○路○曉○風○吹○雁○
陣○他○鄉○寒○食○見○花○叢○茅○堂○過○兩○沿○江○黑○瓦○龍○連○舟○傍○
市○紅○却○憶○家○園○村○社○後○春○風○誰○醉○古○臺○東○

歸泊襄陽

窺園稿

三五

山○色○襄○陽○日○又○曛○天○涯○歸○棹○恨○離○群○沐○漂○暑○漲○沿○江○
雪○沙○擁○涼○生○古○渡○雲○病○後○鄉○心○憑○酒○劇○貧○來○詩○思○向○
愁○紛○鹿○門○最○好○携○家○處○松○月○高○眠○自○昔○聞○
處○公○隱

客過話京師感而有作

朝○開○野○客○話○長○安○應○咲○公○車○與○易○關○久○信○河○清○人○可○
侯○誰○知○頭○白○路○方○難○桑○田○十○畝○長○鏡○在○湖○海○三○秋○短○
欽○還○且○對○黃○花○掩○香○徑○高○牀○溪○夢○不○驚○寒○

懷抱偉 然壯陵 深致

樂景 結應百 精與境 會妙

感序驚 心慨然 無限楚 顛寫楚 風如現

駝灣寺

寒河一帶抱禪關。野色蕭疎落葉斑。樹近周行留客坐。風來清磬覺僧還。乍將白髮依修竹。無那紅塵遠去灣。浮世久知隨幻泡。臨流空羨素陽閒。

別

公車幾度話長安。又向萍踪理舊歡。十載龍門勞入夢。中原牛耳羨登壇。醇醪結客江湖近。玉麈論文風

窺園稿

三五

卓犖

標快氣
芬俱堆
益世

雨寒轉念清狂鷄肋瘦。臨岐回首祝加餐。

得君乎社長問

故人消息近洋洋。茂浦秋深露影蒼。久失登龍羞種。楊郎當烹鯉慰滄浪。蘇峯日暖雲連樹。照阜宵寒月滿梁。安得素心重把臂。一樽風雨話行藏。

讀禮山集

自古元聲不易廣。騷壇簧鼓日縱橫。乾坤未老存吾黨。湖海相思憶舊盟。千尺首山春樹合。三秋衛水暮

雲平風流共有中原意。大雅看君擁旌旄。

旅病承承光先生惠以佳刻未能造寓把晤小

作寄懷

幾載相思白露秋。誰知只尺路還俾停鸞。敢畏千陂迴杖策。何堪二豎留月落空梁。驚客枕龍寒孤匣。嘯吳鉤。百朋頗有春風錫。剪燭擁衾破旅愁。

壽郡守胡季豹公祖

衡源佳氣散衡門。漢使麟符玉珮尊。秋靜海籌添屋

窺園稿

三五

策風清越石映朝曦。河山畫穩漁樵。焚露雨車隨禾黍。村黃閣已知環召近。莫當孔邇後芳樽。

辛未山村

儉歲荒原敢厭貧。山邨窳落漸風塵。門當樹老陰常。薄屋倚峯高日易淪。經年愁拾麥。徵徭四野見。流人孤吟搔首天難詰。誰道區區屋苦辛。

懷劉遜山時寓自雲山寺

經尋仙隱叩禪關。桂樹中阿幸一攀。已信赤文高紫

看朴堅
老

氣何妨白髮照青山
蓮封古陋星辰冷
芸老秋窻翰墨閒
一別風塵併命駕
相思空許夢相還

其二 君詩病更遭俗侮

行嶺連天列畫屏
少微雲氣望冥冥
玄亭奇字誰相識
騷客高風老獨醒
二豎漫隨山鬼嘯
千仙空羨壁魚靈
何當更倚松門月
萬壑秋聲把袂聽

村居

莫嘆家貧常在野
老耽閒靜轉相宜
書殘燈少從眠

窺園稿

老

早漏遠鷄寒任起
遯每問馬牛隨牧豎
更分瓜菜坐荒籬
野人此外無多事
袖手深吟杜甫詩

辛未八月十五東庄

又是中秋秋氣清
清風吹鬢掩柴荆
荒園盤冷恰瓜少
儉歲樽空咲月明
枕簟孤村人半百
笙歌何處醉三更
休將遲暮愁今夕
還辦重陽採菊英

乞人野歎

沿邨幾度愁烟火
委骨今朝薦野禽
已信人生原是

起叠字 唐人着 意處 志深晚 佈

極痛之 點好

思不知天道竟何心
棺因大塊塵五繫魂
繞西風起些音無那
流亡還載路空教殘
泪濕秋襟

愁

平生未諳家人產
老大徒艱入世籌
前歲早乾麥不種
今年蝗起穀誰收
林邊初月照人瘦
原上西風吹路愁
試尋友生買舟楫
欲從山左到南州

晤張生兼承新句

抱膝空園老更貧
快當風雨晤真人
登堂北海年還

窺園稿

天

少倒屣中郎調轉親
星聚雲霞高紫氣
劍歸湖海失紅塵
一樽羨爾生花筆
玉案紛披幾度新

其二

幾年大雅對荒津
吳越風流起俊人已
信詩腸清復健應憐
病骨懶尤真交聯白
社金蘭氣興接朱絃
山水春吾道相期原
不朽莫將風雨負溪
論

初晤張子未續嚶鳴
忽當鯉變揮徂里言
聊見懷抱

精真法 老雅道 慨然

堅老渾 博

神似杜 老

風骨溪
隱雅麗

老去孤吟興未殘
飛來倦客重鷄壇
相思乍幸隋珠
照底事俄驚
狗看落日黃梁
催夢小春風
元草憶
亭寒愁心欲訴
存知已幾度臨
書淚未乾

其二

過眼年華逝水痕
每求新句度寒溫
陽春南國傳高
調曉露西河忽斷
魂泪盡珠殘
鮫自老風流注
暖驥
初奔鍾情未解
東門義尚待
逢君話漆園

堅高典
場

窺園稿

三九

莊雅却
極流暢

皇帝以比年多方災厲
軫恤勤行茲復緣中土旱乾
預 詔捐租且聞 乘輿將臨
歡聲大震同
人有作用韻
中原閉雨又同憂
露滿天書下鳳樓
直贊化工推帝
力不將助欽待宸遊
他年漢史榮新詔
一旦勞農唱
晚晴更道翠華消息
近嵩呼千里動高秋

馮坦公舊尹吾邑
賑秦之役監運經汴郊
眾以
吾邑方災祈寬運脚

旋轉消
逸幽懷
若梅

每憶循良經下邑
驚聞監運卹三秦
艘來影蔽黃河
浪晚集風高赤野
塵自古才賢天弗棄
中原饑溺歲
方新知君尚憶棠蔭
舊可得重回向日春
懷季長時為鄭州學博
雙鯉黃河未易憑
懷人詩思對秋興
驚聞首宿留天
馬轉歎榆枋歷海
鵬潦倒青氈朝映雪
紛綸經筵晚
傳銓何當更話千年業
風雨登高悵不勝

村居張子見顧

窺園稿

三

神味超

柴門原自隔紅塵
風送芳蘭慰野人
垂老殘書蓋問
字常食糲飯且留
賓窮愁欲話憐同
病秋典初敲快
細論轉嘆林寒歸
路早空齋獨悵月
華新
夫隱禪丈舊主東
林別來數載頗極
相思秋日
暫還尋仍請汴於
其行也書俚言似
政
自昔招提最往還
袈裟長日對幽閒
雙林夜雨頻年
夢一衲秋風何處
山路隔虎溪寒蟬
展天遙龍樹隱
禪關幾時解脫重
教我回首拈花與
不刪

秀拔典
潤而一
氣如話
秘自然
之妙

可歎

溪隱麗
亮暗用
轉暗用
劉已語
作兩家
地步妙

合下看
錦花字
似暗用
占長安
語

其二
歸○蒔○松○影○尚○婆○娑○安○一○夕○金○屋○轉○近○柯○快○聽○錫○飛○還○白○
馬○不○堪○杯○渡○更○黃○河○千○江○共○印○憐○新○月○片○偶○常○懷○遣○
舊○庵○此○去○秋○光○應○捉○塵○雲○霞○心○事○向○誰○多○

時可話爾純近况

聞○道○行○踪○近○轉○寒○經○春○消○息○隔○懸○欄○生○涯○自○昔○操○觚○
拙○世○路○於○今○即○缺○難○桂○玉○誰○憐○新○帶○纓○風○塵○不○礙○古○
囊○寬○男○兒○但○就○名○山○業○眼○底○窮○通○一○咲○看○

窺園稿

至

贈○分○防○孔○將○軍○千○齡○
河○朔○烽○烟○曉○盡○收○孤○城○一○劍○自○風○流○此○時○飛○將○稱○猿○
臂○指○日○封○侯○擬○虎○頭○春○暖○桃○花○隨○馬○色○秋○高○霜○影○拂○
鷹○鞴○論○交○四○海○書○生○志○把○袂○因○君○向○酒○樓○
村○居○感○懷○
麥○浪○侵○塹○共○幾○家○閒○拋○書○劍○問○生○涯○記○來○升○斗○連○細○
帙○行○處○桑○麻○勝○錦○花○拄○笏○青○雲○迷○北○望○支○笻○白○日○欲○
西○斜○思○量○欲○欲○真○長○計○莫○負○逍○遙○醉○晚○霞○

代為寬
解忠厚
泛至

四章清
谷海健
俯仰懷
深無一
筆難調息

焦○泉○山○庄○約○爾○純○遊○白○雲○不○至○
幾○度○山○厨○淪○紫○芝○翠○微○溪○處○坐○持○願○雲○留○白○社○遲○操○
塵○日○對○青○峯○獨○杖○藜○暑○雨○捲○簾○知○路○滑○農○時○假○馬○向○
人○疑○定○酬○此○約○秋○風○後○倘○可○同○車○一○賦○詩○

喜爾純至

幽○期○輪○指○月○將○殘○果○見○東○風○理○舊○歡○策○蹇○到○來○山○路○
滑○連○床○宿○處○兩○聲○繁○題○分○佳○客○雲○堪○贈○話○久○清○宵○劍○
幾○看○更○約○驚○人○儲○好○句○明○朝○飛○杖○叩○青○巒○

窺園稿

至

癸酉重遊白雲寺四首
石○逕○迢○遙○喜○共○登○雲○開○白○塔○望○峻○嶒○一○鞭○涼○雨○來○蕭○
寺○幾○載○青○山○見○舊○僧○竹○色○倍○深○西○院○路○松○風○還○閃○北○
堂○燈○相○看○試○印○無○生○訣○莫○問○人○間○有○廢○典○
其二
鷺○嶺○鐘○聲○俯○大○千○山○門○攜○客○賦○朝○烟○雲○籠○惟○石○仙○人○
洞○泉○繞○溪○篁○衲○子○田○蠟○屐○披○巖○逢○往○跡○花○壇○坐○兩○伴○
初○禪○人○間○舊○失○桃○源○路○慚○愧○重○臨○般若○天○

其二

平原日野雲霏高處雲開共翠微僧飯青精聞卻
疾客懸玉塵坐忘機當巖雨歇泉聲細近壑風籠木
葉飛久信人生有岐路香臺石室羨皈依

其四

石磬松寮坐又明連宵香閣望陰晴凄涼夢淺簷聲
入縹緲烟寒樹影橫久辦芒屨懷五嶽誰探貝葉悟
三生許詢舊慕醍醐義育負僧茶幾度烹

鏡園稿

三

茶苑

村居感懷

生事年來恨不任乍移書劍傍遙林千峯茅屋烟霞
近五月柴門風雨溪白首似應甘學圃青雲且莫話
為霖人間未解軒轅律璠瑟何妨抱碧岑

山莊荅友

莊近白雲山寺

催租事
今古為
根然不
至成意
硬麻昔
八一

頻年生事向蹉跎擬整山田伴綠蓑千疊雲峯僧舊
寺幾間茅屋燕新窩愁來野樹詩成早雨過荒村麥
爛多宿道新租都未辦此來不是愛烟蘿

霽雨

奇助老
直寄思
言外惟
杜有此
根兩于
非予
殷雷何事漫驚人天上巍巍詎有神無故油雲封碧
落却教霽雨墊蒸民蛙聲含怒偏連夜蟾影荒迷已
淡旬安得長風掃陰翳乾坤重覓舊芳辰

窺園稿

七言絕

春日

雨後

亦園卽事寄懷孫徵君鍾元先生

緱子京隨任太平

衛橋早發

北都阻雪

窺園稿

七絕

初秋卽事

秋興

秋夜有懷

賦得宮怨

結夏

會葬張集公表兄因憶先兄瀛仙

詠梨花

出都旅舍觀畫壁美人漫筆

九日漫書

雙陵寺憶舊

秋病

張玉壺新肆二首

卽事和韻

病聞諸友歸自闡中

又病

贈韓道士

窺園稿

七絕

吹簫

梅花

省試病歸

吳珂玉年丈隨任平陽

同子京聽珂玉吹簫

懷枚卜

病中李洪序西歸詩送之二首

東園墻壞

孟二青西遊取道見顧讀其近稿二首

劉一老辭官二首

夏雨懷君僑諸親社丈二首

夢

春閨和韻

戲

歲暮

俗於上元日編竹如河土女嬉遊同人有作和之

窺園稿

三

七絕

聞君僑為其弟急難於外懷之二首

夜坐

無題四首

小黃梁有序

時可為蘇杭遊病中懷之二首

康熙乙丑京師有明代火藥局無故延燃震

陷屋舍歎者多人感賦二首

咏史

懷枚卜

雨中招時可

同盟山懷古二首

美人圖後

歲杪病憶諸友

哭少司空楊雪嵐年伯四首有序

代贈冀郡伯開復覃懷濟水故道二首

中秋懷棹字二首

窺園稿

四

七絕

哭任雪潭年祖四首有序

送越客

春閨用韻

閨中梅和韻

靜仔齋觀秋海棠憶君僑

女校書守志用韻二首

百岩贈惠圓上人

百岩西崖結茅數楹傳為修武范姜兩先生

遺址辛酉末遊感書絕句

烈婦郭氏夙志二首

窺園花事四首

讀書

贈楊文二首

無題二首

舊路

余嘗語如光孟姬以夏峯先生之賢也乙卯

窺園稿

五

七絕一

維夏先生計聞而如光悲弗勝爲七日持服感而賦之

白鷺

卽事

早後聽官衙歌舞二首 甲辰

舟行卽事

舟中咏瓶花

舟行

博望驛

卽事

趙河舖

襄陽道中

黃鶴樓二首

洪山寺禮佛祭者口號二首

小瀛州二首

望水心亭二首

窺園稿

六

七絕

德安竹枝詞

紗帽磯用韻

石牌渡

楚遊

野岸

舟行書所見

浣沙女

岳家口無題詩四首

無題 荆州鐵女祠

紫金寺

贈王公子

報國寺松棚

山居六詠

不晤夫隱禪丈寄一箋代簡

送劉生入武昌二首

送駿臣之任從化二首

窺園稿

七

七絕

衙齋遇陳生卽席賦詩

見杏花

陳氏書齋木香五首

君乎畏友格言示教作咏畫二首呈政

壽衛守胡公祖二首

榮澤八景

邢臺衙齋湖石

邯鄲旅夜

石門潭二首

敷五舉伎人奠柳七事

無得上人移居

僧乞余最樂庵卓錫

曉折花者

蘇門竹枝詞四首

新亭樂

南郊別業

窺園稿

八

七絕

雲外軒憶遠之

壽閻學博

祝獲邑侯一首

窺園稿

河北賀振能蓬仙著
高安劉 惠靜屏
平丘彭昌齡鶴庵 評

詩集 七絕

春日

風流道 蕭 有詩有
花自可 浮雲春影滌窓紗
貴不厭 說沉沉音閣子雲家
窺園稿

窺園稿

雨後

海晚字 咸慨如 計 隨隣舍 妙
風過雲開引細雷柴門清潤獨徘徊
晚喜雨空隨隣舍杯
窺園稿

辭亦園卽事寄懷孫徵君鍾元先生

通首是 蘇破景 仰意出 以妙筆 自作非 於雅韻
病起秋原學閉關轉從風雨見幽閒
後獨立空亭對遠山

緜子京隨任太平

紫陌垂楊不忍攀離歌一曲欲摧顏
須知明日相思

自是府 音 處西望空憐姑射山 太平無屬平陽府

衙橋早發

眼前景 語却妙 施
河上寒雲起鴈行橋邊初日射行裝
何人高臥紅樓裏不解推窓看曉霜

北都阻雪

醉過更 奇絕悲 思無限
兩雪驚看曉未開片身千里滯燕臺
可憐徒步披龍劍醉過張華古廟來
華墓在京城東南

初秋卽事

窺園稿

二

芳心孤 印 綠樹斜陽院影遙秋聲乍近暑全消
閑庭久謝風塵客獨種幽花慰寂寥

秋興

興復不 淺 簌簌西風響竹樓欄杆薄暮不勝秋
疎狂莫話陶元亮看亂黃花醉滿頭

秋夜有懷

博合字 字妙 幾年音信隔雲丘又聽秋聲鴈過樓
憂破燈昏明月在愁思一半落滄洲

字字珠
玢
故作遠
觀語却
深於怨

真趣自
得

傷今道
往生死

受落悲
感無旁

嗚其不
平風人
之遺

倘有字
妙細玩

賦得宮怨

羊車舊路冷歸痕薄日秋宮殿影昏團扇不須傷素
擲由來金屋近長門

結夏

盡敢幽意面商涼小亭日午困方床夢回自愛清風
裏坐聽蟬聲到夕陽

會英張集公表兄因憶先兄瀛仙

兩過寒溪病後身歌聞雜露淚沾巾同時兄弟今餘

窺園稿

三

幾君向黃泉有故人

詠梨花

風流不厭淡粧成一段香隨白玉生却笑只今新雨
露幾多脂粉擅時名

出都旅舍觀畫壁美人漫筆

聞道紅顏多薄命何勞彩筆費工夫請看四壁丹青
滿倘有明妃出塞圖

九日漫書

此大家
落處
無難過

不勝恰
然

說浪味
傲

名士家
風

重陽無菊聊傾酒酌酒題詩倍慘然更欲登高風雨
惡一樽白服暮秋天

雙陵寺憶舊

細草長林野色連舊遊如夢隔秋烟重來尚識招提
影憶別鐘聲近十年

秋病

落盡燈花掩篋芸蕭然一榻倦休文不勝情思秋舍
冷夜靜空塔細雨聞

窺園稿

四

張玉壺新肆

新醅香滿隔屠蘇我輩高陽舊有徒聞道長卿工滌
器相逢笑問酒家胡

二

春色城南小肆開幾人中聖客邇來千秋李白能知
味不數蘭陵琥珀杯

卽事和韻

歸來風雨閉空齋臥唱離騷韻未諧日暮却愁黃酒

殊勝處
鷓鴣

處○閨○人○背○取○髻○邊○釵○

病○聞○諸○友○歸○自○關○中○

秋○城○踈○雨○晚○來○頻○暗○澹○空○齋○片○榻○陳○寄○語○梁○園○歸○賦○
客○可○能○一○憶○茂○陵○人○

又病

瘦○骨○假○牀○睡○起○遲○西○風○已○盡○菊○花○時○去○年○秋○病○曾○題○
葉○無○邪○新○詩○和○舊○題○

贈韓道士

窺園稿

五

相○見○柴○門○日○甫○斜○蓬○萊○東○望○繞○明○霞○人○間○漫○解○神○仙○
遠○此○日○方○平○入○蔡○家○

吹簫

月○色○纔○臨○花○影○稠○携○來○紫○玉○倚○窻○幽○夜○深○吹○入○清○商○
曲○一○片○西○風○萬○里○秋○

梅花

幽○香○踈○影○玉○龍○蟠○青○眼○何○人○雪○裏○看○但○向○百○花○頭○上○
發○不○將○瘦○骨○怨○清○寒○

傷心滿

淚○洗○龍○泉○客○路○賒○忍○將○病○骨○向○歸○車○卻○憐○回○首○黃○河○
渡○紅○蓼○秋○開○兩○岸○花○

吳珂玉年丈隨任平陽

其造語
與會俱
避五子之

塵○尾○臨○岐○春○色○明○花○籠○薄○霧○柳○含○鶯○君○行○正○出○安○邑○
路○咲○殺○當○年○衛○虎○名○

同子京聽珂玉吹簫

何○來○珠○樹○見○風○流○携○得○江○天○紫○玉○幽○一○曲○官○商○誰○得○

窺園稿

六

似○可○憐○蕭○史○在○秦○樓○珂玉子京殊亦

懷枚卜

音○書○阻○隔○水○雲○村○文○酒○相○逢○憶○快○論○莫○向○秋○風○悲○室○
遠○墻○頭○山○色○是○蘇○門○

病中李洪序西歸詩送之

分○飛○知○已○倍○銷○魂○伏○枕○難○窺○祖○帳○温○聞○道○愁○思○能○醉○
客○漫○天○秋○水○屬○離○樽○

二

若思佳
氣却若
涼沉博

與會不
疑龍標

文思繞
繞往復
極才人
情人之
致

韻極

欲賦離歌勸醪醕那堪憔悴對晨星知君亦有相思
恨別館秋聲未可聽

東園墻壞

荒村小圃足幽閒數版泥墻護竹斑昨夜西風新雨
後起看一半換青山

孟二青西遊取道見顧讀其近稿

衛源高士舊才人垂老相逢更問津贏得奚囊珠玉
滿不妨長鍊伴清貧

窺園稿

七

抱膝孤吟寂寞春孟郊詞賦忽驚人與君共長鍾期
後莫漫朱絃傍世塵

劉一老辭官

蒼顏如玉鬢成絲夢到長安意總遲漫對河清傷老
大知君原自惜腰肢

二

旌忽傍蒹蘿新應運彈冠更幾人却咲鄴南老狂

客○只○將○泉○石○了○經○綸

三

好○何○新○裁○衛○水○煙○多○君○賦○就○尚○高○眠○梁○鴻○但○了○諸○賢
頌○不○必○長○噫○五○度○篇

夏兩懷君僑諸親社丈

高樓向午夢初還長夏鶯聲樹樹閒坐久窓寒雲影
合忽看風雨隔青山

二

窺園稿

八

北望山青雲影新雲開山色遠尤真山中長夏多風
雨乘興高吟定幾人

焚

花○光○灼○灼○水○漫○漫○雲○繞○青○峯○太○乙○壇○似○有○天○妃○紛○共
語○霓○裳○輕○薄○不○知○寒

春閨和韻

桃○花○落○盡○柳○花○稀○好○鳥○憐○青○貼○地○飛○薄○倖○天○涯○應○念
別○宵○來○新○向○夢○中○歸

想如何落

題出卷

此便是
坡公燈
忘竹屋
誰却更
得幽懷
詞酒應
無復蝶
精口語
襟度豪

戲
一○編○何○處○着○紅○塵○風○雨○孤○吟○興○倍○新○共○咲○踈○狂○誰○得○
似○相○傳○舊○有○謫○仙○人○

歲暮

誰○言○靜○土○更○溪○山○月○滿○梅○花○雪○滿○關○歲○暮○獨○吟○人○事○
少○一○編○燈○火○竹○窻○悶○

俗○於○上○元○以○編○竹○如○河○士○女○嬉○遊○同人作
望○處○滌○澗○勢○不○休○居○然○九○曲○見○洪○流○還○餘○漢○代○遺○槎○

鏡園稿

九

否○我○欲○乘○風○萬○里○遊○

聞君僑急難於外懷之

夏○峯○秋○色○倚○愁○雲○棠○棟○飄○搖○不○忍○聞○誰○念○孤○鴻○天○外○
影○常○隨○風○雨○泣○離○群○

二

停○雲○極○望○總○銷○魂○日○晚○間○關○何○處○村○更○說○夏○峯○溪○涕○
泗○西○風○淒○斷○鶴○鴿○原○

夜坐

此種風
趣索解
桓離吾
欲以舞
香叩之
楚大夫
節弟問

夜○久○翻○書○紅○燭○盡○一○樽○薄○醉○苦○吟○殘○微○風○花○影○搖○明○
月○香○入○空○窻○衣○袂○寒○

無題

樓○上○春○光○接○遠○隈○東○風○吹○落○馬○聲○哀○依○稀○尚○憶○歸○時○
約○小○苑○梅○花○幾○樹○開○

二

睡○起○凝○思○捲○翠○幃○雷○聲○烟○樹○曉○霏○微○欲○承○涼○色○推○窻○
坐○恰○恐○風○吹○雨○濕○衣○

鏡園稿

十

三

罌○風○緊○入○清○寒○又○見○霜○淚○落○木○殘○欲○採○黃○花○傷○袖○
薄○只○將○秋○思○倚○欄○干○

四

燈○殘○帳○冷○篆○煙○斜○幾○度○鷄○鳴○漏○轉○餘○風○雪○滿○簾○虛○白○
影○醒○來○疑○是○月○光○華○

小黃梁

按○虞○初○夷○堅○諸○書○黃○梁○仙○蹟○在○邯○鄲○道○上○今○

景事茂
流情思
警暢故
屬作手

其地崇祀廟貌矣余從北道來又有所謂小
黃梁者問之土人皆稊說無考也戲題數字
仙踪何處望蒼蒼路隔邯鄲更一方最是迷人貪
好無端幻出小黃梁

時可為蘇杭遊病中懷之
輕舸南去趁花開澤國題詩醉幾回見說五湖堪寄
傲千秋司馬更登臺史公有登姑蘇臺五湖語

窺園稿

十一

仙舟經過幾名都吳楚烟光總畫圖伏枕稽程三月
近思君新夢到西湖

康熙乙丑余從公車寓京師正月廿三日東便
門外舊有明代火藥場無微延燃聲聞若雷
遠近廬舍皆噓翁震盪濃烟突起如層雲登
嶂移時不散百姓驚呼奔走天子大臣親
臨驗視計慶厝屋舍數百間死者多人得火
炮戰具百數感而賦之

拔地轟雷撼太空相傳異代備興戎可憐遺烈今猶
爾為同當年戰守功

幾家肝腦逐飛塵藏發千秋詎有因一自佳兵存利
器已知唯恐不傷人

漢國明妃白玉姿照人驚艷冠當時春風自信菱花
裏不把黃金買畫師

窺園稿

十一

寂寥空齋遠午天分窓花影對高眠浮烟竹裏茶聲
沸疑傍蕭門聽百泉

病起空齋罷苦吟簷聲一片隔知心自憐慘澹如秋
菊可得勞君冒雨尋
同盟山懷古
升高望遠憶東征牧野風雲晚自清共解光天奪武

翻案好

志無端山色號同盟

二

忽發大
慨
高絕妙

千載盟壇香火空高臺無恙對秋風
臺邊日暮樵人語不及當年寧爾功

美人圖後

一往深
情

疑作行雲駐碧天丹青省識對嫣然
平生幾許相思恨回首風流畫裏緣

歲杪病憶諸友

窺園稿

三

一從高臥倚林書春轉殘冬掩舊廬
檢得襄陽除歲草愁來莫怨故人疎

哭少司空楊雪嵐年伯有序

先大人及公忝同門誼雖名位懸殊而情好
莫逆乙巳先人見背外侮藜發不孝能子立
無歸幾不自存而公特垂青盼照拂之其不
致漂零以至今者皆公賜也公勲德夙布朝
野升遐之日中外哀之勉成里句擬用招魂

因均懶
更覺倍
慟

蓋不勝公私家國之感云
騎龍何處問歸年颯颯凄風欲暝天
此日蒼生均有慟寒帷莫訝泪如泉

二

風益古
人

世態紛紛未可嘲思君古道重推敲
高精幾度哀窮子不向人間廣絕交

三

桃李不
言

誰從異世叩寒溫貴賤交情未易論
公自風流堅古

窺園稿

四

誣教人血泪寫啣思

轉念先
人更自
悲切

同盟山色倚愁魂白髮長眠尚憶君
今後何人悲宿草黃泉知不歎離群

代贈龔郡伯開復單懷濟水故道

二首風
流掩映
秀奪餘
輝

中原新政伯諸侯縹緲棠蔭列上游
最是重開九里潤恩波千載接天流

二

二章
極知
之意

神功禹德舊沈沈五馬風流嗣好音此日山礪通北
關先將帶水寫臣心

中秋懷棟宇

時應試其坡

燕門山下百泉濱細帙芸編與自新弄月只冷烟水
上吟成好句和何人

二

向晚停雲入望平遙天何處鴈聲清懸知秋水吟成
後也其相思對月明

窺園稿

五

是何等
手筆

筆花
草

哭任雪潭年祖

先生風概文章具瞻朝野長君方步木天清

影瀟還玉宇夙承雅愛兼辱溪知聊爲里語

招魂不勝悲歌隕涕也

王公東海下扶桑嘯倚青霞曠色蒼手種卿雲光帝
室騎龍回首白雲鄉

二

幾年中外眷芳踪此日東山罷短笻知有生平霖雨

後二章
思其文

志却留玉樹化神龍

三

詩瓢談塵與方除梁壞山傾夢淪嗟共指騎鯨還紫
漠不堪湖海失光華

四

東園大雅共依歸無那西風掩素帷楚些幾人悲欲
絕含毫飛泪冷珠殘

送越客

窺園稿

六

傷今憶
古幾許
遐思

自古由拳屬上遊胥江秋冷菊花洲送君却憶巖夫
子此日梁園不可留

春閨用韻

妙在轉
句合處
未易着
解正覺
變其耳

應妬文鴛枕上雙迢迢春漏掩明釭夢中未信江南
遠細雨斜風濕到窓

閨中梅和韻

雪裏深閨一樹清佳人日日數新英夜來不點銀釵
照獨立紗窓待月明

靜仔齋觀秋海棠詩

夏○峯○原○上○碧○雲○空○玉○塵○風○流○不○再○同○竹○裏○試○尋○小○阮○
坐○斷○腸○秋○草○夕○陽○中○

女校書守志用韻

夢○斷○王○孫○舊○馬○嘶○連○天○芳○草○閉○門○時○梅○花○曾○識○東○君○
早○不○關○人○間○爛○熒○枝○

二

誰○從○情○種○問○風○流○逐○水○桃○花○漫○不○收○一○自○芳○名○留○燕○

窺園稿

七

子教人珍重話青樓

百○巖○贈○惠○園○上○人○
亂○峯○深○處○見○蒲○團○雲○擁○山○門○曉○未○寒○悟○後○不○妨○留○色○
界○下○林○紅○葉○靜○中○看○

百巖寺西崖結茅數楹傳為修武趙素兩先生

遺址辛酉來遊感書此句

藤○枝○詩○飄○去○不○歸○雲○中○茅○屋○倚○清○暉○我○來○獨○嘯○山○皆○
響○明○月○千○峯○老○鶴○飛○

暗用丁
今事却
高深之

眼前景
轉出妙
理却韻

別用字
筆

烈婦郭氏死志

鐵○作○肝○腸○玉○作○身○肯○隨○桃○李○戀○青○春○東○風○月○落○鵲○聲○
曉○猶○似○呼○天○不○諒○人○

二

西○風○何○事○領○寒○威○判○玉○摧○香○送○落○暉○海○岸○霜○淡○孤○鴈○
死○春○來○細○鳥○各○雙○飛○

窺園花事四首

栽○花○種○樹○足○生○活○日○典○囊○衣○醉○薜○蘿○逸○院○白○榆○三○十○

窺園稿

大

本東風何事贈錢多

新○涼○窻○下○任○科○頭○向○午○油○雲○事○事○幽○忽○散○輕○雷○通○日○
色○滿○亭○花○氣○兩○初○收○

三

坐○看○紅○葉○點○青○畦○訪○幽○花○更○杖○藜○開○遍○玉○簪○秋○漸○
老○西○風○寒○雨○晝○凄○凄○

四

誠罷秋

蕭郎不

高派風

妙語神
來小巫
當秋

謝收字
冷千金

同雲小閣晚風斜○半醉來歸興轉賒○雪裏地天渾一
色○獨吟新句問梅花○

讀書

西風吹爽到庭除○獨坐高齋理舊書○最愛荆川佳句
好○秋溪落葉伴閒居○

贈楊丈

著作楊雲大業垂○相過載酒重當時○千秋與義推懸
草○文字區區不是奇○

窺園稿

九

二

文字浮名一聚塵○幾家學問到心身○與君別訂風流
業○莫向尋常覓解人○

無題二首

小苑融融春自好○空梁寂寂燕還歸○可憐飄泊東風
裏○一點楊花何處飛○

二

未展歎情遽別離○燈前一咲逗相思○藍橋舊是傷心
處○

處浪湧桃花月○落時

舊路

空郊南去路漫漫○俯仰人間恨幾端○似有離魂迷遠
樹○霜風落葉鴈聲寒○

窺園稿

十

余嘗語如光孟姬以夏峯先生之賢也乙卯維
 夏先生捐館舍計固如光悲弗勝為七日持
 服余感而賦之如光侍兒字
 梁壞山崩世所悲楊枝桃葉誰相知怪他七日簪花
 鏡只照窓前玉筍垂

白鷺

窺園稿

九

二首語
 滌瀟諫
 風人之
 遺

妙在不
 怒可以
 怨矣

曾聞江漢濯塵埃潔白人間敢浪猜此日清流看獨
 步當磯不信為魚來
 卽事
 聞道催科近有期春荒二月困人時可知保障推新
 政此日民間絕繭絲
 早後聽官衙歌舞
 早乾經歲未聊生四野凶亡失晚耕不是神君能鼓
 樂荒城何處聽歌聲

二
 歌舞深庭鬧綺筵
 戲倘作甘霖向野田
 三
 國計民生事事憂
 絕一曲能消茂宰愁

窺園稿

十

窺園稿 甲子後集

河北蓬仙賀振能眉生著

雕陽子醇吳學顯

評閱

山左樹野徐 田

詩集 七言絕

舟行即事

舊說江湖愛遠遊。老將短髮倚扁舟。却憐浩蕩烟波裏。獨解心期是白鷗。

窺園稿

五

寄情妙

舟中咏瓶花
脂寒粉暖玉生香。笑倚扁舟惹恨長。此去五湖逢少伯。莫教西子妬容光。

舟行

他鄉誰問孝廉船。千里長河繞暮烟。歸夢不成人獨臥。滿天風雨白鷗前。

博望驛

寒河荒嶺日將昏。古戍城空畫閉門。千里西南江夏

前高岑
王孟後

次無此
詩矣

路更誰作客。不消覓

即事

去年作客向京華。江夏今來路轉賒。月地花天春又暖。思量前歲正還家。

趙河舖

寒流派派入斜陽。亂嶺烟蕪客路荒。高處一峯迎面起。可堪攀陟望吾鄉。

襄陽道中

窺園稿

五

麗公高躅白雲間。孟老風流去不還。我亦樓船堅風抱。扁舟愛逸鹿門山。

黃鶴樓

風高黃鶴靜無塵。客子登樓醉晚春。江國題詩悲獨賞。來尋玉笛和仙人。上望仙人吹笛像。

其二

波光雲影共悠悠。高處春風散客愁。鶴背人歸消息遠。獨將清嘯倚江樓。

荆典欲

清真如
話而與
息緒渺
極旅人
之致

謝夢亦
復情致
如許

洪山寺禮佛聚者戲為口號
秀水明山梵宇春行雲片片向金輪
惟來稍首憐清
頃舊是蓮花座裏身

其二

雲翹珠珮倚明霞
神女龍山拜釋迦
客有情痴堅結
習春衫和雨待飛花

小瀛州為傅德安賦

岸倚芙蓉小檻幽
會心雲水自風流
一從稅駕來仙

窺園稿

三

結想奇
勝

吏瑞壽人疑十二樓

其二

灌木清葭白露滋
春風五馬見題詩
他年若問甘棠
處一片滄浪跨習池

小瀛州望水心亭子

竹杖青鞵歷歲年
還餘海外十洲懸
誰知龍伯垂綸
後漂泊員嶠向此邊

其二

妙在淺

雲漢吹笙路未遐
朱橋纔隔斷虹斜
銀屏應寫山香
曲有典還尋碧落槎

德安竹枝詞

早乾禱雨古即城
客子居人各有情
共說池枯秧不
長誰知江淺棹難行

西江紗帽機用元韻調章老

長安終日戴紅塵
熱客因君久問津
却咲彈來驚白
鷺羨魚江上伴垂綸

窺園稿

五

笑馬戲

石牌渡

薰風吹暖石牌烟
帆影中流破浪還
醉倚短簑圍黑
鳥看來只是打魚船
黑鳥能捕魚楚漁畜之舟中

楚遊

春風南去趁扁舟
路入襄鄖盡裏遊
岸影流丹山若
燕水清沙白綠蘋洲

野岸

浮雲遮盡舊山青
客醉扁舟夢乍醒
野岸荒村依落

舊好

照風吹蘆荻滿寒汀

舟行書所見

芳○村○花○發○照○江○流○竹○屋○青○籬○小○院○幽○想○像○個○中○人○靜○
臥○可○無○佳○句○贈○行○舟○

浣沙女

片○片○行○雲○拂○水○光○花○飛○岸○隔○柳○絲○長○浣○沙○歸○臥○芳○村○
靜○不○夢○天○家○白○玉○牀○

岳家口無題詩

鏡園稿

三五

解○珮○阜○臨○漢○水○西○飛○花○處○處○襯○春○泥○黃○鸚○最○解○雙○柑○
與○啼○編○東○風○桃○李○蹊○

其二

野○岸○清○江○客○路○賒○柳○絲○無○賴○拂○船○斜○鴛○鴦○自○是○隨○波○
鳥○處○處○雙○飛○逐○蓼○花○

其三

亂○水○萍○漂○何○處○踪○木○蘭○消○息○傍○芙○蓉○嬌○雲○一○片○留○芳○
渚○莫○問○巫○山○十○二○峯○

怨夜喚

其四

勞○燕○東○西○各○自○忙○天○涯○歸○路○似○迴○腸○因○緣○好○惡○休○重○
問○醒○去○南○柯○是○夢○鄉○

無題 荆州鐵女祠

似○玉○含○香○一○片○雲○相○逢○茗○椀○對○慇○懃○却○憐○歸○路○芳○洲○
外○折○得○芙○蓉○轉○憶○君○

安陸紫金寺

敗○壁○荒○庵○住○老○僧○塵○飛○龕○冷○佛○前○燈○蓮○花○不○厭○污○泥○

鏡園稿

三六

土小住來叅最上乘

贈王公子 簡心壻

衛○虎○潘○仁○艷○昔○遊○於○今○珠○樹○更○風○流○玉○簫○聲○裏○人○騎○
鳳○海○外○空○傳○十○二○樓○

都○門○報○國○寺○松○棚○其○傳○久○矣○余○丁○未○偕○計○猶○及○

同○人○講○藝○其○下○迨○今○乙○丑○枯○落○都○盡○而○余○復○

以○公○車○來○遊○感○書○此○句○

不○見○松○棚○報○國○寺○更○來○空○憶○舊○談○經○翻○憐○潦○倒○征○衫○

色○廿○載○還○拖○一○片○青○

山居六詠 應徵

見山堂

傲○殺○支○公○欲○買○難○開○簾○疊○疊○佐○清○歡○主○人○靜○氣○來○溪○
坐○只○作○雙○峯○對○面○看○

舍碧閣

重○重○蘿○薜○對○凭○欄○蒼○翠○撩○人○片○榻○寒○自○借○羲○皇○留○午○
夢○不○知○熱○客○滿○長○安○

著想曲

窺園稿

三

退省齋

生○平○踪○跡○向○棲○遲○機○息○人○間○晚○更○宜○自○學○道○來○無○箇○
事○工○夫○只○在○坐○忘○時○

竹笑軒

紫○雲○帶○雨○隔○紅○塵○坐○識○瀟○湘○鳳○尾○春○舊○說○坡○儂○能○避○
俗○風○流○今○屬○箇○中○人○

靜觀室

山○家○生○事○愛○清○虛○戶○外○浮○雲○榻○上○書○久○解○弄○九○常○自○

得○派○天○何○處○不○鳶○魚○

臘月臺

漏○靜○銀○河○轉○玉○盤○登○臨○搔○首○苦○吟○殘○醉○來○自○放○鸞○音○
迥○一○片○冰○壺○濯○魄○寒○

余以冗繼不晤夫隱禪丈久矣走筆寄一筵代

簡

隱○公○新○况○定○如○何○三○月○東○林○未○一○過○自○咲○紅○塵○象○白○
髮○可○知○羞○望○易○陀○羅○

窺園稿

三

送劉生入武昌幕余亦有南游之約

風○暖○南○天○一○鴈○飛○烟○雲○鄂○渚○望○中○微○江○亭○仙○棗○還○堪○
摘○客○到○應○教○跨○鶴○歸○

其二

庚○公○詩○興○伯○荆○州○賓○客○相○將○亦○勝○遊○我○欲○乘○風○向○黃○
鶴○莫○因○崔○灝○便○撻○樓○

送駿臣之任從化

一○曲○離○歌○換○酒○籌○春○深○五○嶺○望○扁○舟○臨○岐○莫○道○人○千○

令人拍案叫絕

里海國為霖自壯遊

其二

百粵分符總帝畿。憐君捧檄慰蒼闈。但教游鴨騰。懼
早便取南溟作壽杯。

令公衙齋遇陳生即席賦詩書此為贈

簫鼓深庭醉綺筵。喜逢仙客韻蕭然。座中最有鍾期
老幾度魂消山水絃。

見杏花

窺園稿

元

有世不恭意

踐李欺桃獨伯春。一枝紅照野雲新。逢君句好還堪
笑。不是長安得意人。

題陳氏書齋木香

青鞵三月遍花叢。艷粉濃脂處處同。有客調高偏靜
賞。一簾香雪醉春風。

其二

碧玉高抽覆晚春。蒨萬朵細香勻。花蔭一榻從科
踞。可似松間白眼人。

是及太白評

其三

春宵常羨月輪孤。醉透花棚碎影鋪。一片香風衣袖
暖。誰言濯魄向水壺。
本草云木香其氣溫

其四

曾因避俗事。逃禪掃地燒檀坐。小年愛雨天然香微
骨。春來羞問博山烟。

其五

寂寥春色黯書牀。別有香心傲眾芳。暗李明朝都嫁
人。
蓮花小章耳經高人頌

窺園稿

辛

後只將清白印東皇

庚午夏 君孚畏友格言示教出處之義好我

良多偶作咏畫二章呈政或見鄙衷也

翠微千疊隱廬山。逕蒼雲處處鋪。幾度相招人未
出。秋溪桑落醉樵夫。
耐適處別有幽情

其二

吳江萬里浪沾天。且擁輕裘自在眠。戶外綠楊維一
葉。須知不是羨魚船。
寫身分野

壽衛守胡季豹公祖
清郊露滿菊花天
叔度風流畫隼懸
幾疊蒼山姑射
小五雲隨馬護神仙
與圖記蒼山在衛城

其二

仙郎試政下天閭
眉酒爭傳萬姓香
衛水一灣清徹
底爲君移祝大年觴

榮澤八景 代作

紀公烈塚

窺園稿

三

荒烟衰草望青燐
漢國山河重此身
千載孤墳留大義
區區王霸只輕塵

嶽山聳翠

晴光一帶錦霞連
縹緲諸峯插遠天
曳杖何時蒼翠裏
教人看作畫中仙

隋堤烟柳

鏡中天上憶宸遊
錦纜牙檣冷白鷗
只有臨流青眼在
年年烟黛鎖新愁

冷逸激

黃河古渡
霜風薄日蓼花洲
帆影東西客髮秋
見說此間清可
俟一回擊楫向中流

鴻溝暮雲

大度自將秦鹿去
壯心空咲楚猴冠
中原殺氣消沉
後雲連鴻溝暮色寒

廣武晴嵐

廣武山臨古戰場
千秋勝負見人忙
于今一片晴嵐

冷眼

窺園稿

三

影只照遊人濁酒觴

惠濟長橋

地轉黃河大國風
千家烟火抱長虹
只因平政人能
悅千載還傳惠濟功

古城收唱

何年雉堞對秋風
禾黍荒烟冷舊踪
牛背夕陽來野
唱還疑清角畫樓中

辛未春過邢臺衛齊愛其湖石感書數字

遐思

更從橋
存見古
人深處

託物比
無與爭
無恨

傲骨蒼顏入望幽紅塵誰羨古風流
笑他碧海雲根老也向人間宦署遊

邯鄲旅夜

邯鄲幾度駐歸鞭旅館殘燈又獨眠
夢小輕寒擁被起瀟瀟楚雨二更天

石門潭

大行下

萬疊蒼山圍大壑千尋丹壁抱仙樓
陰森歷落烟霞裏誰放濤溪自古流

誰放字
響策

窺園稿

三三

讀之懷
釋驚快

其二
奔流峽轉雷聲怒瀑猛雲深雪染衣
搔首潭頭詩滿石忽驚風雨臥龍飛

敷五舉小說仗人莫柳七事意薄者卿余咲書

此絕

千載賢愚何處分北邙塵土遍愁雲
却憐寒食飛花處歌扇紅裙拜柳墳

無得上人移居

飛錫新開祇樹關紅塵不到即溪山
秋風靜倚支公塵蓮卷香臺處處閒

僧乞余最樂庵卓錫走筆為答

元度家風頗解禪幾回蓮社問清談
青山結屋原招隱不費支公鉢底錢

郊行曉折花者

千紅萬紫照輕鞍暖日和風興轉寬
春色滿郊人共望何須分作掌中看

宋大儒
見道語

窺園稿

三三

蘇門竹枝詞

蘇門山脚路冥冥路上行人夜未停
却恨百泉珠萬斛不堪持去換青青

百泉為學使校士地
泉吐水滾滾若珠璣

其二

清流濁流竟若何巨鱗細鱗繞烟波
簑衣箬笠新懸網雪片空飛白鷺多

其三

百丈紅塵掩甌臺鸞聲寂寞望堪哀
最憐昏夜倉皇

妙堪解

者解得人生不用才
猶臺在蘇門山半
稽阮事孫公和處

其四

佛言平
等倫本
中庸妙
諦從前
笑拈出

雲鎖山腰一室平
弄丸原不問枯榮
須知皇極諸篇
義總當人間三等生
諸生戲差其所試次配
諸勝蹟三等為安樂窩

新亭樂

百尺山亭三丈碣
神工鞭石石流血
營成不日子來
心監使虛弭終日節
辛未以河朔奇荒
詔免租民
感為亭刻石山半頃闕
鴛且
至當事遣
官督之

窺園稿

圭

南郊別業

似宋理
僑語

兩餘清墅轉淒迷
過檢琴書自整齊
慮有微塵侵石
案常攜輕拂坐幽栖

雲外軒

在白衣大
殿側憶遠之

瀟灑神宮敵綠郊
飛花別院隱衡茅
楊雲歸去書牀
冷寂寞春留燕子巢

善闈簾甫學博

東壁文光護杏壇
育才未許厭瓊寒
眉樽正啟陽回

月灑蕩春風
首藉盤

祝獲邑侯

三載相傳撫字勞
政成共侍勅書褒
扶搖風起盟
山下一片青雲向日高

其二

恩威雨露復水霜
此日謳歌接大行
幾曲清河一勺
水為君流作萬年觴

窺園稿

圭

窺園稿

五言絕

窺園四首

春日

野望

問病

旅愁

海棠

窺園稿

閉戶

百家岩

窺園可臺

夢遊賦詩寤記其一

卽事和嗣軒年丈二首

有懷

哭君僑社丈口號八首

附六言

五絕

觀傀儡舞口號呈夫隱和尚四首

窺園稿

五絕

附五絕

窺園

日○色○明○虛○牖○瓶○花○拂○案○香○問○奇○人○去○後○寂○寞○對○書○牀

空○亭○午○夢○回○繞○砌○林○光○碧○曲○逕○踏○蒼○苔○花○蔭○看○古○石

林○聲○淡○若○兩○山○色○澹○疑○雲○未○可○傳○幽○思○遲○天○入○鴈○群

夜○久○冷○霜○月○風○聲○度○雪○欄○新○詩○纔○得○句○梅○影○逼○意○寒

無○酒○難○留○客○有○詩○不○負○春○艷○陽○三○月○日○子○細○課○清○貧

落○日○空○原○望○升○高○動○遠○思○少○陵○歸○不○返○秋○興○滿○新○詩

殘○雪○散○東○風○窻○前○春○影○透○如○似○玉○人○仍○伴○梅○花○瘦

旅○愁

四時各極幽情勝致

不是窮愁一類

窺園稿

與致淵

旅館當春夕○燈昏漏復遲○多愁聊獨飲○醉和古人詩

海棠

春透海棠萼○高低深淺間○昨宵新雨過○醉起不勝攀

閉戶

閉戶春風裏○開編兩色前○瓶花香滿室○不用博山烟

百家岩

路繞綠新雨○雲流撲大灣○來看青一帶○不辨幾重山

窺園可臺

窺園稿

書舍居城市○聊開片圃閒○紅塵飛不到○臺上見青山

夢遊賦詩寤記其一

萬竹環春水○千花擁碧雲○試尋芳徑入○深處曉鶯聞

卽事和剛軒年丈

書閣近粧臺○題詩翠箋開○美人閒索筆○先畫一枝梅

二

步月美人來○微談坐清夜○衣香細細生○疑是柳花下

有懷

一倒轉
復新

幽趣

高

二

雲樹溪如許。何處望君家。相思兼憶夢。夜夜羨燈花。

孫君僑社丈為其弟急難都門竟以客歿哭之

為口號八心悲意亂外節紛章聊布聲泪云

爾

一自驚風雨停雲入望遲。那知燕市月霜折斷鴻枝。

二

但解伶仃父。誰知殞一身。人間兄弟好。千載見君真。

三

窺園稿

三

風雨生平意。相思幾度愁。可憐慷慨泪。遽向死生流。

四

一身全大德。造化何茫茫。哲人天所吝。修短豈能量。

五

韻向風塵隔。詩從泉壑分。草堂遺句好。何事玉樓文。

六

憶昔締交初。寔承夫子命。情深落穆中。流俗空相競。

七

一從梁壞後。每隔夏峯遊。可憐携手處。今作古西州。

八

汎愛非吾志。高人特解憐。從君罷意氣。莫道伯牙絃。

附六言口號

觀傀儡舞口號呈夫隱和尚

試看此身動靜。那曾些子由我。若是識破機關。卻自

無所不可。

二

窺園稿

四

莫嘆逢場作戲。須知四相都捐。還他隨緣得度。着甚

東土西天。

三

這裏但分迷悟。就中誰問低高。便使超凡入聖。總只

兔角龜毛。

四

春得本來面目。任他提掇萬千。釋迦老子有命。學者

莫墮枯禪。

窺園稿

七言古

葛石劉丈文烈先生冢孫也自杞遠顧長歌

賦贈識金蘭之勝云

和展嵩齋天祿吟用潛翁王夫子韻

也成趣和歌 有序

大隱園產芝

苦兩謹

窺園稿

七古

大隱園和歌

贈醫者汪生

和梨花篇

題任節母慶續柏舟卷

吳水仙屏風行 有序

賣母山栢篇 有序

明壬午邊隅不戒肆掠畿南廣平宋母劉氏

義不苟生同人序其事來徵言賦此

題揚椒山梅花卷 有序

李姬墨竹行 有序

賦得卷舒開合任天真鄰社賞荷

東村行

太白樓望白兆山

蔣玉淵馭鹿圖題辭

別徐栩野

荆南行

窺園稿

七古

春早夜酌

呈某侍御

雲間北山張君過敝邑論交以先大父遺稿

暨家藏名儒諸集相贈侑之長歌

長歌贈驛臣

志士篇題彌勒公父子

鏡園稿

河北賀振能蓬仙著

高安劉 惠靜屏

平丘彭昌齡鶴庵

評

詩集

七古 附五古

騷體 哀詞

葛石劉丈文烈先生家孫也已亥冬自杞遠顧
器宇落落披豁如故長歌賦贈識金蘭之勝
云

鏡園稿

得力語

憶自前朝天方躡中州兩公大義同日月疾風勁草
霜前松狂瀾乍倒望石碣泪盡郊原草木香各跨蒼
龍歸玉關為之後者念作求敢將世德墜風流維余
小子稚且愚懷抱未許風塵濡我聞末世學道易離
畔貴求良友交遊相夾扶求之十年不可得往往乃
以我為迂高陽故里佳氣浮忠賢之後鍾英流劉郎
維姿真不羈娉修自好俗難儔親師取友氣倜儻一
朝北跨黃河浪覽勝駕過同盟山肯向茅廬惠相訪

樂告處
是珍重
其味人

鏡園稿

乍逢絕勝平生歡傾倒中宵揚肺肝為憐應求幸有
托相將告廟譜金蘭感君披豁意何真高才肯與道
相親器宇落落兼慷慨高談名義光先臣久矣斯世
好音絕何期此夕聆諄諄季布終身無二諾虞翻知
已重一人方今蘓門有大賢宗盟吾道歸其傳君僑
諸子皆俊骨聲名遠在八龍前海內遐邇聞高節來
歸遲遲多豪傑慚我曾遊帳下春羨君方立庭前雪
丈夫憂德不憂隣與君從此重心身今日相逢真不

其襟帶

二

偶吾曹聲氣豈猶人君歸送君思悠悠漫將一日擬
三秋知已天涯如比屋升高南望黃河流
和辰嵩齋天祿吟用潛翁王夫子韻
尚憶今年燈節夜千街萬戶歡猶詫可憐幾許索居
人攤書雪映長安舍相看寂寂度清宵花鼓遙聞處
處招晚市燈懸珠作樹午門雪霽玉為橋玉為橋珠
作樹盡喜宮栽花樣嬌未必新粧應勝故春轉虹霓
氣鬱蒸帝鄉回首夢非恒願將薪火還天祿永護渾

淪一綫燈

也成趣和歌

顯承周先生舊令鄒邑會冬月嚴寒有運船
之役民多歎先生力請罷之以是獲罪歸園
居有亭孫啟泰先生扁之曰也成趣同人爲

賦和之

世事酒酒心落落羊腸不險官途惡丈夫窮達總深
情收拾經綸向泉壑未識君家廬遙聞君家趣曾將

起如疾
衝破山

窺園稿

三

抗懷掉
舞處音
響似達
夫

泪血潤蒼生直道難容天莫顧紅塵回首關芳園綠
字開編依茂樹方池雷雨護神龍臺上雲鴻望幾重
高吟偶觸詩偏好壘塊全消酒自供虛齋攬鏡照鬚
髮不解書空稱咄咄雙袖香存鄒魯風頻年夢斷是
嗒月君不見升沈自古寧有真得失倚伏還相因眼
前百事如翻餅世上浮名只聚塵丈夫矧有銘山業
風波乍可維舟楫咲想當年五柳生人間松菊猶堪
涉

灌漑

大隱園產芝

公表祖題園中且有靈藥

蘇門自昔佳山水環抱名園鍾厥祉高臺密塢冠群
幽灌木層軒憑衆羨屋角蒼松老夫簷前萊竹斯
君子主人大隱向清時鶴髮仙翁白玉姿舊仰冰心
三世澤今傳龍德衆人知古來積累應長發人意天
心共爾私造化呈祥憑物動一朝靈異驚相闕黃公
石上秀還奇謝傅階前香復賁紫玉珮裁帝子裳青
雲片吐真人洞我聞瑞草重芝蘭二者由來稱伯仲

形谷妙

窺園稿

四

灵卉深憐會及時芝長芳園蘭入夢揖君索酒快飲
之英物看君璋早弄

苦雨謔

已未之年秋欲暮中秋直距重陽度共解與朝雨露
滋何人尊重十天怒神龍爭吼兩師狂曉夜淫霖傾
若注淡旬簷聲流不斷驚魂欹枕夢難晏頽垣下瓦
破人顛激湍克堦没人甬中堂外舍久未葺浸漑上
漏成下濕幾處流痕耕瓦盆夜深烘火無乾裙長鬚

書

每從危
困中念
及生民
因是文
章大體
亦其體
仁自性

赤脚兩三人戴箕屨立中脊泣吁嗟聚糧處夏還
蹙蹙轉憶窮黎在茅屋比戶相傳并日炊數椽誰保
四壁蠹木頭長耳聽人愁竈下蛙聲對婦哭三秋收
獲總泥沙二麥插種見漂濕拚付家緣擘與溝終憂
國課鞭還扑我聞北都近地震天王省戒傳芳訊安
得艱危徹九重倘可蠲租非望賑眼前誰作繪圖人
悲歌空老秋風鬢

大隱園和歌

鏡園稿

五

嘉現如
許

我昔思隱歸山中峯巒突兀道窮更欲卜居臨溪
水蛟螭幻變驚濤洪去之俛首行世路那知風波艱
險往往倍相攻孫登臺冷餘輕坳共伯高城佳氣蘊
天時人事自滔滔主人作園號大隱芳園好鳥度花
關日日笙歌絳帳間玩世詩篇留彩筆還丹靈藥駐
朱顏園中有池池水清汪汪未許波浪生醉眠虛舟
心自定乾坤俯仰釣綸輕墻邊怪石玲瓏起佇看彷彿
商山裏晴霞小洞貯飛仙隱隱玉簫風外倚憶昔

氣凌虛
路

七首
青天

對句

人間奮大猷分符簡命蒞方州秋社流花饒雨露春
江濯錦見風流五馬到今傳化蜀一丘稽古恰樓幽
我聞古大人先憂後為樂往往卷懷時怕神愛泉壑
大隱小隱別所宗朝市山林豈自封隨世升沉渾出
處與時偃仰為蛇龍憐予骯髒身半世成坳坎江潭
醒醉有誰知岐路咲啼都不敢嗟乎丈夫懷抱自有
真青眼白眼憑世人且向芳園和清嘯把臂同君坐
夕晨

鏡園稿

六

贈醫者汪生

汪生瀟灑真堪異婆娑戲隱壺公肆井邊秋老盧橘
香門外春溪紅杏醉幾處人傳金匱聲蚤年親探長
桑秘王學由來心自單韓康何必言無二今年溽暑
避無術夏月乃有河魚疾七朝俛榻不觀書桃笙輟
轉年為日急呼汪生為起余竒方繫肘臨吾室上池
飲水不用診神樓一服遺參朮渾如仲景瀕人腸一
霎全驅二豎出汪生汪生爾術之妙真難量憶古倉

念及著
生見極
拋

公何多識斯世為醫盡如卿可使養生皆無恙從來
此道稱仁術又言良醫如良相良相之道慎以仁今
爾居仁慎為上

和梨花篇

年來多病憊遊倦。杜門不識春風面。今朝扶病強登
臨。寂寞荒城何所見。城邊新柳是誰家。秋千影裏雙
梨花。梨花綽約傾城貌。臨風解語流鶯鬧。曉霧參差
看未真。呼童遙為鳴華燄。華燄聲中春色融。嬌羞彷彿

窺園稿

七

三壞天
然開足

佛舊相逢。妮媼窈窕。擬跌麗婆。娑娑轉妬。驚鴻幾許。
治遊兒迷。竟浪飛越。不如早還家。各自尋歸歇。世間
尤物總移人。鏡裏花枝水中月。

題任節母賢續栢舟卷

夫婦並列倫常五。栢舟義烈照千古。余家博望共城
鄰。鄰國相連接。壤土尚憶前年丙午秋。仙郎掇桂余
同譜。因詳母儀斷人腸。貞節高風非世伍。勿長黃門
給諫家。長歸世德通儒府。徵蘭夢裡緣自奇。點竹湘

嘗讀年
祖景購
公傳五
節一門
為世飲
重而伯
母張來
貞撫嗣
家業為
逆國偽
官籍沒
食貧以
老此蓬
仙資根
輒天感
也

川情忽苦片身拚擬赴泉臺。驕驕待養呱待乳廿年
伴影未亾身十載和熊心欲斃夜績分燈尚課兒晨
餐自薄承姑祖果然令子獲成名天意分明為之補
念昔我祖大義彰秉節捐軀從四姓有母孀居二十
年育我鞠我勞思撫半生頑蠢未有成回首高堂風
木舞悠悠泉路竟何知終天寶恨誰能吐羨君感續
栢舟篇賦就悲歌泪如雨

吳水仙屏風行

窺園稿

八

冰仙楚人國初七才女之魁也書畫詩文妙
絕一時屏風藏許君紫陽家丙寅歲暮得觀
賦此

昔有佳人稱絕代蛾眉冠出風流隊翰墨深嫻幼婦
醉丹青巧儂長康續天生玉質本江南蕙性蘭心興
自酣一朝妙寫屏風色巫巒十二映晴嵐縹渺芳思
奪化工奇葩瑞鳥世難同天孫操行行雲外神女聞
經散雨中錦繡心腸嬌弗靳更作分題綴香韻敲金

憂○玉○遊○珍○珠○雪○句○驚○人○斂○脚○運○世○間○奇○物○原○不○朽○主
人○十○襲○藏○之○久○爲○我○開○筵○觀○晚○霞○同○人○目○集○憐○希○有
非○徊○綺○艷○想○深○情○高○齋○臘○月○春○風○生○狂○喜○銷○魂○已
醉○更○爲○豪○飲○三○百○觥○醉○眠○清○夢○不○自○逸○似○望○雲○中○青
鳥○出○招○我○騎○龍○玉○山○室○瑤○臺○歷○歷○度○銀○屏○彷彿○逢○君
贈○我○青○鐵○生○花○筆

山柏篇

保定同袍賈燾子母孫夫人身秉節孝以大

窺園稿

九

冀○北○郎○山○稱○削○壁○千○年○鍾○秀○生○古○柏○盤○盤○入○地○根○到
泉○落○落○撐○霄○榦○如○石○自○從○丁○令○絕○歸○期○衆○鳥○驚○飛○靡
敢○宅○幽○貞○磊○砢○有○從○來○節○日○靈○長○見○山○瓜○披○霜○架○雪
心○已○枯○酸○雨○悲○風○歲○幾○客○最○有○生○梯○會○拂○雲○龍○紋○天
矯○仍○千○八○方○感○遲○洞○歷○苦○辛○西○風○日○落○蒼○虬○神○健○將
斯○德○求○其○倫○我○聞○其○下○之○國○上○谷○濱○乃○有○節○孝○賈○母

耄考終命同人來徵詩旌之夫人敬恭先生女也

鐵筆帶霜筆

孫夫人

明○壬○午○歲○邊○隅○不○戒○肆○掠○畿○南○廣○平○宋○母○劉○氏
携○七○歲○兒○拱○微○匿○從○伯○樓○中○敵○攻○之○急○母○恐
累○伯○氏○同○諸○婦○女○墜○繩○下○敵○追○及○之○母○以○見
付○諸○婦○囑○曰○吾○義○不○苟○生○肖○將○吾○子○吾○其○以
一○次○活○衆○人○回○顧○大○罵○遂○遇○害○宋○子○長○遊○夏
峯○先○生○之○門○同○人○序○其○事○來○徵○言○賦○此
輪○指○先○朝○話○壬○午○鐵○騎○紛○紛○躪○冀○土○疾○戕○原○頭○戰○勁

窺園稿

十

莽○閨○中○義○烈○凌○振○古○由○來○貞○節○本○溪○仁○捐○軀○報○夫○兼
報○隣○樓○邊○斷○絕○愁○雲○渺○陌○上○牽○衣○殺○氣○也○哭○抱○孤○兒
謝○諸○姒○宥○憐○薄○命○羞○人○紀○一○片○冰○心○白○刃○前○千○秋○碧
血○黃○泉○裏○可○憐○而○子○恨○終○天○腸○裂○幾○回○空○陟○岬○凜○凜
芳○魂○自○青○史○嗟○哉○而○母○原○未○歿
明○椒○山○楊○公○以○相○分○宜○專○恣○故○上○疏○批○鱗○詔○下
獄○而○梅○軒○冀○公○時○職○提○牢○識○其○賢○左○右○之○楊
公○爲○賦○梅○花○篇○以○贈○讀○之○有○作

絕類全

孤柯

憶在先朝經杙際浮雲橫空白日閉地維摧折天柱
摧危陽欲歎萬彙絕聖賢心英雄節為君左右同芳
烈臭味孤吟大吏春顧名思義誰能揭廣平鐵筆自
千秋一片冰心照古雪

墨竹行

許太僕先生姬人李字慎工繪事升遐後遺

此墨竹傍綴蘭石清妙絕倫余見而賞之因

賦

窺園稿

十一

筆姿亦
若始射
仙人破
雲而下

雙成偶厭神仙麓飛來暫住黃金屋幽姿自比青琅
玕幾度人間倚修竹等閒遊戲綠毫新幻出瀟湘鳳
尾春習習清風開勁節霏暮兩寫香筠始信蘇公
能破俗翻矜于可未傳神下帶雲根石不轉古態玲
瓏繡芳蘚更將楚魄寄遐思谷裏天香愁弗舉羽衣
忽返王公宴雲霄空想投壺電一段風流淡墨存曹
曹脂粉誰能銜我來作禮對清芬仗酒題詩日向撫
醉夢江南渡烟水竟隨明月吊湘君

和任太史東園賞荷賦得卷舒開合任天真

世事紛紛競寵辱幽懷落落誰堪告曉彼仙姿水一
方自遂榮敷土五沃凌波乍出顏如洗翠蘊朱含綺
初剪麻姑嬌靨戲還低玉女輕裾羞未展漸看齒蒼
倚新粧細蓋繁英次第張頓折筠苞光衛輿旋披玉
璞照荆陽脂勻粉薄生成妙流霞綻靈粉相耀風前
幾度薦幽香日下一回呈巧咲斜陽似怕晚涼生珠
藏蚌掩浪華平陽臺月出雲還歛洛浦鴻眠露不驚

窺園稿

十一

三閭魯結高人佩六郎漫比容臣態遠公社裏舊同
盟茂叔溪邊新屬愛慚余白首向丹雘羨爾清流第
一家良媒欲托歲將晚江上空憐君子花

東村行 甲辰

東村行○行○東○村○有○叟○零○涕○為○我○言○二○麥○既○已○薄○秋○禾○未○種○土○朝○炊○不○給○何○從○出○租○辦○官○府○紛○紛○亡○去○不○知○鄉○子○子○居○民○良○獨○苦○誰○司○芻○牧○不○問○牛○羊○有○虎○而○冠○鼠○碩○鷹○蒼○錙○銖○算○入○泥○沙○出○古○稱○民○賊○今○循○良○將○叟○無○酸○徒○摧○而○肝○天○災○自○古○從○人○禍○命○也○不○淑○疇○能○寬○我○本○出○世○人○學○道○無○有○得○溪○山○曠○谷○未○能○歸○因○循○留○任○人○間○國○恰○當○早○乾○土○赤○黃○河○焦○雷○枯○電○歟○神○龍○匿○

鏡園稿

十一

熱風塵起日難開○魃鬼驚人天不測○嗟乎嗟乎永歎○無長策安得乘雲叩帝席○請息氛祲干大澤○

穀日西齋海棠早放 郝社拈題

造物有間氣○恒鍾曠世姿○誰教冰雪畔的皜綻○胭脂○抵柯承牲柱○姓字重天池○無香寧作恨○有態自標奇○儲溪斯發早○累劫詎甘遲○帶冷爭梅德○含嬌失李荷○宥容蜂蝶擾○未許燕鶯知○燒燭照春睡○浮白草新詩○轉悟高才士○往往邁當時○

數語淡
幽過
安

花朝前一日舫齋觀劉文烈公扇頭詩用少陵

岷山池江畫圖韻

坐花隣勝日○吊古集深堂○念彼精忠客○高躅邁津梁○清風留一握○自昔披馨香○忽歷滄桑劫○騎龍向渺茫○千秋扶大義○烈烈垂耿光○顧瞻筭篋裏○一倍流輝長○斑筠列藻訓○裂素挾寒霜○神物雖無言○踐成桃李傍○彷彿觀生氣○感慕相激昂○徘徊花蔭際○尚友意難忘○

憶思玄

鏡園稿

十二

李白久無朋○忽逢杜少陵○情緣亦落落○意氣各相凝○芝蘭豈異臭○松栢知霜水○解我文章鬱○寬我貧窮憎○別來悲室遠○秋堂蠅蟀興○

牧野懷古 騷體郝社拈題

陟高原兮歷風塵○遊宇宙兮懷于春○思人情兮弗易○顧天道兮何親○誰從長惡而弗厭○然以崩兮疇行陰○善而弗大啟○以伸一夫不梭○四海非臣○忽倒戈而向○恭遽抱器以歸○仁橋臺既燬○寶玉成燐○感哉涼德富○

其議高
見身分俱

矣○善○人○除○水○火○兮○妹○土○脚○功○名○兮○涓○瀆○終○胡○為○乎○秉
鉞○始○何○見○而○垂○綸○苟○蒼○生○之○有○托○亦○誰○嘆○乎○長○貧○瞻
行○山○兮○多○蔽○睇○黃○流○兮○有○尊○念○日○月○兮○就○暮○鬱○懷○抱
兮○何○陳○覽○天○地○之○悠○悠○兮○信○治○亂○其○有○本○悵○余○思○之
渺○渺○兮○徒○望○古○以○遥○呻

微君孫敬泰先生哀辭 并序

乙卯維夏先生捐館舍訃聞而振能有河魚
疾輾轉桃笙呻吟與悲泗交集也越廿日乃

窺園稿

古

扶病哭於其廬又廿餘而始以彘絮就饗焉
嗟乎 先生道完行立其生氣存於天下後
世豈以其身朽不朽哉矧壽踰耄耄子姓榮
昌亦何憫乎而余小子獨慨焉不能自己者
惟是滔滔莫易而昊天不吊卒弗慙遐斯哲
為後先守待藉也用哀而致詞曰
覽荒榛於天地瞻日月兮未晴愴斯世兮如夜瞻薪
傳而火明感川嶽兮胤哲寔誕降乎先生將木鐸兮

振俗絜玄醴兮解醒弘仁義於天則佩禮樂以縱橫
綜先賢之與緒彙典冊而標評吊孤忠乎楊左踏夷
險兮弗驚藐軒冕於濁世汎滄波而濯纓已沉微夫
遐邇廣薰德乎群英繫斯文兮一綫允吾道之持衡
幸余生兮及見自夙昔兮景行聆洪鐘兮雷鼓資發
覆而啟萌更推惟乎先德邇臭味以申盟每提撕夫
性命復獎揚乎身名救諸子以下交謂攻玉兮湏砥
思訓言兮多負策驚鈍兮無成胡天心兮厭世忽梁

窺園稿

五

壞而山傾惟先生兮何憾體寧順而莫爭悵元音兮
響絕永誰嗣乎芳聲寒衛水兮龍遊空蘇山兮鳳征
豈悲生乎殫露式哀些以長鳴
貞節任年伯母蘇太孺人哀辭
在天有婺星光芒射牛斗在地有長松寒歲忘彫朽
兩間純氣儼幽貞哀哉欽哉任節母家聲詩禮範名
都翠履珠纓佐大儒百年期許同朝暮雪霰俄驚摧
玉樹拚將一炊伴君魂藐爾遺孤曷與存摧心念發

一字一珠

存○茹○苦○權○生○灰○上○堂○奉○舅○姑○下○堂○撫○孺○子○日○長○非○在○
夏○宵○長○非○在○冬○宛○轉○歲○華○易○觀○憫○何○重○重○護○我○掌○中○
珍○慰○彼○泉○下○彥○幾○度○熊○珠○和○泪○傾○一○回○機○杼○隨○腸○斷○
慈○母○作○嚴○師○兒○能○讀○父○書○器○琢○荆○陽○開○璞○玉○琴○空○冀○
北○跨○鹽○車○半○生○吊○影○心○應○碎○矢○報○重○泉○今○已○遂○共○解○
仁○慈○天○所○申○誰○知○造○化○成○功○退○世○載○未○亡○身○奄○然○稱○
無○祿○酸○雨○洒○棘○心○悲○風○摧○古○木○九○原○權○聚○樹○初○心○可○
憐○令○子○呼○天○哭○

窺園稿

天

窺園稿 甲子後集

河北蓬仙賀振能眉生著

武進玉淵蔣 鑑

評閱

襄城禮山李來章

詩集 七言古

德安太白樓望白兆山

樓○當○金○氣○應○長○庚○恰○合○青○蓮○更○得○名○青○蓮○已○去○樓○空○
我○本○狂○歌○者○生○平○愛○遠○遊○扁○舟○安○陸○郡○來○登○太○白○樓○

窺園稿

七

頤顏

在○樓○上○清○風○吹○弗○改○倚○欄○嚙○傲○向○山○川○慷○慨○思○君○不○
相○待○憶○昔○凌○雲○古○丈夫○每○經○峴○岷○嘆○窮○途○朝○持○綠○玉○
來○七○澤○許○相○相○逢○事○有○無○鴻○文○一○開○天○地○曉○手○披○日○
月○弄○江○湖○老○我○天○涯○隨○轉○蓬○昂○藏○拓○落○衆○人○同○襄○漢○
南○浮○鹿○門○近○荆○鄖○北○到○龍○山○樓○高○月○冷○庚○公○楊○雪○
散○春○殘○朱○玉○宮○塵○埃○潦○倒○神○猶○在○桂○玉○牽○憂○不○相○放○
風○流○天○際○想○真○人○孤○吟○一○曲○徒○悲○壯○今○古○何○茫○茫○短○
髮○河○皓○皓○大○雅○誰○尋○萬○丈○光○登○臨○我○亦○千○秋○抱○身○在○

終○愁○世○路○岐○君○歸○一○任○乾○坤○老○西○山○白○兆○曾○樓○逸○相
傳○舊○作○藏○書○室○流○水○桃○花○今○是○非○明○朝○扶○杖○呼○君○出

蔣玉淵馭鹿圖題辭時在武昌

佳○人○南○國○神○仙○族○塵○翳○久○厭○耽○雲○麗○芝○英○石○髓○自○便
便○忘○却○人○間○腐○草○祿○神○遊○玉○虛○界○心○通○鴻○寶○軸○狂○披
織○女○機○醉○擘○星○君○牘○為○憐○斯○世○久○茫○茫○相○期○一○發○千
年○覆○來○楫○公○卿○間○綺○韻○高○蘭○馥○筆○掃○太○華○雲○墨○灑○東
溟○漁○誓○效○長○夜○青○藜○生○咲○人○日○暮○黃○梁○熟○我○生○愛○檢

窺園稿

六

高○真○錄○相○逢○快○禮○香○芸○幅○不○見○樓○頭○黃○鶴○翁○看○君○咲
倚○雲○邊○鹿

武昌別徐栩野

握○手○別○同○心○同○心○何○忍○別○長○歌○一○寫○意○泪○咽○衷○腸○結
地○狹○天○甲○吾○黨○稀○瞬○眼○千○古○元○聲○絕○憐○君○獨○唱○郢○中
雪○墨○湧○漢○水○波○聿○鞭○楚○山○血○莫○將○離○緒○驚○啼○鳩○我○去
朝○辭○黃○鶴○雲○君○留○善○守○青○霞○帆○但○存○知○已○在○天○涯○相
思○共○整○梅○花○鬪

激昂低

氣似子

荆南行

舊○傳○荆○楚○多○材○國○扁○舟○一○訪○臨○江○陌○章○華○臺○冷○暮○烟
生○龍○山○荒○草○無○留○客○野○人○古○市○空○塵○埃○白○雪○陽○春○安
在○哉○登○高○大○咲○復○長○嘆○試○招○屈○宋○魂○歸○來

春早夜酌

主○人○向○晚○接○白○首○踏○月○沉○吟○逸○屋○走○秋○禾○前○歲○未○曾
登○麥○早○今○春○惟○赤○畝○誰○違○衣○食○為○身○謀○官○裏○推○科○法
正○陡○一○回○無○計○自○銷○魂○有○客○過○懸○嶺○鼻○禪○相○邀○共○入

窺園稿

十九

詠之旨而意加

青○帘○肆○便○呼○酒○胡○夜○傾○解○坐○索○大○斗○且○開○顏○催○租○明
朝○如○等○閒

呈某侍御

世○人○重○富○貴○得○失○回○其○操○達○者○甘○丘○壑○詩○書○還○自○豪
所○未○忍○心○去○念○此○頰○尾○曹○如○何○經○盛○世○昏○墊○尚○無○迷
誰○能○訴○其○故○閨○闈○遠○且○高○我○欲○攀○龍○向○九○天○挈○雲○作
雨○一○洗○蒼○生○勞○徘徊○不○可○到○愁○望○空○牢○騷○轉○思○借○彈
丸○一○試○割○鷄○刀○更○聞○山○椒○大○麓○虎○且○冠○天○際○蒼○鷹○共

體抱激昂似太

涼
慷慨

泉○清○車○安○緩○步○肉○代○晚○羨○誰○言○千○駟○擁○此○百○城○威○君
青○衫○向○未○點○風○塵○白○頭○日○暮○甘○農○圃○長○林○豐○草○石○古
悠○只○共○尋○常○伍○交○遊○眼○底○無○膠○漆○世○事○入○間○有○豺○虎
玉○屑○消○凡○慮○手○握○清○風○照○古○顏○老○我○荒○郊○賦○終○窳○悠
聲○芬○遠○陌○德○星○近○射○同○盟○山○紫○氣○關○門○幸○一○攀○襟○披
經○黎○火○二○酉○千○峯○穿○蠟○屐○益○三○取○友○逾○方○州○第○五○傳
大○文○聖○賢○精○義○在○方○策○網○羅○探○討○連○丘○索○五○車○四○部
冕○獨○懸○玉○塵○清○埃○氛○早○從○性○命○遡○太○極○月○窟○天○根○叩

窺園稿

擊○翮○操○掣○左○書○或○右○息○磨○牙○吮○血○還○吹○毛○感○此○脚○厨
坐○成○晚○蕭○條○霜○髮○掩○青○袍○羨○爾○天○衢○能○奮○翮○鳴○翹○朝
陽○極○盛○遭○倘○破○浮○雲○見○天○帝○為○言○所○以○世○嗷○嗷○莫○學
要○津○者○誰○子○憑○權○怙○祿○屯○天○膏
雲○間○北○山○張○君○高○談○性○命○廣○輯○逸○文○庚○午○夏○過
敝○邑○因○得○論○交○并○以○先○大○父○景○瞻○公○遺○稿○暨
家○藏○名○儒○諸○集○相○贈○侑○之○長○歌○以○誌○鄙○懷
有○客○有○客○氣○凌○雲○超○然○龍○德○軼○其○群○家○世○烏○衣○盡○軒

干

宿足勝
致
滿肚不
平觸來
傾寫

久○信○此○身○將○道○脞○亢○懷○直○遡○千○秋○蘊○黃○卷○栖○栖○不○厭
貧○青○衫○落○落○人○疑○隱○年○來○臯○比○課○生○儻○枿○理○論○文○調
轉○幽○明○發○華○顛○遊○帝○里○經○傳○上○國○總○風○流○長○安○剗○蓋
紛○如○藪○莫○感○窮○途○傷○不○偶○猿○臂○封○侯○古○自○稀○蛾○眉○出
塞○今○恒○有○霄○裏○鷓○鴒○俯○仰○寬○王○門○醉○飽○休○儒○醜○顧○我
鬚○眉○同○皓○皓○公○車○廿○載○空○潦○倒○九○萬○風○高○興○已○關○群
編○章○絕○身○將○老○咄○嗟○哉○夫○懷○抱○自○有○真○豈○必○朱○紫
能○貴○人○况○復○吾○曹○生○此○日○眼○前○世○路○多○荒○榛○攜○君○手

窺園稿

最高○誼○寔○云○獲○我○情○世○間○同○調○不○論○述○喜○當○勝○友○快
浮○生○一○人○知○已○可○不○恨○千○秋○大○業○待○君○盟○憶○昔○先○大
夫○生○平○嗜○墳○典○藏○書○兼○著○書○舊○稱○三○萬○卷○一○自○駟○鯨
返○帝○鄉○漂○零○半○蝕○隨○兵○燹○其○中○談○理○諸○編○幸○無○恙○猶
堪○守○之○永○作○身○心○健○分○持○贈○君○去○家○珍○聊○不○悞○他○日
君○歸○風○雨○中○開○編○向○我○千○里○相○思○或○未○淺
長○歌○贈○駢○臣
時○膺○歲○薦
鄒○南○有○高○士○寂○寞○老○窮○經○迹○向○紅○塵○遠○意○共○青○霞○冥

王

寫贈書
淡情如
許覺細
素生香
精約失
色

今日舍
詩書朋
友何處
注活

共君咲古道，照蒼顏。深情懸久要，聞有桃源未可攀。
相將閉戶擬溪山，聖賢樂事浮雲外。達者襟期蓬累
間，多君一事由天贈。夏峯只尺聯芳逕，徵君家法尚
堪尋。象賢往往多素心，四壁圖書把良友。莫從斯世
問升沈。
駿臣家孟城去孫啟
泰先生夏峯村一里

志士篇題彌勒公父子

公姓徐氏諱道與，隸人以山郎歷仕至雲南
彌勒知州。初到京師，陋巷中積穢難居。所親
官人為榜禁之，因調語不恭，憤其榜曰：吾
不因人譽也。既仕，自言願為朝廷出力。

窺園稿

三

君不見崑崙雖徑寸，碎去潤自活。梅檀纔一枝，折來
香不奮。又不見谷裏芳蘭，眾豈知經霜翠。栢寒弗移
志士報君隨，所在寧必致。身須出鵠勢，利者子鹿鹿。
人紛紛誰辨聲，和穢雲開天末日。垂光漢使衣，冠照
大荒下。龍風起機槍，揭堂堂罵賊。驚群竊小臣，大義
重丘山。怒激盤江湧，碧血邇來萬事偽。相飾精忠有

夫之不屑後，因地亂衣冠。罵賊成子應，瓊業
驚墨復以真。率敢不受人憐，饑亦芘宇中。田
實山先生為
作傳行世

後韻

子世其德抱龍寢，無人識。羞將蟾李續殘息，珊瑚玉
骨委空王。令人慟笑思彌勒。

窺園稿

三

窺園稿

五言古

穀日西齋海棠早放

花朝前一日觀劉文烈扇頭詩用少陵岷山

施江畫圖韻

憶思立

附騷體

牧野懷古

窺園稿

五古

徵君孫敬泰先生哀詞 有序

貞節任年伯母蘇太孺人哀詞

窺園稿

古樂府 有序

江南弄

秋思引

折柳詞四首

歡聞四首

附詩餘

丁香曲

窺園稿

樂府

齊天樂 午日以角黍蒲艾相餽遺

賀新涼 祝郭母八袞壽詞

鷓鴣天 聯社賞蓮分體得茄莖

如夢令 夏景

又和韻

南鄉子 秋別

古樂府 附詩餘

向覽樂苑，強半作綺艷語。意興比之，百寓託遙。淡無容強解也。披覽之暇，戲擬成詠。覽者得無泥犁，嗚人耶。古曲類渾直，而閒復婉秀。亦一時風氣，與其人情致使然。要以能盡其意而止。後之作者，婉直互詆，牝牡驪黃，終蒙世眼。耳余雅嗜古聲，而媿不能成一雅馴語。率筆漫興，千古固無似，亦不求似也。

窺園稿

一

府

江南弄

羅袂試新涼，晚上高樓顧。梅天風雨來，濕盡江南路。

秋思引

相思秋色裏，綃帕理新班。不見高眉者，樓頭傷遠山。

折柳詞

何物浪如鞭，生厭長亭柳。欲行拂馬後，先將拂馬首。

二

送君楊柳亭，條緜不堪折。誰似儂心腸，別時先斷絕。

三

折柳贈君別，君言柳似眉。柳葉春漸展，妾無展眉時。

四

楊柳滿離亭，依依照杯罍。休將折作鞭，留取暫繫馬。

歡聞

儂非無意人，歡實多情輩。儂意歡自知，歡情儂永佩。

二

歡歸晚山日，徙倚半輪多。儂心潭底水，終古絕迴波。

窺園稿

二

府

三

送歡城南頭，相悲復相勉。何物別離腸，只共去輪轉。

四

來時月如鑑，去時月如鉤。好看雙結帶，莫問大刀頭。

丁香曲

客有鄙丁香似棟花者感賦

檢點花容怪海棠，過艷芍藥多。豈等閨脂粉，唐塞盡

春風。愛他秀韻幽香，簇簇盈裊。更婷婷憶昔相

思，每喜棟花似爾。肯因爾似棟花輕。空齋瀟灑几

淨聰明折來試插膳瓶中新詩聊作頌綠酒漫相傾
却嘆痴情錯疑解語回首喚卿卿

齊天樂 午日以角黍蒲艾相餽遺用吳純叔午
日宴中韻鄭莊拈題

頻年高臥鄉園裏時序又逢端午梅雨香深榴花爛
燃羅扇不揮亭暑勞勞親串貽角黍新團艾蒲共舉
時物驚心愁看白髮生新縷當此虎幘高懸龍舟
競渡誰念孤吟獨苦三逕蓬蒿一編風雨還憶同心
佳侶騷壇有王喜大業藏山奇文繡虎令節長新干

窺園稿

三

附

秋盟共許

賀新涼 祝郭母八袞壽詞用顧庵曹學士秋水
軒韻

五色雲初捲看華筵飛來青鳥玉山遙遷彷彿似傳
雲外信露浥蟠桃方茲訪大藥無勞重繭火棗交梨
同獻壽怕瑤池金母霞觴淺雲瑤奏山香展人間
天上同尊願愛仙郎班衣襲錦孝慈堪扁更滿芝蘭
階砌裏誰羨雲中鷄犬捧椒事今行不免泥金賜玉
承歡後想聚馳天語芬朝典先取醉燭花剪

鷓鴣天 賞蓮分體得茄莖 爾雅云其莖茄也

製就荷衣江上頭關心底事最風流愛他薔藕相連
處翠管常敲青雀舟葭未老葭將收纖纖嫩玉一
枝抽碧箭裁出傾新釀待爾同消萬古愁

如夢令 夏景

涼色纔侵庭樹梅雨乍來還任閒步小池臺遠近蟬
聲無數日暮日暮留向芭蕉新句

又 和韻開情

窺園稿

四

附

見說多才多費那更多情多累半世苦相思賦個美
人相對知味知味好語敲成心醉

南鄉子 晚秋早別

愁繞夜難明月冷霜多雁度空夢醒却冷身是客離
離一片鷄聲接曉鐘班馬浪催鳴陌上西風戲轉
蓬又是一翻離別處忽忽依舊相思兩意中

窺園稿

後卷 文目

序

袖哦齋詩序

送沈欽之南歸序

李令君退食稿序

東園臥吟序

暑窓二藝序

窺園稿

文

西齋草序

拈花芳冊題詞

九日燕集亦在園序

晉生鄉薦賀序

送任太史請都就館贈言引

賀滿堂上人序

代壽邑侯李章六父母序

代壽邑侯趙翹羽父母序

儼少司空楊



代壽輝邑侯陳昇庵父母序 儼李宗伯

代壽衛別駕曹公序 儼李少宰

頌 父母申請夏災蒙恩蠲恤序

記碑銘

古處社會讀韓文記

重修梓潼帝君祠記

重修同盟山武王廟宮殿碑記

窺園稿

文

獲嘉縣重修官衙碑記

獲嘉縣改創縣城碑銘

重修獲嘉縣學宮碑記

創建準提文昌閣題辭

創修東林大悲院碑記

中和鎮修建文殊菩薩殿碑記

阿彌陀佛殿碑記

自題竹心稿引

襟文

祭王太史夢航先生文

題孫君夔履難卷後

書松雪九馬圖卷後

偶書齋壁

偶記

文贊


研銘

窺園稿

三

文

端石銘
硯室銘
又



窺園稿

河北賀振能蓬仙著

高安劉 惠靜屏

平丘彭昌齡鶴庵

評

文集序

袖娥齋詩序 代大人作

善乎于鱗李子之言詩也。曰詩言志也。士有不得其志而言之者。俟知已于後也。而昌黎亦以為物不得

窺園稿

補一

所謂窮而後工

其平則鳴。嗚呼盡矣。嘗縱讀古人詩文。其志慷慨者。十八九而譜得意歡樂之事。纔十二三。且其幽深宏遠。詭奇變化之致。震感心魄。膾炙今古者。類取之人。情世態之感激。與險阻艱難之閱歷。若夫剝掠纂組。掇拾牙慧。即復嘔心肝。極推敲而出之一旦。貴洛陽紙而作者。屬可有可無之事。讀者亦可有可無之文。則人之心不動。而情不生也。自宋以來。罷詞賦。而風雅道喪。間復一二志古之士。又往往學不博而才不敏。

所謂流于俚而掉為險者故前朝自瞭炯信陽弁山
濟南而外詩固未敢輕與也蓋皆以可有可無之情
成可有可無之詩即在唐人應制諸章已大遜其生
平之作况後此者哉余少嗜有韻之言不欲自外于
風雅然業攻制義不窺其室而輒棄去至是上春官
遭贈墜不得其志時與同譜諸君子悲歌燕市日以
詩文相遺慰比還里檢家所藏魏晉三唐諸大家近
逮明李國朝諸名集稍肆力焉輒復如有所得也會

窺園稿

余友右之郭君以倦宦居林下文酒相歡風流共訂
慰藉之樂不減燕市一日出其所著詩數卷示余且
屬序余受而讀之而快之快之而益愛讀之不覺撫
卷而嘆也其幽憂也驪也體結而嚴正也雅也怨而
不怒也其風人之遺也慷慨悲歌殆所稱不平而鳴
者非耶公賦才卓犖蚤年名藉藉人知其將大有為
也出倅青齊而世路險巇期年解綬歸語曰文章者
經世之大業亦不朽之盛事公高才勝畧雖不信于

我輩據
寸管
又何升
沈頓海

是為輕
重

世吾知其必有以自見矣是以讀公之詩而快也公
夙富于學宦歸而博學益力故其為詩悉本晉魏三
唐之法非近今所窺即復一二騰駕繩墨要皆取之
人情世態之感激與夫險阻艱難之閱歷故其幽深
宏遠詭奇變化之致皆足以感心震魄膾炙一時者
豈復可有可無之情文乎哉噫以公之詩出而告天
下後世當必有選相愉快深為公可如余今日者何
必非得志之一說也則公今者不得其志以自鳴其

窺園稿

三

神

不平而俟知已焉亦可自信如于鱗李子之言詩已
矣

爾君嗜
昌黎此
則真昌
黎尤其
精者

送沈欽之南歸序

嘗○考○古○典○誌○載○前○人○之○論○天○地○靈○氣○聚○于○山○川○山○川
之○氣○鍾○為○人○士○故○士○之○生○多○于○名○山○巨○川○之○間○而○至
其○不○得○于○世○而○棲○遂○又○恒○于○山○阿○水○涯○焉○若○秀○發○而
多○姿○者○南○中○之○山○水○也○其○士○多○溫○文○而○秀○傑○嶽○嶽○歷
落○浩○瀟○瀟○洶○高○深○而○莫○測○者○北○方○之○山○水○也○故○其○士
儁○偉○陸○離○軼○宕○變○化○博○與○而○精○深○致○雖○不○同○其○菁○英
拔○出○類○萃○為○世○尊○重○一○也○然○流○俗○鮮○知○見○而○又○好○蕩

窺園稿

四

送二

其○所○習○聞○故○南○中○人○有○來○北○者○問○其○山○川○之○勝○曰○無
有○指○名○而○叩○曰○有○之○然○終○不○謂○奇○也○噫○其○謂○山○川○如
是○而○况○于○人○士○乎○余○性○不○偶○俗○而○意○往○往○寄○于○山○水
之○間○然○力○不○能○致○遠○所○謂○秀○發○之○勝○在○南○中○者○只○楚
想○而○已○其○近○而○可○遊○者○大○行○之○高○岫○岫○千○嶂○出○雲○而
流○泉○展○而○攀○巖○有○遺○世○之○致○焉○黃○河○之○深○奔○濤○萬○里
接○天○而○放○海○舟○而○中○流○有○飛○仙○之○思○焉○此○亦○希○世○之
觀○非○常○之○境○而○此○中○人○無○知○者○引○而○語○之○惜○然○謂○無

奇○如○南○人○也○故○吾○嘗○獨○樂○焉○窮○高○深○歷○奧○遠○往○而○忘
歸○雖○鄉○之○人○非○之○弗○顧○咲○之○弗○屑○也○然○會○諸○心○而○無
所○告○語○未○始○不○爵○爵○也○沈○子○南○中○人○北○遊○入○中○原○止
吾○邑○之○丞○署○半○歲○矣○春○遇○諸○南○郊○文○秀○之○氣○溫○雅○之
度○固○不○異○吾○昔○所○聞○者○則○其○中○山○若○水○又○可○知○也○春
且○闌○沈○子○屬○有○所○不○偶○於○遇○而○束○裝○謀○歸○余○招○為○別
而○飲○之○酒○握○手○間○如○名○山○勝○川○之○相○對○也○者○此○其○不
偶○於○俗○固○宜○顧○其○鄉○淳○時○秀○發○可○居○而○樂○也○棄○之○而

窺園稿

五

送二

遊○於○此○豈○亦○有○俗○之○心○乎○非○也○沈○子○之○德○既○與○俗○遠
則○其○與○山○水○固○近○而○鄉○之○人○必○且○以○輕○山○水○者○薄○沈
子○故○亦○抱○其○所○獨○樂○無○告○語○而○吾○嶽○嶽○浩○瀟○者○又○考
古○而○動○其○想○好○勇○過○我○故○不○憚○跋○涉○而○來○歟○及○問
之○此○鄉○而○人○之○無○知○如○其○鄉○也○斯○其○又○憤○然○而○歸○也
願○沈○子○少○留○焉○吾○將○以○所○想○于○南○者○賴○吾○子○悉○之
且○為○具○一○筇○一○蓑○偕○子○於○滄○波○峭○嶽○而○以○獨○樂○者○其
樂○也○斯○不○亦○少○紆○鬱○鬱○乎○更○偕○而○求○所○謂○儁○備○精○深

者○庶○幾○且○暮○遇○之○而○後○信○山○川○人○物○典○誌○所○載○昔○人
所○傳○南○北○之○勝○天○地○之○靈○果○如○是○非○流○俗○能○知○也○將
歸○求○所○爲○山○之○阿○水○之○濱○而○樂○棲○遂○焉○其○亦○無○悶○矣
乎○又○何○有○鄉○人○之○見○足○厚○薄○輕○重○而○栖○栖○求○偶○哉

窺園稿

六

送三

李令君退食稿序

今○國○家○以○文○尊○顯○天○下○士○故○士○莫○不○悉○其○力○于○文○爲
尊○顯○地○夫○既○惟○是○尊○顯○之○祈○也○故○有○不○殫○其○功○不○極
其○致○揣○摩○襲○拾○以○期○一○當○者○而○及○夫○既○尊○既○顯○之○後
輒○謂○是○筌○蹄○效○畢○吾○方○拮○据○官○政○將○鉛○槧○之○事○不○復
暇○爲○宜○不○復○能○爲○耳○噫○嘻○穆○叔○之○論○不○朽○三○而○言○居
其○一○蓋○亦○與○德○與○功○同○體○異○用○者○卽○制○義○之○言○原○心
性○據○經○術○夫○豈○有○殊○焉○獨○其○間○淺○深○優○劣○所○以○朽○不

窺園稿

七

李

朽○者○則○視○乎○其○人○之○才○力○有○以○取○之○非○可○倖○而○致
也○吾○獲○邑○侯○宛○宛○亭○章○六○李○老○父○母○弘○才○碩○抱○一○覽○弗
遺○千○言○立○就○業○以○文○博○高○第○貴○顯○矣○其○所○撰○大○題○諸
集○久○矣○誦○法○海○內○茲○者○退○食○之○暇○復○出○其○剩○技○爲○小
題○一○編○雋○思○騷○舉○秀○韻○淵○流○正○使○尋○常○經○生○家○十○日
思○之○不○擬○片○語○也○竊○念○吾○獲○雖○彈○丸○然○民○以○貧○故○劇
地○以○衝○故○煩○公○才○卽○遊○刃○乎○乃○拮○据○之○餘○何○能○爲○此
卽○何○暇○及○此○謂○非○其○才○情○高○厚○仕○學○兼○優○故○有○以○殫

功。徹。致。不。至。是。且。吾。聞。諸。河。東。先。生。之。言。口。德。及。故。政。乎。政。乎。故。人。和。而。休。暇。而。昌。黎。則。謂。仁。義。之。人。其。言。藹。如。也。吾。知。是。編。出。而。天。下。之。士。誦。法。者。將。由。公。文。以。信。公。政。且。伊。唔。永。嘆。為。獲。人。幸。矣。蓋。不。僅。文。思。不。朽。賈。餘。勇。津。梁。來。學。已。矣。

窺園稿

八

李二

--	--	--	--	--

山才

東園臥吟序

吾讀虞書命蕪之辭。謂詩言志。而尼父亦稱不言誰知其志。言之無文。行而不遠。於乎盡矣。余自束髮慕有韻之言。長益好之。故雖坎壈拓落。可饑可寒。而不可已於詩。即告之。是能窮人而不屑。蓋志之所寄。不能弃也。然自慚荒陋。無所師法。徒取古人糟粕。咀其味。以神遊彷彿而已。會鄴南太史具茨任君。以將太夫人。予假居里。既壤相接。而余以葭莩末誼。又同

窺園稿

九

東二

小阮譜得時。過從奉顏。咲日者手一編。示余則所為臥吟詩也。驟讀之。而冷然善靡。然以和復之。穆穆乎淵淵乎。而不可盡也。每見近世災梨之集。若披金於沙。歷數葉。不得一當心語。頽然思枕矣。茲泱泱者。胡金石之說耳。而雲霞之奪於日。移吾情甚歎。憶未之役。嘗與君借計風塵。追隨燕市。提命之好。惠我良多。時雖口不言詩。而俛仰間。美秀而文。馨欬皆詩意也。無何奮跡木天。迨今垂十年。乃獲披斯。瑯函。青溪而

文○明○源○雅○而○流○風○和○平○忠○厚○可○誦○而○法○焉○庶○謂○知○其○志○而○行○諸○遠○道○不○在○茲○乎○或○曰○韻○限○兩○平○神○慮○不○流○不○知○宏○才○所○際○何○用○弗○臧○昔○吳○國○倫○於○詩○欲○歲○習○一○體○以○極○其○變○意○亦○如○此○迺○識○吾○豫○騷○壇○牛○耳○所○在○僕○將○偕○三○君○子○奉○盤○墩○佐○齊○盟○以○時○還○往○覓○樽○細○論○樂○當○何○如○也○雖○然○君○之○志○忠○孝○人○也○太○夫○人○方○健○七○箸○而○石○渠○承○明○之○廬○又○虛○而○待○君○以○管○絃○鐘○鬲○之○業○吾○知○臥○者○且○起○而○庸○吟○者○將○入○而○賡○矣○吾○又○得○私○

窺園稿

十

東三

君○乎○哉○抑○聞○之○古○人○賞○音○之○契○要○于○終○身○武○之○甫○摩○詰○之○浩○然○皆○牙○之○期○也○卽○隱○顯○乎○何○關○且○魏○文○有○言○文○章○者○經○國○之○業○亦○不○朽○之○事○夫○所○謂○經○國○者○君○固○分○內○僕○且○旦○暮○跂○望○君○而○若○夫○從○事○於○不○朽○則○君○或○不○弃○僕○僕○詎○敢○輕○負○君○由○今○以○往○聆○鳳○鳴○於○魏○闕○訪○鸞○囀○於○蕪○門○迹○遠○而○心○恒○近○庶○幾○相○信○不○孤○遙○同○神○賞○期○各○好○其○音○以○明○其○志○而○及○天○下○後○世○焉○君○其○許○之○乎○善○乎○臥○吟○之○詩○曰○不○愁○家○四○壁○斯○固○將○代○僕○寫○

惟知音者忘分

推襟送抱忘分

照哉曰刺有萃秋則與君共勉之耳

窺園稿

十一

東三

是有道
人發心
著作語

暑窓二藝序

凡為文字必本乎志當乎法以喪乎道故文成而人之品誼微之斯可以壽世然志勝則法弃法固則志傷事不兼適而謂足以弘吾道幾幾乎難矣嘗觀文之可以表著吾志意傳諸永久使後人聞其言而知其道多得之詩與古文辭而人比時藝因題釋旨量格布詞區區一規于法掩抑天開業無以據發吾志矣何論道今試取三數年前一二名世士求其所為

鏡園稿

二

署一

文難卷而吟唔几如噉蠟况泛泛者哉蓋當其慘舛摘藻裝拾補綴以苟且祈副于時制易青紫已矣方以其文為欵石津鷁而所謂吾志吾道者固茫弗知也余不能文無所知道然見古之人其詩若文有志於道者輒慕悅焉又束於時制不獲煖求而俛首事八比志牽力分因成遲暮無所工故無所著雋也丙辰再困公車旋里會承軒王先生自宛亭來手授暑窓二藝燕擅快讀不覺拍案叫絕於戲是何必作時

乃知其
意是厭
時文非
八比

藝觀亦何必不作時藝觀也其筆雄健精刻氣澤于古而法歸于今義挹于題而志若溢乎幅蓋平日感貪廉辨義利具成竹于胸中一旦因題觸緒慷慨笑詈而出之故使讀者欲歌欲涕擊節膾炙而不能止而至其意酣而不過力奮而適盈一規於法而不為糴治者則又自其才與養焉而非尋常之可至也吾聞諸昌黎仁義之人其言藹如承軒自其先司馬年伯以建長公幼輿累世簪纓席巍據臚而品誼落落

澹泊寧靜居然聞道君子也其於貪廉義利中固有深識定力而不惑于世者于二藝窺一斑矣嗟乎余向以時藝之膠于法不逞于志為不足弘吾道之致也故不洽於世法而說詩與古文辭若二藝之運才以矩直達其中之所見而無闕抑也又何不可作詩與古文辭觀乎繼自今吾其珍二藝而樂之且告夫世之為文而志於道者皆求如二藝焉庶可以八比壽世矣

鏡園稿

三

署一

壽世矣

西齋草序

僕與吾友郭子駿臣各有先人之敝廬稱世其家業而既貧且病艱于修葺故至居無寧宇蓋兩人自昔同之也迨後駿臣成進士家饒而僕守漁樵食貧如故乃數椽益不任風雨今年夏謀繕其中舍復坐力歉奈時月拮据不能了會郭子走銀鹿來言近市有廣居以所刻西齋移居詩示我僕聞之喜甚因念駿臣方膺介福憑華居一堂上下萱輝蘭繞行且彈冠

窺園稿

十四

西

紆綬其間當有豪情快致開我胸臆破其跼蹐也乃展讀至蝸角燕泥春來秋至之句意若有愴然者此何以稱焉語云英雄失意泣得意亦泣蓋感今追往慷慨悲涼遂不覺商音之移其吟嘯歎嗟乎人間世事衰盛無常亦胡可勝歎俯仰天地斟酌古今其得失輕重大指似未升沈顯晦貧富貴賤間矧託處之端豐約往來類同逆旅乎哉如僕者湫隘自甘泥塗終老清泉茂樹緜帙芸編之際謂足以耗壯心消

其識高而感深

平聲如

永日而乃備歷窮愁觸事惻悵咲啼不敢醉醒誰知其不平又奚若吾駿臣躋泰思屯聯篇灑灑為足情自喜也前輩稱唐人有韻之言無工五字者五言之妙必推晉魏今觀駿臣詩格清老將奪晉魏席三子曲旗披出唐隨州稱長城無當一面矣

窺園稿

五

西

文情便
利洪徹
是宗門
高座語

已悟人
最上一
乘其根
器爾爾

拈花芳冊題詞

如是我聞在昔黃面瞿曇坐布金園放八寶光為大
衆宣說般若三昧首舉色空詮其弗異故知是一是
二諦本不離非實非虛道唯能悟情根未盡則花飛
尚作沾濡天眼既開則波轉猶堪解脫也頃者諸君
子甫升開士之堂旋憇摩登之席蓋丈夫出世入世
各有遐思忘情鍾情悉成高致故當其釋紛解穢蟬
蛻鵬遊固可以遺俗離塵明心證性而及其芳心艷

窺園稿

六

廿

發綺語紛流則更令人心折骨驚色飛神動耳若僕
者迷途半世總綫情根宿障千重誰提智劍唯近就
香消酒醒人靜月來時寒團坐照覺此身心漸有出
路幸吾友佳製見投枯禪一掃辦香展對頓証三摩
始信淫房酒肆皆是道場佛界仙緣亦同幻境若區
分淨業乃失真空將遊戲情緣悉關正悟要使愛水
雖波蓮花不染情絲任繞寶月常輝庶幾慧照無許
妙觀有覺云爾僕安能不仰嘆希有作禮圍繞以諸

花香而散其處故

花
香
而
散
其
處
故

窺園稿

十七

廿一

風致似
駱丞

九日讌集亦在園序

時○值○杪○秋○節○維○重○九○借○我○同○人○適○茲○佳○况○感○風○流○于
落○帽○懷○故○事○于○餐○英○登○高○極○目○青○山○之○骨○漸○真○讌○集
與○懷○秋○水○之○思○彌○遠○平○原○風○起○頓○驚○搖○落○之○情○大○野
蟲○鳴○盡○鼓○清○琴○之○韻○式○歌○式○飲○莫○令○舊○緒○嬰○懷○以○宴
以○游○寧○待○新○霜○入○鬢○照○籬○黃○萼○念○開○後○之○無○花○叩○戶
白○衣○羨○樽○中○之○有○醕○非○微○雅○句○曷○譜○勝○游○興○來○而○歡
宜○盡○暫○忘○催○租○之○憂○調○高○而○和○更○多○共○有○題○糕○之○興

窺園稿

六

詩○自○為○體○韻○各○從○心○倘○其○玉○音○之○自○秘○定○依○金○谷○之
成○罰

其議高
是文章
地步

晉生鄉薦賀序

夫○士○所○以○立○於○天○下○見○於○後○世○不○僅○科○名○榮○膺○間○也
而○國○家○以○此○程○士○則○不○得○不○爭○趨○之○其○間○得○失○之○區
久○近○細○大○之○數○謂○有○天○命○焉○然○可○以○人○事○推○也○今○匠
氏○制○一○器○必○夙○庀○其○材○而○詳○致○其○功○材○之○所○在○務○求
得○之○從○而○致○其○功○則○速○成○者○其○細○而○大○者○率○遲○久○焉
蓋○其○理○與○勢○寔○然○即○天○之○於○人○視○此○矣○茲○於○吾○友○郭
子○晉○生○信○之○晉○生○才○天○授○齡○年○即○以○制○業○前○茅○多○士

窺園稿

九

蜚聲庠序間又博學多聞識淵然以嗜古稱也會振
能少頑劣多癖稍知讀書輒漫焉慕悅古賢豪不甘
俗伍而於文安闕兩漢暨開元大曆間言雖格於制
業亡見是者而私心之好不衰故見晉生則傾相慕
也○晉○生○理○趣○磊○砢○邁○越○等○倫○為○文○秀○韻○峭○琢○英○姿○絕
俗○而○取○法○根○極○惟○古○是○師○益○復○居○然○一○有○癖○人○而○獨
能○煥○然○垂○譽○與○時○宜○之○則○其○受○才○於○天○者○厚○以○大○而
變○化○生○也○振○能○實○快○獲○所○兄○事○而○晉○生○亦○以○振○能○為

可語由是晨夕還往相得歡甚始晉生挾其才意不
屑屑於物一時慕晉生者思致一過從不易而或以
覓樽細論信宿振能之廬用是致譏謂是少年相比
附而晉生不顧也猶憶廼者費宮課業歸從西郊也
握手梵宮升招提之巔危坐抵掌慨然話古賢豪指
太行雲氣共印文心相視大笑當此時蓋未許門外
人稱相知哉乃吾兩人之相許固非僅以科名而傍
觀者則以科名相推信謂是俛拾青紫而立掇榮膺

窺園稿

三

晉二

者吾兩人聞之亦不私謂過也噫以晉生才即此時
博一第其視世之苟焉倖獲者已不啻十百優之而
不爾者天其不以速成累晉生乎又數年振能始倖
同糠粃先售然公車轍軻沉淪十載茫然不知天意
所謂而晉生亦久滯諸生間又兩先人各見背共
嬰塵緒亡能時時修把臂歡而風月清明輒思許度
嘗從同人讌語輪指知交謂晉生儲才自天天其棄
晉生即所就不僅科名而科名之取決則必以晉生

為首肯聞者半疑信云迨今秋晉生果以禮經舉於
鄉吾閱其文旨深而氣勁力有餘而理益密矯然嗜
古人本色歸自汴穆乎無驕容與之言貌加溫意加
謹飲然若有所承而不敢肆者且述其所聞知舉太
史施公言陰鷲果報不置也嗟夫所謂天之興而大
啟其衷者非乎吾知甘年來其必有伏處而鬱鬱不
伸者感閱於人情世態身家安危之間以思愁其心
腸而堅果其才識而增益之故至此豈其猶沾沾罷

窺園稿

三

晉三

辟快一荐安榮脫膺也者天將大任晉生哉今親黨
群走為晉生賀而微侑觴之言於振能振能曰吾儕
之觴晉生自今以往始未有艾也吾邑自外祖大行
人劉公後閱半百年甲第成絕響今年辛酉大行公
鄉薦之秋也春闈在邇晉生其以發矟新刃一破天
地荒老無疑又會今

癡處乃
交家頭


天子右獎文學一時稽古之士率驟起膺顯秩以晉
生才其聲振林而華王國分內事耳然聲而定華而

除○追○變○古○賢○豪○之○踪○洗○晚○迤○科○名○之○陋○尤○故○人○拭目
夙○心○乎○爾○時○振○能○當○復○從○親○黨○後○把○臂○掀○髯○稱○賀○為
歡○應○不○減○招○提○看○山○時○也○則○其○觴○晉○生○豈○有○艾○哉○蓋
晉○生○未○售○而○必○售○吾○以○信○天○者○信○晉○生○晉○生○既○售○而
不○僅○一○售○吾○又○以○信○晉○生○者○信○天○也○晉○生○勉○乎○哉

癡園稿

三

晉四



送任太史具茨年尊詣都就館贈言引

自○前○歲○乙○丑○鄒○南○太○史○具○茨○任○公○以○將○太○夫○人○諭
予○假○歸○里○居○數○載○侍○養○之○暇○輒○引○同○邑○親○故○尚○子○水
濱○王○子○運○熙○許○子○紫○陽○暢○子○子○交○郭○子○駿○臣○諸○君○為
文○字○之○歡○而○予○以○壤○比○亦○猥○廁○焉○花○晨○月○夕○酒○社○詩
壇○風○派○共○訂○目○者○儷○徂○徂○竹○林○之○勝○信○一○時○快○舉○云
今○年○夏○以○太○夫○人○命○促○裝○就○館○且○北○發○振○能○走○鄒○郊
携○諸○君○子○臨○岫○出○祖○命○酒○徵○歌○以○壯○公○行○色○有○執○爵

癡園稿

三

任

而○言○者○謂○我○輩○生○同○時○處○同○里○聲○氣○綢○聯○斯○夕○把○臂
一○旦○別○行○千○里○如○茲○橋○色○何○振○能○曰○否○古○之○人○以○朋
友○為○性○命○身○名○出○處○相○砥○礪○德○業○文○章○學○術○相○教○勸
詎○只○為○杯○尊○吟○嘯○間○緣○者○其○或○居○遊○罔○接○神○賞○虛○邀
猶○托○之○天○涯○比○隣○意○落○落○然○豪○也○今○幸○與○公○時○地○相
親○納○交○有○日○同○台○方○志○神○聽○其○和○竊○鄙○夫○流○俗○形○迹
之○交○而○願○共○附○所○稱○性○命○之○朋○者○意○君○子○信○之○也○公
宏○才○碩○抱○行○入○為○人○主○視○草○知○麻○金○門○玉○堂○之○間○定

多求應若夫心期相照肝胆委拆視六人又多乎哉故今日之別疇能無黯然其懷也然而

聖天子日以輔轍休明晉襄元化求其臣而太夫人亦以身名揚立光裕後先待其子即吾曹當以宣布所學掌綸彌洽竹帛鼎鐘望其友且向從詩酒花月間切偲斯夕退思而聚講亦誰非斯物斯志也者則今日之別將授之策焉且也顧分首之情胡能自己也酒酣起舞嘯傲贈言亦信之天涯比隣可也噫唐

窺園稿

語

任三

人之言即今相對不盡歡別後相思復何益其各賦短章以佐杯中之興無徒就明日望路遠天長歎雲端如花為也

賀滿堂上人序

昔韓子有言人之墨名而儒行愈于儒名而墨行者可與遊也昔所謂墨今所謂釋乎然說者謂儒而行墨崇寂避喧空諸所有至奉吾道之具而捐焉故君子憂懼之若墨而行儒者凡民情物理倫常名法之端業為解脫而欲求之吾教之中謂有不悖於震旦聖人之道其何嘗哉吾以為儒之慮為墨也不于其行墨仍于其行儒墨之能為儒也不于其行儒仍于

精識與筆

窺園稿

語

滿一

其行墨何也墨與儒旨同而法異者也余嘗窺其說如大乘之言四恩不猶儒者之六行六德乎四十二章之二親最神不猶儒之大德保佑乎以至維摩寶積之十善淨土眷屬不離非儒者惇序明倫求聲應氣之義乎他合乎中國之旨者多不勝舉故儒行之失曠達為高言獨放甚之耽淨迹虛頑空自喜而其類墨者僅小乘之餘緒若墨行之修其不悖于吾儒之倫物性情親戚義誼者近可變而至焉然則余

上人可稱只省

窺園稿

二

滿二

日遊墨名而儒行者不得則仍取其無失墨行者而已矣吾未及遊滿堂上人因其屬景如獲園其行其修墨而近儒者歟上人初為息慈授衣鉢于河朔之三橋禪院一時僧宗門居師祖父之列者十餘輩而上人獨以戒律精嚴智慧俱足稱高足厥後燈傳奕世茲散曇分而上人始于大河之南榮澤之麓招提卓錫焉宗風更闡徒侶倍集至于今數十年矣榮去河朔百里水陸之遙風濤阻之而上人蘆往杯還走

其屬無虛歲而較量俗儒說得擬妮好文肆好

引君公

省其師祖父列者無虛歲嗟乎儒者之名惇親睦族賢篤其本根而無忝焉者或寡乃上人之為墨而徒侶故舊懇懇乎無謾無敦源見而時接也不誠然瞿曇四思之雅而神我二親眷屬不離之遺教乎其不為俗儒之行疎薄愧者幾何退之而在又何所擇遊焉今上人道聲德望榮之人無儒釋咸推之有司者聞其風謂足以領袖諸禪而為重也爰授之職而尊異之且哉往者陳子仲醇嘗謂蘭若之設足以養貧

語更高算地步

窺園稿

三

滿三

濟眾而戒律內典又以隱約其競邪之心而返之正故國家存之以為治又况舉其善者以教其不能者而統轄之乎此又當事之微旨而上人之風槩益于此可見矣今景如偕其屬南渡為上人賀問序于余因為書此蓋已心遊上人云

代壽邑侯李章六父母序

今天子。盛圖治。率羣工百職。勵精以釐厥務。尤隱念國本。謂有造於民。無逾縣令者。命命屢頒。以古良吏廉能為期。殿最激揚。惟厥典不次。不佞向以家居。嘗從里中士大夫訪兩河治政。及邑諸侯有聲者。則咸推李履嘉云。不佞聞而嘆曰。公其何以為獲嘉哉。按中州主利。硤瘠稱河。朔然向當清晏。有司者雖捉襟見肘。猶得以絕長補短。為全上安下計。頃以南氛歲

窺園稿

天

邑二

急軍興。民益凋弊。公將何以為獲嘉哉。無何二三父老。衝寒自獲來。謂不佞曰。敝邑立治來。所閱令無出今李公右者。中冬廿六日。寔公攬揆之晨。巧一言。佐鰥不佞曰。諾。眾之所稱也。願得詳公嘉政。據公為政。振綱絜領。不屑屑作城府崖岸。而利民惠俗。務有實用。其尤著者。若置郵之傳。緩急攸關。在昔國家無事。且歲耗正供。至數十萬緡。近者羽檄交馳。輜軒如織。而當事者坐軍之典。議裁議減。炊將無米。而公數馬

求芻先勞不倦。務嚴其精力。以佐時窮。乙知夏有中

使以旗下民部。賞命峭。幽經州邑。索賄無算。有司者莫誰何。而爭飾厨傳。奉其歡比。至獲見邸署。食物皆草具。則箕倨怒叱。責公失郊迎禮。公徐入曰。郊迎國家明禁。令遵禁。奉使者有常儀。而使者無儀。是犬豕也。吾何能愛一官。剝民媚犬豕乎。竟奮袂出。使者亦奪氣去。而省上下金錢。乃若干。猶憶秦中之役。禁旅出河朔而西也。所過蹂躪無度。公豫儲牛酒。款其渠

窺園稿

天

邑二

帥轅門。請紂束業。稍稍靖。灌雪而遊。騎復乘間掠民廬舍。公聞夜往逐散之。呼民嬖子。襁負而囂。從入城。辟官舍中。卒莫損秋毫也。今年秋。王師南下。秣馬衛源。邑諸侯相率集郡城。朝夕供億。將軍者意存休息。士多憚悍。資糧屏屨之誅。一呼不至。輒詬而手批之。莫不辟易奔潰。而公毅然率羣侯白將軍曰。大將軍奉天子命。制諸軍令。奉

文能為
傳神生
色

天子命治百姓何至相雪奴隸視之乎將軍者語塞
奪其什伍長俸三月而鞭士數人以謝用是遠近交
口噴噴稱李獲嘉神君而六邑輸輓得從容辦皆公
力也大約公居心慈祥愷悌仁厚自天而高才碩學
洞貫古今臨事有大度不畏強禦決疑排難矯矯見
古名臣風采乃不佞有感矣今學士平居讀古書傳
見昔人吏事廉能狀有造於吾君若民者則曰吾安
得操尺寸柄儷美前猷乎無何膺茅土洩有蒼赤多

宛園稿

三

書俗吏
入骨

拘促無所建白其幸運際昇降上下無害坐堂皇按
簿領舉動肅警欵示威重優游儀仗間已矣一日國
家有急需辦倉卒輒狼顧首鼠失其調度將生平所
學無所致用今觀公所以為獲嘉者何其歷常變無
難而造于吾君若民又何等也即古稱廉且能如晉
陽保障朝歌利器寧專美乎哉今
天子亟圖治加意百姓謂切民瘼惟縣令奏最者
厥典不次獲民其不得終私公澤也審矣行且異數

再叙古
法

徵公入臺垣出藩撫播笏垂魚需霖雨在席海內以
廣其才而竟其所學可計日俟矣余故喜其賢而樂
為之序

宛園稿

三

世四

代壽邑侯翺羽趙父母序

諱治至吏道蓋綦難焉說者曰漸于仁明糺之漸于明仁糺之糺之為言救之也救之道可時施而不可以專久專明則競固患其治久而法涼專仁則業更處其政久而物斯厥為失均也惟施之以時二者互根而相為用張弛交飾而濟其無窮斯古賢豪為人臣者救時之道操以易天下蔑爽矧一都邑之間乎哉余用浼衷折於獲嘉趙侯侯全遠望族世累簪纓

窺國稿

三十一

代一

自其大父威鎮四郡積有助勞

章皇帝特典易名而尊甫莊吾公寵晉正議亮節偉勲不及見推侯政治淵源當亦濟時賢豪仁明世炳者矣侯以翩翩華胄克承佑啟行方志潔冠足一時今年春奉天子命分符來宰獲夫獲何足以辱侯又何幸當侯哉始余里居嘗過衛源經獲從年友賀氏遊因悉邑風土按分野當室壁之躰禹貢屬豫之中厥壤惟下

厥民惟遊厥政俗惟繁地據兩郵東西朔南之所通稱九達焉加以開華兵燹之餘旱乾水溢所存土利民數十不二三賴

語具有分寸

朝廷介福一切休息而蒞土者又率專優柔政積弛蘊廢田無耨髮無櫛識者歎其不堪持久而侯一旦下車風雷雨露仁育而義正之數月邑乃大治於戲獲亦何幸當侯哉往者邑諸侯新政多寄吏胥耳目覘民風俗而奸猾得以意輕重上下焉侯至務持大

窺國稿

三十一

代二

體矢公正一嘖咲不少假藉穆然堂皇之上而四境隱幽匹夫意願靡弗周晰一時令行禁止民安吏肅僉視侯模範師帥也而古道照人天和福物則又恬待父母也勸民息訟片言折獄案無宿牘期獲平止弗苛力調二驛數馬求芻先勞不倦期有繼止弗煩禮邑紳士謙謙卑牧請吉周詳而靜深嚴重莫干以私期上不驕下不亢止弗褻微較錢穀力絕侵耗詳給符券酌軍民判留解量時而緩急之期不壅公不

補是實
政說來
却被廢
金玉

掄揚之
中委將
誘掖非
弟波瀾
筆陣為

沒○私○止○弗○緘○毫○式○外○沐○侯○之○政○大○要○以○其○廉○生○其○明
以○其○公○作○其○肅○以○其○教○令○之○一○成○其○慈○愛○之○大○試○問
獲○人○數○月○來○尚○有○賦○役○催○科○重○輓○覬○避○西○粲○東○空○否
有○肆○雀○鼠○角○牙○傾○盆○節○電○否○有○場○龜○豪○猾○陰○持○陽○設
剝○私○累○公○否○有○釋○軍○骨○弁○攫○民○羈○市○迄○無○誰○何○否○有
歲○時○遺○餽○浚○民○膏○以○說○上○官○厨○傳○供○帳○竭○物○力○以○善
臺○使○否○而○強○者○馴○弱○者○保○廢○者○建○困○者○蘇○獲○凋○敝○之
餘○號○稱○平○治○抑○余○又○有○所○深○觀○于○此○嘗○讀○漢○書○于○朝

鏡園稿

三五

歌○識○虞○誦○于○小○黃○識○焦○延○于○清○水○于○豐○識○公○孫○述○牟
融○之○數○君○者○各○以○廉○明○為○茂○宰○吏○民○畏○愛○之○名○在○卓
魯○諸○公○右○而○久○之○漢○中○葉○用○致○刑○措○詎○非○恩○威○克○協
因○時○致○濟○有○造○于○世○者○深○乎○葢○法○信○則○功○成○功○成○則
養○遂○生○養○遂○則○教○化○行○而○風○俗○美○由○斯○以○談○將○今○日
為○興○為○華○信○賞○必○罰○不○自○暇○逸○寬○假○於○毫○末○且○暮○間
者○無○亦○為○異○日○化○瑟○更○張○優○悠○坐○理○地○而○他○日○戴○德
咽○恩○遊○熙○習○皞○作○息○於○結○繩○懸○蒲○下○者○又○今○之○奉○法

惟○謹○格○心○畏○志○基○一○轉○環○矣○不○尤○大○愉○快○矣○哉○茲○夏
林○鍾○月○十○又○五○日○屬○公○覽○揆○之○晨○其○寮○屈○介○佐○將○偕
邑○之○紳○士○民○登○堂○為○公○壽○潯○暑○中○馳○函○千○里○叩○余○言
侑○觴○因○得○悉○候○善○政○狀○如○此○余○家○距○獲○百○里○河○海○之
潤○有○餘○慕○焉○又○忝○充○九○列○夙○塵○旌○賢○宰○慳○口○出○敢○不
竭○誠○陋○祝○候○萬○年○為○獲○人○慶○抑○且○今○天○下○邛○隆
廟○堂○急○才○異○程○材○發○輒○唯○吏○道○是○師○如○侯○之○德○如○侯
之○政○他○日

鏡園稿

三五

代四

天○子○徵○擢○異○數○台○垣○藩○撫○出○入○建○豐○功○大○澤○仁○明○弗
愆○剛○柔○克○宜○於○以○易○天○下○茂○蕤○豈○徒○牛○刀○雞○割○福○一
邑○撫○薰○絃○稱○壽○域○乎○故○樂○得○而○序○之○又○不○僅○為○獲○人
慶○云

代祝輝邑侯昇庵陳公壽序

嘗考往籍至輿圖諸書稱古共伯國蓋在藉門百泉山水之間云自先賢孫邵而後賢人君子往往就卜屋焉意其間民物阜康土俗龐厚當有存古昔之風而異近習者思得受屢營宮一畝為他日菟裘未遲也今年維夏有使介幣來都傳衛屬五君侯之命為共城侯昇庵陳公介眉而以酌者之詞請不佞夫共之政不佞所樂聞顧其言陳侯之治共則更異據稱

窺園稿

三

昇

共自比歲以漕故罷水田邑日以困而又先是多窳政不良於治民不堪命矣公莅任若與文造士勸耕息訟諸務炳人耳目間而其大者則杜宵壬之請謁絕吏胥之侵暴使農安於畝士安于塾其培籓長養在樹本立誠之際而弗亟亟聲華潤色之圖故雖出入戴星而志恒泰氣恒逸時與士大夫登臨嘯咏琴鶴蕭然遐邇稱仙吏焉今共土利漸康阜民物漸麗厚風尚悖古上下間雍雍雍若標枝野鹿而百姓

之食其福已深遠矣嗟夫先聖有言仁者靜以壽如公者蓋益然仁體亦澄然靜體也斯其壽固不龜而卜耳詎埃熊經鳥仲服食導引之術而後冀大年乎哉蓋公華簪累世以名進士筮仕聽臚唱而來也比歲吏道多端或師其擊斷以峻墨派名要氓賦俗而眠縱掖而占甲乙第者謂夫夫技止咕嚙弄柔翰何足與關民社計而公方從詩書禮樂中優游坐治式化絃歌使百姓服教喁恩母慈而父嚴之經國之業

窺園稿

三

昇

即不朽之事是將且壽兼天壤豈俗吏所能知而顧欲薄經術概輕天下士亦已甚矣今天子志上治廟堂重通經鎮靜之臣公卿碩輔或起家守令晉贊閔鉉一旦異數徵公入泰元化謀萬年久道之業使運維衰晚治比皇初渾渾噩噩躋一世平康仁壽之域不亦偉與而要自今於共之靜治基之若異日賢人君子訪孫邵之鄉而識其風流未墜可擇而處者高山深水屐齒綸竿猶拜公賜焉則今

日精手一樽卮言遙視又不僅代諸君慶云

窺園稿

天

昇三

賢士大夫原有
遊世以爲壽者
客言亦非無見

代壽衛別駕曹公祖序 擬少宰李公筆

吾讀春秋傳至穆叔排士句之論伸不朽之業而知
人臣無小大顯晦宜隨分自力以壽於世否則悠悠
者即富貴而黃考奚取焉客有進者曰士受
君命操尺寸柄亦孰不思有所効以自見惟往往
於上下之交左書而右掣之縛驥足鍛鵬翮爲難耳
余曰唯唯否否如所言宜莫郡國之倅若矣上之師
帥太守持其綱下之丞佐贊椽分其節諺不稱難兄

窺園稿

天

曹

弟哉而王休徵呂晦叔李太初富彥國歐陽永叔之
倫各以其職顯至今稱之詎非以其人歟客退無以
難云居無何鄉人自衛源來言歲葭月爲郡別駕曹
公皇覽之晨介其屬六諸侯之命而以酌者之詞囑
不佞不佞忝充九列以人事君凡郡國人材治狀皆
樂崇獎焉矧梓里照臨之長乎據稱衛爲郡土瘠而
政繁若漕精艘輓之緩急機槍荏苒之動靜與夫河
渠澁權諸要務權在守而責在倅故語職之難唯倅

實叙處
儼不傷
雅姿韻
警秀

而為衛者職尤不易也公家會稽望族洞晰治典
莅政以來雍雍肅肅清精業改折矣嚴其歲例無使
有鼠碩鷹蒼逾程而接攫者荏苒戢矣清其保甲無
使有探赤椎埋乘間而作辟者河防衛而外五屬之
濱纖流曲澗耳故事或借端淪濟擾而漁民公以時
按部唯勿決勿塞靡復有荷鍤而悲竭澤者鹽斥之
課與正供儼分境計口而商困民均量平價而引困
國公酌約調劑唯勿壅勿濫靡復有當食而嘆賦聞

宛園稿

四十一

齊案

韶者矣其他善政輪指不盡大率險成
其務而陽讓德焉故上弗競實行其惠而文弗苛焉
故下弗騷數月之間口碑爛焉余聞而嘆曰是可以
壽公矣是可以壽公矣今仕宦方苦倅謂縛驥鐵鵬
無能為用而公獨隨分以自建豎即史稱賢上佐若
祥若沆若公著修弼輩不庶幾歟而至其從容協贊
不競不紉以獲乎上而全乎下則意非諸君子所
能過矣乃昔之顯茲職者或旋登台輔或徐秉鈞衡

總叙六
邑文致
如錯錦
產編

如公才器當亦其分內事奚煩不佞之卮言為唯是
六屬群侯戴公恩厚想見其相率奉觴介眉於一堂
曰牧野蒼山之珉請勒以誌公恩朝歌淇園之竹請
書以佩公弗百門之泉清且淡庶且暮見公心乎不
竊不崩以祝公功盟臺之巔即南山也郝與南燕黃
流瀨焉恃源而弗既願以祝公大年而祈其方至可
乎而公於是為掀髯進一觴不大欣然慰哉蓋群侯
之戴公功德者謂是千載一日而公功德及群侯以

宛園稿

四十二

逮衛人者又一日將千載也即穆叔之稱奚忍焉而
不佞乃假手以其卮言倘則亦將賴公功德為不朽
於戲是可以壽公矣

其粉木
似在八
宋中然
不微者
于

邑侯 申請夏災蒙恩蠲恤序

嘗覽史至唐貞元間河南北暨江淮諸郡災陸敬輿
請賑恤而或以所損殊少聞德宗疑之贊曰流俗揣
所悅則侈其言度所惡則小其事斯制備所由失也
卒請賑之又元和中憲宗謂宰相曰卿輩言淮浙水
旱近御史自彼還言不至為災李絳曰是為姦諛悅
上意耳帝意乃解是知實心言事自古察察而民隱
之上聞蓋甚難也雖然亦顧其人耳彼贊與絳豈獨

窺園稿

望

萬

為人臣乎哉至州邑之吏與民休戚尤近動止之間
利害判焉益下或損上益上或損下九閭萬里也苟
非其人孰為民一議甘苦者間衡天下之勢豫當列
國之衝故其民視八州為瘠而中州之民瘠者衛為
最衛之民瘠者獲又為最人輕而游土斥而蕪加以
乾溢兵翼之游仍民俗維艱即菑主者率難之而我
之責歟一切維新與眾更始若清嘉肺以省贖鏗謹

國家習
嚴治吏
常情

權量以薄增耗將毀之泮宮圯而忽時久廢之關市
散而頓集義塾興而小子有造里社均而飛詭無度
民稍稍稱起色矣今年春淫雨為虐麥事大隕民無
所謀朝夕公益痼痲憂之云會衛人謀各以夏災懇
有司奏請丐蠲而議者稱比歲坐軍興內帑告歉大
司農水衡諸曹算悉利孔又國家穀祿初復吏常俸
不給橐餖或資正供之羨紆憂退食損益之數上下
相倚斯謀畫餅耳公聞之曰否否本固邦寧廟堂執

窺園稿

望

萬

政詎昧斯談且苟益於衆即損已何害顧腴民以自
腴非人臣也吾其為百姓籌萬一哉而是時公方以
才異署篆鄒南獲士民又未有及與斯謀者公慮其
失幾而後也代詞為牒擬蒼赤悲呼之狀比諸邑而
詳請焉噫微我公將誰為獲實議甘苦者茲幸
天子神聖重國本大吏効忠無格於議蹕上業有俞
旨租解七分之三與民休息一時黔首歡聲雷動而
不佞振能與二三同人縉紳之士相與慶於室而謀

於社曰今者之休微我公弘慈悉心力以愛人不及此其共登堂爲公壽衆皆曰然卽以侑觴之言屬振能是不得以謫陋辭也遂相率登堂而告曰吾儕讀書見所稱循良吏若霸若遂若詩若信臣諸人皆以實心爲百姓請命輒嚮慕思爲執鞭不謂乃及身觀焉而吾邑凋敝之餘將免此離以臻上治敢以一觥慶獲人之食福於公也又曰今天下太平朝廷獎慈祥知本之臣如公弘才而德心其徵入台坦以循至

窺園稿

唱

三

大拜直曠曉俟耳將悉民疾苦而多方在席之茂績偉勲炳史册以垂萬年彼費若絳者又專美乎哉則更進一觴以祝公介福不儘一邑而蔣及於天下也遂相酬而大樂取醉歸焉

合鑄
藏乃有
此筆

廻環

古處社會讀韓文記

且凡文字不同乎時者則目之古夫文則爲然人宜視是雖然文固有進乎古者也人亦安有不同乎時者邪曰有之有人于此吾不知其何人而世咸目之迂又有人于此吾不知其何人而世咸目之愚而此迂者愚者初亦不自甘而推誠布心願共附于時所謂不迂不愚者乃世卒不見收而擯之迂且愚豈第擯之又從而姍笑怒仇之也于是迂者自分謂時無

窺園稿

唱

三

文情百

知我而求之古見古之文有曰公不見信于人私不見助于友跋前疇後動輒得咎以爲深類乎我之迂而見棄于世而姍笑之者取而樂之服之無已也愚者亦自分時無知我而求之古見古之文有曰磨肌憂骨吐出心肝企足以待真我仇冤以爲深類乎我之愚而見棄于世而怒讐之者取而樂之服之無已也噫古之文而若人橫執以爲迂與愚甚矣其迂且愚也雖然余嘗準之矣其所傳誠有類乎世之擯爲

迂○且○愚○而○姍○咲○怒○讐○之○者○即○謂○之○迂○與○愚○可○也○噫○古
 之○文○而○有○迂○且○愚○則○夫○人○者○亦○何○必○自○諱○其○迂○與○愚
 以○乞○信○于○時○即○時○且○擯○之○而○姍○咲○怒○讐○之○庸○何○患○也
 况○迂○者○一○旦○見○夫○世○之○所○擯○而○姍○咲○怒○讐○之○者○迂○之
 外○更○有○一○人○焉○問○之○曰○愚○者○也○考○其○行○乃○大○類○乎○迂
 與○之○處○且○以○為○大○道○我○迂○也○而○因○取○其○所○得○于○古○之
 迂○者○以○証○于○愚○而○慰○愚○而○愚○者○亦○見○夫○世○之○姍○咲○怒
 讐○者○愚○之○外○有○迂○焉○而○考○其○行○而○與○之○處○又○大○類○乎

鏡園稿

突

古

愚○而○大○適○乎○愚○也○而○亦○取○所○得○于○古○之○愚○者○証○迂○而
 慰○迂○于○是○兩○人○者○遂○相○借○而○求○于○古○益○力○而○更○有○見
 夫○古○之○所○傳○且○不○僅○一○迂○不○僅○一○愚○也○而○日○相○與○討
 論○大○快○一○任○世○之○姍○咲○怒○讐○而○擯○棄○之○不○恤○若○不○聞
 也○嗟○乎○夫○兩○人○者○其○真○迂○且○愚○者○耶○抑○亦○否○者○耶○其
 迂○者○誰○居○城○之○北○有○月○標○楊○先○生○其○愚○者○邑○之○中○賀
 振○能○小○子○也

重修梓潼帝君祠記

本故邑侯張公祠

先○曾○王○父○恭○憲○鳳○山○公○之○少○也○貧○甚○幾○不○能○卒○業○云
 時○明○萬○曆○五○年○會○獲○鹿○張○公○以○進○士○南○來○宰○獲○季○試
 得○公○文○奇○之○為○具○資○供○給○獎○翼○之○良○至○得○肆○力○于
 文○以○成○功○名○而○賀○氏○稍○稱○溫○族○世○其○業○文○貞○公○而
 下○時○有○顯○者○皆○公○力○也○公○以○異○政○擢○去○而○賀○氏○立○祠
 祀○公○到○今○六○十○年○矣○前○歲
 天子○詔○毀○淫○祀○奉○命○雷○行○除○祀○典○明○神○外○一○切○祠

鏡園稿

聖

并

宇○無○是○非○驟○之○殆○盡○叔○大○人○謀○所○以○存○公○祠○不○得○而
 易○其○額○曰○梓○潼○帝○君○之○祠○乃○不○毀○夫○帝○君○世○所○傳○司
 命○文○章○而○為○文○人○士○陰○相○者○也○又○三○數○年○而○靈○煥○祠
 圮○亦○盡○今○年○叔○大○人○方○北○上○命○小○子○鳩○工○復○之○工○竣
 而○梓○潼○之○號○乃○不○可○改○吾○子○是○有○感○矣○君○子○學○古○人
 官○治○政○不○一○然○上○而○獻○楨○于○朝○下○而○式○化○于○野○培○一
 日○以○風○百○年○惟○作○人○一○事○重○耳○孔○門○所○以○訓○得○人○也
 公○治○獲○仁○明○之○業○屈○指○不○盡○獨○是○按○滯○搜○寒○扶○植○士


神似龍

氣○尤○噴○噴○人○口○蓋○君○子○為○國○育○才○臭○味○所○存○精○神○意○
氣○關○向○自○別○誠○不○啻○厚○私○焉○而○沐○其○德○者○亦○不○能○不○
生○成○感○之○此○祠○之○歷○今○而○存○也○噫○公○非○私○賀○氏○之○人○
私○賀○氏○之○文○不○私○其○人○而○私○其○文○將○所○稱○梓○檀○之○道○
其○不○然○乎○用○其○道○即○用○其○號○何○惑○焉○吾○故○述○其○故○以○
見○公○之○德○足○以○司○命○文○章○而○今○即○以○此○祀○之○將○由○是○
以○為○邑○文○人○士○陰○相○不○衰○也○後○之○觀○者○其○尚○存○勸○也○
大○公○諱○一○心○字○道○宗○

窺園稿

哭

序二



重修同盟山武王廟宮殿記

吾○獲○出○東○門○五○里○歸○然○有○阜○高○而○大○者○曰○同○盟○山○相○
傳○周○武○革○殷○不○期○而○會○君○侯○八○百○為○茲○誓○師○定○茲○茲○
所○王○廟○在○焉○自○先○代○建○奉○朝○勅○有○自○來○矣○或○謂○茲○阜○
寔○當○時○群○侯○庶○士○頽○負○土○而○封○之○故○能○高○以○大○如○是○
然○無○考○也○余○家○有○別○墅○在○山○之○陰○歲○時○遇○敦○耕○焉○嘗○
于○夏○秋○間○登○其○巔○風○乎○山○門○之○外○遊○目○騁○懷○見○村○落○
林○莽○風○烟○離○合○一○切○在○下○曠○然○有○高○世○軼○塵○之○意○已○
懷○抱○是○

窺園稿

四九

武二

何等落

大意只
如此便
盡餘筆
堅老峭
瀟絕似
神柳

乃○東○望○牧○野○西○遊○盟○津○念○興○亡○其○一○瞬○感○治○亂○之○日○
新○又○不○勝○愴○焉○遠○覽○神○動○而○悲○嘯○也○是○知○古○今○來○無○
亂○弗○治○相○尋○之○數○極○焉○必○返○聖○人○者○出○而○廓○一○世○之○
穢○寰○海○用○休○書○曰○獲○仁○人○以○過○亂○畧○易○曰○武○革○命○順○
天○而○應○人○顧○此○巋○然○者○一○杯○之○土○固○千○百○年○功○名○之○
跡○仁○暴○盛○衰○之○明○鑒○哉○舊○有○太○公○飲○馬○池○校○士○臺○皆○
負○山○之○陽○歲○遠○圮○堙○高○深○畧○辨○其○在○院○中○者○王○廟○之○
外○真○武○三○官○叭○蜡○疙○疸○右○伽○藍○凡○四○殿○各○三○楹○則○土○

人因事時舉而附置焉。明華以來，兵燹饑饉，廟貌不
 葺，敗壞者久之。至是邑諸善士謀鳩工新之，而益王
 廟前拜殿三楹，右官亭三楹，他制如故。門墉堅整，輪
 奩卅室，無憾。允盛事可述矣。與斯役者，倡之董之分
 輸，合作例並書以旌其勤。悉諸碑陰。

鏡園稿

五

式二

華道意

獲嘉縣重修官衙記

嘗讀韓昌黎言中世士大夫以官爲家，意蓋非之而
 吾思焉。謂其風猶近古。若邇來宦遊者以官爲逆旅
 故往往坐視其廳事衙齋廢而不理，謂此固傳舍須
 時日歷階去耳。惡煩吾力修之爲噫。於其所託處
 者若是矧託其身以處元元乎哉。邑侯公治獲之
 五載，凡所爲培風俗厚政本保民造士通商惠農者
 以次修舉。若學宮之圯而時城垣之土而甃關市雀

鏡園稿

五

式二

往往

實叙只
約畧而

賦之散而集，倚而均，民生康遂，幾平治矣。乃始繕其
 衙舍，獲官衙自明代規模畧備，然內外左右荒涼湫
 隘，麗典之宇靡闕，則敝雖歷修葺而主者不關意，徒
 爲消功單賄，耗里社資，滋宵壬濫漁，卒冒而已。公廉
 其狀，概加節省，慮主度木必躬以親，有當衙屏壁舊
 例營之竭中人產，不了而公直數金完之。聞者異焉。
 他樽醬類是計所繕置在前者，堂扉廡廡左匪右，版
 門墉墀砌若干，所爲出政聽訟威儀填撫之方，循承

筆力斬

舊貫而壯麗維新在內者室廓寮厓後寢前齋步欄
幹軒若干區為琴鶴燕閒退食思政之鄉式廓莖壇
而袤延倍昔既落成四郊之衆逮其在官者咸色喜
相告以來請不佞文紀之嗟夫仁人君子撫有方域
何在不赤心白意為斯斯人制治永久矧我躬攸
據日晚發政令養百姓以報
天子寔于是焉依託一身一日之為而顧得師其私
智自委謝因循旦夕也者則今日悉志矢誠經營拮

鏡園稿

五三

卷二

頌不忘
規曲終
泰雅

据斯不信德于俗遠而功于世溪乎雖然甘棠之詩
曰召伯所茇識上之休也靈臺之詩曰不日成之識
下之洽也抑斯干之詩曰君子攸躋又曰君子攸寧
惟君子當躋之惟君子足寧之也如公之功斯克正
於其庭如公之德斯無忝於其宅若乃上多窳政下
鮮獲業夔歎窮岩蘊愁蒞而厲民以作之室斯不
更我公阜人也歟作官衙記

其章法
句法字
法無一
不鑿鍊
入古漢
唐以來
不多得
文字

獲嘉縣改創甌城碑銘

獲為邑彈丸而據四途之衝齊秦燕越輶軒師旅出
入往來咸於是乎取道焉北望行山南瞰河流蒼茫
榛蕪之鄉兵燹偶乘氛稷洊至則萑苻么磨喘聚竊
發之故徑徑而有佰姓所藉農桑老壽休息保聚者
僅僅孤城耳而歷三數百年間壞堵一坏媿安恃陋
號有城實無城也又其甚者水潦漂齧歲煩修葺而
董役者率竒貨目之故蹉跎彌旬月計為中飽而糜

鏡園稿

五三

卷一

里社金錢無算草草補苴不逾時輒復見敗壞邑士
民日夜蒿目環眎竊歎然無能為一畫籌筭而會吾
公 侯寔奉

天子簡命來蒞茲土不數年修復諸廢墜政未易更
僕數一旦覽雉蝶之陵遲則慨然曰其有以 天子
版宇生民保障徒恃區區紮土漂提風雨中豈異人
任哉於是進諸父老子弟而謀之曰天下事靡勞弗
逸茲撮土之叔吾將易繩甃而新之若何堂上下噤

口屏息。無敢應者。則又諭之曰。勿裏矣。勿畏難。朕在前。衽席在後。邑不可無城。城而土。歲費數百緡。視甕爲易。然易成易敗。是我且歲委百姓數百緡。土也。其幸風雨時調。水潦無害。然四隅墊隘。巖夷址蕩。民室家老幼。緩急無所憑險。是我終委百姓室家老幼。千百人主也。權利害度。輕重量。近思遠。惟爾百姓圖之。僉曰。我民實愚。替損作益。惟我侯之賜。則又計之曰。繕城之費。今歲有經矣。輕而頻。無寧屋而誓也。

魏國稿

五

將十之五。勸資自民十之三。獨俸自官計。金可五千。有奇。餘以倒私。篋而統。旌成焉。案糧。舂薪。蒸陶。墾之方。惟置。惟募。役無。驛用。有程。條條。井井矣。僉曰。眾任無。鉅平。政無。厲惟。我侯之命。議成。上諸臺。司皆報。可僚。佐紳士。胥卒。工。貢。咸允。厥勳。功既。舉。鳴。馨。鳩。築。子來之眾。如營其私。侯且。晚。慰。勞。之。獎。勤。勵。情。荔。作。奮興。鄒。鄒。巖。巖。式。固。式。密。辨。現。譙。檣。堅。整。麗。翼。肇。於。初冬。迄之。春。暮。而不。世。之。勳。居。然。告。竣。諸。父。老。子。弟。

歌舞踴躍。喜茲成功。手加額而相告曰。吾輩乃今而後。長老得鼓腹嬉矣。婦子得聚廬處矣。鞠凶亡流播。羽檄鋒鏑。亡震蕩矣。狐鼠消漏。扃拔亡曠日。遲久。幸率踐更之勞矣。微我侯之命。賜不及此。烏可以不示。後而不佞。振能實。荷侯國士知。請爲文紀之。於戲。創百姓之功。暨萬世之業。不動聲色。無煩督譴。而又於大農帑額。下土。蓋藏。不損毫末。持五千。贖金。六閱月而告成。事近古以來。急公之臣。未有任事如斯之敏。

魏國稿

五

者也在周之世。王命南仲。城彼朔方。而詩人稱赫赫焉。召伯營申。有傲其城。而吉甫之誦。肆好降而唐宋。楊晟高駢。冉氏瓊瓊。之屬。城夏城蜀。皆得承榮。世主以光史策。茲廟堂之上。旌侯偉伐。聖書褒秩。以壯國楨。事當在翌日。我曹幸親服。嘏。囑。恩。信。不。可。以。無。示。後。遂。紀。之。文。而。繫。以。銘。其銘曰。古稱成城。哲夫之營。馮侯。泣。獲。業。廣基。閱。吾。儕。小。人。非。常。是。懼。草。陋。蒙。安。緩。急。莫。戍。賴。


翠頌

疾○之○情○廓○乃○捉○封○瓊○瓊○堯○坦○仡○仡○金○瘳○耗○不○自○上○海
不○自○下○經○之○紀○之○聲○色○弗○大○既○襄○既○時○既○闡○既○壘○率
我○父○老○逮○其○婦○子○生○聚○壽○考○耕○織○豐○腴○發○祥○隕○祉○而
康○而○衍○水○旱○兵○革○低○雖○不○淑○斯○怙○斯○翰○斯○遠○其○壽○戴
功○永○承○食○德○綿○綿○不○朽○之○祜○於○萬○斯○年

鏡園稿

美

卷四



重修獲嘉縣學宮記

歲○柔○兆○攝○提○格○林○鍾○之○月○既○望○獲○令○尹○公○出○城○東
門○外○率○僚○佐○紳○士○暨○民○父○老○子○弟○近○臨○市○衆○講○宣○聖
論○勸○民○勸○俗○諸○條○教○既○罷○公○退○聽○講○者○咸○歎○息○稱○公
之○賢○時○鄆○陵○趙○君○連○城○爲○邑○學○博○出○座○揖○振○能○而○告
曰○人○稱○公○賢○公○則○誠○賢○者○哉○振○能○曰○博○士○之○執
政○新○將○何○據○賢○我○公○曰○吾○觀○公○所○以○治○學○宮○即○他○治
政○可○知○矣○蓋○博○士○始○進○於○學○觀○釋○菜○奠○幣○之○鄉○雕○甍

鏡園稿

卷

重

數語折
得曾王
諸學記

麗○翼○丹○堊○奪○目○明○倫○尊○經○堂○殿○閣○時○式○壯○且○緻○群○賢
更○老○之○所○藏○師○儒○子○弟○之○所○肄○遠○者○清○壇○者○明○新○恢
舊○易○必○誠○以○信○也○故○觀○公○所○以○治○學○宮○即○他○治○政○可
知○矣○振○能○聞○之○慨○然○曰○不○亦○信○哉○古○之○爲○學○者○講○道
習○藝○其○中○逮○飲○射○合○樂○養○老○尊○賢○聽○訟○受○成○獻○敵○之
事○悉○於○是○乎○由○之○故○曰○學○所○以○爲○政○又○曰○學○者○禮○義
之○宮○教○化○所○由○興○也○然○不○可○不○知○其○所○自○乃○祀○先○聖
先○師○焉○唐○宋○以○來○詔○天○下○州○邑○皆○立○學○而○祀○孔○子○凡

道孔子
該語正而

泰者日
擊而漲
疾之

以敦教起化崇政本也今自都邑以迨鄉曲比閭鉅者寢皇摩懿微者潔治檐楹其稱廟貌往往而且詢其所祀事則禦灾捍患龍棄之屬與五行在天之吏而已外此二氏之徒以奉佛老者多焉歲久圯廢則環居者闔閭僭石之夫聚族而謀務完新之釀金鳩役如取諸寄而孔子者立生人性命之德其道養民化俗家國天下資其理治非只捍禦灾患棄龍與五行之端吏比乃學廟一片地在盛代無不寢皇摩懿

鏡園稿

美

檐楹潔治者厥後世降術業就荒并其宮室隨之有司者或起家縫掖居恒設俎豆被服絃誦謂之道在孔氏治在典學言娓娓若可聽信一旦簿書執掌輒謂此腐儒老生者之所習何足煩吾戴星爲甚者指費假號取羨於公私以實中簾有之君子謂是闔關僭石之夫二氏之徒之弗若不亦甚歟故長道橫經之音不嗣而有仙者宮鞠則茂草微唯獲然矣今上御極之二十又一載公始來諸政未遑首視費

每子顧
將處生

結亦深
老

宮謂化民成俗要在興學傾蕪不治懼無以昭德奮業維風立政謀繕復之檢橐中出朱提百爲經始而稍稍糾輸焉日夜敦省鳩工庀材務致其虔以克襄厥盛也今獲諸廢典邑無嶽政化民勸俗如茲申論講約諸務無非崇學立教至意而頌公政者必自學宮始豈非知本古名臣風哉公業以貴爲郎然急公政不愛其私以視諸縫掖者浮文亡實臨利攘攫以喪其生平其亦遠矣趙君曰然此獲紳士與膠庠之

鏡園稿

美

重三

子弟感而謀不朽於斯役也博士之執政新慮無以悉大勲請卽以吾子言記而示諸後昔鄭人有所議於鄉校子產聞之以爲師而夫子以爲子產仁後有仁者庶亦得師於斯文

創建準提文昌閣題辭

禍福之原非鬼神為之。而世每於鬼神求也。鬼神之
用不必以儀像顯而人每以儀像索也。蓋不知禍福
之原故不知鬼神之。用既不知鬼神矣。况佛乎。從來
言為善者則舉而歸之於佛。今天下非談佛時。而目
中又無解人。可與言佛理者。故不言可也。吾以為佛
不可言。而不可不言。鬼神以禍福之中。於人心者。猶
可用以為善也。夫以禍福而畏鬼神。以畏鬼神而生

其文情
能轉閱
生

窺圖稿

六

準一

是汲於

清淨心。即此漸入宗乘三昧矣。又安在言鬼神言禍
福之非。即言佛乎。世不知佛而相習為浮屠氏之說。
故文人氏諱言之。獨準提一法。其行中國甚久而秉
教者多出於學士大夫。振能兒時。輒從保姆口受問
悉其經咒奉持法。然童心兒戲而已。既長悅二氏之
書。稍窺禪理。又歲丁酉感幽憂之疾。十年飯藥苦不
得休。因以意結一菩提薩埵像。隨轉反側而為護
念。得不灰久之。益悟向所謂準提者。奉佛為法。提心

深觀人

作日不可思議。皆成正覺。即其間因緣果報。皆非証
語。蓋一切福田。不離方寸。因心而覓。感無不通。自非
取數十年升沈成敗。窮通得喪之故。以靜心遙集。而
體驗之。恐未有第二人能信及也。庚戌夏有建庵之
約。而同人之樂善者甚夥。有化王某。其為善誠而力
德足以率眾。謀于邑東南偏。因長堤為閣。二重絕頂
為文昌帝君。而準提大士居其中。是又堪輿家文峯
之說。而為邑人士與文之一兆也。昔燕人有亡幼子

窺圖稿

空

準一

音聲從
何處得
來

于越而懷之者。念非具輿馬往求之。不歸。于是勞心
力數年。備輿馬往求而歸之。歸而念子非輿不歸也。
以一蹄賽般。非馬不歸也。以一扈賽臯。君子曰。曷亦
賽其身。與其心是舉也。即像求心証禍福之不爽。示
鬼神之無外于以悟佛理。而廣善緣。雖未即養心底
不僅養輿馬也哉。

漢明佛
旨而談
有分寸
不漫作
尊榮

創修東林大悲院碑記

凡道有造于人使養其心以復性而弗即于邪斯無
惡于聖人矣昔孟氏師孔子而稱伯夷之清標下季
之和皆為聖人蓋其高風亮節足作民于志氣道雖
不同有造于世一也今佛氏世所稱西方聖人也西
方去中國遠俗雖不齊而身心性命理當不異自其
學入中國千百年與吾道并麗天壤賢人君子往往
旨其說而弗厭詎非清淨之風無為之化通乎性命

魏園稿

空

故華重
而佛彌
遠也

而其緒又為因緣果報之說足以戢人邪妄終不可
乘歟或曰佛之跡近墨氏子與氏嘗力損之而吾昌
黎所排抵也何取焉大戰國之際邪說橫議與洪水
並亂子輿氏息焉宜也今佛者齊聖于凡開迷成悟
所謂指川月而鍊鑛金四相捐六根淨矣故建儀設
樂已譏竹管牛皮即點石飛花猶是龜毛兔角耳唐
承魏晉六朝之陋學者不衷于理而飾其跡以為佞
上下間俗濫心迷非昌黎一疏則江河之勢莫有與

提儒道
作至見
正大

極木流之失豈佛氏之本原哉夫葛藟不終歲而乘
時皆適于體鹽梅不充口而調鼎悉賴其滋蓋大成
可集則夷惠風流俱關世教反經有本即佛老卮言
咸裨人心在取者善用之耳今天下薄海寧謚儒道
昌明而貪競凌厲之風不無相沿于習俗使時漸于
清淨無為之道而佐之果報之說以神其教安在不
庶幾有造于一且况夫求本來之面目致坐照于圓
通雖使知不易而懸賞攸存更學士所不廢乎善夫

魏園稿

空

謝傳之言曰商鞅敗秦患豈清譚是可為解者道也
吾獲以屏瘡衝區自開華兵燹來庶務隳頽賴吾
公 侯蒞任六年力與諸廢九城社衙署業一切捐
俸新之茲緣東郭郵亭之役就東嶽廟傍增建禪室
招僧居守而士民感侯恩相勸鳩工因其隙地建為
大悲禪院以祈侯壽考自釋迦文佛及菩提薩埵威
儀肖相莊嚴寔盛亦釋氏所謂象教也遠延禪宗夫
隱上人偕高足數十輩譚經行戒晨夕鐘鼓之音不

絕。邑。民。群。奉。香。火。士。大。夫。來。遊。日。驟。居。然。開。淨。界。于。泥。塗。闡。宗。風。于。末。世。而。侯。歲。時。朔。望。肩。輿。造。院。虔。禮。為。百。姓。祝。釐。請。葺。盤。桓。休。息。焉。由。茲。以。往。千。秋。百。世。想。見。侯。功。在。獲。人。者。與。佛。日。長。明。慈。雲。永。護。謂。招。提。曇。影。卽。甘。棠。可。也。工。始。于。乙。丑。初。冬。其。落。成。則。丙。寅。良。月。也。與。茲。役。者。陳。力。布。金。例。得。并。鉞。悉。諸。碑。陰。

窺園稿

空

三

士大夫來

中和鎮修建文殊菩薩殿記

西。方。之。聖。曰。佛。而。文。殊。師。利。菩。提。薩。埵。其。弟。子。高。足。具。智。慧。以。奉。揚。教。化。於。大。千。界。中。濟。度。我。衆。生。者。也。中。國。有。聖。人。西。方。之。教。可。以。不。著。而。歷。千。百。年。無。內。外。遐。邇。若。男。若。女。聞。佛。之。號。罔。不。敬。禮。各。出。其。信。心。而。崇。奉。之。弗。衰。何。歟。蓋。其。一。切。解。脫。歸。指。於。空。而。除。貪。破。妄。抉。心。性。之。微。固。非。一。二。躐。淺。之。士。所。可。臆。議。卽。其。緒。餘。粗。迹。因。緣。果。報。之。說。翼。善。抑。惡。而。濟。中。國。

窺園稿

空

中

王。法。聖。教。之。弗。逮。者。不。少。故。昔。人。謂。昌。黎。未。諳。佛。理。排。之。雖。力。而。不。中。故。梵。氏。不。服。然。吾。幸。昌。黎。不。諳。佛。卽。不。遂。拒。佛。而。不。失。爲。吾。道。功。臣。使。昌。黎。而。諳。佛。也。者。其。於。佛。未。必。終。有。所。排。絕。恐。吾。道。且。失。昌。黎。也。往。余。以。性。不。偶。俗。幽。憂。作。疾。因。窺。窺。二。氏。書。理。祇。林。漆。園。之。旨。卒。用。以。瘳。厥。后。遇。錫。飛。鶴。蒞。之。區。入。必。敬。過。必。式。焉。今。年。秋。上。人。某。踵。門。爲。余。言。邑。南。廿。五。里。中。和。鎮。所。建。文。殊。殿。落。成。矣。丐。一。言。記。之。詢。其。初。持。鉢。

出五台遇聖像將載以歸道經茲土善衆攀留以借
力締此因也噫禪宗無相而三十二相七寶恒河總
以幻身說法證性徵心津梁萬世無非相者有相則
有觸有觸則有緣而因果報應之說生焉顧其深淺
精粗則根器利鈍隨材自取而已吾於是感上人之
勤愿多功而居民之志於善者衆也蓋凡事之興不
偶五台去中州千里上人何爲而出聖像何爲而遇
又何爲而來何爲而止冥冥者似非有所因緣不及

窺園稿

空

此意者居民多信善其誠有以締緣於佛氏故菩提
薩埵者假相而照茲土以翼善抑惡佐聖
天子教法而福一方乎然則上人者功不在摩騰竺
法蘭下矣

阿彌陀佛殿記

吾獲荷賢君侯毅然茂建不一載改造甌城并新其
學宮衙舍驛館郵亭諸役既落成念人力不至于此
又率民以餘力爲禪院東門外蒼神祐也亦葦盛哉
先是上人融有立文殊院于邑忠和鎮西偏索余文
記之今年冬復來言所建阿彌陀佛殿成則更以記
文請云夫豈非上下風草之勢相觀而益動歟余嘗
閱佛氏書考其所由來肇于漢盛于晉歷五代唐宋

窺園稿

空

說佛殿
即念民
步是大
佛見本
之談

迄今而廟貌遍天下然自梁以外其興廢自下亦視
民力爲消長耳今百姓終歲所獲自俯仰六親之事
畜以迨徭役貢賦吉凶公私之費餘無幾矣或者賴
佛之力歲無大稜故順風而呼民猶得竭其力佐上
人以爲佛豎茲相教不幸而歉將朝夕弗給至居不
辦乘屋又安所取主木丹聖金碧之資爲上人畢茲
願力乎按釋典彌陀氏佛之大者世之人疾痛則誦
之畏怖則誦之舉一切驩愁觀避感激憂思無弗於

彌陀是念者然類出於謹厚惇愨之夫而後黠佻達者流或聞而嗤且詬焉非能見異其說而離之只狀其有所持敬而不得肆耳今上人願力既弘而鄉之人某某醮金鳩力以相之一倡百和若慮或後以共襄大舉茲其念之篤而俗之馴以愿不又可知哉比者公中諸大役上之人失道使民下鮮告勞然說者隱念欲一切休息而茲梵宇適成吾於是感佛之靈與上人之勤而幸吾民物力未卒瘵風俗猶可為將

宛園稿

突

阿

漸復於昌有徵也蓋深慨焉故因其請而復為之記

自題竹心稿引

振能蚤年協癖子猷納神衛奧所恨屈僻陋無辟疆佳圃足徵人懷歲辛丑偶觸沉疴日飯藥不得休一切文字之樂為之都廢會友人遠寄琅玕數本喜樹樓前用作晨夕清供因賦有節一身終好直無心到處自成圓又曾共梅花分雪月不隨蒲柳怨霜風諸句贈之聊自適也日既久吟囊漸飽而所患亦漸差弟子姜遠以余新瘳不應時力硯田謂余曰竹以無

宛園稿

突

山

心致人愛而君子以多情為竹勞無乃不可乎余感之命其稿曰竹心自是稍踈管城焉

祭王太史夢航先生文

維康熙壬戌中冬月越望後三朝寔太史夢航先生
捐賓客之百日獲嘉後學賀振能操一禽一絮再哭
先生而奏之文曰嗚呼振能竊聞古之人有言曰一
人知己可以不恨抑何其言之易而願之奢也蓋士
生今世知己實難忘者思修辟者議端片長自彼朋
誅而謾倘畧跡以論真雖一言之契恒不可干况實
求其人耶然言果知已即其人矣豈必逐逐馴馴如

翁以一
人為奢
憤之
極
俗信爾

窺園稿

三

卷

鳴呼委
折

却極自
寫見知
已之感
非流俗
之附

流俗比周之倫哉先生於振能嘗有知我之言固知
我之人也得其人而恨以紆失其人而恨又何如也
嗚呼悲哉憶振能自束髮聞先生之名既讀其詩若
文而信先生之行竟樽京邸接塵芳園而沐先生之
情然先生貴而振能賤先生富而振能貧先生綺文
繡韻玉骨珠神助留一代輝映千春而振能孤吟自
好幽踪始人一編甘晦悄悄離塵既睽分而各趨羌
送抱而推襟荷微言之深契訂余文乎賞音豈形迹

如聞其
哭

前後用
韻景響
斷續者
草蛇灰
線極行
文之妙

之○可○嗟○是○感○信○于○吾○心○嗚○呼○振○能○生○則○不○辰○知○者○一
言○言○者○一○人○今○復○去○之○天○胡○不○仁○鹿○鹿○者○老○我○獨
董○先○生○神○明○六○旬○而○滅○悲○哉○悲○哉○自○古○有○來○何○我○獨
悲○大○雅○由○斯○絕○風○流○失○所○規○可○憐○報○知○已○但○有○泪○雙
垂○嗚○呼○尚○饗

窺園稿

三

卷

孫君薨履難卷後

振能往者及侍孫徵君啟泰先生於夏峯因獲友逸
士君僑社丈風期印合好我良深自徵君先生即世
後君僑急其弟君薨之難南北奔走數載寒暑中不
遑寧處余詩慰之有句曰誰念孤鴻天外影常隨風
兩泣離群君僑得余言而泣下也卒以憂思客歿京
師柩還余哭之復為語曰但解憐同父誰知殞一身
人間兄弟好千載見君真聞者稱不謬云迨君薨無

窺園稿

三

三

妄稱解振能復來握手兼山之堂而君僑不可復作
矣悲哉然今者九京之下業已含咲無遺恨而君薨
獨心悲其兄無已又履難之餘才情磨勵學問有加
焉是其為徵君子逸士之弟也夫

書松雪九馬圖卷後

世傳李伯時工畫馬秀師懼其凝精既久度入馬腹
教為立相觀音以易其心即此可悟宿業因緣輪迴
把柄矣一切神天賢聖修行力業都只如是吳興繪

精識勝
宗鏡教

事妙不盡馬而馬圖在人間不下數十本至今日履
者過半矣此卷肖斲飲概飾相靡驚曼之狀楮墨如
生足代神駿之賞吾謂作者閱者如波羅密人
作慾界事遊戲三昧不礙真空耳

偶書齋壁

舊有良田少許天帝賜之佳種久矣近讀古今聖賢
之書而知所以耕耘樹藝之法日從事焉漸見其苗
而秀而實也或問以收穫報余之事吾方盡力其中

窺園稿

三

三

不暇知耳

偶記

歲暮嚴寒夜長難寐挑燈起坐命酒擁爐梅枕浮香
雪風撲牖欣然開卷神靜思遙如遊古輩也

文贊

與不厭穠高不厭潔宕以成幽矯以為折四時既和
三才就列河岳神閒雲霞色設以人以天亦巧亦拙
研銘

半原十
百言只
數語括
之

讀此亦
令人神
往

靜以默若硜硜而無識動焉生色大文不測斯幽人樂其同德歟

端石銘
守其朴養其精用舍惟貞勿琢勿名

硜室銘

居之維平斯無危也守之維貞斯不虧也潛德韜光隱其奇也宜行善藏謹厥時也斯文在茲蘊則願也

又

窺園稿

既重以靜惟厚斯壽胡為乎磨而和構而覆也磨之發其秀構之完其受也夫是以用物而榮久世而非陋也

窺園稿目

文集 書牘

寄蘇我月年丈

報王太史夔航先生 二首

報任太史具茨年尊

寄君僑 二首

寄葛石 二首

報棟宇 二首

窺園稿

寄駱臣 三首

簡枚卜 二首

寄孟遜老大理

復承軒王年丈

報吳伯其年伯

寄心穆

簡駿臣 二首

報楊東始年伯

答友論文 二首

簡友

答友論詩

簡友

簡思軒

簡友 十一首

送酒

送花奉某邑侯

窺園稿

目二

答人

與友論丹書

答夫隱禪丈

窺園稿

河北賀振能蓬仙著

高安劉 惠靜屏 評

平丘彭昌齡鶴庵

文集 書牘

寄蘓我月年丈

討違台範條逾三載雙鬢客座命酒徵歌黯然握別
恍在旦暮比數過省年伯因悉貴治清和化理休洽

窺園稿

私衷深慊近見居官者或起家寒約囊羞室謫之態
夙中膏肓故違違以蒞據肥瘠易共歡愁若足下家
世才品尊榮卓犖一切醒齷鄙穢之見既非夢所及
又我輩祖父相傳世矢清慎故地方豐膏都不足計
雖身在天末而會時清平道路無梗鄉園消息經歲
郵筒可一再達而兩年兄家居篤志溫清高堂定省
足慰遠懷古人封侯壯畧原不以萬里自屈也惟用
隨分自力仰答君親但得庶姓安和政理暇豫崑都

玉臺之間足可徜徉把酒賦詩以暢性真令後世傳
有僊吏種公者於此便足千古至豐功偉業不次榮
擢自足下分內事非今日頌揚所盡矣弟比羈鄙務
文字之樂爲之都廢擬爲小作以譜遐思坐冗繼尚
須後役耳異方風景山川人物入奚囊者悉化明珠
或不吝百朋見錫也加餐自愛不勝遲祝

復王太史夢航先生

年來竊慕先生文藻風流爲世辰嶽雖未修負笈之

窺園稿

二

儀而私心景向往往往拾一二緒言散帙吉光片羽爲
私淑之地都門獲奉教言過蒙獎勗塌翼來歸杜門
吊影忽聞台旌旋里知天不以京國緇塵重渙玉塵
而泉石烟霞主盟有待尤二三同人小子之大幸也
故嘗私心妄儀先生鴻才碩學不獨標準一代卽古
作者之林類不數逢世有知言者當不謂小子從諛
也乃風雅一道自唐而後其正變之機與軒輊之勢
恒不在上而在下不在內而在外故廟堂之風右文

極如愛
之雅

爲幸不必其遂工之耳異日者起衰反正砥柱中流
微先生又誰望焉頃綠麥事村落伍農烈暑中遠辱
臺使鴻章雲翰焜耀荒齋如獲拱壁對使拜嘉草復
不盡依依


又

邇者僕僕風塵懷抱都無佳緒適來共城良思寫憂
山水兼候尊顏爲請益地耳不謂天道違和蕪嶺若
童百泉欲涸而先生亦病仰懷知己實重其憂懸也

窺園稿

三

更承寵召佩感何似顧聞人之有疾如薪藏火非撲
滅之盡絕不可念某久承知愛屢候郁然通楚交
蒐推襟送抱原在形迹之外况今學使校士知交雲
集如必几筵酬對勢非一日可了倘重勞玉體豈調
揖善計乎出使叩辭言本畏憐仰惟原鑒并祝加餐



復任太史具茨年尊

憶北上之初獲廁車塵長途握手燕市追隨雅誼高
情於今在抱大捷之後竊幸分榮嗣聞木天之報更
不勝雀踴加額為吾郡生色也歸接手翰知史館將
開先祖孤忠遠辱存訪不覺欣躍之餘感而泣下竊
念先入林下孤臣從容就義祇以後裔索莫弗克旌
聞誠懼一旦青史零遺終湮沒世不謂及今獲承芳
訊是知卅年幽烈沈淪機緣有待倘遂假手仁人廁

窺園稿

四

名方策則光啟九原信傳千載不朽之恩實拜臺賜
為之後者安得不啣戴明德深之沒齒乎向傳京國
地震千里遐聞為之神悸目擊如何敬候興居附鳴
謝忱良晤尚遲神與牘往

奇君僑

某垂年粗知讀書輒慕朋友之樂及見世所謂朋友
者其相與在形迹之間其相知在雷同之際一日之
好離合終不可知偶爾之交得失亦無滋味因念昔
人金蘭之契義高於時風流於後安在古今遂不相
及歟乃閱歷半生此抱未償要其稍慕賢豪不甘於
俗即如僕者已不數數又况高韻嶸然為足下者哉
故近有閱盡世間人始識乾坤小之句不自知其言

窺園稿

五

之妄也某自識足下閱十年於茲未嘗一日相忘也
然相遇幾百面而區區之懷恒若未盡則又以生多
疾病動不自檢既安愚而遂拙亦任放而耽逸念自
媿於德鄰故慮高賢之我棄耳至區區之懷實未嘗
一日相忘也比過兼山堂聆夫子之提撕感吾兄之
高誼客座再逢倍承下暱雖蘭蕙不言而臭味自屬
竊幸生平懷抱不失所親惺別之後忻如有獲但恨
室遠冗羈無能時覲清暉重愆然耳數月來衷作何

見○身○作○何○業○尚○冀○魚○腹○鴈○蹠○或○可○以○片○楮○代○開○樽○捉○
塵○之○權○幸○勿○金○玉○而○音○而○慳○指○南○之○惠○也○

窺園稿

六

又

客○秋○一○別○行○且○周○歲○相○思○冤○夢○日○在○蘇○門○寒○雲○古○月○
邊○也○向○綠○賤○體○日○困○豎○子○久○失○嗣○音○冬○月○菖○石○賣○台○
翰○過○我○倒○屣○間○鳳○瞻○虎○視○意○頗○訝○之○迨○中○宵○披○豁○皆○
心○性○中○談○乃○令○人○歎○相○見○之○晚○知○斯○世○悠○悠○有○心○人○
故○自○不○少○文○烈○先○生○有○後○哉○弟○以○狂○僻○久○為○鄉○曲○之○
棄○向○得○社○翁○足○慰○生○平○今○復○遇○菖○石○金○蘭○小○譜○何○多○
幸○也○

窺園稿

七

又

朝○來○薄○雪○凝○寒○擁○爐○小○閣○偶○展○褰○帙○見○王○子○剡○溪○廻○
棹○事○方○歎○戴○生○失○此○良○晤○忽○傳○足○下○華○翰○飛○來○又○何○
帝○拱○壁○獲○哉○捧○讀○知○仙○舟○渡○河○往○返○湖○從○莫○逮○悵○然○
若○失○也○猶○憶○瓜○月○間○足○下○一○札○云○嘉○會○之○期○定○於○有○
秋○爾○時○弟○遲○侶○之○心○亦○復○擬○於○望○歲○不○謂○及○今○乃○更○
爽○然○交○臂○間○也○發○明○友○誼○畧○意○氣○而○崇○道○心○勗○我○良○
溪○銘○五○內○誌○之○矣○歸○義○全○抄○已○寓○京○口○未○審○工○竣○何○

期耳草復不多及

寄葛石

向承往顧茅室生光把臂中宵披豁如故別後言念
丰采不堪對梁月益先人大節千秋砥柱中原正氣
南北交輝兩家喬胤聚首論交為幸良甚乃弟之竊
慰不盡此也世變以來士氣澆漓名節之誦掃地盡
矣毋思就尋常聲氣之外求慷慨風流如世兄其人
者與之共訂身心垂十年不可得向從鍾元先生得

窺園稿

八

君僑諸吏足慰生平一旦復遇老世兄古道照人英
風千仞磊砢之氣仰薄秋旻更為吾道生色即如乃
者親師取友之勇日無山川此段勝概便足千古抵
掌盟心言言至性一日之心百年之身弟何敢不昂
勉後塵也棘闈之役庶假便得更拜顏色茲因鴻便
敬佈一函升高南望黃河湯湯相思無極矣

又

計違台範比今成五載每一相思如憶古史傳中人

雖精神丰采在人意思間而笑言不可時觀矣弟以
樗劣一善無聞內愧先型外負良友又連年痲疾日
事藥鑄近雖新起而夙昔懷抱都成冷落惟念叔度
風流時用耿耿耳滔滔濁世知己無多各天之感自
古恨之然南北百餘里黃河一衣帶水雙魚之腹可
藏鴻鴈之足可繫願與足下共賴之蘇門山色晚益
可人而足下久未嗣音何也前歲杪屬徵君初度日
列坐諸賢語次及足下為之神王想足下亦何能久

窺園稿

九

忘負笈不令弟更得一假便拜芝宇也小作二紙上
借鄂削不盡

報棟宇

能○白○某○親○家○足○下○前○晤○芝○宇○聆○塵○教○甚○慰○語○次○若○以○
僕○常○閉○關○寡○出○王○為○怪○者○別○後○自○念○則○誠○可○怪○也○然○
實○有○難○言○者○良○以○僕○賦○命○不○猶○伏○茲○荒○陋○耳○目○之○前○
既○碌○碌○瑣○瑣○鮮○可○觀○聽○而○又○俗○尚○詭○浮○權○奇○叵○測○不○
堪○緝○邇○况○鄙○性○質○直○復○不○工○突○梯○滑稽○以○阿○匱○物○情○
蓋○落○落○寡○合○自○信○久○矣○乃○記○仲○翔○之○言○一○人○知○已○可○
以○不○恨○故○嘗○檢○點○居○遊○惟○足○下○蘭○芬○竹○韻○藹○藹○堪○親○

窺園稿

十

有感之
言亦閱
歷之語

幽懷孤
寄

固○已○聲○氣○綢○聯○要○之○神○聽○而○輒○為○君○侯○拔○引○溪○處○衙○
齋○每○當○風○月○未○始○不○悵○然○把○臂○之○弗○易○也○至○一○二○先○
生○長○者○齒○德○尊○重○雖○復○過○從○為○歡○難○淡○正○如○溪○水○高○
山○好○得○遣○企○耳○過○此○彌○天○極○望○白○薇○黃○茅○匪○只○枳○步○
充○途○難○堪○眺○覽○即○勉○就○寫○憂○慮○伏○豺○麟○矣○不○得○已○杜○
門○開○卷○覓○古○人○一○二○佳○話○快○舉○懸○想○而○神○遊○之○假○談○
笑○于○筆○端○叩○寒○温○于○楮○上○然○而○引○興○會○心○無○從○告○語○
故○往○往○嘯○歌○之○餘○繼○以○泣○下○良○可○悲○耳○又○或○駕○言○出○

溪思妙
解

遊○梵○宮○禪○室○之○下○平○原○曠○阜○之○間○望○天○地○之○空○濶○玩○
雲○物○之○自○然○輾○轉○移○時○亦○足○乍○喜○而○乃○片○語○微○吟○造○
心○觸○緒○輾○酬○既○眇○助○起○誰○因○知○已○云○遶○風○雨○如○怨○更○
不○禁○悄○然○以○思○慨○然○而○遠○也○嘗○憶○楚○客○之○悲○秋○曰○廊○
落○兮○而○無○交○朋○豈○真○居○處○廓○落○哉○蓋○朋○友○之○有○無○有○
難○言○者○耳○抑○聖○賢○之○論○德○不○孤○必○有○隣○夫○謂○之○不○孤○
謂○之○必○有○倘○亦○為○孤○而○未○有○者○鮮○而○特○所○稱○入○群○不○
亂○無○如○不○得○也○則○知○處○世○排○情○定○有○學○問○不○然○以○不○

窺園稿

十一

請○時○宜○不○習○周○旋○之○身○心○踽○踽○寥○寥○長○此○何○神○又○安○
得○世○盡○如○足○下○者○從○容○古○道○共○數○晨○夕○有○以○相○知○信○
我○心○哉○幸○進○而○教○之○

又

難女冬行二首體裁佳令敬美之極五字之韻始于漢極于唐而必以晉魏稱盛者為其結體猶厚而朴也迨初唐尚知以拙養之然細味之是拙非厚亦非朴况未解為拙者乎近讀選詩於此道似悟進此境足下知言故井及之

窺園稿

士

寄駭臣

前高齋夜話有約讀書白雲歸而自喜因語故人老僕相傳先曾大父未第時讀書於此後成進士經仕盛世復時稱念之謂是靜土真讀書學道之所今雖未能學道得靜土而讀書則生平之願也蓋僕負性寒儉富貴一途本與意疎唯日擁所藏經史詩文居然百城自雄一二良友相對評賞便忘饑渴不則長林豐草山幻水涸往往携卷忘歸孤居弗厭古人弗

窺園稿

士

是後心
靜讀人

過弗諶之盲心信其不誣也性既如此遂寡營故亦不深受其累先人遺書萬帙國變後散失過半檢殘補缺猶卷數千故管杜門靜讀經月不出亦欲就証師友率皆繼於塵緒相見不永朝夕故亦莫同此樂耳夫靜讀之樂究性命之旨悟身世之原邈往哲之風流証吾生之趨舍片語會心千載如晤獨歌自舞遺世忘形問何以無悶而不能自偷况又發為詩歌著作文字長篇短咏吐寫懷抱期同調於遠方侯

數語得
案未忘

知已於來世更有欣乎杳然自信而不敢告人不能告人者哉或言丈夫處世當豈有功績豈一室稽古寂寂稱獨善乎乃窮觀今之得志功名者矣勲猷壘壘軒冕僂備有人心者方代媿之而詎顧甘賄焉且夫讀書之士所謂學道求其志者也其肝膈不可回其鬚眉難自下才或迂遠氣復介直而欲強同末俗動為眾促還觸而覆不龜而卜矣

故前歲例應候揀棄之來歸

窺園稿

五

猶以先人始教為制業制業之效以進士甲科為盡步又今例進士循次待時亦得讀書不遽仕而五上春官不獲一第以此負疚然才力有限時數有命其又敢意必乎茲擬畧整舊業竭鈍而更勵之再一諸禮闈決其得失自後年垂知命貴賤可休或榜山林或棲梵室求所謂靜土可讀書學道者寓形影于丘壑怡情志於典墳足矣然白雲之計去家大遠三數月間定須還返意得村臨半郭淵明所云慮人境

定當復
有子雲

而無喧者版邑之南新構神閣梵宇畧具傍地一畝葺茅為宮因陂為池致頗閒靜辦食運書都得其便足久倘伴也幸而勝友佳朋聞聲相慕把臂來遊若足下者有與便同歲月不則款段時過晨夕樂數信宿可留也虞翻之言一人知己可不恨蓋印合慰藉別有心盟豈流俗亟亟言聲氣比乎不然雖獨立寡倚遂與世隔則亦畢志陳編小為傳述留面目于縹緗譜情懷于言韻庶幾眼前萬里一日千秋其有海

窺園稿

五

濱逐臭之夫末世嗜痴之子嘗而心醉翫之神賞即時地曠然猶所深快矣凡若此者誠知無補于世非所稱賢然窈鄙夫逐逐塵壤以營利欲終其身而不返故有志乎古之出世者遺外而養內人間樂事不必定屬紛華美利中也嗟乎我生若寄為用幾何而多求成怨厚據來爭地遠天空無如不得先聖有言從吾所好而已意唯足下或堪語此耳偶作是書聊當促膝語長字大幸勿罪之

又

今天下巧恩學使一事士大大終久不能破其習弟
嘗自信有所不爲而此際未能自異然後知貧之一
物操權甚重也日來隨人僕僕風塵之面可憎思撥
冗就談而始隔于炎煽嗣逼於歸計罪歎如何久不
過夏峯君僑之墓宿草已深言之腐心君乎諸丈相
思殊極幸爲致聲大率我輩臭味別有深情都不在
還往形迹間也足下近來作何功課吾曹行誼之外

窺園稿

六

唯○文○藝○一○事○可○以○自○娛○此○回○擬○破○塵○累○以○南○華○度○夏
豁○幽○憂○以○離○騷○送○秋○但○恐○俗○障○千○重○併○我○此○願○耳○不
盡

又

弟仕進之念從來灰冷自已未例當就棟遷延七載
至今頭毛種種久厭公車適聞銓制淹留待選諸人
可遲至三二十年弗出便堪完却此生坐是乘機候
揀於此庶自今塲屋之勞進止遊戲操權自我聊爲
息肩之一法杜陵云老逐衆人行蓋千古有同悲哉
然微尚自甘知我者希故人以爲將借此出身而實
則托爲自了也或謂僕倘邀天幸身未填溝壑終得

窺園稿

七

分符百里尚可策其駑鈍一破邇來俗吏之習爲斯
世斯民留春臺片席不充一慰我知已乎顧僕諸吾
道屬第二層義矣究非所樂出也意足下有以信我
有以教我耳春光漸老足下鄉園教子高臥加餐此
樂何極歸期當在夏秋之交鴻便寓此紙令知我更
作此可咲也

知其用
第一流
自命劉
尹所云
當與天
不共推
之也

簡枚卜

昨足下問及我荒壘前天茄子纏繞小草信足為名園主人齒冷急應川去然竊問古之志超然者所見乃不如此至云苟有可觀皆有可樂僕則謂觀之不可樂之有不有視乎人之胸次而非存乎物也若夫金谷園中向饒珍玩移春檻裏具極奇葩到今亦不堪追憶矣乃有以嶺上梅花門前柳樹令人追味弗窮者此又未敢一二輕言也

窺園稿

六

又

昨過蕭寺愁某君之室淡日應酬塵勞可厭某君以僕倦于言咲謂僕生平孤寂殆是情性冷落有以取之斯言出於誠非某君不能發然謂愛我而念我則可謂是知我而真有辭寡之吉則未也僕于人間世事亟亟欲言者甚夥但無可共語者倘得其人雖復三緘其口猶將全漏而發無如所對多淫哇俗語轉令人氣索不能不塞默耳故獲人去則匣石藏片鏤

混俗紛
可厭
收誠屬

氏亡則伯牙輟響苟非其人莫信而賞焉斯不如其已也乃知音既寡深情難秘又或托之文辭求諸篇咏而賦投湘水語印韓陵此如彌王驢耳假竹管而鳴祇以自寫幽憂何暇向風塵覓契哉僕孤寂之分原諸命數若情貌之間去俗而遠良以自信終難自悔矣唯足下或信我此意又安能令諸人知安敢令諸人知也

窺園稿

五

簡孟遜老

達汪度來忽復三載每思天際真人猶憂霖春風香
署間也客歲接于教知尊體違和已復康泰不勝加
額唯日望早擢中台分光葭李或采騰使節便飲醇
醪耳先大父入史一事久承注念蒙寄李老先生抄
稟小傳知先人業仗台庇獲登史冊北望叩謝銘恩
心版矣獨是先人歷任備兵山左而傳止稱鎮江守
官秩未符似難傳信又畢命之詞尚有數語寫其節

窺園稿

子

烈關要可採者未經收入頗覺察察知史筆尊嚴固
無容濫漫而幽忠待闡或未厭詳明思得更辱留神
轉懇當事畧加潤色使曠代孤臣面目心思弗即淪
泯則弟能沒齒懷恩實先人九原銜感也茲附數行
仰叩介福臨風馳溯亂縷不周

復承軒王年丈

嘗觀古人交誼其相契在流俗之外故往往不易得
而機緣作合或非人力是知良友之樂關乎性命雖
造物亦秘重之耳某當世迂拙之人生平意氣落落
寡合惟是區區之誠私心自負未嘗輕以許人人亦
多弃之昨幸侍老年臺汪度高情種種心折所謂藁
我以春風而飲我以醇醪者非虛言也別後相思黯
然莫罄乃于逾日之夕忽從枕上晤足下百門嘯臺

窺園稿

主

間指畫泉石握手宛然方自訝結想之奇而接來教
亦復有神遊小圃之說則益感愛我之誠而歎古人
梁州曲江之思有同然哉華翰娓娓具見衷懷好我
良溪譽我遂過可勝愧感昨晤章六父母話及兩家
先世精忠大義臭味淵源裔胤相通若有天數而年
翁雅懷碩德悉堪模範又當于古人中求之者非尋
常握手論交之幸也東西二百里相距匪遙而道阻
且右命駕未期天氣窳寒惟加願養臨風惆悵亂縷

不周

復吳伯其年伯

憶昔侍生父大人聞老年伯雅範切向慕之私徒以
緣舛未獲覲光乙巳之夏生父捐館舍而姓幽憂之
疾動復經年年家諸父音問濶畧罪可勝言茲接
翰曠世高情雲天至誼曷勝刻感念先大父孤忠若
節生平心力悉寄此書而侄以索薄不能授梓往者
范公正公携刻武林又嫌工力頗鉅鏹削過半讀者

窺園稿

三

以全本未睹為饑渴今承高義是天未喪斯文也依
原稿較錄送府冀順達京口容當踵叩鴻恩耳草草
佈復不盡

奇心穆

長安把袂匆匆未展衷曲塌翼來歸知已各天淪落
之感如何可言茲過貴郡雖上托父師之知每思一
二高雅之士為旦晚過從之歡而弗得因念黃憲袁
安諸人即世後汝南風物寥落至此為之浩歎且數
日來不諳作客終朝寂寂桂玉煎迫鵲聲在樹指日
北轍無能鬱鬱久此也停雲極目握手未期明德永
懷魚腹莫悉

窺園稿

三

簡駿臣

昨歲暮天寒人事稍濶擁爐一室染翰課愁都無佳
緒因而開戶登臺覽蘇山雪色照來眉宇心念諸君
便慨然有命駕意辛用冗羈也

又

敝邑僻陋風鶴驚人弟欲以共城暫作桃源煩鼎力
為覓一枝安入口何如

復楊東始年伯

不瞻尊範者數載高情渥誼惟寐忘之向聞視學青
齊便欲東遊海嶽一拜尊顏但念躡遊客之武雷同
而前似非門下見知之意故日東裘而止也

論文

僕嘗謂詩與古文辭二者若不取法古人便不可輕
見今人蓋此與制舉業不同彼其效止于榮一身售
一日而茲將自與古今相上下非有所迫焉而苟於
一時之爲也若不自盡其心彼千秋萬世又誰肯輕

窺園稿

五

相信者語云一士修心羣魔怒目世之人不肯多讀
書深學問而據一得持一見便沾沾自喜又喜人誦
已而一時淺識之徒即從而誛之此皆魔境也蓋自
喜則不復進喜人誛已則將自退故自足之念文字
之魔根也足之一字學者處身家本領之要訣而特
不宜於學蓋見不足於家則身不安見不足於身則
心不安不安則危危則亂身心亂而學術從之矣故
忘家而後學忠忘身而後學孝忘小成近利而後學

學問中
關係
宜銘
石

文昌黎言笑之喜而譽則憂今之笑人者但竊笑耳
竊笑則人不知蔽浮譽而無以自新誠學者之淺憂
也足下得無異吾斯言

又

吾嘗歷觀往輩其皇皇栖栖悲時憫俗發爲文章大
旨皆爲君父生民計耳若僅僅歎老嗟卑謀溫索飽
便寡意味堪哂唾矣然士生今日所謂進退隱顯家
國忠孝之故此際大須講求以正性命而善其情文

窺園稿

五

未可苟且無思錯認古人貽譏來世爲也

簡友

記往年舊例于春秋冬三季乘欸段過共城謁孫啟
泰徵君談理就王夢航太史論文登蘇門臨百泉樂
觀山水此外競榮逐臘流俗紛紛都無經意者乃數
年之後徵君捐館太史升遐舉目關情只蒼烟冷翠
邊有山水在耳而幽憂作疾肢體衰羸屐齒綸竿復
成冷落唯就小園清池茂樹間時一開卷與古人相

對○或○吟○小○詩○以○送○日○耳○何○時○得○足○下○履○跡○印○我○蒼○苔○
把○臂○破○勞○積○耶○

論詩

承○問○詩○有○不○假○鍾○琢○不○事○點○染○者○蓋○非○無○點○染○而○點○
染○之○妙○極○乎○澹○老○非○不○鍾○琢○而○鍾○琢○之○至○漸○近○自○然○
此○非○學○有○深○得○當○不○解○人○間○有○此○一○種○文○字○文○字○有○
此○一○段○地○位○也○故○堅○湛○偉○岸○幽○奧○險○闢○皆○詩○之○佳○境○
而○必○以○此○際○為○極○致○與○同○人○論○詩○數○年○來○鮮○及○此○者○

窺園稿

美

諸句悉
雅不朽

因○足○下○之○問○故○樂○言○之○然○舉○他○人○之○詩○淺○淡○冷○暖○或○
未○親○切○姑○舉○弟○作○一○二○近○其○意○者○七○言○如○七○夕○云○風○
雨○高○樓○還○七○夕○愁○病○窮○年○銷○隻○身○百○家○岩○云○塔○影○斜○
侵○紅○葉○路○山○門○靜○鎖○白○雲○隈○贈○任○太○史○云○文○章○不○朽○
惟○經○國○事○業○能○傳○好○立○言○亢○村○道○云○人○因○通○賦○稀○投○
市○野○為○經○兵○早○滌○場○客○路○云○斜○陽○樹○老○青○山○出○落○葉○
村○寒○古○水○聞○寺○齋○云○山○門○待○月○遲○僧○話○野○榻○留○雲○伴○
客○棧○五○言○如○清○化○道○云○浮○雲○新○歲○月○客○夢○舊○山○河○村○

中○云○溪○林○行○覺○雨○野○屋○坐○窺○山○對○友○云○清○樽○憐○舊○客○
寒○雨○話○秋○燈○送○客○云○遠○村○烟○外○小○別○句○酒○邊○新○齋○中○
云○席○靜○花○光○入○窓○晴○竹○影○懸○白○雲○寺○云○三○年○尋○舊○約○
十○里○跨○秋○雲○諸○句○非○敢○自○謂○能○佳○欲○足○下○由○此○而○思○
當○自○見○其○境○界○耳○靜○紫○詩○難○其○體○物○無○所○不○入○而○興○
會○自○極○高○深○或○疑○其○調○涉○鍾○譚○非○是○此○自○唐○人○西○崑○
嫡○派○也○韻○限○兩○平○雖○損○自○然○然○前○輩○多○有○亦○勉○習○之○
法○昔○吳○明○卿○歲○學○一○體○意○亦○如○是○僕○生○平○文○字○之○業○

窺園稿

毛

自○知○無○似○但○一○時○神○來○意○得○託○高○奇○遠○幾○忘○前○有○古○
人○此○不○知○者○笑○其○迂○而○知○者○又○怒○其○狂○也○

簡友 時在京師

往○者○靈○修○被○放○後○見○湘○廟○齋○壁○便○據○作○天○問○足○下○見○
索○記○文○正○堪○借○此○酒○卮○一○澆○磊○塊○奈○由○春○迨○夏○苦○遭○
二○豎○抑○榆○心○憊○形○癯○視○管○城○苦○海○矣○然○牀○頭○捉○刀○人○
原○具○英○雄○本○色○移○時○定○自○有○奇○文○高○韻○稿○成○便○携○過○
我○覓○樽○細○論○不○爾○慮○他○日○鍾○期○弗○來○賀○生○又○往○徒○就○

十丈塵邊碎胡琴。求知已不易耳。杜集壁上覺老批。不無得失而自具手眼。殆不可沒。肖其評騭以備叅考。遂有許日稽遲。幸原帙端好。弗媿布帆也。

簡思軒

玉散香飄風流渺。然意前梅發清思如何。抑謂此一事者。丈夫耶。以耗壯心而銷墨塊。增一番酒籌。詩料耳。若借口鍾情。耽心煽艷。斷非我輩行。逕要之君子。不必無情。亦相其所用。果如金谷零珠。青樓故燕。干

鏡園稿

天

載後聞之。猶且傷心攬涕。不然。雖西子復生。寧堪以丈夫懷抱付之耶。

簡友

承問白雲百巖優劣。大約白雲快。厥百巖幽。秀相距四十里。各據勝不相遜。然白雲得溫陵片碣。便覺生色。而百巖一二俗墨。腐毫填穢。可嘔。惟巖下刻余年伯紫。督蕭公一記。差不惡。恐眾人貴耳。終不敵也。來札云。欲南浮江湖。訪飛來虎丘之勝。此意甚豪。往者

唐球山人言。工有韻。身後一瓢芬流。今古而論者。謂其詩思遊歷不出二百里。良足惡焉。然竊聞前人之言讀書如遊山水。未能遠歷。但足到處。勿輕放過。余謂遊山水亦如讀書。但勿輕放過。眼到處耳。今黃河大行。近在目前。名甲寓內。危峯駭浪。極奇觀。我輩尚未能一探。滢翠與之酬酢。而遠求海隅。天涯梯航。跋涉之鄉。不亦過乎。寓白巖。經月。覺此身心去俗漸遠。數詩未足譜勝。書佐捧腹。并見近况也。

鏡園稿

天

又聞足下嗜般若湯。至有河魚之患。想當无藥也。春風不遠。殘臘欲除。我輩下帷之期。姑俟攝提之外。擬於歲首。就荒園約二三勝友。為素日之歡。或彈鋏而和歌。或彎弓而角技。不妨新句連篇。醇醪卜夜。暫豁半壺。共成佳話耳。噫。壯懷徒抱。前路如漆。昂臧丈夫。日作寒酸中活計。不聊用自遣。亦安得伸眉時也。

又

頃者天旱民既愁衣食復困追呼忽遇日霖寧非大快然方旱時下即不敢冀緩征而在上者猶有民避之慮或稍寬其賦扑一經沾足民所樂者尚在數月之後不可必然之鄉而官府無復流亡逃賦之懼愈肆其鞭箠則樂不勝憂至我輩即早殺貧殺無所避亦不敢言避故一切性命當此沛然便如論外人遇赦其樂有更逾尋常者擬就南郊別墅以一樽破愁小集尚望方來萬勿以他冗間也

窺園稿

手

又
昨瑞雪飄騰大地都白小園竹木盡作瑤林玉樹隨以家釀一樽命小奚歌弟舊作雪裏地天渾一色獨吟新句闌梅花之句樂且陶然已又念值此儉歲無衣無褐之夫幾遍天下陶然者不能不變而悽然也足下當此亦復作何消遣有與便可過我新歲來濁醪未盡幾多尚存又此風雪掩關應酬暫隔得知已對談便是片刻中立地真仙寧復知有蓬壺闔花哉

奇趣

又
家釀一樽藏之久矣欲須景會自享之朝來風雨亭榭生涼小園竹木婆娑共舞而僕適以病戒不得飲意得一快人代之非足下不可若蒙惠然坐對拍浮勝僕自飲也
又
振能癖性幽情多愁善感歲行盡矣百緒茫茫溯往觀來悄然如有所違也又空齋病起晏坐無聊經業

窺園稿

手

又
時文對之意盡急取古人有韻之談叙講情致之文燕植命酒縱覽快讀叩如意而歌舞之以誓紓懷抱豁此鬱鬱終不若良友對談上下千載質疑發難酬唱為歡也
又
明朝立春後身便作半百歲老人因憶屈大夫之言曰老冉冉其將至兮念修名之不立顧此窓前殘業鏡裏新霜感序驚心百端交集矣

又

昨風雪載途。閉關却掃。清宵孤館。薄醉擁爐。想見坡老紙窗。竹屋燈火。清癯之趣。所患知己。各天勿能命。駕復不禁。據梧悲嘯耳。佳期屢訂。尚望惠然。慎勿中道。改路效山陰。王生與盡鵲頭也。

又

年來生事紛紜。諸况衰落。惟見古人佳話。高士新編。往往自醉不則。携赫躡不律。向燈影清燐。人聲闕寂。

窺園稿

五

中孤吟獨嘯。覺有微趣。若人間樂事。富貴豪舉。既鮮此。遇復無此。懷

又

往者歎掌借計。雖屢識京春。而逐逐營營。關心得失。未獲從容。一窺燕薊之勝。今將更假公車。附尾諸君。遊葦葢之下。原塞之鄉。探水尋山。咨風問俗。一佐我奚囊。撰著足矣。至於充筭。編笈。唯是湘纍遺文。漆園縮論。為長途破愁撥悶之具。斷不復制業時文片紙。

潤我清裘耳

又

拙稿二卷。皆鄭家苦海中物。因便災梨。為將來增一覆瓿。具然。媼母東家。施冀。或以其醜。傳耳。欲假椽筆。顏之如何。前讀大篇。璧色珠光。潑我神賞。有近作。幸復見示。緣邇來。懷抱作惡。欲百忙中。一聆高韻。便代得建勳玉磬。也不盡

送酒

窺園稿

五

殘歲迫人。憂來無端。昨宵以新釀。敵之。頗似得力。因念足下。共此窮途。想亦愁城未下。敬奉一瓶。為養和之具。非謂此。翹生風味。可憐也。

送花奉某邑侯

小花玉簪。秋開頗盛。昔人以香草比君子。此花清芬。潔白。因憶我賢侯。令德焉。敬採一瓶。奉佐琴鶴。倘便作異日一段佳話。應不數河陽桃李也。

答人

警義精詞

能見其正大

人生誠遭盛世受君父之命則當犯顏就列罔所避諱非然強為刺促無補於務大者羅谷小則為辱耳故知權不在手責不在身鄉隣之闕可以閉戶也

與友論冊書

世間有神仙不在煉形服氣如前輩大者周孔次者留侯武侯之屬是神遠而巢許近而管寧黃憲蘇軾林迪諸人是仙此皆神明不泯風韻長留若但形氣稱永如人保愛器物縱稍延時數終即凋消未足尚

窺園稿

三

也			
---	--	--	--

荅夫隱禪丈

昨承教拈蘭亭微語歎生歎之大真堪向幻夢浮生百忙中晨鐘一叩然考逸少生平怡情山水自謂終當樂於可稱蟬蛻穢濁矣顧便欲執此以了生歎不猶隔數塵哉故其所痛者猶是形氣聚散之緣非能翻然與造化為徒向真空作印也夫金剛言無壽者相而遺教稱除怨賊而得歡喜此與漆園南面王樂旨同一契似皆為矯強感激之詞故為逸少觀破余

窺園稿

三

獨信所謂如如不動降服其心一切皆空三摩有覺者昔人云祛練神明則聖人可至似非誑語也僕邇來視人間世事一切浮雲所未能斷意割腸者名心不灰未免以筆墨礙清虛五車役百歲耳尚望師玉塵語我迷途錫泉洗其綺語直指向上着也不識肯慨然更賜司南否

殷勤款
曲交誼
詩然

與孫箕岸

自肯侍君家徵君先生。因獲友尊翁逸士老社丈。即
世以來十餘年。念之屢形。夢寐恒思。訪典刑於後裔。
而每過兼山諸玉林。立未辨其行次。唯私就驛。臣枚
卜一聞字號而已。今觀足下俯仰。警效如見。吾逸士
也。以十數載相思。願見之士。一旦惠顧。謂宜投轄。維
駒共據。勞積而適先姑母之變。以疾篤馳召姑母先
大父忠節公女也。衰年危病。懼不及見。因過往遂失。

窺園稿

三十六

謙對隨薄具鷄黍。請蔡公許。擬授微餐。又會足下出
遊未及。面佈迨逐。而足下歸。鞭整矣。嗣聞比有官事。
數往返。蔡公許而僕以逐。麥山郵都。不及聞世事。無
常。每與抱左。可勝浩歎。前在京師。晤令兄枕。清獲展
德音。茲復並足。下佳什見。投足瘳。饑渴顧僕。少耽韻
語。偶弄筆墨。非誠有所知見。又君家風雅之學。世業
斯文。亦安至。問道於盲也。吾里近。鮮能詩者。故皆諱
為詩。鮮能文。故不復言。文僕於二者。略未一知。而或

大有此
入

不欲諱言者。以諱之則終不能而不言之。則人亦莫
我告耳。間即一二。以此事見質。乃其所辨者。比音說
色。尋求章句之故。此為尋常。謏陋之子言之。非所告
於君家兄弟者。憶昔一友。詩冊見投。感其不棄。為標
其近。並摘其瑕而返之。已過其室。思與細論。而竟席
左。顧言他矣。始悟其須我者。批贊耳。圈飾耳。不得其
指。故不復云也。足下佳製。逸思秀韻。類多可稱。而又
不耻下問。似固不厭細論者。其得不以所聞商之。蓋

窺園稿

三十七

此立言
之不可
已
知此事
非可荷
作

聞壯夫耻雕蟲。盛德薄文藝。故嘗自恨躬。鮮建明夷
然俗伍行之不閱。何有於言。雖然。行者心之蹟。文蹟
之傳也。言者心之聲。詩聲之流也。詩與文皆為聲蹟
於吾心。而莫善其傳。流則有所謂。莫知其志。不能行
遠之患。蓋古人立言。凡以明其志。為世教也。志不足
以為教。言不足以明志。而為之。如無有焉。故不輕為
也。考古之道。為我道焉。居我之抱。如古抱焉。而後立
我之教。如古教焉。依古之教。寫心之致。故以之自信。

豈尋常
所識

見其頭
顯

此剪絲
數粉家

如數其
家珍

則獨慰自喜遂世無悶之具以之共信則維風翼俗
立教垂訓之事經世之業也言必顧行豈不得其行
則終不言乎行必顧言豈細其言以為行地乎旨深
而厚義正而中志要其大同以無疑於天下後世而
已故昔陶杜韓蘇諸君子終其身有文章之樂也即
今名世諸大家非不及見此然作而致之擲筆而忘
之優孟衣冠耶為物應斯壯夫所耻而盛德之為薄
乎此言其本也若操此之功無過養氣庀材求新致

窺園稿

三六

老辭以明理而理執則辭庸音以宣意而音疎則意
腐視古以為程固也我精不極則失其神依情以為
運宜也我物不周則損其致近體之尙麗而則離人
而天斯不卑古體之貴厚而朴詘繁而簡斯不弱真
而無假重而無纖濼不傷縛質不為俚若夫蕭遠曠
澹酣快奇闊情留意外神應墨先強或莫追妙存其
候往輩之論駁矣其可忝者元美之巵言茂秦之直
指近日聖歎金生之律論詩歸信多可議品彙小未

幸推其
家學士而
善進士
有子交
情若相

精核時或相矯見各有至足下多學士想無弗聞無
庸復悉之若夫王李鍾譚分門別派主奴出入聚訟
荒畧薄學近習殊可憎歎非足下兄弟之慮矣茲雖
管窺蓋亦往聆徵君逸士之談歸讀古今名董書意
計之如此今君家在堂伯叔諸老人皆自昔聞見親知
者其告足下必詳喜足下之能志於文聊為刺刺亦
以相印也并佳什評訂以璧不宣

窺園稿

三六

Blank text area with vertical lines.

生父孝廉君狀畧

嗚呼不孝振能生不辰少丁家國之變承父命分主宗裡恒踈膝下又生多疾病幼不能分親之憂長不能任親之勞而憂勞吾親者倍恒子不謂彼蒼者天徒以不孝罪戾之重而遷奪其枯風木與悲終天戒恨也慟哉慟哉大人棄不孝及今垂十年骨未入土向以不孝貧病相乘久淹大事茲者兵燹時聞營莽草草負罪蘊恨無所紓贖竊慮大人生平位不竟學壽不配德雖表見未多而一二嘉蹟懿行懼就湮滅

鏡園稿

乙

思拾其大畧希邀惠於當世之大人先生庶幾仰托鴻文以不即淪泯然捉筆輒不禁腐心悲咽涕零淫下也茲用草序為狀雖於先君子生平懿德掛一忘十要不敢有溢美以私誣逝者而罔立言君子其幸垂亮焉生父先孝廉君諱行素字居易別字希白衛輝之獲嘉人前代多隱德五世祖雄以典膳起家雄生春恩貢以次子刺使公國定貴贈奉直大夫又次諱國清以長子大叅公諱盛瑞貴封工部營繕司郎中次諱良瑞庠生子四人長諱仲木曰懷麟公是為

君父少力學為邑庠增生以孝友忠恕稱有以贖金數拾償所貸者既覺弗怒密呼其人持去曰無使人挾爾也製衣匠盜綾家人索出袖中聞之曰是必欲獻而未職者其人感媿而退既失怙事母色養備兄弟析箸探闔得產稍厚輒用母命推易諸弟獨居村遠瘠下者而以省母亟來僕僕道路寒暑無間年半百孺慕不衰或慰之曰公子能讀書揆之天道公其不終窮者公謝不顧蓋謂孝廉君也君生而敦敏嗜學異常兒兄弟四人最長其事懷麟公及太孺人張

鏡園稿

二

亦如公之事大父母者家故未饒蕪象食指而懷麟公身主家務友愛甚率薄妻子以厚諸弟君以是衣食多菲惡安之弗憾一日從諸叔過壘壘或反顧揮斥之曰勿使敝衣兒尾人取厚道旁觀也而君自是學日進業益成其為文雄健有氣力就童子試為邑宰湖廣孝廉閱公所知拔第一即試復第一道試遂補邑諸生明年科試復在高等已卯鄉試闈中文為主司所賞既而以經文奇甚不售厥後益自刻勵結社曰背水手書會約有不力學無以為人子之言同

人感動焉庚辰懷麟公捐館舍君柴毀畫禮時歲大凶人相食悉出吾母劉孺人簪珥貨辦張太孺人甘肯君借妻子採藜藿自全然手不釋卷未嘗廢學也逾年而太孺人病卒君勵幾絕勉營喪葬禮與情無憾焉先父太學君大父文貞公子也無子而卒衆議以不孝嗣而未及舉甲申之變文貞公死國難就義之夕呼君而告曰國家之難吾死無恨所不恤者祖宗承祀之計耳指不孝諱諱申前議君拜受命後偽官至聞公抗節怒掠其家掘土無完膚逮捕家人下

窺園稿

三

獄聞者股慄君命不孝就養太學君元配孀母張孺人所即日執喪禮候吊者於文貞公柩側或言以數歲兒置虎口是特不畏禍也君慨然曰生者尚可辭逝者何可背乎衆人之嗣猶不忍絕忠臣之世何可無繼乎然經歷患難卒亦無恙後歲世平常念文貞公奇節以家貧不能上聞備國史爲恨及知孫徵君欲泰先生移家麓門即往拜求立傳以期不朽令不孝時從之遊曰是當世人倫之宗也文貞之歿初以俸金三百囑懷麟公胞弟念麟公刻其春秋遺稿公

匿之井後爲偽官索去而家奴張玉竊意其懷之也持兵要座畔欲劫之公借君出遇張玉驚仆君奮然曰我當之前挾張肘呼公速逸約數里乃舍之獲免後公常謂諸姪曰是嘗出我於死者然雅非習武蓋以親情憤也乙酉歲當大比君自張太孺人卒後已絕志進取又服闋方彌月堅意不赴矣忽仲祖過促之百方勉就共城會慶園中有諸生數十人謀呈牒主司呂公乞試大收填名紙尾立試得錄業乏資斧具餼飲水以畢三戰遂得售君大感慟曰恨不於二

四

親望我之日也先是有禽鳥千百爲群集庄前後至是歷三晝夜乃去人以爲忠孝之門嗣與之瑞云清初莫鼎流寇西敗走叔誼素少年被擄數載絕耗矣君憂傷感泣常爲哭弟詩十餘首聞者悲之至是訪知養於晉中某家急迎歸後抵晉求其人厚報之乃已居數年共議析產君曰吾家故無多業數採之址二弟共避風雨僅取地一區樹數株存先人之遺而已君時雖舉於鄉而家貧甚縣令馮公雅屬情好有夫婦相賊鳴官離異且在重典以數十金請君托爲

地馮公聞之曰是足療賀于貧矣即日出之君俟其
事既解出其金曰是豈有人心者所可受也璧之其
於邑有司凡歷數人莫不相處善而未嘗有非義干
取之事李公者諱岱解任無所居有廳事北甲於邑
屬先世所置後經屢鬻君念祖居力求復之李公寓
焉諸役積草旁廡不戒於火延燒俱盡李公憤欲投
火者數四君開徐令人謂曰成毀有時公無自苦李
公語人曰賀公慰我無寧共責我也責我尚可以相
謝慰我愧無以自存矣君初以時多故雖公車屢赴

窺圖稿

五

而意澹功名每至京師輒與同榜諸君子故意為詩
歌自遺久之念懷麟公生平孝友教子勉學而食貧
以老因思登仕或可邀一贈典慰地下已亥遂應揀
得候補邑宰缺家居數載日搜覽唐宋以來諸名集
務為詩與古文詞戊戌秋有先兄之變不孝業嗣太
學君兄一人又忽病殞君感之慟甚臨葬衆議穿墳
作灰隔君以懷麟公之葬家貧未及辦此弗許令築
甃為之而已曰吾不忍薄親而厚子也甲辰歸自都
門益搜家所藏廿一史十三經旁及諸子百氏之書

羅列几牀寢食坐卧於內或累數日不出如是歲餘
乙巳夏月不孝晨省君樓下見壁間戲書一行曰出
生平所讀書再一枝閱與之作別心竊異之而未敢
言蓋意謂仕期垂逼也又數日見君神色異常乃驚
問而君謂吾欲啜起居甚健無患城東小園名亦在
頗具竹木君手開也避暑遂居數日遂感風露不孝
奔至已不能言急載歸歿於正寢嗚呼痛哉歿之前
一日因友人郭氏家難入城平之呼不孝齋頭叩所
讀書諱諱不謂遂作來訣也意者不孝罪戾之重干

窺圖稿

六

天而然也何棄所生之如是遽也慟哉慟哉君忠信
正直由其性生先事有識見與人交務致其誠友人
郭有幹畧邑宰某稱冠虎者庠士欲籍其惡白上臺
因郭為謀君聞走謂曰是豈學者業耶且以青衫仇
令尹勢萬無勝者力沮之後衆為反噬而郭獨免君
歿數年郭復以他事忤縣尉為所中幾不免嘆語人
曰賀君而在吾弟及此其誠而不歸直而不隨為物
所推類如此生平嗜讀卒用以老嘗言為人當多識
古賢豪所行事即未盡效法亦須知其節目庶不涓

沒流俗計君終身多勤而不求安積學而無所試循
理好善而不獲永天之祚蒼蒼者果何謂也耶不孝
能半生多病寸養未將而君生有子憂卒無子効求
此終天恨馬何極抱影卹恩笄笄莫歸也悲哉悲哉
君生萬曆己酉正月七日歿康熙乙己六月二十六
日得壽五十有七娶劉氏待封孺人明辛未進士劉
公若愚女繼趙氏脩武令陝西趙公完璧女子二人
長振世廉生娶武陟生員張經綸女先君數年卒次
即不孝振能丙午舉人娶舉人李庚女俱劉出孫鳴

寬到鳴

七

王娶郭氏新鄉郭大參公澆之孫生員郭連熙女孫
女適新鄉舉人王好脩子生員王都俱振世出所著
有容燕草亦在園集枕上詩數卷藏於家謹泣血具
狀草畧無次惟大君子哀而誌之一言以實竈中符
先君子骨且不朽即不孝能亦且不朽不勝懇切惶
恐之至

〔清〕廖騰燧撰

海陽紀略二卷

清康熙浴雲樓刻本

西鏞廖蓮山著

海陽紀略

浴雲樓藏板

海陽紀畧序

邑敝極矣不得一廉

且慈者作民父母則

邑必至于終困雖然

汪序

廉者多刻水清無大

魚猶弗廉也慈者多

不斷熒熒之火以懦

玩致燎原猶弗慈也

國家承平四十餘載宰
我邑者非無鐵中之
錚錚而吾民日耶於
水火職是矣

汪序

二

西鏞蓮山廖侯生長龜
山先生道學之鄉名
魁南劔余每屈指天
下士輒首侯己己以

中翰改授得吾邑謁
余于都一見益信侯
爲大儒然竊慮侯以
鳳池才而試之凋敝

汪序

三

百里恐觸目迺兵
燹之遺黎未易操刀
割也乃謬承不棄訪
以枌榆民瘼余不揣

條舉縷陳夜促膝漏

三下弗能休疾凡所

叅畫悉與余膺合余

時心已異之及蒞任

汪序

四

未浹歲人從故鄉來

告余曰吾休奸宄絕

跡矣侯不以發伏剔

弊為專長而明鏡不

播人自畏之而自化

之及至李告余也曰

休戶口增繁矣侯仁

風和洽曩之避苛政

者來歸接踵矣未幾

又告曰自今每一歲

計活命饒之百矣侯

閔吾民輕生如敝帚

訴諸天請諸臺今息
 矣而尊論文字曰
 率吾鄉之秀女而課
 藝講學以身先之
 簿查尤急也學士文
 人皆休矣鄰坊颺述
 之不絕口吾鄉之文
 風之賴侯一愛矣用

是余益自忻慰謂侯
 不負與余以古人期
 每走書當道輒頰首
 再拜願吾邑長得賢
 一賢父母以活吾瘡
 瘼疲瘵之數十萬生
 靈獨恨者風塵南北
 不獲日親炙侯異政

注序

七

奇蹟筆之書藏之名
山以爲天下萬世作
更法或者吾邑素不
之好事賢者得一人

漢序

八

羅致之裒成一集俾
余日夕置案几爲他
時當宁之敵客歲余
南歸旋卧苦塊徒虛

懸是願于胸臆今年
秋會以修邑乘來城
侯政益茂心益下不
敢自以爲是輯下車

漢序

九

以來新治之最關民
生利弊者爲海陽紀
略一書見示余披覽
不忍釋卷窮日夜卒

素撫几而三歎曰嗟
乎春雨潤物自葉流
根誰則謂吾侯刻乎
而侯則一本于廉快

汪序

十

刀截亂絲煩劇非難
圖誰不謂吾侯斷乎
而侯又一出于慈夫
以侯之廉之慈而且

能不刻能斷若是是
固余數載所急欲代
編成書問當世而侯
今之書又與余脗合

汪序

十一

者也且侯今即宰一
邑指日霜簡柱文司
天下可否操是以往
足矣奚更駕哉若夫

運筆之峭潔吐詞之

古奧析微于離朱構

巧于偃師古今奇人

古今奇事古今奇文

汪序

三

也讀之者自辨之余

不復言

皆

康熙壬申一陽月治年

家制弟汪晉徵頓首

拜撰



汪

三

校訂受業姓名

儲欣 孫維祺 陳璋

羅光忻 陶元運 倪念祖

楊良 張煌 姜兆錫

陳衍 邵衡 劉捷

方苞 孫日書 王源慶

海陽紀畧

卷上

羅應達 李賁 李嗣泌

王景超 王鑑 金蘭

胡璉 張斌 汪灝

王文威 黃瓚 汪彬

葉封 程蔭善 朱士傑

劉芳 李穠 金頌任

許鶴 金碩佺 方元禮

胡彥齡 方元豐 汪熙琪

葉在洪 汪慶檜 金士龍

汪師灝 金兆 金碩俊

朱詠 金碩儲 查瀚

張朝綱 鄧廷欽 張獬

海陽紀畧

卷下

王文燦 王佐 王可進

吳天任 金學孔

任內考授經歷吏員姓名

金嘉蟄 汪正志 劉廷高

金之珏 葉復高 金倫聚

周文龍

海陽紀畧目錄卷上

西鋪廖騰烽蓮山甫著

宜興儲欣同人

門人

休寧汪顛紫滄

枝正

序

修學宮序

瞻雲書院序

修復汶溪橋序

募修閔口橋序

海陽紀畧

卷上目錄

重造巖脚橋序

東閣潭放生池序

重修休寧縣志序

程列婦序

何彥公五十壽序

陳彌臣六十壽序

楊太母六袞壽序

告文

告城隍為民請禱文

告元天上帝禱雨文

再告元天上帝禱雨文

告城隍文

記

秋水亭記

重修遺教堂記

義塚記

書

上鄭少司寇

海陽紀畧

卷上目錄

上汪涵齋府丞

上趙天羽給事

上鄭藩憲

上高臬憲

上錢方來給事

上沈房師

上李吉父侍御

與河南汪舟次太守

與同年陳解人樞部

復汪秀才

復鍾世兄

復汪舟次太守

復何醒齋翰林

復吳秀才

復錢飲光

啟

迎江蘓鄭撫院啟

上許學院啟

海陽紀畧

卷上

祭文

祭汪文毅公從祀文

祭汪鐘如吏部文

汪涵齋京兆母祭文

賦

茸香廳募綠疏

海陽紀畧 卷上

序

修學宮序

今天下內自京師外自郡州縣莫不立學矣京師曰國學郡州縣曰郡學州縣學有廟官其制度規權一視乎王者此郡州縣之所同也然天下郡州縣或有沿革先後則立學亦有先後或其經營之始功力所及限于時地不無大小崇卑而其後踵事增華頓

海陽紀畧

卷上

改舊觀則又郡州縣之所異也造典業者必待追金以成器資薪樞者必待養木以成材造士者必要積學以成俊彥故立學官而統以學官使之教以人倫明以經術豫講修齊治平之理于平日而以待用于異日三年則合郡州縣之士大比之計借而獻之于天子公卿大夫由此其選也復俊之典不恭謹敷士君子當思未仕而時入學以講道請業既仕而又時謁學以振民育德均不能離于學也使入而見己之學類垣墜瓦粉落煙銷出而見人之學弘厥嚴翼熙



華丹。獲其能不惕然以懼。瞿然以愧乎。今天子聖
敬日躋。方興文明之化。特頒御書。徧懸天下郡州縣
學宮。天下人士。莫不鼓勵。嚮化。爭趨于學。而更修其
學官。將更者。微之。庫小者。增培之。柱楹之。欹側者。正
之。格栴之。魁者。易之。量材有日。巡功有職。煥然更新。
頓成鉅觀。修學之後。人士駢發。往往倍前。此微之余
聞中之三學。及余鑄之學。而知之矣。故謂立學宮者。
郡州縣之所同。而修學宮。此郡州縣之所異。夫以其
所同。察其所異。而敬恭怠慢。將于是乎。微焉。則學之
海陽紀畧 卷上 二

宜修也。安容緩哉。余承乏海陽。自揣無一絲之善。足
以新人之耳目。因與學博倪君方君。謀集諸生。議亟
修學宮。以爲庚午開昌明之運。諒同學 聖人者。皆
所不得辭也。用書此以告。
海內學宮多與邑治比肩立。而吾邑獨遠甚。議者
欲徙費舍于邑治之東。察院址。庶足受松蘿秀。隨
然我明倫堂之輪奐。實爲江南冠。尊經閣之崔巍。
更爲天下罕有。遷徙有較難者。葺而新之。亦賢有
司之先務矣。若實心任事。遴選得人。則詳于余修

學一記 涵齋

序。勸休人士。修葺學宮。故前後以異同二字爲骨。
所以動其敬而戒怠者。可謂至矣。 備欣識

邑學更新。自聖廟啟。聖祠外。凡程朱鄉賢各祠。以
及義學房舍。修而兼剋。功程數倍于前。而費用僅
十之一。固我 夫子擇能而使。仰亦處置盡善。方
克辦此經世鴻猷。真豹現管中矣。 汪灝紫滄百拜識

瞻雲書院序

郡邑之有書院自南唐始也。古之士君子名德見重於世者，則即其隱處而命為書院。如李渤之白鹿書院，李寬之石鼓書院是也。白鹿與嵩陽，嶽麓應天為四大書院。其後或請立院長，置田，或請藏經籍，初未嘗講學也。然所在書院皆以因大儒講學而重。如韜考與詳括水之源溪書院，建陽之考亭書院，鉛山之鸞湖書院是也。宋時諸大儒以弘道為己任，隨其家居及宦跡所至，學者宗仰之，莫不欲得其講法，群聚而請業焉。

海陽紀畧

上卷

四

如二程子之於洛，邵子之於范陽，張子之於郡，陳子揚子之於閩，於鏞於毘陵，羅李之於延平，講學且久。又皆未嘗建有書院。自宋至元而明，其間諸儒講學者，接踵而起，其書院之建置沿革，不盡得聞。至於今日，益復邈然不講久矣。苟有有志者，能追崇先賢，遵教思繼起而復行之，將見聖學益明，而化理漸臻，豈非為政者之所亟望歟？去邑東數里而遙，有古城山者，巖巒奇聳，溪流清駛，環山迤邐，而居以左右望者，數村，其山之巔，有還古書院，其鄉先生之有道者，

常於月吉率其宗黨子弟胥集于此，考德而問業焉。

既規諷之，又董誡之，久之，士皆遵其教，故其鄉人才特盛，而風俗彌淳。時邑之中有瞻雲書院，歲久頽圯。

鄉先生汪公鐘如、葉公燕及孫公康、五劉公備男暨諸先生，慕還古之風，議欲復之，而請序于余。余嘆曰：

古人得一郡一邑而治之，必以興文學立教化為先。今則考課詰盜，惟日不遑遑暇，及此哉！宋周子濂溪

知南康，士宗其學，民頌其政。朱子紫陽知南康，則捐俸葺白鹿書院，日給貧生肄業，其中時進士子而講

海陽紀畧

卷上

五

學焉。由是觀之，則講學固守宰之所有事也。余雖固陋，不敢歧及先賢。至於激勸成人之志，則無有異也。而安容諉哉！諸先生其不日成之。余拭目見道化之興也。昔漢之陳寶、王烈，祇節礪行為鄉閭所信服，至使人人爭自濯磨以遵其教，少有過犯，輒懼使聞之。以此知人心感化之機，捷如轉圜，未必今不如古也。余願諸先生且以實烈為法，以已之所嘗學者先身體而力行之，而後拈而示之，曰：此即所謂正心也，誠意也，修身也，孝悌慈也，此即所謂性也，道也，教也，不

列是矣。如是則所造者大而治可復實烈何足道哉。余日望之矣。

學通乎治。濂溪紫陽行之非如濂溪紫陽者未必知之也。至謂士大夫必先身體力行而後講學聖人復起不易斯言。儲欣識。

吾郡紫陽文公實得延平李先賢之學。今夫子延平產也。以文學潤吾邑。每還古書院春秋講期必單騎親詣。剖析義宜言之鑿鑿矣。瞻雲書院峙邑之中。吾儕當急新之。祇定宇東山。諸公遊在。

海陽紀畧

卷上

六

席。夫子為千秋之配也可。汪灝棠滄識。

修復汶溪橋序

余蒞海陽期月。越上謁諸大府守相。畢則日視嚴撤之。擘切者條奏之。簿書之糾紛者覆覈之。構垢索瘵汲汲匪遑。尙未得訪邑大夫士而問政也。亡何而邑大夫士儼然臨之。以修復汶溪橋請曰。吾邑之汶溪固四達輻輳要道也。舊于上游橋焉。自是水漲不勞。棧舟水涸不苦。崇涉行旅便之。天啟間父老有感于形家者言。遷橋于下游。自是邑中寢微。今以辯正論之。實當學宮與邑治離位之中。識者病之。吾邑人謀欲更之。矣而未有會。頃歲下游橋乍為洪水。鵝一門于時。邑人意甚決。皆以為洪水之相吾邑也。以請於前令汪公。且議舉行而未果。今幸得公。以為重惟公始終之敢請。余唯唯曰。修橋令職也。其邑之急政。無有大于橋者乎。余聞古之賢令。皆以教化厚風俗。興文學為先。以除苛解媿為次。他如農桑平道。塗通橋梁。其小者已。以余觀之。今邑中學。學摘藻之士。何難與吳會。繁長比短。乃擷甲乙科。登金闕。承明之廬者。反遜。焉。豈非游夏之徒。少干計。研。

海陽紀畧

卷上

七

以請於前令汪公。且議舉行而未果。今幸得公。以為重惟公始終之敢請。余唯唯曰。修橋令職也。其邑之急政。無有大于橋者乎。余聞古之賢令。皆以教化厚風俗。興文學為先。以除苛解媿為次。他如農桑平道。塗通橋梁。其小者已。以余觀之。今邑中學。學摘藻之士。何難與吳會。繁長比短。乃擷甲乙科。登金闕。承明之廬者。反遜。焉。豈非游夏之徒。少干計。研。

歐倫能以孝悌為本推而之和睦宗族今爭田攘產
 動以小忿遂廢親親豈非少凌長卑踰尊歟昔者
 漢書集今則強半白籍未自占也租賦稅後官
 為眾先奉公今則悍然廢負也事起刁鑽怨成羅既
 之失不顧也婦姑勃譏并里誹謗親相其生若
 微帶不惟此游惰之徒結社豪猾武斷鄉曲背公死
 者亡有乎亡賴交通潛跡界內畧賣丁口為遁逃
 者者亡有乎凡此皆余之所謂亂政也予不第編
 以所學試之政事庶幾方效古循吏之治以與斯
 民更始願一切蕪張應弛宜損宜益豈不欲行乃有
 屈于勢之迫又得行與力之所不能行者寧獨是數
 者已哉昔余在郡下初得海陽客有來言者曰海陽美
 美邑也吾知慶者矣既而又有客來言者曰海陽美
 邑也吾知困者矣予憐然未知所出以今徵之蓋信
 余惟古之守宰也歷煩劇每以諮訪而得治法幸諸
 大夫暨多士有以匡予之不逮不使余墮越是懼則
 邑之福也乎若汝溪遷橋予一日在此安有不為斯

民樂事勸功之倡而尙煩詳諄告誠為也是為序

政所最急不在一橋三代盛治先乎其大斯次第

具舉矣每讀一過輒為吾桑梓三加額

因遷橋一請而歷舉休政之急者以告之指切流

失雖木鐸之徇于路雷霆之傲于耳莫能過也

無論布告嚴厲悚人鬚眉即以文論亦在秦漢以

上 汪灝紫滄識

募修閘口橋序

天下之理數。無有塞而不期于通者。無有平而不垂于險者。兩者或通相為興替焉。或通相為終始焉。莫不由于人也。今有人于此。見人之塞與險。必思有以利濟之。則入必曰仁矣。若坐視而不顧之。則人必曰忍矣。若反擠之。則人必曰惡矣。士君子于此三者。將何擇焉。居恒常恨。雖伏無所建立。不知隨時隨地。皆有可以建立之事。舉一心而有利濟千萬人之心。舍一財而有廣被千萬人之財。其為德也普矣。去縣南

海陽紀畧

卷上

十一

之三十里為閘口。內通欽葵。外接衢饒。故四達之孔道也。閘口舊有石橋。極為弘壯。歲久為山水齧壞。遠者商旅近者樵牧。趨水次沐雨。構風顛連困苦。難以名狀。今其基址且存。石材皆備。若鳩工合力以修之。不旋踵而塞者可使復通。險者可使復平。而余之所謂舉一心而有利濟千萬人之心。舍一財而有廣被千萬人之財。人之所共稱為仁人者也。夫觀一起舍之間。而平生之操行由此端。福基由此立。寧可不為乎。况世人故日在于塞中險中。而不之覺也。不及

其未至之時。以拯人於已至之時。而曰非吾之所急也。而坐視之。見人之趨奮也。而尼阻之。其為忍與惡也。人必共棄之。已今吾惟日望人以為仁人。

于一橋見弘濟蒼生一片熱心。仁言利溥於茲。茲信 汪灝紫滄識

海陽紀畧

卷上

十一

重造岩脚橋序

世有有待之利有無待之利人皆習於無待之利之大而不竟也及一旦失之則且瞿然意然而思復其始而不可得已今夫人能一日不蹶地於東西南北惟其巧後欲行則行欲止則止未嘗有待者也地之上有水則假舟楫以通之舟楫固有待者也行遠之待舟楫然有待而不見其勞苦夫通都大邑之地憧憧往來動止不息或有坎窞衣帶之巧不得達亦必待舟楫以濟不其害乎古人于地之遠者設舟楫于地之近

者建造橋梁所以便民之道至矣矣夫橋梁固有待者也假橋梁以補地之缺乃有待而成無待之利者也不其博乎去里之西三十里而遙曰岩脚岩脚之舊有橋跨練水而通四達固孔道之要衝也邇歲為洪水所齧橋地深為濶而淺病涉行道苦之謀復其始日居月諸憂其難有僧祖源者寺與橋隣目擊心悲志存利濟以身先之不啻顛蹶之請望拜之謁僅成一門余聞而嘉之夫僧固無待之人也壁危坐身不帖席足不蹶地其巧優為何皇皇

於此橋乎豈無待之利必待無待之人而後成之乎僧尚如此余與都人士可視同秦越之肥瘠乎幸共起而圖之毋使踟笑方外。

曠選之思精到之理不意於尋常題遇之 儲欣識

以有待無待立論如神龍蟠空不可測識 蔣長公

詩書之章 汪潤齋滄識



東開潭放生池序

造化起便機耳人與萬物或出天日月易流轉不息此理之必然者也而通儒不信以爲

謬怪誕聖人之所不道不知六合之內聖人固有存而不論之事蓋欲使人自得于意言之表如此類是

也古今之生相殘殺死相報復怨毒纏結無有窮已往往載于史冊不可枚舉豈盡未之考耶夫世之善

人少而惡人多若善惡之去來冥昧一致善者不登天人之籍惡者不淪獸畜之類是造化爲無所是非

之一物而聖賢修心養性亦無益矣若使三世之理非誣而輪轉之說不虛則人與物原爲一體受純氣

而爲人受雜氣而爲物至于悅生惡死之性未常或異也而昧者悍然謂天地生物以養人可以恣其屠

割以肆其貪饕嗚呼其亦不仁之甚已不知聖人雖未言戒殺亦業業殘殺如湯之解網孔之不網不弋

宿孟之遠庖厨及無故不殺牛羊犬豕不取麋那不竭澤而漁不焚林不覆巢亦未常不深切言之而後

世不知神明其意反以爲迂濶不經之事若以生類

至繁不可盡救縱能救池沼而不能救江河不如已

之不知仁者惻隱之心不過去其太甚而已若以不

可盡救即合其力之所能救譬如見旁有井衆孺子

皆將入井亦以不可盡救遂擣足不之顧哉汪子聚

五之于東開潭放生一事竭力多而用心弘非實有

見于聖人仁術之意而得于意言之表者何能若是

耶

直說透吾儒萬物一體至理不肯一字旁涉三氏

昌黎大文自是起衰八代汪灝識

海陽紀畧卷上 主

重修休寧縣志序

昔成周分天下為千八百國。眾建諸侯。使各自為治。三歲則朝見於王。而請其政之得失。及秦廢為郡縣。以郡統縣。置吏使聽其政令。歲時則上計於京師。而黜陟之。自漢至今。皆因其制。雖侯國縣令封土有小大。爵秩有崇卑。而其典章制度未或異也。夫國之典章大者莫過於史。古列國之史。即今郡邑之志也。列國史名多不見於書傳。其見於書傳者。如晉之乘。魯之春秋。楚之檮杌。是已。考周官太史有五官。太史掌

海陽紀畧

卷上

十六

建邦之六典。八法。八則。小史掌邦國之志。內史掌王八柄之法。外史令掌四方之志。御史掌邦國都鄙萬民之治令。漢武帝令天下計書。先上太史。副上丞相。繇此觀之。則志之所關於政治匪小也。然古之志。與今之志。其義例條目。或有詳畧之不同。要之志不可廢。若久曠不修。則方域一切沿革損益常變之故。不能周知。何以適度區畫而得其當。聖明在宥。百廢具舉。頃者。命各省直各修其地之志。而上之於朝。誠有取於周漢五史計書之遺意也。觀郡邑志於輿

地建置。食貨。官師。選舉。人物。藝文。通考之類。綱舉目

張。靡不備載。餽儒或不知其意。類以為迂濶不切於

政事。不知紀山川所以察其阨塞。要害可以備征討

之遠。畧紀星象所以辨氛祲。可以豫備其儲畜。紀食

貨所以別田土之肥瘠。可以則壤而定賦。紀物產所

以備廟朝祭祀軍戎之供用。而徵其貢獻。紀風俗所

以辨習尚之澆淳。而施法令。紀吏治所以考政術之

純駁。與字暨之淺深。而黜陟其廉貪。紀師儒所以審

道教之興行。紀選舉所以別甲乙。科明經國學及貴

海陽紀畧

卷上

十七

有神吏治不淺。郎騎郎之用舍。紀人物所以重褒倫尚節義。端士行。其他如隱逸。道術及方技者。流無關於治道者。亦必紀之。噫。可謂備矣。茲編規例。悉準舊志。而前之漏者。補訂之後。之逸者。增入之。辭之淺拙者。改竄之。理之舛謬者。平定之。總其成者。則府丞。涇。齋。汪。公。力。為。主。持。不。少。假。借。副。之。者。則。督。學。子。望。黃。公。分。其。任。者。則。明。經。汪。子。紫。滄。邑。諸。生。金。子。蘭。張。子。斌。等。同。心。纂。修。頗。無。遺。缺。古。人。常。言。修。史。有。五。難。志。猶。史。也。其。難。正。等。但。欲。表。善。以。立。教。化。則。不。因。微。賤。而。屏。棄。歛。黜。惡。

以正是非則不畏豪強而疑阻舍仇怨之隙絕請託之私論斷嚴而綜核當則質之鬼神而無愧庸何恤乎人言考休寧初志肇自海寧至弘治歲程篁敦太史修之至嘉靖而奉新宋公修之又至萬曆而關中李公修之自李公至康熙計八十餘年而余不佞又幸遊盛舉得從諸君子之後廁名論列其間然承乏四載政化未行無以為志乘光誠竊自愧也今余聊述作志之本旨與修志之始末其他已見於志中者不復具論是為序

海陽紀畧

卷上

十八

邑志自翼庭邵先生與李侯修後將近百年迄無成書中間累修累輟益滋紛擾余之欲徹底更新俾其是非不終沒者已非一日得侯意見有如水乳遂獲奏功竊喜視邵李二公後先無愧矣涉從來作史祇需三長修志兼需有守有骨有膽否則或以利誘或以勢動或以刁挾矣百年廢墜一朝具舉自非家京兆與吾夫子冰鑑鐵面安能及此灑自慚無一長亦得與分校之末信史觀成不可謂非厚幸汪灑紫滄識

程列婦序

志法余閱邑志已知有程夫人事云夫人父廣祥明飛騎尉母吳氏亦以節聞夫人自訖已如既笄端莊不苟言笑十七歸於雲溪王之璘之璘儒之好學者也卒以負刀不得志鬱鬱嬰疾死夫人時年方二十有二歲家貧囊堂上奉五十餘歲老姑膝下撫教歲歲孤孀二弱女欲生則不忍獨生欲死則不得同死忍泣守志惟日紡焉以佐視膳既而又日紡焉以佐脯糈不給也攻苦數淡未嘗一日見齒如是者殆十年戊

海陽紀畧

卷上

十九

子歲寇大至夫人奉姑避匿山中寇肆剽畧輒窮居人所避匿而搜獲之夫人偕姑卒不得脫獲焉寇初拔刀以劫之欲牽去夫人嚙口大罵寇釋之欲先殺姑夫人張臂捍之因胸姑起趨出既寇復欲牽夫人去夫人奮臂以衝其刀欲奪之寇急遂揮刀以斷其臂死焉嗚呼余觀夫人立節之貞奉姑之孝罵賊之烈未嘗不流連嘉異而嘆其所遭之薄也雖然不如是不足以彰夫人所守之難余每覽古今所記載列女如共姜則直稱其節東海婦則直稱其孝巴陵臨

海陽紀畧

卷上

子

子曰錫圭以夫人之狀請因論列之全以古者布衣

之士有道德文章見重於時者皆稱之為公故余稱

夫人為程夫人云

序事議論生氣勃勃逼真龍門子長之文

碧血寒燐芳魂長在得此為筆益共不朽

汪淵紫 涂謙

諸欣識

海陽紀畧

卷上

子

子曰錫圭以夫人之狀請因論列之全以古者布衣

之士有道德文章見重於時者皆稱之為公故余稱

夫人為程夫人云

序事議論生氣勃勃逼真龍門子長之文

碧血寒燐芳魂長在得此為筆益共不朽

汪淵紫 涂謙

何彥公五十壽序

余考成周論秀造士合千八百國之人才聚於成均

未聞試以藝文定以程式也漢承周制郡國人才歲

與計吏偕入京師待詔金馬門外間復舉孝弟力田

暨任子貲郎騎郎以至藝術史書莫不選用其間不

少賢智未聞有所輕重也及唐始定制科以詩賦論

策試士宋元明一準舊制惟文體適有更變雖以制

科為重然皆未嘗廢成均之選也我 國朝始廣開

成均之典旁搜博采得天下通達幹濟之才平日限

於詞章不能自見者奉一時收錄而無遺焉上自敷

衛子弟下逮士庶充是選者或授州縣或授縣倅由

是而至卿貳節鎮方岳者比比也猗歟可謂盛矣余

每見習帖壁者多情於世務昧於時變誠緩急無當

於國家之用也况今日制科又非實能工于帖壁者

類多襲父兄之門地附權貴之祿勢狐媚夤緣而得

者其人材又何獨高於成均之士哉余竊以今日檢

才之道度越千古故余獨重成均之士者有以也乎

彥公何先生逸聖代邁千載難遇之會列名成均可

海陽紀畧

不謂榮歟余初蒞海陽每私訪問政治風俗人才知人士咸實道何君矣而好禮者也未幾何君果命其子氏經君秩答其禮是請余至其家情意款款以物豐備海陽士人之廷余者自何君始也久之余熟察之知其非欲得今謬相引重行其私者其意誠重今信所謂矣而好禮者也余獨心識之茲重九之望後一日為何君貲賸之夜明經君報請余一言以為壽為余言君少尚至性事父母至孝父仁甫君習計然之業于業成以君隨侍仁甫君方慶君朝夕不得離側稍拂其意切責不少假至條行請竟日不辭君亦竟不訟起也君素多智計善做貴做賤類皆逆楊子先事懸合于後時不失尺寸以此亡有所闕而報贏幾倍君為人恢弘仁厚尤好施常急人之能固不輕為然諾者也每人交洞視肝腸有禱吝野之真處求處拙友愛接猶子若己子同承共才有汎雅春之風宗黨有不能舉火者時負粟以給累世不能葬者輒解素以贈不足又為斂錢為其平生行義如此余聞已乃揚解而起曰是足以壽君矣夫壽

有修之於身者有昇於天者行己之壽修於身者也年齒之壽昇於天者也故存心養性為聖賢之壽他如導引服食之壽吾黨所不語也然大約有所修必有所昇今觀何君之好行其德如此是二壽者必兼得之矣於是明經君起頓首請次其語以為獻

夫子試於禮部再得再失以文得之非以文失之也制科不若成均亦足舒憤懣以曉當世矣

陳弼臣六十壽序

余承乏海陽。嘗得經歷其山川。問其土風。察其人物。始知天地之氣所鍾有獨厚。非可以常理論也。夫人物之生。皆本于地氣之衰盛。故地有肥沃瘠瘠。迥不同。而人物亦各隨其方之地力。而有贏絀。良莠。以別焉。若有得其山氣多者。若有得其澤氣多者。若有得其陵氣多者。若有得其谷氣多者。若有得其林氣多者。若有得其寒氣者。若有得其暖氣者。若有得其石氣者。若有得其險阻氣者。若有得其輕氣重氣。

海陽紀畧

卷上

二十四

氣濁氣者皆視其所得之氣。而少多是相當焉。類不能兼也。猶人之於五福。曰富。曰壽。曰康寧。曰攸好德。曰考終命。亦各隨其人之氣量淺深。以得其少多。亦亡有能兼之也。今觀海陽之人材。獨能兼之。問其材智。幹濟多出人表。而黨序之間。文學亦且籍籍。問其族姓。則生齒蕃社。家以數千計。問其生產。則教畜教馬。指困指樹者。不一而足。問其閭閻。則群從兄弟。孫曾以府州縣佐待銓選者。若而人。問其壽考。則自杖鄉杖國杖朝。以躋大耋者。至奕世相繼。諸如兼此數

者類不獨一人一家。噫。可謂盛歎。豈非地氣之厚耶。

抑其先澤之所漸漬者。彌深彌久。故一發而不可量。

耶。以余之所素知。陳君弼臣。則其一也。弼臣君先為

藤溪人。祖希隱君。父誥。封儒林郎。長鄉君。累世皆陰

行善。長鄉君多才。諳雅講。計研之術。是以資業日贏

幾倍。遷于湖旁。則自長鄉君始。弼臣君昆季八人。皆

通仕籍。子五人。或以明經。或遊郡庠。皆能文章。有聲

稱。君有至性。事二親。備極孝養。尤篤天顯。有北海

雅春之風。君少習舉子業。一旦棄去。曰。大丈夫當

時。建立安能喋喋事咄咄乎。曾大中丞新公開府。晚

江乃杖策造謁軍門。中丞公察君廉幹。辟為從事。君

夙夜勤勞。小心謹慎。未嘗有失。凡有不撓于法。而

利于人者。君靡不先為道。迺使得成。而窳不以

是私諸人。以炫已之德。所至名公鉅卿。多器重之。需

次謁選邑佐。未及期。君慨然南歸。謀田園之樂。平居

好持口論。識大體。能以信義。執正鄉井。凡祖賦。從後

率為眾先。奉公誠。存紳之望也。茲菊月之某日。為君

覽探之辰。諸戚屬。欲請余一言。以為君賦祝。余乃

...

海陽紀畧

卷上

二十五

者當即負笈以來遊先追精金以成鼎彝豫養大木以資薪積守宰之首務也漢之文堂先開蜀孝唐之棠衮始造陶儒自古後為美談至今奉為故事予竊慕之子其勉諸

不但文風 得夫子一大變兼 年來英才輩出

如穴湧泉化育之功宰諫時雨 汪澹棠滄識

楊太母六表壽序

嘗歷觀古今士大夫家之興衰皆由于內政之修廢未有內治而外不治者未有能治內不能治外者夫子系家人之象辭必先言女正位乎內而後言男正位乎外蓋內不正外若不可得而正故女德恭難正家之將興天必生賢淑媛以為內主類非有物有恒之君子所能訓誨而成者昔叔向之賢著聲列國實始於其母羊舌氏遂因之以著姓范孟博有澄清天下之志侃侃漢廷亦得其母成之母賢則子多賢所

海陽紀畧

卷上

二十七

必然已太母汪孺人司訓楊君儀邦之母也故名家女少婉孌年十九繼葉孺人而歸于太翁用聖君太翁之擬與其家多由太母克相力太母治家儉勤有恩紀撫諸子慈愛奉養盛必獨潔宗黨咸稱焉茲孟秋之四日乃太母設帨之辰司訓君奉千秋之觴以進余因獻一言以侑之曰易之六二言無攸遂在中饋以夫在不得自遂只宜主烹飪而已此固然矣若於子亦不得自遂則叔向孟博之母何以能教督其子使之成令名千古哉余竊以太母之賢誠可與姬

美不讓司訓君及諸昆季異日顯親揚名所建立當有過於叔向孟博者楊氏之興不亦宜乎是為序

可當一則毋範讀吾鄉素稱女中鄉魯自人人奉

為心汪灝紫洽識

告文

告城隍為民請禱文

嗚呼先王分土建侯以為民牧其所操以治天下者大則禮樂刑罰小則山藪貢賦與夫律度衡量物土宜而前民用者莫不纖悉具備又為之分土制禮使得祀其山川社稷天之三辰地之五行與夫前哲令德以下及于昆蟲貓虎之微又莫不有所年流玉典章儀文至矣盡矣觀其所創制兩者若持衡然似不可一日違者也逮秦改封建為郡邑邑宰之視諸侯雖爵秩有等殺而今日之規制視古為尤密凡守宰之來蒞于一方者于未視事之先必齋戒宿廟以告虔焉蓋示以精白一心不敢玩愒民事也後世飯儒昧於大道不知先王小大相維之勢神人感通之機類以蒲譟矯誣迂遠而不切于事情欲求至治豈不難哉夫天地陰陽之氣惟神所司得平和氣多者則為禎為祥為吉為順為雨若為暘若為攸好德為考終命得乎乖氣多者則為妖為孽為顛為蹶為為暴惡為愆伏為災沴為凶短折若夫神至氣令

天

主政神之與令若均有一方之愛責者也。秦明

出宰海陽。實為中吳之支郡。顧教化惟行君子而不

及于細民。其俗尚氣。好聞輕生。言語之傷。深于矛戟。

鷄豚之爭。毒于機辟。朝告一人焉。口投糞矣。絕吮矣。

暮告一人焉。日赴河矣。飲湯矣。夫人雖至愚。莫不愛

其生。故古人有言曰。螻螻貪生。又曰。千金之子。坐不

禹堂。又曰。寧餓死而不食烏喙。冀尚得須臾存也。何

休民之不愛其生。其智反出螻螻下耶。忿戾之氣。結

為怨毒。怨毒之慘。積為狄訟。以至率于深文。陷于辜

海陽紀畧 卷上 三

惟富者日貧而貧者日困矣。學術短淺。既未有仁

漸義摩之雅化。徒令憂心蒿日。欲拯救之而無由。竊

以頌禱之義。古聖賢之所不廢。是用與閭邑吏民齋

戒。虔請于有神。惟神聰明正。自益祀典之所謂有功

烈于民。而能禦大災。捍大患者也。受天子之命。祀

必宜有以陰騭于此。方便之化。顛蹶為吉祥。化逆為

順。化凶短折為考終命。化暴惡為攸好德。以佐寒暑

之休。以輔令之不逮。此燄之所竭誠而額請者。若夫

如周漢之政。虎有唐之人。早咎則由。燄是用早降之

罰母苦吾民為也。尚鑒鄙心。其式憑之。

義則日星河嶽情。則拯溺救焚。所謂吐詞成經。而

可以上紹六籍者。其不在斯文乎。儲欣識

實心愛民。自呼吸與天地相通。昔賈公活兒人稱

之曰。買父吾鄉三四年來。輕生之俗一變。活人不

啻千百。皆當名之曰。奉父矣。汪灑紫滄識

海陽紀畧 卷上 三

告元天上帝禱雨文

登以構昧承乏休邑。夙夜兢業。無違素履。受神之

祐。迄茲三稔。陰陽未有愆伏。而災肯不作。民人頗得

和樂。今者始自夏仲。以屆秋孟。早魃為虐。澤焦井涸。

芄芄黍苗。日就枯槁。痛彼農夫。終歲勤動。露體塗足。

是薦是蒙。惟賴秋成。婦子待哺。一旦失望。何以為生。

已於本月某日。齋戒焚香。虔心禱請。而黑輿未躍。

石燕不飛。蒿日憂煎。未徵靈應。竊以漢有吏虎之

感。唐有人旱之傷。滋懼政事乖戾。不能消彌。爰命祭

海陽紀畧

卷上

三十一

窺滯出輕繫。洗心滌慮。虔禱於有神。唯神德覆元

天。功司水位。逃命風伯雨師。大沛甘霖。行見穀苗某

甲。乍成秀實。元元喁望。在此朝夕。惟神有靈。尙其鑒

之。

廉吏致雨其應如響。豈但文字古奧。石破天驚。驚

再告元天上帝禱雨文

聞天人之際。精稜可以相盪。則災祥之降。類非由因。而致熱也。今清質之子。神佑由隆。之致事。非違所致。則災自降。作凡有殃咎。宜加禱身。毋事波及。一邑備由。一邑之帝氣。澆心所致。則有不能變化。風俗之責。凡有殃咎。亦宜加于禱身。若皆非由此。或旱潦之作。大有定數。亦宜別其優劣。蘇其虔。或後邑。禱者不應。而此邑。禱請。能虛使。知真有感。孚消。祈之道。庶幾可興。起人心。而漸清。涵濡。於王化。庶幾之。理。誠。矣。

有逾於此者。神其鑒之。大神。聰明。正直。而一者也。風雲雷雨。出之掌。權。何。難。朝。發。夕。應。哉。於本月某日。築心。齋戒。躬詣。法壇。拈香。禱請。幸。微。

靈應。上。畫。符。降。甘。雨。下。畫。符。降。甘。雨。似。臻。之。不。德。尚。可。以上。格。蒼。穹。者。但。田。有。沃。者。傾。者。汗。邪。者。醜。糞。者。高。下。不。平。及。也。雨。有。及。東。而。西。簡。望。者。有。及。南。而。北。猶。望。者。遠。近。未。及。溥。也。望。祈。再。昔。神。麻。渙。然。大。沛。不。勝。至。願。翹。首。以。俟。

仁政仁心。平心慈毫。無負。然後。雨。賜。之。請。明日。張。肥。

鼎質鬼神而無疑此非一日之積也 儲款識

昔稱感神傳曰石點頭天雨花依古迄今至誠未

有不格者彼邑客歲旱天以 夫子禱之虔闔郡

胥爍石流金而休境獨滂沱是歲旱甚于前 夫

子皮薦久未應竟躡躑步走三十里登齊雲萬峯

之巔勢過小祠必拜至真武大殿拜凡百千默禱

畢集羽流于殿嚴戒之且曰廖某令休數載倘有

絲毫觸神譴早由令起災在令否則三日不雨當

焚巫耳羽流股栗次午晴天赤日忽黑雲起西南

海陽紀畧

卷上

霽

井霖一降再降至夜雷雨大作 夫子衣輿淋漓

泥淖中欣然曰余雖勞為民樂也然雨僅及五里

內 夫子以為未足忿然謝諸同禱者獨發九願

默祈于時蒼穹重鑿 夫子真誠雨又大作環四

郊歲則大熟可見寸心動天罔弗響應吾民抑何

幸耶 汪灝紫滄識

告城隍文

自做秀才時。即有濟人利物之志。及早歲得舉于

鄉。竊以異日可得遂所學。逮三上南宮。僥得輒失。憤

憤棄去。不得不俯首為吏。每早夜熟思。今日之吏。殆

不可為。廉猶養蠶。貪若投餌。何適而可。依違久之。及

授休寧。都下開然。以為徽之美邑。素稱繁富。皆為稱

慶。而識者。憂之。始蒞休。察其土俗。訪其弊

政。知其尚氣。好鬪喜訟。而大害莫過於自殺一事。沉

溪投繯者。或數日一至。或一日數至。專以率陷飛誣

海陽紀畧

卷上

三五

傳致其素所憎惡。為事而其間之豪猾。常因之以為

奸利。富者破產。貧者殺身。而官如漁人視鵝。蚌之得

失而攫之。日擊心傷。思一日在職。不能為此方除

苛解。旋與之更始。不幾。遂平生讀書。兼濟之始願乎

用是齋戒七晝夜。齋請於 有神。竟成默相。復脩陳

其害上之兩大府求頒 憲示嚴立禁防。不相連坐

又轉相告諭。使知愛生保家之理。自茲以後。稍以衰

止。此亦可以見 之心矣。無如休之惡俗。富者平日

既不好行其德。群不逞之徒。久成忌嫉。內蓄於心。及

一旦有禍莫不幸而樂之擠而下石無所不至官依律法以定人罪不敢失出亦不敢失入固其常也而一切奸猾或曾以犯法受官懲創者不知以生道殺人雖死不怨之義動布流言肆其土語云精白易碎又古云聚散成雷積毀銷骨幾能得貫日飛霜之異以明忠信之不渝哉嗟嗟世道人心如此是可歎也近有秀才戴以能以繼母某氏以酷拷婢女按水並死初聞呈報即准收棺次日流傳有剪乳踢陰種惡毒之說即親臨檢檢實無其事竊以士子之海陽紀畧 卷上 三

妻士子之母又有身未免湏存大體不便執訊又按律王母杖殺婢僕只依故殺滿杖原無死罪條例因從寬究擬罰銀三十兩修學以儆不能教家幾諫之過竊以為如此處分遵國之法則已無枉待士之道則已有體全至之分則已不濫無可議也而紛紛謠詠以煙偏庇戴生受其賄囑雖小人或然君子則否煙煙舌短心長無由自白不得已皮告有有辨察如煙倘有諸調矯誣立賜誅極如其不然神察拿謗首令其狂熱首服以警

戴生一案一不肯改假命不究愛民實心一以存優容文士大體一以力輓迴枉法深文破人家產貪夫積習而人心不古輒爾囂囂然則必欲廢反是三者而後快也公道不明可歎可歎酒齋

盤庚三篇因浮言胥動而大亨先王願其作福威以儆之此文即盤庚之遺意與雖然觀 夫子處分戴生一事教善脩焉不逞肆誣政如浮雲之于皎日耳何損於明多見其人非鬼責自歸伊感也儲欣

海陽紀畧 卷上 三

邑俗之壞往往借一命以傾人家產甚至冤冤莫已波湧風生 夫子多方見憫良民得以安枕即圖賴者以徒死無益因而中止甚眾此心真如青天白日矣况戴婢死水 夫子既概行不究假命而獨破格文致士子之妻之母可乎罰貲修學圖法人情已為從重而乃青蠅恣玷不自愧會匪之汚耶雖然盛裝有謗誰殺有歌秋月之光雲閣之皎唯言何病言愈足見 夫子汪灝

記

秋水亭記

起得神味超然
荷日沈滂於塵事而無溪山竹石魚鳥之趣以消滯

其心目則志意幾不得發舒所以古之君子隨其仕

宦所至未嘗廢遊每於政事之暇或遠適莽蒼之野

或近歷廊寺之偏尋訪名賢舊蹟及林壑幽曠之地

輒裴徊吟嘯於其中而不能去其有亭臺樓閣已就

頹落者則重為修復之未有者則營創之不獨一人

為然也若當今日且以是為妨政勤民必共起而告

議之矣今試觀古之不廢遊與今之不能遊其治蹟

相較為何如耶嗚呼古人風流高致豈庸衆之所能

知哉休陽堂皇之東偏有隙地深百數十步廣城十

之一二四望天宇曠遠若無窮際白嶽松蘿之勝羅

列日中雖近市亦不聞喧囂之聲宋時邑宰葛公勝

仲因其地勢南向而築為臺臺上起亭數楹名之曰

秋水亭前鑿池環之若玦焉池植芙蓉夏月香風襲

人池之後有高樹參錯六七章涼陰習習可坐卧其

下信可以息眺聽而寫遊觀之樂也亭自宋至明其



海陽紀畧

卷上

三十八

間屢廢而屢復其可攷者弘治間李公華修之至萬

曆中廢久矣丁公應泰修之又建方亭于池上易名

曰察止魯公點易名曰東白唐公登儒易名曰印水

至于余又廢久矣一日余與丞單公亦尋訪舊蹟相

與眷顧久之嘆曰風景猶舊而亭榭烟銷無存豈非

吾輩之責歟古人風流高致吾輩縱不能跋及至於

陶寫性情則未始異也因相與謀復之仍其始名曰

秋水或請余再易亭名余咲曰前既名亭而後易之

後之後又易後之前焉是相易無已時也亭且不能

海陽紀畧

卷上

三十九

為吾有又何論於亭之名乎又何論亭名之有無於

吾乎然則復之何為曰吾以適吾適焉已吾不能學

古人之政且當學古人之遊

仕而廢遊非墨即俗耳東坡先生吏治所至有聲

而好遊特甚遺蹟具存故自宋迄今推為士大夫

風雅之宗 夫子何多讓焉記文瀟酒最得東坡

筆意 備欣跋

國心民瘼則不談空柱與起道學則不減周朱至

風流遊覽又不異歐蘇矣幾無以測吾 夫子

重修道教堂記

古之賢者。道全學備。足以為世師法。四方之士。隨其所至。莫不羸輿毀車。羣聚而請業焉。于是仕于其土者。則為之。別立書院。或講堂。以尊奉之。其書院講堂。或以地名。或以義名。以地名者。如濂溪白鹿。鷲湖之類是也。以義名者。如清容堂。雪堂。得賢堂之類是也。亡論當時學者。得見其人。得聞其教。皆翕然興起。至于今。千百世而後。履其舊跡。誦其遺書。猶仰懷追慕。而無已。然則講學之功。其有裨于世豈淺哉。自宋而元。而明。至于陽明先生。在東南講學。為極盛。而今邈焉久矣。無復繼者。以此知郡邑之書院講堂。凡有志于斯道者。所當其起而修復之。况其子孫乎。明初有楊先生季成者。隱于板橋之麓。少從倪道川吳元蒼遊。蓋有道者也。先生潛心著述。不求聞達。意欲闡明先儒所未盡之言。以誘掖後進。所著有心遠天濛。集行世。諸儒如趙沆。朱升。黃季倫。汪克寬。皆相友善。明太祖定金陵。朱升以學行薦。廷試易對稱旨。即授本縣教諭。凡諸士得先生所指授者。皆有經行可稱。

海陽紀畧

卷上

甲

一時士風為之大振。逮先生既歿。學者追思之。就其平生講堂地。立遺教祠以祀之焉。歲久荒圯。茲先生之裔孫表正等。重復修葺更新。而徵余文記之。余聞之。古語曰。黼黻之美。在于杼軸。洒醴之美。在于耒耜。言有本也。今觀楊氏子孫。多彬彬好學。有儒者風。豈非遺教之漸。學者深哉。可謂知所本已。故余樂為之記。

海內學宮不聞有遺教祠。休獨有之。亦可令司鐸是地者。一惕然也。三復是記。勃勃生感。江灝紫滄

海陽紀畧

卷上

甲

義塚記

人受天地之氣以有此身。人受天地之理以有此心。均是人也。而有不同。何也。蓋其存諸心者。有理欲之分。斯發于事。有義利之別。要之不越乎公私二者而已。論於義則為公。論於利則為私。而其人遂有君子小人善惡之殊。余讀月令。至掩骼埋胔。未嘗不嘆。先王大公為懷。以天地之心為心。視萬物皆為一體。惜乎今人皆不之知也。海陽之俗。其君子知義理者固多。而小人之狃智用私者亦不少。每見健訟者無

海陽紀畧

卷上

三

有止息而爭墳爭地。殆居其半。大約富者惑于形家利害之說。非分妄圖。貧者無力經營。停喪不葬。於是北邙蒿里。纍纍相望。以致累世暴露。余心惻然。傷之將立義塚。以給貧乏之無以葬者。而志焉未逮。爰用先設義樞。捐俸倡輸。而向義者寥寥。不謂國學生程君時發。慨然以九都西館老栢山一所。周遶數十丈。劃為義塚。與余志意良合。於戲。此即先王掩骼埋胔之心也。斯明理尚義之君子也。公無私者也可風也。於是余因程君之賢。而益嘆世人之愚。夫人之富貴

禍。貧賤壽夭。自其身以及於其子孫。或得或失。皆由其人之善惡。以定歿慶。葬地特其一端已。今不求

之自己。而惟葬地是營。與大訟構大獄。竭其智計。厚其財賄。以與人爭。務必勝以求。必得適遇。不畏人非。不懼鬼責。長官苟以照已私橐。而委曲以成其惡。使不得倚勢侵奪。乘機盜竊。彼遂自喜以為得計。以為從此可以傳之千萬世。而無窮不知轉盼之間。其身不保。而其子若孫。斬然無復。後繼者昔之封樹。鬱鬱葱蔥。而今則牛牟樵夫踐踏。而斬刈之。昔之積土成山。

海陽紀畧

卷上

三

垣闕畢備。巍巍峩峩。而今則犁而為田。或平而為路。矣。行人過寒烟斷雲之墟。猶有識者莫不唉而指之曰。夫夫也。蔑理害義。利人之有以營其私。而不知今日已如此也。使死而有知。得不悲悔而無及乎。嗟夫。世人若有行此者。聞程君之風。其亦可以自勉也已。於是遂勒之於石。以為為善者勸。為不善者戒。六經三傳。秦漢史書。未有談及葬地吉向者。今則身之通寒家之豐約。族之隆替。與人之賢不。皆盡舉而歸之。營新遷舊。汲汲恐不暇。雖收葬皆然。但

不如微之甚耳衣冠一席之宴談風水者過半或

問欣 卿知蔡經乎曰知曰何如曰易云積善之

家必有餘慶積不善之家必有餘殃此其所說之

經也座中咸笑以為迂濶不意與 夫子所見

不謀而合也故附志于此備欣跋

定宇陳先生有青可銘極論貪福謀地之弊俗不

意 夫子記義塚海痛快及之生吾鄉者何誰不

當益省汪灝紫滄識

上鄭少司意

以榜樸之資幸託老年伯接社之依頃榮益觀皆

由獎助臨行時荷蒙提命亭止世重之對誠為居官

典要惟是祇承不敢失墜海濱遠鏡邑且質只

以邑多富民為榮非令而全享之則為鏡六約風

尚氣好訟必求勝必不惜錢由察官于其地者類

取資詞訟以自肥既以詞訟自肥則餽奉不待不厚

改餽獻之例視他邑皆踰十倍究之餽獻雖厚而上

可不以為德一旦有事反起而乘之孫其短長制其

死命不祛饑而去不支嗟嗟剝民脂膏以求已顯達

良心既壞聲名亦喪何益哉今者富家大室為避碩

鼠之虐多以族行不過歲時省墓暫歸鄉井寥寥窮

子僕隸聊以答應禮差而已又比連蔓亂十室九空

幾不復振然富庶之實既去而富庶之名仍存以貪

吏之例律之棄吏受邑名之累浮沉苦海無有出

期考 我朝定鼎以來海陽邑令得秩滿還去者不

過一二人而已此一二人又皆有推勢可倚賴者也

鑒于前事飲水並榮其之如始安能糊塗乾沒以

取制御于人耶自揣一介書生平日學古謂何亦思
為此餘察除苛解燒以快平昔之願功名兩字業已
置于度外耳然三代直道尙或未泯期月以來頗得
頌聲只是嚴霜之後易見陽春而已若論漸靡推化
當媿死矣誠恐老年伯懸念初蒞葵邑未經學
製不得祭其治蹟若何故備述以聞非敢自詡為能
也至於闕蓋車之踟躕加以絺衣使得高鳴而騁步
想已辱在照臨之下固不待之號呼而後聽也臨
被不盡欲云

海陽紀畧 卷上 四六

前此令海陽者非必甚愛錢也蓋亦有愛官而出
於此者矣謂官非錢無以濟而取諸民以保全之
豈知其禍之酷乎 夫子下車之初不惟不愛錢
并不愛官學問沉深直是主張得定宜其政成民
說令問因馳也 儲欣識
剽民媚上如抱薪救火薪不盡火不熄 夫子泰
破此闕水心亮節聲播輦轂行見 內召指日駕
前邑父母而上矣憶初下車時 瀨 以里句投謁有
云星綬迎來梅尊下水肌玉骨照玲瓏父老道旁

爭歎息平采不許前令同風流儒雅人不作吾邑
竟因瘡痍中刀筆剝炙脂膏盡俗吏烹割肌髓空
所望詩書急相濟乾骨旋轉吾道功何幸區區萬
山裡鸞鳳肯栖枳棘叢會看暴殄誅鋤後絃歌
月來風颯武城單父吾黨事逝將形筆敢稱棠蔭
今救載追思昔言窃真字字有如掇券 汪瀨紫
冷識

海陽紀畧 卷上 四六

上汪涵齋府丞

燿以驚鈍謬宰名邦幸以得倏厥光多荷憐矜既益
植之又教誨之使燿如開啓發蒙知所趨向受益多
矣臨行時又承錫儀賜宴啟涯脩至末由報稱惟增
內媿耳鄭藩憲處蒙賜書脩道休令之苦中云休令
類以詞訟為交際欲全交際則不能全清捺欲全清
捺則不能全交際令之膏肓兩言而决鄭公殊為感
動所以于燿特有格外容接莫非閣下齒牙餘論之
所旁及也惜鄭公今復遷去吳中屬吏並失二天之

游陽紀畧

卷上

四八

倚恐後益難展布耳貴鄉大害首惟圖賴一事一人
自殺禍延數家或一日而教見或一月而教聞既已
教誠而不悛復為所禳以消宿業詳請以求不坐徒
中惟察其致死有由者償以嚴刑以懲逞爭責令出
錢瘞埋養其母子以釋死者之恨而已並不旁累無
辜以成刁習貴鄉風俗類多妬害貴富而思傾陷之
凌忽愚弱而思攘奪之不論圖賴即小事亦必互相
告訐求勝始快其意即破家以徇猶且不顧為令者
乘其勢而巧詆之以為慶是之道燿日擊傷心誓欲

挽回補救不顧一己之功名欲為貴鄉起沈痾之

誠不知其有當然否也閣下不忘父母之邦當必有

以輔燿之不逮垂強硬以援出于泥塗之上母使

為前此之貪殘者所竊笑則大幸矣燿自蒞任至今

惟以萊根蕪極自甘並不使食有他肉以取笑于隣

婦一時百姓亦輒與歌頌至與上憲並刑更有昇

米柴以獻者燿雖嚴却之而踴躍不止亦足以見上

下感孚之機耳燿之所以脩陳者非以口舉實以關

下之所甚關切所樂亟聞亦以見燿之不得罪于貴

游陽紀畧

卷上

四九

鄉而貴鄉諸公亦未必能盡信之也

禁假命杜圖賴則殷富者得保身家而奸究無所

肆其流毒夫子新政以此為急真如救溺船燒

屋也雖吾民饋米供薪踵續于路窮山幽谷白首

未入城市者亦來獻萬民屏進萬民衣究竟何足

以報高厚萬一汪灝紫滄識

上趙天羽給事

往歲謁選都下。每於公座上。時耳閣下才名。知為當代偉人。私恨一時。出即登龍門。得被容接。斯為厚幸。不意遂得茶滌名邪。頗愜素懷。以為從此可得朝夕趨承。請問政。乃台駒遲留吳中。至今未歸。徒使瞻望湖湘。增其懷側。閣下寄情山水。集芙蓉而綴。幽蘭長歌。短咏。擲地作金石聲。雖差足自樂。不知朝野。鶴望已久。東山提鼻。正恐高階不得耳。昔唐之韓愈。宋之唐介。皆以諫官暫遭放廢。而天下想望其風。

海陽紀畧

卷上

五

水及乎舟。起遂。晴天。功名益彰。竊以此豫為閣下卜之也。前叨。新。業已。尊承嘉現。及出。門。又荷資之。餽。能以。奉。送。示。以。興。除。利。弊。教。務。防。御。豪。猾。糾。核。條。至。極。受。其。益。茲。令。即。先。生。至。重。委。手。孔。聖。論。惠。讀。佳。篇。受。教。已。多。府。憲。朱。公。極。荷。鼎。鑒。昨。實。去。名。存。四。字。業。已。道。破。真。裏。及。讀。及。數。下。里。外。長。跪。以。請。必。得。格。外。優。待。諸。語。痛。快。惻。然。使。人。銘。心。刻。骨。每。以。得。此。於。閣。下。耶。今。者。堅。意。兢兢。業。業。以。求。業。日。持。務。期。不。負。所。望。以。不。負。君。父。使。百。姓。富。者。

得安其居無碩鼠之嗟貧者得免於法無猛虎之虞

務使圖賴打降姦拐之害盡除即朝得罪而夕拂衣行不恤也。曾於廳事題一對云只憑此心做去看何如。但得大害除此。願共慶閣下可以知其概矣。此教者。煙頗欲以次舉行。但貴鄉名公巨卿如閣下者。皆復在遠。孤掌難鳴。為此慮耳。貴縣誌書承論於冗次畧取披閱。似覺猥鄙。兼以多謄別字。恐不足傳遠。至於是非褒貶。或多舛錯。所勿論也。溝。務。淺。學。重。以。邑。事。旁。午。恐。不。能。殫。力。於。此。為。之。奈。何。閣。下。倘。不。

海陽紀畧

卷上

五

我遐棄惠然言歸以為典型或可追隨未可知也。正欲備後敦請。令即樞部公固辭。以中秋前後。旌定當光賁。聞之不勝踴躍。稍以自慰。至期當圖奉迎耳。逃亡之後。加以兵燹。區區殘黎。誰可告語。每讀是書。不禁張然。

汪瀨紫滄識

上鄭藩憲

日者幸得造謁 憲臺荷蒙渥恩優容不棄
 進之門墻之內增榮益觀皆由獎助加以溫諭
 若官要道務知權衡時勢使公私不偏方為得之
 三復微旨深擊藥石至今遵奉不敢失墜感激鴻慈
 惟以未由報稱為厚媿耳恭聞 憲臺新膺簡命榮
 昔節鉞行看賢哲登庸茅茹葉征真為 朝廷慶得
 人為楚民歌得歲也惟是 既為公慶轉為私謀欣
 喜之後不覺反增旁皇譬如嬰兒乍離保抱號哭之
 聲不能自已外之在海陽所恃二天之庇者惟
 憲臺今一旦榮遷誠恐累基之喻所當不免依戀之
 私索於竊寐義當躬搵勞矢先驅前途實為邑中向
 氣輒生一月之中必教見告化之不敗禁之不悛自
 擊慘毒情不能已今不得已假之神道設教擇于本
 月二十七日起闕邑齋戒十日為之虔誠禱請業已
 須示焚跪在前似不敢易期以踰怠慢之咎知 憲
 臺有以鑒其誠而不欺也

戀戀愛民有如傲日自為正人心許

汪顯崇 涂誠

上高臬憲

蒞任之初恭謁 憲臺荷蒙格外優待諭以小心
 任職兢兢稟遵無敢踰越 待罪及今已五閱月歷
 事益久嘗苦益深懇禱 憲威容備陳之天下縣官
 有美有惡皆有做法獨休寧素稱美邑似無做法所
 以從前縣官陞遷去者不過十有一二皆大有方者
 提挈之否則不可得也原休邑之所稱為美者大約
 以富家多而喜訟從來縣官類以詞訟為生涯如黍
 食粟葉盡而蚕亦盡 監於覆轍誓不昧心乾沒官
 人害已况今日休寧大非昔比昔之富者已賸而貧
 今之富者皆驚而遁已賸而貧則民病矣皆驚而遁
 則邑殘矣不知民已病邑已殘而邑之美名如故也
 劍失者缺舟以求劍詎邑殘者猶循名而責實其勢
 不至於官民俱敝不止也 嘗仰屋竊嘆如麻瘵之
 人形體雖具而元氣無餘豈可再加以毒悍之藥肆
 其攻擊倘有加以參苓養其氣而幹其機尚可冀望
 於萬一非是則惟有呼籲以請於司命矣 憲臺固
 之司命也讀聖賢書知素具匡濟之懷附文章列

海陽紀畧

卷上

五十五

諒竊叨應求之感倘或不棄而鄙憐其顛墜慨然收
入藥籠中而炮鍊之不惜齒牙餘論剖白煙所不能
自道之苦情於諸上憲之前冀得稍邀洞鑒其普
強硬而拯於窮泉之下則煙有生之年皆憲臺之
賜也是憲臺以救煙而并救後此之官救後此之
官而并救休邑億萬萬之生靈也其功德豈不上動
天地而下驚鬼神哉寧獨煙一人一家思圖報稱而
已煙聞上古之世百姓皆得進君上而言情况是
之於憲司耶伏冀不以爲狂瞽而怒之幸甚

海陽紀畧

卷上

平四

休邑之難治此已說到二十分透徹矣當與上兩

院條陳忝伍觀之儲欣識

揚湯止沸不如抽薪自非條析縷陳得大府垂

憫欲出民水火不可得也是書直可當鄭俠多願

直可當買生之哭汪灝紫滄識

上錢方來給事

曩在京邸多承隆眷及將之官又荷寵餞增榮益觀
非所克堪微末下吏祇有感頌勿替耳煙數荷承乏
休寧此縣宿稱繁富莫不群稱爲美因羣稱之則視
縣過重即責官過奢不知虛有其名而無其實從前
諸令皆以虛名受實禍既計無所出于是不得不乾
沒煎貨以求藥援乃卒之皆以貨免我朝以來得
乾淨陞遷以上者僅一人而已又乃投身權門有所
憑藉者煙迂濶腐儒既不敢越聖賢之矩矱官

海陽紀畧

卷上

五

聞且鑒于前轍益自凜惕惟有洗滌舊習以真方
更始之一法守之年餘幸亦可告無罪而無奸弊能
魚釜內外交謫真不能自存之歎耳古人嘗論致
治必由于守令以守令爲親民之官守令賢則民受
其澤不賢則民受其殃今乃欲驅守令使盜民守令
如救頭然日不暇給此誠今日之隱憂也閣下以政
沃之才居補拾之位天下利弊諒所熟聞而承接致
得以其間入告于聖天子奮乾斷以鋤貪風冀
蒼生之福也素知閣下留心國計故不揣庸劣直陳

惟勿笑其狂瞽是幸。

每一簡牘必關國計民生可以想見吾夫子立

汪澗紫滄識

上沈房師

不得撰杖屨侍函丈者累年于茲矣時緬想容徽恍承音旨未嘗忘諸夢寐也門生荷老師獨知之契

本欲壘泥沙以造器養芽蘖以成材。顧器匪陶。材非梁棟。乃屢奮輒蹶。危得復失。自揣文章憎命。魁魁

窺人無那痛哭絕望。投牒而出。寔得海陽。名存實喪。剝民肥已。既非所能。損已辱官。尤非所願。不得已惟

以冰檠自持。冀無過可求。稍得虛譽。以為歌脚之地。至于功名兩字。早已度外置之。今日作宦。大半拙于

海陽紀畧

卷上

五十七

餽獻則屬于薦達。不待言矣。老師或有長策。可以

惠教門生。有強綆。可以拯拔門生。否耶。世兄至。目擊

情狀。想能為。老師道其槩。老師讀禮廬中。交際

繁費門生。或可以竭其頂踵者。無不欲竭之。而無如

願與心違。莫可如何也。微儀聊獻。大老師一煎之

敬。幸為薦之。靈几諸惟。汪鑒。不莊。不悉。

家人父子之言 儲欣識

一段師弟至情殷殷。藹藹恍如洒肝面陳。雖九原

為感動何况生者 汪澗紫滄跋

上李吉父侍御

緬想風徽聞者潤焉。雲樹依稀。能無懸企。癸卯公舉
旅邸班荆。對酒論文。雖薄替如。煙亦自志。儼青天氣

衝白日。不意遭值時會。魑魅窺人。文章憎命。龜符復
失。不得已奉檄娛親。實非本願。而閣下登上第。為

天子侍御之巨視。煙沉淪下吏。雲泥懸隔矣。近聞邸
報。見大耽管管。辨論竊盜一事。具有經畫。不愧古名

臣之節。深為加額。乃覆瓿未見。舉行尤深為歎。世海
陽者。劇邑之壩井。而貪令之烏喙也。前此之作吏於

海陽紀畧

卷上

五十八

茲者莫不以乾沒殺身滅名。煙今則盡變舊習。與百

姓更始。歷年以來。頗有起色。但持廉者結怨之淵。而
救人者害己之端也。煙滋懼矣。閣下若不忘疇昔之

雅。其能再強。纒而出我于重巖之下乎。茲因小兒長
齡。計偕入京。特令其拜謁床下。幸有以教誨之。

持廉二語。寫書清官掣肘之苦。輦上諸公。當懷然

于此言。煙汪灝紫滄版

與河南汪舟次太守

恭惟閣下詩才善世。政術經邦。初歷鰲禁中。曾與鄒
枚並寵。今驅熊羆去。又從張趙同稱。信廟廟之寶臣

誠藝林之豪士。煙一介飄儒。二年苦吏。適當貴鄉。極
別極勉之時。乃逞滯俗至厲至乖之氣。前食碩鼠。後

擊飢鷹。既服顏而弗能救。朝呈赴水。暮報飲鴆。徒高
日以為之傷。今且救米而炊。筒髮以櫛。惟懼不足。若

使鷄伏鴟。卵。蜂化。若蟲。實愧無能。憶在京華。多蒙良
誨。及來河里。窈窕力行。似有可道。可齊之机。不無易

海陽紀畧

卷上

五十九

德易悅之效。但獲上。路絕望長。纒以莫攀。引過日多。

咲短轅而終滯耳。茲有敢者。傲房師師夫子。先刺閭
之州尊。繼遷蘇之郡佐。誦仁履義。茹漿飲水。方其生

也。已無五畝之田。煙荒及其死矣。惟有一家之待哺。塵
靡魚釜。齊子。靡。海內士君子。莫不嘆。嘉。閩中窮門

生徒存。頂踵。今有傲世兄師。煙杜獻者。居在汝州。官
子。郊邑。僅借寒。稱荷遺構。幸以近在閣下。鈴轄之

內。深望賢守。庶以之加。使知廉吏之可為。亦見臭味
之無異。則煙當一拜明德。思效蓬心。終弗設也。

憐齊以驚坡出守 夫子以鳳池幸邑其情事
畧相同所難得者皆能以水蘂稱同心耳

海陽紀畧

卷上

卒



與同年陳解人樞部

久不得與老年堂班荆道舊

予日望之心焉如渴弟自做秀才時讀書只求做官

不想做官便做縣官如做人家媳婦便有七八箇婆

婆如做牛馬便有數十人鞭駟始知縣官豈是人做

得的莫論遷陞出頭只求保身免禍亦是難的不知

老年堂有何神通有何經濟數年之間便遇着好督

撫首薦致身即署脫去苦海如此之速弟平日只曉

得老年堂能文能詩又不知有此等手段也弟寒蔬

海陽紀畧

卷上

三

海陽邑名外傳甚佳邑實內顧甚缺以其缺之實當

其任之名則循名責實之患其將何策以弭之乎弟

之前官皆坐此狼狽廢黜弟今惟有一錢不要一事

不與惟以所有應其所求如此或可以自保而無虞

乎老年堂幸有以策我也望之望之小兒計借入京

特令造謁惟進而教之窮吏荒穢幸祈原恕

相知尺素隔三千里如面談

祇如白話而一種真摯之情直堪入骨

復江秀才書

平生迂拙。欲行其所是。自做秀才時。習見鄉邑長官貪殘。至使百姓不能安其居。美其食。每切齒竊嘆讀書識字人。何至一旦喪失本心。乾沒如此。使家唾戶罵。誠可耻也。及一行作吏。自謂可以行吾志之所欲。為害者草之。利者與之。少盡所學。以與一方。分其憂。不料塞選海陽。素稱寶玉之鄉。以吏為商。其一切舊規。視他邑贏數十倍。而覈其所入。尚不足充。甚吏家食之費。無怪前此之官斯地者。以民為餌也。今雖不能為饑虎。恐不免作餓麟。若無自死之草。豈能一朝活耶。足下溢譽。愧不能當。之所行。亦不過去其太甚而已。究非備官前聞之本志也。大文二首。理微而肯深。詞潔而氣道。人所應有。已不必有人所應無。已不必無。其絕構也。此題已為足下奪得。領下之珠。其餘向求麟爪。不可得耳。文章之道。貴得靜功。靜中始有妙悟。不為異說所惑。則理明。不為時蹊所變。則識定。不為浮積所染。則詞潔。三者足下得之耳。始于金陵。得一方也。近復得足下。所謂超倫絕群。新

海陽紀畧

卷上

李二

秋掄元。拭目可望。勉之勉之。小兒文二首。呈正。幸為指其瑕。疵益見雅誼。冗次率復不一。

作文至訣。無踰札中數語。非浸淫此中者。不能道也。宜乎簿書繁浩之餘。每得一藝。輒駕諸名家之上。汪灝紫滄識。

海陽紀畧

卷上

李

復鍾世兄

家兄信至承附壽老師大人行狀。伏讀痛悼累日。燈
 自己西歲計幣入京時。得侍座老師左右。多承教誨。
 及下第南歸。老師持節南旺。出入異趨。邈無有付。
 兼以中更亂離。復爾睽隔。戀慕之私。與日俱積。不意
 竟成永訣也。燈。溝管無似。猥承老師文章特達之知。
 迥出同榜諸子之上。蓋抽恣先為老師所鑒別。而
 後以駁卷與房師相激。始得齒錄。否則幾致孫由耳。
 愧。局促轅駒。落落人後。未得一報。老師厚恩。為虛
 海陽紀畧 卷上 六十四

負耳。素聞老世兄才藻政聲。殊深企仰。徒以宦跡瀾
 卒。末由一接。歎然天涯比隣。古今士君子。聲氣感
 通。同此心坎。况加以世誼之重乎。承示老師營葬之
 斯。所費不貲。揆之于義。酌之于情。宜與老世兄同
 任。負上之責。所不當得。辭者也。苦憾。待罪此方。如
 貧者。渾身。外。衣。錦。衣。聊可適觀。不堪檢視。從來
 做官人。只知惡缺之害大。不知美缺之害更大也。惡
 缺。尚得人憐。美缺。更得人責。况美而不美乎。蓋所謂
 美缺者。以其有坐派金錢計其所入。可以供其所出。

而有餘之謂美也。今休寧之所謂美者。徒以多富民
 耳。徒以多富民而喜訟耳。前日縣官類皆以詞訟為
 生涯。計詞訟一年。可得募金萬有餘兩。以此上官責
 其規禮。視他邑。越十餘倍。計規禮每年約至萬金。風
 起。主波。又其次也。以此竭其殺人之心。以媚人而不
 足。至于銜而走險。則不得不。朝廷公帑。以奉
 之。勢不至于窮竭破家亡身不止也。前此歷數令。皆
 以負課數萬。相繼去位。究之官黜而民亦散矣。始作
 備者。其無後乎。處此官民並做之後。既不甘。其
 海陽紀畧 卷上 六十五

覆轍。復無以善為長策。計惟有勤慎自潔。不敢昧所
 學。以負君父。不敢違寸心。以虐蒼赤。亦食一日之祿。
 盡一日之責而已。至于功名兩字。業已度外置之耳。
 燈。思自成名以來。遭值耿變。窺身窮谷。萬死一生。冀
 成一第。無如三人會闈。累次入彀。而累遭擯斥。竊以
 文章一道。未肯讓。人。不免雞肋之戀。繼思吾閩。以土
 宇而論。不敵江浙數州。若以人文而論。自唐宋元明
 以來。理學文章。甲于大國。獨至今日。淪為附庸。蓋適
 值文柄。移舊章。紊亂。以朝廷額。之典。為主。可

納之門。凡遇闈卷。不錄呈憤。絕望俯首。改授
實非本懷。今則如乘無舵之舟。蕩播中流。真不知何
所終泊耳。老世兄愛我。其必有以教之。翰儀一函。幸
為獻之。老師靈几。以中一杯之貧。窮吏苦况。不堪為
知已者。道倘衰。有餘貲。而吝。齋自肥。逸忘。師生之義。
則非人類矣。區區此心。願以異日。諸惟鑒亮。不宣。

委婉悲涼。各言其詞。為報任出。儲欣識

沉鬱跌宕。實以動色。至文章未肯。讓人一段。尤覺
真才屈抑。伏櫪悲號。不能已已。汪頌紫滄識

海陽紀畧 卷上 左六

復江舟次太守

往者煙慎舉場之幣。名行私竊。以文章無靈。不能奔
走權門。與魘魅爭長。遂決意棄去。投牒謁選。不期適
忝名邦。短綆汲深。鈍刀批窻。早知其難。已猥承閣下
憐其屯蹙。有意為之道地。並指示以一切應行政法。
宜以時為損益者甚悉。煙視事後。更以其所經見。加
以訪問。備知豪猾之主名。奸胥之嫻度。崔苻之溫敷。
皆以次擒治。約束外。而其害之最大者。莫如自殺。率
連與編審科派二事。休俗尚氣。輕生一人。自殺禍及
數家。破產失業。率以是故。煙則為之詳請。兩臺。凡自
殺者。槩不運坐。即趣收殮。自今此風。漸以衰息。坊里
編審五年為期。舊有陋規。指一派十。官貪其賄。吏緣
為奸。千金之產。一朝而盡。煙皆先為詳請。痛行革除。
民稍樂業。今獨有強凌泉暴。妬富欺貧之惡風。日以
滋甚。料非一時法禁之所能變易也。今日之守令。非
搭入舟次可與古比。凡有所當行類。求于令甲。不得自主。雖有
善者。亦未如之何已。客有自中州來。從之訊。閣下治
郡狀。皆以為不減漢之趙張。此所謂轉轂之才。不論

海陽紀畧 卷上 左七

羊腸高下皆能超越無碍者也。山來文章之士未必長于政術。兼而有之。豈不異哉。不知者或惜閣下遭值。聖朝殊異之隆典。正當在鑿坡螭頭間。為繪為綉。與鄒枚賈馬之儔。角長較短。乃一旦棄之郡國。使以鈎距鉅簡見奇。何為也耶。燧獨以為不然。漢時重守令。凡置宰相。必從有治行守令中推擇。卒以是致治乎。安知廟廊上意。古不如是。而徒令守彼雕蟲。為足貴乎。閣下其少安。行且賜璽書慰勞。召備顧問矣。若燧者。沈抑下吏。有功不能自見。有才不能自達。視

游陽紀畧

卷上

一 亥

閣下猶欲界之望大羅天已。燧之所以僂勉。屈首此地者。實欲求得少晉一秋。以娛兩老親。不則早拂衣歸鄉里。乘下澤車。遨遊山水間。課督農桑。不羨樂耶。何用果腹攻苦。散淡為他人作牛馬也。閣下聞此。當為發萬里外呵呵一笑。謹復

曾記家太守送周雪客遊歙州詩內云。昨聞座客言歙州。不可赴市上。有狐狸里中無統袴。一入解衣來。九衢燈日規。炊烟誰家多。明朝及刀鋸。十村九村迷燈火。爭夜渡寒落城郭。聞風波急且暮。則

亦時塵桑梓。憂者矣得。夫子是書定知撫几。翫快。汪頤紫滄識。

卷上

充

復何醒齋翰林

塵土下吏沉滯鄙俗樂事興懷于今都盡獨有耿
想名賢論文晰義之心猶不愆于素也閣下早登上
第視草螭頭藻凌閣府吟道水部當休明之盛朝而
養高林罔不馮纓敷天下望之猶如景慶燈願得一
日奉教于昔席之側者為日久矣未得間也文武兩
闡再叨分考前則引嫌謝客後則嚴檄趣行雖足跡
已歷白門而雲山回日尚未識真豈非憾事每緬想
漆園文繡曳尾之喻真可發一嘆也豚犬長齡燈
海陽紀畧 卷上 七

寧實乃官寔侈為美邑問其邑之所以稱美之故則

日多富人也而令乃以邑名深愛其害歷攷 國朝
令茲邑者類皆攫金而趨擇肉而噉方有餘潤不知
猶藏山于澤而夜半有力者已挾之而去矣前事不
忘後事之師能無懼耶清粥一盂寒菜數畦聊足度
日以待時至固所願也而無如瘠取羸朋互怨主情披
欲滿其意則剝肉之屬無足給是欲一味杜絕非
平仲眾族待以舉火之義悼心失圖實亦無從鳴此
衷曲也閣下聞此其亦為燈一增浩嘆耳疎節其

海陽紀畧

卷上

七

望祈涵鑒

黃山白巖遊屐頗繁前人苦之矣侯一行作其
然高齋斷齋有不見諒者非夫也讀此令我張
涵齋

復吳秀才

老年翁歛名族兼以博雅俊才誰不宗仰。靳寅翁每向越老品第人物必為老年翁首屈一指。顧弟文學俗吏都未得少日追隨。謂倡為憾耳。海陽落石白嶽松蘿諸勝差可遊覽。何幸得一命駕。使弟少遂繫雜之願。不亦快乎。竚望竚望。永惠紫霞。謝謝。此茶越老已先於靳公座上。上品管極讚其佳。云其揀葉製法與費道人無二。費道人者。白下人。隱于武夷三十餘年。所制武茗名曰費扁。其茶一年不過僅得二十餘觔。

海陽紀畧

卷上

五

每觔非一金不售。武夷之法以焙為勝。欠力既少。易變香味。經久而不變。所以勝耳。今若欲造其精妙。尚須再加扁實。勿使輕鬆。方為可貴。老年翁以其論茶之說頗有當否。越老統此致謝。

此小尺牘亦已妙造。蘇黃儲叔識

轉接之妙兼有柳州小記。汪灝紫滄識

復錢飲光書

髮未燥。即時聞長老言。今日天下文章之士。不出而仕者。某郡則有某某。某邑則有某某。而龍眠則先生其一也。邈聞聲欬。徒有增其懸。蓬耳。嘗聞前輩遺民錄。如謝阜羽。王鼎翁。唐玉潛。諸賢。遺值革命。遊山浮海。顛顛困悴。雖至千折。而不回。其平生著述。散亡殆盡。未嘗不悲其志。而高其節。若先生者。誠異世而同。邈也。日者猥承齒錄。惠教所著詩文。伏讀之意。其欲絕去浮華。純以淡遠取勝。使人有不敢恃才之歎。又讀所纂易註。莊註離騷註。易則專主考亭。虛齋。而諸家皆所不收。此乃咕哩家所時習者。於易之學。誠未盡其要。言易之學。無窮而言易之家。無數。或言理。或不言理。或言象數。或不言象數。或尚心。易并理與象。數皆不言。或雜以緯。或亂以老莊。皆如航於破港。而思望洋。來梁溪。彈精三十年。始發明錯卦。綜卦。止對反對。及中爻約象互體之說。其說至精。梁溪論古之名。知易者在漢。惟有楊雄。在宋。惟有康節。蓋以程朱。惟言理。而不知象數。故也。楊止庵始發明宗

海陽紀畧

卷上

七

以程朱。惟言理。而不知象數。故也。楊止庵始發明宗

傳衍傳正傳轉傳異傳別傳藥傳七端痛言易之得失錢啓新二十年始成象像又十年始成象抄管以爲人不知像始於屯終於未濟其言甚粹頗與止庵合何元子著訂詁則釐正經傳以復山何之舊而雜引衆家之說務得其旨趣以求其歸雖不得稱爲易之全書亦浸浸大備矣其他如宋之東坡慈湖元之草廬明之黃漳浦蕭泰和朱謀燁李衷一諸說亦可參考今先生特主朱蔡之意何居豈以諸家皆未得其要歟莊子註疏頗多要之拔山通道虛齋口義不

海陽紀畧 卷上 七

爲無功惠鄭須溪各有獨得處亦各有失處明時方壺裏一二子頗稱詳晰慈山和尚特註七篇類以老註莊而時証之釋教誠爲超超元著今先生畧取林劉之說而時斷以己意必以其說有舛於正義乎夏讀先生所爲左公子題抱蜀堂引管子云蜀者獨也以爲抱其獨而不言若所記朱長春註蜀者祭器言王者抱祭器而不言而廟堂自尊今以蜀爲獨必有所本後生款啓寡聞欲知其詳幸一一指而示之

陸研究易莊二十年尙未得其毫髮之茫亟欲求

吾覆也先生各種書畧一披覽卽爲曹實庵計部索去不過稍窺其崖畧耳尙欲卒業也凡次畧布一二乃學人請益之私心非敢效何休之入室操戈也幸其鑒之

非寢食易莊數十年豈能泝流窮源若此千古莫義以辯晰而愈明憾不得錢君西臆剪燭細細判之汪源識

海陽紀畧 卷上 七

迎江蘇鄭撫院啟

伏以江漢重綏懷特簡專征雄楚甸。菰蘆思撫馭。新綸移節鎮吳。部有歡。屬員爭慶。恭惟 憲臺閣下。道遠登漢。字具程綸。應五百年昌期。定知翊運之臣。擬生于區。秋數千秋間氣。行見匡王之佐。車起于棘澤。國詩書。何必稱田何毛鄭。擅文章奇藻。愈崇屈賈曹劉。北海鴻儒。南宮高第。名曹宿老。早階識宸眷之方殷。紀續。嘉。小崇階之蚤晉。保釐分陝。海陽紀畧 卷上 七十六

周室類重上公推轂登壇。唐家多稱元宰。雖暫借宜。方面之化。終長資弘調燮之功。燧棄同管。制乃業。紳制于宗工。進託門墻。幸賴甄陶于大造。茲聞 綸。綸。之新下。每瞻旄節之遙臨。喜得二天。思繁半載。特希。惻誠而修候。行持弩矢以先驅。

不可移動一字。豈僅度鮑分長。汪瀾業滄。議。

上海學院啟

恭惟 憲臺 道綽驪馳。學深政。群引重而選絲綸。旋入。今者僉推 公望。出典。名真。作師儒之模楷。漫云誇三吳。才藪何足辱名眼之雖黃。應知見 兩浙宗工。尚當假 神針之灼灸。久欽 英盼。莫挹 清芬。愧 少攻帖括。而弱舉孝廉。初顧成一第。探囊之為易。取憾。再進呈。而編三傳。還。誰知非主司夾袋之所私收。似異劉黃。海陽紀畧 卷上 七十七

多觸忌諱。豈同杜甫。誤受穢污。俛得而失。既嗟且憤。憤憤強就一官。實為家貧親老。迫。迫。迫。今。瘠。昔。肥。欲。竭。其。愚。誠。徒。茹。蕞。飲。冰。將。何。補。乃。束。於。令。甲。愧。除。苛。解。嫉。之。未。能。待。罪。已。及。三。年。論。治。逸。無。一。善。伏。祈 憲臺。納。糠。粃。于。梁。稷。聊。與。獲。揚。收。硤。碛。於。瓊。瑜。亦。加。雕。琢。倘。得。假 齒牙之餘論。實逾受華。袞之嘉褒。與有榮光。為是所願。望也。

許夫子心如冰雪吾 夫子名若日星針芥之。其。其。其。

祭文

祭汪文毅公從祀文

伏以臣子立身早懷傾否濟屯之志。聖王御世先崇伏節死難之褒。朝議既已寵以易名。士論特請刻于從祀。綱常攸重。典禮有光。恭惟 皇清諡文毅明翰林院檢討汪公志潔現霜。精懸日月。早奪南宮之席。旋鳴下邑之琴。奏是漢廷。政稱卓魯。擢詞禁才。並鄒枚。亡何而石鼓大鳴於燕都。金精遙臨乎冀野。長蛇修豕。鋸牙爪以憑陵。青犢綠林。歷關河而剽掠。海陽紀畧 卷上 七六

思宗之龍輿乍悲軸折。明室之玉鏡忽歎光沉。我公據慨賦詩。從容狗義。未能伏君屍而痛哭。空思效弘演納肝。無由望帝座以捐生。莫及其侍中。濺血既難。支天所壞。徒然愴地而呼。合一十五國之衣冠。盡遭戮辱。前二十七人之元氣。脚振乾坤名。既大書于史策。榮應詩表其閭門。竊叨舊邑。濫厠新。每景仰其芳徽。慨留連而睽慕。久羈西洛。須歸溫校尉之魂。永揭東吳。特建下忠貞之廟。虔修蘋藻。敬受神靈。想英盼其如存。享馨香而無替。尚饗。

丹心碧血賴椽管以益彰灝 曾有憑吊詩云煤山

微雪後社稷一縷存君父且如此夫妻何足論頗

為詞塲許可得 夫子是文真覺我形穢矣灝

海陽紀畧

卷上

七九

祭汪鍾如吏部文

當廟廊之昇平。觀塞晏之化行。資寶臣而幹國。遂應期而挺生。休休則逢泰彥。濟濟又親周楨。惟山川之間氣。羗鬱積以鍾靈。秉白嶽之奇矯。挹練水之泓澄。早共稱為吳俊。旋見收於楚珩。金支與翠華並麗。雕龍其繡虎齊鳴。既有學而有行。復彌窮而彌貞。孝能永志。貧苦帶經。南宮上第。北部名臣。乃從計白。特陞銓衡。不設籬而種棘。務簡要以通清。膺上相之獎重。屈大部之次詢。伊練達固其有素。聿造就尤見多成。

海陽紀畧

卷上

八十

羨器量之曠達。兼博愛以深仁。以堯之禱昧。黍學製于名城。指稗政以振策。眷桑梓而休心。爰得公之教誨。常兢兢以書紳。雖不敢希跂乎卓魯。亦足告無愧于衾箴。每期公可當大用兮。為雨為霖。豈意奪公之速兮。不得究其智能。初聞訃而恍疑兮。今歎悼而撫膺。何天道之難信兮。將安仰乎典型。

選詞簡淨不減祭殿陽文忠文 汪灝紫滄識

汪涵齋京兆太母祭文

恭惟 太母系出紫陽名門。令女佳偶。才即馨香。蘭芷溫潤。珪璋七誠。維則二事。允莊篤生。賢于卓。卓。卓。里稱坊表。士重文章。斷潢舟楫。光歲稷梁。始從西掖。爰陟巖廊。聖明在宥。談輔用康。每稱風度。京兆堂堂。維公孝德。醫膏情長。逸巡屢疏。請歸耕桑。板輿時御。滄澗時將。曾孫駸發。克繼青箱。前追韋杜。後媿衣揚。庭闈色喜。舞綵稱觴。方期受祉。永保長慶。云胡不吊。寶瑟沈芒。日月未既。告寧相望。公在苦志。天呼

海陽紀畧

卷上

八十一

地搶行而曳杖。視而絕漿。騰燧承乏。黍流名疆。叨登堂室。得嘗龍筐。禮且祭言。聊展趨踰。維靈鑒誠。如在洋洋。家京兆心動。臆指奔馳。南歸得全。半載孝養。稍免終天遺憾。鈔筆曲能寫照 汪灝紫滄識

疏

茸香庵募緣疏

去邑東之三里亭有茸香庵內供金仙外奉關聖度
久頽圯僧眾零落以其無資身之具也有僧洒白者
特來挂錫發願修復殿宇兼募化檀施煮茶以肅行
人之渴願余道過亭上洒白請題疏首以為重茶竊
以世間要紛華可居之樂而處淡泊無營之苦者莫
如僧不厭己之竭蹶憂勞而謀人之渴饑顛墜者亦
莫如僧不亦拂人之性而似可以已乎況世之好道

海陽紀畧

卷上

全

樂善者少而慳吝惜財者多不幾肆為誦謔以為僧
之募化建樹皆是借謀人以為謀己之地者余以為
是大不然夫謀人與謀己原不相妨苟得其道何憚
並濟今天下士大夫平生飽首咕嗶非欲求利祿以
養父母妻子乎先謀己者也既得利祿則宜以謀
己者謀人乃反以害人者比比也視山林之僧徒兼
謀人己者其賢不肖相去何如也哉

為僧題募忽作宦海暮鼓晨鐘此豈

謀己者能道得也

汪顯榮滄識



海陽紀畧目錄卷下

西儲尺牘燈蓮山甫著

門人 宜興備欣同人 校正

休寧汪顯榮滄

詳文

兩江總制傅

安徽撫院江

詳文

條陳編審并各款漏 兩院文

松蘿山碑看語會審休寧亭子田看語

海陽紀畧

卷下目錄

順天府府丞汪太翁鄉賢看語

刑部郎中程太翁鄉賢看語

告示

觀風示

招徠示

勸諭借貸示

禁止鋼婢示

延師課業示

為民請禱示

祈雨示

山斗程氏通族義塚示

禁革編審陋規示 附休寧紳於全呈

清釐田畝示

申飭原告自拘示

編審均平丁口示

告詞條規示

嚴禁請託示

嚴禁祭祀陋規示

海陽紀畧 卷下目錄

諭

諭監生吳超等兄弟十八人

審語

孫發旺鎗死胡三元命案

張冬香告胡元老殺妻命案

陶喜擲死竊賊命案

江顯于呈報吳千身死命案

程虎等毆死程的命案

汪春生烹打死為命案

江桂生殺程氏命案

婺源縣通詳俞龍等毆官殺役案

姚氏擲子爭產案

李彩控張為錦佔壑坟山案

孫琿等控程兆純佔坟山案

程鳴臯控王伯壽悔婚案

汪氏審語

王龍告高卿若審語

監生俞所學告余象九寺看語

海陽紀畧 卷下目錄

孫君宜汪新控爭墳山看語

勘審張綬張德泓墳山看語

汪楊命案審語

詳文

兩江總制傅安敷撫院江詳文



為直陳地方之凋殘。下吏之苦情。與一切應行事宜。謹列具條款詳請。憲天鑒察。採擇施行。事恭惟

憲臺總制兩江仁恕廉明。官民戴德。無不合口頌祝。以為從前總督。未有實心實政。真仁真廉。如我傅

大老爺者。信為國朝第一人也。然卑職竊以朝

海陽紀畧 卷下 一

廷早知。憲臺之賢。故托以重地重權。憲臺必以

受此重地重權。而上副朝廷之托。非止獨仁獨廉

已也。必將察其廉能者保全之。貪庸者糾斥之。必不

使大吏得以肆其饕食。必不使小吏受其恐嚇。數十年所不能與之大利。必為與之。數十年所不能除之大害。必為除之也。卑職何幸逢其時。屬在統轄之內。正當激濁揚清。寬容聽納。神明之下。豈可尚畏首畏尾。鯁鯁驚懼。不言其所難言之槩。以為休寧一邑之民。請命乎。卑職待罪休寧。實為椒州大邑。素稱富饒。

前此因縣有富饒之名。遂責縣官以富饒之實。其

切供應舊例。視他邑皆越十餘倍。不知昔之休寧。得

稱爲富饒者。亦徒以有富民耳。非縣官有坐派金錢

計其所入。可以供其所出之富饒也。既無其實。虛有

其名。以是責之。不得不以是應之。於是縣官計無復

之。不得不剝民以逞矣。夫縣官即欲剝民。而民無可

剝。亦何所施其巧智。苦緣休寧民俗尚氣好訟。必

求勝。甲乙相訟。縣官則視其金錢之少多。而操其短

長。本小罪也。乃文致而將加以至大之罪名。本東家

也。乃威迫而使移之。西家計不傾竭。其貲囊不止也。不特一事如是。而事事皆如是。百姓至視縣堂如虎口。然而莫可畏避。蓋是非仇怨之際。民間不能一日無勢。不至於羣驅而陷之不止也。如是則富者相率而去。其鄰以賈於四方。久之竟以其孳行矣。否則買者十餘年不歸。家中僅婦人以持門戶。及至徵比錢糧時節。則正名不出。類多倚托窮戶代爲應比。窮戶未免那移侵蝕。及遭嚴比。不過以身受刑而已。即聞查得的名。而家無壯丁。不過僱募急足。遠方取銀以

為前縣之所為亦不忍為且無可為矣惟知有守

憲法而遵 功令而已當卑職初蒞任時目擊地方

凋殘舊規繁重驚懼累日不能下食細思此官終無

做法貪墨者雖變逢而禍大謹守者或禍小而變速

躊躇顧慮到底終難振起即欲投牒辭官潔身而去

既復逗遛不決殊有難筋之戀卑職本以邊鄙腐儒

早歲成名遭值歌變遁逃山谷守志自潔萬死一生

至於今日始沾寸祿豈不思建立功業稍圖自效而

一旦無故自絕進取非所甘心無何民間嘖嘖傳頌

海陽紀畧

卷下

四

憲臺德政一錢不取一法不假一長必錄一短必察

卑職乃始歷然而興欣然以喜如既盲而復能視既

廢而復能起遂思專心任職重有異望蓋深知 憲

臺既行仁政必率屬吏以共行仁政既持廉潔必率

屬吏以共持廉潔則人人爭自濯磨振奮仰體 憲

心知必得邀監臨俯賜救護卑職伏思古者小民皆

得見天子而言情况下吏之於 憲臺哉故不避斧

鉞之誅直陳利弊哀懇嚴行鈞牌禁革陋規只以出

白 憲臺訪聞得實非關卑職條陳庶卑職得不瀾

怨尤而堅守節志安心任職矣 憲臺垂救卑職

官則後此之官俱徼 憲臺之救而休寧數十年虐

民之積弊可以永除是億萬萬生靈俱祝鴻庥於無

涯矣

一廣招來休寧巨族大姓今多挈家藏匿各省如

上元淮安維揚松江浙江杭州紹興江西饒州潯

灣等處其祖父下糧槩行寄託窮親當役應卯不

免遭其吞蝕及子徵比僅餘皮骨法無所施以致

錢根多有不濟懇乞 憲臺嚴行各處查察只許

海陽紀畧

卷下

五

商販其地不許容留住家及久年不歸如非管轄

之內則移檄知會自當一體奉行如此則人各顧

家庶錢根易徵而家業不致折毀不過數年則戶

口漸以稠密生聚教訓元氣可復矣

一禁圖賴休寧風俗尚氣輕生小事小忿俄頃之

間動即自殺原其不惜一己之命不過欲破其所

相怨毒之家甚至移甲就乙牽連不止從來作念

者莫不喜有命案利其牽連以為已上下其手奇

實可居之局計一月之內圖賴命案或數家或十

餘家至今猶然。若不禁革。不待抵償。即移死之日。借尸屠門一節。則中戶之家。已破行見。戶口日損。而民生日蹙矣。號泣。憲臺嚴行禁革。如有自縊者。嚴不許檢驗。申報。即行收棺。并定自殺之家。家長平日不先告戒。及臨時不務防救之罪。如是。則惡風可稍息。而憲恩為無涯矣。

一嚴督保甲。保甲係寧地方。傍山依谷。東連嚴衛。南連遂安。西接江右。一切奸黠。出沒無常。動于交界。地方開張。使店寓人。慣盜及打降拐帶之徒。不時聚

陽陽紀畧

卷下

六

賣婦女。丁口于異方。種種不法。難以枚舉。必須查點。圖甲。驅逐生面可疑之人。不許容留。並訪察忠實老練鄉民。定為甲長。督率不時稽察。巡邏如有以上等人。先期密行舉報。以便查拿。如此。庶責有所歸。而奸宄稍緝。可無鞭長不及之憂矣。若蒙憲允准行。卑職即自往調度。並不敢濫派民間一文一粒。及分委衙官。致有擾累。以取罪戾。一彈盜。夫欲彈盜。必先緝盜。而緝盜必須寬以謝日。緩其處分。庶不諱盜。以讓盜。而後盜可得也。今

出海又安。其持刀劫掠之盜。似不常有。即聞有之。類皆地方豪猾。打降之徒。與營伍悍兵。私相結連。窺視富商大賈。輜重往來。驟起而劫奪之耳。此須嚴勅各處管官頭目。逐夜查察。不許一兵擅離營伍。則劫掠之盜。可弭矣。其穿窬之盜。必須嚴行保甲。設立柵門。十家點燈。輪值看守。責在地方。若縣官。則有錢糧刑獄之任。焉能分身。百姓垣墻之外。夜夜為之守盜乎。如劫掠之盜。則律有處死之條。穿窬之盜。不過枷責而已。釋放之後。別無生養。其

陽陽紀畧

卷下

七

勢不免仍復為盜。卑職竊以當刺盜字于面。使人知其為盜。則盜無容身之地。人皆務防之。復與定約。再刺則流。三刺則殺。庶幾敗圖。而竊盜亦可弭矣。

一禁駁提。卑職奉 憲臺回諭。嚴束衙役。愛養百姓。稟凜遵行。不敢失墜。但卑職必先自戢。方可戢下。自蒞任五閱月。凡有提審。俱親自拘押。三拘不到。然後發差。差提一到。即行審結。並不許有買囑賄放之弊。其催徵錢糧。皆令自封投櫃。內行滾單。

查驗完欠多少。分此庫戶兩房。欲求吊挂。侵收毫不可得其餘。各房盡行剔登。似亦不容舞弊。但此輩既已遵守法度。亦宜體恤護持。使其得保身家。方可收爪牙之用。奈向來定例。各縣詳請事件。如應駁提者。則駁提之矣。如不應駁提者。只以縣官不得意旨。則必駁其文書。一駁不止。至于再三。四駁。而紙劄之費。催寫之費。為用不貲。駁之不已。則提經承一提。經承則上房使。動至數十餘兩。一年數提。而經承之家破矣。以此充庫戶兩房者。不

海陽紀畧

卷下

八

過一年必須更換。蓋已無家可破。不能再歷也。今二十八。年庫戶兩房。業已舉報。尚在推委。莫肯承。受至于禮房。一經考試。則上房使費。至于百有餘金。其紙劄既不許取之。補戶皆禮房自辦。童生卷資不足。少償其半。以此充禮房一年者。亦多至破家。凡此皆上房駁提之所致也。懇乞 憲臺嚴行禁革。如有上房舞弊駁提者。許其首告。如此則積弊可除。而通省縣胥。可無破家之患。皆仰賴覆載之大德也。卑職非敢庇輔胥役。代為申詳。蓋胥役

有身家之重。則始知畏法。卑職實見受害之際。而不為申詳。亦非一物不得其所。引為已過之意也。伏惟訪察。為此具詳。伏乞採擇施行。

破壞地方。悉前此縣官之罪。而所以破壞地方者。其罪又不盡在縣官。痛切言之。覽者當投袂而起矣。條列各款。本經術以經世務。於此見老夫子治休德政之大綱。而異日 廟堂風采亦十窺一二云。儲欣謹跋

海陽紀畧

卷下

九

較難今督諸憲冰稜自持。未有不垂鑒廉吏者。宜條析悉相契符。舉而行之。為不難也。至禁駁提一款。尤覺逆鱗之批。不願觸忌。當途更見凌凌骨力。汪灝紫滄識

為條陳編審并各款通詳兩院文

直陳地方積弊仰候採擇施行事切弊有習久而
不察者漸積而愈烈者必須訪聞條陳必仗
憲威剛斷方可禁革通行敬備陳之

編審之弊

從來編審定限十年恭以十年之內民間田土
難收不一人丁壯老進退不齊所以稽詭寄覈
侵欺而均賦也今改為五年為期甚速而增
賦無多查休寧縣康熙二十年編審只增入丁

海陽紀畧 卷下

十一

九丁增銀一兩六分零康熙二十五年編審只
增七丁增銀八錢二分零不知計利甚少而貽
害無窮者也查休寧一輪編審冊里即糾合里
下科檢各圖出錢大圖十兩小圖八兩共計一
百二十箇計銀不下二千餘兩各曰公堂禮以
送縣官又每前向例舉報書券二名一箇十甲
一甲之內約計二十餘戶冊里按戶索錢名曰
冊里禮及報上名又派出上下使用規禮或十
六兩或二十兩不等各曰造冊禮種種弊

不能盡計五年編審一次民間約費萬金卑職

一介末吏頗知愛鼎素在查訪嚴設禁防然必
須仰藉 憲威通飭勒石永革科派陋規并會
題請仍復十年編審是可救兩江之百姓而兼救天

下之百姓者也其功德大矣普矣

一竊盜之弊

凡竊盜拿獲不過責懲而止然終不能嚴為禁
防而望其改變也今雖嚴行保甲亦聊足備彈
盜之一策而尚未盡善盡美卑職以竊盜必有

海陽紀畧

卷下

十二

一種黨類偵探門路虛實及財貨安置處所稍
得要領然後合同下手原非一時一人所能驟
成今立一法先曾為竊盜之家于門首立牌一
面是即古書水地珠井羅之意上書罪犯計其三年之內改變前非則為毀
牌如是則通鄉知其為竊而黨類之往來者懼
為覺察鄰舍之窺其動止者易于躡尋如此則
竊之路窮久之不期變而自變矣此可輔保甲
而為弭盜之一法也

一奸棍之弊

凡地方多有奸棍結為夥黨專以塊攬詞訟窩
匪逃盜騙害愚弱。唆發開隙。挾制官吏。假公誣
上。造設誣謗為事。非清廉執法。徹底無私者。未
有不畏其口。而曲意容隱。以縱其惡。莫敢過而
問之也。卑職自蒞任以來。凡有此等奸棍為人
所告發者。業已分別處治。今尚有神奸積棍。剔
除未盡。須藉

憲威發示嚴禁。許卑職不時查訪拿辦。

輒門正法。庶幾稍有畏憚。可以控制。

海陽紀畧

卷下

十二

一 銅婢之弊

休邑惡俗。民間畜養女婢。皆至四五十歲。不準

婚配。家家如是。視為故常。飲恨吞聲。無所控訴。

卑職竊聞周家王政。內無怨女。外無曠夫。豈有

聖世而容隱豪強。棄銅婢女。使其永絕生育乎。喪失

良心。敗壞雅化。莫此為甚。卑職業已出示嚴限。

其及期嫁娶。如若不遵。不論官家士族。立行拿

究申解。

輒門

一 侵佔墳墓之弊

休寧百姓。強半。經年。經年。主有十餘年。一歸。數

十年。一歸者。而祖。墳墓。為。其。軍。每。會。春。秋。

無人祭掃。每有土。墳。動。便。申。同。其。家。族。聚。

竟將墳壠。擅行變。公。運。同。鄉。省。墓。而。由。已。變。

為。童。土。墓。已。平。為。其。孫。尋。祖。骨。子。竟。交。數。雪。

湧。星。奔。呼。天。搶。地。每。有。此。等。告。發。不。

論。豪。族。勢。宦。必。須。立。斷。起。還。處。以。律。法。方。為。情。

理。允。合。望。乞

海陽紀畧

卷下

十三

憲臺頒行禁止庶澤及枯朽。其姓沾恩。

編審去弊一節。休人之食德溥矣。哉復請。會題

十年。是欲胥天下。生而仁之。豈獨休邪。餘弊若

休利害之大者。每弊一弊。確確有一除弊之法。隨

彼時。如何。以。加。茲。備。錄。

弊之積也。很深。養。秋。孝。之。而。卷。于。德。德。德。子。

游。行。行。必。不。力。今。不。可。問。害。不。可。動。

流。行。之。古。民。百。今。不。可。問。害。不。可。動。

流。行。之。古。民。百。今。不。可。問。害。不。可。動。

松蘿山禁碑看語

看得松蘿山乃一邑之鎮山也。山自北方發脈而來。磅礪扶輿。高深靈秀。為邑治學宮之春。實受氣焉。胥一邑之生齒。恭衍文運。發祥皆由於此山。則此山官民之所繫重不小矣。近有無知頑民。結連各方。淫冗之徒。竟於松蘿後山。鑿穴開墾。挖土陶埴。大傷氣脈。按律盜開官山。拆傷龍脈。罪名不小。姑念初犯。從寬究懲。示禁外。闔邑紳士民人等。以初鑿此山者。不止休邑之人。各屬俱有棍徒。串同罔利。非奉

海陽紀畧

卷下

十四

憲臺鈞批。示禁勒之於石。恐將來復有窺覷。不愾之患。理合申詳。伏乞

批賜給示。闔邑幸甚。

神君除害不盡不止。松蘿石壁。插天峯。潑攢簇。如列屏障于縣治之北。一山耳。而關係闔邑禁之亦足見為吾民急急除害實心。注瀨紫滄賦

會審學田詳府看語

看得此田地萬曆年間冊註張業。因府庫吏張文選侵帑挪借。休學官銀補款。張之族姓。以田地助文選。抵銀還休。順治三年。經欽縣宋令清查。官田欽縣冊里。里長張一麟。張天元。回呈稱係休寧學田。此一據也。又查順治十五年。欽邑清丈印冊。現註休寧儒學字樣。此田之源流版籍。又班班可考。嗣因我朝鼎興。公衆產土。無人當管。以致失業。而欽之人士。欽之吏胥。無人不知。第以隔縣之物。可任吞匿在。請府

下

一又五

憲以此批給文昌閣。僧人亦以此田無人承管。暫為香火之資。究竟不能取庫冊所註休寧儒學字樣。而一筆盡抹之也。夫一物予人。必當究此物之所從來。倘此田若非休學之物。當日請憲必批明欽田。據然後可以批田入寺。今查請憲批。扎未經實指。此田來歷。安知當日非為宵小中飽。而請憲遂因。此樂為施捨之善事乎。今汪烈王道謙之言曰。既是休田。何無糧票。單職 訊之公正。而公正供稱。休田不諱。訊之冊里。而冊甲供稱。休田不諱。又訊冊里。糧票

于今日當亦以此田斷歸休學無疑也况縣分休欵而儒學之 聖人則一以 聖人之田歸之寺僧

文昌有靈共享之乎尤可異者 蘭憲以此田暫批

文昌閣僧靜修掌理今則併非僧田而為汪烈王道

謙之田矣靜修在日以靜修為名而汪王于中分

靜修歿後僧人未得顆粒俱汪烈王道謙二人肥已

各個戶供吐擊鑿汪王二人無辭而乃托之修寺農

祭之費試問文昌閣商都輸資現今憲極倒壞 聖

像不整幸得 徽營趙叅府捐俸裝金再查欵縣憲

書龍井山文昌閣欵下並無置田祭祀字樣則此用

之出息不明明為汪烈王道謙二人侵收入已耶嗟

嗟新安理學名區也欵之名公鉅卿端人正士不可

勝數獨汪烈名列徧籍括稱官生王道謙以不應試

之武生通同貓鼠強佔學田此真 王法之不容而

宮牆之所共叱也更查 蘭憲給帖為順治十八年

而鄭府憲亦于是年到任安知汪烈非于二憲交代

之時乞空頭印信填給僧人以為穩佔之地窮究到

底汪王二犯之罪寧容迨即相應將此田地斷歸休

學以安 聖人之靈仍將汪烈王道謙二人名下侵

取字粒追助文昌閣以無負 蘭憲供奉 文昌盛

心緣奉 憲批會審事理 卑職 審後正擬全欵令會

詳詳覆而欵令又以別務竟爾他出 卑職 屬在外縣

不能在府久待因具詳稿送欵令叅正會詳而欵令

意見與 卑職 不同將 卑職 文稿發還差役另具詳稿

會 卑職 詳覆茲據欵令詳文逐段辨正一一為憲臺

陳之

據欵令詳稱張文選侵府帑而非侵休帑是矣不思

文選侵府帑家產盡絕適休學有銀存積當年奉

府憲移用補款後以本族張慈等相助之田地抵還

休學銀兩因行本都督立休寧儒學戶此欵田入休

之源流也何得云虛懸而無實據乎據欵令詳稱錄

冊有休寧儒學字樣共六號其餘只註儒學二字不

思府清丈所印冊註休寧儒學四字者二十二號註

儒學二字者二十九號及查順治三年欵縣冊里里

長張一麟張天元回呈逐號俱是休寧儒學宋令殊

批有案今搜出冊里身上底冊逐號亦是休寧儒學

且字號稅畝土名與府冊相符則有休寧字樣者固
 為休學之田無休寧而止有儒學字樣者亦為休學
 之田矣府冊亦係屬正撥造豈有異同或因省筆而
 前數號以休寧二字冠之倘此田諸號之上有款縣
 一字亦可盡為徵學之田矣且順治四年納糧共二
 兩七錢三分零本色物料銀九錢零若六號田僅數
 畝何必納如許之糧乎此又不辨自明者也據款
 詳稱前審無順治四年糧票今因搜而出愈見一
 袒誣不思欲令感于奸宄之言胸有成見惟恐休寧
 添出証佐未加嚴訊以致一麟俱汪烈乎威焰不敢
 呈驗卑職 奉 憲委訊矢心天日細心究詰始得真
 情况糧票乃休寧納款縣官糧之票而非無印信之
 私票只辨印票之真偽不必問搜與不搜也且搜而
 始出愈見一麟袒欲而非袒休矣若袒休則不待搜
 而即呈驗矣誠如所言是怪 卑職 多此一搜可以
 臆詳結矣誠所不解據款令詳稱順治四年既已納
 糧後又抗糧不思百里之外通學衆物無人當晉以
 致失業此亦常情款因盜稅改入文目閣歷年收租

五十四

原缺

順天府府丞汪太翁鄉賢看語

看得 誥贈中憲大夫順天府府丞 勅贈徵仕郎
 翰林院庶吉士前特典徵聘賢良方正汪公 諱和
 者明室微若 聖朝逸士秉白嶽之氣萃其精華近紫
 陽之鄉師其道教羣儒奉為坊表大郭式之楷模政
 術遠綜驟馳獨欽於筭筆之上文章廣資炊酌常懸
 於鐘鏞之間求天下異書盡藏傳揚孤之篋問古今
 奇字爭趨楊執戟之亭往者負重名而出應辟書志
 存領否交危特而備詳條奏力屈支天及際昌期終
 全世遜欽其諒節不異臯羽玉潛溯厥流風何殊賣
 漿織屨跡其事親也孝尚篤誠怡色怡聲即奉承於
 色笑用勞用力先竭盡於下中觀其居喪也毀能盡
 禮泣血三年未見齒不入內而吹屣除服兩次惟守
 廬每巡行而馴鹿薦茲天顯敦彼良知父無常思衣
 無常主海北與汜毓同稱小則讓宅大則讓田汝南
 共孟嘗並說視寡陂而悲張祜之妻分斗粟以活游
 股之息平仲解駝之贖賣石覆壁之藏懿行無窮深
 仁莫罄幸已徹褒崇於 綸特正宜膺祀典於 費宮

海陽紀略

卷下

五

者也

微君以理學傳家事。可為鄉里法。得此椽筆。搃

括當與誓宗之祀同垂不朽

汪灝識

刑部郎中程太翁鄉賢看語

看得 誥贈中大夫刑部河南清吏司郎中加三級

程公諱子翔者。少小窮經。栖遲樂志。右史左圖。日與

名儒考德而問業。枕流漱石。時從達人坐。嘯以衍吟。

孝德有三。斯已合于天。禮地義。媵修惟百。尚無。魏于

幼學壯行。浣淪擊鮮。服勤既竭。其力倚間。鬻臂出告。

無違所望。屋側嘗出笋。雖魚。盧傍又馴鳥。化鹿。寒

每履霜而沾露。抱痛輒。由而泣。鼻。郡邑共稱。族。降

無間。又公義聲素著。材武兼長。往者青。饋。赤。有。方。遭

海陽紀畧

卷下

七

荼毒。紅巾白馬。歷肆。憑陵。公則固圍。多方也。桑。有。策

亦切。亦新。不。青。字。少。習。見。語。嵩縣之兵。刃不犯。胡昭里。閭。秦地之妻。孳多。願。蠶。烹

濟活。馬。馱。繡。被。表。隱。德。于。不。言。雀。致。靈。鈞。報。陰。功。于

累世。欲。綜。大。德。方。開。幽。光。聊。舉。一。端。堪。標。芳。躋。定。知

膺。褒。揚。于。綸。誥。允。宜。列。祀。典。于。學。宮。者。也

活千人者必封。贈君。身在。掠中。乃能。奮不。顧。生。救

脫。男。婦。無。算。捍。患。禦。災。裡。祀。無。愧。矣。况。餘。善。多。也

耶。引。事。照。字。七。生。也

汪灝識

告示

觀風示

為僭觀文風事。照得鄆山左麓。休邑名邦。白藪并黃。嶽爭雄。梅溪與漸溪競秀。原山川靈異之氣。必有所鍾。斯賢哲英華之精。茲焉無替。紫陽夫子之遺教。講誦不忘。陽明先生之餘風。傳習未已。在唐則西舌特先發軔。于宋則李頌重起扶輪。他如程文簡。吳竹洲之經國大業。汪翰林。金御史之忠節文章。皆可懸日月而不刊。番天壤而相敵。此本縣之素所私淑。而獨

海陽紀畧

卷下

六

昭懸達者也。今者幸以菲才承乏此方。樂與文彥共圖斯集。謹擇某日。欲觀佳章。豫卜新硯。不無圭合垢石。尚資待錯之工。珠韞蠅蜃。未遇獨知之契。本縣雖或目迷雲霧。頗亦味別淄泥。豈可對丞嘗而遠葉。擬梁何能望觴爵而頓忘醪醴哉。但本縣比見邇來風尚漸趨波靡。類多掇拾殘瀆。以充虛擗。搥飛塵。刺塞滴。不乞靈于時製。則假寵于名篇。匪畏見。噉。臍。共笑。今務思與諸生等。並棄荃蹄。深探經論。開百年之眼目。拓萬古之心胸。本縣即匪孫陽。還能識文中之

騏驎。倘慚雷煥。偏會辨筆底之鑛。鎬。美得鎚金百鍊。期造乎鼎。藝樹木于尋。盡登于梁棟。行看棫樸之化。待成薪。煩之資。各宜勉旃。毋辜厚望。特示

吾邑不乏異才。非得其眼。甄拔于風塵外。往往為之氣短。侯振勵文風。獨標特識。不但賞音。皆知名士。每拈一題。先作程藝。沐其氣者。輒變高古。讀秋水亭一編。何有于水心宦稿。涵齋

海陽文士日盛月新。老夫子教育之力也。觀風

一示已命之矣。儲欣識

海陽紀畧

卷下

十九

招徠示

為特編新歸籍貫以示優恤以廣招徠事據具稟

云照得休寧宿稱大邑富庶繁華至于今日大非

昔比只緣風俗尚氣喜訟必求勝小事浸成大事

張家故併李家前此之滋斯土者利為金穴任意乾

沒兩造之下只視錢之少多不分理之長短鍛鍊深

文高下其手受其害者憤氣填膺無從控訴坐此之

故弱善之民不能安居多借商賈遷竄四方以避貪

鋒棄祖宗之墳墟拋鄉土之田廬勢之所驅情非得

已不知樂國樂郊實非久居之計首丘首禾寧無睽

顧之思本縣不禁痛念流散切欲加意護持特令兵

房編立新籍凡一應新歸之民有以前事告訐者先

責原告柴不准理如有主棍借端陷害許即赴縣喊

稟立行查拿責懲通詳上憲爾等務早安心來歸

不須疑慮趙趙虛負本縣招徠之意

安土重遷人情所同而吾邑多流離他徙者非特

已也而今而後曠土成樂郊矣快快

汪灝紫滄識

勸諭借貸示

為錢糧之處分尤嚴里民之條陳足勸事據里民姚

芳遠呈稱云本縣細閱前呈具見里民等仰體催

徵之難憂念考成之重所以此四五兩月不待本縣

徵色發聲相率照卯輪納足見急公尚義洵為盛世

良民今又諫慮及七月青黃不接時候豫備不敷恐

致誑誤限期陳請准開借貸一着益見籌度得情誠

為公私兩便夫緩急人所時有所虞者財落空人之

手有借無還耳從來糧出于田若穀種在田未及收

獲指定某處田租若干借銀若干以候抵美甚為通

融之法夫休邑殷實之家至多所少非銀倘以前呈

條陳為是不斷先手一二則上可以完朝廷之國

課中可以省縣主之參罰下可以免鄉閭之鞭撻一

舉而三善備焉誠不宜視銀如命視義如草芥也夫

有恆產必有恆心豈里民等窮瘁之餘尚為本縣憂

念考成而殷實之家反視若秦越肥瘠乎夫下之于

上猶子弟之于父母疾痛惻怛必呼父母暴虐冤仇

必懲長官此必然之理也豈有與父母同其安樂而

海陽紀畧

卷下

三

不與父母同其憂患乎黑白不分乎以功善則多怪乎前此之官斯地者餓虎飢鶴接翅爭豕也事闈考成痛切告誡務期互相勉勉以副本縣願望之意特示

官租舊逋累日為甚多鞭背折脛每苦犹積欠累萬夫子不事苦朴而樂赴恐後徵收為從前巧未有足見一依書賢於十陪從事汪瀨紫瀨跋

禁止錮婢示

為嚴禁錮婢以正風俗事照得本縣訪聞民間畜養婢女有至四五十歲不嫁者有終其身不嫁者類皆鳩形鵠面背僕髮斑畫則挑柴汲水夜則挨磨質春終歲勤動未有止息論力竭而不以為勞則有功矣觀虐使而不以為怨則有義矣乃不以時為婚配兼收夫婦之用而錮其身如幽囚永絕生育之仁喪失良心敗壞雅化莫此為甚言之髮指夫貴賤貧富雖各有等而減獲與寧無其具陌頭柳色嗟徒結于春思窓外花香歎長緘乎幽怨苟復有情又孰能忍况時經離亂人多變遷在昔貴富于今貧賤連來者寧無掠賣之嫌近至者多有拘制之類轉眼循環何常之有豈可頓忘恤下之道不加善遇之恩乎匪實報之理非誣宿債之說有據由前思後鑒往知來仁者當與憫惻智者當知儆懼豈可自同冥頑恬不知改今除前不究外示出之後立將高年女婢分別嫁娶如敢故違嚴行十家舉首不論宦家士族立即拿究詳請兩院處以禁錮良人敗壞風俗之律決不輕

海陽紀畧

卷下

三

各宜遵行毋得瞻徇特示

此風吳下所無士大夫家婢子有三十不嫁者鄰

里以老了頃目之而唾罵其主父母為刻薄不意

微之習為故常也此禁既行種德豈淺備欣識

風俗之惡莫此為甚自房示一出怨曠俱消矣年

來雨暘時若早禱立應豈非善政有以致天恩之

和耶江續紫洽識



海陽紀畧

卷下

二十四

通訓課業示

為新修學舍特延明師以勸肄東方文苑

矣原繫于儒學之隆替宗族之效與皆視東華書院

少多故南阮終不能與北阮爭名計研豈可同游夏

比德以此知志學之為貴也休寧舊稱大邑素號多

才但比見詩書之澤未深而絃誦之聲稍寡本縣殊

以為憂蓋儒學不興則教化不行教化不行則風俗

難變所以尙氣好訟者常多而講信修睦者甚少良

以此也今查訪邑中家有十子者儒只一人是所重

海陽紀畧

卷下

五

者反輕宜多者又少矣豈不聞劉氏七男皆成七業

馮公四子各執四經乎昔邴原痛無錢資不能從師

王象甘為傭保以示私讀卒之原得賢師之力稱為

通儒象賴宿老之功竟成令器意以邑中之編柳削

蒲者自有其人囊螢映雪者不無其侶本縣竊有望

于坊廟磨礱顧不憚于扶助德美聊減薄俸稍助束

修謹特延金生諱敦澄者以為諸童儒之師金生為

正希先生之令侄先生昔當明室之末造獨執文壇

之赤幟知其學有淵源行堪坊表倘有執經而請業



者當即負笈以來遊先道。精金以成鼎。葵豫養大本。以資新。蕙同守宰之首務也。漢之文黨先開。蜀學唐之常衮始述。闢儒自古。傳為美談。至今奉為故事。予竊慕之。子其勉諸。

不但文風得。夫子一大變兼之年來英才輩出。如穴湧泉化育之功。寧讓時雨。汪灝紫滄議

為民請命示

為虔誠齋戒。以籲神麻。以申禱請事。賜得移風易俗。固莫先于政教。而政教乃有窮時。捍忠禦吳。端仰賴于神祇。而神祇或能然祐。痛愚民之輕生。嗟王法之難禁。疑皆陰譴。亮必宿愆。今敬擇于七月初一日。至初七日。齋戒虔禱。為闔邑請命。本縣以涼德菲才。謬膺茲土。實期為爾民利用厚生。不負宿心。無如爾等好聞喜。訟成性不移。玩法贖刑。狂瀾難挽。每競逞其悖悍之氣。多不循于情理之辭。屋宇各有垣墻。而恃強毀折。墳墟各有界限。而恃強佔侵。宗族閭里。非朝索券。則暮斫樹。婦姑妯娌。非言圍雞。則罵鬪猪起爭。常在錐刀之末。釀禍輒成。丘山之重。本縣通計下車。甫及四月。每續成案。不禁三歎。投繯食滴者。旬日屢聞。服毒赴河者。閱月數見。夫人生所最可貴者性命。豈忍于徒捐。所最可保者身家。豈甘于自棄。大都由恣暴已甚。憤鬱莫申。以為舍己之命。便可彼之家。不知國額不償。國憲昭然。况已命一死。不可復生。一第。本從海陽論。縱有。亦當。而。復案。既破。尚可。再。遂不成。害人。友。先。害。已。又。死。殺。之。

棟尤不忍言。炎天凍雪，大路陳棺，折骨摧肌，蠅蟻
 嘓至。使孝子不能掩其親，慈父不能埋其子，不亦
 甚誠可痛也。又本縣於未入境，即知大害，細加查訪，
 深可駭異。或有暴死一人，禍延數家者，舍未報之新
 仇，快久街之舊怨，互相恐喝，益肆猖狂，視其從違，以
 爲進退。承讞之吏，稍有仁心，必加憫憫，若昧天理，更
 喜牽連，指狴犴作橐囊，奉律令爲販賣，其間不無難
 勝筌楚，屈抑招承者。以此富者則輕去其鄉，貧者則
 流而爲盜，將獄訟日繁，而民生日蹙矣。本縣實用痛
 海陽紀畧 卷下 天

矣特示

無可奈何，面請命于神心，亦苦矣。然煌煌明諭，奚

齊大辟疾呼，而政粟如充耳，雖神其奈之何。諸欣

苛政如虎，最利持人命之短長，暮金始出，積矣誰

肯痛哭流涕，爲吾民請命乎。比來有細故，欲捐生

者，相戒曰：度乘輿行，不究弗能破彼家，死無益也。

遂中止。嗚呼！天子之造福，吾休何如。江瀨紫

海陽紀畧

卷下

三

祈雨示

為曉諭事。照得天時亢旱。本縣設壇祈禱。禁止屠沽。雖獲一日之沍沱。未遍千郊之潤澤。督令僧道拜懺。誦經。再求靈應。查數日之內。各村皆有時雨。但雨東而西未徧。雨南而北未徧。本縣憂心如焚。中夜自思。僧道之誦誦。未必真誠。里保之敲鑼。如同兒戲。是可見感應之道。在心而不在迹。祈禱之誠。在官而不在民。今特卜初九日。送神徹壇。使市井小民。得以買賣生息。自初十日為始。本縣愈加虔誠。矢心齋戒。每日早晚仍躬詣城隍廟中。拈香步禱。務期霖雨遍沛。澤潤枯禾。其得雨。則民之福也。其不得雨。本縣之罪也。罪在本縣。本縣倍加修省。舉行善政。願興學校。以振人文。願建社學。以弘教思。願協寅恭。以襄化理。願鋤奸宄。以安良民。願絕請託。以昭平允。願省刑罰。以化愚頑。願肅胥役。以彰法紀。願埋枯骨。以安死魄。願正僧道。以明道法。此皆在官必行之事。本縣矢願實行。行之或可上邀天眷。轉災為祥。爾小民生理。照常貿易。其鄉約總保。並族禮體生。俱免伺候。特示。

海陽紀略

卷下

三

昔責六事。今行九願。雖所處之地不同。而格天之誠一也。未幾而澍雨霑足矣。天人之際。豈爽也哉。
儲欣跋

海陽紀略

卷下

三

山斗程氏通族義塚示

為獎諭事。據生員程其藻程之純等呈閱義塚錄一冊。內開通族鳩助公銀收葬。族中有主無主棺柩。交祠長公同封鎖。隨時給發。其首事務擇族中廉明素著。為眾所信服者。始可使感動樂助。凡一應義葬。實無主者。亦必須里保親隣開冊報明。有主不能葬者。必須其親房自齋告詞。開列中保有據。交于祠長。以便舉行。如有有主棺柩。既貧不能葬。又遷延有符。不欲列于義葬者。許立借約于祠中。借出公銀自行。

海陽紀畧 卷下

營葬以上諸條例。立意最深。立法最善。推澤及枯骨之義。以先于同本共枝之亡人。此從古之所未行。近今之極盛舉也。始倡此議者。其百世嗣乎。本縣每見休俗宗族不相親睦。兄弟多與爭訟。不過起于田產之錙銖。墳土之尺寸。至于視之若行路。嫉之若仇讐。皆山平居不知禮讓之道。未講收恤之好者也。使休之諸名族。聞山斗程氏之風。皆各自濯磨而群相興起。教化不大行矣乎。亟宜褒獎。以示風勵。倘掩埋之弊。本察或有未詳。其日。有垢厲之來者。業已呈

明本縣則可不必慮矣。夫為人子孫。拋棄祖父尸骸。至于數十年不歸鄉土。不能收葬。而族之賢者。心與惻憫。葬之義塚。尚何面目立于人世。而乃有不知感動。敢反起。巽端乎。示出。即當照前議。力行不怠。其首事諸人。倘能真心督率。不愆於素者。本縣廉訪得實。即行給扁旌之特示。

施地理枯者有矣。給特代葬。則未之前聞也。盛舉適見于廉有司。時可早入心善感。汪灝紫滄議

海陽紀畧

卷下

三

禁革編審陋規示

為嚴革編審苛派陋規以甦民困事照得五年編審原以清戶丁之老壯均賦役之勞逸上稽國課盈縮下覈田賦交易其便民也查休寧奸里蠹胥向來每乘編審巧立名色逐戶苛派實借獻媚於官者以為肥己之地是本欲以便民者而反以害民矣當此農病時匱之時其何以堪本縣為地方除苛剔弊出之實心兩地方後自知之毋為其恐喝愚弄仍前輸派也茲現奉 府憲稟遵 兩院憲示禁革在案合

海陽紀畧

卷下

三十四

行開列應革條款出示曉諭為此示仰闔邑士民并册里胥役人等知悉各宜細心滌慮毋蹈陋習致干法網本縣言出必行斷不寬假倘有見聞未周可為地方典利除弊實切民生者許諸色人等詳細條陳于投文時呈閱以憑酌行使民各霑實惠毋負本縣諮詢之意特示

計開

一開局推收悉照印契查驗如果稅票相同實保的名的戶自應聽其歸闔入甲敢有册里游移作

弊借端指勒需索重費者許受害人即時喊稟以憑嚴拿重責四十板枷號三個月仍行究報

憲

一五年之內果有交易授受方許舊付新收均編審役如有田多應役之戶乘借推收名色設立多戶推散各局以避差役者查出按律治罪裔册知而不舉並究不貸

海陽紀畧

卷下

三五

一革册里舉報書手筭手之弊查五年之內民間交易田產推稅收稅皆有常禮預作册費册里向來既得推收之禮理應造册何得又報書筭在書手筭手官貪其公堂每名三兩而册役舉報得錢者買放無錢者報充及報入官又歸囑脫免其不免者到底議貼册役承充嗟嗟此一弊也第里啞冤無伸吞聲忍氣弊累無窮言之髮指痛行禁革敢有陽奉陰違許本人指名陳告以憑盡法究處一革每圖册里向例送公堂禮并鋪堂禮銀十兩八兩不等通縣計二百二十局共銀二千餘兩本縣實心為民擬行革去各宜凜遵敢有好犯仍行

借名詐派者或經訪問或被告發立拿解 處

一草該管經承向例納公堂禮銀一百十六兩又內相公銀六十兩轉桶內司銀四十兩并開局祭神送酒席杯盤等項本縣衙內樂係姻戚射擊共廿淡泊並不于預外事如有奸棍借名科派者察出從重治罪決不輕恕

一草冊里向例派編審公案銀每高一兩二錢計二百二十冊共銀二百六十餘兩本縣每日編審

海陽紀畧

卷下

三

蔬食自備計費不過二分何用攤派供給以爲奸究科斂之計如有借名詐派者察出重究

一草向例民間買業每一號科徵色稅銀一錢二分照紅冊推收號數查徵約計科銀千有餘兩本縣一槩屏絕並不擾累各宜凜遵

一草向例每戶領親供單隨費銀數錢不等

一草每首冊里向例送紅冊編審派送經承銀一兩六錢又交領實徵冊常禮銀一兩六錢又領推收冊常禮銀一兩二錢又領審過紅冊常禮

銀入錢又送經承贊見禮銀一二兩不等又派送案禮銀四五兩不等以上各例約計派銀二千餘兩悉係民間膏脂本縣盡行革除省在官一分之費即省民間借一派十之累編審丁役槩係本縣親裁並不假手胥役倘有奸蠹陽奉陰違去大存小仍行借端科索者許受害人指實陳告以憑立拿盡法重處斷不姑息貽害

一草去向例編審凡花戶每正糧一兩者派賦費銀一兩或數錢不等

海陽紀畧

卷下

三

誰肯誰肯杜子美讀春陵行云使結輩十數公夫錯天下爲那伯萬物吐氣天下又安可知矣使于美得見吾夫子實心實政其讚歎不知當何如也 儲欣議

大利不足人心始得有真人品况相沿成例尋之亦有辭說而於焉不勝乎微庶蠲除萬姓歌舞生何幸得逢蹟聚奇决身决 汪紫滄識

附休寧紳衿公呈

休寧縣鄉紳生員為編審痛弊幸蒙廉察革除善法
 勒碑仰懇仁天詳請事竊以稱神醫者不在別某藥
 之何為毒何為良惟求能起膏肓之疾行仁政者必
 常擇某事之孰最苛孰最急所貴立救罷困之氓其
 荷鋤輪稅已長于故明扶杖聽風幸存乎聖世從未
 見審編之立法如廖縣主之公之明審編之真心如
 廖縣主之清之廉者也痛茲休寧素號煩劇約論大
 弊大害最甚于例規極舉大蠹大奸無過於番册諸
 海陽紀畧 卷下 五
 如移甲就乙指東報西者重且而因公濟私借一
 派百者比比飽其谿窟則登衽席於笑談逆其威稜
 則陷網羅於俄頃典妻鬻子猶不能償賣豚牽牛終
 焉何補言之髮指聞者心傷豈意不動刑罰不費色
 聲獨能制之使戢爪啣牙帖矣而不敢肆良田有利
 於人無私於己故得行之若割雞游刃沛然而且有
 餘真為一錢不要百害盡釐窮弱得全邪魔俱避數
 百年未能行之善政始見于此時億萬姓得再造之
 餘生頌垂于永世其等適當害除不免復先慮害所

謂額後無非即在瞻前竊恐雖經府縣飭行定知不
 如院司明禁與微一字之憲批庶凜百年之官守伏
 乞太公祖太老爺細閱縣禁十條之周晰深矜其等
 一邑之痼疾迅為詳請仰戴恩光同天德之照臨沾
 草木之雨露切呈

清釐田畝示

為釐剔數十年稅畝不清之積弊。特設各業主結報之良法。以均額賦事。照得民間置買田地。自應實業供實課。無容絲毫滯留。查休邑因緯冊久經廢失。尙奸里蠹米機舞弊。賣稅飛酒賄賂公行。富者享無糧之庠。貧者受虛稅之累。相沿數十載。牢不可破。以致爭墳爭稅。訐告不已。此等大害。亟宜清釐。本縣披閱舊案。雖屢經前縣舉行造冊。終無成效。揆厥由來。皆緣豪猾之家。自知業多糧少。詭寄飛酒。竟不食業歸海陽紀畧

卷下

戶而積奸冊里。受賄不舉。宿端挨延。經年累月。莫能告竣。冊未開造。科斂百出。徒滋奸人中飽。欲求清釐。焉可得乎。本縣再四籌維。定一結報之法。庶不擾累。除將結式刊板印刷。照照外。合行出示。通曉為此示仰閭邑根戶人等知悉。限一月內。各將所有地畝。或屬虛糧。或屬新墾。照依真確實數。逐號開報。交付本甲戶頭彙齊呈繳。以憑本縣親較查核。從前隱稅。准爾自首。一槩免罪。間有溢額開墾。與水打沙沒田。地俱須填明結內。俟結齊之日。以憑核實。其有結狀

報數與現在稅畝填報不實者。即係有心欺隱。定行

洋一憲。按律治罪。此番設立結報。並無半毫雜費。擾

累。如有棍徒。仍敢借端索騙。于中阻撓。或經本縣察

出。或被傷人首告。立拿重處。決不寬假。須至示者

緯冊久廢。而立業主自行結報之法。則此冊傳之

將來。永有據依。矣。易曰。窮則變。變則通。通則久。此

之謂也。儲欣誠

結報法。成則稅畝可稽。奸謀悉寢。謂之緯冊未廢

亦可。汪顯榮滄識

海陽紀畧

卷下

里

申飭原告自抱示

為特設提牌原告自抱。以省擾累事。照得休邑健訟成風。為民牧者。既不能使民無訟。且當即認救。民從來兩造告狀。必差皂快拘提。事無大小。而皂快視為奇貨。需索酒食路費。不壓不止。本縣軫念民生。願與地方百姓息訟寧人。累經勸諭。示禁無奈。積習相沿。牢不可破。為此特示軍民人等。知悉嗣後。倘有事屬剝膚萬不得已者。須遵本縣告期。據實直書投詞。准理。即給自拘牌。着原告交本保甲長保甲長領交被

海陽紀畧

卷下

四三

犯照限被犯親帶原牌當堂投到候下期聽審。如被告違限不到。原告同保甲長當堂稟明。出差拘審。先治違限之罪。再審事之曲直。亦不許原告串同保甲長誑稟。違限審出一體究治。至人命盜情。許不時據實呈報。即差拿究。並不許需索遲延。違者重究不貸。特示

碩鼠之嗟。多由虎賁肆虐。今欲民無訟。先嚴差役。官清吏瘦。所莫碩矣。是與老夫子紙皂上所批。數語同一愛民至意。汪灝紫滄識

編審均平丁口示

為均平賦役。以甦民累事。照得休邑人丁較田均配。約七畝。零應派一丁。此戶有增。彼戶必減。不易之理。今查前輪編審冊內。竟有出多而丁少者。有田少而丁多者。有戶口故絕而虛丁尚存者。皆緣從前朦朧。賄弊以致貧富不均。多寡不一。因而縣額懸缺。殊可痛恨。今輪編審。本縣一秉虛公。逐戶親較。照田畝多寡定丁。如戶內實在田多。雖無新收田畝。亦必加丁。實在田少。雖無開除田畝。亦必減丁。務使鄉頭甲里

海陽紀畧

卷下

四四

戶口均平。甦困杜累。倘有甲內果係故絕人戶。只有田產一二畝。而仍存一丁。現稟親人賠納者。許衆排年于編審日。當堂據實稟明。以憑除豁。即于冊上殊判絕戶二字。諒衆耳衆目所在。爾民斷不肯以未絕之戶。甘忍故絕。而故為謊冒也。各宜凜遵。特示

挨戶編丁。版圖乃實。自照畝有派。各實懸殊。况免留役貧。彼此怨不均乎。得是一番釐剔。雖因事補救。亦足見王道之乎。汪灝紫滄識

告詞條規示

為訟實害民弊宜盡革事照得本縣蒞任兩載自慚涼德不能化民無訟然訟中之弊不竭力革除致使小民因訟被家而奸胥訟棍反藉覓生涯爾民膏血幾為吸盡本縣忝為民牧安忍視吾赤子有剝膚吸髓之慘而不急為之救耶今嚴設端本澄源之法實心力行以培地方元氣所有條目開列于左

計開

一告詞仍遵前頒狀式務要開明道里遠近

海陽紀畧

卷下

聖

居住都商兼寫代書姓名審實果是誣告以憑拿究如有奸民小書姓名以白紙連篇累牘者概不准理

一訴詞務要寫明某人于某日告在城隍三日內赴訴百里內限五日訴百里外限十日訴倘逾期不訴者先責十板然後審理原被告到者並責總之違者不出二十日近者不出十日不但可免爾民守候之苦抑且盡革

役沉閣之弊

一准理詞狀終始槩不添差惟給紙皂紙牌自拘原告領牌親交該保甲保甲即交被告逾期不訴者責被告倘原告匿牌不交誑稟添差者即拘保甲訊實除告詞不准外仍將原告倍處其有保甲匿牌不交者罪亦如之
一批委約保公處事件乃本縣愛民息訟之意務宜極力秉公調處如果恃強不遵勸諭方許據實回呈如有徇袒索謝致生訟端審實

海陽紀畧

卷下

聖

受賄者枷號本村十五日責二十板革役若徇袒而未受賄者懲責免枷以杜扛訟之弊
一批仰商正冊里量手查覆事件務宜照冊照步據實回覆如敢恃權在手輕重游移徇袒受賄者審實枷號一月責三十板革役如徇袒而未得賄者重責免枷
一告詞之後只許一訴一到不許添補人犯亦不許補投一詞違者除不批發外仍行責懲以清案牘

實心化民無訟宜事事周到乃爾

汪瀨

附記 有失鴨數十者控于侯侯曰近有來買而未

成者乎曰有踪跡之鴨且在窈者強辨不服侯悉

取兩家鴨雜于堂命各呼之窈者呼之不應失鴨

一者以竹竿呼之果成群而走且曰吾鴨有火絛印

左掌驗之果然然其中一鴨不應呼且無掌印窈

一者執以狡辨侯正色曰爾積窈俱人覺故買一他

鴨雜其中耳窈者服服責而還之閩邑稱神○一

弱姓貨地開磨而衆人以碍墳墓末公舉之出地

海陽紀畧

卷下

四

圖形勢相通侯命暫押兩造于堂下鞠訊他案而

陰遣人圖其形則磨與墳向隔一屋也少頃復訊

仍互爭侯忽出圖示之曰是如此否衆驚服誓不

敢爭歸視磨上貼硃筆驗訖二字乃始知已密訪

耳○邑舊多隣境鼠竊自侯多方驅除四境肅清

侯詳各憲欲易刺竹為刺面法比未即允今兩

臺頒新例則果行刺面法也人服其經濟焉○西

鄉救苦窮患江潭有渠魁結黨肆虐因沐侯德化

救十人咸相戒盡改前非一方皆得安枕火之約

皇以列股療母舉孝子者詢其人即渠魁也近

驚歎謂其與王彥方化盜牛人守劍一轍。有鄉

民販米入城擔頭裹衣數件因米發賣以衣包寄

十字街余公四花冠舖中隨投飯店飯訖向公四

索所寄衣余愕然曰適已還之矣鄉民云我未來

取何云還過彼此爭論十隣保甲群聚詫異莫得

其故適侯拜客過十字街兩造訟焉侯停車問之

曰兩兩造皆非虛情想寄衣時必有楊子在旁觀

見假名索去余公四不服詳察耳料楊衣之人定

海陽紀畧

卷下

四

向典舖中預銀令速查之果典去銀八錢二分兩

造感甚粘香叩謝去。夫子發奸擒伏有如神明

如此類甚多難以枚舉姑記父老所最喧傳者以

表斷案之奇

汪瀨識

嚴禁請託示

為嚴禁請託以杜撞歲以彰公道事照得本縣承乏
休邑于今五載每慙涼德不能化民無訟然于聽斷
之間未嘗不留心平允其中稍有疑心不敢懸斷者
務必一鞠再鞠細心訪察必得其真倘有智慮不週
誤聽誤斷者凡我紳士人民不妨直言相告以匡不
逮本縣誓當虛懷聽受决不偏徇已見使民受冤爾
民毋信奸徒招搖希圖請託如理直耶雖不請託本
縣不敢昧心背理如理曲耶縱揮金求情勢豪挾制

海陽紀畧

卷下

四九

公道兩造何用黃緣近聞有等奸胥地棍揣知本縣
審理是非曲直一歸于理粧成圈套播弄愚民或言
為爾公裏或言為爾求情究竟審斷之下官司之勝
負悉準于理之是非在本縣未嘗因人而爾民則已
墜其術中以飽奸徒撞歲之腹矣雖休邑健訟向來
積習有理無理俱以金錢為要殊不知此等喪心狗
行之為前官產政所得之財究歸何處暮夜而來身
名敗喪率至動用官帑貽害兒孫前車之鑒報應活

現本縣矢心與深爾民當亦共鑒何用痴迷聽人撞
歲况自己不受人財而徒為人說情致令天理良心
二者俱昧本縣斷不愚昧至此亦爾民之空受人愚
也為此合行嚴飭嗣後敢有地棍訟師招攬撞歲一
經訪聞重者詳究輕者立處決不姑寬以貽民害各
宜慎之特示

海陽紀畧

卷下

五

從前貪夫往往杜門絕客不接一談便于暮夜之
金盡歸已橐也 夫子心如水潔笑比河清自紳
士以至村野細氓凡躋公堂陳瘼苦者概不之拒
足見鬼神可贊芻蕘不棄一片愛民熱腸駕出前
人萬萬乃君子藉達民瘼小人遂致招搖廉吏檢
雪煮塵適開飽奸之徑此示村可少耶 夫子于
示尾大書端本澄源使民無訟八字言請託者結
舌則健訟之風不期息而自息矣 儲欣

禁葦祭祀陋規告示

為葦除陋規事。照得祭祀之典。惟其誠不惟其物。如文廟春秋兩祭。例必脩鹿。乃因鹿不可得。以羊易之。又各衙派送鹿價。而吏胥衙役。分索規禮。煌煌祀典。通為粮戶苦累。葦鹿。此所以教聖人。先聖之靈。其享之乎。本縣會同兩學公議。禁葦為。此示仰闔邑粮戶。知悉。嗣後永禁取鹿。如有書役串同奸里詐派花戶鹿價者。查出重究。特示。

海陽紀畧

卷下

五十一


祭聖用鹿以脩物也。乃必科派以代物之不脩久矣。而徒博千餘家貧民之怨。答聖不吐之手。夫子穀然葦除。非葦鹿價也。直葦一方之毒。害耳若葦鹿。則愛前之官不登諸俎。而肥諸囊者。固已葦之數十載矣。注。瀨識。

里以列股痔母舉孝子者。謝其以即樂。也。此類難以枚舉。姑記數事。以表斷案之神。

海陽紀畧

卷下

五十二



諭監生吳超等兄弟十八人

諭監生吳超等知悉。照得本縣流任茲土。凡諸緒紳。皆獲締交。中間尤與爾父彥良老先生更稱篤好。憶爾父在日。每與本縣坐談之頃。輒道及多子多累。恐一旦朝露頽以後。事為託本縣。聚念在心。未嘗有忘。自爾父去世。本縣察爾等兄弟和睦。未有外侮。深用嘉美。不意日者。爾弟錠等來見。泣述爾等近者。顯有嫡庶之別。其一切物業。皆橫據以為已有。不許均分。此大不可也。夫所謂嫡庶者。徒以母而論耳。至于同

海陽紀畧

卷下

父則一也。況父之視于嫡之與庶。其愛則同。未或有異。禮記曰。父之於子。賢則愛之。無能則棄之。而未嘗別其為嫡為庶。而愛有異同也。愛無異同。豈謀其衣食而有異同乎。春秋之義。子以母貴。母以子貴。亦但從繼體而言。其餘支子。眾子。未聞以其非嫡而遺無分地。分封也。從古孝子之道。在于體父之志。曾子為古今第一孝子。亦只先傳其將徹必請所與一事。此不過飲食之微。而以其能悅親意而與之。即稱為孝。今于親所生之子。若能與之。其悅親意。不更勝乎。昔

漢高帝臨終。語惠帝曰。吾得珠。遂。其。餘。諸。兒。皆。足。自。立。哀。此。兒。輒。為。酸。鼻。以。此。知。為。人。子。者。於。父。歿。之。後。真。不。孝。也。舌。者。欲。讓。名。於。兄。弟。者。即。先。自。斷。其。行。欲。讓。封。於。兄。弟。者。或。偽。稱。錮。疾。或。託。故。遁。跡。遠。去。欲。讓。產。於。兄。弟。者。器。物。取。其。敝。漏。曰。吾。所。安。也。田。產。取。其。瘠。墮。曰。吾。所。好。也。奴。僕。取。其。老。拙。曰。吾。所。習。也。今。可。親。於。古。人。于。名。之。至。重。封。之。至。重。而。且。讓。之。况。業。產。乎。况。今。又。不。待。讓。但。以。均。分。得。當。不。爭。為。讓。乎。本。縣

海陽紀畧

卷下

五十三

自擊官家巨室。身歿之後。資業頃刻銷落。殆盡皆由兄弟鬩牆。分爭而起。棄祖父百年積累之業。而以飽貪官猾吏之橐。於計得乎。昔袁紹之子袁譚。袁尚。爭立交兵。而亡其國。劉表之子劉琦。劉琮。爭立交兵。而殺其身。雖所爭有小大。而兄弟分爭。必至破家亡國。殺身而後已。其道一也。此古事之可鑒者也。且爾休寧之近事。可鑒者。如黃振雯。姚文蔚。非監生乎。吞并家業。蠶食諸弟。皆經本縣公斷。追奪給發。合邑稱快。爾等被服儒者。思守先人遺訓。必能推體本縣。不負

爾父之素心必能備悉本縣維持倫教之至意遵聽來諭毋蹈覆轍切諭

同父則一也。只一語已掃盡嫡庶矣。以孝動之以

讓動之。未乃痛說利害。稽之往古。驗之當今天地。

父母之心也。良師誨友之言也。他人讀之。猶為感

泣。而況此十八人者乎。儲欣跋

手足不和。未有能保家者。孝悌不明。良心陷溺。當

人書一道懸之上座。汪灑棠跋

孫發旺鎗死胡三元命案

審得孫發旺鎗死胡三元一案。緣康熙二十七年十一月十三夜。發旺持鎗守夜。孫福生夜起。聞見坂山火炮。恐防有賊。鳴鑼驚喊。發旺持鎗。福生持刀。同趕到山。見亂石打下。因持械奔逐。致三元中鎗身死。朱家殺被傷而走。已經前任汪令錄供招解。憲審轉報在案。今蒙 憲臺轉奉 臬憲駁查。當夜三元家殺死傷。必係多人砍斃。須究明其某鎗死三元。某某破哉家殺。未待下手真兇。併孫高先供後辨。孫百喜

三。祝果係出外。是否狡展等語。足見上臺詳慎明刑至意。早職遵即吊取原卷。于本月初十。拘集一千人。犯于城隍廟焚香立誓。逐一研審。據孫發旺供係持鎗巡夜。聞孫福生喊叫。同到山邊。見亂石打下。持鎗相關。不期三元被殺身死。據孫福生供。稱夜起見山上火光炮响。因鳴鑼喊。同更夫孫發旺趕至山邊。見山石亂打。持刀砍去。致朱家殺被傷及訊地。隣保甲程喜生江元超等。孫高暨百喜三祝果否在場。會供孫高實在梅田未歸。百喜三。久在望江赴口均不

在場虛甘同罪眾口如一。是孫發旺實下手真兇。生刀砍家殺倉卒非有同謀。並無多人刀鎗兇器。即據宋國持供。稱黑夜未見誰拿刀鎗。彰彰較著。其非謀非。故明矣。但孫高之先供後辨。不無疑竇。然刑訊之下。先寬免刑。以俾生後因。懸息以辨。枉保。保供。鑿鑿會同。其與不在場之百喜三祝。應非較長。早職又何敢任無辜。而羅法也。發旺真兇。縱抵何辭。福生元謀之。非同謀殺造意之律。特以黨起。福生為首。禍故以鬪毆條例論。耳相應。仍照擬。緣係駁審事。理。

海陽紀畧

卷下

五

已經移關。望江飛提孫百喜。孫三祝到案。恐差拘往。迺將進有違定限。遵將現在人犯。擬招詳解。俟百喜三祝到案。另行審報。

覆審得胡三元人命一案。緣孫發旺持鎗守夜。聽得孫福生鳴鑼喊叫。恐有警息。福生持刀發旺持鎗。協同更夫起。到山脚。朱姓葬墳之人。拋石亂下。致更夫跑回。只福生發旺持鎗。奔逐上山。拋石諸人亂逃。而三元家殺一中發旺鎗死。一中福生刀傷。經前任汪令審明招解。憲臺轉解。臬憲在案。前奉。臬憲。

檄駁到縣。早職接審。而各犯供吐如初。發旺堅認不移。隨照原議。擬招解報。茲又蒙。臬憲駁檄。併發下孫百喜孫三祝二犯到縣。早職遵即按款。覆加細鞫。各犯會供如前。是夜孫高果在梅田未回。百喜三祝向在望江。查縣移關。及地方結。會據鎗死三元之真兇發旺。願抵刀戳家殺之重傷。福生自認此外。並無多人。究其謀故情節。據福生供稱。國持居隔十里。並不知其是夜。越村葬墳事。起倉卒。黑夜爭鬪。當時受傷者。亦不知其姓名。揆此。則鬪毆殺人律。抵何辭而。

海陽紀畧

卷下

五

福生持刀傷人鬪毆條內。只應發配。因發旺殺人。由福生鳴鑼起釁。實為首禍。仍依鬪毆殺人律內。從重擬為元謀。非為兩引。正不使真兇漏網。及無辜羅法。已悉前詳。二犯相應。仍照原擬。至于依老收贖。應否援。赦恩出。憲臺。早職未敢擅便。合具招連人解到。憲臺親審。轉解定奪施行。覆審得胡三元人命一案。始因孫福生夜起。見山頭舉火鳴鑼。同守更諸人奔逐至山。而山上亂石拋打。只福生持有防身之刀。與孫發旺持鎗奮身前鬪。不。

意三元中鎗而死。木家殺被刀而傷。業經前令審擬。早職接審至再招解。憲臺轉報。臬憲在案。茲復奉。臬憲檄駁。當日孫高何為。先供後辨。福生持刀傷人。似非年老。行徑孫發旺鎗死三元。應為福生主使其自行誣認。恐係賄買奸謀。窮詰根源。俾無失入仰見。臬憲明慎用刑。務期生死兩無遺憾之意。蒙憲轉行到職。遵即復鞫一干人犯。逐加嚴訊。孫高擬供當夜實在梅田未回。後因縣訊嚴刑妄吐。甦醒之後。隨辨號冤。梅田保甲供証如初。即朱國持前供昏夜不辨。誰執刀鎗。則未親見孫高在場。可知所交兇器。只有福生一刀。發旺一鎗。別無兇器。訊之發旺。福生供稱。登山相鬪。初不知殺傷為誰。事後乃知三元鎗死。家殺刀傷。則是黑夜倉卒下手。彼此俱無成見。設有主謀。則併力專攻。當在常與爭訟之國持何為亂殺。一無辜之三元及休邑城鄉居民。輪夜守更。而谷村庄皆然。其發旺為孫氏巡夜。眾僕並非福生之僕。其無主使可知。且家殺被砍數刀不死。雖福生老邁似壯。當時奮力砍斃。而家殺幸不即斃。實見其真。

海陽紀畧

卷下

五

海陽紀畧

卷下

五

邁力微之症。當經前驗。髮白齒落。年果八十。非既已死。要錢何用。抵償大事。誰肯承認。堅供到底。既前辭。夫人情久則生變。一時成招。或輕招而重諾。輒轉再思。自重命而輕財。似此測之。發旺自知情真罪當。無可推卸。故甘抵不辨。其非賄買。亦甚彰明較著矣。早職豈敢妄恃已見。而干失入之譴耶。餘犯各供與前供無異。發旺緣抵福生杜流。相應仍屬原擬。早職未敢擅便。伏候。憲臺覆審轉報施行。

看層洗辨不令有枉具見細心具見仁心

備欣謹

張冬香告胡元老殺妻命案

審得張冬香之妻被殺一案。甲職前經備錄口供連人解赴憲臺親鞫復蒙憲檄駁發復審招解甲職遵即吊齊各犯再三細問地方胡元老并隣婦沈阿吳胡阿江孫阿戴嚴加刑訊仍供稱閏七月二十四日張冬香扭斷柵欄門鎖噴元老理論反行兇毆當有保隣戴聖陳有祥在場目擊後冬香趕至元老廳上以頭亂撞元老畏其老刀將身閃開避之冬香趕追自跌在石礫之上腦後磕破冬香怒甚即將久

海陽紀畧

卷下

卒

患痢疾病妻扶至元老樓上做命圖賴隨經隣婦沈阿吳等勸扶下樓卧坐元老廳上不肯回去元老廳即聚人之公廳也冬香懷揣石塊手持木棍尋元老廝打聲言來勸者俱要打之隣里素畏冬香得老無賴以此不敢往勸元老抵暮方歸密躲入柴房託隣婦陳有祥之母倒鎖房門以避兇鋒同居隣婦沈阿吳等伴冬香之妻環坐勸釋至夜半冬香將燈吹滅隣婦始散至五更冬香忽然喊叫胡元老殺死伊妻此時元老夫妻尚鍵房中隨後係陳有常始開鑰放

此隣婦沈阿吳等并同右陳有祥堅供不易似難

以殺人重罪懸坐胡元老也據冬香堅稱妻是胡元

老打死詰其當時何不喊救是誰看見作証則推耳

聾不知亦無人証豈冬香與妻同在廳上安有人殺

其妻不聞聲息之理若聞人殺其妻豈有不起而拒

敵之理假使妻係元老所殺元老何不殺冬香而殺

病篤將死之老婦假使為他人所殺他人殺此將死

老婦意又何為此皆理之所不解者也甲職親驗身

疑額角左腮雖有刀痕其血不流于面上而浸水于

海陽紀畧

卷下

卒

腦後此則仰卧而受傷明矣再驗冬香腦後磕破其

血應流于後何前襟血濺而左袖口亦有血漬此又

事事可疑者也凡人命重案必有致命確傷及實証

方敢定招成案今通鄉保約隣居人等合口一詞皆

稱做命圖賴與前無異又冬香年過七十以上不便

刑訊實情不吐兇器不招何能懸坐元老而使其僥

首服辜耶甲職下吏不敢擅行輕擬

獲審得張冬香一案蒙憲臺再四駁覆誠所以重

人命而嚴國法也但從來斷獄之道先之以情情有

刑。先。情。理。而。后。及。法。律。耳。

所遁則又揆之以理情理既得則又合之以法分其

首從窮其証佐察其兇器驗其致命而後斷之以律

此定例也今奉 憲臺駁牌以張冬香之妻已死則

應無血今有血必未死而冬香殺之此其跡之或然

者也而甲職以情與理察之又似不然夫冬香兇惡

人也雖兇惡之虎狼尚有愛子之仁豈冬香無所為

而忍殺其妻乎若以一旦之忿而忍殺其妻則冬香

平生與人鬪狠之事不止一次倘以冬香欲以妻為

居奇而殺之冬香雖至愚寧不知居奇于富家巨室

海陽紀畧 卷下 空

以饒取利而居奇於一赤貧之胡元老乎確實冬香

見妻哽咽將絕知其不救而私以刀剖其額也明矣

夫人必死久而後血冰方死未死血尚能濡今若以

有血即欲定冬香以殺妻之律又安知非冬香之妻

已死剖而無血而取他血之類塗抹之乎蓋愚民徒

知有血之足以賴元老而不計及有血之足以害自

己也且相驗之時其妻面上皮破一寸深二分既非

致命亦無重血流于面目之間按律凡定人命重罪

必有實証致命傷痕兇器歷歷有據方可成招今求

之此三者皆無驗而冬香年過七十有三又有憐羞

不可加刑之例况垂死之妻又豈得加以故殺之律

乎相應仍照原擬實非輕縱卑職奉三尺法既不敢

夫入亦不敢失出務期揆之情理法律具得其當文

豈得以自己功名為重慮有駭詰誣誤而執法以安

陷之乎伏祈 憲臺再加覆鞫詳可定奪

審得張冬香信窮老兩刀惡者也子女不敢近鄉里

所共畏素行不法夜行竊菜莫敢誰何于前月二十

三夜趁當胡元老守夜冬香攪扭枷鎖而出

海陽紀畧 卷下 六十三

之冬香不知自己理非反毒毆元老元老以守樹事

鬧通鄉遂往投明隣保隣保勸解而歸不意冬香怒

猶不已隨即將垂危久病老妻扶到元老樓上欲肆

圖賴因隣婦沈阿吳等再三勸解到午後方下樓來

令其妻卧于公廳棹上而自卧棹下欲待元老歸而

再毆之彼時元老已早避其兇鋒不敢歸矣及至黑

晚方歸又畏其鋒而客從柴房閃入託隣婦陳有常

之母倒鎖其門似此可謂畏之至矣况敢出而攬之

乎及至冬香之妻已死冬香喊叫而各家方起經陳

有祥手方開門放出元老此歷訊地方萬口一詞者也元老亦貧窮漢即使能買一人之口而又能買衆人之口乎此冬香借垂死病妻欲爲做命圖賴顯然矣假使其妻不足爲做命奇冬香又不扶至元老之家而恐嚇之矣夫使冬香稍有良心垂斃老妻何忍令其狼狽顛蹶不得安寢况且卧于公廳之上目一夜野風嚴冷又無遮蔽無病之人中之猶不能支况垂死之病人乎以此察之必其妻子垂死呼吸之際冬香以刀割其血而聲音爲元老所殺明矣今

海陽紀畧

卷下

六十四

驗冬香身穿白衣胸前血漬左手袖口血染俱滿益可知矣且刀之所割乃在額上非致命之所必正當絕噤咽之頃所割故寂無聲息不然殺一雞屠一豕尙有號呼哀痛之聲豈冬香之妻受刀于非致命之處而默然無一聲鄰房左右僅隔一壁而槩不聞乎細心推鞠冬香借妻屍以圖賴之罪不能免矣按律殺妻罪絞以妻屍圖賴杖八十今冬香應擬借妻屍圖賴之律查冬香年已七十有二按律老幼不能刑訊窮其兇器但問其圖賴之跡較之故殺之律似

八重擬以杖贖之條又爲太輕相應酌于二者擬以杖八十不贖之罪卑職仰遵憲駁嚴訊三皆無差異理合具前文詳請定奪施行

覆審得張冬香妻汪氏之死冬香原欲做命以賴元老者刑訊元老及同居陳有祥等通鄉衆口一詞冬香喊叫元老殺死伊妻汪氏時經陳有常關鎖始放出元老則非元老所殺明矣既非元老所殺必須求其殺害汪氏之人以定罪所斷不可易者也據通鄉供稱冬香當日扶久病之妻汪氏到元老樓上

海陽紀畧

卷下

七

經各鄰婦沈阿吳等苦勸下樓冬香夫婦二人遂不歸去同計衆廳上冬香取草鋪掉上卧妻自卧棹下又衆鄰婦沈阿吳等苦勸至雞鳴冬香吹燈各鄰始散至五更冬香喊叫妻爲元老所殺彼時元老既尙鎖在房則懸揣殺妻之人必冬香也明矣但以跡而而懸揣必當歸在冬香而黑夜之時既無真証一可疑也又冬香年已七十有三不敢刑訊未有供招二可疑也據件作汪元供稱額上傷痕係血蔭無血流後無傷痕係血糊頭髮三可疑也又兇器不在殺

得搜得係在冬香家中搜出人人家中俱有菜刀又不得執此菜刀為殺妻之兇器四可疑也經云罪疑從輕此皆古聖王好生大德寧失出無失入之至意也早職雖不敢刑訊冬香明定其罪至于所審冬香殺賴跡跡顯然又何曾為冬香諱哉但據罪似係故殺之律乃又舍故殺律不擬而擬杖者實以未有實証未有供招終屬懸揣不敢以定人命之重案也按律凡應入議之人及年七十以上十五以下若廢疾者並不合拷訊皆據眾証定罪違者以故失入人罪

海陽紀畧

卷下

十六

論若據是律則卑職之不敢刑訊冬香實為尊律也又冬香之罪實無眾証不敢定之亦尊律也漢史云律設大法法原人情冬香之罪雖同故殺情有可哀論律美蓋其妻汪氏病痢一月將死呼吸也其病痢卧床係保長戴聖入冬香家所見又冬香先欲做命圖賴元老之時亦自招病痢二十餘天又各鄰婦亦言久病將絕之狀則冬香知妻之不救將絕而以刀割之以賴元老以取棺衾顯然明矣若非將死則殺時必能呼若以冬香忍于殺妻則扶其妻卧于棹上而自

卧棹下又棹上鋪草而自卧空地不又尚有愛憐其病危將絕之心所見端乎妻之垂斃不救于此又益見矣但人命一息未絕同為之殺故不得以其垂絕而未滅罪名但殺垂死之平人與殺垂絕之已妻又有間矣蓋早職逆揣其情或以妻既垂斃不救不遲速之間不如早盡一刻可以自救豈知不可以自救而反以自害乎情之可原而可哀者實在于此况即此論尚屬懸揣又無証故卑職末吏只據律法情理翰問一一俱載明白既不敢犯律以刑訊七十以上之老人又不敢犯律以擬無証及未成招之罪人侍在憲臺再賜訊鞫詳請臬憲轉詳督兩院庶邀天地好生之大德以豁窮老將死之愚民則恩自上出非卑職之所得專也

海陽紀畧

卷下

十七

辨胡元老殺人之誣猶易減張冬香殺妻之罪至難情理法律參伍矜疑此可以觀仁人大君子之用心矣儲欣識駁到十二分透徹雖極天下之狡者不能置喙然不忍失人又豈忍失出耶汪灝紫滄識

陶喜擄死竊賊命案

審得漲山舖陶喜乃舖兵而耕農者也喜于三月二十六夜被賊盜牛當據保甲鄰右先報捕衙轉呈到職曾據報文並錄喚訊鄰保供詞詳報在案蒙憲批查陶喜擄死之賊有無屍親認識細訊曾否有仇速速訊驗並登奉駁查前後報呈多與口供不符等語卑職仰體憲臺祥刑至意遵即單騎帶同吏件親臨相驗按行牆缺果有挖洞再驗屍傷僅只頸右咽喉帶食氣類中深寸餘圍圓三寸未透左邊委

海陽紀畧

卷下

李九

屬生前刀擄身死取其件人汪元結狀在卷隨訊陶喜供稱是夜三更因犬吠驚覺聞得挖墻聲恐有窺竊新買耕牛者遂持防虎刀潛身在牛欄邊防護暗中望外有人形影將刀擄去因大喊有賊鄰眾齊起同見欄邊血跡同跟尋到井邊見有死屍離身寸許地上檢有鉄鑿皆不知其為誰據此卑職復訊之保鄰眾口供吐如初與陶喜供詞合之原報各呈無異問其有無仇殺皆云實無此情究其餘黨咸供賊只一人問死親之有無咸稱無人認識可見此賊當

夜被擄之時即喜亦不知其中否及出視知其已死又不知其為何人其非仇殺可知又賊只一人其無餘黨可知賊死只係喜殺並無助賊謀故等情可知墻缺頭然搖鑿其為竊盜可知此與黃夜無故入家登時殺死之條相符賊之死固其所自取安知此賊非其愚已貫盈天特假手陶喜以除民害乎照奉憲駁前因無庸擬議應否着陶喜備棺盛殮以結此案卑職未敢擅便伏候 憲裁

泰山可動鐵案難移請以况此

注灑紫滄誠

海陽紀畧

卷下

李九

汪顯于呈報吳千身死命案

審得吳千因偷菜而被汪貞殺死也緣休俗八月十五夜鄉人每于園地偷瓜以為得子之兆因偷瓜而遂偷瓜菜者殊多以此園丁之防竊倍嚴汪貞素以種菜為生適來防守突見一人在地拔菜隨將手執扁挑打去初不知其為吳千也及千相與對打乃知為水口庵工人扭至庵前敲門巷僧京偃開門見汪貞告懇吳千偷菜事比呼吳千倒地未應懇同汪貞往園驗明拔菜果真回至巷前連呼吳千不應而不

海陽紀畧

卷下

七十一

不料其已死矣當經報明保甲次早投報到縣今于九月初五日早職單騎帶同吏仵拘集犯証親臨屍所檢驗証吳千之母張阿宋着抱告外孫朱連寶具投攔詞哀懇再三不忍其子蒸洗且謂子與汪貞原係相好並無仇隙其子不應偷菜夜晚誤傷惟求着汪貞殮葬送死並養生諸事即帶各犯証到縣細加研鞫問保長汪顯于甲長徐茂春同供吳千汪貞同村務農小民相好無仇因千偷菜被貞誤傷打死據僧京偃三更報知次早報縣訊僧京偃供稱與前

貞所供無異揆此則吳千之死初由于偷菜小故以致喪身實為可傷且園地亦難比賣夜入人家打死

勿論之條若論人命重情律法無容寬假而成招定案必須檢真抵填今據伊母張阿宋攔詞哀懇出于真情卑職細加窮詰並無賄囑私和情弊斷令汪貞拮据殮葬以慰吳千之魂供養阿宋終身及一切後事以慰吳千之母雖菜傭力苦難支亦不得不勉力肩承是汪貞不應得生而得以全生阿宋無子而猶之有子誠情法之兩得者矣律貴原情或亦憲臺

海陽紀畧

卷下

七十一

德廣好生所當慈惠而矜恤之也卑職未敢擅專伏

候 憲裁

應死不死無子有子攔棺一案皆歸平蕩

汪顯于
涂誠

程虎等毆死程的命案

審得程虎打死程光澳人命一案。緣本年正月十四夜。程家廳堂放燈。程虎坐于中廳。並幼童程廷榮等嬉戲。時因廷榮與虎鬩爭。而虎起打廷榮。適過程光治來。公言責虎。以致相毆。其兄光澳。後來幫勸。被虎門拴劈頭打傷。于十七日身故。伊父程璉。投明保甲報縣。卑職因公赴省。本縣典史史繼烈。據呈報。憲報職回縣。于二十三日。隨即單騎。帶同吏件。親臨屍所。檢驗真傷。填註屍格。併各供招緣由。申明。憲

海陽紀畧

卷下

七三

在案。茲蒙 憲檄發審。取具招提詳報。遵即拘集一千有名犯証。逐一審訊。據保長程于一。甲長程延生。同供一病一外。十四夜放燈爭毆。俱未親見。只據報開驗明投縣。再查程廷榮供。是夜放燈。大家晚飯未出。只已與諸孩童在廳嬉戲。程虎坐于廳中。口稱韓信點將。喚諸童搖鼓。因已說其不是。虎遂起打。榮適遇程光治。公言虎因與光治扭打。諸童併皆走散。後事不知。再問程璉。供其子光澳。與虎素無仇。隙放燈爭毆事。未親見。至程福駝歸。問係程虎持門拴劈傷。

打傷。跌倒。又踹兩脚。當即叩明保甲。驗明。至十七日身故。投報。未曾聞有人主謀。喝令助毆。至訊。程虎供稱。酒後。坐于中廳。戲言。因廷榮說已不是。爭論。遇光治。幫勸。相毆。又光澳出來幫勸。遂怒。持門拴亂打。不知光澳頭腦。被傷。跌倒。自己酒發。隨亦跌倒。其兩脚。不明。十七日。遂死。當時。並無助之。人情。願其罪。問。程璉。供是夜。並未出廳。幫打。程震元。供。見相打。曾經勸解。虎言。告狀。欲煩作証。委實。無助。毆等情。合。勸。各犯。供。招。及。虎。自。供。謂。虎。之。擊。殺。光。澳。精。真。罪。當。以。經。

海陽紀畧

卷下

七三

檢驗頭顱致命木傷。及心坎。脇肋。肚腹。踹傷。真確。虎亦無容他諉矣。但虎因飲狂藥。闖狠失手。非有仇恨。預謀故殺之心。合依鬪毆殺人。不論手足。金刃。他物。律條。擬絞。其程光治。與童稚。無知之廷榮。皆于毆後。即已走散。至程震元。雖經在場。勸解。實非幫勸。路遇。訛回之程福。並未經助毆之程璉。實不知情。均屬情有可原。應否省釋。統候 憲恩。覆核。轉詳。卑職未敢擅便。

情真理確。李徐折獄。民自無冤。汪淵棠滄英

汪春生稟打死弟命一案

審得汪春生以打死弟命控余貴等一案。緣有金龍寺僧人山業一號。土名白虎山。向係汪姓同余姓出價。拈伐柴薪。各自開分界址。每年例共出價銀一二兩四錢。僧持砍。今年因寺僧募化遠出。未經受價。出拈本年七月十七日。兩姓愚民。不照舊界。各人登山。混砍。致起釁端。乃汪福生怒胡一九砍近已界。擲石打中胡一九。因而余貴遂同一九上山。與福生互毆。彼時一九身負重傷。抬至福生家內。俱各投明保長。

海陽紀畧

卷下

七四

項惟穎驗明不意。負重傷之一九。幸獲無恙。而福生殞命于次晨矣。隨據屍兄汪春生控縣。卑職即帶件作親臨屍所相驗。額角太陽眼胞腮肢腰。俱有拳掌傷痕。脊背有木傷痕。業今詳報。憲臺轉報在案。奉憲批。審起釁緣由。有無謀故實情。卑職因七月奉取入關。于九月十七日回縣。遵即拘集各犯。當堂研訊。據原告于証。余秋供稱。當日只見余貴與福生相毆。旺保余元在傍。并未動手。隨鞠余貴供稱。只打得福生一掌。及加刑訊。始供倉皇互毆。實不記打傷在何

處。從來人命以傷証為憑。余秋在場親見。只有余貴與福生互打。則証確矣。檢驗致命傷瘡。歷歷有據。則傷確矣。依律環抵實難展辨。胡一九雖為首禍之人。實因自負重傷。未曾助毆。應餘人律杖。旺保余元。既當場見毆。不行勸阻。亦有應得之罪。總因村愚。以爭柴薪小故。憤身挺鬪。釁端起于一時。原非有深讐積怨。故殺謀殺。誠所謂情則可矜。法難寬貸者也。緣奉批審招解事理。卑職未敢擅便。理合具招連人申解。

海陽紀畧

卷下

七五

前章立狀式。或人命或鬪毆註書類。只用二字不論。告訴俱于原被名下。自填有警無警。則好究無所容。詎而聽斷。瞭然矣。是案只以無警定之。可謂片言折獄。汪憲案滄識。

江桂生殺死程氏命案

審得江桂生之殺程氏也。素無仇怨。慘毒至此。駭人聽聞。寧不疑有別故。孰知其為借債不遂而起。克心也。早職于舊年十二月二十九日。據報即日單騎親驗。從除夜齋沐。勝告城隍。務求情罪允協。生死無憾。開印後。吊齊各犯。連日隔別研訊。據程氏之女寶弟供稱。是日清晨。聞母開門。少刻。聞母聲叫不好了。隨即穿衣換鞋。出房。見江桂生正出其母房門。女詰何因而來。桂生以向母借貸為辭。頃聞前門有人敲門。桂生隨出後門而去。女往前廳開門。見母被殺于前廳之上。當即喊叫桂生殺人。及房姪戴黑。同地隣等聞而奔視。見程氏屍頸之上。尚有熱氣。冒出猶云可救。及聞喉管已斷。而冒出之氣。乃腹中之餘氣也。則程氏被殺未久明矣。將以劫殺擬之。則此時紅日已高。數丈。固非行劫之時。前後人烟稠密。亦非行劫之地。一人獨入。又無行劫之黨。則桂生非因行劫而殺程氏也。明矣。若謂因姦而殺。則經親驗。程氏身上下衣皆穿着聯絡。未有綻裂。又年已六旬。訪其平日

海陽紀畧

卷下

七

桂實悍潑。雖親夫不為之少假。然實無滿行可指也。又與其女母房相隔。程女亦端然閨秀。則非姦殺。又明矣。又查訊桂生行兇之斧。則借自木匠江國順。訊問國順。則供稱桂生于十二月二十六日早。來借斧修屋。以桂生居在北鄰。又冬間不出做活。遂假之。不疑。後因連日往屯溪。不暇索取。實不疑其借斧以殺人也。即桂生亦供念九日。送斧還國順。見其鑰戶。遂携斧往程氏家中借貸。因程氏允借于半月之前。而堅部于年終將盡之候。債戶荒勉。無可解釋。一時遷怒。舉斧行兇。以致程氏頭顱迸裂。登時殞命。是實據此。則桂生罪當抵償。似可母容查詰者也。但人命重情。有謀殺故殺之分。今桂生將斧柄截斷。不無似有謀殺之意。不得不細加推究。據桂生供稱斧柄果係清來修屋。擣門前石塊。擣斷實非有心截斷。去殺程氏。雖難據信。揆諸情理。程氏母女獨居一室。若桂生欲斷斧柄而欲藏之于身。以殺程氏者。必利其所有。何不殺于昏夜。而取其資安有殺于清晨。而難隱其跡。此誠出于憤怒之頃。計無復之相激而下。此尋常

海陽紀畧

卷下

七

也。早職業經查出桂生所洗之血衣及行克之始末。桂生皆已承認無辨。豈獨于此斧柄屢受重刑而堅供不認耶。似非謀殺明矣。今擬以故殺之律一命一抵實。爲不枉。擬合具招連人解赴憲臺親訊。轉詳定奪施行。

無頭疑獄非細心精察到十二分未有不毫釐差之者。今母女獨居而克自外入非盜必姦矣。然擒克于村中朝起沐面之人又不獲克器于兇人之手。情事不無疑。枉乃單騎細勘數四絕無影踪。復

海陽紀畧

卷下

七

命少尹默搜始得洗過血跡手巾一條。又禱于關壯繆有水到渠成之籤。已知暗射江姓矣。手巾露天血影。透出黑夜之間。程氏因而魂現。冤頭債主。益知難掩。然不知屍傍之斧從何人來。則鞠及鄰右乃得江國順矣。鞠國順而順懼株連不肯招承。借斧則又徧搜鄰近之斧。概暴其柄錯雜于廷。將國順之徒細認而所認一斧適爲國順家。新搜之一斧及尸傍斷柄之斧矣。即此已不慮枉而猶且滅人暗室聽桂生之妻之母之岳母三婦交怨。然

心之詞猶且細探戴女口供情狀如此。虛公因雖死不復言寬噫。夫子門間急高之以觀駟馮之入。汪灝紫滄識。

海陽紀畧

卷下

七

婺源縣通詳俞龍等毆官殺役案

審得婺源縣賈令通詳俞龍等殺役毆官一案奉

督兩院批行 憲臺茲蒙 憲臺傳委卑職遵即拘

集一千有名犯証帶同官量畫手單騎到婺源縣王

俞二姓山場查勘緣王采與俞龍等山界毗連于本

年六月間狂風折到樹木一根于交界之上查王采

祖山全業在果字號風折之樹在己字號內被俞龍

等人強行搶折兩家爭界爭樹互相口角故致訐告

先是賈令業批七月十二日候勘兩造人犯在山伺

候至期賈令未出又改十三日各犯尚未聞知及賈

令將到山場而人犯一名不到或在田車水或他往

營生原差蘧春懼罪即同幫差田兆將干証李文先

鎖任文先妻子情急與原差爭辨原差遂以激變毆

差轉稟賈令賈令因怒不到山只到沙城俞家令拿

毆差之人村中婦女驚怕鳴鑼喊叫賈令隨即上船

而岸上童婦拋石嚷罵原差者情或有之並未有人

敢得罪賈令也而賈令不知以為俞姓之人群聚聚

橫至此法紀何存官長其能堪乎所以通詳各 憲

海陽紀畧

卷下

一

實以綱紀之體當正而頑民之縱肆所當懲也今細

查實非俞龍等村民敢于刀橫實皆老幼童婦出于

無知容有可恕但家人有過罪在夫男其俞龍四人

不應不遵候勘致生事端均予一杖夫復何辭其俞

龍等四人並証犯李文先等應否宥釋思出 憲臺

至縣差蘧春之供實有毆情與李文先俞龍等之絕

無毆打偏詞皆難盡信卑職遵奉 憲臺隨路密訪

備悉情節無敢偏私狗隱今審擬罪名外其山相應

照號定奪王俞二姓各管各業樹料照分斷給以息

分爭可也卑職未敢擅便伏候 憲臺覆覈轉詳施

行

海陽紀畧

卷下

一

同官為寮稍有瞻狗俞氏身家立為蕪粉矣非義

無以成仁信夫 儲欣識

案不茹剛不吐卓哉夫子 汪灝紫滄識


姚氏損子爭產案

審得婦人之義夫死從子從未有子有孫之婦而獨居獨爨者也從未有子有孫之婦而與子孫爭產分財者也今翁阿姚年及古稀有子應興已經告逐有孫天壁已斥異居此豈人情乎昔有問虎狼仁否曰虎狼知愛其子何為不仁以此觀之阿姚之暴惡過於虎狼遠矣近者阿姚病亟其子若孫謀及棺衾之費計無所出將前與汪姓之屋改賣李姓餘價百金以二十金為阿姚備後事其子若孫各分四十海陽紀畧 卷下

金以為生活資本此情理之至當也詎阿姚欲賺入手不肯畫押計必欲盡吞其銀而後已本縣深以為怪夫使稍有良心者一見應興垢容敝衣朝不及夕之狀亦必少動惻惻况其骨肉同體之親乎此必其母族之中有敗類奸猾利其所有唆聲播弄致增狂惑墮其彀中也正爾密行查拿而姚某等以擒打應典被告適在審斷屋價之時而姚某混入偵探緝出嚴訊業具首服特行重責以為棍惡離間親屬骨肉害良吞業之戒昔武三思教武氏毒害唐室子孫立

已為後今姚某噉翁阿姚離異子孫而思盡食翁之家業雖事之大小不同而奸謀詭計固同出一轍者也立案

以母告子似為理順不細心體察則枉及無辜觀此益知聽訟之難 汪顯紫滄識



李彩控張為錦佔葬墳

出案

卷之六

早職看得民間產業契稅為憑

主今生員李彩張為錦為深泥培墳山互相訐告

職單騎勘驗二墳俱葬在山上為李墳下之偏石隔

李墳拜臺一丈零二尺有餘者為張墳張買在後李

買在先先買者豈有預估後買之業此歷經審勘並

憲臺斷令張舉之說似乎允協而張生抵死不甘計

訟無已者以從前之勘驗不過就山形為斷案而未

摘出兩造之弊以塞兩造之口以破兩造之奸致令

海陽紀畧

卷下

全四

兩造真情隱匿虛詞互爭此案之不結實由是也早

職慎重 憲委細心查究請就其中弊竇詳悉為

憲臺陳之據李彩云祁邑山例無稅故買山以葬墳

地以護山寒字九十七號地稅三釐九十八號地稅

一分四釐寄在鄭萬富戶納糧現有鄭亮之立有領

約等語查經理糧冊九十七號計地六十步內蔣肇

茂四十四步汪惟善十五步黃大茂一步如此算來

鄭戶竟無寸步而李彩之稅又何由依附于鄭而寄

之邪又九十八號通號共計高地一百九十四步共

計稅四分八厘五毫順治年間清丈倉業內汪姓八

十五步薄姓九十二步盛姓十二步鄭姓只一步如

此算來則李彩所云上手許文毅因事往外順治年

間清丈稅具鄭戶之語抑又謬矣尤可異者民間買

賣契內必寫明某字號山稅若干地稅若干步數若

千四至至某處為界以杜爭端此通例也今查李彩

兩契只寫寒字九十七九十八兩號山地一塊其地

四至原有石界等語又訊其授受來歷李買之汪錫

汪錫買之許文毅契尾皆註有上手老契俱已繳附

海陽紀畧

卷下

全五

今李彩只出汪許二契而許文毅上手更有老契二

紙不肯交出覆訊原賣汪許二家咸稱老契盡付與

李契上原註明白而李彩藏匿此契則其中步稅大

有欺心之處不然何難付出一驗而立刻可服張之

心令其起釐也耶且卑職登山踏勘李張二墳之外

其上者為李墳石界端然不必說矣左右界石現在

張墳頂上獨跌南向界石此南界即緊接張墳也而

其下又有山之石嘴兩相對峙不比浮石可以那移

若果此山全是李業當日契內即註明上有石界

石山嘴對峙。爲界天然。界至登寫明白。張雖有偷
天手段。不能移山而奪人之業。此李彩買業。朦混之
弊。于何尤。雖然。未可專咎李彩也。張爲錦。亦大有
弊焉。據張爲錦稱。李彩買的是地。不是山。契上註明
山地一塊。又註其地。匹至字樣。明明是地。安得混爭
爲山。不知李葬在上。張葬在下。豈有上者爲地。下者
反爲山之理。其契中載山地一塊。并其地四至者。是
言山上之地。不得摘一地字。而誣李彩捏地爲山也。
又據張稱。康熙二十四年。買鄭明德汪天翼。寒字九
海陽紀畧 卷下 八
十八號。查李彩送閱府存舊冊。此號註明汪惟善鄭
萬富盛富三姓公業。共高地一百九十四步。未經分
註各名下。稅私若干。據和合開送公正底冊。汪姓八
十五步。鄭姓一步。蔣姓九十二步。共合一百七十八
步。此冊所載之步數。其在汪在鄭者。俱轉賣于張。而
冊註蔣姓之業。據爲錦供稱。俱賣于鄭。而鄭盡賣于
張。惟餘盛富一十六步。如此算來。除盛富十六步之
外。則業盡爲張。有而李彩前買汪錫之地。又豈毫無
寸土。而別有一地。爲李之所買耶。此張之破綻。顯然

可議。而又不能專歸罪于李也。然則張李之案。遂
無以結之耶。甲職平心理斷。若以此山歸之于李。則
許文毅原買上手之老契。李彩堅匿不吐。此中情弊
不問而知。若將此地照冊歸張。則李彩買業在先。豈
有無因謀估之理。總因李之賣主汪錫。以少賣多以
致契之稅不行。註明而顯然之山嘴對峙。不寫爲一
定之界。此賣主之罪。昭彰無疑。汪錫雖死。其子汪伴
備合予一杖。以爲賣業不清之戒。張之賣主汪天翼
既指業賣業。授受分明。獨可憾者。鄭明魁即亮之前
海陽紀畧 卷下 七
爲李彩買地居間。又爲李彩立約收稅。後又得價賣
張契稅。雖然。照冊可據。而亦不註明步稅。以起弊端。
此罪之魁也。亮之雖死。其弟鄭明德合予一杖。以爲
生業者之警。賣主之罪案既定。則張生之墳。原非盜
葬。難以斷舉。但李墳石脇。難容張墳高築石砌。以爲
李墳之障。斷令張爲錦稍平石砌。則張亦當俯首。而
李不得再生訟端。至于或稱山。或稱地。或稱祠山無
稅者。甲職踏勘歸來。沿途細訊。祠之荒山。寬不納稅
者有之。若開墳管業。從無無稅之理。今李彩以祠山

無稅為詞。則李彩已自踰有業不稅之條。而又何敢
向人爭地。即若九十七八兩號之地。早職看其形勢。
盡皆山也。高頂來龍者。以為山地之屏障。開墳結穴
者。為山上之佳城。即下而至低至平者。亦山之脚。但
山之高者。冊註為高地。山之低者。冊註為平地。而造
之爭。山爭地。皆葛藤自生。早職并為聲明。以備
臺之斧斷云。

兩生欺蔽直窮到底而坐罪于賣業生彙之人可

見獄必有歸。特患聽訟者未必細心體察耳。儲欣識

海陽紀畧

卷下

詰得無辭可對。生人良心真如閻羅包老。汪瀨紫滄識

孫璋等控程兆純佔墳山案

看得孫璋孫浣程瑁等之互相許告也。緣程兆純之
父欠程子謙銀一千四百兩。經族眾調處。以其屋業
二所抵還欠數之半。契載五年之外。不許回贖。其一
兆純歷與子謙租住。其一父子謙營業已久。本屋之
後存有張墳。張墳之傍。周圍四尺。磚砌高牆。程瑁稱
為明季祖妣夏氏單棺。在是。兆純指為孫始祖勳臣
孫萬登合葬之墓。在是。為孫為程。早職固不得而知。
但據形而觀。地僅四尺。似不可以容二棺也。嗣查孫

海陽紀畧

卷下

全九

氏族譜載萬登公葬于唐田石佛石小澗之西。今湮
沒不可及。是譜也。記自前代尚稱為不可攷。延至今
日。又何從而攷之乎。總因孫氏旺族。孝子慈孫。急于
尋覓祖墓。而真能得其墓之所在。兆純奸民。陰窺其
意。遂造煽惑之說。以為謀利之計。孫宦等復祖情切。
墜其術中。斂金交易。及一聞官。而兆純鬼脫無蹤。其
情不顯。然可見哉。况兆純父欠程子謙銀一千四百
兩。而二屋僅償其契之半。不自捫心。而重契售孫。實
千金之價。若兆純者。真小人之尤也。且孫程二姓。亦

冠巨族。世代姻聯。孫之始祖。即程之外祖。苟有指實。程焉得而欺心。若執兆純之言。而斷為孫墳定案。將冷海桑田。數百年以上之疑案。皆可決之。兆純之口。此一宗也。不獨卑職難為懸斷。即孫之族譜。已先疑之。即孫之孝子賢孫。尊祖敬宗者。諒共疑之。卑職承乏休也。日以息訟寧民為心。不意紳士四民之望。聽奸究疑團聚訟。相應嚴緝兆純。到案畫法以處。追價清結。以息爭端。立案。

真斬釘截鐵筆筆老吏 儲欣識

海陽紀畧

卷下

本

程鳴臯控王伯壽悔婚案

看得婚姻乃人倫之首。古禮所重。媒聘間或從簡。亦必兩相情願。未有如鳴臯之恃強智挾也。鳴臯之妻。與王伯壽之妻。同堂姊妹。皆係積邑汪門之女。先年伯壽之妻汪氏。携長女五弟往隆阜觀劇。路過鳴臯之門。鳴臯款接家中。見王女年已及笄。欲得為媳。隨詐其母先歸。而留甥女過宿。遂將長子程自觀。硬為婚配。及王伯壽夫婦知而理論。破壁已難歸趙矣。親鄰從中調勸。伯壽自分已墮術中。姑為含忍。勉強就之。故結親雖有七年。足跡絕不往來。今鳴臯窺其次女。復逞故智。欲奪為媳。乃假造庚帖。買囑同居王公。王祖証捏稱憑媒。公王曾送聘禮。定為次媳。伯壽悔婚重嫁。証賣憲臺。蒙批查審。遵即喚齊各犯。并吊王伯壽長女五弟到案。細加研鞫。長女五弟附和翁家。供稱曾送戒指四對。獨劍一對。各計重若干。及訊王公王。并鳴臯長子。各供送銀十二兩。並無首飾。情詞矛盾。虛誕可知。再訊長女五弟結親之後。曾否歸寧。則供七年並未見父母之面。由此推之。則從前接

海陽紀畧

卷下

本

婚成。恐不相往來。安有復以次女許配之理。乃誣之情。顯然易見。姑念鳴皋年邁。薄責其子。并懲王公。王以爲理訟之戒。其次女仍斷洪姓完娶可也。

鬼魅伎倆。非呂皇方鏡。安能不致遁形。汪灝紫滄識

汪氏審語

審得戴阿程年過半百。夫子俱亡。煢煢一老婦。豈不思守孀媳。而撫孤孫。朝夕相依。爲命哉。乃汪氏不惟不知孝養勤勞。而且屢肆剛悍恣橫。時勃谿於家室。每蕩費其貲囊。制之不能戒之。不聽程氏之苦。亦云亟矣。甚至舉火焚廬。以赫之。移書傭奴。以斥之。指姑爲奸婦。名姑爲寬嫂。筆蹟現存。寧辭辯乎。按律。妻妾罵夫之父母者。絞。汪氏依律。罪應絞也。姑念婦女無知。且從寬擬。然汪氏律身不正。大有玷闕。按寡婦之

禮。宜垢面毀形。脫珥去飾。乃汪氏常施朱而傅粉。每駕言以出遊。七月而出。半載無踪。豈非欲赴上宮之期。遂至不顧寄親之笑乎。豈夜哭尚恐貽譏。乃晝奔無妨。縱樂乎。尊有姑而不乘。愛有子而不隨。左孽其兄小夏。右挾其姪天受。洗洋自適。抵于漢口。及乎尋獲。春戀不歸。非其私夫。寧爲通主。槩可知矣。中冓之羞。其可道哉。戴阿程始恐家醜。隱忍不欲外揚。繼知穢德昭彰。誠難掩覆。所以有湣奔敗行之控。亦勢之不得已也。本縣研鞠。一一具得其實。據戴阿程屢述。

堅請鈞斷斥嫁。而親房戴文龍、族長戴思旭等，復協請斷聽改嫁。乃汪氏聽棍狡計，假意截髮不從，真圖復歸。豈欲盡傾戴孤之產，以賣淫而後已乎。本縣本以節義訓俗為心，汪氏子女俱已成立，豈有不為少存姑息，但獲罪于姑，勢不可追，奉姑命而全夫嗣，亦千里不唾井之義也。若以被出為辱，則孔門業有出母之條，倘欲為夫家諱惡，乃出母之子，尚不愧為大賢，倘欲為女家文過，乃去婦之族，原未失為名門，而何有于汪氏。汪氏改嫁為幸，乃不嫁乎。古人云：不嫁則不嫁，而嫁過畢矣。以此言之，不如早嫁之為愈也。按婦人得罪于夫，有七出之條，若與之共事父母，父母在日，並無不孝之失，曾與其持三年之喪者，不得而出之。又婦人善事其夫，獨不得翁姑者，則出之。以此知婦人當以孝事翁姑為主，翁姑欲出之，雖賢不免。况汪氏乎。今即汪氏出奔一節，上則得罪于翁姑，次則得罪于其夫，又次則得罪于其族，又次則辱及其父，又次則辱及其子女。汪氏尚不自反乎。聞當汪氏拿獲之日，道過其鄉，婦女各執木棍爭欲擊之。

海陽紀畧

卷下

李四

比婦稱有人心不當殺

海陽紀畧

卷下

九五

不許登岸，以其污辱宗族，竟為諸鄉指笑。似此汪氏，雖欲不嫁，尚安歸乎。七子之母不安其室，所以厥凱風而致嘆也。哀哀汪氏，自作不靖，咎將誰執。引經據典，悉有至理，唯令阿程心平，非待阿汪過。

劉儲欣識

王龍告高鄉老

審得王龍向在高鄉若甲下道其魚肉非一日矣王龍祖遺地屋業契畧被竊鄉若乃執絕戶王宗與當契一紙稱宗與先年將承祖四股之一地基出當于高名下乘王龍改造披屋指其佔地勒寫租批以為索作張本近因王龍屋外隙地出租余姓厝棺鄉若即抬二棺夾于余厝左右王龍不敢與較隨將余棺移厝草舍之內鄉若復將二棺抬塞王龍門首時強嚇詐致王龍舊冬情急稟求押移鄉若遂以同業

卷下

左六

空賣控抵不思業乃王業即使王宗與當契果其亦止當得四股之一其段落分在東南王龍屋在西北余厝亦在西北與宗與該股之地判爾懸殊查驗當契並無四至而稅畧乃為自填筆蹟兩樣情弊顯然乃欲執此一股當契而佔王龍全業其妄誕不已極乎且契載當價不過四兩五錢顧以二十四金請託其吞併鄉愚之心不問而可知矣除照契斷還當價永絕覬覦外仍將高鄉若枷責示儆其請託之銀一半投入義櫃掩埋枯骨一半罰修義倉貯存積穀以

為大膽賄托者之戒立案

請託上聞例必加俸一級今既剖冰心更有厚道不忍置行賄者于法也此段存心罕有其匹

涵齋

卷下

左七

監生俞所學告余象九盜莖看語

看得監生俞所學祖墳一案。土名太平田。上者為山。俞生祖墳在焉。山脚有田。係余象九等之業。因俞生。望若外省。余姓日侵月削。致田多溢餘。而俞生山地。日蝕。乃象九等復盜莖一穴于俞生地上。俞生歸。具控到縣。隨委軍衙勘驗。被估果真。象九等情。虧逃不赴。致生奔控。憲臺蒙批查審。遵即單騎往勘。令官量手照清丈册。載余姓田地四百八十步。今象九之田。現有五百二十五步。零則溢餘之步。教顯為海陽紀畧 卷下 九六

象九等所侵。况浸引而越。佔其山。手夫山與田地。毗連。高低迥別。余象九等公然盜莖。按律當科。以杖念屬鄉愚。斷舉還地。從寬有釋。 備欣識

孫君宜汪新控爭墳山看語

審看得孫君宜與汪新控爭墳山一案。緣汪新之父。于崇禎十年。買程錫程冬山地。土名平阜。圩計地。十一步。鱗册。係乙字三千七百三十號。其地有坐向界至甚明。已經開造生塋。歷有年矣。舊年孫君宜買姚爾成三千七百三十二號之低田。越佔汪新三千七百三十號之高地。既查慮有告發。職三十號地上。附近有汪顯亮古墓。勾出汪廉臣認為顯亮看墳之支丁。謂君宜侵莖。詭令寫立限約。每年納租三錢。俟大利之年。移還意在安頓。此着使汪新不能謂其侵佔。及汪新控縣。君宜捏以買姚姓三十二號田。內有歛邑程姓厝棺之地。今已移去。即在舊穴莖墳。查訊。程厝仍在原地。並未移去。君宜自知其誑。計無所出。旋印改口買姚地。亦係三十號。復賄串。正程世合。詭名程兩受。幫祖以汪新所買之地。按四至該在乙字三千七百二十九號。狡稱當日新父賄囑上手。正册。役冒食為三十號。但買業。食稅。悉照舊食。給新食。即從前。正受賄。獎食。亦係程兩受之父。

海陽紀畧

卷下

九六

祖僉業之時兩受尙未生又何從而知當日是賄耶
 查二十九號又隔一路乃坐南向北之地南至有新
 挖泥巖以此欲符汪新契內之北至松株心殊不知
 汪新印契僉票字號與坐向界至登載甚明即係三
 十號坐東向西之地也君宜兩受雖有偷天之術安
 能移易其坐向界至耶計愈巧而情愈遁程兩受真
 苗正中之大蠹者孫君宜既買有三十號之地當日
 何至侵及汪顯亮之墳詐立起移之議况汪新之地
 與汪顯亮古墳毗連皆在三十號內是君宜侵汪顯
 亮之墳則知汪新之地俱被孫佔無餘矣查麟册三
 十號之地姚姓並無分毫僉業又無憑據出驗姚爾
 成豈得以三十二號之田而冒三十號之賣主也耶
 此案已經卑職歷審明確君宜不自悔罪乃敢誑詞
 箝控憲臺卑職愈訊愈真照律決杖起打夫復何
 辭苗正程兩受受賄附和姚爾成混冒業主各等重
 杖不枉
 心細如髮案定如山自可令物無遁形民稱不枉
 備狀

海陽紀畧

卷下

五

勘審張綬張德泓等墳山看語

看得張綬等之控張德泓也為因祖墳被葬歷經
 拮抗不服斷卑職恭領憲命親詣張墳直陟山巔窺
 其起伏竟驗得此山龍從左發羊龍落脈直起轉
 頭西龍入于自左而右橫龍中結為張之祖墳山
 寅向而德泓直從巒頭氣聚之所毀去禁碑以庚山
 甲向跨祖葬脈共此數丈山內雖微左右而祖墳若
 下德泓侵葬在上以孫跨祖已為犯分別明七傷脈
 越百丈亦當斷其起遷况相離咫尺而敢葬為孽
 院者乎夫以通族祖地傳之子孫禁墨禁石遍勒在
 山德泓公然侵佔是徒知有己之父而不知有父之
 祖徒知避吉穴以為己之子孫不知傷祖脈以害通
 族之子姓天理冒昧安問地理亟新起舉以全張族
 祖墳
 是案久爭不決未太尊命狀請勘勘不服又命單
 二公仍不服乃委 夫子 夫子躬詣爭所持羅
 盤按形審脈當山鳴破斷其起舉且曰正脈既落
 截其上旁深葬尚可無害若遷地所葬定在淺土

海陽紀畧

卷下

五

德泓父子拈香公庭以謝不但賴神斷案記以全

併食吉壤者亦服 夫子具眼 汪激識

汪楊命案審語

看得此案原為爭風水而起也邑之西鄉地名社屋
嶺汪崇本等聚族而居逼近村側有山一塊向為汪
楊公業未經并葬緣汪之族于汪肇貞新行卜葬而
楊元亦以其父葬於山脚乃汪本等以為傷其住
居龍脉互控 憲臺蒙 憲臺審明糾縣卑職因縣
務叢冗轉委單縣丞遵照 憲斷登山清理既奉
憲委兩造人犯理應齊集靜聽官長處分不謂縣丞
到山只有楊元楊助等跟隨前往而汪崇本等各屬

卷下

一百四

鎖門戶村居之內竄無一人其叢集在山者只汪
姓老少婦女並無男犯一名夫縣丞亦地方一官耳
奉委而行男犯不出而以婦女抵抗此何意也縣丞
登山委曲開導諭令汪姓之婦着喚男子出見無何
婦女一喧山頭之兇暴無知執挺而出監生楊助祖
遍體傷重幾遭殞命縣丞力不能制隨即下山而汪
姓即以打死僕婦具控矣夫楊元姓孱弱書生去
則隨官而行歸則隨官而返一行一止官役共見况
兼助祖遭毆抱頭鼠鼠自救不暇而乃誣以毆殺僕

婦有是理乎按楊之父柩下葬已久楊之山業經
憲斷明隨官清界志在安墳而未嘗志在打降潘氏
之死固明明自知官斷難抗而借此以甘心於楊也
獨是人命重業必以証佐為主卑職遵奉 憲批最
集兩造証佐細加嚴鞠楊之干証只證助祖被
歐餘不知也汪之干証僉供未經在山目覩只潘氏
死後始投各證登山看驗伏告人命不取於在場目
睹之人証而以死後投驗之人為証個中虛誑顯然
可見卑職慎重命案只得於案外密拿已故潘氏十

卷下

一百四

鄰訊問緣由而汪氏慎露真情即以官差擾民上
控蒙 憲臺電容發縣并審卑職細思人命闕天倘
承識不確是死者之冤未伸而生者之冤復起展
轉推求未得確據訪有屍子程仲信久經出外密拿
屍媳仲信嫂據供潘氏未死之時曾與媳言汪家許
我酒食許我棺衾叫我往候官到扯住官轎即此數語死
者之口活活可據且汪氏又使人恐嚇屍媳不令到
官等語供明在案茲十月二十六日又經屍子程仲
信自外籍趕回投詞求究引誘登山致死情由卑職

訊得此供復吊各犯嚴加刑鞠而汪崇本日雖狡
屍于屍媳供吐鑿七圖賴之罪將安逃之矧縣丞到
山之時老少婦女羅列滿山若果楊姓行兇豈不
其止丁而偏毆一年老僕婦乎且汪崇本住居社屋
嶺潘氏住林家塢各村各屋路隔五里潘氏年老
病有何閔切而匍匐至山乎且楊子展兩目近視兩
脚瘋腫據訊在山衙役俱供未經登山天下有殘疾
瘋脚之人而敢與群兇打降揮拳殺人者乎不但此
也卑職初訊之時汪姓供稱潘氏六十三歲今屍子
海陽紀畧 卷下 二五五
到案供潘氏年七十八歲似此則潘氏龍鍾老婦明
屬汪姓借此故殺誣人愈無疑矣按律故殺奴婢圖
賴人者杖徒其已告官者應照誣告律擬杖徒汪姓
山野愚氓只知爭墳角勝不知身罹 國法一至于
此而楊元為因爭地壘父兄弟叔姪致深汪氏怨毒
無端拾尤構此大難不亦可為惑于風水者戒乎訊
同壘之汪肇貞現經起打死骨半為殮食楊元亦人
之子何獨甘心以其父骸供夜臺白蟻之腹也諭令
另壘以解兩造深仇此又卑職平情之論也至于汪

公詞出首楊姓行賄一節銀票註明磚瓦字樣訊查楊聞正等于未事之前七月間已先與公調交易又有汪元恒親筆花押卑職脩錄口供併將銀票解呈憲電可瞭然矣更申明者此案因憲臺奉院憲牌委勘荒憲駕公出莫由審解例應扣限三十一日統祈轉詳合併聲明其詞中汪肇貞汪肇正汪宗運訊未經到山相應省釋伏候憲裁

竊起墓墳至于條成命案層々迭勘

聲儲欣識

海陽紀畧

卷下

頁



〔清〕王廷燦撰

似齋詩存六卷

清刻本

在天為日星在地為河嶽在人為忠孝李杜文章
光燄萬丈豈有他哉余每見名門華冑浮采眩躬
忠信失內才非不美學非不瞻君子曰是枯桐之
爨下不靈是蒲柳之望秋而落心竊痛焉吾再姪
孝先為小阮備五豕嗣趨庭必恭承家日勵以讀
書事親之志發為五七言數載之間浸淫成帙觀
其侍鞅掌則有詩懷家園則有詩憶弟妹親故則
有詩無非以致其纏綿悱惻敦厚和平之極旨而
後已異日致君澤民黼黻

序

皇路早於是編卜之若徒取行間珠玉字裡風雲
擬之於漢魏譽之以三唐是將降日星河嶽而下
同燭火之光矣不猶有蓬之心也夫

約園貞題於武林邸舍

似齊詩存卷一

錢塘 王廷燦 似齊

古體詩

讀史

宛下誅新檄山東討卓文鏜鏜振鐘鼓惜莫今傳聞文
夫事著述際會須風雲區區詩與賦雅俗何足分豈期
陳記室竟同吳質羣南陽答三顧兩表凌秋冥

邯鄲才人嫁為廝養卒婦

落花下迴風沾泥不上樹布疋歸敲池入手不還素道
旁憔悴裙釵釧自數舊事邯鄲身邯鄲宮人顏色好嬌
小不勝花月春那知干戈起秦塞宮殿為烽一人在人

似齊詩存

卷一

生一死何易言倉卒輕身入此門賣珠脫珥日不足機
杼勤催睡難熟嗟嗟當時何愛惜匙舉無力嗔花碧罷
調鸚鵡紗牕隔鞋繡共爭新樣窄而今井臼呼咤多燕
子不來花信過聞道君王猶萬福依然燈炬列笙歌妾
欲往從君憶取嬌啼增却恩幾許夢中忽與枕相語此
身已婦再難女

擬古

相思復相思遊子在遠道天涯萬餘里舉首共青冥乘
檣阻危巒駕舟隔長島身生雙羽翰羨彼雲中鳥空房
坐向夕寒暑忽已易去年草復青去年愁未息獨宿守
長夜妾恨無終極皎日倘迴照孤懷君所悉

孤竹何冉冉乃在漢水涯上有雙鴛鴦和鳴自啾啾與君爲夫婦本期若兔絲兔絲結不開君恩中道移采彼蕙蘭花惆悵隔川陂安能生六翮臨風相追隨君亮執高節不及日月輝妾顏雖已衰曷念榮盛時

庭中何所有鬱鬱青琅玕春葩速陽和芬芳若可餐采置懷袖間思以遺所歡良知此物薄但感逾歲寒

門有車馬客遺我蜀中綺中間比自魚兩頭繡連理文綵何陸離縮絲不可解顛倒懷袖間鬢見遊子感激遊子情欲報卒何以裁縫成衣裳著錦長附裏

皎皎明月光照我機絲處十日不成縑五日不成素兩鬢如飛蓬展轉悲獨寤登樓望遠人羅衣怯風露樓前似齋詩存 卷一 二

臨狹邪是君去時路有車何粼粼疑是生平故適見長庚低又見啓明度冉冉更歲年佇立涕如雨

黃雲暗孤城離人泣路歧征馬徘徊鳴牽衣前致辭遠從萬里役再遇渺難期明月有時虧妾心終不移願君執高節無忘分手時

黃金臺

君子重名節寵利非所謀胡爲騏驎姿而以黃金投國家寶惟賢千里赴所求我來弔遺跡平土蒼然秋低徊日已暮仰見黃雲流

劉司戶祠

有唐至中葉閣宦日縱橫劉君草莽士對策杼不平舍

毫風雨至落筆鬼神驚主者不敢收棄擲如目暝身雖遭棄逐名實增光榮時代已數易廟貌凜猶生當年上第者竟與蟬蛸并乃知得失間千古有定評

督亢陂

女爲悅已容士爲知己死成敗詎由人所重不在此慶卿西入秦手持督亢紙雪仇用盜術徒爲千古訾不知高陽生此心良有以燕秦不兩立殺身報太子子房博浪椎庶幾此蒿矢英爽今不磨寒風吹易水

嬰白臧孤處

內丘南十五里

嘗觀趙世家翻欲疑左氏但傳韓厥言不載嬰白死嗟嗟趙止列國諸侯卿乃能得士報禮情各遂一死踐初似齋詩存 卷一 三

諾竟保孤兒敢令名事有事無漫爭執司馬筆端生氣集內丘道上感行人猶傳此地孤兒泣兒莫泣兮使人知刺子血兮兒乳之

謁端木夫子祠

大賢不世出後世榮其鄉天令子孫多共沾俎豆香誦讀考公旦山川被文章于斯獲瞻拜勿負千里裝廡廊無雜儀道尊絕社觴列爵踰子男論功類辟疆撫躬慙末由進趨怯容光未入聖人室先瞻夫子牆私淑竊有願泗水千秋長

太行

勢尊不受束萬山趨拱揖風來如海濤馬忽作人立茅

茨依短嶂不識何樵汲道旁見小兒蝟簷飾蜺蛤物用
罕爲貴千里莫相及黃河一線微弗復見呼吸據險氣
有餘視遠影恒戢北獄名久虛玉帛疑此輯

嵇侍中墓湯陰南十里

坏土春草青衝塵下馬拜宮碑題侍中千古官爵在徘徊
更慨然父子與亂會伍員簫莫吹王褒詩可廢一死
纔得半湯陰爲公敗明哲嚴先後忠孝分等殺非從死
者皆留碑仕者戒將來有山公慎矣無後悔

雜詩

我誦游仙什緬思郭景純至誠能前知何以殺其身危
言以速禍君子慎所固

似齋詩存

卷一

四

桃李花灼灼遊客多過從春光一朝盡憔悴泣西風相
與保歲寒何如山上松

騏驥處轅下日與駑駘伍稻梁豈可甘箠笞不爲苦舉
世無伯樂昂首淚如雨

長卿不慕色文君豈無偶文君不私奔長卿豈無婦少
年失志意好合詎能久寧待綠衣入方知悲白首寄語
後來人微軀敬自守

短歌二十首

滄海成田黃金難就昨日朱顏今朝白首
恭儉美德而我無之貧恥鄙吝賤羞卑辭
人心萬端不同如面妍媸易別翻覆難見

桃李不言成谿可望蘭托幽谷獨處生芳
遊行嶽瀆志在天下十載歸來求田問舍

色不同貌草不同芬合德異尚而况蕝蕞

執德彌節魚釜不熟治生圖官高車駟鐵

力田恒饑爲善賈笑閉門刺繡甘負年少

天下多故宜用英雄筐篚小智難與圖功

蒼鷹化鳩人憎其眼狐假虎威自顧無報

抉刃工劫識字善詐世運如此天道假借

錢神有靈石崇何死寄語世人禍來神昧

柝薪莫多薪多難荷施恩莫大恩大殺我

王愛腰細減食饑死王愛腰大果腹當破

似齋詩存

卷一

五

王命圖形乃得傳說使夢仲尼陽貨則悅

嫂笑季子妻棄買臣骨肉如此而况他人

滑稽巧詐時號智囊同流合汚國頌賢良

瑜不掩瑕未嘗非寶珉縱類玉辨之宜早

悠悠世人熟識其真相馬嫌瘦相士嫌貧

水則有潯山則有岑以遊以泳慰此素心

巫山高

巫山何以高雲雨增其勢神女何失身楚襄得爲堦解
佩聊自娛乘鸞閱人世嗟彼楚國君人民同一寐託身
誠所難擇主良非細草草爲婚姻不辨荆與桂結此朝
暮歡猿啼與鶴唳何知楚宮中妬者多旁睨湘君霓旌

來宛轉諫予娣天帝垂明察為神莫妖禡雲雨豈常陰
日月寧終閉楚亡不足憐還須惜爾脫再三言不聽飄
然獨長逝

遊仙詩

蓬瀛別區域餘此人間天丹霞襲文佩赤鯉御瓊鞭寧
去共怡逸鍊修良忍堅計勇芝方茁悟達形乃全豈忘
濟世心日月悲遷延俯觀九州塵庶茫茫煙何以俾
各壽烽燐無驚眼曾聞漢子房唐鄴相後先俱作神仙
遊至今猶在然

漂母祠

朝問黃河渡暮宿淮水邊哀風亂宿草古廟遺荒阡我
似齋詩存 卷一 六

來再拜之搔首懷當年日月自今古山川亦變遷齊王
安在哉此廟尚留傳人生貴知己緬想涕潸然

北歸

北風何蕭蕭客心何皇皇歲月亦云晚驅馳殊未央
塞裳涉大河攬纒登太行既過三晉都乃經鄭衛鄉離家
日已遠憂思日已長願言歸故廬高卧歌滄浪

幼子

幼子始三歲飢肉白如雪文葆繡飛龍肩背耀明珠
父鍾愛之即以成人勗阿父客燕京一百八十日歸來
甫及門笑迎索棗栗復牽阿妹行共遶中庭月願保骨
肉歡身世何榮辱

送三弟自安陵歸里

柳水白浩浩柳山鬱蒼蒼天風吹離裾耿耿道路長我
姑酌金壘相攜上河梁須臾即分手安得不摧傷
驅馬出西門道路緬以紆緬紆不足惜所悲在索居雖
有盈觴酒今宵暫得俱鴈鴻衡嶽阻迢迢音信疎引領
望江南心中重踟躕
踟躕復踟躕離合無終極昔我往燕京弟送江之側今
我來安陵弟又厲歸翼踪跡如飄蓬接浙不遑食奉裳
不可留安得不太息

太息復太息行矣須努力大易戒滿盈勞謙有終吉古
人亦有言開卷即有益讀盡寧在多變化先氣質人生
似齋詩存 卷一 七

無所寶所寶惟明德

明德曰伊何立身貴有防淡泊以致遠紛華士氣傷縞
素可被體寧必繡為裳菽水可充饑寧必河之魴雅志
慕聖賢置身千仞岡視彼攘攘子無異蟬蛸光三復斯
千篇肯構而肯堂

堂構不易肯憂思難具陳我生三十年委棄同飄塵讀
書不甚解入世無經綸昂藏七尺軀憂患遺兩親側身
天地內俯仰皆含辛

含辛以相思骨肉慎嫌疑生平一片心皦皦不自欺和
樂而順親龜勉良自持世豈皆聖賢聖賢為吾師田氏
詎異人永言以為期夢中江路闊聊復搗此詞

春日懷芷岸方麓

春風動林木飛花遍廣陌
偃蹇抱微疴閉戶傷離索
杳杳水雲遙遙金臺客
繾綣疇昔情俯仰已陳迹
我欲往從之無由奮雙翻
何以慰我思夢中路不隔

黃池

吳子陵上國乃與二公會
魯宗晉獨強諸侯此為最
胡然遠行役跋涉來江外
喟然霸圖空臨流見寒瀨

宿陽羨銅棺山下

冬日農務畢村清人亦閒
斜日照洲渚繫纜相盤桓
縱橫阡與陌巖巖銅棺山
時隙治陶殖提汲良辛艱
沽酒路行遠何敢及盤餐
坐待皎月出繁星雜雲間

似齋詩存

卷一

道經六合

西行涉遠道乃經六合城
龍津設浮梁駑馬縮不行
驅策始得過力弱心忡忡
半夜見星起霜露衣帶盈
向午入旅館敗齏雜為羹
欲食梗喉間不食饑疲并
何時濟江去故園梅柳生

蔡中郎故里

陳留南一程云是中郎宅
立馬共誰言咨嗟對碑石
中郎性至孝大才值凶厄
始銜閹黨寬終遭國賊辟
旬日歷三臺高陽賜符冊
何如浙水東聞聽柯亭笛
人生守喪亂行藏慎跋躅
無將濡滯間致費後賢釋
我思訪公祠荒草漫廣陌
十志懷篇名殘霞遠天碧

將有閩行別諸弟

不堅固窮心離別成倉卒
情至多憂虞遷延更擇吉
兄弟促行李慷慨始今日
相對無可言悲來中自室
堂上疾病多殷勤囑參朮
拜手問歸期春風釀厓壑

仙霞嶺至楓嶺用少陵萬丈潭韻

霞嶺至楓嶺陰森日已晦
肩輿行竟日不出萬山內
足下生白雲衣上濕蒼靄
與夫為余言眾嶺此獨大
下嶺不十里又有嶺相對
澗水東西流各自射平瀨
浙閩由此分使我鄉心碎
未生王審知猶在荒服外
憶昔甲寅年藩封起旌旆
旆列高峰健兒屯淺瀨
恃險不恃德兵戈驕此輩
丸泥塞要衝險阨此為最
林莽伏強梁似齋詩存
卷十
九
足皆磕礙今我來八閩幸
與太平會

南浦橋

南浦橋下溪水吞溪水
日夜爭出門蛟龍暗過人
不知風雨自逐春雷喧
橋上行人幾踪跡碑中興
廢懷今昔讀罷無端感慨
來前山落日蒼茫色

捐仙橋避雨

驟雨過溪去白雲人在中
輿笠促雙肩響添古樹風
前橋何縹緲棟宇乘長虹
聚此百里客用知天地工
相逢亦有情雨散誰西東
即可悟交遊無論窮與通

曉發建寧晚抵平城下

閩舟皆出清流有捐無舵
其有形似槽而刃向
下者拖於後以代舵衝于前
以防石下水邊甚

與上水權
其勞焉

山水適性情舟楫信所之託身誠不易致遠固有疑建
船利下瀨上水力苦疲因思勞與逸來往更相移莫以
欣羨心徒為生怨咨物理既如此人生何復疑

臨劔津而歎之

世不爭一物出處亦其常何為出豐獄山水共輝光丈
夫固有時無苟行與藏

神物出有用紫氣當其人周旋華燠間治亂何所伸鉛

刀能一割利器乃沉淪不聞大澤中白蛇占暴秦

神劔或在世必此三溪津鶴膏難以拭知遇多悞身慎

用無輕易荆卿徒爾嗔勿欺文士弱寸穎能誅人

似齋詩存 卷一

十

汲飲

南荒蒸暑人如醉長日炎炎火出鼻忽聞隔院轉轆轤聲

呼取杯盃聊一試初試一杯唇舌寒再杯漸覺喉咽寬

三杯四杯失記數胸中雲夢生波瀾羣玉山頭雪意關

銀河咫尺乘風湍一身滿酒餘輕紉水簾遊仙夢未殘

清泉有餘莫輕棄噴出珠璣與荷芰銀牀素綆忙為誰

竹爐火冷兒童睡

夢肩輿山行似仙霞羊牯間

憶昔來關時春光滿山紫車輿勞顧盼奇險襟驚喜溪

聲起作雲日色下為水古樹懸人行餘枝盡天咫貪奇

日不足秉燭輯遊史山川落吾手欲歸行且止野烟引

夢遙知久山靈竣

見道傍廢園有古梅如龍

惟悴枯沼萍蕭蕭頽垣草空庭寂無人忽覺風霜早有
梅虬龍姿冥然守懷抱敢悔託地非滄桑閱壽夭苔痕

集古今月影同潦倒世自不知君必待花時好即此天

矯形撫摩識君老為問主人誰先後粹難道當日賓朋

多周旋迹如掃昨宵飛鳥安幾許鳴催曉

邀友彈琴

心事不言誰寄託天長海闊鴻飄泊閩南十月梧有陰

殘葉忍秋分半落幽人忽悟入冰絃四壁空塵依敗檉

深林鳥宿客獨來且與君琴慰寂寞君若能彈耐夜寒

似齋詩存 卷一

十一

前山明月橫高閣

史華青別十五年矣已卯秋晤于三山旅舍感賦

長篇

功名富貴無不有人生真樂在朋友晨星落落寂堪嗟

一時把臂開笑口憶昔已丑上巳日同人大會集京國

管鮑古道猶可追范張交情良足式時我與君皆年少

相傾意氣稱同調劉琨祖逖何如人丈夫未肯安屠釣

誰知歲月如奔電一十五年不相見饑驅南北事全非

鬚髮蕭蕭都已變徐大亦金四蓮天下才玉樓一去不

復迴君同小沈采仍曳裾砍地王郎歌更哀三山潦倒

方掩關與君握手開愁顏徐翁亦復在榕城攜手登

山著屐行山樓對景酒一勸幽窓刻漏詩先成豈易黃
金臺畔樂此日重遊更懽躍人間會冷有綠客裏論
心消寂寞留君共傾琥珀酒酒酣起舞為君壽君年雖
老正矍鑠小弟強年反衰朽朋友屈指異存亡祇覺狂
夫老更狂高歌唱和氣盤礴行樂何須在故鄉君不見
沈羣皆林大素為方折腰安能瀟灑如吾曹有子可教書
可讀何妨白首傲漁樵

題寓壁

天地不知何謂上覆下載我寔愧雲有飛鵬憑高觀我
而乃儒寄拔劍砍籬竹削徑苔無使限我足趾依人排
徊昨日東門行忽遇車馬客拂髯春風生大笑卑古昔
似齋詩存 卷一 十一

賣琴

六月披羊裘冬月賣水穀幸此有秋年抱琴易餘穀漆
古能人言樓高宜夜獨不知能有誰借爾稱書屋
是物有意氣琴能急人饑躊躇一再彈感彼梧葉飛自
可遇知音所疑時世非苟有受琴人不待琴相歸
人世饑寒大物情離別深倚依數十年一旦行難禁所
願一憩靜主賓多暇心莫受鬱輪袍以移山水音
向為費下薪今代厨中舖口耳用相濟所由緩急殊勿

愁日月長易盡何復需貧士知多少併茲琴亦無

病卧懸荔于帷而玩之

南州寒暑人難測昨夜醉餘風露偏朝起供糜未敢嘗
忽聞香荔心難抑懸向牀帷伴此身畫圖虛望漢宮春
君不見名花數朵嬌顏色斜插膽瓶吞不得

醉後大慟不知所由

止酒三日日益愁一日驟飲醉不休高樓人似送遠別
四座各散生清秋聲淚灑然下風雨茫茫天地今復古
不知阮籍竟何人比中心事憑誰數

眼鏡歌酬客

衝塵遠走三千里眼見梅花如霧裏當年燈下讀書時

似齋詩存

卷一

十一

回首光陰隔世矣西洋妙製玻璃美美人贈我明月比
滿幅丹青別有天一時銀海生秋水好隨班管共年年
何異菱花粧閣圓珍重酒闌看飛鳥掉頭大笑角巾偏
庚辰自閩歸晤張禹臣先生于開雲草堂賦詩索

和并述手錄 先大人遺詩

古道嗟已忘頽風成薄俗何幸見古人足音聞空谷先
生風流今太白不求聞達躋泉石東西南北盡知名捲
關著詩娛朝夕垂老不倦多賦詩五言七言洵起衰叅
軍閩府美兼擅俊逸清新良足師昔我 先人見君作
愛君不異丹山鶴素心結納如弟兄久要相敬無相諠
西子湖頭泛白波靈鷲峰頭踏綠莎賤子斂衣時侍立

臨風亦得聞高歌雲散風流二十載長空月落星辰在
感君慟哭秋原草憐我枯槎泛滄海饑來驅我走四方
踪跡從此成參商聞君時時念下走溯洄秋水情何長
今君出郭訪老友不意逢余開笑口衣裳特問故人寒
顏色同悲賤士醜烹魚漉酒飲花間風吹花落衣斑斑
堂空樹靜笑語響別有詩思非人寰君復纏綿道曠昔
讀我 先人詩一尺縹緗手錄還珍藏賤子聞之淚沾
臆父書插架不能讀幾時負土南山麓作客徒減福衡
刺無田難給顏淵粥曷不爲農夫田間事藝樹曷不爲
負販市上走如鷺亦可博升斗園樂共舍哺居貧親戚
仇守拙知交惡嗟嗟百年窮達命可知人生快意同襟
似齋詩存 卷一 古

期感君古道贈君詩莫問眼前輕薄兒

閨詞

風風雨雨連三月幾日晴光啼百舌但怨桃花容易紅
不怨桃花容易歇侍女聰明亦感傷漫將針線教鴛鴦
只描舊譜寒梅瘦蜂蝶何須到繡牀
簾幙重重深院睡微風不動梧桐翠却噴螢火暗窺人
衫影玲瓏在月地聞道采蓮女似雲歸來人面帶斜暈
嫂得蓮房姑得藕不知湖水濕紅裙
蘭房夜夜忙機軸促織聲聲爲誰促百丈霞飛曉鳳丹
千尺龍蟠秋水綠黃姑錦梭休未休瓜果虛登乞巧樓
只信嫦娥能獨守何曾天上有牽牛

淡淡斜陽轉窓去雕簷瓦雀鳴相聚從來不解惜紅顏
今歲年華忽暮矣篆口香銷火漸微風吹翠袖雪如飛
空階獨自看修竹羣婢採花垂手歸

乞食

鄙人不善飲三爵手自持既慕阮生興復畏伯倫唯縱
使酒價高寧惜杖頭資質衣拔婦釵一醉竭力爲朝來
瓶粟盡何以爲晨炊橡栗無可拾蔽薇非其時緬懷陶
靖節乞食有遺詩我無辟穀方叩門寧敢辭所嗟硜硜
懷欲去還遲遲視舌雖尚存仰面欲何之莫使我願甲
寧使吾腹饑三旬九食人風流今再茲

上元

似齋詩存 卷一 古

五年骨肉此團聚却值春宵月正吐珠簾多捲人倚樓
蘭燈夜挂星在樹鄰家蕭鼓不知喧千聲萬聲那得住
豈知偏有浪遊人夢到天涯復驚寤秦亭春雪積未消
西溪梅花開滿路聞道明朝又買船奚囊且覓錢塘渡

即事

無事病閒坐此身天所情人世日艱難志士寧終卧殘
書讀無倫悲來日又過

移居

意昔辛丑歲卜居城東隅荏苒三十年聚處樂無虞自
我父見背日與憂居俱不守固窮節五載爲饑驅甕中
無積粟架上無懸襦所以一廛屋而爲他人居愧無立

雖地有負七尺軀攜家來北郭賃此宅一區既非子雲
亭亦非諸葛廬有地可以種有水可以漁晚食以當肉
安步以當車納涼數竿竹樂志半床書神仙非吾願富
貴非吾徒仰事與俯育此生聊以娛

憶昔行

余與翁子蘿軒少同學長同遊誼甚篤也年來
困頓重負所期豈不愧哉固知曹公待我厚也
言之似疎欲默不能因作長歌聊以言志

君不見太行之山莽嵯峨不如人生對面生偏頗又不
見滄海之深無窮極不如人心對面不可測少年曾讀
貧交行緬懷古道管鮑情千載恨不生同時何況此身

似齋詩存

卷一

六

親見之余性落落寡所交唯有翁子真英豪紀羣兩世
真莫逆不獨論文同研席我才木不逮中人君獨稱為
席上珍我命止可安藜藿君獨期之登臺閣萬金散盡
君不顧羣言籍籍君不怒君之援我非一次我之負君
非一事中心慚愧難為言桑榆之報永弗諉自小趨庭
承先德平生見義為必力分金指宅時亦有讓粟推梨
無敢後年來身世總踈促百口相依待饘粥瀧岡無計
卜新阡捧檄何從求薄祿家嬰多難剩身強更為饑驅
走四方面目蠶里皮肉死人怪一寒乃至此我欲為樵
夫南山伐遠樹負薪暮歸來母妻夜同哺我欲為老農
南畝耕春風秋來獲升斗笑語一堂中貧賤一身獨求

榮止得辱來往雖頻意不親終朝晤對不我穀骨肉尚
相訕何復論親串雲雨翻手成蒼素隨口變蒼海舉足
濡太行時在面啼笑語嘿無一可世上何更知我茫茫
四顧誰能遣幸與故人重相見聚散艱難屈指論話舊
語出聲還嚙憶昔並轡易水上兩人意氣何駸駸經綸
各有萬古懷乘風欲破千里浪憶昔三山恣懽謔彼此
形骸俱脫畧拈題分韻爭捷能有嚴陵劍溪
吹荔諸詩玉漏沉沉
酣飲樂憶昔落拓來畿甸怡園花開却如霏縹袍戀戀
故人心解橐殷殷蔣子眷流光忽忽三十年邈回往事
如目前身世何必問升沉只有區區一片心人生貴知
已知我者鮑子管仲之言垂千秋撫今追昔空淚流嗟

似齋詩存

卷一

七

嗟太行其頽海水枯此意常存終不辜

索蘿軒画

翁子胸中有丘壑游屐復遍江湖間含香粉署成大隱
骨秀神清不可攀性情一往更落拓毫素自娛重揮霍
興乘斗酒偶下筆疾如風捲雲煙作雲流有影風有聲
水漲濤翻山欲行有時淡蕩寫尺幅遠勢轉覺萬里平
曠野平原信越越亂峰怪石殊突兀滿堂激起萬松秋
半壁清光五湖月相對時歌歸去來西溪十里梅正開
千樹萬枝看不足竹籬茅店野人杯可憐芳草王孫陌
可惜年年長作客轉盼春光能幾時花落花開無踪迹
請君發墨為我寫此圖昏黃月色香有無我將藏書千

萬軸冷吟間醉梅花屋

贈李寅谷

客歲撲被故鄉來塵埃不見黃金臺懷中剩有漫滅字
却從翁子交李子李子才華世無匹古道歸然照顏色
酒酣上下二千載潘陸顏謝皆前席曾讀蒙叟贈君作
牧齋詩伯有贈寅谷七及律童詩慕君名似苟鳴鶴後來相見即相親
忘形不辨故與新有時酌我以大斗有時郊外攜君手
誰知歲月同奔電春風又見花如霞頭顱相對垂半百
風塵猶作鄭莊容丈夫事業及早為念此拊髀長太息
君不見長安大賈意氣殊生兒不教識之無朝握牙籌
暮垂綬連騎結駟專城居我輩撐蕩拄腹五千卷寒難
似齋詩存 卷一 六

張若遠侍御疏毀魏忠賢墓碑歌

碧雲寺枕西山顛後有雙礪高插天周遭盡種松柏樹
行人指是中涓墓中涓昔值明德衰內結阿保主宮闈
螭頭丹詔不復行斜封墨勅疾如飛指顧能令日月蝕
吐咳頓竊雷霆威銀鐺四出建章服千載傷心撫鎮獄
乙丑七月廿四日白虹上掃紫微宿六哲同時騎箕尾
忠魂共繞天樞哭善良屠戮空人國人百其身安可贖
吁嗟乎奸藩亂政已七載義兒義孫為鼎夥報功崇德

生祠額名無地無天下皆稱九千歲當時倖免及身誅墓道
穹碑今尚在吁嗟乎墓道穹碑今尚在叶音此誰其毀
之張御史

蘿軒秋穫圖和陶公韻五首

歸鳥戀舊枝高雲還故山故山何所樂樂此大有年裝
駕指遙林理檝泛素淵策我手中杖視我壟上田氣澄
天宇高徘徊阡陌間哀鴻叫天末黃菊開戶前遠山下
涼日疎林散蒼烟是時禾黍登充積都鄙顛築杵聲索
索老幼了不開曠野清風生四顧殊悠然
至人有遠懷脫畧謝塵鞅方為軒冕人而結田園想車
馬行跡絕杖藜興獨往晨夕思故園薜蘿今已長山中
似齋詩存 卷一 九

屋數椽丹雘不加廣金谷與平泉無乃辱林莽
急流退良難賜沐恩亦稀松竹久相待何時能旋歸釀
我林頭酒裁子霞外衣功成歸去來詎與前期違

昔我事躬耕秋日聚鄰曲擊壤共笑言強食萬事足自
與世網纓生趣日踏踏披圖心爽然如昏夜秉燭夢見
茅屋外黃雲曬紅旭

白露下百草涼風生廣陌秋成已在望俯仰俱自適可
以娛婦子于焉永朝夕一觴聊自寬放歌駐駒隙回視
朝市中襟期何役役使無淵明懷安有孔明績緬懷古
哲人出處皆有益

預作中秋會

經年守佳節不耐一宵遲兒童亦解事杯竿羅西擘幸
得此月明何嫌未滿窺人生有酒便當醉滿地光陰拋
得睡自古相傳秉燭遊來朝又是來朝事

索許不棄画

壁句蒼翠流雲氣枝幹空影捎地冥濛瞥見蛟龍盤
咫尺却愁風雨至高麗嚇唬蜀堦光許子潑墨開煙霜
風格不減韋與畢杜老作歌名益揚爪鬣欲作勢飛動
鬚鬚靜引波濤湧蚺蜥詰曲秀色殊可比七尺紅珊瑚
晉卿倘見定豪奪靖節或撫還驚呼我聞廬山簡寂觀
高松千尺飛霜霰欲往從之踞其上仙人羽客時相見
又聞天台橋畔松千曲偃仰如虬龍欲往從之卧其下
似齋詩存 卷一 辛

吟思故園

燈花

風雨不相及寸心含輝光可知時已暮是物掩芳菲有
才難自晦防彼雙蛾飛

枝葉不附春臨風細懸蕊猶將英華發點綴時人喜雖
非桃李蹊已愧蘭與芷誰能知爾心煎迫尚欲燬

題陸紫逸秋林靜習千山行旅二圖

文章有神交有道生平雅佩杜陵老遊歷燕齊吳楚間
百不一遇傷懷抱今見陸子稱最賢慷慨論事通經權

古今成敗燭照數詩律直追大晉前與君相見即相親
訂交那論故與新披肝瀝膽無一假不似悠悠行路人
有時作我他山石有時指困無吝色扁舟相送丹陽渚
一路山川增寂寞今歲君亦來燕山值余潦倒方掩關
攜手重逢出意外詩篇倡和何爛斑悲風易水至今哀
萋萋草沒黃金臺擊筑慚余老漸離君又將歌歸去來
對君不覺長太息秋林靜習知何日人生百歲能幾何
千山行旅無休歌君持二圖索我詩我展此圖重咨嗟
他年靜習秋林日莫忘千山行旅時

似齋詩存卷一

似齋詩存

卷一

壬

似齋詩存卷二

錢塘 王廷燦 似齋

古體詩

韓蕪王廟

我行靈巖山上路，纍纍荒塚鬱鬱樹。中有豐碑何巋然，云是南宋韓王墓。南宋去今五百年，韓王名猶在人間。金山一戰走兀術，奇功真可銘燕然。宋氏江山留半壁，惟玉勲名日月揭。雄姿今已化為塵，英爽尚爾盤山窟。春風吹得梅花白，士女往來空絡繹。何人山麓問殘碑，祇向琴臺尋響屨。君不見臨安松嶺行殿灰，又不見循王府內古牆推。獨有樓霞岳氏墳，遊人下馬淚沾巾。

似齋詩存

卷二

謁周忠介公祠

有明三百年，闡孽壞人國。末造值熹宗，忠賢禍尤酷。阿保相表裏，正人為魚肉。敢以帝聲靈，攘為己威福。生祠遍宇寰，義兒盈樞軸。舉朝邪正分，黨有甘陵目。既傳斜封詔，更起同文獄。酷吏過周來，公卿動幾辱。臺省一網空，哀哉君子六。汚以盜跖羹，欲使清流濁。誰扶九重尊，不致一夫獨。公秉薑桂性，防疎蜂蠶毒。義憤激而言，寧復念家族。朝聞飛章指，夕見琅璫促。書匾償夙心，脫衫換囚服。公素負清名，桑梓尤見德。都木吳民起而譁，百身那可贖。慷慨登囚車，挺身就三木。罵奸皆盡裂，願為揚左績。血肉相狼籍，齒牙亦敲撲。忠魂當何之，定向高

皇哭善人既已空，明社亦遂屋。我來拜公祠，凜慄氣容肅。風起烏亂啼，斜陽入幽谷。

謁萊陽姜先生祠

士為國之楨，可殺不可辱。廷杖古所無，明法此最毒。懷宗本英主，求治苦太速。僉壬竊國柄，輔之以刻薄。長安黃金貴，御史劉公宗周有長安黃金貴疏中外資貪墨。姜公起東海，批鱗而削牘。殿上呼廷齡，正言不局促。天子赫然怒，囊頭下詔獄。勺水不入口，冰雪凍僵仆。中夜片紙傳，幾作牢底觸。懷宗密諭鎮撫司姜採熊開元即劉金與馮吳宗周金光宸馮公論諍反覆上心為少移下詔與之朴朱元慶兵驍散公論諍反覆，上心為少移。下詔與之朴，朱衣列兩行。布兜肩下束，黃塵塞口鼻。朝衣裹血肉，皇帝

似齋詩存

卷二

誠堯舜臣為龍比足舌強猶爾爾浩氣終不恧

杖一百上問大誠堯舜臣為龍比足舌強猶爾爾浩氣終不恧。瑞二臣顧何言曰二臣言皇帝堯舜臣為龍龍比足矣上曰舌強猶爾邂逅君子醫力使絲命續。名醫呂邦相以刀割創處去敗肉斗許七日而痛半月乃愈邦相曾活黃公道周京師號君子明年父死難遙向萊陽哭未幾盧杞敗微忠應見錄天子賜之生不忍還故國寧不念首丘思君豈從欲一坏敬亭山全歸畢忠孝。許大聞昔有仁人義不食周粟又聞有貞女裴髮守空屋哀哉此孤臣奇節今所獨貪夫聞之廉懦夫不羸。齷齪公祠虎丘傍祀典春秋肅國士不可見山青溪水綠。

滄浪亭

宋大中丞重建

昔讀歐公詩，夢見滄浪亭。搗來坐亭上，懷古難為情。可

惜風流已陳迹漠漠水田荒荒日惟餘古木噪寒鴉無
復水禽事高格豈知躡屐遲十年重見亭子臨清淵竹
石池臺相映帶清風明月思無邊北宋去今八百載佳
句流傳至今在生前富貴如雲煙惟有君名同鼎鼐君
不見柴桑靖節今已蕪浣花遺址問成都表章端藉後
君子滄浪有詩足千紀

九月二十八日二首

四山遠近皆秋容點漆剪刻難爲工空林風多雨復密
病葉強綴枝頭紅憐汝憔悴小着色敢與百卉爭春風
桃花得春弄青陽紅雨一過李賀傷秋風錯莫敗人意
零落更念春風狂女兒紅顏今白首以色媚人那得久
似齋詩存 卷二 三

雜感

守寂無所營理策舒幽步中道念何之出門計仍悞心
交一二人差池阻雲霧空意抱周旋低徊悵無故百慮
轉不佳豈無登臨趣步上東山岑野色勞四顧白道行
旅稀江流莽奔注慘節結重雲安知煙中樹孤遊更蕭
索意盡日亦暮投策歸舊廬長歌遠庭柱

木瀆道中

仲冬天融和扁舟來木瀆羣山盡蒼翠長松森如束板
橋橫中流堤路遠相屬上有鴻鴈鳴下有鷗鷺浴居民
帶竹樹農畢釀黍粟正月梅花開春水滿湖綠

吳女行

吳中女兒年十五腰肢解作蓮花舞白紵輕衫楊柳長
朱唇微笑櫻桃吐阿母大誇顏色嬌價值千金何足數
女兒別母不知悲傾身擬作巫山雨可憐八月雁南飛
翠袖涼生西日微落花深鎖無人問寂寂空牀淚滿衣
中秋月三首和蘇公韻

去年中秋月照我震澤東江南詩興好人語桂香中月
光如白毫清寒透房櫳起視庭除內明如積水空故人
似齋詩存 卷二 四

乘画舫折簡招相從欲開雲夢酒上叩廣寒宮慚余性
風露微吟類秋蟲止綠相如渴非關東野窮俯仰曾幾
時佳月又相逢獨坐感陳迹涼風相于喁

今年中秋月偏來照離別隔院沸笙歌我獨添嗚咽人
生不百年良會堪幾擲波濤靜銀漢瑞光湧瓊闕安得
歸去來團圓坐清樾介壽北堂上一杯傾竹葉母子相
笑言舊事從頭說空踞冀北塵有負南山栗笑此皎夜
光照我盈頭雪憂思從中來綿綿難斷絕

來年中秋月光華何處清季弟自粵歸萬里躑躅行仲
弟在里閨常將雙戶扃五弟中州札如聞鶴鴒聲雖各
天一方向此片月明明月常相照踪跡何時并冉冉余

將老飄泊尚浮萍聚散不可必而况天陰晴美酒莫辭
醉良會不可輕天心皓無私閱歷萬古情

姑蘇臺

百花洲上姑蘇臺姑蘇臺下百花开開花開爛熳映金碧
妙舞清歌日幾迴越女掩泣度江水綺羅網載蘇臺裏
館娃歡宴露未晞樓船夜半江烽起夫差而忘爾父乎
忍令寒潮泣子胥雨過麋城迷碧草春深鶴市怨啼鳥
嗟嗟麗色傾城人不悟至今猶問真娘墓

黃金臺

黃金臺何崔嵬黃金費盡臺始成一朝拜隗人盡驚昭
王銳志招賓客不惜千金買駿骨樂生西來客卿拜秘叶

似齋詩存

卷二

五

秦楚諸軍皆雲靡旬日能平七十城一旦盡洗先王恥
二城未拔昭王卒騎劫一將火牛出樂生去燕不復回
萋萋草沒黃金臺國家興廢何其多佞人在朝賢奈何
不見郭開問李牧不見趙括代廉頗嗟嗟下士英風如
可晤為之執鞭所欣慕

鴻門宴

公莫舞公莫舞沛公氣已成龍虎玉玦三看君不語隆
準真人天所與令公莫舞公竟舞干將射日白虹吐項
王霸業已成塵亞夫玉斗棄如土

戲馬臺

黃河之南彭城東重瞳奮跡真英雄長平坑卒三十萬

咸陽一炬阿房宮歸來蹴馬高臺上指揮貔虎心雄壯
倚鞭四顧寂無人天下諸侯盡東向詎知帝王自有真
楚歌四合氣不振烏騅不逝陷大澤八千無復渡江人
嗚呼落日沙場春草碧河水東流為嗚咽

虞美人

氣蓋世力拔山將軍百戰龍蛇間秋風四面聞楚歌美
人如花將奈何嗚呼虞兮一劍終于楚不學漢雉甘心
為楚虜君不見阿房飛灰烟已歇又不見未央傾圮成
荆棘何如碧血大江邊歲歲花開永不滅

歌風臺

歌風臺歌風臺前水滌洄河流日夜鳴不平前人已矣

似齋詩存

卷二

六

今人哀嬴秦無道失其鹿芒碭大澤龍蛇哭劉李仗劍
起布衣五年馬上踐華屋風雲龍虎皆英雄功成置酒
到沛宮故鄉無恙父老在感昔憂時歌大風一身富貴
作天子安得長年在閭里既思猛士守四方却使乾綱
付呂雉將軍年少韓淮陰平秦摧楚震帝心狡兔既死
烹走狗功成竟委婦人于當時若無趙王佗至今安有
淮陰後

客書淮陰侯傳後曰廣南有韋土司自言淮陰侯後
當鐘室難作淮陰侯客某匿其三歲兒知蕭相國與
侯善往見之微示侯無後意相國仰天歎曰若能匿淮
陰侯子中國不可居矣急跳南粵趙佗所作書與客
海濱賜姓韋用韓之半也今其族氏豪于海濱有節
侯所遺之書尉佗所賜之銘勒之鼎器謂其說得諸

楚張楚今定番有八番草番司
其一也見田霞論少司農點書

哀王孫

王孫未遇悲葦食垂竿澤畔無顏色姓名未使一軍驚
形容預為婦人識龍騰虎變陳倉道三秦傳檄跡如掃
囊沙忽聞淹楚人拔幟先驚下全趙三分鼎足力可為
蒯通之識原不奇自念齊王不我奪烏盡弓藏死乃知
嗚呼長陵已無一坏土韓侯釣臺至今照淮楚

赤松遊

羸秦既滅思輔成燒絕棧道邊秦兵韓成既死思報楚
乃知漢王天所與鄼侯下獄淮陰死辟穀從游赤松子
不見其尾如神龍功成身退完孤忠

似齋詩存

卷二

七

望思臺

漢宮樓觀高插天金莖擎露名神仙神仙不至禍機發
茂陵老淚如傾泉儉人已傾趙父子天王任之又如此
剖桐殞土事有無含冤竟殞鳩泉空小兒弄兵罪當笞
壺關三老言不遲湖城風雨夜寂寂望思望思魂不知
嗚呼病已若無丙少卿上林僵柳何由生

西陵哭

黃巾一起天下裂當途魏魏炎漢滅誅素擒布志漸盈
銅雀暈飛青雲際叶音 玉宸蕙帳充羅敷銀筆象板苦
不足分香賣履有遺言日暝遙向西陵哭可憐老淚空
關于歌舞又入侍五官至今斷壁抱遺穢千秋青史羞

曹瞞嗚呼建安天子心如擣一夫一婦不相保

捫虱談

前有孔明後景畧千古英雄兩人耳孔明寧靜抱膝吟
不遇昭烈終不仕景畧有才難自藏出為符堅聊一試
其心亦欲用晉人捫虱知桓非晉臣敵既不能臣不可
不如委質于符秦西出兵北出師江東一矢不加遺身
在強秦心晉室節義功名兩得之嗚呼不難景畧見其
才獨難符堅不相猜君臣相得如膠漆昭烈孔明以後
不多得

雨淋鈴

潞州別駕初建功儻尚有文皇風乾符坤奠再開闢
廿有四年帝業崇龍聚降庭蛇起陸飛龍在天忽魚服
天子親為教坊師月明南內歌聲促譚奴撫闌奴舞玉
奴自吹范陽笛更名花奴搗羯鼓羯鼓未終鼙鼓起他
生未卜今生死青驪蜀道淋鈴雨回首長安在何處

金匱藏

君不見柴氏子幼天下亡兄弟叔姪相繼宋祚長開國
元勳載筆記誓約一紙金匱藏金匱藏禍府龍為行
虎為步燭影紅搖金柱斧太平基業天所與寡婦孤兒
誰為主先帝已誤不可追陛下斷難容再誤嗚呼徽欽
二帝皆北棘江山半壁還藝祖

三字獄

君不見揚子馬金人用之取天下又不見背嵬陣金人
遇之皆逃遁湖襄寇盜屈指平兩河父老壺漿迎黃龍
痛飲指顧事二帝迎歸臣子志奸人一入壞君心北人
自北南自南北膝既屈伸不得汴京宮殿生荆棘鐵面
將軍心獨苦卷旆歸來樞府卧可憐和議兩封書一字
一淚向誰訴嗚乎三字獄成申王手平安酒飲金人口
長城萬里一旦墮蘄王一驢河上走五國城邊帝鬼號
莫恨太師恨臣構

半間堂

半間堂多寶閣湖山愁絕平章樂孤兒寡婦將北行猶
謂師臣堪寄託督師江上還開府難尋趙氏一塊土爭
似齋詩存 卷二 九
看並蒂芙蓉過方萬逐臣尚擁嬋娟卧似道南竄猶攜
天下君不見黯淡灘寒且列木棉花開紅似血早知
廁上能拉胸何不馬革裹師中

胡藍獄

漢高誅韓彭唐高戮文靖功大難為終丹書何足證明
祖驅馳天下一功臣血戰羣雄滅開平杜郵中山鐐列
候紛紛安望活今年殺胡黨明年殺藍黨株連數萬人
其中豈無枉嗚呼善長文吏濂書生何況宋國穎國真
將軍

半邊月

半邊月地道出從亡臣徒悲咽皇孫燕啄本天心鐵函

鎖神令祝髮入南滇遊西粵不能一旅圖中興憔悴子
切歸來稱老佛嗚呼何必西山土一坏豈不聞是處青
山可埋骨

東角門

無忘東角禍機先發廉頗不用用趙括哭向蒼天空惻
怛

讀書種子

言足采計甚迂本不務末是圖飛燕高翔南風不揚周
禮翻能釀滅亡嗚呼周禮翻能釀滅亡臣將十族報君

王

齊尚書

似齋詩存 卷二 十
運即時耶謀國者誰耶不死而奔果何為耶

景秀才

生盡忠見讐恨不堪其胸死為厲仗劍追繞驚其寐剥
皮草積古所無瓜蔓之抄何為乎景清精英定不磨地
下相逢當奈何

一卓敬

王國弱宗國強削奪計非不良乘人須不脩擒賊必擒
王燕王英武類高皇何不移封向南昌仁而不斷乃如
此君不見楊廣隋文亦父子

宣橋水

王為舅我為郎情非不親君恩不可忘君存與存君亡

與亡勞而無功誠足傷篋橋下水湯湯

靖難師

燕王異謀非一日縱不削奪師亦出天方
與亂靖難來金川門啓真龍逸懿文與燕高后生方練亦是高皇臣
革除誅戮太狼藉給配教坊何足訓切大煌煌大統豈
家事萬世終難逃一字嗚呼高煦負缸力如虎可知螺
蟻真似我

逍遙城

昔為虎今為鼠足一伸成灰土世子多疾爾勉之奪嫡
寧侯樂安時雲南青州不肯去司馬昭心路人知靖難
之師胡可再黑雲黯黯城欲潰徒矜英武類秦王知警
似齋詩存

卷二

士

更有後人在庶人力負銅缸起追思江上淚如雨壬午
之戰微高煦鳴呼建文之子不識牛與羊殘年猶得出
南北議和矣

于少保

社稷為重君為輕父有天下傳之子後來成敗詎由人
忠臣謀國當如此襄邸金符何有無上皇復位臣應死
人言復辟政清明但見香木雕刻王先生山中孤魂未
及旌

石將軍

石將軍功第一大刀輪舞去如飛方面豐軀髯及膝北
師畏見將軍面英雄人羨清風戰李夢陽有賜兒金鎖
清風店歌

鎖定侯癡心妄想陳橋變嗚呼當日若無奪門功將軍
應以功名終

中山狼

中宮八人瑾最賤暗竊太阿亂人國衣冠正人悉斥逐
代草李生禍尤酷大呼救我惟對山踵門解衣為磅礴
今之太白實李生胡為一旦速之獄權奄聞之即解頤
脫鞋甘為力士續救友不吝見惡人豈意清流從此濁
李生李生負對山天下為秦中山曲

公無渡河

公無渡河老羅當道射狼莫過公無渡河私思難忘如
公論何公竟渡河君臣大義莫知其他公竟渡河肉膏
似齋詩存

卷二

士

新人不如故

蓮花各有蒂鴛鴦各有侶中豈無分離寸心在所許憶
昔遇王孫定情偏逆旅密訂他年故劍求無人七夕闌
干語孰意風波一旦生君門萬里棄如土明知粉黛有
三千應念新人不如故

招寶山

我上招寶山此身在天半踏破白雲堆恍如登彼岸回
望海雲遙蛟龍氣正驕蝦鬚能射日魚翅欲迴潮浩渺
望無窮淼茫白不了浪與浪相推水與水相澡笑彼魯
連氏忽欲沉海東微軀眇然耳不足飽鼉龍更笑精衛

愚妄思填木石何如屢氣聚樓臺成頃刻今我泛樓船
周迴幾萬里黑浪勢欲吞驚魂猶未已我欲從安期如
瓜棗不遇我欲訪三山天風掣之去不如歸去來高卧
山之阿又恐人間世平地生風波

曹娥江

江流死孝女孝女竟名江上下幾千載芳名孰與雙我
來重下拜精靈儼如在

岸欲流逾急帆懸勢益危欲渡不敢渡門外讀殘碑殘
碑讀未終日暮多寒風

獻俘北上自建業至浦口

清晨發建業斷水寒河流舟楫各壅蔽停篙任淹留亭
似齋詩存 卷二 主

午出大江挂帆風颼颼遙望江浦城中有節彼樓石脚
下臨水寒潮無時休擬獻海宴頌膚功敢望酬

漢高祖試劔石在沛陽之間余過徐州不得親往
見也仰慕雄圖爲作此歌

豪傑未起時方秦漢高猶是亭長身竹冠求盜縱徒衆
壯士益畏從者頻夜行一旦斬白帝其劔御府藏甚珍
史稱時時有光怪帝王自足通鬼神今稱試劔石在此
我未往見疑非真嗟乎昭烈與仲謀甘露遺蹟今尚留
一時意氣亦足儔碣山茫茫雲霧浮

黃茅岡和坡公韻

我來策馬黃茅岡巉巖亂石猶如羊坡公當時石作床

千載逸興空迷茫羣峯錯落河水長慨然今古遙相望
山水何處容酒狂

楊柳行

沿河捍堤卒用柳束作此以商畧之

黃河護堤用楊柳遍徽州縣民奔走一金幾束水衡錢
委輸河畔齊山阜築以木石雜泥沙立基貴堅斯可久
防河官吏應虛文國計民生多所負從來河水異常流
奔決潰衝忽時有楊柳汝若生汴堤應映隋宮殿脚女
下拂芳草之萋萋楊柳汝若生江南曾照六朝花月夜
遙聽語燕之呢喃楊柳汝爲永豐青得取植禁苑添文
宿之兩星楊柳汝若琅琊圍得見漢司馬望中原之夕

似齋詩存 卷二

主

由

暉今何樹于大河之濱而爲填河之苦辛使河伯得經
歲以無驚柳亦不厭其生試問治河之人兮果何策以
有成

金陵遇故人

客途值春暮枉棹金陵遊乃遇同鄉子契闊逾十秋感
歎道今昔語言極綢繆我已漸遲暮君復雪盈頭相見
不一醉何以慰離憂揚柳滿店春攀折登高樓曾無歷
酒者此語不足酬且罄此觴酌知難久淹留燕城春色
好何如帝土州

登穹窿絕頂望震澤湖

廿載前登岳麓峯三湘曲折多青濛去年又上金山頂

長江萬里望不窮，履探奇老益豪穹。崑之山百丈高，
白雲踏破在天半。百里明淨分纖毫，洞庭三萬六千頃，
青蒼一氣殊清迥。有時風擁浪，若山七十二峯倒插，
影往時曾泛湖裏舟。今日望湖山上頭，寒鴉噪林秋色，
暮回首山川但煙露。繁華寂寞總成塵，懷古不覺增酸，
辛香徑人猶問西子胥口，誰復念孤臣。

霜月夜

月不知霜下微，聞木葉聲徘徊。顧子影漸覺衣裳輕，荒
牖陰火出半空。神櫓橫心驚生寒，颯忍境試堅貞。眷茲
素輝發，寄病移于情。

自呂城陸行至京口

似齋詩存

卷二

五

雞鳴各披衣，秣馬事行役。主人慣數錢，出門天未白。嚴
霜薄衣裳，手足苦凍裂。計程二十里，乃見朝日赤。饑行
不得餐，傍午始投迹。珍味設米飯，上尊釀麥下馬未。
遑飽僕夫亟，催迫遠晚入旅店。寒燈照孤客，疲倦思安
寢。五更復理策。

富陽縣

膠慄在遠行，流覽情何止。秋至理征帆，江水清且泚。朝
發錢塘涯，暮宿富春江。高樹託深雲，晚煙覆荒市。顧此
山川間，雲秀猶未已。壯哉孫仲謀，生子當如此。

七旦瀨吹謝康樂韻

布帆挂微風，山水急延眺。潺湲澗聲寒，兀羣巒峭。水

落失前路，峰回翳夕曜。卓哉嚴子陵，令我發長嘯。六月
披羊裘，其理實清妙。天子不能加三公，為所誚君相安
在哉。丘壑歸綸釣，緬思獲我心。千古此同調。

城虎行

癸巳十月十一日，有虎忽入王家園。男婦驚走，雞犬伏
腥風發，發林木翻。從來虎只住深山，未有搖尾來市廛。
又聞異政，虎渡河未有渡。河居城間紛紛來者，射生手
長矛四圍，虎大吼大吼三聲，亦敲餓兩足前，蹲昂首哭
自言止飲城中水，餓來從不食人肉。汝虎莫謂未食人
咆哮時有殺人心，羣狐逐隊假爾勢，偃鬼縱橫竊爾靈。
虎兮爾罪亦已多，皆曰可殺。義則那上天慈愛，或爾釋

似齋詩存

卷二

六

戕害其如民物何

明孝陵

龍盤虎踞金陵城，城外鍾山氣鬱蒸。紅橋迴繞黃瓦蓋，
行人指是明祖陵。明祖本為彌天釋，隻手另把乾坤闢。
一時宇宙若改觀，百年人心從此易。幸得全歸卜吉壤，
琳宮另築誌公宅。萬家烟火作明堂，後山起伏跌復昂。
青龍蜿蜒勢欲舞，白虎環抱俯而長。當時相者劉誠意，
雲初定卜千萬禳。如何太孫甫一傳，北平干戈一旦起。
豈果青烏言有徵，長男次男分彼此。歷數相傳三百載，
盜弄潢池時事改。萬里山河一旦傾，止留一坏黃土在。
千松萬柏無存者，寢宮剩有琉璃瓦。東西禁碑仆已久，

來往行人誰下馬白頭宮監且莫哀秦漢唐宋安在哉
咸陽一炬三月火驪山已頽墓門開貞觀功德亦及人
玉匣竟自昭陵來會稽攢宮尤傷慘龍頭一片作飲杯
惟此羨門猶相保八十餘年供洒掃裡祀豐碑立重重
幽宮可與天共老功臣陪列常相伴雀噪鳥啼自昏旦
春秋祭掃有後人不見王孫澆麥飯功臣各有子孫祭
掃齊庶人之後雖
莫杯酒也

似齋詩存卷二

似齋詩存

卷二

主

似齋詩存卷三

今體詩

錢塘 王廷燦 似齋

壬寅九日登萬字樓

亦復誰能遣千山送夕陽煙波天浩浩樓閣晚蒼蒼落
葉驚秋老浮雲引夢長那堪鴻鴈時作兩三行

壬寅先大人北遊成均余年十一矣九日過生母
身萬字樓孫介夫潘夫馮道濟周茂三俞次寅姚亦
宗諸先生方坐樓上媿妮論戰國士羣推魯仲連第
一若輕余年幼不足道余笑曰連雖排難解紛然勤
燕將降齊天下士固如是乎諸君晚余道濟先生則
向余考訂論辨意甚詳也未幾鍾西白至未幾傅時
臺表叔至而余後錫九兩叔父俱至問筵列坐何
一焉振衣長嘯介夫道濟兩先生好古文辭述項羽
本紀鴻門宴下二段以為天下文章莫大于是段淵

似齋詩存

卷三

叔少年豪俠為言詞難走狗擊筑試劍狀一一如畫
於是生母舅時嘉表叔按板度曲潛夫先生飲酒
淋漓旁若無人茂山先生酒酣大勸聲撼四壁亦朱
西白錫九叔目擊心契若醉上觀諸君曰今日之會
不減蘭亭次寅先生則款款四涕俯仰之間已為陳
迹為之浩歎已而賦詩跋三先生願余曰孺子亦能
詩乎余應曰能分韻得賜守賦五言律一首願為諸
先生所賞四十年來先大人見背介夫先生死即墨
次寅先生死初門潘夫先生死曹縣茂三先生死都
門時嘉表叔死望江道濟先生死白波涓叔死瀋下
亦朱先生生母舅錫九叔老而貧困余亦驅馳四
方而後種種種種矣曰意窮字樓宴會時意氣期許復
前有古人曾幾何時而死老流離凋散竟
如是也重閱九日一詩豈不重可哀哉辛巳十月識
於燕山

贈王孝先

周容

一狐便敵千皮羊十斛難酬經寸光已覺量才多子
建自然下筆妙君房高談論古忽驚坐即席題詩欲

擅場深喜故人能有子我年雖長欲相忘

此詩贈於壬寅歲余年方十一閱今五十載不復
記憶矣余刻先生遺詩命潔存先生出此相示反
復捧誦如見故人嗚呼余童子何知先生繆加推
許如此今亦老矣學殖荒蕪重負所期玉刻某中
既愧且感

白沙泉上夜坐

夜闌余獨坐始見此山心風過樹難靜月明亭愈深泉
聲時緩急黛色任升沈至此若無得萬峰空古今

冷泉亭夜

明月正何限我來泉上亭如空身外境遂見靜中形無
意過雙鹿忽然飛亂螢參差三竺樹不定一時青

聞雁

似齋詩存

卷三

二

鴻雁來千里迢迢度水雲我今居故國亦作客中聞

讀史

雨裏無賓客閉門參史書始知班固密不勝馬遷疎行
役成秦亂英雄想漢初狗屠兼負販千古為欷歔

寄孫豹人先生

秦人寓
居維揚

憶君已一載纔作過江書聞道淮南隱春風正荷鋤函
關何夜月渭水幾人漁報我惟新句行藏即起居

詠史

湖上蓮花十里香蘇臺歌舞日徜徉西施自是能亡國
伍相徒爭放越王

范蠡功成泛五湖稽山表德特分符君王若紀亡吳績

何不移封種大夫

排解真成天下士當年仗節果誰如先生高蹈歸東海
多却聊城一紙書

六國樓臺已草萊千年圖籍更成灰早知三月咸陽火
不用魚燈照夜臺

淮陰城外水湯湯百戰功成鐘室亡一飯尚知酬漂母
通侯寧忍負高皇

久已鈴聲笑羯奴韓彭輕比任區區當年果遇劉文叔
未必中原可並驅

書報將軍禮數寬空函竟達失王官當時若使終高卧
定作東山一輩看

似齋詩存

卷三

三

烽火驅人蜀道通青驪獨跨泣西風定知夜雨淋鈴際
萬馬盤旋舞夢中

金人不敢駐中原八載齊劉令作藩此際兄歸歸亦得
江南甘作小乾坤

汴宮日日望鑾輿范石湖使北州橋詩州橋南北是天
街父老年等駕迴忍淚失聲詢使

者幾時真湖上重將殘醉扶紹興間一士人有賦曲一
是六軍來湖上重將殘醉扶

得垂歸去餘情湖水湖煙明日重扶殘酒來尋陌上花
錦思陵見而善之恨其後疊第五句重扶殘酒來尋陌上花

不稱旨提舉官曰此非菊不知曾念兩宮無

登樓

小病偏如暇登樓不厭勤晦明於景盡懷抱向人分溪
雨遠爲白人煙就作雲素心如肯顧猶欲細論文

春申舊城

鄢郢無三戶春申有舊城陰謀疎肘腋非望失聲名完
壁能歸趙居奇欲滅嬴英雄少明哲弔古不勝情

聞溪泊月

久雨山容瘦溪流晚色明詩心宜夜月客路重春晴村
酒醉無力鄰舟夢有聲隔林燈吠犬沙鳥忽相橫

月下渡揚子

蘆荻蕭蕭暮色幽空江澄碧放孤舟短篷深鎖魚龍夜
斷岸斜連鴻鴈秋何地鑿山埋朽骨幾時擊楫向中流

似齋詩存

卷三

四

悲歌別有關情處不獨維揚十二樓

望岱

萬仞出雲端中原氣鬱攢飛泉峰頂掛積雪石林寒漢
栢三千歲天門十八盤滄溟初日出吾未得奇觀

聞歌

北調聞何慘南音和亦淒關山天地運哀怨古今齊老
鶴中宵起名駒帶月嘶誰能不奮劔肯爲女兒迷

發井陘至故關

三日井陘住長途戒此關雲生天盡處午見夕陽山峰
阻疑無路溪迴忽有灣前身應策杖何事復人間

太行

嶺路隨雲入淡潭眩目花巖危懸過馬關險守啼鴉古
廟停人雨寒僧待客茶探奇雖性癖回首倍思家

旅感

故園迢遞隔山河錦字無憑可奈何不是閨中機婦懶
恐添游子淚痕多

重九過太行山

出門經歲不知還憔悴間關客子顏兄弟登高如念我
秋風落日太行山

復雨

積雨已相狎翻多一日晴曉雲經月潤田水入溪清冷
屋開窻小枯題得句生已拚鄉夢短尊酒伴溪更

似齋詩存

卷三

五

秋暮將抵家

作客經年苦秋深始得歸帆懸中夜月杵急萬家衣出
處知前定文章悔昨非故園香稻熟喜色近親闈

俞次寅先生將往漢上過飲梅下不意至祁門死

矣

寒梅今歲好之子晚能來佳句燈前得清尊樓上開別
離方有恨生死竟成哀他日南枝發何能照夜臺

九日

數點征鴻叫晚煙雲山淡淡欲寒天夢迴却憶西湖上
采菊囊萸已二年

睦陵

依舊嚴陵渡今年不忍看田荒官稅急江漲麥花殘梅
雨連山白松濤帶水寒濟川心未了終不負漁竿

作客

作客爭身健飄飄未足歎陰晴山雨易增減葛衣難意
氣輕千古風塵重一餐遙邨紅日暮努力上前難

鄱陽

連宵湖口好曉色一帆開何意西山雨偏從南浦來林
遙濃欲淡鳥重去仍迴蕭索真無賴孤雲水一隈

雨霽

雨霽推篷出吳歌叩兩舷岸榴紅映晚沙草碧侵天短
褐風吹薄澄江月照園笛聲前路發今夜幾人眠

似齋詩存

卷三

六

月夜

碧水上遙天紅霞漲一川往來人漸老兵火月仍園風
送沉邨鼓葦疎見釣船客懷今夜苦歸夢戰場邊

樟樹鎮

地屬清江縣

維舟樟樹鎮月出照初更水氣連雲白漁燈別港明心
隨千嶂遠坐對一江清烽火何時息勞人倍繫情

寄弟

鶴鶴飛散隔江沙千里相思對暮霞客裏驚心聞落葉
病中思弟隔天涯池塘夢度三更雨官舍秋開八月花
且待瀟湘春水漲片帆無恙可還家

家大人督運黔中

年來南國正兵戈勞苦嚴親轉運多鼓角西風相見頽
旌旗落日六安河鄉關共訝良書少故舊誰分冷淚多

遙望牂牁何處是終宵魂夢此中過

接家大人去年平越信

翹首黔雲萬里餘關心消息定何如可憐風雨殘春候
纔到牂牁冰雪書

過安陵城北僧舍

烏巾布袷共探幽蘭若疎籬傍小丘聞說故人曾下榻
霜樹樹秋清夢此時艱去住欲將心事問湯休

春雨懷人

似齋詩存

卷三

七

梅花折寄有前期驛使行時信轉遲莫怪安仁近疎懶
歸來看取鬢邊絲孫嘉客先生書至久未作答

作客湘江二載餘故人消息近何如獨憐萬里遙相憶
隔歲纔通一紙書按陸水修先生去年所寄書

大阮謀期類古人新詩俊逸出風塵佩刀贈我殷勤意
瀟湘絲絲夢幾迴壬戌出都省齋叔贈詩有佩刀瀟湘之句

河畔垂楊綠又濃伊人不見已三冬定知風雨懷人後
寫適衡山七十峰翁羅軒詩作圖見寄

四明周大令詞伯未識容顏使我思遠寄新詩自下相
懷人偏在楚元詞周紀公先生未經謀面新詩二首寄自淮上

題孝先詩

周斯盛

紀公

孤鴻聲裏讀君詩，讀罷蒼茫燈炮時。無數江雲與湘

月都來露下影離離。

道路紛紛我最多看君，亦復苦奔波從今應作忘年

友。莫遣玲瓏醉後歌。

安陵縣裏棲遲處，小閣蕭條夜坐時。獨把豹人詩一卷

頽雲春樹不勝思。孫豹人先生游湖上詩一卷家大人所手錄

分手河梁歲未殘，匆匆春色又關珊。知君定掛征帆穩

今在殿陵第幾灘。時陳康侯先生游江右

名士今誰動帝京，四明尚有姜宸英文章。老去神傳髓

莫道前賢避後生。姜西溟先生時客京師

忽憶宣州施侍讀，相逢似在斷橋邊。論詩飲酒真無敵

似齋詩存 卷三

彷彿前遊二十年。侍家大人同施愚山先生采葦湖上已二十年矣

門枕流泉綠樹齊，木魚清磬石巖西。秋風我欲尋前約

不復煩君過虎溪。雲門梵上人

楚江作客又三年，慚愧西湖負郭田。何日同君河渚裏

蓬頭無語對山眠。徐浴升內叔有卜居河渚之約

毛君貧病不窺園，草薦高眠欲斷魂。毛馳黃先生積草薦高數尺卧其上

先生傳遺我辨坻書一卷，論詩且欲倒河源。辨坻所著書名

安陵雜詠

山榛田穀一時新，取易堪將斗斛均。想見少陵同谷日

饑來拾橡叩農人。箕子

何奇萍實大如斗，更妙蹲鴟不帶毛。昔有注文選者以蹲鴟為帶毛蘿蔔

一時傳鼻祖，想從蔡二子。蔡京二子時謠曰：蔡家二子蘿蔔精。耳孫還可

步臨洮。萊蕪銀俗名蘿蔔

春來過長小兒拳，粉餌無如永最便。若使西山能屑食

夷齊猶得度餘年。蘇粉

沃則為饘乾，則餽咄嗟已辦。不憂遲誰知水火交相煉

早費工夫未用時。凍米

何處山蔬不渭濱，土中數寸此為珍。盈盤切玉家家饌

如坐西溪二月春。冬生

塘運詩 有片

音武侯運糧作木牛流馬，省財息民千百年來莫傳

其意。元董博霄為陸運之法，人負米四斗行十步計

三十六人，鑿列一里，百里用三千六百人，一日五百

回所行不三十里，可運米二百石，給二萬人，明帥遠

亦擇平坦之地，均其里路，置站保每夫一人運米一

石，彼此交遞，民不困而食足，法至善也。往者滇逆之

變，天子命內閣學士德公，侍郎金公，總理糧餉，濟師行

艱，于是會同韓大中丞，調南楚七府二州官民，隨軍

穀運，自鎮遠至貴陽，四百二十里，分五十一塘，一

郡守督理，兩塘每塘設夫七百名，每夫運米五斗，米

不着地，夫不留行，重行三十里，輕行三十里，此即帥

遠之法，而神明董博霄之遺意也。第帥以平地今運

於萬山之中，董以軍人今調同他省民力，駕馭存恤

貴，有其道，博陽效，故別委官董之夫，皆逃散，大中

丞飛章入告，而平越黃絲兩塘已積米九千餘石，時

烽火通天，水霜山積，運路崎嶇，不絕如縷，數十萬之

衆，整待食，於是家君以賢能調矣，奉命星馳於庚

申十二月到塘，兩塘僅夫三百餘名，家君解衣推食

撫恤，備至，復親入苗峒，招徠勸諭，楚民不忍去，即

童苗女亦効命，年家君請於大中丞，設法變通，遂於辛

運三月撤塘罷運，是以一令而肩一郡之任，以三月

而運半年之米，以三百人而完一千四百人之後，民

不擾而軍餉濟，楚地數百里，間謳頌之聲相聞。

是固惟家君之盡瘁歟寔兩閣部與大中丞調度之善也今滇黔底定功在社稷寧曰古今人不相及耶受作詩十二首以紀之

運米新分十四塘楚民七百遠投荒每塘發夫七百名黔陽山

勢都如鐔莫怪行人易斷腸

十萬雄師遠入滇運夫迢遞路三千中丞日給官倉米

每夫日給米一斤銀五分熟謂窮黎不值錢

南方烽火未全平皂纛朱旗日日行夜半一聲新鬪粟

役夫翹首貴陽城

黃絲道上盡荒蕪風利如刀透敕繻一百青錢三合米

却教何處覓醍醐

時見旌旗斷續過滇中消息果如何三軍日望珍珠米

似齋詩存

卷三

十

風雪人行倒馬坡

倒馬坡在平越城外橫亘數十丈家君鑿山開道始不病涉

昨宵幕府羽書馳暫借雙鳧縮素絲投石千人皆踴躍

城頭恰遇大叅知家君護理州事夫皆踴躍從事衛永大叅朱公于城上見之曰此真投石

起誰也

天使催糧不暫畱九塘積米過城頭苗童蠻女爭持插

盡道將軍夜唱籌

力運軍糧三月餘曰歸聞說在春初忽看一騎紅塵過

黔省中丞又上書

原擬三月撤場黔撫沈留侯破滇賊還

七月離家歲又殘蠻煙瘴霧露漫漫催糧使者黃符下

敢道無衣冰雪寒

雪中無衣運卒家君解衣衣之

狼籍河邊白骨新閨中猶自盼征輪使君親滴傷心酒

淚落黃絲路上人夫役死亡家君哭奠見者感泣

報道滇南昨倒戈同來運卒已無多可憐夜夜青燐哭

聽去分明是楚歌

柳卒一千四百人亡者十之六七家君悉收遺骸以歸

奏凱將軍盡賜弓漢皇置酒未央宮試思百戰貔貅力

轉運何如鄼國功

耒陽

朝辭便邑征帆穩暮宿耒陽古渡頭隔听人家孤似島

臨江城郭冷於秋青燈襍被終年客急雨飄風一葉舟

明發不知何處泊危檣獨聽水東流

銅渚道中

嶽麓山頭秋草綠羅江上夕陽昏亂流不見懷沙處

似齋詩存

卷三

十

我欲停舟弔屈原

岳陽樓

冉冉征帆湖上來岳陽樓勢實崔嵬沉沙永把三閭恨

鼓瑟空傳二女哀濁酒孤燈家萬里蒼葭白露首重回

朗吟不盡登臨興無奈橫江風雨催

漢上

蕭條夜雨此間關黯淡風波老客顏鄉國那堪回首望

隔江落日滿青山

柳江

三到柳江上蘇仙嶺未登不知仙在處隔澗幾千層野

服安貧賤狂歌托廢興一菴閒地在商略守漁罾

送內父歸里

一身歸去二千里赤日炎風六月時
客舍幾年親骨肉天涯今日又分離
無妨直諫人多忌且喜文章予得師
自愧家山行未得數行書札淚如絲

內子歸里

楚橋棲遲忽數年今朝方買浙江船
劇憐歸路風波惡自笑天涯去住牽
古驛鶯啼花過雨津橋日暖柳吹煙
不堪此夜柳陽月故向羈人分外圓

一時驚潰癸亥

昔戊午安陵被圍隔江雞公巖忽有旌旗赫然賊

上御製碑文遣官致祭恭紀一律

似齋詩存

卷三

主

安陵小醜肆猖狂聞說神兵護戰場
三匝已如華不注孤城猶幸魯靈光
風聲夜發皆疑晉馬汗晨流祇為唐
聖主酬恩新廟貌氤氳遠致御爐香

懷弟

鴻鴈衡陽斷歸心不暫休
長江如有意日夜向東流

入楚雜詩

南返纔三月倉皇問楚航
家園如逆旅妻子笑行藏
夜月吳山杳秋風漢水長
依依三徑內叢菊自舒黃
出門吾豈願無術奈饑驅
賤貌招舟子違心學酒徒
曉煙千嶂遠夜雨一帆孤
負却西湖上栽花似畫圖

柳花

時六橋補

曉發琵琶岬乘風彭蠡湖波平魚自躍
鴉落日將脯帆影東西掛湖中宮山有神能分風劈流
山祠大小姑中流看皓月鄉思幾人無

兩過澄江淨匡廬入望來雲光依水合
黛色接天開白鶴千年觀白鶴觀奇秀為廬山第一
昭明何處臺昭明臺唐改為門光寺石梁

如可度吾願老巖隈吳猛曾於石梁見玉鳥金闕

大母舍飴德艱辛七十春寸心懷顧復
八尺愧風塵世澤新膺寵生涯舊食貧
孫曾三十輩團遶白頭人

去國將千里回頭大滌峰滌園叔祖家大滌山下
有人吟薜荔值我憶芙蓉

純扇詩情麗茅堂酒思濃叔祖過飲敬義堂以詩扇贈別

今相望處雲樹已重重

似齋詩存

卷三

主

盛子真良友盛丹山相思似渴饑
昨余歸薜荔知子訪茅茨丹山過湖上

花落西風裏燈昏夜雨時
扶筇登鴈蕩應補謝公詩丹山時遊永嘉昔人謂謝靈運癖于山水獨失瀉蕩

駱子自奇士公羊姚生未易才子毅
別來將一載相憶且千迴

日月消詩卷乾坤托酒杯
定知同浩蕩不比獨徘徊

宅相余鍾念衰宗有此人長甥顧自西
賢甥無似舅愛弟即

寧親一卷能承志三遷已擇鄰
臨岐頻拜手期我上林春

客中明月好况復此清秋
舅氏生定深坐懷余獨倚

樓露華濃欲白銀漢淡將流
遶樹聞烏雀安棲未可謀

春

樓露華濃欲白銀漢淡將流遶樹聞烏雀安棲未可謀

丙寅元旦思雨大人南楚

忽又逢元旦思親淚暗承天涯雙白首旅舍一青燈迴雁書何在稱觴醉可曾夢中應有路不寐奈愁仍

寒食過盛丹山寓

冀北棲遲白髮新自傷失意轉憐春窮途病起逢寒食古寺花開見故人三載弟兄愁裏夢十年名字客中身南屏山下茅廬在敢謂書成再入秦

送湯夫子還朝

名世真當五百辰大儒特受九重親中原共喜相司馬長社還思借寇恂早慶重華由豫教懸知三禮獨惟寅龍門從此清光遠拜手河梁倍愴神

似齋詩存

卷三

五

七弟北上

今日鴿原散路岐不堪衰柳笛邊垂關河此際分南北骨肉從前數別離江轉白蘋悲斷梗月明烏鵲少安枝瀕行爲語加餐飯少慰池塘別後思

渡江

行役何時已飛飛一葉輕煙移瓜步岬雲壓潤州城月上海門曉潮來江水平翹飢勞僕馬不寐數殘更

遇潮

秋色曉沉沉潮來江水深遙天惟一白入險遂多音盈縮通微理安危共濟心扁舟利起忽悵望海門陰

鍾山

鍾阜直城北龍蟠成帝基至今青未了猶似六朝時

長千里

我過長千里愛聽長干曲不見行人歸但見江水綠

卞侍中祠

矯矯東西晉吾推下侍中能持三代法欲變六朝風事主原無罪教兒亦死忠當時丞相節零落建康宮

大報恩寺

帝里山河壯禪宮歲月長紅樓分氣色翠瓦特輝光日出瞻雙闕燈明照上方姜嫄郊祀外梵唄獨焚香

景先生詞

細石長干路荒祠古道傍生曾爲豫讓死欲射宣王嶺

似齋詩存

卷三

五

上寒煙起城邊碧草芳空山門早閉寂寞登堂

方正學先生祠

有志興周禮無功衛漢儲終懷君爽意不草鄭冲書暮雪寒江外春鷗夜月初葺弘碧血在秋水共涵虛

石五色

孫夫人祠

劉郎遠向豫州來結好相攜上鳳臺何處翠華勞悵望至今玉佩獨徘徊江聲遙自三巴落漢使空經萬里迴

莫問永安宮裏事蒼梧斑竹重增哀

建康懷古

建康樓閣倚天開日暮遙登江上臺紫燕不知何處去
青溪猶遶故宮來詞人自昔誇瓊樹商女于今唱落梅
欲向莫愁湖畔住後庭花發不勝哀

金陵酒樓

聚寶門前車騎過酒家樓子醉人多停杯聽說南朝事
宮闕春深長薜蘿

過磨盤山

驅馳南北未知還夜涉寒江曉度關人馬已飢天又暮
僕夫猶說磨盤山

故明祖陵

漢室新豐里周先不窋墳更嚴七校靜樂奏九天聞石
似齋詩存

卷三

七

馬嘶霜月山猿嘯暮雲大風碑尚在讀罷日將曛

荊龍興寺

即皇覺寺有御書
第一山三大字

我過鍾離郡來瞻第一山龍髯攀莫往鳳嘴山名啄常閒
風雨羈行旅丹青識聖顏有明太祖像極知陽樸釜羹頡賞

先頒

恨這關

跋涉千山與萬山半肩行李入荆蠻鷓鴣喚不行人住
苦雨淒風恨這關

雍丘劉文烈公同夫人殉甲申之難家大人令祀

鼎新祠宇創建後堂祀其夫人并列從死童僕

於兩廡

國破身旋殞時危事已非君臣同患難夫婦有光輝月
落一燈暗風生匹馬歸城南新廟貌行路各沾衣

哭湯夫子八首

不見寒芒出白雲西風一灑淚沄沄陳情有表思慈母
封禪無書答聖君人望久期爰作相天心何故喪斯文
六年函丈承恩切築室松楸欠服勤

瀛洲領袖神宗皇帝切成推鸞鷲

千秋志在薄貂蟬直將濂洛真儒續不獨關西夫子賢
白鹿至今留講席西門投策淚如泉

生平小技薄雕蟲翻以長揚獲薦雄執簡三長傳史筆
起衰八代仰宗風丹書初命銅龍署講席仍薰白虎通

似齋詩存

卷三

七

簪筆石渠如佩印漢朝司馬較誰工

儒臣暫借撫瘡痍駐節吳中却一期學道愛人知不易
改絃鼓瑟復何疑虎丘歌舞停春舫茂苑淫昏斥夜祠
況是新租蠲去後至今淚墮峴山碑

一生孤介絕人援何意歌謠徹帝闈少海光搖開講幄

九天眷重動文輶名尊鄧禹因時詔坐寵程頤以道掄

身到玉樓還晉秩寸棺坏土總君恩

事業范韓何足數勲名周召可相於宮中求諫時方切
殿上危言衆不如共慶朝宗歸底績豈令吾道笑迂踈

都俞正際明良盛何必遺言效史魚

一年九轉被殊恩更以清名動至尊梁有懸魚慚吏饋

坐嘗息燭徹官燭公私所寄惟經籍清白還留到子孫
死後不須來大鳥親揮琬琰慰忠魂

感舊彭宣不自持青衫落拓淚如絲未成國士羞言報
不遇名賢耻受知厚地高天懷至德讀書稽古慰前期
可憐隔歲間門路拜手終成生死悲

同年周鼎臣下第病歿京邸余經紀其喪命其僕

扶柩歸金華

夙抱文園病驅馳計已非出門成死別獻策歎知希友
奠車前酒童招屋上衣魂歸應有路定早傍親闈

懷河渚

遊踪渺然歸未知當年曾與水雲期梅巖招引開西牖

似齋詩存

卷三

六

豈架商量倚外籬野港春來魚擲子平原日暮雉呼兒
仙家無計裁年閏錯怨桃花千載遲

似齋詩存卷三

終

似齋詩存卷四

錢塘 王廷燦 似齋

今體詩

塵鏡

風塵嗟滿目埋照更何尤莫歎遮青眼知余羞白頭玉
臺絲網積寶匣土花浮有日逢徐孺重令鬼魅愁

焦桐

不遇中郎識將成已死灰文成蛇蚺斷音帶雉烏哀共
聽尊前奏誰憐爨下材廣陵傳未得傳向夢中來

廢檠

鐵檠去聲移燈背白香牆邊等棄捐韓昌黎詩牆角君看短檠葉塵埃
似齋詩存 卷四

悲此地球翠落當年韓詩長檠高張照珠翠書幌分鄰火蘭房帶
舊煙從今嗟燼冷鼯鼠不須前

斷碑

幾閱昆明劫空傳定武碑銷亡關世代缺夫耐人思榻
處分毫末裝來似鼎彝秋山有柿葉鄭重費臨池

舊劍

我有干將劒摩挲欲斷魂幾回中夜舞思報故人恩歲
月龍文澀塵埃斗牛昏司空不可遇棄置更何言

破硯

岳璞何年琢拋殘失典型縱難藏玉匣尚可寫黃庭洗
墨半鈞月窺書幾點星南唐輕一擲遺恨不堪聽

敗筆

可惜管坡子于今成二毛處囊悲頽脫投火抵薪勞畫
日信難用免冠應見嘲頽唐今老矣意氣為誰豪

敵裘

解慰文園渴難辭晏子賢曬來煩僕恥紉罷得妻憐深
厚何如貉奇温不及綿風霜空閱歷長似說秦年

竹夫人

珊珊仙子骨不似竹王奇頗笑迎涼草應呼來夢兒玲
瓏股肱托緘默性情宜德色當時貴秋深誰見思

不倒翁

擠排偏倚強彈壓轉縱橫累足知持重無眠見老成衣
似齋詩存 卷四 二

冠片楮就聲價一錢輕本是空空者人中浪得名

走馬燈

何事煙塵起環攻不夜城橫戈低弄影躍馬去無聲羽
燎咸陽火瑜塵赤壁兵輪回殊未已只為熱中生

風鳶

一線憑誰力凌空任野颺自憐非羽翼人羨在雲霄敲
側隨文燕低昂逐皂雕孰知忘故步高處轉飄飄

骰子

底事紛紅綠相思入骨微投盤成色界行酒按兵機鞍
馬難教住長驅已幾圍白香山詩鞍馬教住又長驅
波卷白莫走鞍馬詩當時酒令

不須矜賜緋去聲盧雉總成非

雙陸

紋桑平斲局博齒自紛然月落空梁闌星疎一柱偏孟
孫非敢後劉季已爭先豈不思歸切重關未許前

紙帳

不受纖塵染神光發半牀玉壺春不老蓬島雪生香繞
榻梅花冷通宵月影長融融初睡足如在白雲鄉

紅指甲

花汁染纖纖風流別樣看鼓琴桃泛水楊鐵崖詩問來
一曲鼓瑤琴數
點桃花
泛蓮水丸藥火燒丹淚血彈猶凝唇脂勻又殘有時臨

寶鏡數點綵雲寒

琵琶

似齋詩存 卷四 三

莫教銀甲卸四柱寫春愁繞指皆紅淚聞聲也白頭明
妃歸絕塞商婦在孤舟千載傷心語嘈嘈今未休

笛

玉笛吹何處蕭蕭夜色寒梅花開欲落楊柳折將殘三
弄客停棹一聲人倚欄西園訪遺跡清淚不曾乾

奕

世事紛如許仙機悟自今一枰消客夢餘響落花陰高
手爭先著旁觀救敗心不閒閒亦得夜半草堂深

柳眼

去歲灞橋柳春來依舊青色含千萬緒悵望短長亭雨
後秋波溜風前曉淚零舞餘眠乍起此際更娉婷

楊花

亦入名花品緣何画不成謝庭方比雪楚澤忽為萍逐水知無力穿簾似有情離魂如倩女搖蕩遍春城

醉鄉

世人皆已醉獨醒亦蕭然安得入仙飲重尋千日緣太常曾一到吏部鎮高眠若準劉伶例封侯過酒泉

睡鄉

惺惺何所適意味黑甜長身世無通塞乾坤任渺茫中宵飛化蝶一枕熟炊梁人盡悵悵者誰能識睡鄉

賣花聲

春光能幾日花信值千金叫遍樓頭曉穿來陌巷深驚似齋詩存

迴游子夢頓起故山心閨閣聽初罷忙移繡幙陰

落花

春去雅桑新芳菲只數晨迴風猶欲舞半面故相親細雨鶯聲老斜陽燕語噴香山歌一曲今日尚沾巾

落葉

客正愁搖落驚聞策策飛稍看紅樹盡總與白雲歸荒砌添寒色明牕滿夕暉幸留松柏在歲晚不相違

鶴

本為霄漢侶何事傍人行碧落秋空闊瑤臺夜月明壯心原自許健翮幾時成確確中宵發終能徹太清

鴈

鴈鴻何日到獨客最先聞半落湘江水遙沉冀嶺雲嘹唳絃欲破歷歷夜初分我正思鄉國淒然淚溼裙

睡燕

画棟銜泥倦雙棲暫息機魂應離大厦夢更入烏衣樹上驚鶯嚙花間化蝶飛捲簾人喚醒古巷已斜暉

紅鸚鵡

異鳥生何處虛傳日本來玉環垂絳袖樊素嚙紅腮麗色隨人玩丹心不自媒誰憐謝希逸寂寞在金臺

鴉

羽翼誰能假賢愚爾自知盡言常害衆閉口復輕時寓說驚鵬論幽愁著鵬辭古人多達識吾意亦無私

似齋詩存

鵲

客窓初睡足乾鵲數聲寒晴日千門曉梅花一樹殘鄉音慰羈旅遠信報平安夜半聞三匝飄零未敢歎

螢

亦有悲秋意通宵動苦吟古城微雨暗孤館一燈陰絮聒霜前夢忙催月下砧無衣何與汝祇亂旅人心

螢

花徑一星星誰為賦短檠謝宗可詩欲喚紗囊車武子為渠還賦短檠歌浮生甘朽腐得氣偶光明細雨寒輝溼微風冷焰清江南有秋士懷古對蕪城

秋士懷古對蕪城

鮒魚

漁泊歸潮候水鱗佐酒酣鮮肥空海錯芒刺警人貪彈
缺游情倦垂綸隱計堪每思姜子饌餒味不能甘

比目魚

比目知魚樂悠然大海東登封無此物秦漢有何功東海比目魚始可入網雙珠剖登盤片玉融此生堪失笑
封澤見管子

草

陌上自年年東風劇可憐青能回塞磧白更接祈連陋
室簾前入池塘夢裏傳王孫歸路遠此意獨淒然

繡毬

玲瓏枝上雪春意已將殘琢玉却成璧鏤冰似弄丸楊
似齊詩存

花飛不起粉蝶舞成團明月留長在三郎醉後看張詩

風來似欲擬明月
好與三郎醉後看

水仙

仙子澗之濱霞裾淡更新香肌非撲粉羅襪不生塵若
使逢曹植還應賦洛神月明江上望疑是弄珠人

玫瑰

玫瑰春狼籍陽和晚更饒未聞堪耐久盡採不崇朝爛
熳雲篋滿駢闐雨店招願充君子佩馨德久相要

石榴

好事張騫甚攜從安石來朱顏能久駐巧笑向人開紅
玉齒先冷丹房心自媒文園消渴甚飽啖欲千枚

銀桃

北地饒佳果銀桃貴帝鄉定分王母種聞許近臣嘗翠
幘琉璃軟金膏瑪瑙涼不須愁內熱今已飲瓊漿

橄欖

世事易為盡誰能惜所餘時當青果脆根下白鹽疎苦
口終無益回甘計已虛子瞻多感激崖蜜究何如

富春江

地接桐廬近山連越嶠長江清常見石葉赤不關霜把
釣思高士停橈憶故鄉當時比豐沛彷彿見孫郎

三片石

巨石何年鑿傳聞莫辨虛仙源留試劔樵路落飛魚睛
似齊詩存

雨旌旗變丹黃屏障疎可能移一片泐得孟堅書時用

外

大竿嶺

去國頻詢地旁人指未明分疆爭半嶺隨俗繫雙名白
髮知辛苦青山管送迎子規聽不得兩處一聲聲

仙霞嶺

石磴千層轉天梯尚未窮懸流分左右曲徑亂西東拂
袖浮雲白低頭曉日紅深閨如有夢人在萬山中

劍溪道中口號

十里灘聲響似雷延平城下雪成堆扁舟觸熱人休笑
為慕楓亭荔子來

大羅灘上響驚湍急溜盤渦六月寒萬石奇峯齊念佛

輕舟又到小羅灘大羅小羅皆灘名萬石灘又名阿彌陀佛灘

發家信

一封書寄自江潭客思蒼涼倍不堪半世風塵慚落拓
今年踪跡又東南歸期問我知何日人事如兒尚未諳
苦憶冰厨永寂寞北堂髮影亂鬢髮

放舟水口

欲上聞猿閣乘流易解維世皆趨險日溪尚得平時道
遠終存戒程寬且就卑來舟亦似利飛鳥過亭遲

啖荔

莫問江家綠傾筐照眼明對人矜我量按譜信君名酬
似齋詩存

味催新句攜涼解宿醒艱難悲客况恃此慰南行

得味心難已旋將顆數忘四時如可繼異地亦為鄉餐
餐爭初念含飴憶北堂茹茶嘗自警為爾愧餘筐

又七夕集成趣園

重逢七夕海南濱作底追懽趁此晨折簡招邀成雅集
相看半是未歸人承華青鳥應難至大被長竿莫再陳
撥撥絃絃微醉後登樓王祭倍傷神

苦熱

憂憤何能意自恬客居愈索夢難厭一簾風靜鳥聲絕
別院客來人影添茂樹不堪常借蔭南州何事學趨炎
忽思漁父輕舟遠獨下寒江水到驀

閩南竹枝詞

海邦珍果供瀛臺帶葉連枝隔歲栽遠隔紅塵三百里
喧闐爭道荔枝來

苞茅作貢自東南帥府新添海味甘泉州提督所進山珍海錯百有餘種

長泰莫嫌文旦澀長泰人因差取煩擾用龍溪已上九

頭柑九頭柑極之美者

不貴金珠不貴錢惟珍壽石大如拳閩中壽山石價貴十換

若果知人意原隰俱應變石田壽石以產於田者為佳名田石閩人墾田求石

鳳尾龍團製甚工春芽採自武夷壘中小甌一滴如甘露

茶杯絕小客至親燒獸炭紅客至主人于座上手烹

大火離離紅滿株爛如雲錦潔如珠而今貢道分南北

似齋詩存

楓亭荔枝天下無

投轄留賓興頗濃清晨數盞對東風青青竹葉葡萄綠
不及藍家過夏紅竹葉青葡萄綠過夏紅俱酒名

女兒素足躡紅塵男子科頭裹越巾晴雨無分高着屐

風流豈學晉時人

答朗行

浪跡三山畔青蓮贈我詩恍如登劣削鼓山最高峰曰劣削可以望瓊

球獨眺夕陽時乳白烹瑤柱腮紅劈荔枝不妨長作客
莫動故鄉思

讀王似齋詩有贈

昔年西子湖畔讀君集燦然初日新芙蓉今日越王
錢以壇朗行

臺下吟君句矯如掠水騰飛龍冥觀今古愜幽好盤
空架鷲吐銛鋒揮灑鮑謝最清越中有奇思開蒙茸
望雲對月半行役藹然至性流心胸夜分不寐起披
索忽忽旅思紛交攻回首往事十數載爾我相倚同
驅蛩中更息瞬白駒過分飛鴈羽難相從那知論文
醉樽酒一般作客消三冬窮途碌碌羞餘子長卿病
渴無臨印着眼風光頗不惡憑高暢好斟千鍾殘臘
新晴氣和暖鼓旗各沓山青葱何當出郭攜蠟屐長
吟遠嘯攀奇峯

丹霞客舍送蘿軒歸里

西湖炎暑同行日南海秋風分手時媿我欲歸歸未得
似齋詩存 卷四 十

土牀孤枕味君詩

聯吟對飲不知愁酒後敲棋月下謳今日片帆君獨挂
一身始覺在漳州

黃柑朱橘且消停啖荔輸君齒尚馨怕殺蠻煙蕪瘴雨
明年依舊憶楓亭

客中送客動鄉愁况值丹楓葉落秋堂上白頭方倚望
君歸莫道旅人憂

青松白水稱兄弟北轍南轅數別離何日村田能買足
一樽清酒話前期

送同鄉人歸里

目送歸鴻四五年而今一語賴君傳幾回欲寄家書去

只恐家書不當錢

偶成

陰森海氣兼山氣拉雜風聲又雨聲不向黃昏尋一醉
可能清夢到三更

初度感懷

側身天地長為客刪盡閒情却是禪去國三千經四載
回頭四十又三年文章信美知何用富貴粘身恐未然
腸斷高堂今夜夢丹霞嶺下石江邊

陰森瘴癘非吾土飄泊浮萍欲斷魂觸鼻魚蝦腥雨後
入庭蚊蚋鬧黃昏星星白髮添新鬢點點青衫濕舊痕

有藥銷憂兼治悶一枰棋子一清樽

似齋詩存 卷四 十一

可憐酒盞棋枰與處處俱遭病折磨可惜春花秋月夜
年年却為客蹉跎老終難少真無奈窮未工詩復若何

幸有西風能領畧故吹歸夢到煙蘿

野意亭

宜得亭時步自留憑高遂覺一身浮在城偶以無人野
有月渾疑此夜秋麥老禾新分樣綠潮迴溪下共天流
遙程送目難窮處鳥外侵雲是十洲

自三山歸丹霞

寂寞無端感此身臨行何事又逡巡連朝風雨悲羈旅
數日薇花即故人總在天涯終是客漫言歸去不離閩
有家只傍青山下深巷斜陽望子顰

題画

楓樹經秋葉葉黃
隔溪山色晚來蒼
登樓楚客多悲思
愛看林泉似故鄉

懷蘿軒思敏

聚散何常五載間
幾秋佳節共當筵
昔時狂醉如天外
今日懷人在月先
遠舍無言催菊蕊
登樓有約答詩篇
弟兄自可贏歌笑
應念孤遊獨未旋

謁范忠貞公祠

湖心亭子對朝暉
遺墨勾留映翠微
公撫浙書勾留處三字于湖心亭

九月霜寒悲鶴唳
三年淚盡濕牛衣
杲卿罵賊何生死
晁錯安邦任是非
浙水至今懷舊德
傷心長逐海雲飛

似齋詩存

卷四

十三

登樓

怕使人知獨上樓
徘徊忍淚下征裘
前山自晚浮雲起
古木為聲寒日收
客思偶隨秋色遠
歸心時逐瘴江流
倚欄畏聽城南角
悵望天涯無路舟

將去丹霞成雜感

秋蟲夜雨已淒清
我更懣騰似宿醒
行止旁觀人主意
饑寒怕受友多情
攜愁數與笙歌會
聞事強收嗟歎聲
歸去柴門村巷小
終朝抱膝自呼名

逆旅寒更失記籌
孤燈照壁影沉浮
鴈鴻程遠遲過嶺
蟋蟀聲微不上樓
遊子只于今夜老
高天若為一人秋
遙憐病婦辭膏沐
待得余歸恐白頭

世事傷心酒不勝
秋風容易暗相乘
同經患難憐僮僕
悔失幾先負友朋
不敢對人雙白眼
只留伴我一青燈
斷雲今日尋歸路
驚嶺吳山著意登

別艾菴

霜雪盈頭土滿裾
一肩行李半床書
昔年從事風塵內
異地相逢患難餘
尊酒易寒言未盡
寸心猶在夢何如
黃柑丹荔俱拋得
只有離愁難破除

建寧

異鄉風景入詩新
延攬匆匆惜過津
確欲停魚衝夜雨
橋因放艦積行人
城烏亂集相為晚
山鳥強催未去春
自歎頭顱成老大
年年踪跡向南閩

似齋詩存

卷四

十一

訪友崑山

新正三日風瀾瀾
積雪未消塘路敲
遠舟十里塢數尺
平地一山城半規
客子初到莫相問
故人或出無前期
深深古巷過橋曲
嘉樹春早啼黃鸝

哭傅時嘉表叔

三年薄宦不名錢
一卷麟經已足傳
有春秋恭旨行世 九十老
親十歲子幾多珠
淚落風天

玉樹長埋劇可哀
燈前剪紙換魂回
不知托我因何事
夜半分明入夢來
憶昭嗣襄陽
憶別休文二載餘
襄陽風景近何如
不教閑却垂竿手

寄我槎頭縮項魚

題鄧滄浪稗海紀遊畧

偶然乘興遠探奇，弱水蓬萊任所之。一壑一丘君自有，柳州文筆謝公詩。

秋日雜感十首

獨歸茅舍圯，秋至不多時。已覺世難合，更無人可思。園荒疎竹柏，囊澀置文辭。十載看山興，朝來夢武夸。親老慎遊遠，閉門知日長。草茅存禮樂，忠孝急耕桑。臥起添新課，秋來減舊狂。酒錢移市米，獨醒看斜陽。九月光淡山齋坐，慨然蟲窺落日動。鴈促夜風傳，遊說曾千里行吟。已十年，何時卧龍畔，終結草廬綠。

似齋詩存

卷四

古

自分作樵漁，誰知此意虛。快心難信夢，極困忽疑書。脫褐朝謀米，攜薪暮指蔬。老親深望我，勉強帶經鋤。四時皆有感，秋更見天心。不了蕭森氣，無端破碎音。赤烏慚執熱，白帝好重陰。倘遇堯時雨，江湖深復深。竟不知何日斜曛，又過隣貧來。花月賤病退，鬼神真厭藥。停常冷愁糜，問易噴為憐。黃菊瘦知有柳條新，坐久心何寄。將心寄石田，名因悲憤誤。業恐晏安遷，檢韻餘初意。移思改舊篇，風塵催老大。不早此中研，一夜雨如濤。平林風怒號，天傾萬物懼。龍戰百靈勞，顧影揮如意。呼誰試寶刀，酒杯傾易得。擲不盡離騷，重陽無幾日。我正畏登山，閉戶心何在。蕭蕭老樹間，釣

魚時掩卷得友一開顏，偶到湖邊去寒風。下白鷗獨行天地內，不敢傍時人。莊老增吾放，黃農慕古真。何為驚貴賤，且復數冬春。安得乘風去，崑崙著此身。

橘

佳果江鄉異，紅珠霜後探。綠何戀鄉土，不肯過淮南。

買田授故人子

同年李書升沒家貧子幼余與葛曾傳遠諸同年買田授之

不獨人琴痛，清貧劇可悲。寢門來執友，麥飯泣孤兒。負郭分新畝，成家待後時。死生生不愧，謂諸同年也泉下信相知。

無人

無人堪竟日，有樹可隨陰。小病矜寒暑，微操証古今。困窮增士氣，誦讀慰親心。何限蒼茫意，看天問不禁。

似齋詩存

卷四

五

吳江

空江野泊夜悠悠，玉笛飛聲何處樓。夢轉忽驚身是客，一輪明月照孤舟。

重九登北山絕頂

結伴登高去，棲霞第一峯。雲橫雙塔迥，烟鎖萬家封。崖積深秋霧，風鳴大壑松。故鄉萸酒會，七載喜重逢。

舊集寄政吧公先生

貧賤苟無力，文章適累人。後將由是筆，進以論其身。毀譽雖隨俗，瑜瑕貴有因。丹黃寧過刻，翻罷莫逡巡。

廣陵悼孫豹人先生

昔年白首來江上獨對青山哭夕陽甲午先生來杭叔張坦公方伯二律
有白首相逢大江上青山欲哭夕陽邊之句張開詩大恸今日廣陵城下客不須聞笛已神傷

沂州渡口

四山合抱水粼粼夾岸垂楊漾晚春兩袖涼風行旅夜一肩斜日渡河人

曉行

一輪明月淡無色數點殘星何皎然遊子已行三十里閨人猶夢五更天

張夏

沙河土嶺路迂迴十里還逢野店開下馬欲尋何處宿似齋詩存 卷四 六

滿身風雨過橋來

琉璃河一名劉李河地產鴛鴦宋范成大使金過此有鴛鴦對飛之句

五載飄零始得歸又勞病婦紉征衣今來劉李河邊望羞見鴛鴦對對飛

明妃故里

桃花露重柳煙輕傳說明妃此地生今夜赤欄橋上月琵琶猶帶斷腸聲

睢陽道中再哭湯夫子

至今四海仰人宗莫歎當年道不容萬嶽長留千古色青天三十六芙蓉

晤許不棄

才名驚座許不棄落托因人王孝先燕市相逢成一笑聞名各道已多年

飲羅軒怡園同孫愷士趙文饒

共向怡園酒一杯丁香花過碧桃開醉來莫怪頽唐甚俱是身從患難來

園齋

永日睡罷又無事出門徒倚花紛紛紅收遠樹鷺絲接雨霽空庭蚯蚓聞愁外醒心寄獨立懶中得句酬微醺故園春色可同暮我欲一問多浮雲

嚴庶華表叔自湖上一別不相見者十三年今忽

晤於燕邸

似齋詩存 卷四 七

踪跡飄蓬真失笑相逢燕市轉驚疑可憐一別十三載人世能堪幾別離

題嚴少司農遺札後

東京厨顧已凋殘海內人猶說子餐司農公字今日窮交空有淚秋風灑向兩峯寒

自昏

逐逐終朝作底忙自慚學殖已全荒偷閒半日攤書坐老眼摩挲得幾行

足病

垂老方知行路難芒鞋布襪自覺跚任他樓上佳人笑却幸齊名釋道安

寒夜讀書

四隣砧杵靜無聲街鼓鼕鼕打二更自笑頭顱將五十
寄人廡下作書生

送同年龔季乘之任餘慶

山城終歲盡開花日午三竿即放衙清酒數升書一卷
使君只似卧烟霞

黃絲古道急軍需先子能聲徹險途倒馬坡前君試問
不知還有舊碑無先大人督運平越擊倒馬坡通道士人立碑紀事

莫春三月會羣賢南客相逢在北燕今日樽前思往事
風塵聚散十餘年乙丑上巳同人集於京邸今十七年矣

牢落書生鬢已絲懷中刺滅竟何之前過莆田金應台拒不相見故云

似齋詩存 卷四 八
故人又向南去擊筑誰呼老漸離

送同年沈一皆之蜀

休文擁傳徒陽城夾道花濃錦浪生莫怪兒童遠相迓
三巴原識使君名一皆初任屏山

錦官城下水爭流玉壘風高木葉秋夜靜月明巴子國
思鄉一上越王樓

海棠香過荔枝肥嘉州海棠獨香正值君行四牡駢杜老草堂
今在否為余一問浣花溪

與君已作十年別此去重經萬里橋無限蒼茫懷舊雨
秦雲蜀棧總魂消

送人歸里

蕭蕭楓葉丹颯颯秋風起送子上河梁歸心滿江水

翁羅軒李寅谷招同人遊豐臺宛平相國園看芍

藥

遠問豐臺路垂陽隱數家偶攜一石酒來對百叢花投
分真蘭契連枝羨棣華康節逸仲思敏朱門歌舞地千種絢明

霞

名園開日下遠岫四圍青屈曲存喬木孤高有一亭晴
雲朝漏戶殘月夜窺櫺太傅調元暇花時得幾經

寓羅軒邸二載矣欲歸不得接家信知長姊歿悲
感獨步中亭永夜不寐

異地增交誼尊殘半榻幽愁懷難在夜客况易為秋信
似齋詩存 卷四 九
到生悲感家貧怯去留起行無計得微月半簾收

似齋詩存卷四

似齋詩存卷五

錢塘 王廷燦 似齋

今體詩

粵西需人吏部以名上

壯歲雄心與古期十年牢落忽如斯未成郎署先垂白
若較將軍更數奇南北風塵游子慣齏鹽滋味小儒知
忻逢

聖主儲才日已向炎方借一枝

蒼梧聞在五溪西瘴雨蠻煙白日迷樹樹紅垂荔子熟

邨邨綠暗鷓鴣啼羣苗錯列千峰合兩水爭流百丈低

粵西水來自交趾分左 當日籌邊有遺績高樓曾與白

似齋詩存

卷五

雲齊

道上有貌似威輔宸者得詩寄懷

忽忽無端起獨行久遊容易觸離情意中有子因成貌
市上逢人欲問名豈亦浪遊隨處至將無瘦影共天生
遙知一卷高樓靜窓對朝煙暮雨橫

張相國歸桐城

報君豈獨在文辭父子公卿自一時太傅懸車歡睡足
季方持杖錦衣隨盈科流水原無意出岫閒雲不自知
莫道晉公開綠野此身仍是係安危

入吳縣舟泊胥江作

舊夢已拚過嶺外 新恩忽許到江南半生所學果何

事一旦臨民肯負慙酒既藏鳩寧忍渴馬如有毒敢嘗
肝只愁懶慢已成性腰折奔趨或未堪

短簿祠

五馬浮江晉已東官家威福屬奸雄當時喜怒雖能主
百世譏彈自至公甲第昔年傳梵宇荒祠此日響松風
山頭只有天邊月一片清光今古同

癸未二月

皇上南巡駐蹕姑蘇

名大小諸臣賦詩行宮

頒賜御書恭紀六首

東南望幸久安排結綵張燈真麗哉遠隔屬車千百里

似齋詩存

卷五

二

喧聞爭

翠華來

治水從來上策難今逢

聖主奏安瀾不須韉馬投瓠子獨運

神謨莫激湍

四十餘年惠澤深勤民又見

六龍臨由來雨露施無已賜帛蠲租喜不禁

錦纜徐牽夾道歡銜恩爭跪獻盤餐

聖人莫便回鑿早白髮黃童共挽攀

濫列賢書二十年掄才何幸得朝

天四十一年因要地需員九 乾清門今隨鷓序迎

鸞駕一幅

龍箋賜日邊

內臣捧出龍蛇動使相分來琬琰明小吏自今藏什襲

虹光夜燭鳳皇城

御書有春入鳳皇城之句

夜至元墓

連宵微雨濕枯英聞說梅花樹樹開莫訝使君乘夜至

花時能得幾回來

顧俠君招飲秀野草堂

故舊相逢快聚星過從不遣竹籬扃偶遺世事忘頭白

忽對山光覺眼青花自無心開滿砌月如有意到空亭

東坡詩句邊生腹今日推君作典型

似齋詩存

卷五

宋大中丞憲署觀演桃花扇劇

中州侯朝宗金陵李香及蘇昆生柳

敬亭遺事

檻外河山照酒尊玉簫檀板易黃昏此身不是開元老

何故聞歌亦愴冤

一時肝膽向夷門文采風流今尚存試問當年誰破壁

幾人刎頸為王孫

曲中又見李師師無價珍珠自一時不羨通侯千乘貴

丈夫寧獨在鬚眉

笑殺當年古調亡幼時曾讀兩生行

梅邨先生有楚兩生行贈蘇柳即用

試看席上鷓絃換何似從前五尺量

吳詩羊黍分明玉尺

鈞党相傾四十年南朝半壁死灰燃

王師飛渡長江水舞榭猶歌燕子箋

靈巖

落葉蕭蕭打寺門館娃遺趾有名存多情最是吳宮月

來向靈巖照古冤

梁巷

梁馮牧豕處

西子猶傳響屨廊荒墳尚是問真娘梁家巷在靈巖北

絕少人來弔孟光

梧桐園

在館娃宮側夫差時童話云梧桐宮秋吳王愁

紛紛冷葉下枝頭雨滴風驚已是秋只有西施長夜醉

梧桐葉落不知愁

似齋詩存

卷五

華山

因尋支遁跡偶到此山顛樹杪藏孤寺雲根出細泉自

慚為俗吏至此欲逃禪緩步尋歸路無勞上竹篔

禱雨

三農方播種六月苦炎暍拯救無他術精誠達帝關滂

沱沾萬井笑語溢千邨定得豐年望歸來倒酒尊

真娘墓

半塘塘水日云云當日真娘名尚存歌舞偏能傳後代

風流何處問荒原浣沙西子空留石出塞王嬙亦有邨

古木亂雲千載下行人枉自說消冤

虎丘

為指雲中塔因登寺裏山
劍飛池尚綠僧去石仍頑
倚檻看浮艇臨流想閉關
笑他名勝地迎送詎能閒

太湖

沈澄流元氣晨昏變杳冥
一湖千頃白七十二峰青
魚自平沙出帆投遠浦停
羨魚非我志乘暇偶揚舲

自題觀梅小像

家近孤山長作客宦臨元墓不成遊
園中却得時相傍不必分身學陸游
放翁何方可化身千一樹梅花一放翁

萬樹晶光凝一片千山晴雪綠微茫
扁舟何日尋前約薄醉高眠領眾香

湯夫子撫吳去今二十年矣士民追思不忘請建

似齋詩存

卷五

五

坊以誌遺愛

名世從來屬大賢東南德澤尚流傳
上方夜賽無燈火虎阜春遊絕管絃
直節自垂千載後去思猶是廿年前
巍巍雙闕標遺愛民不能忘體用全
坊額士民請顏曰民不能忘

元墓看梅

菊花開後便相思積雪初晴始有期
素影愛同斜月伴斷魂只有曉風吹
孤高似對真名士幽冷如觀絕妙辭
我欲攜書千百卷吾家山下結茅茨
吾家山名梅花最盛處

虎山橋

一棹春風漫溯回四圍山色翠成堆
荷鋤老叟攜筐婦盡自梅花樹底來

唐解元墓

墓在桃花塢宋大中丞新修

歲歲春風到北原桃花開落總無言
遊人尚問真娘墓麥飯誰思唐解元

評事新封賈島墓右丞特築浩然亭
從今三尺橋邊土遙對西山一抹青

吳王酒城

築城釀酒圮還修妙舞嬌歌春復秋
生聚十年思報怨吳王不醉越王愁

吳宮

高臺百尺為梳粧玉檻瓊溝響屨廊
歌舞一生香水葬西施原不負吳王
吳亡西施自沉香水見壘子

似齋詩存

卷五

六

張王墓

張王宮殿昔巍巍遺趾空留百畝多
來往行人休太息蔣陵原樹近如何

南陽五弟之忠州任

垂裳 聖主求賢切何意 恩波及我曹
但願舊家傳治譜休因薄祿易清操
行人道喝多栽樹農務方春勸賣刀他日莫愁歸路惡鬱林有石壓輕舸

弟兄無故真難得而况相看各白頭
破帽騎驢京邸客孤燈聽雨市中樓
一庭愛日天恒眷兩袖清風我不愁
餞汝一杯投好酒青雲發軔是忠州

酬顧九恒先生粵東見懷

北道因人同邸舍壬午京邸同主康紹中宵看奕落燈花先生同寅谷敲

棋余每傍觀舊遊如夢猶能記薄宦如僧豈有家緩急交情

思魯肅時兒子入粵表章師說媿侯芭來詩及湯夫子石坊故云新

詩寄我遙相憶千里梅關鴻雁踪

寄孝先 顧永年 九恒

雞陂雀市舊吳宮水上人行吏鏡中健令不愁煩劇

地下車正直 翠華東引舟挽緯三農逸決郡如神

兩聽聰舉世幾曾逢召杜聲名願得碧紗籠

休嗟梁木已先萎衣鉢千秋風範垂豈獨經傳明翼

贊還於治譜識規隨甘棠久矣揮遺淚碣石巍然表

去思立雪程門能有幾此中全不計官資孝先為其令師湯晉

似齋詩存 卷五 七

庵先生建坊於吳送日容荆山俠君應

召北上

三子聯鑣赴石渠一時聲價比應徐吳中舊業儒為貴

名下今知士不虛自是吳公推賈誼非關楊意薦相如

想君中秘燃藜日回首南雲念索居

馮文字招飲觀稼軒

一灣流水遠柴荆喬木新篁傍古城揮塵流連清暑地

翦蔬鄭重故交情別開小榭依楊柳坐對平田較雨晴

回首家園秋穫近年來誰使輟躬耕

徐虹亭先生七十即傲先生六十自壽詩體祝之

瀛州領袖蒞珠仙歸向雲亭白晝眠記得石湖詩句好

軟紅三尺舊塵緣

南州健筆太縱橫南州草堂集先生手輯晚對松風格更清乙未

西之作名松記得樂天詩句好新編十五卷詩成

風餘蕙周秦新調自超羣價入朝鮮百倍聞朝鮮以金一餅記

得昌黎詩句好兼金那足比清文

滄江高臥是君恩小築茅亭黃葉邨先生築亭類曰豐草記得少

陵詩句好堂西筍筍長別開門

先生為我詠寒葩苦憶西溪萬樹斜先生題余觀梅圖有當年我亦泛西

樹樹連之句記得放翁詩句好探春歲歲在天涯

廿年北面仰人宗恨不攜尊日過從記得東坡詩句好

似齋詩存 卷五 八

定應牀下拜梁松

上元踴燈詞

蕭鼓喧闐月正華春風偏不到貧家朱門燭淚堆多少

可借餘光夜績麻

雜識

西施去後留歌舞此地由來盛綺羅茂苑只今成閬苑

不知何處問嫦娥

仙仙妙舞莫瓊樹裊裊清歌揚白花自是江鄉留不住

春風吹入五侯家

別吳門諸子

相看諸子盡吾徒數載盤桓興不孤媿少酒尊同北海

偶留姓氏落東吳
西山橘抽成
知識萬樹梅花入
畫圖
余有觀梅小像諸子題詩其上

丁亥元旦

未免侵晨起
難忘是歲正
爐餘昨夜火
雞唱故園聲
逆

旅憐兒子時家眷寄居吳門
長途憶友生聞陸紫遙將至
遙知親舍夢

辛苦到燕城

飲潤木齋

殘冬無積雪
春早到燕山
千里一堂聚
數人同夕閒
清

狂疎世法爛
醉忘鄉關莫
聽城頭角催
還未肯還

寅谷日容紫
湘紫逸俠君
陞交過飲寓
齋

決日留連勝
事賒相逢偏
喜在天涯分
曹水閣新詩
好

似齋詩存

卷五

九

移席空亭皓
月斜客裏壯
心消竹葉故
鄉春色負梅
花

乘時已有諸
君子莫笑疎
狂擲歲華

憶故園梅花
和金皆山韻

記得曾遊鄧
尉山一觴一
詠醉花間今
無驛使空懷
遠

獨對疎枝伴
夕閒

西溪十里夙
緣因又為鐵
驅蹋軟塵他
日探花懷舊
雨

慚余不是絕
絃人音同流昭剛看梅西溪今得音思之愴然

自媿飄零鬢
已絲調羹尚
爾繫人思燕
山只解看紅
杏

冷豔幽香知
不知

對月香浮紅
燭蒂臨流影
愛最斜枝今
君壓倒林和
靖

收拾清香入
小詩東坡詩已湖處士骨應稿只有此詩君壓倒

接五弟粵西字

南雲盡處是
忠州隔歲方
傳萬里郵讀
到離懷悽切
處
暮春風雨似
深秋

馮道濟先生
歿三十八年
矣詩文散失
嚴子覲辰

司訓四明余
托其搜求止
得詩一十八
首合先

大人所藏共
五十四首刻
成一帙

玉樹長埋已
可憐那堪佳
句失流傳感
懷鵬賦千行
淚

零落御林三
百年昔徐中山王入元宮得一玉獅筆林寶傳數代其後人贈先生尊人大同

馬公先生有
萬字聯吟思
宿昔萬字樓詠九日詩榕

堂紀事恨纏
綿榕堂雜詩皆崇禎末年事
寒風蕭颯孤
燈白靜掩茅

齋手自編

似齋詩存

卷五

十

刺周茂三先生遺稿

故國遺民周
處士胸中丘
壑筆龍蛇敲
殘如意心為
石

散盡離騷秋
滿艤慟哭非
關孰麴葉逃
名偶爾掛袈
裟

先生曾披緇醉後賦大詩聲撼四壁
賦得斷腸春
色在江南

春色撩人春
正妍愁人望
遠轉堪憐虎
丘絡繹臺心
石

茂苑笙歌渡
口船未免有
情羅綺色誰
能遣此豔陽
天

關干倚徧渾
如醉花落花
開又一年

論詩索紫逸和

萬卷能無一
點塵浣花千
古此詩人唐
家韓白宋蘇
陸

一瓣心香子
美身

山河大地盡規模莫道人間好句無趙師秀詩人要識

詩中三昧法須從詩外用工夫

鏤冰翦彩一時容豈識文章與性通鍊句不如先鍊格

格前命意更須工

從來五字最難精鬪捷休誇七步成琢句渾如雕琢玉

苦吟百遍見新聲

彼美與懷殊繾綣古人寄託有深情高唐綺語雖奇絕

只恐風流誤後生

今來

前歲君王記姓名今來顯預容燕京無燈不敢分鄰火

有酒偏思乞步兵疑似黃楊遭閏短愁如青草望春生

似齋詩存

卷五

十一

諸公衮衮乘時者小吏何由更請纓

登毘盧閣

毘盧高閣昔曾遊今日重來動客愁躑躅半生騎瘦馬

悽惶十度到幽州我方下澤垂青眼佛若多情亦白頭

尺五去天雖甚近仰瞻無奈白雲浮

陸紫湘紫逸以移寓詩索和依韻奉答

每因無事過崇垣豈必山林始避喧佳句多從難弟得

近日與紫逸愁眉今更為君軒孤燈靜讀輞川句清夢

時尋白下門却喜文章歸二陸時時會合細探論

京華能勝故鄉無浪跡年年笑病夫對酒當歌聊爾耳

有田不去胡為乎山中夜雨長新蕨江上秋風折嫩蘆

似此流光似此景何如所好各從吾

夜半口占

明月照窓紗夢迴疑欲曙似聞風雨聲蕭蕭在高樹

送同年沈芷岸學士歸里

矮簷短屋夜生寒棘院沉沉漏欲殘剪燭論文剛識面

姓名同向榜中看辛酉開戰與芷岸同席舍

榜中有子最稱賢風雨心期三十年媿我白頭仍索未

羨君撒却軟塵緣

軟塵十丈苦難禁一旦飄然返故林不是秋風方憶繪

閒雲出岫本無心

無心另闢徑三三林下風光到處探只恐蒼生思謝傅

似齋詩存

卷五

十一

東山不得戀煙嵐

寄呈內父

索米長安一載餘叩門喜接數行書雲山遠隔三千里

報我行藏及起居

韓子饑寒仍力學伏生老去尚談經遙知獨坐茅堂下

靜對秦亭山色青

人無百歲幾堪悔啞食黃連苦自知君子執身如執玉

莫將往事說當時

經年作吏一錢無故國人皆笑此夫惟有梅花知我意

同留清影在姑蘇

角聲

月黑燈青曉色開城頭畫角不勝哀千門萬戶甜甜熟
只向愁人枕畔來

落葉聲

秋霜秋月夜分明策策微聞木葉聲客子思鄉不成夢
通宵窗外有人行

紫綉紫逸以郊居詩見示讀之慨然余邨居有志

卜築未能率爾奉和韻澀思慳無復律呂自言
胸臆不足為外人道也

負郭常思賃一椽無端膠擾負年年貧愁只為識丁字
生計何堪納子錢老景漸添頭上雪好花似隔眼中煙
幾番卜築成虛幻定有窮魔笑買田

似齋詩存

卷五

三

得買村田安樂窩年華自此不蹉跎有書可讀真難老
無事關心總太和雅集不邀珠履客新詞仍付雪兒歌
生平結習今無幾靜裏光陰似覺多

光陰又見綵陰勻莫學時賢兩黛顰奴婢競誇能解讀
妻兒更喜不言貧青州自是杯中聖白菜常為席上珍
世事煙雲如過眼力田事業洵為真

養子須教學力田飽諳世故始知然飯牛歌裏無懷氏
打麥聲中大有年畫錦堂開渾似夢軟紅塵遠別為天
黑甜一覺無餘事世上人稱是地仙

疎慵成僻絕塵埃屐齒從無印積苔雨後笋尖當戶出
春深樹影過牆來學仙學佛終成累為圃為農亦有才

終日閉關成獨往柴門端為二羊開
索米長安我是癡思歸念切有誰知乾干凍殺山頭雀
繞樹難安月下枝新杖何時扶汗脚舊遊莫更憶南皮
邨居未卜他年事且和機雲絕妙詩

懷歸

但得家書讀聊當一度歸客中春又去老至願多違病
眼疎書帙饑懷憶蕨薇何時湖水上閒坐釣魚磯

需次

需次金門已一年浮雲漠漠恨纏綿飽諳世故惟耽酒
欲質琴書不值錢海燕依人偏故故山花含露自娟娟
晚來更愛天邊月冀北江南兩地圓

似齋詩存

卷五

四

送金皆山之任楚南

十年兄弟客中親又作東西南北人芳草連天楊柳綠
送君無計可留春時曹彙初莆田吳以英韓城金皆山平江余獨留京師

此日離情對夕曛他年悵望嶺頭雲袖中刺有梅花句
但見梅花即憶君皆山曾以梅花詩索和

春來漸減小樓寒待客丁香未肯殘招我驟清三百石
弟兄幾姓一堂歡頃招飲丁香花下

錦帆遠向岳陽樓湖水涵虛一望收常日奚囊多好句
况今香草滿汀洲

賦得紅藕香中泊妓船和紫湘紫逸

太傅當年樂事聞政餘尚泛半湖雲蘭旌桂柁此中住

人面花容何處分酒吸碧筒擎翠蓋葉傾珠露濕紅裙
自誇老去風情在緩緩歸來日已曛

紅開茁茁映遙天趁得微涼且放船不醉無歸聊復耳
有情未免想當然玉簫吹罷思遺珮金縷歌殘更采蓮
酒散只留明月在却輸漁父笑音闌

題画

數里溪光引白鷗一林竹色帶青山幽人登閣讀書去
放却門前釣艇船

題硯石

片石薄于掌溪光千尺深却將人作墨磨盡百年心

紅葉

似齋詩存 卷五 五

春林一碧花如葉秋樹通紅葉作花莫道歲寒無景色
還看枯木鬧歸鴉

春花豈是露添來秋葉非關霜染紅總是天然顏色好
東風嫁了又西風

瀏河渡海

四顧渺無際垂虛駕小艘風濤元是海鎖鑰尚名江清
激日光碎靜搖帆影雙浩歌還擊楫壯志未能降

崇明郊行

海風時刺刺海氣日昏昏溝澮皆環宅雞豚各自邨外
籬編水柳斷岸識潮痕頻見滄桑改神仙何足論

題郁滄浪小照

屈指經綸第一流杖藜何事獨夷猶看君筆挾風濤勢
知是曾從海外遊滄浪曾到淡水著神海紀遊略

緬懷舊雨廿年強何幸同君又海疆我亦倩人圖笠屐
相期湖上共徜徉

輓李寅谷步十年前所贈詩原韻

車笠論交已十春相看真是歲寒人忽聞天上修文去
靜對孤燈淚濕巾

容邸三年慰我思望衡對宇手頻攜敲棋共剪中宵燭
常似承天夜月時庚辰辛巳間同在京邸過從每至夜半

一尊邀我到平泉積槩凝脂十畝田他日西門應腹痛
花開花落自年年芍藥花開同飲宛平相國豐臺別業

似齋詩存 卷五 六

星言捧檄出燕關雨雨風風夢不刪今欲裁書托雙鯉
傷心何處問雲山寅谷贈詩有期爾他年成官續頌將書札問雲山之句

飲宋魏功園

聞說園林好乘閒特地來有山皆水遠無地不花開堆
屋書千卷留賓酒百杯蒼茫雨欲至臨去更徘徊

沈右陶園看牡丹

覓種何須問瓊島開尊此地即瀛洲珠囊千疊真如錦
似向慈恩寺裏遊

送湯孟升庶常

洛水淵源祖述知嵩山頽後使人悲小儒落拓真無似
絕學薪傳有子思

黃金臺下得追陪契闊三年幾週回不是愛游兼愛我

如何肯渡海潮來

秋風吹動故園情相送河梁淚欲傾他日廟堂施雨露

莫忘先世老門生

京口雜詠

雁鴻嘹唳過殘秋又是扁舟古渡頭自笑一官如磨蠡

三句四度泊奔牛

月上篷窓欲四更天涯夢轉可勝情廿年不到東籬下

雨鬢秋霜媿落英

秋雨秋風詩興消撩人景物總蕭條簿書叢裏無停手

片刻閒尋丁卯橋

似齋詩存 卷五

為沽美酒到南徐玉肪金膏蟹臂臍記得故鄉當日

茫茫秋雪白西溪

楊子江頭潮不開妙高臺上雨初刪船首小立聊延首

一抹林梢北固山

巡海出高家嘴

旌旗從此發鼓角遞傳聲膽怯舟如葉身懸榻似罌絕

襟非得已仗劍不求名風送歸潮急舟行已幾更海道里數

小洋山

一夜東風商舶回喧闐簫鼓賽荒臺此山疑是神仙宅

共道初平叱石來

海船口號

頭船起碇鼓三通昨吹南風今北風無數舟師齊拍手

布帆直指海門東

旌旗隊隊燦如雲電掣風行海外聞兩堞齊排神臂弩

船頭安放大將軍

先聲早已懾鯨鯢壯士三千震鼓鞞憑仗

皇威驅百怪書生不用更燃犀

馬蹟山

突兀海中石羣呼馬蹟山周迴幾百里南北限中間壘

堞藤枝古牛羊夕照閒高崖摩片石為記姓名還

盡山山至此盡故名又各花崗

似齋詩存 卷五 花惱一更水峰嵐盡此間有風通異域何處是神仙豐

碣分江渚

天威靖百蠻已空身外境萬慮自能刪

再至瞿山

風北風南疾似箭潮來潮去響如雷樓船三匝瞿山下

盡道書生兩度來

偶編魚類

何期窮海上滋味勝家鄉頓頓江瑤柱朝朝水底羊戴

星文在背依石蠣為房海錯詎曾見今來得飽嘗

桃花山安期生煉丹處

桃花名此地昔日隱仙翁實結三千歲雲深幾萬重桑

田安可遇丹鼎不能蹤何意神靈窟悠悠一水通

雜詩

画角天涯外旌旗下十洲三山何處是一髮指琉球雲
海蕩胸臆風濤動客愁凌虛只如此不必問丹丘

且喜丹山近收帆到水門雲濤望不極畎畝界猶存南

海青千疊中原白一痕受降碑尚在功績向誰論胡宗憲

降汪直有碑在舟山文筆峰上

不意滄溟外追隨節鉞行坐中觀日出枕上聽潮生魚

見專車骨人矜海錯名擬將趙充國島嶼勸春耕舟山田

數萬頃余上議制府宜募人屯種不可委之流寓閩人

普陀山山前有蓮花洋金鉢孟山

似齋詩存

卷五

九

何人至此不南膜洞裏神光看自殊應是慈悲現色相

蓮花朵朵繞金盃

蛟門風暴

北風終夜吼黑浪起蛟門舟楫飛如籜魚龍勢欲吞時

危能信命險過擬招魂歲月悲馳電無端浪裏翻

蛟門除夕

故國今朝也歲除吹笙伐鼓果何如綵衣稚子應思祖

霜鬢慈親更倚閭入水媿無周處劍臨淵喜得任公魚

時入山獲賊 堂堂歲月真無那種種盈頭夕照餘

滁洲

滁陽城下過一問醉翁亭翁醉非關酒我來偏獨醒文

章千古秀山色四圍青野店炊煙熟勞人得暫停

彭城

塔影迎人眼高城入望中此間古重鎮無限大英雄放
鶴亭何在黃樓賦孰工雲龍山畔過吹面正春風

亞父塚

胡為憎王漢不肯據三秦遂有無窮恨空勞七十身項
王自可霸義帝果何因立楚翻亡楚千秋孰解人

燕子樓

飛飛憐燕子燕子昔名樓時盡英雄逝意深紅粉留終
悲花共落早覺夜如秋樓畔多芳草香魂幾許愁

暢春苑

似齋詩存

卷五

十

行殿郊原外迢迢十里程珠宮花是海貝闕柳為城爽
接西山近光連太液明高梁橋上望瑞氣滿

神京

召對淵鑿齋

玉砌亂花飛瓊林翠鳥啼

聖明寬禮數侍從重提攜對

命冰心結披圖日影低

天顏真咫尺

恩與斗山齊

御賜茶飯克食

異數沾微吏珍饈出上方晶盤調六膳玉粒勝三漿雲

金羹烹錦雕盤雞劈黃小人思舍肉有母未曾嘗

禁中麥

小民艱稼穡

聖主重農功既省青郊外還栽紫禁中雙歧分湛露六穗被和風又下蠲租

詔

天朝善履豐

皇上傳問家世履歷甚詳

幸有慈親在承歡苦未曾家雖傳治譜學更媿師承期

月承三異前令吳一年曾膺卓異微才無一能忽蒙

天語及感激淚如灑

似齋詩存

卷五

五

送紫逸之淮陰

扁舟遠去黃河岸萬里風雲指顧間天下才華如子少古來豪傑幾人間安瀾不必投圭璧民力今方免草管故國定知重回首柳枝桃葉總相關

半世襟期誰可語十年肝膽向君傾丹心自許終無負黃葉題詩見此情野外飢烏愁欲雪海邊白浪打孤城欲歸不得思歸切今日相看意氣生

偶閱出海舊詩慨然有作

回思舊事欲招魂世路崎嶇且莫論半世幸為名父子此身敢辱晦翁門閒雲出岫本無意香草當階那得存尚有遺書千百卷不如歸臥浣花村

終

似齋詩存卷六

錢塘 王廷燦 似齋

今體詩

罷官作

流光百歲如奔電富貴千般似落花若對潯陽江上月祇應大笑聽琵琶

喜五弟至

雁羽各西東十年今始同難將愁與病話盡一宵中

與五弟夜話

空齋寂寂涼如水苦雨淒淒夜更長莫問飄零婦未得弟兄且喜話連牀

似齋詩存

卷六

哭內父徐麗天先生八首

世上羣推伏勝經天邊忽喪少微星生平每恨無知己今日何人不淚零

遜謝宏詞不肯當戊午有欲薦博學宏詞者翁却之出身又恥自賞郎

陸雲士欲代為窮經八十布衣老片紙蒙頭是結場援列翁峻拒之

朋友誰能托死生一生一死見交情經營身後無遺憾

淮楚猶傳義士名徐清獻公卒於淮署身後之事俱翁為之經紀人高其義

伯道無兒原憲貧素惟只有未亡人遺書零落誰收拾

脚下孤燈照此身

直諒何為招不平只因善惡太分明我今自顧多愆失安得聞翁怒罵聲

憶昔垂髫即過從阿翁愛我許垂龍相期少壯登臺閣
老尚沉淪負阿翁

海上經年渡幾迴蕭條官閣幸追陪將離無限殷勤意
灑淚先言不再來

人言玉潤媿非儔至戚相依五十秋好奉祠棺附先壙
年年麥飯祭山頭

題俞潔存先生蘆漪圖

滿船書史一漁蓑說是仙人張志和莫訝終年觀浩蕩
人間何處不風波

先子論交四十年倡酬詩酒最纏綿白頭今日惟君在
知過黃蘊定黯然

似齊詩存

卷六

二

憶昔一章貽似齊

俞星留

憶昔締交始德業相鼓吹先型首名節斯道慎維
持然諾既不苟久要夫何疑升沉志益堅車笠忘

尊卑感歎流俗人黃金任推移三浙自有明大節
挽艱危流風至復社展盟繼前塵東林義益振失

節同忸怩先子偕父執正值鼎革時兵燹凜存沒
貽謀惟樂飢束髮就外傳提攜仗前規禹航嚴處

士雞壇成所師留也厠通門誠迪無浮辭司農後
立朝遐邇推臯比

聖世重儒術三吳奉金鏡暨今廿餘載此事久棄委慎
齋早名噪留也長肩隨忱慷訂金蘭磨勵猶損策

形影悲孤子喪亡多流離吾兄靡出處嘗以給饋

精嗣君多象賢折節為嗟咨古道照顏色遺文授

棗梨故園幾者頌詩歌煥鼎彝搜討各成集何殊

大曆碑天中湯夫子洛學追學伊中丞闡理學幽

光日紛披錢塘應徵君著述窮黃義海隅宣文治

捐俸爰為劄鯨鯢聞竊發防禦貴神奇

天子簡異才決勝同邊陲奸宄清內援海舶計何施從

軍剪巨魁繪圖陳天墀

楓宸深眷費考最已及期俄焉北堂逝要害將誰嗣忠

孝本一理况君繁本枝太史占星聚友于自謙搗

四方獻頌誄孺慕罕有茲人生慙罔極安得有佳

似齊詩存

卷六

三

兒惟君作述全俯仰皆歎怡媿我非徐穉生芻報

素知長亭因浮宅躑躅天一涯襟襟終不休試問

將何為夷父足未到壺中仍兩儀珍重異時輩何

惜來柳榆誰為念往事來者感于斯

去官

去官真覺一身輕布襪芒鞋自在行饒我三千丈白髮

誇他十五卷詩成不能嗽石稱真隱且莫彈冠慕世情

坐對閒鷗同浩蕩太湖春水夜來生

虎丘

石上千人坐山頭一塔孤講堂久寂寞霸業更平蕪花

月有時有画船無日無林泉真面目回首憶西湖

櫻桃

雪藕冰桃皆異物楊梅盧橘更通紅櫻桃酸味偏知愛
堪笑癡情石季龍

午睡

栩栩真似小遊仙唾月吹煙水石邊記得中郎詩句好
為官無此日高眠

殘燈

殘燈一兩焰猶照解衣結織手故遲遲欲待寒輝滅
梁氏滿願殘燈詩云殘燈猶未滅將盡更揚輝惟餘一兩
兩猶得解羅衣章蘇州對殘燈詩云獨照碧窓久欲隨
寒香透幽人將寢眼解帶翻成結章詩實出於沈韋
有銜意而沈韋詩亦出沈韋而有說古人遠矣

送魏昭士歸翠微峰

似齋詩存 卷六

曾泛西江棹無緣到翠微班荆偏逆旅把酒識光輝不
意即成別蒼黃欲灑衣相思何處切明月釣魚磯

歲暮還家

笑語喧中慰倚閭瞳瞳朝日滿庭除老親病為晴和起
遊子歸從患難餘積雪漸消梅藥綻春風欲透鳥聲徐
商量永作還山計買得蔬苗學荷鋤

紅梅

脂凝粉瘦一枝寒換骨應來紫府丹偏向西岡分接得
旁人猶作杏花看

野行

新晴未老乍飛花泥緩輕鞵路易賒青旂午煙村市散

綠楊春水斷橋斜忽聞小鳥知山逕偶問行人近友家
欲話一尊懷抱好已忘身世此天涯

塘棲舟泊

性急舟逾緩途長日易昏天邊一片月隨我返家園驚
雀呼羣過游漁挾子翻明宵燈火下笑語聚兒孫

聞子規

風雨朝朝寒未回掩門久不見花開偶聞山鳥啼歸去
始覺春曾到此來

出門

去年遊茂苑牀下拜慈親今日之江夏堂前慟棘人可
憐持面目含淚向風塵笈內縫衣在秋深不忍陳

似齋詩存 卷六

富春道中懷曙升

王生落拓猶如昔嚴子窮愁未肯降他日倡耕定何處
相思今在富春江

章江道中

豫章名勝我曾遊三十三年又泛舟貢水遠來章水合
大孤遙對小孤浮幾人存沒分今古前同遊仲加
中立俱物故到處

風波動客愁今夜明千里共定知病婦獨登樓

編乘槎偶紀成

往事低徊手自摩十洲三島我曾過宛然在目黏天浪
不意驚心平地波半世功名吾老矣一林松竹計如何

癡頑不是封侯相且聽玲瓏醉後歌

舟過彭蠡遙望匡廬

千頃鄱陽一葦杭匡廬天半笑余忙身將隱矣思吳猛
欲往從之限石梁奇秀總非人意到青蒼忽被白雲藏
何時得約匡生侶採藥山中攜手行

大孤山

中流存片石砥柱此洪湖千古長相對兩山孤不孤煙
雲時變幻吳楚影模糊廟貌何年立虛傳大小姑

自烏石陸行至沙河七十里皆在匡廬山下雖見
真面目終不得登山為恨也

聞說匡廬面面奇經行終日始知之排空拔地幾千仞
瓠剖螺旋非所思午雨乍過飛瀑布閒雲未散走龍螭

似齋詩存

卷六

木

林巒咫尺渺難即應被山中猿雀啣

黃州

黃州千古一東坡明月清風感慨多魏武周郎空戰伐
漁舟江上弄煙波

周郎破曹孟德赤壁在嘉魚自蘇公賦赤壁後世
遂以黃州城下片石當之矣

木落臨臯景色幽坡仙携客泛蘭舟曠懷豈作區中想
佳句原從象外搜一自當時賦赤壁遂傳勝地在黃州
嘉魚豈少遊人過辜負千年片石留

有感

秋風客路易傷神自笑霜華點鬢新老去何堪學干謁

年來依舊走風塵半肩行李惟詩卷兩岸青山是故人
偃仰孤舟愁不寐一天明月照長貧

黃鶴樓

飛囊畫棟俯城闈崔顥題詩洵有神樓上無從返黃鶴
世間安得遇仙人煙波萬頃來虛曠風雨千帆下遠津
三十年前曾過此十圍楊柳已為薪

詠古

偶把醇醪成太息再觀已事重欷歔會之講學商鞅法
盧杞清強安石書天下共傷三字獄聖人應向兩觀除
空教齒冷千人口計拙心勞付子虛

野泊時大水室廬田畝皆在水中

似齋詩存

卷六

七

風聲怒挾江聲走帆影爭趨日影來夜泊荒村不成寐
煙波蕩蕩鳥聲哀

八月十五日先母誕日

六十三年依膝下恩勤顧復似嬰兒天邊明月還相照
堂上慈親已永辭密密縫衣猶好在勞勞負米竟何為
傷心血淚如泉湧直到參橫斗轉時

秋夜

夜月引歸夢秋風動早寒客心傷老大天意試艱難

閣筆亭

鄂渚城邊百尺樓白雲黃鶴自千秋青蓮未必無佳句
特讓司勳出一頭

重登黃鶴樓

一夜西風怯敝裘思鄉王粲又登樓人傳此地乘黃鶴
我對青山媿白頭今日難追昨日事老年偏憶少年遊
世間浪說神仙好不羨當前羨十洲

旅夜

故園回首野雲黃客館蕭條暗自傷江上風聲狂似吼
亭前月色皎于霜心多感事銜杯集老愛觀書過眼忘
歸語病妻應笑我一生几案有糟糠

旅感

木落霜濃九月天一江秋水送歸船青衫岐路悲行役
白首逢人說往年三匝寒鴉驚客夢半窓明月浸孤眠
似齊詩存 卷六 八一
到家牘有新詩帙只恐新詩不當錢

有感

昨日桂花今日殘客懷且放酒杯寬閉門自覺讀書樂
入世方知行路難懷古無端多涕淚逢人漸欲諱饑寒
一帆秋水如天上吳楚烟雲次第看

孫夫人祠

噪磯百尺傍江濱廟祀夫人舊有名進退兩難家國恨
兵戈不反弟兄情可憐東下長江水何日西回白帝城
明月一天鴉遶樹烏烏故作斷腸聲

江行過風

扁舟如葉此中過黑浪黏天奈若何鼓楫中流堪失笑

一身到處即風波

涵虛千百頃突兀一拳孤楚豫流方合清黃色自殊命
名分大小扼險截江湖攜得驚人句還登絕頂呼

太白酒樓下作

太白曾經醉此樓江城千里駐扁舟我來不見題詩者
楓葉蕭蕭兩岸秋

觀奕

心作將軍指作兵須臾萬變死和生看來世上千年事
不出山中一局枰
以士為戲楚子玉食子不下湘東王爭先退後都非是
似齊詩存 卷六 九
和局難逢陸與羊

再題乘槎紀後

斷霞飲海亂雲顛黑浪茫茫遠接天瀛島瑤池在何所
少風波處即神仙
無奈風波深益深魚龍擺擊幾千尋回頭試想當時險
不及人間方寸心

書生仗劍遠乘桴贏得兒童夾道呼何意功成逢彼怒

且將煙月占西湖

萬里驅馳入建章

天家玉食小臣嘗今朝細輯乘槎紀只為
君思不忍忘

題漢甘泉宮瓦紀

漢家天子慕神仙志在長生千萬年瓦上有長生未央四字甲帳珠簾今蔓草獨留片瓦記甘泉

題昭陵六駿贊

文皇隻手定中原石上猶餘六駿痕今日昭陵風雨夜驂騑尚欲絕塵奔

題張力臣瘞鶴銘辯

雷轟片碣狎鯨鯢瘞鶴銘刻於焦山西足崩裂之王顧時正值雷雨俗傳為雷轟石陶顏已莫稽世傳為王右軍書歐陽文忠以為類顏魯公又疑似顧况黃伯忠審定文格字法殊類陶弘景安得相逢好事者重扶寶墨吐虹蜺

焦山

似齋詩存 卷六 十

五里崎嶇上絕巔憑虛遠眺一身懸金山遙對千帆日揚閣平分兩岸烟欲落不落瘞鶴石將歸未歸救生船晚風吹起波濤惡歸去孤蓬獨醉眠

試劍石

有度劉先主無言孫仲謀兩賢不相厄片石幾千秋

亞夫廟

亞夫多奇計重瞳之遠謀本圖天下策何故不依劉諸侯皆逐鹿何必牧羊兒反使江中死劉王得有辭

燕子磯壯繆侯祠

華夏威皆震荆襄路忽窮可憐經百戰不到永安宮遺恨仇吳國雄心失呂蒙何須嗟往事豆已江東

李燾長編

李燾字仁父張南軒稱其如霜松雪柏絕無世味所著續資治通鑑長編凡四十年而成劉公戢從錫山購得長編闕百詩辨其非是蓋此書乃錫山秦氏家所藏歸於牧齋宗伯絳雲樓書目有之絳雲一炬此書絕矣

紛紛宋史孰稱賢雪柏霜松四十年劫火已歸天上去人間空是說長編

步元悼亡詩三章纏綿真摯人以為閨門婉婉之

常耳婦吳氏以大家女作貧士妻推衣搯作有

五光風其賢孝有足紀者余賦絕句八首以闡

似齋詩存 卷六 十一

潛德本欲為步元節哀恐步元讀之反流涕也

海外奇香不可期悼亡潘岳髮成絲鍾情自有難忘處

寧獨粧臺憶画眉

上有先姑懿範垂秋霜春露每生悲他年子息成歡日

難忘蘋蘩主祭時

黃口牽衣淚暗垂米鹽瑣屑手支持他年女嫁男婚日

難忘推乾就濕時

百卷縹緗每共攜文成數首漏聲遲他年上苑看花日

難忘寒燈伴讀時

似水冰厨每絕炊椎衣井臼自操持他年鼎食鐘鳴日

難忘留宿脫珥時

遠省度南賦載馳波濤震撼大江湄他年卜築安居日

難忘孤舟風雨時

味且難鳴效唱隨丈夫有志莫與悲他年欲上封章日

難忘牛衣對泣時

有子年方十一期五經口授母兼師他年對策成名日

難忘丸熊畫秋時

已亥暮春五弟同遊孝陵晚過靈谷寺

苦雨淒風已暮春忽聞好鳥喚芳晨攜樽遠去青郊外

遙見陵宮碧瓦新

此地曾開塔誌公前知有識語從容見從信錄地脈終難藏

佛子二千年後葬真龍

似齋詩存

陵宮寂寂鎖金鋪草上牆頭綠幾隅欲叩寢門無入處

白頭老監索青蚨

治過唐宋御書功同漢三百年來事已移野老低徊尋

故瓦 聖朝裡祀立豐碑

無復當年下馬碑嬉遊大半五陵兒此身不是開元老

何故興亡亦係思

山陰陪列衆功臣弓劍衣冠伴至尊當日分茅七十二

後來能有幾人存

尚存功德水淙淙不見青青五里松回首孝陵原上樹

微茫已是白雲封

已亥元旦

經過五十八年春仍作東西南北人回首一生都是幻

并無四壁不言貧花經老眼非常色酒入愁懷分外醇

莫道歲朝無一物釜中殘餽甕中塵

午日東陸紫逸

把酒論心二十春才華橫絕性情真如何兩鬢蕭疎日

同作長安失意人艾虎當門豈足畏葵心向日不因貧

一官棄去如毫末胸內原無半點塵

湯維三招飲呈孟升太史

折簡招邀成雅集解衣入座少寒喧烏啼隔院如歌吹

樹影逾垣照酒樽三世通家欣聚首一官憔悴欲消魂

低徊四十年前事白髮門生感舊恩

似齋詩存

索林吉人字

暮年重作軟塵遊數過元龍百丈樓乞得河南書一紙

房郵可易芋千頭有人收虞世南與圖禩書一紙剪開字賣之房郵二字得芋千頭見米襄陽志

別同年蔡方麓總憲

論交榜下最相親閱歷升沉四十春舉世達官誰念舊

惟公白首尚如新文章夙羨無雙士疏草今推第一人

聞道長安共歌舞只因片語活貧民公會議每存寬大

蔡公開口人即生

送張景榮司訓歸松江

好星天上重三台久飲香名幾溯洄才大兒呼楊與孔

文成婢畜馬兼枚柳河鱸鯁君思去瀛海風波我又來
俗吏已忘花事晚更期春座永追陪

九日登燕子磯

危磯擁護帝王州千里烟雲一望收山色自饒龍虎氣
江流不盡古今愁孟嘉醉後忘吹帽王粲悲來獨倚樓
非是登臨稱好事寄情聊作少年遊

題徐龍門小景

屋前滿樹梅花望裏千竿竹影不為林下嗣宗定是山
中和靖

心定百仞高山神來一溪活水羣推國士無雙不愧南
州孺子

似齋詩存

卷六

西園表弟來崇明

修期風雅是吾徒十載重來興不孤喜共弟兄談往事
更搜經史問潛夫客遊仍向滄溟外世局如登九坂途
莫道此身猶老健鬢髮霜髻看將無

似齋詩存卷六

〔清〕張貞撰

杞田集十四卷

清康熙四十九年春岑閣刻本

杞田集序

牛部彙

丁卯之秋杞園張君過予

而以渠亭文集示予蓋數年前偶得杞園文集

二首即以大家許之今知予言不謬也

以文名天下者首推滄溟然而顧以排輯古句為

法門驅策左國如堂下虞侯無不如意然往往以

人不易解者為勝場譬若文中紹述詩中長吉可

謂奇兵謂為堂堂之陣正正之旂或不能無遺議

也予嘗縱觀宇宙有會于心如日月經天江河行

地五嶽森峙于九州天下文章孰大于是而天

地無私公諸才士故鬼穎松潘亦自能陶冶陰陽

參伍造化非好學深思者未足以語此也彼古文

大手唐首韓柳宋首歐蘇而退之永叔子瞻尤號

卓絕蓋其所得于元化者良多而山水之精分區

入妙各獨有至也夫天下之以骨勝者無如山而

以氣勝者無如水而又復交通巧為變化故山額

分流下為浩淼波中孤峙上列嶙峋則更為不測

文人之筆故無多讓耳乃頃讀杞園諸篇而知文

之來也有自曰大宗也及再讀諸君子之評騰而

又悟文心映發如寶鏡之交光無盡也杞園于海

內賢士大夫多縞紵之交而諸君子每評騰一言

輒舉筆如頰上三毛予雖欲更益一語竟不復能

如云敘事簡潔有史漢風此王敷彝之語也如云

筆直而思曲以歐蘇之跌蕩為長句以韓柳之沈

鬱為鍊句此汪蛟門之語也如云行文如羅浮二

山因風雨為合離此王阮亭之語也因以知相馬

者固不必齟齬駮駁耳皆與目謀但聆伯樂之言而

神駿飛騰千里之足已昭昭秦鏡之中矣則又悟

文之印也無殊曰一揆也而余意尤有進焉者夫

三不朽之業如三光之在天而世人皆謂立言居

其末余又以為不然蓋功非權藉無由被于生民

而德非遜敏亦無由底于光大而立言則異於是

故古之人有聞其一語而可卜為大猷之左券大

道之宗盟者亦有一編垂世而百世之下恢恢大

業若取諸囊中陶淑羣才斐弼彝教天壤俱無盡

者則三不朽之業立言尤其眾著者矣此尤言之

所歸宿曰當用其極者也今杞園之言既若是矣

而高才博學進之何所不至豈僅僅與文人大家

爭鳴者乎蓋予頃與款語移晷乃益知杞園是負

道濟之才民生休戚政教闡揚洞如觀火乃意已
倦游不能罄折時趨雖飛躍皇途虛左相待而仲
長統樂志論中已將翩翩掉臂其間此則非予所
望于杞園者也古人云苟有志于斯世雖一命必
有所濟況今

聖主乘乾求賢若渴嚴樂賓主諸君子特達之遭
旦夕可以重邁又況夫世榮既淡道腴方來故杞
園勉之予有所厚望矣

又

新城 王士禛 贈上

陳履常論文曰古文有三等周爲上七國次之漢

杞田集序

三

爲下是說也古今之所不易而吾不敢以爲學者
之侯鶴鑿括何也說有高遠而難行者聽其言則
善從而學之如適乎廣莫之野泛乎溷濇之津而
不知所歸宿奚有當哉故論文者近取諸唐宋而
已矣唐之古文始于富嘉謨吳少微而不傳李華
蕭穎士隱之亦不甚傳故唐之文斷自退之宋之
古文始于柳開穆脩鄭條條無傳柳穆之集具在
雖傳矣而不足以傳故宋之文斷自孔叔湜翔會
蘇已下羽翼而發皇之唐宋之文遂隱西漢而上
追三代佐佑六經綜而論之唐之文氣勁而節短

其失也崑瑱而詭僻宋之文氣舒而節長其失也
擘緩而俗下元明作者大抵祖宋祧唐萬吻雷同
卒歸率易如圭峯後渠浚谷稍自異者二三人而
已故今之學者爲古文必宋宋必歐陽吾皆無取
焉惡其同也本之乎六經斟酌乎唐宋勁而不詭
舒而不俗可以傳矣然吾求之數十年而未之見
安丘張君杞園與吾弱冠定交青州餘三十年而
不變詩云風雨如晦雞鳴不已君寔有之君博雅
能鑒別書畫古鼎彝之屬精金石篆刻間歲出游
吳越不通鈴下與高士名僧解后山水間觴詠以
爲樂既而購書千百卷果然以歸君之人若此其
爲文亦如之所謂勁而不詭舒而不俗向求之數
十年而未見者乃近于君遇之哉古書目錄初于
七略六略荀勗易爲四部李充謝靈運沿之亦曰
四部任昉曰五部部之名本諸此顧以名己之文
章則始于弇州有侈辭焉君名其文章曰半部豈
其中欲然有未足乎久與君別書此以問之

杞田集序

四

或語

商丘 宋 犖 牧仲

近來海內爲古文者多然自有明數大家後求合
古人法度者亦不易得昔交西川李研齋見其才

氣雄猛議論慷慨能由唐宋之津梁以上窺史漢之堂奧又見寧都魏叔子文心圓潔詞章典雅大似曾南豐二公可稱能手近交山東張君杞園堪與二公鼎足矣杞園名家世習讀書懷古言滿天下銓衡方有清華之選而杞園屢徵未起嘗遊吳越間購書訪友人爭與之交余向誦其半部橐已為傾倒更讀其或語集學益深法益嚴氣益靜論理正大而精純敘事簡核而典要殆逾六經而有據矣至其名集或語杞園自云吾方用坤之括囊而反取同人之或語蓋其意在同人之九五乎九

杞園集序

五

變為六則貞悔皆離離體剛明志不相下故有出處語默之異然剛能斷明能照殊塗一致故又有斷金蘭臭之同君子曰於此可以悟為文之道矣為文貴變同乎唐宋者離史漢遠矣及同乎史漢又離唐宋遠矣合唐宋史漢而進之以本六經而明心性之學無所云離竝無所云同矣唐荆川晚悟文章不過開闔兩字開者離也闔者同也人為荆川止言章法變化之奇而不知其精義入神蓋有當於大易之旨者也且或語者非人語我自語也或者無定之謂為文之道理積於中言宣

於口當如夜潮之生春鳥之鳴不知其然而然若孟子所謂予不得已者而後為文之至也杞園其有取於此乎杞園徵余序余不敢辭敬引其首如此康熙癸酉秋日

又

諸城李澄中

吾同年友張子杞園既刻其半部橐問世長安士大夫爭傳誦之復以其近橐續刻而屬序於余憶乙巳歲遇杞園於青州道上維時年方少新以詩名於時迄今已三十年於古為一世矣當其披藏書輯家乘片語隻字非鎔鑄經史不用每一文

杞園集序

六

必棲神寂寞經數月乃成其淹雅澹逸絕去痕迹可謂日新者乎迨成熟而肆之如清泉之鳴峽輕風之拂溜不自知其起止也豈求工於字句逐流而不窮其源者邪杞園好結客北走燕趙南泛江淮一時操觚之士引領願交紅橋長干閭門西陵之側間歲必一游游則畫舫蘭橈勝友雲集投繯贈紵此唱彼和蓋其平生以友朋為性命故所為文多出於郵筒贈答之餘也其言曰文章雖載道之器大抵皆緣朋友而作書牘既以通往來傳誌亦以紀行履揚厲盛美贊頌聿興表微闡幽碑誄

斯作卽別有寄託亦可指數矣因取易同人之辭而名之以或語詩曰風雨如晦雞鳴不已古君子交友之道如是其可懷也清風穆如之贈詎寡聞眇見者所得而幾歟余家距牟婁僅百里與杞園往還最熟自余宦游京師不與共晨夕者十五年壬申冬東歸得是集讀之然後知良朋相遇不獨山川聚散爲可感而學問相長白首如新爲不虛負焉耳至其文品之雋潔澹而彌旨復而彌淡澹山所謂絢爛之極歸於平淡者乎世有欲窺其涯涘者於此集求之過半矣康熙三十二年上巳日

杞田集序

七

序

又

甬江徐文駒子文

明嘉靖間濟南李于鱗與太倉王元美相應和矯首怒步自空作者雖其學不無割剝摹擬之病要之讀書好古不可謂非中原文獻之所屬也安丘張杞園先生以名家世胄蕭然物外身任斯文絕續之統著書學道屏卻世務其所刻文集有曰牛部有曰或語余受而讀之大略色古氣蒼意高筆健波瀾起伏往往有一唱三歎之聲直欲起荆川震川相與頡頏於百五十年之上又非于鱗輩割

剝摹擬之作所敢望其項背也昔司馬遷縱覽天下名山大川故其文疎宕有奇氣先生家世青州所居爲東樓公遺壤聚書萬卷知人論世而性好游覽足蹤遍天下於燕眺黃金之故墟於吳弔吳宮之花草於金陵白下歎江左風流文物之盛無復在者以至西湖明月錢塘怒潮廣陵隋苑之遺淮水王孫之蹟所至徃徃憑弔感慨悲歌每歲必一過其地而先生之意氣象矣其游日益久其學日益精其文亦日益進吾師王阮亭先生方今之歐陽子也嘗序先生半部稟推許甚至余無以益之所謂游夏不能贊一辭者也今而後一推一輓風流可挹中原文獻之傳不慮其無所托矣

杞田集序

八

又

襄平金德純素公

文章之氣運大槩百年一變上古如書之典與詩之華藻體備三代各有不同其所同者歸於軌則之不易而已後周室東遷孔子脩春秋以明道丘明爲傳視詩書加詳又一降爲戰國之文于是文質相半迨漢室初起高祖惠帝世其文猶沿戰國之舊至孝景孝武孝宣以來董賈司馬氏起而倡之然後文章炳耀輝煌醇而不醜在春秋戰國之

間故西京之文卓然千古及一變為東漢再變為魏三變為晉為宋為元魏南北朝之文真氣蕩盡唐元和大曆間韓昌黎柳州李習之皇甫持正起而振之號稱古文於是掃去六朝浮豔趨西京之樸茂後宋元作者相沿至今故夫西京之不能不為東京魏晉六朝之文亦如六經之不能不為左傳戰國之文時使之然也作者立法垂後必不容舍古雅趨卑近以滑於時然因文論世如齊梁亦何可少哉人必見之者深而後發之者大也余持此論久矣而不敢以告人今年遇杞園張先生

杞田集序

九

與之論文及此先生亦以為然後數日出所為或語示余素為序先生有半部彙傳世已久或語者邇年作也學問日深于文章升降之道察之既熟知之既精不徒爭於語言之末悠然以往所謂同於古人者軌則之不可易而已因舉余之證於先生者為序以遺之余又聞古之人人品奇故其文奇先生別業在杞子故城背汶水衿濰水日日以雞黍邀田夫野老相盤桓數十年遍交天下名士偶相思所及不憚千里命駕至則促剋談文不知有塵世中事皆非今人所及今并記於此以見先

生文之所以奇者由其人之奇而非襲取乎外者也

或語題辭

黃海程 邃穆倩

康熙辛未杞園先生霜天尋我同舉匏尊酒半出或語集相示三熏三沐擊節快讀體會厥旨入史出經情文根本真堪風世談言之妙所謂源流至論得古今神髓而信手縱筆發洩奧祕無怪一時高流皆尊慕之至也因握筆紀略固不足以盡先生然言外深意正在言之中耳

又

建業余 懷澹心

杞田集序

十

今日論文者以掇拾為該洽以支離為古奧以纖弱為曲折以汎濫為浩瀚惟杞園意深義精才雄氣厚怪偉伏平易之中趣味在言語之外欲于虞山堯峯間更展一席之地非凡材也半山云看似尋常最奇崛成如容易卻艱辛似為杞園言之矣

又

揚州 汪耀麟 叔定

讀杞園先生半部彙如見大庭禮樂聲容儀範備極其盛今讀或語集又如懷珍握璧褒出其奇總由先生生平重氣設喜游歷家在安丘而江淮吳越之間歲常一至至必訪畸人購異書以返其得

於友朋山水者固多亦其性有大過人者也

又

豐南吳綺園次

杞園以如江如象之才不難一瀉千里而迺過自矜重每成一文必數易藁始肯出以示人觀其所以名集者前曰半部未嘗以全自居也後曰或語或為未定之辭蓋言可以語可以無語也皆有不放任心縱筆放言極論之意以視世之梘言蠟貌空然亾有而荒唐俶詭之談溢囊盈帙者果孰為得失邪

又

江都宗元鼎定九

杞田集序

士

安丘古多義風如漢之周穉都孫賓碩皆好讀書喜交游著名節者也今杞園張君三十年前曾與余定交于文選樓王西樵先生寓中西樵先生數稱杞園精古文詞又英發豪邁歷名山川即盡交其地才俊康熙癸酉秋復相值金陵讀其半部藁及或語集并汪洋瀟瀟蒼堅峭拔如唐宋大家然後知杞園所養愈濩而文章亦與年俱進也使起西樵先生于此日有不拂几稱善者乎因太息而識其末

又

祥符周在浚雪密

予與張子別於京師八年矣并州冷署追念舊遊

有今昔之感癸酉中秋前一日張子不遠二千里

慰予于苦次相對歎歎者久之已手近稿或語集

示予且命為之序嗟夫予何足以知張子哉獨念

予與張子定交時年方少壯相期勉力於詩古文

今已三十餘年俱老矣予夔經患難奔走四方即

欲作一二有韻之言舒寫胸臆亦不可得乃張子

之文一刻再刻已傳於世其中規矩法度無一字

不出之古人絕無近今空疎輕率之敝金石古文

百年來惟虞山錢先生為作者張子不難直襲其

席他可知矣向在都門予所居秋水軒背郭臨流

為燕山勝地張子顧而樂之因為作記天下遂莫

不知有秋水軒者今予居雖陋古白下橋也亦略

有樹石亭榭使張子更為之記予將附以不朽矣

張子其許我乎

又

如皋冒丹書青若

每讀吾友陽羨陳檢討世德賦即知安丘杞園張先生家世人龍文虎為海內傾仰心竊嚮往久之辛未秋偶來邗上恰遇先生于興教古寺見其秉剛而守毅葆醇而蹈道秀出天外不可梯接再讀

半部彙及或語集恢之彌廣按之彌淡既規矩前賢復自闢門戶真得漢唐名家之神骨所謂巨靈大手也余以微露自洗日夕捧誦但愧文章一道從未揣摩何能窮其涯涘又以潦倒貧賤何敢訂交名賢迺先生不弃成傾益之歡更獲拱璧之賜敬題數語附以千秋慚愧淡幸矣

又

泰州黃泰來 交三

昔聞魏叔子論文以變字為主所以叔子之文千篇不同無勦襲雷同之患文之所以可傳也杞園張先生別三載而文益變今讀或語集或寫山水

杞田集序

七

或為友朋務立意造境筆隨心生當其得意疾書時風馳雨驟倘若無人而按之不差累黍應是會子固陳後山一輩人先生行矣他日或訪先生于家同跨蹇驢登泰山絕頂觀九點齊烟海底日出先生之文又當一變

又

皖江程師恭 叔才

陽羨陳檢討工駢體之文余嗜而註之中有述祖德賦乃為杞園張先生作也先生安丘鼎族心竊向往乙亥冬客遊金陵遇先生於六朝松石下始知卽檢討賦中之人而先生亦向悅余之註此賦

今乃歡然以相接也因出半部彙及或語集曰為我序之越三日歸安丘矣余抵寓讀之草草未測涯涘然竊於稱集之名而有感也稿曰半部豈古人半部致太平之意乎抑不以得半自足欲恢恢有餘地乎至集名或語毋亦折衷大易而不輕語與且語默相半出處相半猶然半部之意與余閱集中諸作平生性情大半在山水友朋間先生之文因同人而有語即取義於同人之或語或者無定之詞又無盡之詞余又烏能語先生之語而贊所語之萬一哉仍於稱集之名悟先生為文之法而卒讀可乎先生令子卯君丙寅拔萃貢入太學余小子謬附蘭譜思得一見先生歸必有以語之異日更述祖德而為之賦未為晚也

杞田集序

七

又

壽光安致遠 靜子

昔人有言文章不朽之盛事予以為必衷於古必規於法而後其文可以歷久而弗敝而莫不有氣焉以舉之氣之所積有厚薄則其言之所發有淺深剽聲竊響以為文其失也浮鉤棘險僻以為文其失也滯非文之失也其所以運乎文者無本也杞園之文秉經酌雅句櫛字比意匠經營每一篇

必累日月而後成疑其氣不足以運之矣而首尾結構起伏開闔一準於古人之法而爲之而無散漫結轡之患譬之運舟於江河舟之中百物具備而揚颿鼓櫂容與于中流而若無事焉有所以運是舟者在也豈與夫塗飾掇拾以自欺而欺人者比哉予爲文不能自檢率意而言羸疎固陋以技杞園則愧儻父矣而要於不敢自欺則一也適杞園或語集與予紀城文彙同時梓成予書之以識予之服膺乎杞園者如此

又

華山 王弘撰 山史

杞田集序

五

世之論文者咸推司馬子長柳子厚獨稱其潔予頌人之能文者輒有溢詞唯潔之一言不敢妄許今觀于張君杞園其庶幾乎或語者特其偶梓近作耳篇固不多虛實詳略行止有法而咸以古義副之其可傳無疑有非時流所能及者則潔之故與杞園嘗自言其文質而可信而予謂其中之所蘊有未易盡者蓋予之信杞園其又在或默時矣

又

同里 曹貞吉 升六

牟婁見於春秋名甚古自三代以迄今茲名人畸士往往間出如郎宗郎顓管幼安孫賓碩之徒非

不彪炳史冊而求其全集大都闕如君子傷焉今聖天子崇獎文學吾友張子杞園適逢其會嘗以博學宏詞徵遇太夫人憂乃不獲與五十人之數而杞園亦遂韜光斂彩以大肆其力於文章凡可驚可愕洞心駭目之事悉於行墨發之今其全帙具在或如太史公或如韓吏部或如柳柳州以及劉蛻孫樵之屬無不神明逼肖蓋杞園之學不名一家故遇物肖形亦如化工付物千載而後與館閣諸君子金匱石室之文較長絜大其傳之久近正未可知也而猶托其名曰或語以示可有可無之意其是光恠陸離爲天地間不可少之物無智愚皆知之也是流布於泰山北海之間或不致憾於牟婁之無傳人如東漢之若沒也哉

杞田集序

六

又

濟南 朱 縉 子青

神交杞園先生者有年其間雖尺素往還已非一二而合并之緣終未及遂止案頭手中常置先生文如晤對先生耳今年秋過訪余余客之見山樓鐙篝酒鎗流連信宿不但得先生之文且得先生之人先生爲醇乎其醇之人故應爲醇乎其醇之文也昔人評龍門文曰潔潔者醇之謂也評廬陵

文曰敷腴溫潤非醇不能敷腴溫潤也見先生者固自知之未見先生者亦當於其文想見之

又

錢塘沈名蓀 欄房

從來為古文者非讀破萬卷書而又有才以馳騁之有法以架筏之則不足以名家今人一知半解輒拈筆弄墨自號古文不知明眼人觀之正如張思光詣劉澄都自非是耳往聞安丘張杞園先生善為古文曾觀一二首不過片鱗意殊未饜近相晤濟上得讀其全集不禁擊節夫乃謂之善古文果非虛聲也先生當於錢虞山後叅一座中州侯

杞田集序

七

朝宗吾浙黃梨洲猶將拍肩而把袖也余幸矣惟有寒山一片石可與共語庾子山庶無虛北行已

又

任丘龐 境雪崖

君子立言以明道也道統心理之同言不肯於道則見者慊于心孟子所謂聖人復起不易吾言者匪文之不易而言之本於道之不可易也詩與文皆立言明道中事余常舉以論詩而人或河漢其語緣風人既遠作者之意不傳但襲取詞句以為詩故積習難悟耳杞園先生見道人其文不事雕

績惟取曉暢大義而止而波折頓挫自然成章淡得聖人辭達之旨喜其與余言有合也因附著數行以互相發明且將以使後來者之知所歸也

潛州集

濟南 王士禛 胎上

張先生杞園居杞城別業自哀其近作古文為潛州集謂予序之潛者何隱也伏也州者何國也春秋桓五年州公如曹是也輿地記云高密夷安城淳于本春秋州國後併於杞者也按太史公作杞世家自東樓西樓迄簡十九公僅詳其世次日杞小微其事不足稱述杞與宋同為神明之胄以備

杞田集序

六

三恪而文獻不足徵如此故微之州併於杞又微乎微者也然則何為取乎州也曰古也先生讀書好古凡八索九丘之書皆流觀而尚論焉矧近在里閭者其略之也其舍杞而言州者何曰原始也州併於杞杞併於楚猶稱州者亦如齊之遯爽鳩魯之遯少昊云爾先生所居有春岑之閣四隅皆山雲嵐草木陰晴朝暮之狀若可攬結其東峽山尤秀拔其峯巖巒洞之觀記稱大小州山或古今異名不可考要其山川之奇可以供吟嘯為文章之助則良有然者先生之命是集也而豈徒哉予

彙序先生半部彙極論唐宋文章之變茲不復云而特原其名集之義如此

又

侯官張遠超然

予知有杞園先生者迨二十餘年亟欲一披其儀型聆其餘論然地之相去甚遠固非一鄉一國者可得而友之及予數來京師竊意先生必在京師而先生久已歸隱杞城矣予家吳門先生常一遊吳門而予復徧口四方終不得相見且若相避每策蹇馳過青齊之區殘月銜山棗樹纂纂常有伊人縈吾心曲庚辰仲夏養疴京師束裝待發矣凌

杞田集序

元

晨有客到門視其刺則吾杞園先生也亟素衣肅入相見款甚出其所爲文見示力疾肆讀逾於所聞狂喜過望疾爲之頓減蓋先生適與予同寓慈仁寺衡宇相望耳予報謁亦攜文一帙就正先生不鄙奔之且謬加許可時初伏毒熱所居湫隘朝日射牕櫺僮僕侍立揮汗如雨予兩人促剗暢談縷縷不倦相視而笑莫逆于心蓋予之論文惟貴達辭不尚模擬理足而氣自敷辟之風水相遭自然成文不殊於江海沼沚也先生深以爲然遂出其未刻集屬爲敘之惟其學醇則燭理無偏頗故

其氣昌明光大絕去浮靡不求合於古亦不求異於古斯爲至文耳值先生將東歸予先一日南還矣僕夫在門驪駒戒道歎會合之難而離索之速如此也惟略述其論議之言于簡端以志吾兩人一日之雅若序先生文予則何敢

又

北平王源崑繩

安丘張杞園先生積學成名被徵不起老於丘園以著述爲事文章醇雅典贍歐蘇莫能易設色工而逸氣演漾多風致則魏晉之遺也世之以摹擬爲古者固其所望而卻步者矣家司寇阮亭公以

杞田集序

予

詩古文爲當代宗工者垂四五十年海內知名士莫不出門墻下先生自弱冠與之友而公所推服如先生者亦無幾人顧先生虛懷善下老而益篤傳曰學然後知不足先生惟自視不足乃所以爲學者也而其學豈人之所易及乎庚辰夏先生來都門與予解后友人寓一通姓名卽大喜曰予聞子久矣頃來京卽訪子踪跡不意遂晤于此嗟乎予固知有先生而以予落拓不羈先生亦知有予乎歡然握手道衷曲若平生卽出其半部或語潛州三集示予使予爲其潛州集序潛者隱也州者

其鄉也其有藏諸名山之意歟先生貌巋然鬚髮
半白語侃侃質直無所飾其以鄒魯之儒而兼三
齊豪杰之風者惜匆別去爲文不足以盡之

又

壽光 安 箕 青士

昔我先君論交鄉國夙耽介節雅慕勝流講習貫
道之器挽推鴻筆之儒蕭顏道合則味叶於椒蘭
謝范情淡則設篤於金石殆與渠丘杞翁先生稱
莫逆焉先生西鄂文宗東州學府括囊乎術藝之
場枕藉乎丹鉛之圃導揚隱伏以五經爲泉源藻
賜襟靈以百氏爲流派當茲文瀾渙濫之日而比

杞田集序

三

於武事廓清之功誠所謂振發純英杼袖造化者
歟蓋先生生有異稟早稱國器自羈貫敏學沉酣
簡籍固性與道符復神無滯用高騁夙厲競服中
郎爲雋才曲撫旁推皆羨孝尼爲神筆逸氣上浮
勝情四達既夙多賢豪之游兼大得江山之助也
爰自少日雅好朋從南舟北車徧拔佳勝登山臨
水無間歲年企望者以爲水碧空青欽挹者以爲
澗林鉅谷凡一時賢士四海名流無不歡欣倒屣
綢繆題襟因之揚今推古馳辯摘華撮淹通之勝
會標絕照之孤情經國之業日益月新橫制頽波

瑰詭萬變卓軼千載厥有由已今寓內搦管之夫
競尚述撰雷同影附家自有集載之以充車聯駟
容之以廣厦接椽然而泥古者氣象萎循心者
規範蕩悉或剽掠以爲工或佻巧以爲飾或浮曼
以爲妍或餽飮以爲典夫抽心呈貌揭淫費之譏
羽檄蘭舟鮮濟川之用大雅所呵誰昔爲然試觀
先生之文前衡後鑿以爲體勁出橫貫以爲用含
經咀史以爲英華戴仁履義以爲本根信能鞣轆
前古昭彰後葉者乎先生別業在古州國峽山高
揭鄭康成通德之門瀰水彎環韓淮陰囊沙之浦

杞田集序

三

東皋河渚小有田廬書庫琴亭備稱幽靚抱虎蔚
龍雕之瓌麗爲祝鷄牧豕之棲遲潛光隱耀於其
間談藝著文以爲業構成斯集昭示來茲且夫高
材詘於貴仕被褐悲於懷金紆體衡門今古同歎
今先生負珪璋之姿蘊黼黻之性播黃鐘玉磬之
弘文而不得迴翔殿陛羽翼清華處命書綸綍之
寄職論思獻納之勛而第抗跡丘壑希蹤臺尚學
灌園而抱甕安閉戶以著書取義於龍德遜世之
及寄志於名石室之事枝葉扶疎亦云慨矣然
而靈芝萐莆召自人文堯醲舜薰同其雋孔有數

百首文章而樊川之禽魚草木皆無憾也優游
竹素詎云少乎哉小子從伏誦之餘私祕玩之久
如寘身于瑤圃儼觸目于香林恭綴卮言冀附簡
末庶幾資予誠敬藉用夫白茅竭世樞機聊投於
巨壑云爾

杞田集序

三

杞田集白序

半部彙

余文彙刻成客有見者曰此子半部彙邪余問其
故客曰古今之自集其文與集昔人之文者必備
詩賦文章而後謂之全集是編有文無詩故知其
半部也余曰噫豈謂是與余束髮時業好讀詩古
文詞及自操觚則爲文而不爲詩卽偶爲之終亦
不似蓋其天性也違已拂性之事生平弗爲故卒
舍詩而爲文少年所作雖多皆聽其散失壬子後
間有存者積久成裘遂從兒輩鋟木工拙且置勿
論又暇問其半與全哉且昔人之集初無定格如
張文昌集無一篇文李習之集無一篇詩陸放翁
言之詳矣不惟是也今所傳韓歐諸大家非全集
乎嘗攷張表臣所記文章體制詩之類十有七集
中之詩能各備其體乎文之類四十集中之文能
各備其體乎由是以觀韓歐諸集亦未許便稱全
部也何有於余雖然有境必窮讀書者之事也敢
自恕乎卽以半部名吾彙以志吾媿老鈍可策且
將勉爲其全者矣康熙二十八年歲己巳月己巳
日己巳時己巳渠亭山人張貞自題

杞田集白序

三

或語

自敘曰張子舊有所著撰曰半部彙者刻於己已夏居亾幾何卽悼亾傷逝衰疾相乘如以危葉衝風濱于十死雖懂而得免人理適盡閉門漠漠媮視苟息昔之醉夢沈酣于其間者皆付之前塵影事又何有於文字體氣既復魂魄漸收而游往中二三君子間以文事相役不能自閑紙墨遂多因念文章大氏皆緣朋友而作也賡記所以散鬱陶傳志亦以闡幽隱序引多品藻之言銘箴寓弼違之義褒德顯容則尚頌讚會悲引泣斯有弔誅行

花田集序

三

實敷述固假畢贖以告哀論說昭列寔設譏評爲是正也卽別有寄託亦可指數矣故采周易之辭以冠之然吾方用坤☷之摺囊乃反取同人☶之或語心迹屈奇覽者得毋笑其憤憤乎康熙三十

二七夕續夢老人張貞書

潛州集

潛州集者張子類次近彙踵前兩刻而成籍者也州者何志地也其地何先人徹廬爲州國之故墟其地莽蒼其風朴野雖在人境寔遠世情也其言潛者何張子欽敬歷落與世長左老厭人事屏迹

荒邨親課僮丁理墾植之業及日上賦踐更游徼有兒輩在非魚山樵水未嘗一出離門外也曷爲繫集於潛州林泉秘人酬應希簡抱耒之餘時問筆研日居月諸不自知其盈軸也介之推有云言身之文也身將隱焉用文之況潛則不自見其文以文自見則非潛此其事爲已慎矣非其慎也良以結習之未忘也風蟬雨蚓吸露伏槁候至而聲大要用自娛耳無暇計工拙也如以工拙論則斯籍尚不足以覆瓿又何足以薦醜百代以期偏嗜者邪所謂欲出則不敢欲棄則不忍故稍稍綴緝貯

花田集序

三

之篋衍蓋余旣潛于州而有作書成仍以潛夫州中其潛之也其諸等於名山之藏也與時康熙三十有六年歲在彊圉赤奮若極如之月哉生魄杞田耕者張貞起元父自序於峽雲籠樹樓

娛老集

謝皋羽謂文字能娛老娛老之事多矣安所取于文字爲也蓋人之生少壯老盡之矣當其壯也思少之時已若前塵迨其老也思壯之時又如昨夢豈非老不如壯壯不如少哉獨至爲學則異乎是卅角之年泚筆爲文從衡駘蕩若奮雷之啓蟄快

風之振稿雖有作者未官多讓歲月既深聞見益廣霜降水涸而後知文字外別有事在原非號鯨鳴鼉儼花鬪葉之所能盡而自悔其降心之不蚤此文章之境所以少不如壯壯不如老也予也不幸束髮有文字之愚其視翰墨如五穀之療饑藥石之伐病鼓歛之樂幽閒少壯沈酣老不知止雖與年俱進遠遜古人而以炳燭之微明借此自娛則固未嘗有別懷也魏文帝有云年壽有時而盡榮樂止於其身未若文章之無窮余每歎為知言及讀蕭雍州之言曰歷觀世人多有不好歡樂乃

杞田集序

七

仰眠牀上看屋梁而著書千秋萬歲誰傳此者豈如臨清風對朗月登山泛水肆意酣歌也又不覺爽然自失矣集凡序十首記七首志一首傳三首墓表五首墓誌銘三首行狀三首贊二首銘七首議一首雜著一首題跋二十一首合之得三萬五千餘言題曰娛老集康熙戊子臘日杞園老叟張貞識

杞田集目次

卷一 序

周易本義引蒙序

迎 駕紀恩錄序

續安丘縣志序

壽光縣新志序

掖垣疏草序

學文堂文集序

白雲村文集序

叢碧山房文集序

世德堂文集序

王氏家乘序

姚熙如遺稿序

西城因隱集序

援之筌句序

夢園唱和詩集序

西城別墅詩序

周榕客學菴詩稿序

杞田集目次

安青士綺樹閣賦彙序

蒼雪山房詩序

丘學山樂府序

卷二 序

江村唱和詩序

楓脂香堂詩序

蕉雨軒詩序

攝密仁聲序

吳擎一使君詩序

馬竹船河嶽集序

郎梅谿明府詩序

竹梧書屋詩序

杞紀自序

渠丘耳夢錄自序

青州鄉賢小傳序

安丘鄉賢小傳序

寶墨樓書目序

張氏闈牘彙存目錄後序

聲音序

送李子肅教諭樂陵序

江都韓醉白五十壽序

臨朐張明府壽序 孫遠齋壽序

安母李太孺人七旬壽序

卷三 記

安丘縣重脩學舍記 安丘縣學重脩西廡記

朱子祠記

安丘鄉賢題名記

重脩白雪書院記

虎丘二姜先生祠記

重脩丁氏祠堂記

勤惠先生畢公祠記

重建歷下亭記

安丘三教堂營造記

平等菴經藏記

唐邵鎮重脩三官廟記

重建護國西齊王廟記

義冢記

先大人全城紀略

為先伯父叔父立後記

先妣遺物記

卷四 記

丁野鶴先生行歷圖記

杏村讀書圖記

不價泉記

秋水軒記

如菴記

臥起樓記

杞城別業圖記

游廣福寺記

游揚州劉氏園記

游金陵北城記

游金陵西園記

游雲龍山記

游桃花菴記

夜汎蓮子湖記

慈仁寺偃松記

天繪瑞蘭圖記

畫衣記

黃璞玉生瑩記

卷五 志 題名 紀行 書事 說 表

書 碑

青州太守張公救萬定變志

琅邪臺題名

韜光菴題名

金山題名

惠泉題名

虎丘題名

雨花臺題名

燕子磯題名

適燕紀行

書二公事

書傳道士事

書兩節女事

讀書堂說

畫畫換米說

賜四書尚書解義謝表

上高念東先生論地方利弊書

前知安丘縣事三原房公遺愛碑銘

卷六 傳

劉先生傳

汪君蛟門傳代

參議畢公傳

楊石民先生小傳

陵縣司諭李公譜傳

馬仲君傳

知非子傳

馬孝子傳

馬大孺人劉氏傳

張節婦傳

馬烈婦傳

張烈女傳

李烈婦鞠氏傳

卷七 墓誌銘

誥授奉政大夫禮部儀制清吏司郎中曹公墓誌銘

誌銘

紀田集目次

四

通奉大夫巡撫貴州工部右侍郎兼都察院右

副都御史加一級曹公墓誌銘

奉直大夫工部屯田司員外郎于公墓誌銘

清故文林郎江西贛州府安遠縣知縣于公墓誌銘

誌銘

誥授奉政大夫江西寧州知州臧公墓誌銘

誥授奉政大夫提督江南學政按察司僉事劉公墓誌銘

公墓誌銘

待贈承德郎吳君墓誌銘

進士廣思張君墓誌銘

卷八 墓誌銘

益都楊君搢珽墓誌銘

文學張君墓誌銘

韓君文潛墓誌銘

李大椿墓誌銘

李太公墓誌銘

曹智干墓誌銘

臧母丁孺人墓誌銘

馬母高孺人墓誌銘

李孺人王氏墓誌銘

庶母董韓兩孺人墳誌銘

亾妻李孺人墳誌

亾次女權厝誌

女衛埋銘

女孫孟墓甄銘

卷九 墓表 阡表

紀田集目次

五

清故洛川知縣斗杓劉先生墓表

洪洞知縣李公墓表

敕封文林郎山東青州府臨朐縣知縣呂公墓表

表代

敕贈文林郎山西潞安府平順縣知縣吳公墓表

表

誥授奉政大夫陝西臨洮府同知高公墓表

昌邑文學凝吉劉君墓表

王徵我先生墓表

文學旭菴李君暨配王孺人合葬墓表代

益都王佐臣墓表 曹室李孺人墓表

孟母墓表

孝烈文學李府君行狀

卷十 墓碑銘 墓碣 行狀

封奉政大夫刑部四川司員外郎加一級原戶

部廣西司員外郎劉公墓碑銘

李伯子墓碣

李季子墓碣

誥授光祿大夫總督福建浙江等處地方軍務

兼理糧餉兵部右侍郎兼都察院右副都御

史加四級朱公行狀

杞田集目次

六

敕封文林郎山東青州府臨朐縣知縣呂公行

狀

文林郎山西平陽府萬泉縣知縣王公行狀

韓懷西行狀

卷十一 行狀

先祖考文林府君行狀上施愚山先生

先伯父孝廉府君行略

先考明經府君行略 先考明經府君行述

卷十二 行狀

先叔父侍御府君行略

先妣許孺人事略 先妣孔孺人行述

亾室李孺人行狀

卷十三 哀辭 誄 祭文 贊 銘

議 雜著

御史中丞曹公哀辭 新城東亭王公誄

三如馬公誄 祭劉丙孫文

祭曹實菴先生文 先友遺墨贊

漁洋先生放鵬圖贊 周雪客持盃圖贊

王周陽象贊 劉止一象贊

馬拙脩象贊 曹湘鄰象贊

杞田集目次

七

獨坐圖自贊 又

看雲杖藜圖自贊 遠游圖自贊

松皮石贊 端溪石子天然研銘

風字研銘 小陶研銘

洮研銘 在乙兒研銘

方竹杖銘 桃竹杖銘

叩竹九節杖銘 山木杖銘

霖杖銘 榆杖銘

藜杖銘 几銘

文介先生安公私諡議

貞憲先生閣公私諡議

文介先生張公私諡議

談虎 請辭副墨

卷十四 題辭 題跋

樊會公畫卷題辭 程萬斯印冊題辭

錢波齋印冊題辭 書所讀史記後

鍾伯敬批評漢書跋 跋文泉子

跋匏翁家藏集 書歸震川全集後

書錢牧齋有學集後

題所鈔鍾退谷先生家傳後

和田集目次

書賴古堂尺牘後 讀漁洋先生池北偶談

題顧幼鐵文集 題觀稼樓詩

跋紫柏老人集 跋董樵西山詩

跋王給事雨發德州見寄詩

題馬羽辰自賦壽棺詩後

題珂雪堂詠物詞譜 周雪客秋雨懷人詩跋

書應夢舉子記後 題陳健夫濟南雜詩

跋吳木欣戒謔迂談 題孫謙夫家問錄存

寶巖樓遺翰跋 跋于內史三月帖

書淳化殘帖後

跋楊水心所藏曹景完碑

書隋刻勝福寺舍利塔下銘後

李雲山草書卷後 書延陵寶巖後

跋王西樵先生所書佛經

跋安靜子所藏欒下先生手簡

題鐵岩遺墨

題周元龍臨晉唐名人帖

跋王司直篆書幽風七月詩

先伯父手鈔蘇文跋 先府君遺墨書後

先叔父侍御公手書且園歌跋尾

和田集目次

跋書課卷

跋所書蘇長公十八大阿羅漢頌

題 顯王所書佛日高懸扇後

跋朱子青所藏歐陽文忠公象蘇文忠公書贊

題姜勉中扶輓圖 題王弦蒲洗研小照

跋張又安臨輞川圖卷

題王海重萬樹莊圖 題崔子荆松下鍾道

題王清遠所藏唐韓幹畫馬

題朱子青所藏瓜果畫扇

題王弦蒲墨菊卷 題徐生冊子

跋賴古堂印譜

題程穆倩印箋

題衛馨遠集印冊

自題紀年印箋

題蒼雲書陽

題家藏舊琴

杞田集目次終

杞田集目次

十

康熙雨廟重刊
日昔岑閣彫成

杞田集卷一

安丘張貞起元著

新城王士禛貽上定

序

周易本義引蒙序

吾友姚子青厓取周易諸家訓解決擇其最精密者都為一集命曰周易本義引蒙屬序于余刊舉斯竟走介布書來告成事且謂非子題其簡端無以垂世行遠余甚愧其意而不獲辭也竊聞夾漈鄭氏有云秦人焚經而經存漢儒窮經而經絕蓋

杞田集卷一

言詮釋經義之難也若夫周易通神明之德類萬物之情廣大悉備孔子晚喜讀之至絕韋編是可

陸德明爲釋文則又尊君明其後作者鬩軌或主名理或專象數各有偏重至宋二程子爲傳可稱揆微乃詳於理而略於數亦不能不啓後人之擬議紫陽夫子出而合兩先生之學以爲書質理驗數貫殊析同其精詣獨得有非漢儒所及知者而大易之道始無遺憾青崖爲給諫公孫以古直先生爲之父以熙如先生爲之兄濡染其風尚浸漬其議論蓋不出家庭唯諾几席丈函之間淵源授受已迥出儔倫而其爲人視精而行端心和而志厚布衣疏食蕭閒淡止無所誘以散越其神無所

杞田集卷二

二

脅以虧疎其氣韓子之稱李翱所謂有道而文者也其治易也卻掃杜門焚膏宿火假年窮老以從事由唐至漢湖而通之由宋元至有明浴而別之獨取其有合於考亭之旨者會粹成書遂使世之爲其學者如見斗杓如得指南焉或謂是編有資於場屋帖括者爲多其於闡揚性道尚隔一塵不知經義之設正以剖析前人未發之祕也歷代以來念六經之蘊濩而難知故取章句裁以爲題敷陳詞旨如一出於聖賢之言其道之精微變化盡矣特患傭耳剽目之徒傳會穿鑿植釀而叢脞始

而背於大道耳何若斯之擺落悠悠研尋雅故發皇蕩滌煥然與本義同風用以譚理則洞前燭後可以窺周孔之闡奧用以爲文則根茂實遂可以挽輓近之頽靡余雖衰老猶將執簡以觀其盛又安見窮經而經不賴之以存也哉康熙三十四年歲在旃蒙大淵獻夏四月丁酉牟山張貞謹序

迎 駕紀恩錄序

皇帝奉天出治享大歷服惠懷威讐罔間內外凡廟典禮稽古按牒次第具舉雖一豫一游亦思爲朝

杞田集卷二

三

天下後世法

帝德廣運其大難名矣而猶兢兢業業惟恐四海之遠萬幾之衆一政未敷一化未洽遺憾盛治故於軫卹生民尊崇前聖之事卽在數千里之外亦必親勞

法駕肅將無怠康熙二十八年春

上以東南所急莫大於河道不辭跋履循覽隄岸又以神禹功德隆盛躬嚴祀事以昭告虔一時父老童穉夾道歡迎大臣之休沐里居者皆朝于境上宮詹學士新城王阮亭先生趨謁

行在承恩獨渥歸則以其經行道里往還時日與上勞問之言便蕃之錫爲迎

駕紀恩錄一卷出以示貞且俾題其簡端貞聞自古帝王御極莫不君臣一體同德同心故能治躋隆平業臻上理唐虞三代都俞吁咈之風邈矣迨至漢唐英主亦皆親賢人近君子不特廟堂之間視猶股肱資其啓沃卽偶然延見士大夫亦必拊循臨問有若家人是以垂諸千古爲史冊之光也先生以名世之才潛身郎署一旦受

聖天子特達之知擢任清華執經講幄敷教成均

祀田集卷一

四

復以學行簡佐

東朝每命卽物賦詠先生奉

制揮翰如飛

上大悅賜予錯互不一而足先生亦以受知之淡精白一心以承休德亾何以外艱歸公除伊始需

次里門值

六轡南巡光膺

寵眷可謂千載一時者矣乃先生未嘗頌述游觀之美鋪揚羽衛之盛獨紀蠲租防奸接近儒者優禮大臣數事使後之覽者一展卷如覩三代盛王

之休風焉漢唐英主又身足云於處此特先生一時之榮遇耳而其可紀者已如斯他日參密勿秉鈞軸殊恩異渥聯翩相屬再泚筆而志其盛將與書之說命詩之卷阿并美簡編則此篇又其乘辜矣

續安丘縣志序

今皇帝十一年秋用曲沃衛少師議 詔脩一統志而徵郡國之志于天下蓋以志可以辨疆域程土方稽俗尚慎封守何其重也乃所徵郡國之志固不乏良史材間有鹵莽從事苟且應命者其書

祀田集卷一

五

科目則鄉會題名錄也其書田賦則經制黃白冊也其書建置沿革則甲乙之帳簿腐爛之邸報也紀藝文則勦蕪蕪穢而不足傳紀災祥則荒唐怪誕而莫可據至其宏書而不書不宏書而大書特書者又不知其凡幾夫志爲邑史所以備物垂軌也不軌不物失其本旨矣此無他未整齊于平日欲取辦于俄頃故或考焉而未詳或覈焉而未當振筆直書罔顧義例猶自謂其可以爭先而鬪捷也豈不愧哉吾友王君敷彝蚤占上第筮仕萬泉壯歲解組閉戶讀書著述幾與身等嘗以吾渠邑

乘脩自有明萬曆間後來作者寥寥竟莫能續于是發意蒐討六十年中凡瑞應禎符特恩異數循吏真儒名臣賢媛日新月盛者靡不備書卽禮樂徭役風土物產爲前志所詳亦必審其興壞繁簡之由醇薄登耗之端時寓意言外以俟覽者之自得歷五年而書成迺復精搜嚴剔其或有疑者元元本本務求統緒使其必文必信而後已又若干年刑剛甫刺剛甫嚴事徵書之命適下遂以刑剛甫焉夫君之所成信史也宣付史館用襄一統之志將傳信天下後世無難矣寧僅爲一邑之盛事已

杞田集卷一

六

邪前志成于鄉先生馬定宇中丞年經月緯考詞就班浚得筆削遺意說者以爲毋遜崔後渠之志安陽康對山之志武功君特遵其凡例別自爲書不于原本輕易一字又因以知君之虛懷善下爲不可及也君與予交久且以予爲鄉人知其始末因來請序遂不辭而書之如此

壽光縣新志序

壽光青州屬邑也相傳人多長年且其地瀕海瀾望皆平田息壤無絕厓倒壑之觀故名壽光夏周以來斟灌牟益紀劇諸城皆在竟內至漢始築今

壽光城其後千餘年或隸北海隸樂安隸益都及青州雖所隸不同而邑名壽光自如歷年既久其山川封域田賦物產皆當上之冊府以佐國史卽邑之建置風俗名人良吏列女藝文足以備攷鏡存法誠者亦非細故乃前此之志已不可問近以衛文清公有纂脩一統志之請遂徵郡縣之志於天下爾時取辦俄頃雖有成籍事之闕而不書書而不詳者不勝算也劉聖績使君令茲七載潔凈愛民百度振舉會報最將擢去猶以邑志未善終爲墜典知邑中賢而有文多識往事無如安靜子

杞田集卷一

七

先生者專以纂脩屬之踏門而請十返不厭先生既自任筆削長君雪圍廣爲諮決次公青士功浚蒐討父子兄弟攸助贊襄不數月遂觀厥成余適過紀亭先生出以眎余俾爲其序余讀之思精而體要文贍而旨潔居然一時惇史矣然後知天下事近之則易核遠之則難稽卽以山川人物二者論之吾人經行異域每得高丘大澤溪林古宇雖樂其幽隱瑰傑名且不得而知况問其沿革興廢之詳哉此身歷之所以異於遙集也居恆讀書懷古見一奇行曠節尚欲過其故里考其遺行倘生

同鄉間與前賢之子孫晤對游處有不慨慕其高
會祖父而益凌高山仰止之思者乎此聞知所以
不如見知之詳也遠代毋論前明郡邑之志列屋
兼兩其稱簡而有法者惟王漢陂之鄆胡可泉之
秦呂涇野之高陵韓五泉之朝邑趙浚谷之平涼
皆以其地之人記其地之事故能不惑於聞見不
背於是非一邑之典章文物犁然若覩於乎此先
生之志所以獨絕而使君之能得人爲尤不可及
也歟康熙三十七年秋八月甲子安丘張貞謹序

掖垣疏草序

杞田集卷一

掖垣疏草故工科給事中馬公所著公諱從龍字
君昇別自號見素青之安丘人公舉萬曆壬辰進
士歷洪洞高平二縣令以治行爲天下第一徵入
南垣旋丁外艱服除補工科冊封周藩事竣遷刑
科以母郭春秋高辭官終養物志兼盡人稱其孝
在籍起通叅起尚寶卿大理丞皆不赴公通籍五
十年在官八年餘俱家食難進易退士論歸焉公
嘗以剛直忤奄登萊軍興公適爲寧陵之行監軍
中官嗾令某誣以倡逃遂下詔獄欲寘之死烈皇
尋寤僅遣戍都勻時天下大亂塗路梗塞家人力

沮其行公不可曰君命也毅然就道抵黔南彼中
臺察念公貧病欲資送北歸合數百金以爲贖公
固辭弗受當事者謂公不爲囊橐計獨不爲饕餮
計乎公曰使吾在職有稍易其操當不至此諸君
乃欲我以衰晚故取看囊一錢邪公劾陞萬里臧
軻百罹甫及里門聞流寇陷京師卽攜家南渡僑
寓句容亾何竟壺鬱以卒遺命葬其地聞者皆斂
色正容以爲今之謝君直鄭億翁也公沒已歷三
世曾孫大令庭符搜討遺文得疏藁三十五篇鏤
版家塾而辱貞爲其序竊惟公生金張世胄之家

杞田集卷一

九

稟天地清淑之氣當其服官壯縣廉潔自持不以
一介入筐篋不以一帛充衣襦及擢諫任朝右望
見公衣冠以爲有異至其方巖峭獨芒寒色正海
內敬仰不啻五緯之在天也其職論思值神宗倦
勤臨御稀簡萬幾坐廢雖處日中月滿之時已成
土崩瓦解之勢公殷憂軍國結念君父遇事感激
意氣盈涌簪筆飛章若矢之激弦星之奔杓莫可
禁禦必不以時不可爲而少貶其振纓奮袂之氣
也欲紀綱之整飭也則有力致昇平之疏以時政
之缺失也則有亟圖省改之疏屏斥儉人則有邪

臣久干清議之疏保護善類則有鑒別忠直以終任使之疏且有省織造之疏以戒奢侈飭荒政之疏以救苗傷嚴驛遞之疏以蘇民困又有府第估値太濫及乞禁陳設冗費之疏以杜侵冒公指切時事無慮不周而尤以裁抑宦官培植單赤爲本旨每草疏入告伸紙屬筆曠所欲言不假膏飾未嘗回互公之忠義固本天性寔亦道德性命之學講之有素也始公雅慕呂叔簡先生之學遂納履其門當太恭人在堂歲必一赴函丈終以太恭人故卒卒往返未能久侍卽先生沒亦僅一奔喪而

杞田集卷一

已及太恭人以天年終公卽盡室僦居寧陵期盡哀其遺書讀之以斬有獲刑禍利祿豈足動其中哉由是知公卓然爲命世眞儒不獨篤孝純忠驚耀青史卽其鑢厲學問鄭重師傳亦近今所希有矣先夫子與公少相知愛長締姻好公晚年家居晨夕過從時貞未成童先夫子每令出拜被公拊摩逆數曩昔十有九閏矣捧讀遺稿如聞艱咤如見須臾俛仰之間能無淚涸故采其學術風節并出處梗槩以爲序使後之尚論者有攷焉康熙三十五年三月三日清明同里姻家子張貞謹序

學文章文集序

古人以水喻文有旨哉蘇明允讀易至渙以風行水上爲天下之至文張燕公謂楊盈川之文如懸河注水酌之不竭皇甫持正謂韓吏部之文如長江千里一道衝飈激浪翰流不滯子朱子稱其先公之文汪洋放肆不見涯涘而奔騰蹙沓頃刻萬變蘇端明自評其文曰吾文如萬斛泉源不擇地皆可出常行於所當行常止於不可不止前脩之論文與自評其文皆於水乎寄意焉然後知文之爲物非水不足以喻之也抑知水之爲物亦不一

杞田集卷一

士

乎夏秋積陰水暴雨澍有時彌原淹野而消息盈虛會不終日此陂淀之水乍漲乍減者也幽溪小渚稚水濛流澗不滅頂淺僅沒却澹澹溶溶沙紋隱現此灘瀨之水易見底裏者也飛瀑布岩山泉爭赴勢雄力猛陵谷失形險過怒息莫知來去此谿礪之水一瀉無餘者也至如河江驚波沛厲洪湍濤發逆走而橫擊奔盪而淼漫蛟魚百怪出沒變幻而不可測其源一出崑崙虛一出旄牛微外累數萬里而後至中國以注於海非夫有本而益之者衆耶文章一道代不乏人然才之下者如陂

浣中者如灘瀨上者如谿澗止耳若夫如江如河之才求之吾世陳椒峯先生足以當之矣椒峯少登上第甫得一官即取急歸里於所居巒圃別築一堂字曰學文出先世藏書縱讀之至忘昏曉久之學益不厭文亦益妙于理無所不窮于體無所不備其卷帙之繁盈箱溢牀今日成一家言未有若此之富者也己卯秋日余訪君於家既接歡然恨相知晚旋出全集請序卷首余讀之鬱懷浩瀚既末由滄其淵源復無以晰其流派惟有望洋而歎耳既買舟北歸浮江絕河目之所逮有會於心

杞田集卷一

三

遂取以爲喻安丘張貞起元序

白雲邨文集序

順治中東武李渭清先生即以能詩赫然負當世稱康熙癸卯前戶部侍郎俊儀周公觀察吾郡嘗延諸生四人於眞意亭與爲游從先生其前席者也餘爲壽光安靜子樂安李象先奔函如余亦廁足其末周公好士如飢渴四人樂其汲引日相往來余始與先生定交得其一篇一咏輒吟咀不輟未與浚譚文章也壬子春 詔選諸生秀異者入國學余與先生充賦入都數共晨夕隄見綢洽

升夏日先生投余所著古文一篇氣雄詞警皆卓然可傳是後相遇即索其新作讀之未嘗不矐目而擊節也已未先生以博學鴻儒揀入翰林學識益博材氣益老著述益富及其典試滇南壯游闊海凡崩崖裂石驚濤駭浪魚龍之跳躑虎豹之叫嗥與夫珍禽奇獸異花良藥之不可名狀者無不寓之於心目發之於辭章先生之文數年一變每變必進一格至是而縱橫馳驟無所不可而文章之能事畢矣其在史館也聲華籍甚公卿爭折行禮之累遷殿讀忽有平調部曹之旨先生即日俶

杞田集卷一

三

歸裝或止之曰郎署起家亦可自致功業振耀於世何去爲先生掉頭弗顧也東武城南有九僊山坡老嘗謂其奇秀不減鴈蕩蓋隱逸之奧區先生於山麓築白雲邨苗茨數椽紙窗土壁讀書其間或經月不出籬門外因取平生所作古文辭數百篇擇其最者八十餘首署曰白雲邨文集命余論次先生以詞林宿素即以官名集如陸宣公之翰苑張安道之玉堂亦言之非夸而名僅以此豈以風雲變態自況其文思之縹緲歟抑以領雲自怡將欲託於名山之藏歟毋亦以天地古今變壞不

停而自寄其白衣蒼狗之歎歎獨是余年及昏耄
師友零謝回思真意亭之集聚相去幾四十年司
農公宰木已拱象先旋復物故吾三人者雖衰病
時見而不改其舊猶日以文字相周旋先生屬余
作序至屢請不厭固自出於昌歎羊棗之嗜然亦
足以知我輩交情老而更親也遂不辭而書其首
康熙己卯穀雨日同郡同年弟張貞造

叢碧山房文集序

昌黎氏有言讀書以爲學續言以爲文非以誇多
而鬪靡也蓋學所以爲道文所以爲理耳觀此而

杞田集卷一

四

文章之意趣盡是矣至論體格則未有如吾夫子
辭達之說者也故凡發冊作命陳謨奉議以至賦
物銘器師旅會盟之辭朋友贈答之語無非此道
無非此理若不得於道則姑傅會以文之不得於
理則姑穿鑿以逆之如是而欲其文之達也能乎
不知文之用也不離夫道不諄乎理始可稱達故
典謨之則而能鳴雅頌之婉而多風者達也卽變
而詰曲聳牙之盤庚喬僻峭厲之齊秦亦莫非達
今日之得此意而神明之者惟龐雪崖先生爲能
先生起家史館回翔郎舍政事之暇雅意博綜上

援六經下參左氏以及先秦兩漢唐宋大家之文
皆熟讀暗誦晚年尤酷嗜茶園之書然好孤立行
一意爲文雖原本古人而未嘗以牽課臨倣爲能
事畦徑盡絕自發淡古多雖雖治世之音是可卜
其吏治之循良矣先生自未遇時卽以詩名噪海
內每有題咏畧未及燥士女萬人更相傳誦二三
同志競爲版行于世已高數寸獨其古文詞澹自
祕惜不以示人余與先生別十二年丁丑秋日再
游京師先生出文數軸屬爲之序未及爲而余歸
杞城邨居明年先生亦出守建寧相去益遠聞問

杞田集卷一

五

益疏惟手斯編伏而讀之始得其爽朗易簡之槩
豈得其倣儻超拔之氣三復而得其正大和平之
旨然後知先生之文不離夫道者也不諄乎理者
也毋愧於達者也更可用是而信其治行之循良
也康熙三十八年上巳日安丘張貞謹序

世德堂文集序

世德堂集者東武王任菴先生著也有序有記有
誌銘有行狀有述有祭文有表有論有說有露布
有策有書有題跋有賦有詩有詞爲卷凡若干梓
成見示且索弁言及卒業經涉旬日不敢措手既

而思之欲論次先生之文當味名集之意其繫集於堂者記先生著書地也其以世德名堂者以先生上世自考菴公開堂構之基盛襄公著愿慤之號是後顯晦不同皆脩身謹行與物無競其爲鄉里所推仰者已數代矣及先生之身出則爲循吏退則稱善士孝友忠信犯而不校名滿天下澤及疇人其所以名堂者雖曰不忘其先而寔所以白道也先生自戊戌登第所爲制舉義一時學士奉爲樞楷當其爲令治行卓異以臺省徵不就戊午用公卿薦以博學鴻儒徵先生自惟宿素恥與後

私田集卷一

七

進爭尺寸竟報罷歸敷門卻掃讀書味道不復與外事相關久之養益澁文益進遠近之造請者日益多先生粹然應之運斤承蜩躊躇滿志言皆澤於道德溫醇爾雅如其爲人不必有意爲脩辭而辭自無不工篤也昔吾夫子謂有德者必有言非先生孰克當之然有德者之言自古以來不可一二遽數丘索墳典其言最古後而無逸幽風周公之文也易繫春秋孔子之文也是皆所謂經也至如左徒離騷龍門史記皆以忠憤著書讀者輿感昌黎不詭正道故其文典以則廬陵心存王室故

其文和以大稽山忠義過人樂易好士故其文縱橫抑闔而一歸於正及夫廉谿簡後伊川明當關西沈澆紫陽精微是皆所謂有德者之言先生學問之所從出也近世榦材小生備耳剽目以爲自東京以下卑卑無足道韞之爲佶屈聱牙曰此秦漢也縱之爲虛浮怪誕曰此莊列也名雖近而實愈難變愈繁而格愈下是又先生之罪人矣故備著之以告讀世德堂集者康熙辛巳十月辛巳安丘張貞謹序

王氏家乘序

私田集卷一

七

吾邑前脩侍御王公諱用字士賢少負氣節成化丁未中費宏榜進士除行人擢御史執法不阿時人以鐵面目之紀功西陲將佐憚服大同有警侍郎許某閹宦金某擁兵不出公露章劾之卽具邊鎮事宐以聞上嘉納焉後出守夔州尋致仕還里闔門卻掃清操益厲邑人至今傳其二事歲當省試縣大夫舉賓興之典設餞旣畢鼓吹駢闐多士聯鞍而出公命其子跽於道側觀之以其爲錄科所遺也晚年自題其像云子孫賢多供幾年子孫不賢賣不值錢哀哉王用可憐可憐魁壘寡兀之

氣至今猶可想見也數傳而後門祚中微裔孫秩
祐名申錫者復以高材生著聲庠序取其家傳敕
命及碑版文字錄爲一冊捧持示余請爲其序余
於是重有感焉有明龐豐熙洽之運莫盛于憲宗
純皇帝孝宗敬皇帝公登科在成化服官在弘治
歷事兩朝以淵淳嶽峙之資當補闕拾遺之任每
嘉謀入告班聯動色而且屢膺綸綍榮及所生一
時多豔稱焉曾不二百年江山遷改家室漂搖縹
囊細帙已皆蕩爲煙雲踐爲泥土秩祐念刊編鬻
翰寔先人靈爽所憑一家之文獻係之藏弄護持

祀田集卷一

六

不使與劫灰俱泯可謂賢矣自時厥後父子文孫
視王言而知國恩之旁魄覽家牒而徵祖德之焜
煌不幾與周之大訓魯之寶玉同其鄭重也哉詩
云無念爾祖聿脩厥德傳曰公侯之後必復其始
余于秩祐有厚望矣康熙丙戌大暑日張貞起元
序

姚熙如遺稿序

余自束髮受書則知萊蕪有姚熙如先生者經學
名師也順治壬辰先生客授安丘與余寔同里巷
生徒環列隱然有魯城沂水之風余每過其館舍

躡足窗外指頤聽講聆其緒論辨析入微輒欣然
有得自謂抱經而游先生之門者亦未必能如余
之莫逆于心也先生亦曲爲獎藉忘年相友余則
逡巡踧踖未敢抗行如是數年先生既還人事牽
率音塵隔絕何先生竟卒于家自時厥後余凡
有事北海必造先生之廬與其弟青厓握手道故
言及先生當年逸事欷歔相對迸涕交揮一日青
厓手一編向余曰此先兄遺稿也哀集成帙藏之
篋衍餘二十年未敢出以示人知先兄之淺者友
莫子若請以數言弁之余受之唯唯退而卒業覓

祀田集卷一

九

其文皆原本聖賢務求當于道德性命之旨而氣
格詞章又出入于韓歐蘇曾諸家卽近之亦在唐
荆川薛方山之間純而無駁簡而有體披閱之下
不覺爽然自失然後知抱經而游其門者固無當
于先生卽余之十年相從自謂莫逆于心者猶爲
知先生不盡也嗟乎當先生世文弊極矣俗學迭
興因風接響以輿臺爲同聲以嘈囂爲多助惟用
駢枝儷葉之言取悅時目而細按其中枵然無有
則其爲弊失之郭郭至稍具才略者師心放膽馳
騁于空虛無當之域程朱之傳註先民之法程不

笑爲迂腐則棄爲故事而不知其窮大無歸則其爲弊失之放恣若夫老師宿儒掇拾餽飭莠苗稗穀不能自別認拘牽爲繩尺守庸板爲規矩正始之音去而益遠則其爲弊失之譌僞有是三者之弊而時義尚復可問乎乃先生當此之時獨能卓然自立不逐時趨惟是根極理要舒發性情止蘄不徇背于古人斯已矣場屋之得失衆口之毀譽皆所勿計則後世之知與不知又豈先生意中事哉馴至今日霜降水落潦盡潭清人始曠然知文章之元本爭慕乎先生之學先生之學因以昭明

元白集卷一

三

于天下而先生不可復起矣悲夫

西城因鑿集序

三百篇之旨羣居其一由是知詩非素居者之事也漢魏以來贈答間有蘇李諸詩是矣六朝而降訓和愈多二陸三謝諸詩是矣然無和韻者李唐名家若沈宋若王裴以及元白皮陸諸公競尚此體今其集中間見層出而不盡同有用韻者謂同用此韻耳有依韻者謂如首倡之韻而不以次也又有次韻則一皆如其韻之次全集具在可按而索也新城王子清遠爲漁洋先生長君以翩翩貴

公子獨能不墮綺紈裘馬之習浚居汲古常若寒素且賦性謙抑篤於戚誼涓陽興懷鍾情舅氏延蕭亭張先生館之西城別墅相與裴回景光跌宕翰墨緣物托興撫事懷人每得一題必句琢字削更唱迭和角勝爭奇淋漓盡態不淡入古人堂與不止歲月既多哀然成帙衷元白之遺意顏曰西城因鑿集出而問序于余余觀其體製或贈答或醕和或用韻或次韻或依韻而不以次至其風格則有沈宋有王裴有元白又有皮陸幾於有意必達無境不究若清遠者其亦可以羣矣蓋天生漁

杞田集卷一

三

洋先生以葢代之才主盟風雅而又有清遠以相助之王氏一門渾淪磅礴海含地負之元氣始知其無盡藏也余衰年暮齒得親覩其休烈豈非幸歟故樂得而書之康熙三十六年人日安丘張貞杞園序

援之筌句序

嘗讀蘇文忠公集有過安丘弔董儲郎中詩且謂其能詩有名寶元慶曆間又稱其書法勝李西臺文忠之言可爲信而足徵矣乃今欲求其斷楮遺墨邈不可得卽欲訪其墳墓子孫亦無有能知之

者因慨然于吾邑文獻漸滅不傳者當不爲少也然董君之詩既漸滅不傳猶幸文忠公過其故里流連憑弔形之詠歌遂令百世而下徘徊追慕想見其人然則吾人之顯晦斯文之絕續其所賴于名卿鉅公憐才篤舊獎藉護持者豈淺哉吾友馬君原思爲吾邑世家以中丞定宇公爲曾祖以祠部北溟公爲祖公襲家學才名奕奕甫羈貫卽舉于鄉少年氣盛傾身結客遇事無難易勇于敢爲有古游俠之風中年後與其從父兄三如孝廉折節讀書跌宕風雅馳騁翰墨每春秋佳日鬪

紀山集卷一

三

茶泛菊顧曲譚禪以相娛樂見者歎羨以爲神仙中人晚得一第謝去經生業益專力于歌詩清澹閑肆不染剽竊塗墍之習直追唐宋作者非僅于世俗稱無輩行也君嘗自定其古今詩若干卷題曰援之筌句歲壬寅攜游姑蘇偶有所感一昔焚去人何君沒家無副本皆謂妙蹟永絕矣前年春予客京師與王阮亭先生絮語及此先生出君詩數十首相示蓋君會以其集是正先生遂鈔其合作藏諸篋衍者也予不勝驚喜手錄以歸嗚呼原思之詩定不減董郎中阮亭先生則今日之蘇文

忠也其憐才篤舊不啻過之且郎中得文忠不過存其名原思得阮亭遂并傳其詩吾邑文獻寔嘉賴之豈獨有造于原思已邪予旣以詩付其子殿虎又因殿虎請序遂詳述得失之由以告覽者焉康熙乙丑二月二日同里張貞製

變園倡和詩集序

當吾世而有兄弟竝以才名鵲起江淮間者則槩蒼覺堂兩汪先生也槩蒼清和婉篤弱不勝衣經明行脩蔚爲醇儒覺堂早登甲第出入館閣回翔郎署且生而魁壘以豪傑自命指畫天下事數着

紀山集卷一

三

可了兩人若不相爲謀者至其惇倫理重交誼沈潛于風雅汜濫于詞章則誠伯仲也予子之夏余游學都門獲遇覺堂淡相慕悅遂與定交每過門下馬譚諧閒作畱連夜分尤喜讀余文長吟閣誦不忍釋手求其是正卽點竄評隲朱墨狼籍至今手蹟尚藏篋中比余東歸書問促數月必再至瑣屑細碎無異覲面逮其罷官草猝出春明猶遺書寄余付屬鄭重開函循覽令人有一人知己之感余交槩蒼在甲子之秋雖後覺堂十年而歡若平生未嘗少別良以相期之久相望之切故一見莫

逆不自知其傾蓋非故也余乙丑南來訪兩先生
于家執手話舊數共晨夕見其內行淳備家庭藹
然有連棟聚食之風及酒酣鐙炮此唱彼和又淡
得夢草對牀之遺意越六年辛未余再過維揚覺
堂卽世歲星已周余服朋友之服哭其墓上入唁
梨奔相與登見山之樓如覩顏色如聞履聲徘徊
俛仰當餐而歎梨奔出眎凌園倡和集一帙乃會
粹兄弟平日酬贈之詩也請爲其序余摩挲遺編
迴環吟咀于良朋銷殞之餘追憶定交之初有如
昔夢依然往劫矣余九歲而孤終鮮同氣見人兄

杞田集卷一

四

弟偶語輒心情慘抑謂爲人世難得之樂况觀其
手足零落邑鬱無聊排纘篇章用以寄人琴之慟
者乎縱欲伸紙吮筆以序其事十句九慟不能成
聲矣因述我兩姓游好始末書諸卷後姑存灼艾
分痛之意若夫詩之輪囷結轡纏綿惻愴讀之增
友于之重者當世君子皆能道其所以亦何待于
余言梨奔解人定當不昧斯語耳康熙甲戌古重
陽日牟山張貞序於廣陵僧舍

西城別墅詩序

昔人有言五百年得名世易得文人難余謂家庭

間得文章之士尤難于得功名之士如唐之劉蘇
李房宋之范韓曾呂皆父子相繼爲宰執其他躡
踵而爲公卿者不可遽數至父子以文章名世則
指不多屈有唐文章鉅公無過杜韓子美屢以詩
勉宗文宗武而二子之詩無傳退之三子綰袞皆
擢第袞爲狀元退之名若斗山而不聞世有狀元
袞者亦文章難于功名之一證也今之詩文冠一
世而海內操觚之士尊之無異辭者莫如王少司
馬阮亭先生先生有才子曰清遠能世其學蓋先
生以名世之才從容館閣洵歷卿貳一話一言皆

杞田集卷一

五

載國家之元氣以出翰墨風流可以籠挫古今陶
冶萬物而況爲其子姓者乎清遠天資卓偉蔭藉
高華目濡耳染已加于人一等而游先生之門者
又皆海內勝流清遠與之講習磨礪所造益深是
豈婁書生聞見局陋者敢望其涯哉故作爲聲詩
汪洋渟渟清麗閑雅稱其家學于是詞宗詩老希
風說響者莫不推轂辟舍而歎先生之有子也夏
日偶過其讀書齋出新詩一帙屬序乃清遠自詠
園居者閒澹高古視平日更進一格旋游其別墅
幽邃紆餘無穹閣傑屋之觀有荒山野水之思然

後知清遠因心造境卽境會心而詩之境地故自
不殊也夫文章不易能而清遠之所就已如此使
極之而播爲雅頌以薦郊廟著爲謨誥以施朝
廷文章當緣功名而益顯況功名又君家之世業
也可弗念諸清遠請序甚殷余才盡志衰媿無以
相長聊述其淵源所自并致期勗之意云康熙庚
午冬渠丘張貞序

周榕客學蒼詩稿序

吾師櫟下先生節鉞青齊癸卯夏手一編示余則
所著賴古堂詩也余拜受之退而卒業見其陷獨

禮田集卷

五

雄秀不名一體至其遣辭皆未經古今人道且多
古今人未易道者余躍然以起聳然以服而不能
出一言以贊之旣讀虞山序文謂其情浚而文明
言近而指遠包函雅故蕩滌塵俗卓然以古人爲
指歸余竊歎爲知言榕客爲吾師中子一日出其
學蒼詩稿屬余論序余觀卷中之詩磅礴鬱積清
麗間放一以爲陣馬風檣一以爲飛泉駭瀑寫景
幽寂有蘭茝之潔言情華潤有桃李之豔於乎何
其詩之似吾師也因思吾師負蓋代之才凌暴偃
蹇淹玩衆作不限常律操舍自如是其有異人之

資稟也早登仕籍敷歷中外前代故實無不貫涉
本朝憲令無不審據且晚經患難人情事變洞晰
胷中是其有異人之遭逢也至若耆書又其天性
上自經史諸子百家之集下逮稗官野乘笏及道
釋之書殘章斷簡靡不山聚林列且窮極日夜之
力鉤索質驗貫殊析同是又有異人之聞見也吾
師之爲吾師者如此是可易言似歟然有說焉浚
山大澤寔生龍蛇榕客蔭藉高華胚胎前光是其
才具原自無殊也 國家典故人事變更榕客於
過庭之餘耳之已熟與其身歷無少差別也至圖

禮田集卷

五

籍之藏匿滕匣祕充仞積累不必按奇抉怪但伏
而讀之已有餘矣是其聞見又略相同也然後知
吾師之創起者爲難而榕客之承傳者爲易使起
虞山於今日必且以目吾師者目榕客謂其詩之
似吾師也得毋亦以余爲知言乎康熙癸酉八月
丙子安丘張貞序于巖社湖舟

安青士綺樹閣賦彙序

賦於何昉其風雅之遺音乎古者諸侯卿大夫交
鄰聘問必有詩詩卽賦也往往見於春秋春秋以
後聘問詠誦不行於列國羈窮之士閒因失志而

有賦屈宋之騷是矣騷亦賦也兩漢而下賦家輩
出賈生長卿之徒長於叙事矣說者猶謂其昧於
情子雲長於說理矣說者猶謂其略於辭至於孟
堅世推雄博而說者猶謂其辭理兩失若是乎賦
誠難言之矣閻丘安君青士吾友靜子先生介子
也少年矯志博物好古既以其所應時制著場屋
聲更以餘力泝洄騷雅下上漢魏溢爲詩歌則餘
膏賸馥猶足以驚爆海內辟易作者此誠家學所
被源深流長未可以膚心末學跋而及之也去年
青士與予遇稷下出所爲賦若干篇以求是正且

杞田集卷一

元

請爲序予披讀一過風氣適警興寄婉愜各章繡
句絡繹奔會於行墨之間語象則星漢昭回雲霞
卷舒也語致則文漪淪漣緒廳搖曳也刻羽雕葉
不足爲之工鶴鳴鸞嘯不足爲之韻銅丸走坂駿
馬注坡不足爲其流暢也由其才無不兼故美無
不備予回環雜誦神懷欲飛尚復何言無已姑取
青士之以綺樹名其居名其集者以進論之可乎
予杞城種樹者也久與爲伍能窮其變當春氣方
殷萬花爭發黃者紅者黑而澤者紫豔而腴者翠
白而緗綠者衆彩交揉焜煌變幻可謂極難名之

妙矣抑知此有本焉蒼枝老骨天蟠勁挺或根到
九泉拔地千尺擾雲漢而挾風雨寔錦綺繡錯之
所由生也青士持此以求則不僅紛紅駭綠徒夸
騷圃之工露葉風葩謾鬪文園之巧矣青士不由
是遠乎用爲書首并以質尊甫靜子先生或亦當
默相印可也康熙丙子驚蟄日杞人張貞序於自
來草閣

蒼雪山房詩序

余自髫髻卽以讀書結友爲事年運而往晚晚衰
老流輩凋謝又思得少年才俊與之游枯木朽株

杞田集卷一

元

庶幾對之有起色濟南朱氏昆仲固所稱少年才
俊也余聞聲已久不意長公子青亦知世間有餘
脩音問通介紹以道其殷勤丁丑秋始獲晤於會
城志氣交孚若平生驩旣又見季公子驄溫然如
玉復與定交一日出其近詩一編請序寄託遙濔
師法高古推其存心不欲一字寄今人籬下卽于
古人亦未嘗苟且以求同也昔人論琴謂初下指
一聲不合卽終身無復合理子驄于詩其始作已
合如此安可量其後之所至哉新城王先生阮亭
操一代文章之柄獎成後學培養士氣今之歐陽

公也子驄兄弟皆奉雉其門先生亦浚喜得之評子驄之詩謂其希聲清越有風篁之韻古色沈澹有琅玕之操抑揚抗隊有伶倫嶰谷之音其所以許之者至矣余雖辭費亦烏能復加於斯言獨幸少年才俊之士近在吾黨故樂得而書以慶余之遭也杞田耕者張貞序

丘學山樂府序

古稱歌詩三百弦詩三百則今之所傳三百五篇皆可被管弦諧金石者也歌詩之法失傳而後有騷賦騷賦難入樂而後有古樂府古樂府不入俗

杞田集卷一

序

而後以絕句爲樂府絕句少宛轉而後有詞詞不快理耳而後有曲曲又有南北之別其體雖變其音則一也雅頌尚矣樂府盛於漢魏絕句盛於李唐宋元之於詞曲各有獨至卽以曲論自元明迄今關鄭白馬而後康德涵王敬夫楊君謙徐子仁諸公未可悉數其在吾鄉濟南則谷鑿宗章丘則李伯華臨清則謝茂秦青州濮州則有若馮汝行李伯承皆引商刻羽窮極幼眇各章秀句至今流豔人口戊寅春日余于役膠西訪老友丘君學山於柴谿邨居圖書滿牀山水盈室酒半出其著述

縱觀之披讀流覽夜分忘倦後得近作樂府一帙詞若近而意遠調合古而味新誠足比肩前脩接踵元人矣學山少負異資有聲場屋困帖括五十餘年年幾七十僅成鄉貢以君之才旣不獲自見於事業感憤鬱積一發於詩文故其詩文汪洋跌蕩不名一家墨飽筆放旁推交通間出新聲不特騷賦之變體詩歌之餘韻寔卽小雅之志風人之遺也是豈可與輟材小生謾聞目學恃其狡獪掇拾塗澤移宮換徵徒令齒舌得利者同日語哉余序學山詞曲而備著其生平以見君之學問確有元本此數闕不過其凌雲臺之一椽一桷耳若欲執此以測學山余則未敢遽謂爲知言矣康熙戊寅花朝後二日峽農張貞序

杞田集卷一

序

杞田集卷一終

男在辛校字

杞田集卷二

安丘張 貞起元著

新城王士禎貽上定

江邨唱和詩序

東武李漁邨先生平生以文章為飲食以朋友為性命韓子之稱李翱所謂有道而文者也年尚未艾即自禁林弃其官歸屏居田野益以讀書為事口不絕吟手不停披發於語言文字之間者標舉鮮令不啻如鸞嘯鶴鳴而其神情復與山水相關海內名勝若吳越若豫楚若滇黔皆分歲遨游所

杞田集卷二

至與其高人逸老定交杵臼塵容俗狀不能犯干其腸胃也康熙丁丑漁邨游閩海歸道出維揚遇故人周岷公洪去蕪先遷甫邀往江邨相與杯酒流連歌吟互答極傾倒之樂羣居數日得詩若干首話蕪城之秋色緬琅邪之海氣道勝游之難續惜去日之苦多漁邨抵里出其卷軸屬余為序讀之纏綿宛篤悽惻愴恨足增友道之重雖在異世猶使人慨慕歎息況與之生同時而風聲相及者乎且四君者漁邨既與余稱莫逆岷公亦相遇都下情好甚淡去蕪則與余交相慕而未覲至于遷

甫余又曾讀其文而心識之即其意中未必知世間有余然終不可謂之生客矣明年春水上時余將買舟南下過紅橋登蜀岡徘徊於真州城南四君之詩蹟如新雅集之風流未散解后寒故文酒樓尋亦因以知余與漁邨道德名位雖百不逮一其好朋友而嗜文章則固未嘗有異趨也是歲冬十二月立春日同郡同年弟峽農張貞序

楓脂香堂詩集序

余病疴餘兩月雖寒熱交至而熱為尤劇每當熱作如騰猿狂象不勝其苦友人教余默思平日所

杞田集卷二

歷清涼之境可已斯疾因憶昔游越中嘗于月夜登飛來峯涼颼微扇聽巖下泉水泠泠時在初夏肌膚起粟亟下坐冷泉亭亭畔松影參差如水中藻荇自謂清絕後又登琅邪之山下臨大海值宿雨初收纖翳不起空明澹蕩一碧萬頃風起瀾生山趾動搖不自知其置身何所斯誠天下之曠觀也已又嘗秋日邨居以丸泥塞戶蒼蘚滿庭綠陰覆屋午夢乍回茶亦熟矣萬籟俱寂唯鳥嘯蟬噪洋洋盈耳可稱妙音及入山路潦水方盛陰厓幽壑層層傾瀉或澎轟崩洑或琤琤澌澌解衣盤礴

塵慮盡滌斯誠天下之清響也已又嘗得長興廟後新芥以天泉淪之才一注水柘杓自馨不必七盃始風生兩腋自謂足雪昏滯矣一朝晨起跋履林園見花間曉液玉垂珠湛掬而飲之九竅皆香斯誠天下之至味也已癸酉春日朱君子青投贈嶺南端江二集余受之卒業淡而不鑿雄而不抗靈迴超脫自成一變幻百端了無迹象近代比擬塗飾之雲霧埽除盡矣已爲心折既又得其楓脂香堂全集讀之然後知其天質高師法古蓋溯源于漢魏涵汎于三唐而跌宕于宋元者余尤所心醉者雖散華落藻金春玉應而清冷之氣隱見行墨每一展卷若揖古人于煙霜冰雪中此放翁所謂使人欲學而不得欲贊而不能者何幸于吾身遇之哉斯誠天下之真詩也已噫曩昔勝賞無異野鳥篆空飛鴻蹋雪過眼已失今臥病荒邨仰眠牀上看屋梁而呻吟惟楓香一編長畱枕畔病小極時用當七發誦其雄以奇者如山月當頭閨風吹袂恍然上下飛來峯游眺東海岸也誦其幽以峭者如疎柳鳴蟬空山放溜恍然臥聽松風坐臨秋水也誦其芳以潔者如新茶潑乳甘露沁脾

杞田集卷二

三

恍然共試金芽獨餐沆瀣也平生境遇莫可追憶者眼底曾中一時俱集不覺積疴頓穌翁然而起適子青來徵詩序既不獲辭遂書此應之康熙甲戌秋分日安丘張貞序

蕉雨軒詩序

芭蕉爲雨移故向窗前種憐渠點滴聲畱得歸鄉夢此杜樊川詠芭蕉詩也連雲接塞迢遞灑幕侵鐙送寂寥一夜不眠孤客耳主人窗外有芭蕉此又其詠雨詩也合而觀之寂歷之境淒清之致宛然心目嘗攷南州異物志甘蕉草類望之如樹株擢本兼圍抽葉盈丈華如酒栢形色如芙蓉故昔人多好之或取以學書或用以行酒予性尤有偏嗜閩廣所植雖不及見閒游吳越行數千里遇人家林園庭圃有種之者必造觀焉見其攢葦布影高舒垂蔭未嘗不解衣盤礴凌翫不忍卽去丘君學山與予頗有同好手種數叢於精舍之前日婆娑其下興至則發爲歌詩意殊適也因名其軒曰蕉雨而并以名其集殆有取於樊川之詩云爾一旦出以示予青蔥菴藹脩潔挺拔無異蕉幹之扶疏也抽萌發蘖日引月長無異蕉心之卷舒也

杞田集卷一

四

含英吐華灼然幽豔無異蕉花之敷榮也忠厚隄側騷屑哀怨無異愁霖滴葉淅瀝成聲也詩與蕉寔有類焉者則其命名宜也予固喜蕉每種階墀藏蓄失節入冬輒腐對學山吟卷如矚孤翠如聆清響庶亦可以爾寂澹之思而慰其所耆也已噫此君詩之得於閒曠者也予家與君阡陌相接辱交最久相知最深見君偶為趁墟之游紅塵四合喧葳雜沓街帘巷鼓奮爽吹脣入於耳者皆謔嘉之音接於目者非狙詐之牙儻則驩博之酒徒君混處其間千言之文百韻之詩腹彙已就又以知

杞田集卷二

五

君有別才詩與文固不擇地而出也因附記之康熙壬午上巳日杞田耕者張貞序

攝密仁聲序

循吏之政蹟多端而以見於百姓者為實際百姓之戴上非一事而以見於言語者為真情然有父老子弟之言有賢士大夫之言說者謂賢士大夫之言誇不如父老子弟之言信而不知父老子弟之言質終不若賢士大夫之言文而可以行遠也我聞在昔召伯營謝則有黍苗陰雨之詩子產治鄭則有子弟田疇之詠尚矣至若無雙之政汝陰

之歌徐弘也報以長生陽平之歌東哲也丘阜江海荆人之歌應詹也清醪瓠脯豫人之歌祖述也下朱輪上鸞栖關隴之歌王猛無盜竊無劫坎旌陽之歌許遜也凡此皆善政當前人人皆知而未必人人能言之故藉賢士大夫之筆舌為父老子弟之心口始也因政而有詩後則因詩而益傳其政寔有交相為用之義焉明府韓公以戚里世胄筮仕歷城省會之區煩劇難理公來未幾上官稱賢入其境野無汗萊郊無吠龙邑無爭訟一時治行遂冠二東值掖關令撫軍才公復移公治之掖

杞田集卷二

六

為東萊倚郭其煩劇難理一如歷下而公之承上使下亦一如前政其治效則不啻過之矣康熙十四年春高密長吏去職又檄公署其篆公初至縣在歲侵之餘道殣相接周瘵未起公為之問疾苦設糜粥墾荒蕪撫流移戢姦慝緩征輸祈雨澤興教化善政多端未易更僕大約持身廉平處事精練而窮鄉幽壑有所陳說無一不得至公前者百姓始而安之既而德之久而如嬰兒之戀慈母頃刻不可離其懷抱也瓜期已逼新令且至邑之人士見車馬行色不能為廣陵之畱河內之借中

心抑鬱計無復之相與對揚休美而詠歌之雖言
人人殊要之各據所沐浴於公者以志感又據所
攀戀於公者以志慕合之得若干首錄梓以行固
不敢謂爲風雅之遺音用附魏晉謠誦之後以觀
風俗而程政事其亦足以備循良之實錄也哉

吳肇一使君詩序

新城王先生阮亭關西城別墅長公周陽拈十三
題自詠其勝海內詞人咸與賡訓聯爲巨軸吾郡
司馬吳肇一先生一一屬和散華落藻角險探奇
能使覽之者目駭誦之者神奮一時推爲桀作余

杞日集卷二

七

心慕之而寔未與言詩也癸未秋日先生有事海
上道出安丘余始獲瞻風采何意先生一見傾倒
歡若平生在先生不自知其爲官人余亦幾忘其
爲部民矣無何過先生衙署齋閣靚潔几榻雅潔
夾窗助明書帙離列盤飧畱客酒旨茶香揚挖騷
賦提緯古今先生學問淵涵扣擊莫罄因亟索其
詩集攜歸邸舍連日夜讀之不能釋手詩中有少
陵有昌黎有元白有皮陸有西崑又有先生所自
關者平奇相生正變互出然後知余雖心醉十三
詠猶爲知先生不盡也先生蚤年筮仕領縣建昌

赫然多所表著旋以治行卓越佐郡青齊廉仁徹
骨清靜存心務與百姓休息聽政餘暇聞布衣之
士有一材一藝者必折節納交相與弔爽鳩之故
墟訪廣固之遺址登山臨城流連唱和長篇短什
動盈篋衍先生之詩其有得於山川之助者歎抑
亦海岱之區得先生之詩始稱其爲泱泱大國之
風也先生才高而氣雄心虛而善下與人語直抒
胸臆披露無遺片語之約皎如信誓友人下世猶
周卹其子孫如昔人所云死者復生生者不愧惟
先生有焉詩以道性情者也先生之性情如斯詩
烏得而不工哉以余觀於先生之爲知其志之所
存遠矣大矣他日廟堂之上經綸事業皆可預期
若止謂其以文章揚一代之盛則淺之乎測先生
矣康熙四十二年長至前五日

杞日集卷二

八

馬竹船河嶽集序

好游者未必有詩乎好游者未必有詩何以處夫
登高而能賦者不好游者未必有詩乎不好游者
不必有詩何以處夫看屋梁而著書者古今之稱
好游者陶峴是也徧游煙水往往數歲不歸宥有
詩者也而其詩不槩見其稱不好游者呂微之是

也家仙居萬山中耕漁自給玄無詩者也詠雪之章衆皆歎服余則謂詩之有無存乎其人而不關乎游不游也馬子竹船吾黨之能詩者也大家名胄讀書好古尤喜詞章題詠贈答衝口而出粵所欲言一洗時俗鈔販模擬之敝而且勝情靜趣高寄遠引似非託乘上浮不足以暢其懷抱乃杜門掃迹年過半百未嘗爲二百里之行是天下之不好游未有如竹船者矣乙酉春日不告妻孥不謀朋友擔簦躡蹻忽爲汗漫之游陟梁父登泰山尋七十二君封禪之遺迹入闕里觀夫子廟堂車服

杞田集卷三

九

禮罷踰河涉洛升卦壇步繁臺撫隋隄之楊柳問良嶽之花石所遇賢士大夫酒徒詞客與之憑高望遠流連唱和又訪異人於賣漿屠沽之間沈吟感激慷慨悲涼無不於詩發之歷八十日往返三千里得古律一百六十餘篇是不必好游卽偶一出游得山川之助而詩愈工者也以其所歷之境始乎嶽終乎河故以河嶽名集與盡東歸手錄其詩問序於余余少年志滿好爲千里之游欲藉以壯其氣而開拓其心曾吳越燕趙之區歲必一往迄今年力益衰學識益陋材氣亦益凋落性雖好

游而終不能有詩今觀竹船倡疇宴飲登臨懷古之章筆放墨飽擷藻摘華極文章翰墨之能事余不勝歎且羨焉顧欲黽勉書其卷端得勿汗顏而接手也乎康熙旃蒙作噩且月哉生魄杞園老叟張貞序

郎梅谿明府詩序

自文苑與循吏分塗於是言儒術者筆墨馳騁幾不知天下有經濟矜政事者汲汲自奮於功業又薄辭章爲雕蟲兩者交譏豈知古今無無學問之事功亦無不見於事功之學問其不能兼而有之

杞田集卷三

十

者則闕乎其才分之不足耳以觀於郎明府梅谿先生則大異矣先生生而秀峻朗拔自其爲經生業時篇章已播人口及牽絲出宰分符桓臺治先教化約束條令必中冑察於土風民莫犂然胷中遇士大夫以禮延見博士弟子躬爲程課經藝人爭自奮厲適當歲侵請賑請蠲獨劫立起蓋不待報最而靡聲騰于郊遂之外矣其作吏也文書盈案訟獄紛紜機務旁午日不暇給獨能汎覽流觀含英咀華無吏事之勞有文事之樂其才分之過人當爲何如乎先生治境寔爲漁洋王公之鄉

先生朝夕晉接承其指授聆其微言且與其諸子清遠輩更唱迭和聯屬切劘而公之所與往還又多文章鉅公凡入邑中者先生卽折節納交見一操觚之士親若同氣落拓如余亦被物色每游桓臺先生必相過從邀入衙齋縱譚風雅颺發波瀾移昔不倦出其新詩命爲評隲如此者數年詩亦屢變愈上至是袞然已成十帙余把酒讀之古詩之典而裁也歌行之奇而逸也近體之麗而則絕句之瀟灑而超著也彬彬乎巨觀也哉余方愕眙賦歎莫測涯涘先生迺屬以一言題其首簡余迫

祀田集卷二

上

先生高誼不能辭強顏爲序聊酬知己之雅而已先生方在盛年事功學問綽有前途儻不繇循吏而登廟堂不緣文苑而傳史冊無所用吾言矣康熙四十五年驚蟄日安丘張貞序於卹居之峽雲樓

竹梧書屋詩序

戊子夏五兒子在辛歸自膠西余問茲行曾遇異人乎曰有龔君念倫者秦川貴公子也好讀書喜交游意致飛動精神足以蔭暎數人如玉之有光劍之有氣固非尋行數畧之經生且年少而智老

才高而氣下又非尋常之文人才士所能望其項背者也知兒至介學博魏君介祉過訪邸舍旋邀入其齋閣明燈促坐雷連夜分吞嗟相告曰予少日爲學志願頗侈欲從事於經世之學未嘗一日釋卷自六經子史以及國家典故毋論金匱石室之藏卽虞初小黃衣所纂靡不研究終以性命爲旨歸故視天下事數着可了燕處超然自守廓如矣迺幼嬰痼疾長而彌盛所志未就不得已而寄興篇章其陶冶性情揚扞風雅雖于古未逮而居今則有餘也使得如晉皇甫士安久病而孔天年

祀田集卷二

三

專攻此道上沿葩騷下及漢魏雖前有作者予亦豈能多讓哉然十年困學備歷艱苦他日僅得成就一詩人又豈予之志也夫因出一編相付曰尊公先生今之能言者也予讀其集相慕已久欲求數語取信天下是誠在予子其圖之在辛述尚未竟余亟索其詩讀之翛然簡獨永絕塵靴其學陶等詩清淡朴茂與移居飲酒諸篇同稱篤古真可攀提儲王直偈泉明矣竊見世族子弟衣馬成習惟知洞房綺疏琴言酒坐否則驚功利飾名譽而止身有潛心經濟銳意問學麟翰刊編激昂發憤

陳人野老望風懷思如龔君者哉人亦有言見人為之而亦為之者庸人也見人為之而必不為之者畸人也不以人為而不為不以人不為而為之者庸奇以外人也今君之所為若此不謂之異人可乎在辛持此復之謂之讀書記也可即用以序詩亦無不可龔君曉人定不河漢斯語耳

杞紀自序

吾族世居濰河東斤莊號高柯寔在杞子故國邦域之中也宗社久墟殿屋井邑胥化邨落天啓癸亥先府君買得一區為饘粥業居城中央地頗爽

杞日集卷二

三

塏余老厭闌闌移家其間鄰曲時至詢舊聞訪陳迹每茫然無所應應劭風俗通義有縣令問主簿靈星在城東南何法主簿仰答曰唯靈星所以在東南者亦不知也余讀之輒為齒冷而今而後人將以余之笑主簿者笑余也故凡瀏覽史傳見其有關於杞者悉掌記之旬儲月積紙墨遂多收置篋衍漫不省錄忽忽十年丙戌長夏邨居豐暇偶有所觸因憶前事從煙煤蠹篆中檢出付兒子在辛次第之釐為二十卷綜其條目曰圖攻曰星土曰輿地曰山川曰繫年曰沿革曰封建曰年表曰

世次曰原古曰分國曰系家曰苗裔曰春秋經傳曰經傳別解曰人物曰遺書曰藝林上下曰襍綴統名之曰杞紀易乎杞小國也吾夫子當日猶以文獻不足而歎其無徵寡昧如余乃欲於千載之下罔羅放失會粹成書補前人所未逮則吾豈敢聊記數則用塞問者之意亦冀免夫靈星主簿之誚而已康熙四十五年重九日七十老人張貞起元書於杞城之峽雲籠樹樓

渠丘耳夢錄自序

余耆齒尪隤經年善病既不能展書縱讀又不能

杞日集卷二

四

出而為登臨眺聽之事惟是蒿牀上銜看屋梁而呻吟耳二三親串間以問病相過延入臥內共話團圓多舉鄉里瑣言為予娛疾且舉其尤詭詭者為撫掌之資一涉世情輒自引寐兒輩侍側每有所聞潛拾殘牘書之疾平取眎都不成語然亦可識當時抑鬱無聊故於沒理沒會處着想也不忍弄為敝帚稍次成裘取漢書語名以耳癢顏注耳常聽聞而記之也客有見者曰昔趙大年出新意作畫人輒嘲之曰得非朝陵回乎謂其所見不滿五百里也子渠人而祇記渠事得毋類此余曰不

然古人云在朝言朝在野言野余以渠人而記渠事亦士君子倦倦不忘鄉黨意也客曰若是何不仿越絕三輔黃圖決錄以爲書迺爲此詹詹之言邪余曰吾何敢遠希漢魏若張端義之貴耳集康譽之之昨夢錄其義則予竊取之矣於時歲次己丑康熙四十八年重九日杞園老人張貞識

青州鄉賢小傳序

吾青古齊國太公舊封地也舉賢上功之風于今未沫巨人長德接迹挺生或以文章闡聖道或以勳業翊王家存則爲儀沒而可社春秋以來代有

杞田集卷二

五

其人先叔父侍御府君順治初督學吳公允父老子弟之請獲祀瞽宗小子貞每入郡城必拜祠下周行廟庭諦觀木主半就蝨弊恐有放失欲憑郡志則後來者居多欲稽簿籍又無老成胥史可供咨訪積疑莫破意常耿耿辛巳秋始從學博呂君所得見舊冊蛛絲煤尾字幾漫滅亟取讀之計所載者九十六公昔人謂宐取一書爲據鄉賢大禮證以學官所守之典籍以云有據斯亦足矣然知其名氏不知其人可乎故不揆愚陋撮其流風舊事翦截排續各爲小傳一通庶功臣世家賢大夫

之業不至恣恣也其軼事得之聞見者十之一采之國史者十之二擷之家傳者十之三考之郡邑志乘者十之四其所不知則更俟博求以廣其遺闕云耳康熙甲申夏五安丘張貞自序

安丘鄉賢小傳序

貞髫髻趨庭先君子常舉鄉里前脩理言遺事以相訓迪奉諱以還貞出齋應人事見邑中長老又雅好訪問舊家典故與闕琬琰之詳久之覩記漸廣遂欲有所論撰竊念吾邑歷三山山郭耳而渠丘之名著于春秋數千年文獻是濫其中脫有

杞田集卷二

六

遺佚失維桑與梓必恭敬止之義矣不得已而姑就學宮所祀鄉賢述其行業以寄嚮往考彼舊祀合之新入者凡四十五公非犯顏批鱗溺亮盛治則浚仁大度加惠羣黎否則獨抱遺經信心師古否則含章韜鍔養志丘園操行不必盡同要其望實克副身世儼然固未嘗有異也至如先世父之孤情絕照迥出流俗先大人之扶義俶儻功存民社雖夙爲士論所歸而不敢妄有稱說唯取郡邑志傳不易一辭錄之或可遠嫌亦以徵信也當其經始罔羅名迹搜尋殘帙得其單辭隻行便欣幸

過望書成每一披讀舊家典故盡在行間既不負
數年之訪求而少日趨庭先君子之提命亦如聞
警歎矣豈遑與一時作者較文筆之工拙哉康熙
甲申祖暑張貞白序

寶累樓書目序

余家東土僻處下邑百物皆不易致而聚書爲尤
難邑中近代收藏之高者推中丞定宇馬公同卿
懷泉王公馬則州次部居饒有統緒王則縹囊細
帙裝黃整齊余見於殘闕放失之餘猶各數千卷
今已散如雲煙矣余家自高王父以經術起家其

祀日集卷二

七

後皆承傳前業沈浸墳典至先大人明經公世父
孝廉公益起而光大之妮古好文力耕所入給公
上供伏臘外悉以市書叔父侍御公宦遊所至輒
畱心衷訪未嘗以他嗜少分其好其謝政也解裝
垂橐而圖書滿車歸來度于所構寶累樓列架插
籤雖不敢自比于通都世家之藏然以之娛耳目
資考覽亦足以豪矣居亾何諸父先後去世順治
乙酉先大人復捐資客余時方九齡家門凋落內
戚某噉其孤俾以爲可肆憑陵也索及什器應之
索及裘馬應之索及錢帛亦無敢不應之者已而

索及櫝中藏籍吾母以先人手澤所存重難之然
爲勢詘卒聽其昇去書去之日母子彷徨相對雪
涕某既得書委棄地上間有過從緣手付去曾不
靳惜蓋某非真知書爲何物而篤好之亦曰吾無
往不可得志於寡婦孤兒也云爾然而吾家歲積
代累百餘年什襲之藏則已盡於此矣及余稍知
人事性頗耽書乃欲有所攷證毋論覓其本不得
卽有之亦分裂狼籍首尾不完繕閱之際令人氣
盡自時厥後余有事四方亦多訪求逸典嘗製兩
篋盛以布囊置行李中每歸驢背繫繫見者多目

祀日集卷二

六

笑之而余則怡然自樂也鳩集二十餘年自經史
子集以逮農圃醫筮稗官小說亦略能備其爲類
凡若干及若干卷間居無事銓次甲乙仍度之寶
累樓手錄其目間以示客客曰是空扁鐻傳之子
孫守而勿失余曰不然余生薄祜無聲色狗馬之
好所藉以耗壯心遣暇日者惟殘書數冊而已而
性復善忘案上積卷往往逃其處所故簿錄之使
易檢閱非欲競多以鬪靡況敢計及後日乎且聚
久必散歐陽子之言也吾鄉藏書者如中丞同卿
傳二世焉而亾余家所蓄曾不能再世乃此區區

儿案間物遂欲世世守之勿失是先人不能得之
于余者余遽欲得之于子孫也豈不思哉客曰善
遂書以爲序

張氏闡牘彙存目錄後序

由明迄今餘三百年皆懸帖括以繩天下士程式
既定凡世之欲就功名者顯顯然知由此而入則
爲正背此而趨則爲邪雖別有弋獲人不爲榮矣
故有志之士咸潛心其中即父兄之訓誨師友之
提命亦未嘗舍此而別有所屬也吾家自高大父
武安公以經術起家其後曾大父東津公吾大父

紀田集卷二

九

贈司理公皆承傳家學有聲庠序必不冝以困躓
于名場而遂自廢其業至吾世父孝廉公始以萬
曆壬子舉于鄉吾叔父侍御公亦舉天啓辛酉而
成進士于崇禎辛未先府君雖以明經老而庚午
之役大爲當事者所激賞誦于定額故置乙榜寔
非以其文有明月之類夏后氏之考也會晝日無
事料簡篋笥得壬子鄉試經書義七篇庚午副卷
與辛未會試經書義各如其數辛酉鄉試僅存書
義二篇附小子貞及兒子在辛壬子丙寅拔貢試
牘各二篇合之得二十七篇刻于家塾使後之子

孫讀斯編者知我諸父顯晦不同出處各異要皆
礪磨乎事業奮發于文章自時厥後縱猥庸不肖
墮其家聲猶知恪守先訓終不敢由他塗以進也

蟹音序

程子有云晝夜者死生之道也蓋言人之不能有
生而無死猶天之不能有晝而無夜乃達生之士
每不易得石衛尉金谷詩序侈談游宴之樂而忽
有感於性命之不永王右軍蘭亭集序備述閒適
之趣而未忘夫隨化終蓋至於臨文嗟悼然後知
樂生惡死人有同情若夫欣戚兩忘超然於脩短

紀田集卷二

三

之外者求之古昔惟陶徵士一人而已所作五柳
先生傳自祭文與挽歌詞皆冥心高寄俛仰無慙
百世而下猶可想見焉余友安君靜子賦才通敏
博學善文少有盛名於場屋長君雪園登第後即
謝去帖括閉戶著書不復與外事相關教養子孫
以敦厚退讓髣髴萬石之風行年七十神明不衰
暇日於父母家旁自穿兩壙爲其夫婦束身之地
各誌而銘之又豫晝後事數則哀然成帙命曰蟹
音文句疏越意態安閒諷誦一過如讀招隱詩樂
志論令人忘其作松栢間語也是非學古有獲曾

懷澹定烏能一死生齊彭殤若此不幾與徵士同
其曠達邪君出以索序且相屬曰樂丘之石尚須
煩子它無所潤吾慕也子如有意當令及我之身
而見之切切告語無愀愴之色余雖愕眙弗敢遽
應然而君之志卓矣獨是余專愚自守任運騰騰
白雪滿頭不知老之將至極天下之無心思者誠
莫余若也以眠君之智足周身才能裕後樂天知
命委心去留一癡一醒分路揚鑣矣乃彊執筆以
序斯編寔切慚惶請爲約曰自此而吾兩人所乏
者非日君其歲著一書余亦歲一登晚讀之堂矣

杞田集卷一

三

送李于肅教諭樂陵序

言吏道於輓近求無負厥職者多難其人而校官
爲尤甚蓋學校之官皆出老生宿儒當其壯盛乘
英銳勇往之氣掇拾菁藻陳試經藝文入等者始
得餘于官及屢困鎖闈長年落拓弭首偃息待次
遞升雖獲貢于禮部已不勝其期望矣又家食數
年始一廁名講席日暮途遠無復餘志所計者惟

束脩之豐嗇犧牲之肥瘠而已又安問其職業邪
且後世所謂教者亦徒存其名耳間有究天人性
命之原教以道德仁義之微者乎有嫻于齊治均
平之理教以脩己治人之方者乎即不然有明于
詩書六藝之文教以先後次第之節講夫祭祀養
老之禮教以俯仰升降之儀者乎無有也今士子
上焉者不過攻爲場屋之業求足以獵科第博富
貴斯已耳其誦誦之疎數風尚之異同又未必盡
出其指授是大悖于建學立官之意矣無惑乎
廟堂以爲資員去之惟恐不速也邇來

杞田集卷二

三

皇上念化導之重俯徇廷議復設教職余內弟子
肅以明經應 詔司教樂陵子肅爲吾邑大宗齒
最少識最高曾懷磊砢意氣適上州里族黨猝遇
大故衆或束手無策經其指畫卽咄嗟而辦至用
財揮霍又能絕去時俗鬼瑣態故人無賢愚見者
傾倒以彼其年既不等于齒危髮禿志氣積墮者
之所爲而有才如此必能飭厲頰宮整齊多士使
先王之道六經孔孟之語復得昭明于今日以其
教于一邑者推之天下無難矣豈僅無負斯職而
已邪康熙壬戌臘日杞園張貞序

江都韓醉白五十壽序

康熙甲子余游京師時在壯年賜肥氣盛傾身結客一日飲比部汪君邸舍座中有客神觀駿發視精行端文章之氣隱現于眉目間灑然異之問其姓字則廣陵韓君醉白也尊甫文適公乙酉之歲以身殉國母蕭太夫人以身殉夫君是時才三歲耳托命家嫗以得活生而權奇倣儻爲童子時已受知于郡司理王阮亭先生及補校官弟子不惟制舉之業著場屋聲而詩古文詞亦稱雄海內既而北游太學時阮亭先生復爲大司成合天下士

祀日集卷二

三

試之拔君第一六館才儔皆以之爲職志焉公卿聞人多折節下之爭相延致以得一當君爲幸而君自若也余既傾倒于君君亦暱就余自是遂成莫逆余歸未幾比部以蜚語被逮時事方急傳聞異辭道路洶涌知交裹足親串退縮卽平日廝養僕隸受恩最渙者亦驚皇避匿無敢出一語露半面者君獨傳古諺微服赴難爲之偵消息具囊餼終始左右事竟得白比部感且次骨與講朱陳之好而君以爲友朋之道應爾未嘗幾微見顏色也長安公卿聞人向之以文章嚮慕君者至是又相

與高其風義而益親之君則掉頭亟歸矣辛未之秋余再游邗江衰遲晚疾侵尋意氣銷落回思曩日之聲氣應求文酒過從依然往劫矣望知交之門輒不于前却獨訪君子家君亦相見驩甚延入東軒阿房砥室夾窻助明花藥分列庭竹翳如自汲水灌洗有楚楚可憐之色君之獻酬羣心者不惟翰墨淋漓詩卷填塞雅頌之博徒必詣門以求通卽鄉里之質疑朋友之急難皆奔趨望走如有期會君出片語應之人人得滿意去良以君少經坎壈天運人事盤互叅錯皆足以磨厲其心

祀日集卷二

四

志長益其神智故于古今事變如列符券如懸鏡鑑胷有定識肆應不窮非徒恃其多藪之智聊取給于眷睫間也因思君有才如此甲第可以戾契致功名可以趑步成況年甫五十正古所謂安爵而服官政者迺君有本分之官顧獨高不出之節江淮之間俊人豪士從君游者皆勸之仕君不答惟仰面看屋梁而已諸君子知君之不可強也而姑與之飲酒明年上巳是爲君皇覽之辰又將稱觥上壽而侑觴之文則以屬余以君嗜余文之淡也余何敢以世俗祝嘏之辭進唯書余之知君者

以復之遙想其時花明草熏風物駘蕩家列長筵
門喧駟馬賓主酬酢笙歌告備有褐衣席帽持卮
醪而拜堂下者必余也此時諸君子還肯分末座
以酌我否

臨朐張明府壽謙序

臨朐司牧孫君石泉與余有金石之契然如秋水
遠山澹然相望也音塵阻絕動至隔歲丁丑寒孟
余歸自北平帷席未煖有客欵門問之則孫君遣
其門生張子齋書幣至蓋爲明府張公請祝壽之
辭且言張公賢邑人德之欲圖報稱而公居心澹

祀日集卷二

五

泊人世鬼瑣纖毫不足縈其念如得子文或可邀
公一盼乎臨朐去吾邑僅百里壤地相錯如繡余
澗河潤而被風聲已非一日微孫君余亦知張公
之賢然隔境迤聽終不如親炙者之詳也遂坐而
問之張子件繫臚列娓娓不能止而其大者有數
端焉公至適當歲侵上急催科督逋之檄旁午傍
邑敲掬囊奉人無完膚公故徐徐時虛其贏以寬
上慮而於下則較社肥瘠爲次第賦不後期閭井
晏然胸人雖樸吏胥不無恣睢多蠹覬蝟集以蠱
公公從容待之不動聲氣蓋得其狀抉其最叢黠

者痛懲之獄訟繇役惟憑薄蹠民自子來不假手
於若輩也偶值軍興猝需萬端絳標寸紙一日數
至長吏多束手惴恐公心計手畫取定俄頃神無
滯用東鎮沂山在其境內

上脩典禮用事羣望虎節龍章之使再歲兩至且
形鹽法酒供藝無等公取給正額不足則以月奉
佐之公之才能禦變政不擾民皆此類也公晨起
坐堂皇幾務紛投片語立決少選放衙退憩齋閣
紙窗棐几掃地焚香公布袍葛屨匡坐其中側弁
而哦聲出戶外猶然書生風味也又以其間延接

祀日集卷二

六

士大夫詢問先後政術得失其賢而有文者有加
禮焉月日進諸生逢掖與課藝文談經術諸生人
人以爲得名師文與行不自知其日上矣余聞言
斯竟爲之慨慕歎羨公豈古之人也耶何其治行
與古循吏千載一轍耶因復問其性情問其嗜好
張子因出公詩文一編示余余就燈讀之清圓流
麗駘蕩纏綿博而去其襍奇而削其險劇而洗其
迹彼以橫溢謂才鉤棘謂調者故退然下風矣余
於是忽然而睡渙然而興曰此公勲名事業之所
從出歟夫人特患不讀書耳苟能讀書卽宰天下

亦無不可此宋藝祖之所以致歎於竇儀也又何疑於我公平或謂公圭璋特達射策甲科負才如此乃不得與館閣儲材之選而又鞅掌於簿書濶為公惜不知與其選者果皆能參大政資啓沃陪贊國是霖雨蒼生乎不然者非陸沈於金馬即索米於長安何如公得百里之地而治之外不負其職內不負所學會不三年奸吏洗手市獨革心四境之內精神心意流通浹洽若赤子之奉慈母以此方彼孰為得失况公治狀班班臺祭推轂尚書尺一之徵旦夕且下又當

祀田集卷一

七

聖天子重治化崇儒術之時將由是而處以帷幄置諸左右使之發冊作命陳謨奏議皆指顧間事矣口脂面藥易足為公榮哉明年月正人日寔公覽揆之辰一時薦紳士民相率而燕喜公堂以介眉壽當復如宋王七日仙樓之會千人拜賀父老之集城下者令皆飲一爵即以此文代春燕春蝶之戲吾知石泉必有以許我也

孫遠齋壽詩序

余識遠齋孫君在癸丑之冬時君與余俱游學都下余一日過愚菴李公邸舍譚藝之餘出書畫鼎

彝圖章之類縱觀之於匣底得小印古色粲然問篆者為誰李公指坐中客語余曰夫已氏之作也亟詢姓字知其為君遂與定交相得驩甚及歸而音塵阻絕者數年余日就落拓君復不偶於省試遂以明經就選人格得司駢邑教去余居西百里而遙因獲數相聞每學使者按部必入郡城余亦間往文酒談燕名流歛集畱連浹旬始歸自是過從益勤知君益濶君蓋榆山世家也奮迹孤童克自振厲長而好學精於制舉業至若象緯堪輿醫筮脩煉諸家言靡不攷究研索務求實用又好交

祀田集卷一

八

游重然諾遇人以急難告即傾箱倒篋弗恤也尤喜與文士接單門後進不難折節下之或聞顯貴人車馬聲輒遠引避去不特不暱就之而已其為校官也雖非其好然不敢少曠其職捐月奉以新廟學春秋典祀治尊俎潔豆籩肅恭將事趨走大府進退必衷於禮未嘗柔曼勣奕以為媚悅日進諸生訓課之先品節而後藝文士習為之一變遇休暇無事閉齋閣讀書聲琅琅達外興至則吟小詩書法規倣蘭亭精於古隸出入曹全劉能諸碑庭中時花種竹手自封殖灌溉剪剔以為娛樂每

佳客至輒留飲相與論說古茲揚推風雅焚香啜茗主賓忘倦有非其人而彊造者以一石支門戒豎子不聽應也以故郡邑守令咸加罷奠諸臺使獎褒婁下遷擢且在旦夕稽昔盛典有自學官人為編脩侍講讀者即今成例亦將徵為縣大夫轉晉臺諫鵬翼天風殆不知其所至矣君嘗欲得余一言余遂巡未敢遽諾丙子十月二日值其初度之辰同人相率為壽索余文侑觴故為之述交情論行業用了宿逋不馴之辭固無足為君重輕然當搢紳衿革執爵上壽時獻酬既畢管絃將徹主人出斯文以示客或可發笑哄堂供筵中一樂也

祀田集卷一

元

安母李太孺人七旬壽序

壽光南郊有古城遺址春秋紀侯之所為國也予每經行見其地坦而平其水淡而清意必有所謂廉且貞其人者以物色求之乃得安靜子先生因與定交時先生方掉鞅詞壇藻蔚發故雖以弟蓄予予寔未敢遽以雁行進是後相過寒暄未了鮭菜已具即浚夜扣門又莫不然予異而詢之則皆太孺人力也予由此始知匪獨先生文章道德為一時模楷即太孺人之賢亦近今所罕有矣康

熙乙亥太孺人年開七表是歲孟秋寔誕彌之月令子太史雪園文學青士偕昆弟孫曾輩數人稽首稱壽既請太公自述敘記更索余為侑觴之辭太公文累數千言予讀而歎曰太孺人之懿行備矣斯可以壽其親矣予復何言兩君曰吾父之言私先生之言公也吾父之言隱先生之言彰也敢固以請遂不辭而次其語以報太孺人賦質明惠厥考明經公雖奇愛之而訓誨特嚴覲謁溫清必遵內則細而文繡炊爨皆令閑習嘗謂異日持此或可以安室家太孺人亦能婉承其意早著閨閣

祀田集卷二

辛

聲此太孺人之為女也太公少孤惟王父母在堂太孺人于歸尚未廟見即遭亂離盡室西遷太公親拾墮樵太孺人負甕出汲以供滄瀆病中撫摩抑搔始終無倦此太孺人之為婦也太公直方為體嫉惡不無過嚴太孺人懼其府怨也每舉前脩已事以相儆戒故終身無咎焉太公晚年自定詩文擬付剞劂以力絀不果太孺人曰奈何以乏看囊之錢而廢千秋之業乎乃悉鬻布帛質條脫以佐其費遂告成功此太孺人之為妻也其教諸子以制行先讀書一有子弟之過輒譙讓不少恕其

御諸婦則一以寬和或寢興失時櫛縱未盡如法亦不加訶責但以見女子嬌穉憐之而已此太孺人之爲母也且天性勤慎鷄鳴而起盥漱畢始理家政嘗曰安有身爲主母蓬首垢面以對婢妾者乎僕子年過成童不使入中門羣從子姪非元日生辰不覲其面此太孺人之御家衆者也其尤難者太公以高材生十五舉而不第太孺人惟以義命相勉無憤激佹佹之態雪園子丑之捷泥金在門賀客躡踵窺其顏色無異平時夫牛衣之傷屐齒之折丈夫猶不能免太孺人乃能以淡定出之

杞田集卷二

三

此豈可以尋常中輻目之哉昔之觀人者以行多當理爲不貴則壽之相今觀太孺人婦德克全母儀告備如此將由耄耋而期頤自垂魚而珮玉理有固然勢所必至則今日之顯融壽考特其先見者爾又何敢僅以是爲太孺人賀獨念予與太公角藝輒退避三舍迺既拾其牙後作序而仍與之同張於壁殆無地着面然太公之文人疑其私者得予而公慮其隱者得予而彰是太公之有時賴予爲左證始信而可徵也予其亦足

杞田集卷二

男在戊

杞田集卷三

記

安丘縣重修學舍記

古者鄉射飲酒春秋合樂養老勞農尊賢使能攷藝選言之政至於受成獻馘訊囚之事皆出於學其事可謂煩重矣輓近以來或以地僻而事簡或以世遠而禮廢幾務遂不能不少減於古昔迨入我

杞田集卷三

一

清文物寢盛學校典禮遠軼前代春秋之享祀鄉飲之酒禮釋奠釋菜之常儀 甲令昭垂於今爲烈而且以先王之禮器爲執掌士子之訓課爲職業故凡居是官者不可一日離乎學離乎學則曠厥官矣某君教渠之明年眎廟學欽傾捐俸勸輸以葺以增沈沈翼翼已還舊觀而博士之解舍棟橈柱腐垣斷甃缺若不可復爲者故前此校官皆僦邑屋以居某君亦然久之不以爲便欲出已貲力圖興復衆曰無以爲也渠雖小士籍學官者幾五百人人捐百錢其事立濟君曰是豈浮屠道士

安丘縣志
新城縣志
先著
卷之三

之居可以醜而就乎旋出俸錢召匠市材揆日度事齋廬寢室門廡庖廩咸徹而新之崇其垣墻端其術道暨茨瓦甃黝聖髹丹舉稱其度始於某歲秋八月訖於冬十二月而告畢工治事有位燕息有所徒役臧獲咸有寧字于是修學之事始無遺功而領是職者亦無畔官離次之咎矣非君之心無私而才有餘顧能若是乎於既成之明年君屬余爲記余竊怪士大夫操尊權席利勢馳騫於富貴功名居其位而不任其事翫愒優游塗飾耳目計日以待遷去方且視官守爲傳舍傳舍之興壞寧足縈其懷抱哉君之心獨不然棄橐裝弊精神夕思晝營成茲鉅典余聞經理之始人風之曰子居幾何而爲此百年累世之迹子之計不亦迂乎君曰天下事未有不迂而能爲之者但官舍既新恐後此之蒙于財者競就高明之居鄙其敝陋而不屑修築詘於力者憚土木之費苟且因循而任其墮廢首宿之齋又將化爲兔葵燕麥之場矣予今任其勞俾後之來者享其逸更願後之享其逸者亦任其勞則輪奐常新而安丘之學舍其永存而不敝矣余以君之言與理有合故併書以詔後

杞田集卷三

二

世云

安丘縣學重脩西廡記

近代學校之制廟事孔子而祀七十子之徒于兩廡天下通義也安丘學宮初自元建元中二十八年重建正殿三十一年始造兩廡有明以來益加增飾學舍講堂次第興葺然亦再脩再圯毀置不常鼎革之後化爲飛埃鞠爲茂草矣及至我朝文教誕敷順治十四年邑侯徐公謂第更新廟學以財力告絀獨遺西廡康熙三年邑人某君自損橐裝營繕崇成壯偉閎燿既歷三紀漸就弛靡三十一年邑侯陳公猶龍廣文李君瑞陳君鳴珂共謀繕治各捐奉縉爲之經始而邑中縉紳學士復率其私錢以仗助之已量工命日矣某君之孫某慨然曰維此西序吾先祖之所意締而手啓者也再以煩鄉先生暨父老子弟是子孫弗率有忝祖考矣于是糾役徒料木甃塗墜之漉滅者新之椽題之覆檁者易之補其罅漏正其傾斜不變其舊而煥若更始可謂無後前人無廢後觀矣于其成也某從余求識其歲月余聞歐陽子之言曰事不患于不成而患于易壞蓋作者未始不欲其久

杞田集卷三

三

存而監者常至于怠廢今觀某之克繩祖武其具于建置者已如斯使推斯意也念爾祖而脩厥德則作者已成之事猶有患其易壞者乎猶有患其怠廢不存者乎當不僅廟與學之輪奐常新矣某其勉之吾竊願鄉之子弟共勉之也故樂爲書俾刻諸廡壁以俟康熙三十二年歲在癸酉正月上日縣人張貞記

朱子祠記

今之廟祀徧天下而尊信無異詞者惟孔子惟然以其以五帝三王之道統承於一身教一時而垂

祀田集卷三

四

萬世也孔子既沒顏曾續其緒子思闡其微至孟子而益彰孟子以來周程張子能紹將絕之統聖學綿延不至寢滅我朱夫子一日起而脩明之振興廢墜網羅放失孔孟之道至考亭而大備猶羣聖之道至尼山而始明也吾友崑右劉君知夫子爲斯道之會歸潛心私淑訪其遺書披讀涵泳罔間晝夜卽夢寐間若或遇之不數年而得其精微成續近思錄一書俾大道晦而復明斯文絕而再續不僅爲夫子之功臣已也與諸同人研窮義理辨析同異務使夫子之學昭明于天下而後已又

因生遡原爲報本返始之舉歲以九月十五日爲夫子初度之辰用白鹿洞祭孔子例偕諸同人共祭于家謀立專祠祀之逡巡未敢適建陽劉侯來宰吾邑諸務未遑首議爲夫子立祠擇地東郭於慈因精舍之南得吉壤焉堂階庭庑以次修作中祀子朱子而以其子敬之及高第弟子黃直卿廖子晦李果齋四先生侑焉木主布昭禮器具列綜理規畫各中其會故不勞而事集考成之期則康熙戊辰適當夫子生日也明歲上丁祭孔子廟後卽有事新祠牲肥膾籩豆靜嘉薦裸登降咸中

祀田集卷三

五

儀式章逢衿佩之士環而觀者數百人無不歎欣贊歎謂道教有可興之機而劉侯于政爲知所務也我國家崇獎經術誕敷文德課吏之條先急教化日者

皇上東巡臨幸闕里瞻拜林廟祀以太牢大禮旣成卽命新朱子祠

御書扁榜以示褒顯賞延之恩爰及苗裔尊儒重道之風萬世一遇矣今劉侯宋少傅彥修先生十三代孫也勳賢之胄且與夫子奕世爲通好家學遺教浸漬演迤制行服官不過舉而措之耳故其

為政端粹廉仁不為身家祿利之謀不為苟且彌縫之計有古循吏風即其建祠一事稽古崇德舉數十世待興之典一邑之人心風俗寔有賴焉自時厥後父兄弟弟能率侯之教必有滌其舊染之習內于聖賢之域者念本始而追遺烈則侯之功德與邑俱永寧僅以一時之對揚 休命為不負厥職也哉因思秉彝好德人有同心況興學宏化為

熙朝之盛典凡在臣子後志宜先故知後之良有司仕是邦者必行事于茲廟因詳著始末於麗牲之石以備稽攷而刻共事者之姓名於其碑陰云康熙二十八年三月十三日縣人張貞謹記

安丘鄉賢題名記

吾邑學宮所祀鄉賢初無定籍惟以木主之在否為有亾明禋鉅典幾付諸荒忽疑似之閒矣安丘前志作於萬曆己丑謂舊祀者三後增八續志作於康熙壬寅又增十三先後計之僅二十四公耳今祠中所列凡四十有五則續入者又將及半真鄉邦盛事也貞乘暇日竊取而詳其姓字正其爵秩序以世代為記勒石俾攷掌故者有據焉康熙

四十一年十月一日張貞謹記

重修白雪書院記

康熙庚辰崑山徐公來視山東學政壬午歲科兩試竣拔六郡之穎士百二十人使聚業於會城之白雪書院廣齋舍置庖漏日給以酒漿脯糲筆札之費公時時臨課為之談說經義指授文筆而其大指在散實行崇真學不徒追逐于言語文字之閒苟利達而已也公之尊大人吾師大司寇公博學嗜古家多祕籍六經傳註購致尤勤網羅漢唐以來諸家箋疏數千卷刻之家塾名新刊經解卷

帙浩繁世人罕觀公取全部度之後閣恣學者繙閱以廣見聞故多士競騰濯磨鼓勵揖讓周旋彬彬都雅有鄒魯之遺風焉說者謂白雪書院緣起於李公攀龍創造於侍御畢公懋康繼修於方伯衛公既齊至公而後規模大備蓋昔人肇其端而公觀其成昔人有其名而公既其實信不誣也公名家世胄射策甲科束髮登朝回翔郎署一旦受聖天子特簡作師于孔孟文學之邦其來也學士大夫莫不動色相告謂我東國得文章之大家而公尤水蘖自矢苦意研搜所進退升降博士弟子

員若季札觀樂盛衰正變辨析入微若匠石操斤而程材構櫨通峭椳闌居楔罔失尺寸不惟賞拔者知榮卽所抑置亦莫不聳趾慙奮也故所取文皆精澁古雅兼備衆體一時翕然服其鑒裁焉公又念諸郡邑聖廟泮宮多有敗蠹阯靡者檄有司時加塗墍課士於中公按部所至則循覽廟庭周視楹宇其或弗飭旋令卽工若濟南青州歷城鉅野汶上昌樂昌邑諸學爲甚皆自出橐裝以葺以增階巓圭厲髹丹粲然至如和聖述聖之廟以及忠節名臣左公懋第高公弘圖之祠或爲創始或

杞田集卷三

八

爲更新無非捐清俸以爲之也山左自前代以來勤勞歿事忠孝捐軀煨煨在人耳目者左高兩公之外充則黃公世清顏公胤紹則孔楚公煙段公復興王公大年東昌則張公振秀邢公太吉青則高公名衡孫公康周萊則趙公士寬周公而淳何公復王公曦如登則張公瑤不可縷指公每過其鄉必闡發幽隱躬薦椒馨數十年沈滯之魄得蒙榮造復周爰咨諏取其子弟賢而有文者列之庠序卽其後裔零謝流爲氓隸亦必資以金帛使足自給明德之後無抱憾于樵牧者公之恩也且公

之門第王謝崔盧也公之昆季機雲軾轍也公之道德文章冠冕一世震耀千古而乃虛懷善下自視欲然末學布衣一言之善一藝之長莫不誘掖獎成津津樂道不啻如口出其推轂後進又如此故天下文章之士得與從游如登龍門袞以片語終身矜負以不得出其門牆爲恨真一代禮樂之淵藪也壬午夏日貞過歷下一時博士弟子感公誨迪之恩請爲白雪書院作記以草野之言質直信而可徵也貞與公忝世講之誼沐教澤者久竊歎其直方靜穆不苟言笑人罕見其喜愠之色有

杞田集卷三

九

古人之德大臣之風且以公之才之齒天風鵬翼綽有前途其豐功偉績方自學政始學政之施方自會城始則茲書院又學政之權輿也故樂爲之記而取其經術行義光明卓絕播在人口者牽連書之公諱炯字章仲一字自強舉康熙壬戌進士康熙壬午九月上浣安丘張貞撰

虎丘二姜先生祠記

虎丘二姜先生祠者祀前明忠節名臣禮科給事中如農先生及其弟行人司行人如須先生也如農先生給事黃門在烈皇末造時天下大亂國事

已不可爲大臣猶結黨營私唯以貨賄爲事首輔尤甚先生特疏糾之首輔陰激上怒下詔獄五毒備極將令瘐死獄中舉朝力爭懂而不死廷杖一百謫戍宣州衛去京師不四十日明社屋矣先生以舊君未嘗賜環不肖歸故鄉轉徙流離變易姓名稱宣州老兵又以宣州有敬亭山稱敬亭山人竟卒于吳如須先生入行人司署見題名碑載崔呈秀阮大鍼與魏公大中名先生上言大中忠節衰卹之臣不可與奸逆同列請鏹除崔阮名上從之及其兄下詔獄先生晝夜號呼奔走營救得不

杞田集卷三

十

死國變後流寓天台號竹石山人莫年與兄共隱鹿州鶴市之間論文講學以仁義忠信爲旨三吳後學翕然從風四方咸想望其儀表兩先生沒一時人士請祀學宮祀書院者無虛歲官其地者高兩先生之節皆從其請吳人又以虎丘天下具瞻而兩先生之德寔足以配之康熙甲子復合辭請于所司築祠鶴澗上祀之升主之日黃髮垂髫拈瓣香拜祠下者以萬計余適游吳親炙其盛如農先生仲子實節屬記其事余嘗曠觀古今取君子與小人較其勝負則小人常見其榮盛君子常見

其困絀及取君子與小人論是非則一日之權力終不能掩千古之惡名摧剝于一時者未嘗不顯揚于萬世蓋時當晦昧雖聖賢不能自伸其道追年運而往事久論定九首百足之徒旣化爲飛塵餘燼而君子之道乃常伸于天下若二姜先生之事可見矣先生兄弟以道事君侃侃自持披天子之鱗嬰小人之怒謗議喧然相與出力必擠之死擄掠楚毒血肉狼藉屏弃放流必不使其少安于朝廷彼小人者志滿意得以爲攻穴芟薙已足抑而沒之矣孰知曾不數年障日熏天驕蹇朝右者

杞田集卷三

十一

朽腐敗壞子孫聞其名猶將渙然汗出霰然涕下而當日之坎軻跋扈幾填牢戶者後之士君子相與喜聞其名樂道其事慨慕其風迹又爲之修葺祠屋仰薦椒桂庶幾先生之靈爽來臨而慰其高山仰止之思也以此方彼果孰爲得哉余攷茲山兄弟同祀者在晉爲王司徒珣司空珉彼以舍宅而祀母論已唯宋二程先生與明二姜先生理學氣節岐然兩相望焉豈不偉歟二先生之族出諱字學問行治及夫祠廟之規榦形勝當世能言之士紀載已詳故獨取吳人之所以祀二先生與二

先生之所以可祀者著之而已康熙二十四年夏
五安丘年家子張貞謹記

重修丁氏祠堂記

東武以文獻冠履青齊而其邑憲副丁公尤較然
褒然者鄉行宦業播於人口載在國史不可縷指
當官侍御時念其家自始祖處士公以來篤學砥
行子孫相接至數千人稱邑中盛族甲第相望極
一時閎麗之觀獨于先人靳一椽其奚以教民孝
且合族哉于是以祿之羨及耕之餘庇材鳩工爲
屋若干楹於所居之兌方不日而堂構巋然翼以

祀田集卷三

三

夾室繚以周垣奉高大父以下祀之左右昭穆咸
秩於禮酒醴羊豕以告成事其告廟之辭大略緬
懷先德垂戒後昆以守身爲能事以干進爲濇恥
祀之日靈颯肅然悅覩出入光景裴回疑舛疑嚮
措紳大夫父老子弟瞻拜祠下者靡不舉手讚歎
以爲邑中未有之勝事也憲副公之後歷三世而
爲衛公讀書懷古日以修明先業爲的嚴以課子
其子蘭友奉教唯謹文辭踔厲風發獲薦京闈論
者皆以衛公父子爲丁氏之中興也一日周視祠
屋自始建以迄今茲已餘百二十年棟礎不無撓

缺丹堊不無漫漶召工人持矩度謀爲營繕不浹
月而榱桷之未備者逋峭之朽敗者以葺以增頓
還舊觀復奉憲副汝安公大令西生公州同顯若
公之主侑妥其中各以夫人配饗自是而祠堂之
規模大備憲副公之遺志始無遺憾衛公力崇先
德乃汲汲於此誠可謂知先後緩急之序者矣衛
公具其事而以記請余且意之祠既更新丁氏之
子孫登堂入室有不儼若祖考臨之在上者乎出
而餽神之吐父子昆季孝弟之心有不油然而生
者乎退而絃誦塾中詩書禮樂之教有不藹然相
融接而無間者乎然後知衛公之所爲其事非淺
小也故樂得而書之尤願數傳而後一如今日之
爲則祖宗之俎豆永永其無替矣衛公名俱候選
州同知蘭友名應蕙壬午順天舉人康熙癸未八
月朔日姻家子安丘張貞謹記

祀田集卷三

三

勤惠先生畢公祠祀

勤惠先生祠者祠故奉政大夫分守永昌道參議
鐵嵐畢公者也公舉進士司理常州執法嶽嶽以
廉辨聞再宰蠡邑政平訟理有潁川上蔡風尋入
比部轉屯曹皆能其官出而衡文黔南參藩滇西

所至風烈郁然行內擢矣竟以盡瘁致殞享壽五十有五自成進士迨捐館舍垂三十六年然服官洩政以歲數之則十且八九而休沐里居不過十之二三迺其爲德于鄉者已不易屈指計公返葬未及期公子大令等業祀公于寢先是公沒未踰月雲南士民已請于臺察以名宦祀之郡邑學宮矣至是鄉耆紳某等若而人諸生某等若而人鄉三老某等若而人以及鄰邑某等若而人相率願特爲祠歲歲無廢伏臘以報公德大令謝不敢當曰以先君子德而食報則可以先君子德而使諸

杞田集卷三

五

父老昆季勤財力而從事則不可衆不聽人出一銀一朝而足用不數月而遽潰於成翼以兩廡繚以周垣高廣壯麗髹丹粲然升主之日黃髮而至鬚兒齒而至齟者以萬計莫不橐牲楛醢胥會祠下再拜奠幣略如釋菜之儀大令兄弟稽首於後莫敢適爲主禮也禮成不遠數百里屬余文其麗牲之石余少獲交公則習公事公生有至性事父母以孝聞嘗需次京師夢大母李不豫兼程馳歸幸無恙猶以春秋高依戀不忍出者數年父母既沒諸弟未成立訓誨拊摩備有恩義及析箸悉推

先業與之惟自畱一几兩榻而已其接族黨必以誠信雖在久故一折一旋未嘗失禮遇人疑難不惜力爲排解里中二十餘年無一人涉迹訟庭皆出公力至親媼貧者生有粟帛死有樽貲環其居數十里內收視溫卹不可一二件繫也故聞公訃罷市而哭于其庭者千餘人相聚而謀私諡之曰勤惠復涕洟相告不爲祠不止此豈可以妄邀倖得者哉余讀曲禮州閭鄉黨稱其孝也兄弟親戚稱其慈也僚友稱其弟也執友稱其仁也交游稱其信也是言人之生平必如是而後爲實行蓋仕

杞田集卷三

五

宦之遽廬或可飾而桑梓之月旦不可假也公行之在鄉評者如此而其大可知已然則鄉先生沒而可祭于社者非公誰足以當之歟公諱忠吉字致中鐵嵐其號世居益都之金嶺鎮祠卽構于宅南二十武大令名曰濤侯選知縣其大槩操行如公云

重建歷下亭記

貞當童羈有事濟南往游蓮子湖流津委浪城隍動搖蒲綠蕉紅芳妍茂密單舟疊舸各出菱蓮中如在吳越奇麗之鄉湖相清幽之曲使人忘其爲

都會地也顧獨無樓觀臺榭為游人燕紆往來之所遂不得寄目騁懷微以為恨及歸披閱圖志知其地舊有歷下北渚嵐漪水香諸亭又得北海少陵南豐樂城詩歌讀之慨念名迹不勝色飛是後行役必過湖上見有洲渚孤峙中央則歷下亭故基也周尋遐覽歎嗟徘徊不能去數年以來閒復過之蒼煙白露無異誰昔每思勝地非人不興安得鉅公大人來蒞茲土廢修墜舉使前人勝蹟頓還舊觀用以慰吾思而償所願也哉

皇帝二十九年春 詔以喻公觀察二東六郡之

祀田集卷三

七

眾悉受束約公視身廉正於法鮮所操舍中外上下洞徹若鏡而舞文墨吏上豪大猾見之盛夏如負霜雪馴謹吏民就之如勁寒而暴陽春治理流聞聲徹 黼座是時轉運李公亦以勲戚世胄治蹇濟上公仁心為質敷政優游剔蠹卹商惟持不擾之心以御之而 國課辦集隄於常額二公既應期名世又皆博學能文章凡士之負一才名一藝者莫不被其獎拔遠近士人雲合景附彬彬然見鄒魯遺風焉兩公為政之餘從事游觀以休暇日謂歷下一亭寔昔賢作息之地存則可以式前

修寓禮教廢則無以畱典型肅觀瞻茲亭所繫誠匪細故于是謀同心協若出一人李公經其始喻公贊其成不徵一錢勞一民四旬而訖事步檐周流繚垣交屬極幽遐瑰詭之觀俯視澄湖亦為增色說者謂不異歐文忠之築豐樂史光祿之營峴山也今

天子聖神文武力求治平如兩公者將以經綸之才任天下之重必且揆一時之宜舉待興之典名著 廊廟澤被寰區其功烈壯偉與日月爭光可也一亭之微烏足道哉貞捧喻公徵文之檄滌筆

祀田集卷三

七

作記因思公之僚佐一時故多賢者相與仰公之德景公之行北渚嵐漪諸亭不難次第修築再有摘辭以志其盛者知不能不推原所自始矣喻公諱成龍字武公李公諱興祖字廣寧俱奉天人康熙癸酉三月己巳安丘張貞謹記

安丘三教堂營造記

東方之水獨為吾邑所有者稱浯汶焉二水出朱虛自西南來浯水入境逕行城南其陰多山往往險絕有奇致汶水過柴阜即北折而東繞出城後又一水自西北來曰小汶河兩河所夾洲渚曠邈

林樊縈錯數十里之內未嘗有山而西南之山皆若拱揖於庭戶獻酬於几案者則三教堂也其地爲王子清心別墅清心少厭囂塵辭遣家室寄迹老子法中爲道士其世父爰質施地十畝以爲之居清心卽除地而宮之創起高屋三楹其從三十有二赤加其二以爲之修加其六以爲之廣中象三劬象六是曰三教堂繚以周垣翼以廊序規櫺甫具而清心化去以其弟子袁一美領其事一美志節清苦朝夕一菜茹冬夏一木棉裘日以怠廢先業爲懼遠近之人翕然歎譽施者牆立而屬至焉復起前殿三楹奉漢壽像設宏傑牢堅略與堂稱舊日之門庭房輿增修塗飾丹碧粲然于是棲經有室館客有堂熏浴炊爨帑庾委積各有其所供具械器無一不備至於種藝蔬鑿游息休暇則又修竹覆門長松引徑莫不極思致區處之妙安丘之道宇遂以是爲冠旣落成一美介友人以告余曰願有紀以爲無窮之傳會余多故未能屬稿後三年一美復款門來請屢返不厭乃叙載其本末如此然不能無槩於中焉世之高門巨室明德茂勳爛然天地一旦溘焉朝露爲之子姓者驕樂

佚游翫歲渴日前人風烈置若罔聞求其才堪幹蠱力足肩構者指不多屈今袁子褐衣黃冠棄家從師非有勢可席有權可藉勤身苦志確守其教卒能不動聲氣於數載之間成此高明壯大百年累世之迹半山老人所謂失之此而彼得焉者不今古一轍邪

平等菴經藏記

昔王介甫記長蘆經藏而謂其出之有命與之有時吾竊有感于人才聚散之際矣蓋人才聚于朝廷可以善政教聚于鄉國可以厚風俗當風俗之醇也不惟扶衰抹弊體讓興行卽偶有所建置亦可少用力而多成功乃欲舉事者往往不能與時相遭則命爲之也吾里中有寒輝大師者好學能詩教其徒衆必使先讀儒書如易論語皆能上口始許誦其家言或問其義笑而不應中年手書法華嚴諸經若干卷別鈔諸律論不啻倍之嘗以北方地僻不得盡見五千四十八卷之文爲恨一日北走燕西之濟上南浮江淮抵嘉興之楞嚴寺遂盡得所謂五千四十八卷者以歸築室三楹閱麗曠朗名曰分貝堂棲經于甌而度之其中旣藏

事請記于余余念是役也跋涉道塗衝冒風雨不辭饑餓勞瘁而成此巨功者寒大師也然當其時少傅劉公在政府石水劉公在吏部澹餘曹公在翰林清熙周公在戶部止一劉公官濟南馬君三如原思兄弟雖以孝廉家居而文章氣諒徧海內之數公者稱一時人才皆與師論詩有合者也師能乘其時而用之各捐資財以爲之倡導飾竿牘以爲之邪許故千金之裝不勞自至時命之說詎不信哉今日者羣公棄代存者無幾且世變風移已不復如曩日使能起羣公于地下其所欲爲者當更重于是自可忘吾憂而慰吾思矣區區建置又烏足論哉經之來以順治戊戌堂之建以康熙乙巳記之成以康熙癸亥其間之難易遲速亦豈有時爲之歟

唐郡鎮重修三官廟記

先大母王太孺人世家昌樂之唐郡鎮卽吾邑西走青州道也先大人最篤戚誼每入郡城必過外家與諸親表相周旋雷連浹日而後去凡竟內之阡陌祠廟杖屨殆徧及予成童先大人已捐館舍予有事西征閒復過之見綠樹連邨斜穿一徑石

紀田集卷三

三

壇幡影隱映朱垣則三官廟暎也每至其地夕陽在山僕夫况瘁解裝就憩如止頓舍周行廟庭徘徊瞻顧輒令人興先澤之思焉予少壯至老數十經過或見其棟橈或見其柱腐嘗歎斷垣缺甃之不可復爲也鎮人某某心焉傷之乃謀更新釀社會以斂金錢不三年而足用興葺其敝壞塗墍其漫漶堂階戶祀髹丹粲然三神者峨冠盛服光明偉麗將吏武士陪擁四旁浸起舊觀矣復以餘資創後殿三楹塑神之父若母巋然當坐三神就列若聚家人于一堂而共話團圓報本反始亦禮之以義起者也自今以始非獨清曉齋蔬黃昏鐘鼓可以革非心迎喜氣且于此聚族于此容衆相與講守望而修親睦其爲福于一方者當不爲少矣旣訖事鎮人王迭扣門訪予求文以識年時因思其地爲吾家三世舊游而來勾文者又予之中表兄也雖欲以不文辭不惟不敢亦不忍矣故泚筆爲記而刻施者姓名于碑陰云康熙壬申處暑日安丘張貞記

重建護國西齊王廟記

出太平門南郭折而東數百武爲吾邑山川壇壇

紀田集卷三

三

陰有大澤人以南壇灣呼之秋水時至湛湛彌斥
檉柳映帶鳧鴈出沒漁人網集其間隱若江鄉灣
之西厓護國西齊王廟在焉東嶺橫前印臺南峙
北闕縣治樓觀重複一方絕境也先是邑人馬君
原思嘗夢一偉丈夫挾二童子相過紗帽綠袍威
儀秀異時原思一子疹一僕瘍皆於夢中得其治
療以活問所從來曰余君之南鄰也遂於所居之
前物色之見有棄地蕪蕪不治唯二碑顛踣土中
剔蘚讀之則西齊王廟遺趾作禮而退自是里人
病創者持瓣香麥粢禱於碑下所患立平原思有

杞田集卷三

三

兄三如於故基之北捐地爲廟再出橐裝以庀材
筦施者不勸而集因築殿三楹肖王像以祀其子
又陵上承遺志益加修葺又于南偏爲殿奉其二
妃丹聖炳煥巍然翼然下至倉廩庖湏悉備按元
碑王生於唐初貞觀七年太宗舉賢良爲長子令
民懷惠而歸化虎畏威而就罰名德茂著政績爛
然復爲衛縣除巨蛇消水患功化益隆兩邑皆立
祠以祭唐祚中微祿山叛逆忠義所昭形于帝夢
於是玄宗立祠京師封靈聖護國侯武宗加號護
國威應公逮宋之真宗始加號護國西齊王王之

姓氏碑既失載生平事蹟亦不見於史傳至其殿
屋金之崇慶元之至元皆屢壞屢成而今之棖棟
維新像設肅穆乃突起于荒榛灌莽之餘此其故
雖繇三如原思兩君之不忘神貺邦人之樂善好
施然非王之靈響曩著歷久彌新其蒸動昭應烏
能如是哉語云里將興神必靈余淡爲桑梓幸故
又陵願得文以紀余亦卽樂爲之書也三如孝廉
諱長春原思進士諱澄又陵貢士名石麒爲吾邑
世家云康熙三十九年夏四月甲子邑人張貞謹

記

杞田集卷三

三

義冢記

余讀周禮春官所屬既有家人而復設墓大夫以
掌萬民之葬大司寇之屬又有蜡氏掌國之醜禁
有死於道路則令埋而置楬書其日月縣其衣服
任罷于有地之官以待其人未嘗不歎王制之詳
明而愛民之心何其周且至也蓋先王之於民仁
心爲質于其生也引養引恬使之熙熙陶陶各遂
其宜故一時之人安樂壽考旣不聞饑餓愁歎之
聲求所謂天札疵癘者亦不可得而見然終則有
始寧有有始而不有終者乎于此而不思所以經

理之是生有養而死無葬我不知其所謂愛民者安在也故在上古卽分國分民士食舊德農服先疇死徙不出其鄉而猶爲之經畫爲之圖度恆懼一夫或失其所逮及後世生齒旣繁流寓日多行旅日衆需于義冢者更急所以歷代修明漏澤之園與養濟之院兼設而并重也吾邑地雖褊小我國家休養生聚四十餘年土著客寄繞郭而居者幾十萬戶一歲中老病疾疫以死者莫可縷指數公家之冢地旣無餘羨後之踵事增設者亦抔土纍纍不堪置構邑侯劉公目擊而心傷之相視原

祀田集卷三

三

隰于汶河金口之東岸得隙地廣袤若干步爲地若干畝自出月俸易之封界四域各立表識令其依次而安厝焉自是有死而鰥獨莫爲收掩卽有子貧無地以營窀穸者皆得托體于黃壤也今觀劉侯之爲不居然與古聖王之政同其叶應哉抑余于此尤有念焉劉侯天下之賢者也其治安丘蒞政之始卽讀法令設義塾創朱子祠以興教化且治身廉約冬夏被一敝緼袍朝夕饗飧或不設鮭菜有寒士之所難堪者而侯處之自若也其視貨賄若將汗人於夏秋稅糧所需火耗悉蠲除之

正供不以時至不能不藉追呼侯至而公庭寂然不聞鞭朴之聲至其聽訟意在息爭兩造具備一言立決入官數月未嘗索一贖緩也是侯之設施已無憾于生者矣而又能解廉吏之囊買地瘞骨慰孤魂于地下侯之愛民若此豈猶是近今之爲政者歟比其成也侯命余記其事於石侯之意不過欲辨疆域志歲月也余則以侯之善政種種不可忘故牽連書之侯名鳴寔字驚百福建建陽人康熙己酉舉人侯之來僅九月耳其可紀者已如此期年政成將美不勝舉余雖弗文當更捧筆而揚其盛矣康熙二十八年三月三十日邑人張貞

祀田集卷三

三

記

先大人全城紀畧

崇禎十五年兵躡二東已下七十餘城將偏安矣人情洶洶縣令亦惴恐將逃去先大人聞知大驚夜叩縣門直抵齋閣謂令曰公爲天子守土當視城之存亡爲死生兵至而去之不可且帶甲滿天地出必沒於軍中卽倖免國法豈相貸耶渠雖小有城可守有民可兵有吾輩可供役使嬰城自保天下事未可知也令大悟相與坐語達旦鼓衆

登城諸父老子弟畢至先大人告之曰諸君謀避地遠去不過欲全軀保妻子耳乘堅城以固守尚慮其不足恃乃走曠野而圖萬全吾知其計之左矣脫或諸君出而城破先人敝廬已不復存君將安歸某亦有家室之累其自爲謀寧獨出諸君下哉衆亦悟先大人白於令掎鎖擴門納家人之在城外者城外居民數千皆相從而入人心於是大定諸父老子弟咸歃血城隍廟願受約束先大人卽爲部署某東防某西備某當北面南城半壁獨身任之募兵措餉自此日始是爲十二月九日經

杞田集卷三

三

理甫畢敵兵大至則十四日也先大人出囊裝數百金徇於衆曰能卻敵者受上賞死王事及被創者卹其家人心思奮壯色倍增敵人不得其便遂解圍去先大人不自以爲功而讓其能於令令卽以是擢御史甲申三月李自成陷京師先大人聞變涕泣不食者累日亡何僞順縣令劉憲卿至邑衆大集殺之堂上時有明旣亾盜賊蠶起無長吏爲之統攝邑中又大亂先大人義不可辭復出而應父老子弟之請先大人任事卽治城塹修器械枕戈礪劍暴露城頭者五閱月饑不敢食勞不敢

息雖流矢雨集未嘗少卻也邑中舊有兵三百至是增甲益校至千二百人請於臺察擇鄉人李景隆者假名徧裨以將之日夜訓練隱然成一方鎮賊屢聚衆來攻拒守旣嚴復提親兵隨所向禦之皆殺傷過當由是賊不敢至城下又以四境不靖姦宄時發爲遣游偵設斥堠以伺其動靜蠢動甫形卽揃刈之勿使滋蔓又以揭竿者衆不忍盡殲設方略以招徠之羣盜感先大人威惠類首就撫者數萬人自是而人始望更生矣於禱先大人一老書生無執可憑無責可任祇以事變當前忠義

杞田集卷三

七

空涌遂出而任怨肩勞以弭一邑焚突之旣始猶佐令奏功後則獨身措拄非德望足以蓋衆才略足以匡時疇克勝此所尤難者功成之後無德色無矜心杜門自守口不言勞有古大臣之風而無其位此風人志士所以致歎於千古也孤貞謹識

爲先伯父叔父立後記

吾家自始祖以下失其世次至吾高祖始可紀吾高祖登仕公生七子吾曾祖文學公第居三文學公生三子吾祖文林公第亦居三諸祖或絕或續不具述文林公生三子長爲吾伯父孝廉公季爲

吾叔父侍御公吾父明經公其仲也孝廉公有子而夭侍御公竟無子以卒吾父亦僅生貞一人孝廉公沒時貞尚未生貞生而叔父已五十老矣恒以無子為恨吾父許以貞為之後終緣獨子尚在遲回而叔父厭代吾父慟悼幾不欲生日天憐吾家幸畱一綫息忍令吾弟作若敖餒乎手書木主顯考侍御公而孝子貞前諾以完亡何吾父亦捐館舍貞念瑩然一軀終鮮兄弟在吾父友愛性成知有弟不知有己何難棄一子以紓手足之痛在貞則不應以身為人後而遽忘其所自出也昔諸

祀日集卷三

元

葛忠武取兄瑾子喬為子及瑾子死忠武仍遣喬還享瑾祀觀此則貞之歸亦情禮之無煩再計者獨是貞歸而使吾父之德不卒臨境自擲中寢忽起胃懷鬱盤寔深隱惘且貞思先人付託之重自夙夜祇懼以承祭祀再傳而後於分漸疏情亦漸薄歲時膾臘能長保此一盂麥飯乎故嘗私祝天若悔禍於諸父使貞有三子當分以奉先人之祀今貞生子幸符其數且皆長大矣寧敢自昧其語遂於康熙丁丑三月朔日敬拜家廟徧告宗黨畱長子在辛奉吾父明經公祀以第二子在戌為吾

伯父孝廉公後第三子在乙為吾叔父侍御公後二子者直承貞而為兩公之孫別無蛇足也季札有言苟先君無廢祀民人無廢主吾誰敢怨由是或可少尉吾諸父於九京矣既令各立專祠以妥靈爽更願兒輩聿修厥德以求式穀之似不然即廟屋潔修豐豆碩俎猶為祖宗之罪人也至若先人貲產異日當參亭而三分之不必以某物為某房所遺銖稱寸度與世俗之為人後而罔念宗祊唯商財賄之有亡者同其猥惡也既歲事備述本末奏之先几再書兩通一付在戌一付在乙使傳

祀日集卷三

元

之子孫共明此意也是日戚執之至而主盟者諸城則張湖西行張同人侗徐栩野田同邑則劉崑右源源淥王筠普永蔡曹莘野大任曹空北之駱馬近溫長裕馬六吉恒謙李曉人其曉陳虞章舜錫馬竹船常沛王四表烈韓敷寬知敬李心友撫李啓心恩王子居柱李似園忠馬季公士修馬令貽長曹商賢彭年曹賜若需曹湘隣淑李宏昆怡李和叔情韓德彌劭凡二十有六人云張貞謹記

先妣遺物記

先妣孔孺人晚年好居樓前之南閣子康熙丁巳

冬先妣棄養遂扃鏹其門不忍開者十二年矣今年秋以屋瓦破漏漸就傾陔將加修葺啓戶周視蛛絲鼠迹塵壤奄然回思吾母痛貫心骨不覺噉然長號少定於牀頭獲敝篋發之有銅鏡一象梳一犀梳一竹枇二梳剔二布巾一紫莢囊一念珠一串柳杖一裹春雪散以器盛者二玉簪四瑪瑙簪二乃旣折以白金束之使復完者玉雜佩六小刀四香毬一黃香定二黑香定四雄黃定一玉樞丹二皆扇佩也閱省旣畢因思鏡梳諸物吾母之妝具也念珠乃吾母居青郡時高太夫人贈以供佛事者也柳杖用以治齒春雪散用以醫目者也吾母生平好玉故簪與雜佩獨多於他物也姻戚家有小兒女相過吾母必煦濡拊摩小兒女亦暱就吾母不忍遽去故蓄小刀扇佩諸物供其嬉戲也吾母生平旣無長物卽有少服器陳衣之前已分佈親串略盡故所遺僅此卽此數物吾母之慈儉亦可想見矣手自封裹寘諸影堂於霜露變時拂拭捧翫如見吾母庶可慰罔極之思云康熙戊辰十二月四日男貞拔泣謹記

杞田集卷三終

男在乙拔字

杞田集卷四

安丘張 貞起元著
新城王士禎貽上定

記

丁野鶴先生行歷圖記

先府君性喜結客而慎于擇交取友東武得丁野鶴先生焉其定交在萬曆之乙卯于時皆當盛年以文章意氣相慕悅先生有事四方道出安丘必過先府君樂飲連日夜而後去余雖童穉無知然每聞先生至潛闕先府君喜見眉宇家人亦相戒

杞田集卷四

有重客聲迹驪動至今猶可想見也未幾先府君棄背家門多難音塵斷絕康熙壬寅獲遇先生于青州相與勞問如平生歡語及先府君輒潸然淚下自是往來過從一如當年余孤露失學乃爲前脩所不棄亦頗自喜先生晚經患難僅而得免及歸故園病已不支矣亾何竟卒于家今且餘二十年戊辰冬日余訪先生仲子顒若干滄浪園一見握手道故感槩今昔無異與先生對譚時將別出先生自寫行歷一卷屬余爲記指而曰此其辛酉南游汎金山寓虎阜者此其觀梅玄墓者此訪董

文敏于雲間者此甲子隱居椽谷者此壬申而遇
青霞仙人者此丁丑結社大澤者此戊寅登岱宗
觀日出者此壬午避兵海中者此乙酉騎驢燕市
者此戊子授經戚里者此開陸舫結客長安者此
壬辰覽勝西山者此乙未朝天盟松慈仁者凡十
三頓先生之生平可槩見矣其筆意則雜仿北苑
襄陽子久叔明諸家至分佈結構紆徐掩映若遠
若近若淺若深若有意若無意妙出丹青蹊逕外
余嘗考昔人圖繪其圖人之居處像貌與爲人所
圖者勿論矣如王摩詰自畫輞川盧鴻自圖草堂

紀田集卷四

二

山張貞謹記

杏邨讀書圖記

杏邨者比部員外郎謝君方山故所讀書處也君
故相臣子其家高曩巨桷錯互映望而唯眷眷于
杏邨讀書者君益用以默寓其思親之意者也君
父清義公文章勲業爲時具瞻後以壽考薨於邸
第歸葬杏邨之原時方山尚幼稍長痛清義公不
逮養于墓田之側築牆開徑讀書其間其視葺房
荷屋不異其爲禮廬堙室也其見庭樹離立枝垂
葉披不異其松楸掩靄白楊蕭森也至書策錯列
琴瑟橫陳則先人之手澤在是入室而倏然出戶

紀田集卷四

三

而肅然愴然不異夫見乎其位而聞歎息之聲也
及入而陟清華掌邦禁其身之不至焉者殆二十
年而其心固未嘗一日去此也去年春屬牛高士
樞繪其意爲杏邨讀書圖一時之巨公偉人與君
相知者咸咏歌之而命予記其事夫古之仁人孝
子于其親之沒也始而充充如有窮既而瞿瞿如
有求而弗得既而皇皇如有望而弗至練而慨然
祥而廓然則是禮以漸而有殺若其心則未嘗以
久遠而有所變易也不然者幼而慕焉長而怠焉
老而忘焉此其人可與言孝者乎今君之于杏邨

也仁孝之情既托境而篤仁孝之心即因境而生雖遭逢聖朝職司讞決平亭大小動以百數君又於庶獄庶慎務盡其所當爲者以仰答盛遇而乃日孜孜焉而求昧昧焉而思終無以宣其情不得已而想爲斯圖是殆所謂終身之慕者歟覽斯圖也忠孝之心可以油然而生矣又豈可與流連景物繪畫山川者同日語哉康熙乙丑春社日安丘張貞杞園記

不匱泉記

不匱泉者宋太夫人暨觀察澄溪先生母子孝感

祀日集卷四

四

而出者也太夫人家本伐閱陶染詩書歸孝廉儉齋公時舅侍御公已忼慨殉難惟姑在堂凡服膳非其手調芼縫紉不以進膳臘廟享烹飪滌濯必誠必敬流涕主前至老不怠相夫教子皆爲聞人甲申夏日觀察公需次銓曹當得監司擬奉母以就祿養太夫人曰余守不出閨梱之訓生平蹤蹟未嘗逾境汝宦游四方雖有版輿吾弗御也及就選人適得濟南太夫人幡然改曰濟南爲吾舅伏節地且聞使宅卽代巡舊署庶睹遺獻如見吾舅也欣然啓行到郡之日父老瓣香郊迎膜拜歡聲

祀日集卷四

五

動地喜我舊使君之有文孫也太夫人知先公九戩之思東人未沫亟問吾舅遺澤猶有存者乎僉曰我公殉節之後郡人戴公之德景公之行與同時盡節大令韓公共祀西城之仙台里迄今餘七十年以歷歲久棟宇漸就蠹弊垣墉或至漫漶父老子弟方謀更新弱者出財壯者出力有智慮者奔走後先不三月而祠宇粲然復興棲神有堂會祭有所省牲有房重門峭壁沈沈翼翼丹堊金碧殆無遺功祠之雄麗遂首一郡不特脩廢墜還舊觀而已也升主之日二東人士囊榼楛齎肅拜祠下者奚翅萬人人吏旣散復脩家享之儀略如朱文公所定太夫人拜前觀察公拜後而母子之孝思始爲無憾也其事流傳衆口聲徹 輦轂乙酉孟春我

皇上屬車東巡賜太夫人扁額爲北萱暎綵母子純孝彙括全備使儒生紀述縱累數千百言能出四字之外乎

王言如綸真曠世一遇矣觀察公鑄之堅珉貯以傑屋前堂三楹方伯高公字曰繹思以見不忘君親之意亭後突涌清泉湍湲激激其甘如醴濟

南故多名泉然半在幽隱之地署居歷山之巔不
假人工不由疏濬而得爲尤異矣學使趙公用毛
詩孝子錫類之義以不置名之人以爲知言云當
雙忠祠成嘗有雙泉夾兩階祀而出今復見此豈
偶然哉泉出之明年貞偶客歷下邦人欲侈大其
傳屬記于貞貞以應德效靈非常奇瑞得親見之
幸矣故不敢以衰髦辭詞卑事偉不暇計也嘗讀
郭緣生述征記吾郡有顏文姜者孝婦也遠汲山
泉以供姑飲不勝其勞忽有靈泉涌出室中鬱濛
浩瀚遂成巨浸至今人稱孝水焉以視太夫人雖
出處不同其夫人叶應之機何千古一轍邪於乎
天道遠人道邇昔人之言也乃何以宋韓兩公忠
奮於當年而暴名於萬世盡節於明室而血食於
皇清且一時子姓同蒞茲土或假節鉞或寄專城
揚其前徽補其未盡夫亦可以觀天咫矣自時厥
後太夫人瞻廟貌以思先德觀察公敷祖烈以慰
親心休徵存至嘉澤旁流將口不容讚筆不停書
矣請以是言爲乘韋可乎康熙著雍困敦歲塞壯
旣望安丘張貞謹記

秋水軒記

老田集卷四

六

居京師塵土之鄉安若與山水林木邈不相接也
况偏近城闌車馬雜沓市區鱗次欲求蕭遠間曠
之境新耳目而滌煩囂勢必不能余來燕市抑塞
無聊一日偕孫子孝堪尋周子雪客于西河堰之
邸舍北軒三楹窻戶虛朗靚淡坐譚久之啓其後
扉下臨城隍一水渟泓可鑑睂髮西山蒼翠半落
几席間是歲冬煥雖十月下旬氣候乃如二三月
時葭莢經霜猶青蔥可愛衰柳十餘株依依向人
其日濃陰柱礎皆潤微風乍盪煙霧冥濛隄上輿
馬往來髮髯金闔舟中看山塘游人忘其在京雒
間也雪客命酒酌余而起曰此孫退谷先生之秋
水軒也辛亥夏予嘗假館于此是時合肥龔端毅
公新城王君西樵阮亭江都汪君蛟門嘉善曹君
顧菴江寧紀君伯紫德清徐君方虎錢塘王君古
直皆一時賢豪相與晨夕過從酣嬉淋漓歌吟錯
互於時亦心知其樂然以京師爲四方所歸策蹇
重來其見甚易也何意歲月蹉跎忽已十有二年
今來長安再寓斯室回思曩日諸公或登廡仕或
遁荒野又或支離蕉萃不獲伸其志以沒落拓如
予猶僕僕風塵與兩君相對真如夢寐嗟夫浮雲

私日集卷四

七

游塵空華皆暈變壞弗停不待十二年之久何必
六七人之衆吾三人出處離合當不異前此之諸
君子矣子幸記其事使後之來者知我輩于此追
維疇昔流連光景或千載如見也余既諾其請歸
而思之終不能有所增飾仍書余所見并次酒閒
之語以記之康熙壬戌除夕安丘張貞記

如菴記

如菴在玉靜齋之西偏吾家振思晏晦之所也從
僅二十笏衡未及其半窗戶樸雅几榻間靚庭有
小池碧梧蔭之誠闌闌中奧區也振思弟雍容

杞田集卷四

八

都雅風味可愛又好設翰墨圖書及琴尊棊矢之
屬以娛客故親串過從者多流連不忍去予三宿
其間頽然嗒然幾自忘乎孰爲賓主也於其將別
振思請記予曰子之名菴必有意義可得聞乎振
思遂巡尚未及答予謂之曰以子之束脩自好非
學易而法大有之交如必學禮而法玉藻之洒如
矣次之亦或如子雲之著書有以自守而泊如下
之亦不失爲伯倫之作達幕天席地縱意所如者
矣子將何居振思曰聖人之道既不易跂又何敢
妄附前哲然竊以小襲先人之業有污萊足供伏

臘有茅茨足芘霜雨而又有書可讀有子可教如
是而止某之私願也予曰善乎子之論非世俗所
能闕測也凡人之情處靜則欲動居逸則思勞以
謹守爲退縮以凌躐爲能事以冀望非常爲遠圖
者可勝道哉今子英年華胄含章挺生方且散華
落藻掉鞅文場激烈奮發以赴功名之會友其志
溢氣滿汰然自侈而顧讀書好古緣分自安流行
坎止樂天任運曾不知紙窗竹屋外有何世界埽
地焚香外有何經營老氏所謂雖有榮觀燕處超
然者卽此義也然則吾子其進於道矣乎夫人特

杞田集卷四

九

患不知道耳苟其知之自能齊得喪忘榮辱思慮
專一精神內誌將見意氣乎而有交如之樂禮度
明而有洒如之色矣若夫著書以自守與作達而
縱意者曷足道哉予所見如是卽如是以爲記亦
庶乎不失如菴之義也矣康熙丁丑重午日安丘
宗人杞園貞記

臥起樓記

予自壬申徙居杞城矮屋欲壓頭且仰漏旁穿風
雨弗庇乃於舍東隙地誅茅築垣結廬其間經理
三十甲子始稱苟完遂以來青閣爲燕寢除飾南

樓三楹以安几研天氣澄和牕戶四關拊檻極目
原野砥平遠山環抱蟲蟲如青螺者盡在几席又
地接東園老樹叢花鬱蒼蒼蔚映蔽檐際凡春夏
之交時鳥關關其音百變終日闐然不聞人聲意
甚樂之因顏其前榮曰臥起客有過者仰棟而指
其牖曰是謂起元高臥處邪予曰唯唯否否吾杞
舊爲諸侯之國上古莫考其可紀者夏后殷周不
一其代州杞淳于不一其名他不具論卽以杞言
之自武公而後歷靖共惠成迄悼隱僖閔皆千乘
之君也莫不有民人社稷之寄朝聘燕饗之煩又

杞曰集卷四

必有爲之輔翼奔走禦侮者當其時聲烈烜赫震
動一世而今之日其冕弁裳衣已化爲飛埃封坻
采邑亦鞠爲茂草予以潦倒書生無用於世遁迹
荒野覽形勝而弔遺蹤臥游千載慨獨在予矣縱
不以此行往坐臥爲生人之常理約而言之不外
臥起二者起則勞臥則逸夫人不可以久勞亦不
可以久逸逸者所以節勞也故予伏案少倦旋就
繩牀起亦未嘗不卽臥也少休暫適取其調節氣
血不必成寐臥亦未嘗不卽起也至園果初熟籬
花欲放揮楮勸影聊復自醉其爲臥而起起而臥

者又不知其凡幾卽用黃魯直銘宴坐室唐子西
記箕踞軒之例以字之奚曰不宐又不然而詭泉
明之詩曰息交游閒業臥起弄書琴亦可以爲故
事何必執起元臥處成拘虛之見哉客曰善臥則
起居起則于吾又因子而穆然於神農之世矣
康熙丁丑日躔壽星之次杞園老人記

杞城別業圖記

吾邑東北爲里三十而遙有舊城隄存焉夏后氏
之斟灌國也周武王以封淳于公遂號淳于國春
秋之初杞并之又曰杞國後滅于楚至今以爲杞

杞曰集卷四

城從後稱也丘虛以來其爲草樹蔽翳狐虺竄伏
者不知幾何年至明隆慶中周氏始于此施版鋪
治廬舍焉後爲族父近峯公所有天啓癸亥乃歸
先府君雖苗茨數椽而堂寢庖漏亦略具矣壬午
癸未間毀于兵燹及余之身存者才十一耳然僅
以之爲儻粥業歲一再至或數年一來來亦未嘗
信宿也康熙己巳余衰病摧頽續以骨肉凋索心
慮荒散人理頓盡思得幽闕間曠之境攝養餘年
遂移家其間而杞城別業始真爲吾有矣杞之山
皆在郭外幸地平衍可一望收也擔山雙峯矗其

前峽山嶮嶮峙其東西望允延而奔屬者其牟山乎岓山嶺山稍居其後則張左右翼而分列焉汶流清泚繞出城背澗水湯湯自南來至城東北兩川交會而入海此吾杞之形勝也城雖廢垣之立者高處尚可數赤余家麥畦稻隴多在其內莊通東西大道兩頭頗植榆柳南爲收穫場柴門相向入門北行兩折而至草堂原有夾室左廡僅存右室旣圯致益疎豁庭中襍蒔紫薇芭蕉牕間脩篁百挺風雨時至琤琤作聲扁以孤邨風雨蕭然乃集文徵仲書法所成後爲寢室東有小樓用淵明詩語署曰臥起取藏籍百卷實之一几一榻一筆一研熏燼茗銚外無多物具也又南行數武有門西向啓之得地可二三晦所謂杞園也尚不及營臺築屋稍栽棗樹數十株如梨棗桃杏頻婆來禽之屬花時燦爛如錦秋後青璣朱實纍纍滿枝百羽萃止綠蠻嘲晰弄暄訴淒亦靜中一樂也余讀盧鴻草堂圖詩李公麟山莊圖記未嘗不心服其盛而又頗嘆其意止存乎景物也余別業不逮昔人萬一而余之所以記之者則別有懷抱言念邨墟爲先人敝廬余棲遁于此寔存思其居處之意

杞曰集卷四

三

故支撐傾侈脩葺破漏僅還舊觀不敢以改作爲能事也于其苟完屬王子安節爲圖以乞詩歌于大人君子紀其事復自爲記述先世締構之艱難及小子仰承之不易者以示後人若謂可與山莊草堂角奇而鬪勝也則非余之所以爲心矣康熙甲戌炊熟曰杞園張貞記

游廣福寺記

青州之南多山游青州之山者多至雲門而止卽余亦然康熙己巳余客青州適余妹壻高舜木譚廣福寺之勝遂于重九偕舜木及兒子在辛往游出城東門折而南甫至郭外微雨忽作就路旁閱武堂避焉壁間嵌王弇州先生堂記讀之雨止南行里許經前大司馬邢崑田墓上讀申于兩文定公所作碑表及碑陰所載諭葬儀節想見當日榮哀之盛曾不百年木石已爲子孫賣盡唯殘碑四五石器數事離列而已過此卽雲門東麓路轉峰迴看劈駝諸山成嶺成峰別開生面矣西南過響水厓澗底石版自南而北層層跌落知秋水壯時砰訇澎湃必極佳觀山上怪石如牛馬如熊羆者不可殫紀園冶間得其一二足稱奇玩棄置荒山

杞曰集卷四

三

遂無知者可爲太息越數嶺復折而西乃得寺焉
自郭外至此多樹柿柿葉經霜紅黃相間爛若披
錦寺畔山滾風緩故諸樹青葱數榮有如盛夏唯
朱實離離差不似耳寺居劈山左麓山半平臺上
三面山環其境勝絕但舊迹久湮所存像殿皆舜
木先人納言公所成今去世已遠郡中鄉先生無
復好事如公者故亦漸就傾圮矣七十老僧折足
鐺中糙米飯有時不給山行疲飢無房可憩于西
院松下得一石案頗可人意據而坐焉舜木出所
攜肴核噉之饑甚而齟齬作痛咀嚼頗難食未畢

和日集卷四

西

雨驟至白雲滃鬱隨風伏起互相明滅俄而煙霧
滿庭咫尺莫辨令人飄飄有凌雲之氣似游天地
之間意雨止周視殿庭見碑記載有魏武定二年
齊郡太守劉明世造石像碑刻及仁壽中所刻舍
利塔下銘覓魏刻不得于天王殿故址得隋石讀
之蓋文帝建舍利塔佞佛祝釐之辭而孟弼書之
者文頗雅馴字穠勁饒古意非篆非隸真八分也
刻法甚精歷唐宋元明迄今千有餘年猶完善如
新亦大異事第臥頽垣風日中恐難長畱妙蹟永
鎮山門也日已下春遂冒雨歸至于家河邨中止

一石徑經雨路滑馬躑躅難行乃舍騎踏泥而過
將入城回望南山濃如染黛矣

游揚州劉氏園記

辛未閏秋余有幽憂之疾不自聊賴遂爲江南之
游中秋日抵邗上寓興教僧舍次日訪李封君君
實於家君實約明日爲郊外之飲至期使人持馬
來馬頗駿經行衢市足鳴人懷大勝籃輿閉置局
促如秋燕也由左衛街東行出通濟門呼小舟徑
渡河東里許若斷若續皆闌闌也郭外地曲折起
伏多小橋流水路傍喬木叢竹陰森蔚蒼境地幽

和日集卷四

五

間心目開爽又行里許路折而北則劉氏園在焉
門西嚮門內藩以竹籬籬北得堂曰大玉以庭前
植玉蘭一株其大合抱春時花發如雪山瑤島稱
維揚巨觀故以名堂堂四楹敞其三壁間一廚啓
之爲門可達室中矣庭內東西離列老桂二十許
株暖日烘花薌氣芬勃別無雜卉惟右方種竹數
百挺鸞稍翔空色如綠玉余摩挲久之不忍去西
南一軒東嚮前有立石狀頗磊砢稍南爲廊數楹
此外無屋宇也主人肅客入座酒十餘行盤殮有
斑子魚味甚美或謂河豚別種或謂是其小者豈

卽楊次翁設以待米漫仕而戲謂爲河豚贖本者
邪飯畢主人洗盞更酌余欲改席花下從之輕風
披拂金粟時落酒卮及袷襖間令人作衆香國中
想旣夕而散客有就園南小渠乘舟者余仍騎馬
由利津門入抵寓舍街鼓動矣余念揚人以綺靡
相競游者多在紅橋一帶茲地亭榭之瑰麗不及
諸園一棖一桷而幽清曠逸寔爲過之欲索解人
恐不易得故余濳以得一游此園爲幸而此園亦
未必不幸余之一游也遂燒燭記之

游金陵北城記

杜日集卷四

六

余癸酉八月來金陵寓承恩寺僧舍旣歷旬時頗
苦衢市躑煩欲爲北城之游以殘暑猶熾登頓不
易而止二十三日爲白露節天道驟變爽氣逼人
遂與周子榕客商略同游詰朝就榕客晨炊食已
步行里許至文德橋買一小舟時秋水方壯放船
東行兩岸樓閣開窗面水雕闌綺疏無異僊居縱
棹空明澹蕩中極盡容與之樂東過邀笛步又東
過桃葉渡北過白下橋河上居人高柳覆門短籬
曬鴨鴨關蟹舍曲曲繞屋矯首鍾山氣象雄麗蒼
翠欲滴使人恍然如造異境又北經馬貴陽邸舍

今改爲佛廬矣與榕客談其當年舊事不勝太息
折而西復折而北至石橋水涸舟膠步屨岸上訪
方樓岡學士於家學士年已餘七十布袍苳屨自
出肅客問余里中諸耆舊知皆下世慨歎不已茶
話久之始別北登雞籠山絕頂渾儀臺故趾新建
一亭藏御筆曠觀石刻爲

皇上乙丑南巡所書瞻拜其下天藻飛翔盤拏屈
強非弄筆儒生所敢望其涯涘東起傑閣繚以周
垣內貯豐碑記 南巡盛典秋高氣清長空無纖
雲四顧江山城闕樓榭竹樹遠近映帶畫圖有所

杜日集卷四

七

不及徙倚移晷乃緣石磴而下小憩茶肆中食餐
巴甚美十廟養巴舊已著名如東京夢華錄所紀
州橋爇肉乾脯朱雀門雞皮麻飲之類也肅衣拜
蔣侯祠祠麤存其舊帝王功臣兩廟俱已頽寂象
設亦不復存爲之感歎餘廟不及入東登雞鳴寺
覓其門不得蓋自余乙丑游後山門已改作離故
處北行百步許始得入入門南嚮仍由故道躡級
而升殿門就圮意甚危之墻院後閣則興葺一新
其地據臺城上北望真武湖面勢疎豁煙波渺然
町畦相接蓮菱甚富遠山隱見煙霧間而秀色時

摸人衣袂真絕景也。塢院西南得一小門，循牆北走，繞出閣後，陂陀逶迤而下，直達外門矣。日將夕，始歸舟，次取道一枝巷，訪雪客於家，一飯而去。舟入暝流，宛有幽趣。比到青谿，天且昏黑，水榭人家皆已難燭影，射波中如電閃霞流，澗養無定彩，及登文德橋，見長干塢，正盛光，氣熊熊上徹霄漢，亦奇觀也。

游西園記

金陵園池之盛，不減洛陽，而徐中山之東西園，爲最勝。余自丁巳南游，東園毀頓已久，某堂在某水

之傍，某地爲某亭之趾，僅得于遺民宿老之口及

大

屢過之，所謂基趾者，亦無復彷彿，槩然而已。問西園則中山之後，轉徙黃山汪氏，今爲龍眠吳氏別墅。每欲往游，以乏鄉導，不果。癸酉中秋，客金陵者幾兩旬，于其晦日，將假裝北歸，周子榕客設酒，取別言及未至西園，爲此行恨事，座客皆相向從，與遂挾陳處愚方志，高以行步走二里許，底門知主人久客京下，一蒼頭延入，由其廳事北折入小弄，一門北嚮，署曰梅嶺，當門得亭曰玉照，爲園中最高處，古梅數株，離列左右，草中臥一石，舟形，製甚

奇。東北高土爲亭榭，故陟登之，鍾山橫前，巒色峰勢森然，競出循嶺北，下一獨木危橋，振衣亟過，爲海漚亭。董宗伯其昌書額，方治環之，可數畝，秋荷尚盛，紅白萬柄，媚色幽芬，殫人眼鼻。園丁薦茗，再啜而出，仍過木橋，沿隄西上，竹樹旅叢，幾不辨路。西北一小閣，供漢壽亭侯象，設凭闌下，眇瞻渺瀾，皆在目，昔間爲之一快，稍憊，由西斥而下，路旁亂石如羣羊，少南一亭，峙水中，榜曰雲淡處，對面高柳古榆，扶疏掩映，綠陰滿園，樹中一樓屹起，朱欄畫楯，亦殊壯麗，覽繚之以近內室，不得入園境。

杞田集卷四

九

將窺得徑，頗猥鄙，南去稍折而東，爲葆光堂堂東，向規樞弘敞，廓然一廣，除相對爲臺，禿松怪石，分布其上，堂南一閣已就頽廢，閣前石壇上，栝子松一株，高數仞，大十圍，皮如青銅，根屈曲作虬龍狀，下頻三石，最高者曰紫煙，作蒼白色，有明喬太宰字題，字其兩石，一曰雞冠，鐫宋梅摯詩，一曰銘石，以建康畱守馬光祖刻銘其上，故云二石庠于中，峰色質亦祇堪作衙官，卽世所傳六朝松石也。予攷此松乃宋仁宗手植，以賜陶道士者，石爲宋植無疑，然皆已六百年，亦不易矣。摩挲拂拭，躊躇不

忍去歸塗復就榕客飲醺然而散一松三石余每見于傳紀輒骨騰肉飛不意晚始得之戀戀茲勝不覺言之津津也

游雲龍山記

癸酉秋杪余自金陵由淝水北歸及抵彭城已夜矣夙興南望見山容秀拔樓觀重複若亟招余往游者問之則雲龍山也於其明日出南郭門緣山麓東上有梵刹曰興化寺拾級而入門見大佛自地中出僅露頂及肩已高數丈乃斲山椒巨峯所成又塑諸天像設於四旁岳石上以一殿覆之

杞田集卷四

干

其廣袤雄麗亦略與像稱欲於此小憩而寺僧俗甚不可與言轉令人思道潛其人耳由殿西南三折而陟其巔得放鶴亭亭雖華敞已非故趾庭中有井名飲鶴泉殊屬蛇足然山上得泉寔大不易拂拭壁間碑版讀之皆顯官新刻舊迹了無存者爲之太息少焉朱生邁偕余兒在辛至相與凭闌俯瞰山下人家場圃籬落高下相接宛有幽致近郊壤地沃衍如棋枰疏畦界道成文綠潤可愛北望州城雉堞連雲屋瓦櫛比誠奧區也旋而觀之白門黃樓歷歷在目且彭祖有井掛劍有臺以及

昔人攻戰之場前賢殤訊之地無不攢簇離立可指而數又遙而矚之黃河決滌白坂東來蘇子所謂岡巒四合如環而獨缺其西者如故也徙倚久之因念帝業霸圖竟成噩夢文人名媛總化劫灰不特高蹈如留侯雄勇如呂布皆就漸滅雖儂如黃石壽如彭祖者而今安在卽間有迹可尋亦不過如亞父之冢陵母之墓徒寄意想於白煙涼草之外而已可不悲哉日已將昃循小徑西下過黃茅岡拜四賢遺像觀吳道子大士石刻登頓巖岫手披荒蕪徧覽前人題名長吟坡老歌詩而歸

杞田集卷四

三

游桃花菴記

余少讀唐六如集誦其桃花菴古今諸體詩輒慨然有游歷名蹟憑弔前修之志私竊自念異時或過其地得一造觀焉歲庚申南游餘杭道出姑蘇匆匆解纜竟不暇尋所謂桃花菴者其後數如江左或不克至其地或至其地而不及游比其返也每悔其返之草猝不獲一遂其願因以歎素心之難償不必其大者也乙亥九月余復入吳會見塵肆之棲於架者多六如之著作繪爲圖者多六如之逸事至形諸畢牘播爲弦歌者又皆六如之舊

聞余以爲金昌之市何物不有此亦適然迺更數處而無不然始異而問之僉曰六如才子我中丞宋公之所激賞也今且因羅其遺文脩治其墟墓矣及詢墓所則近桃花菴遂亟挈姜生本仔暨兒子在辛在乙以往循閭門而東行三里許至桃花陽北穿委巷巷窮忽闢一境清閑曠曠履蹊隧交通蔬枰間錯彌望皆柔藍淨綠幾不知身在闌關間畦旁多種桃樹天氣澄和秋淡猶茂夕日相射葉間蕤蕤有光更令人作天天灼灼想稍北得一精藍是爲桃花菴正戶堅扁屈曲呼門由東南入目

和田集卷四

三

前堂達靜室松陰滿地不見有人宛然坡老游白鶴觀景色但無其聲差不似耳一讀壁間石刻桃花菴歌而出折而北復折而東六如墳院在焉丘封翳然石碣前峙大書明唐解元之墓爲嘉靖中胡中丞可泉筆左築才子亭襍植木犀玉蘭山桃各數十本織筠爲戶繚以周垣皆宋公所創也公以

天子重臣開府江右復移節鉞填撫三吳耆定保釐勳在社稷至其學術辭章尤爲天下所尊慕詩文落紙墨未及燥操觚之士已轉相傳誦而公

則虛懷善下好獎藉士類見一藝之長一言之善必稱許游揚毋問其爲今人昔人也衆亦卽奉之爲月旦爲職志凡公所標舉競趨向之而風俗成矣公于六如不過憐才一念偶動於中故起衰魄腐骨而聲施之一時之人已默爲叶應使數世而上頓有生色然則公之所獎成其大於此者其爲烝動又當何如乎余旣以茲游獲償夙願且喜得觀宋公德化之神也故并記之康熙三十四年九月晦日牟山張貞云

夜汎蓮子湖記

和田集卷四

三

吾鄉山水濟南爲最勝七十二泉皆散滙於北城爲蓮子湖澹蕩空明瀾漫數千頃南山迴環斷續與城內之漁莊蟹舍遙相掩映無異畫圖此昔人所以有濟南山水天下無之語也余當壯盛槐黃席帽從事會城必借芻好流連湖上文酒歛集一時名勝士後先不啻數十人年運而往知交零落余亦日就衰索削迹名場游興奇減不至濟南者幾十五年康熙庚辰有事北上取道其間自傷孤另頓覺湖山慘淡矣解后得朱君子青遂託末契交情綢洽不殊前日之諸君子也相邀月夕重尋

舊游于天心水面亭登舟再過歷下亭放舟煙水
皓魄澄波鳧沈雁宿聲籟四絕獨健魚往往觸響
船頭而已子青所載酒特芳冽坐客皆醉余雖不
能飲亦彊進兩蕉葉不覺醺然清歌忽自坐中起
音韻縹緲聲繞菱蘆令人神骨俱爽至北極臺夜
漏乙丙廟扉盡闔道士已入華胥因不復叩門衰
回月下久之更登舟縱談闕然而笑水鳥驚起羣
犬齊吠若豹沿水門遵東渚而歸不能成寐言念
初游忽忽餘四十年且此四十年中荐歷幽愁備
遭哀酷猶是往日酒痕累債之地浩然俛仰已非

杞田集卷四

四

故吾曾懷耿耿何能下臍邪故泚筆作記以誌今
昔之感云同汎者爲鍾聖輿吳木欣朱子青杜西
山谷九畹胡宗舜余與兒子在戊凡八人時則四
月十五日也

慈仁寺偃松記

慈仁寺故多松而前殿之雙松名最著以其盤屈
夭矯低垂偃蓋爲希有也余豔慕數年乙巳秋入
都門始得見之裴回其下至不能去壬子後余每
歲一至皆僦居慈仁寔爲此松所勾留也十四年
中以日計之坐臥其下者可一歲許風月煙雨之

態靡不盡閱辛酉冬再游燕市東畔一株已加斤
斧今來京師亟往看松而殿庭之西所謂矮松者
又不復見問之老僧指爨下榑柶相示而已余惋
惜駭歎如失良友不憚于懷抱者累日夕余按此
松植于明憲宗之初已二百年于斯矣自慈仁開
市以來估客多列肆其下煙火之所薰灼人氣之
所呵蒸足迹之所踐蹋松已不勝其蕉萃而名公
巨卿四方文士來游者倚樹而吟攀條而歎摩挲
拂拭皆不能無損于松性然後知松之摧殘于侮
辱者半摧殘于愛惜者亦半故卒至於腐壞漸盡
泯滅而無遺也獨念茲松以數百年之物而吾以
一人之身適當其會既見其暘茂復見其傷天爲
可慨也嗚呼以吾身之所歷苑枯互乘盛衰相躡
可發澹慨者多矣又寧僅一樹足以動吾心而係
吾思也哉康熙甲子上巳日牟山張貞記於丁香
院之寓齋

杞田集卷四

五

天繪瑞蘭圖記

高密單君惟訪以進士爲令靖江旣歷四載柔姦
彊舒隱詘政聲流聞將得峻擢丙戌八月母李太
孺人卒於官舍惟訪千里輿棺歲終抵里朝夕哭

擗盥洗上食咸遵古禮盥盤積水忽現猗蘭一叢其色微黝金光粲然三莖五花俯仰成態葉之紛披濃淡若有層次至點綴落石如畫家所云攢三聚五者莫不畢具雖使松雪濡毫衡山灑墨極其得意無以過也邑人往觀累數百輩莫不捧手讚歎咤頌希有有張子者雅善丹青瞻玩之餘以為此幅寶墨如霓裳羽衣曲雖乍聞終歸天上何可令人間無譜因亟索筆寫而傳之以為天繪瑞蘭圖惟訪一日出以示余屬記其事余曰今天星日之昭垂雲霞之舒卷花竹之芳豔草樹之條達以

紀日集卷四

天

及龍蛇虎豹翬翟之文章奇矣人以其恆見也而忽之若夫卿雲景星麟鳳芝草則人皆以為異以其不恆見也不恆見斯瑞之矣然瑞之來也必有其所由椒蓀之澤漸物成芳嘉種不腐蒸且為蘭昔人豈欺我哉今日之事或謂太孺人生平以謹持身而事夫子以順以寬撫衆而教子孫以嚴惟訪之為醇儒為廉吏皆出太孺人指授宐致斯祥或謂大令恪守內訓致身通顯版輿奉親備極色養及遇大故扶柩北歸哀感行路大孝於昭宐致斯祥余曰天開圖畫非常之休徵也非母子合德先

後趾嫩鳥能得此或又謂子之論卓矣天之所與鬼神效靈吉祥止有感斯作來鳳麟產芝草亦足彰和氣而驗貞符乃必以芳蘭示異也何居余曰是有說焉古人以蘭為國香比德君子徵夢鄭文誕育令孳是非蘭無以為太孺人瑞也隱谷獨秀為王者香是非蘭無以為大令瑞也芝蘭玉樹欲生階庭是舍蘭又無以為單氏之子孫瑞也理有固然又何疑乎蘭以康熙四十六年正月十一日現安丘張貞以是歲六月九日記

畫衣記

紀日集卷四

天

余家舊藏畫衣一稱沂水高中丞筆也蓋寫折枝墨卉於白練上冪以青紗而成之者領圍尺博二寸有半寸三其縫而飾以金身長三尺有五寸三分其長而殺其二以為廣袂長三尺三分其長而殺其一以為寬兩祛亦皆以金線之圖于前襟者曰梅曰繡毬曰山茶曰水僊曰竹石觀其後背上秋葵一稍下紫薇一榴花一榴房尤怪偉又下荷花一而畫水僊於兩旁肩作芙蓉木犀各一枝柯葉交亞頗極盤紆紛披之致左袂為海棠為芍藥為辛杏為玫瑰為秋菊為靈芝蕙草又有桃

杏牡丹梔子百合萱花在右袂兩裊下各綴蘭石
合之得花卉二十五種作三十二叢便娟映帶窈
態盡變覺奕奕生氣射人矚睫所謂妙而真者也
衣之前後及左右袂皆題五七言斷句凡八首詩
亦秀麗饒韻讀者豔之先生諱名衡平仲其字少
負異質與先叔父侍御公同以才名頡頏齊魯間
每赴郡試踏省門遇之相好也崇禎辛未共舉進
士稱同年生相好加焉侍御公一日過先生邸舍
此衣適成將以遺其妻張夫人侍御公一見欣賞
輒自持去先生亦無難色此可以窺前輩交誼矣

杞田集卷四

元

嘗攷先生起家縣令徵爲御史出按河南卽晉都
御史填撫其地治民禦寇皆著聲實晚年納節歸
田壬午冬沂水城陷夫婦伏節同日併命可謂與
日月爭光與天地俱磨滅矣而其平日風流自命
柔翰關情如此毋亦靖節賦閒情故事邪當畫衣
時在先生釋褐之初方翱翔京國觀政部寺使他
人處此必且朝集金張之館暮宿許史之廬請謁
奔競爲後日仕宦地先生迺枯坐客窗裁衣寄內
何其神怡務閒乃爾也於虛靜恬淡是卽先生
功名節義之所從出歟此皆不可以無傳因筆之

爲記而錄其詩於左以存故事焉五言云金臺風
乍軟先爲寄春衣着處逢花發遙分上苑輝上苑
花枝好烏紗插已繁畫取羅襦上似與爾同看對
月偏成憶臨風更有思鄉心無可寄聊寫最嬌枝
花枝鮮且妍置之在懷袖好記花枝新憐取衣裳
舊輕襦畫折枝悠然感我思畫時腸已斷着時心
自知霧縠偏安暑冰綃迴出塵着時憐百朵應憶
畫着人七言云客邸長安一事無畫長人靜影形
孤閒將一段鶯溪絹寫作名花百種圖墨瀋淋漓
寫暗香不將開落問東皇憑教霧縠傳淡意永矢

杞田集卷四

元

糟糠不下堂後書辛未夏日作於燕邸寄內子平
仲題嘗攷唐穆宗以玄綃白書素紗墨書爲衣以
賜宮人號譚衣然此以正彼以狎固不可同日語
矣此衣自辛未以來藏吾家者已六十六年庚辰
春日余在京師過大司寇新城公邸舍偶與言及
公甚豔其事因以贈之而記其始末詳其形製用
存吾家一段致語且使子孫知前輩交情也康熙
三十六年六月六日張貞起元記記成司寇題一
絕句云幾幅冰綃寫折枝淡勻麝墨與燕支笑他
拊馬張京兆玉鏡窗前祇畫眉

黃璞玉生瑩記

昌邑東北之望邑邑中以黃氏為著姓其先少保忠宣公歷事五朝建功異域沒後葬邑西郭墮山迴水松楸鬱然說者謂其子孫之蕃衍甲第之蟬連雖出世德詒燕寔亦山川清淑之氣有以發之也至鏡湖先生景弟皆起家科貢或知諫院或為儒官少保家聲由是大振且挺生雄駿競爽一門而璞玉則諫議先生季子也賦性廓落寄懷瀟遠絕去迂儒拘牽之態甫逾知命年尚未老即念及桑榆急覓全歸之所足跡期徧域中不意於馬阜

祀田集卷四

三

別墅之旁遂得古壤龍虎夾輔沙水自朝不惟來勢尊特羅城闊大而落脈隱秀更有草蛇灰線之妙環合演迤與少保公之墓門東西拱向璞玉顧而樂之于其明日再往相視青蛇蒼兔起伏巖間已稱奇瑞又有研石芝草之祥邑中皆豔傳其事璞玉既覺自得一時綴文之士莫不捧筆爭為頌揚因思天下稍具通才於得失榮辱皆可忘情語及死生之際則不能不戚戚於中今觀璞玉經理壽藏如營菟裘既自為記復徵文遠邇曠達高風與眾共之矣唐司空表聖蚤營生壙強人賦詩宋

方巨山預作繭窩賦以代誌名人勝士不干古一轍乎康熙四十五年臘日七十老人淳于張貞記於峽雲籠樹樓

祀田集卷四終

祀田集卷四

孫男壯輿校字

三

杞田集卷五

安丘張 貞起元著

新城王士禎貽上定

志

青州太守張公救苗定變志

青州海岱輿區典斯郡者代多名賢而莫盛于宋韓范富歐陽當時所謂人傑也青州得其三范之功業歐之文章彪蔚一世然皆在太平無事之時齋莊閑靜坐鎮有餘矣富文忠公守青之日適當歲侵活饑民四十餘萬每自言過于作中書二十

杞田集卷五

四考至今稱賢太守以德以功遂無有出富公右者越數百年而得我張公咸陽世胄賦性倣儻自為諸生已有以天下為己任之槩及荷

聖恩簡畀專城值 國運熙洽風俗淳龐之日因循既久百務待人公至而州邑長吏皆為動色申明約束觀聽維新政事芴午迎刃而解凡所按駁使人神悚氣懼而一切持之以公心應之以虛已乃善善之意尤自悠然其長固已士歌于庠農安于野矣無何而滌潦浹歲平地皆成甌脫癸甲之間又復大嘆彌望赤地斗粟千錢民掘草根割木

皮雜糠覈噉之餓孳狼籍骨肉相食說者謂為數百年未有之奇災公蒿目時艱如痛在己咨詢疾苦徧歷窮鄉采其形狀達諸撫軍披陳剴切無異監門之圖秦庭之哭撫軍即據公移繕疏入告今日之民隱洞見

天澤旁流元元本本寔公之有以啓之也當公之告苗而得請也荒政悉以為己任講求利病絲理髮櫛不爽累黍視十四國之遺黎有如赤子念望救之急者蒙陰沂水為最待穀集而後發其不轉于溝壑者幾希矣莒庾儲粟近在鄰封欲借作賑

杞田集卷五

莒人難之公開陳反覆許以刻期補還公忠信之德久洽于民故咸樂從遂取七千石一日而徧四郊窮簷蔀屋始慶更生間關轉運皆單騎往促晨發宵征衝冒霜雨弗卹也倉廩甫完而安丘之事起饑民相對資身無策始以貸粟為名浸假漸成剽略屯結倡和寔繁有徒公聞而憂之文書屢下誥誠諄諄稍知斂迹終未革心公曰此非口舌之所能爭也會須一面諭之于是部署役夫屏當車馬星言夙駕矣時則傳聞異辭一日數驚家人僚屬莫不惶懾且止之曰奈何以不訾之軀輕入危

邦公毅然曰士人以身許國死生禍福已擲度外畏首畏尾事何能濟絕裾而行不持戈戟不設兵衛按轡至境雙旌五馬約略如常日及抵行衙以奪攘來告者纍纍絳標寸紙捕而訊之情重者三人斃杖下次者五人囊三木以徇餘悉縱舍不問復呼父老子弟告之曰菑沴流行出自意外天子之恩浩蕩靡涯痛我民之失所也蠲免新舊賦稅七百萬有奇發廩發帑無虛日又恐地闊難周遣官四百餘員分地養民起骨加肉從來未有草野蠢動欲爲亂階是負

杞白集卷五

三

聖恩也不知

聖恩不忍負亦不敢負幸變不成倘成而一鎮之兵辦之有餘朝發夕至汝輩族矣雖族猶被惡名盍一熟思之衆股栗不能荅轉相告語且感且泣曰張公活我爲亂者解散懼亂者帖枕矣時康熙四十二年十一月十九日也使當日者需不先發怯不早斷傳呼響應滔天燎原其遺

廟堂之憂不知何如也乃公不動聲色不事張皇談笑定之二東以寧非平日德足鎮其搖撼誠足收其心脅威足聳其志氣烏能游刃有餘如此哉

此公禦變之才也若其平居優優敷政念士子失教則新學宮爲弦誦之地官署就圯則葺廡宇爲聽政之所浚范泉以存文正之舊蹟脩松林書院以挹十二賢之高風造倉庾以儲待米粟則牢傑宏堅爲一省冠入官以來百廢具舉此其大者也憶公始至日不暇給逾歲之後庭空若洗簾閣綈几攤書臨帖時作吳詠聲出垣外間命輕輿過佛廬與白髮老僧茶話而已然後知公之才非一郡之所能盡也在昔汲長孺用發河內倉見賞人主膠東相勞來不怠流民自占八萬餘口龔少卿解

杞白集卷五

四

散渤海盜賊文蜀郡好教化脩起學官成都市中此古循吏之規不難兼而有之迺欲取其揀苗定青之諸生吏民欲刻文於石以示久遠屬筆於貞貞安丘人也知其事爲詳故不辭而志之如右公諱連登字瀛州陝西咸陽人

題名

琅邪臺題名

康熙辛亥有事日照取道海濱訪劉子羽於家與之同登琅邪是日重陰海霧山雲鬱蒼逢濔只赤

不見前後人波濤鏗鞳聲自地中出歸塗大雨宿
子羽南園詰朝旣霽復往游焉臺畔秦皇車道大
將壇坵蹤蹟猶存再陟山椒披剔相斯篆碑讀之
矯首東矚海山隱現島嶼蒼茫覺方壺員嶠呼吸
可通幾自忘其腐肉朽骨矣時五月廿三日也安
丘張貞

韜光菴題名

北海張貞來杭浹月兩過靈隱而未獲一至韜光
終屬闕事於將歸之前二日偕海曲李宗周先生
補游焉遇雨冷泉亭良久不止冒雨而登及抵菴

老日集卷五

五

門衣裳盡溼借老僧敝衲衣之倚樓肆眺湖山城
郭平日履舟之迹歷歷在目如久客欲歸聚一時
之朋好而相與言別也豈不快哉康熙庚申五月
九日識

金山題名

再游金山宿浴日樓在乙丑三月之十三日夕飧
有酒飲未及一蕉葉醉矣臥不成寐起行山麓江
清月白景色幽絕遂遵繚垣而一周焉夜淡人靜
萬籟俱寂惟聞魚龍躑刺波間而已回竚南廊按
牆睇之蒼煙白霧鬱鬱在下絕不見水小時雲葉

開解如奇石如亂獸參差磊砢布滿江面微風忽
起浮氣盡收月愈瑩徹映射江水熠燿恍惚皆作
玻璃琥珀色不自知其置身何所各院僧徒分日
肅客一歲不能作十數更番乃余庚申及今皆主
此樓亦大異事也渠亭山人張貞

惠泉題名

劉伯芻論水之宜茶者七自一至五予皆得而酌
之激泓甘冷未有如惠山石泉者迺強抑之第二
不知何意然世之妄庸巨子謬秉衡鑑旣經品第
遂莫敢異議亦與此同歎矣康熙二十四年春三

老日集卷五

六

月望日牟山張貞題

虎丘題名

余三游姑蘇最後寓虎丘之月駕軒時與萊陽姜
實節學在長洲汪琬若文杭州朱溶若始德州李
濤紫瀾游談其間千載之下必有以此爲故事者
乙丑三月安丘張貞起元識男在辛書

雨花臺題名

辛未十月甲申日已卓午出聚寶門涉長千里經
木末亭登雨花臺回望石頭城鍾山屹立江水遙
明天清氣爽目窮楚越顧而樂之再踰南岡訪老

友張君瑤星於松風閣下計與相別未二十年而
瑤星掩抑摧藏已八十有四余亦蕉萃支離番然
篤老回思往事况若前身矣因書閣壁以誌慨歎
園叟張貞題

燕子磯題名

白丁未至今二十五年中余五登此磯矣辛未十
月二十六日從白門歸薄暮登舟拂曉過此攜兒
在辛復造其巔時盛寒野日昏黃江濤起立欲於
亭中少憩天風颭戾凜乎難留遂亟下焉北海張
貞杞園記

紀行

七

適燕紀行

康熙丁卯二月欲爲都門之游以余善病其期屢
移因念廿八日爲余初度儻於此朝啟行是亦避
生辰之一法也丙子昧爽告廟後卽有客至送客
及門遂上馬去初出城東門見郭外杏花皆已爛
熳久閉置闌闌中不知門外花明草薰風物媚媚
如是遙看汶河兩岸皆植綠楊東西各數里長條
宛地因風披拂嫋嫋可愛由吾縣至昌樂邨墟相
接無不種杏者少三數株多至百本丹碧錯互奇

紀行

八

麗如畫雖不得布席其間然以閱歷之多當盤礴
之久亦可謂不負花時矣午飯大柳樹宿吳家廟
青州以南諸山尚依稀可見自此遂不復有山丁
丑曉風作涼所見花不及昨日之半惟洹河沙際
新柳差堪入眼行三十里過壽光經魏思齋園外
千牆闕處見紅紫闌闌花事頗盛不及入而去午
後風轉大寒甚出敝羊裘披之昨日暄和幾以之
爲長物寧知今日非此不支邪晚宿顏徐店戊寅
蚤過草橋道旁皆陂澤蒲葦天鷲千百爲羣聲聞
數里宛然一江南觀也午後過蒲臺城北呼舟渡
小清河城西土人賽神作社會梨園登場菴廬離
列士女多嬰遨其下時當清平人皆有以自樂如
此宿杜家店已卯晨起見神祠燈火始知爲月朔
未至桑落樹數里彌望皆梨李桃杏諸花爛若披
錦過此則樹棗成林春深猶未發萌一邨中分苑
枯頓異晚宿楊和尚寺是爲燕齊盼欲以栢茗節
勞水如鹽滷色香俱斂殊敗人意庚辰過版發營
見道旁桃花多可數畝初日相映晨露猶泣滃鬱
紅潤遂作佳觀始悟昌黎川原近遠丞紅霞丞字
之妙過慶雲郭外一小精藍當門西府海棠一株

高可三丈許已破萼矣謝去桃李獨對名花心神
開滌北去地皆平行極目所逮可百餘里花柳絕
少惟見遠樹如薺而已宿新店辛巳北發地執逾
下回關山左不知其高幾何望中惟荒陂敗草並
遠樹無之將近滄州舊城西風橫作塵沙眯目人
馬辟易幾不可行午飯鳳皇店臨街下馬坐大風
中水鹹如鹽餅乾徹骨忍饑而去至興濟日尚未
晡以僕夫有倦色故行不及百里遂止宿焉亟汲
運河水煮茗色香頓還連歎數椀兩腋習習生風
矣此卽向之縣治今改爲鎮壬午早過張戚晚門

紀日集卷五

九

門前止存貴戚坊及兩上馬石老屋數椽當年故
物也桑海後猶爲其裔孫所有亦大不易路隨隄
執爲曲折楊柳數叢雖初榮已有凋落意行三十
里渡河過青縣屋廬樹木漸有生氣飯王鎮午後
路折而西荒灣野水田塍斷續仄處不堪受騎率
舍馬徒行又數里得大市聚二區遙遙相對一河
間之則東西子牙鎮也旣至西鎮無客館市盡處
投農家宿焉前臨麥畦後直河干真壑宿矣鎮故
隸大成縣橋旁一石碑謂太公避紂居東海之濱
卽此地亦不可得而詳第鎮民皆呂姓癸未犁明

繞出邨後登大隄而行其長九十里夾道垂柳濃
綠交蔭二十里外楊柳漸稀西南一帶波濤人立
遠不見天民居三五皆依高阜身行隄上如登高
丘望海中島嶼籬落雞犬歷歷可數非假舟楫莫
與津逮矣眺聽之際魚鱉數個亂煙水而來令人
邈然有江湖之思數日行枯槁塵土之區得此異
境沈鬱頓釋念及窮民失業又不禁憮然增慨亭
午見隄旁招提借僧房小憩至苑家口渡河始得
平陸宿霸州城北南孟邨甲申風日頗清美榆柳
蔚然阡陌交錯地近

紀日集卷五

十

皇都景物自別已刻抵固安縣南北郭相去三里
許而衢市蕭條寂若無人與其規撫殊不稱午後
至龐莊道左桃花盛開斜日掩映灼灼媚人風捲
白沙平鋪數寸紋如行波又一奇也下馬盤桓久
之卽宿是邨憶余初出門千萼萬房效奇爭妍計
至此花事已闌珊矣緣北地多寒其行逾遠其發
彌遲故得日攬其勝亦客中可喜事也乙酉初出
龐莊見西山突兀直墮眼前自離昌樂至是始見
山爲之一快少刻風起塵埃障天髣髴山容若隱
若見矣行十五里過南苑循牆走三十里抵都門

日尚未午也

書事

書二公事

吾邑人物莫盛於明嘉靖中而大中丞馬公文煒
太守李公遷梧尤其卓卓者余讀王元美觚不觚
錄中丞任荊州兵巡道時前任某每江陵公之父
封君某相訪輒于大門外一拱而入令人擁其輿
由中道進至儀門復一拱復令人擁其輿進至堂
已從傍進見即前堂延之正坐而已侍坐送亦如
之公至第任其由甬道而執主禮如常自是封君

祀日集卷五

五

不復候公使人傳問而已又江陵時有賜及父母
或誥命皆令家僮私齋至家封君子中堂聽聽開
讀子孫列月臺而道府乃又列其下公謂其家敕
也非敕道府與詔赦也但告服至門俟宣畢而後
入賀江陵聞之亦不以爲忤又閱朱長孺愚菴集
有安丘李公傳載太守二事謂公起家吳江令某
御史行部至其邑供億不堪臥榻折足御史怒突
入縣庭欲清數庫藏及後堂見東壁一小牀葛帷
已敝旁置二竹筒不設鎖鑰問何人敢居此則令
之臥具行篋也乃淡愧歎邑事一無所問而去又

嘗與邑紳吳太守崑飲見以一銀船注酒酒滿則
帆張意頗善之吳舉以爲贈公受而日以供飲迨
去任出境仍緘還之中丞之孫爲余姻家太守爲
吾妻之曾大父故得讀其墓碑家傳此數事皆遺
而不書及攷郡志邑乘于馬公僅紀事功于李公
唯稱高曠如右所云亦弗載也余偶得之欣幸彌
日遂敢併記以補其缺觀二公遺事安知百世之
下無興起者康熙癸酉四月丁酉張貞謹書

書傳道士事

祀日集卷五

三

傅太全安丘人少愛閒靜四十後始出家爲道士
尋師勞山者三年南入琅邪掩關靜坐者又三年
凡數年始歸太全不輕向人言故人亦莫測其所
學得汶河北岸廢廟新之其北三十里有塔山者
地故荒寂太全忽起大刹三殿一堂門廡齋廚備
焉不五年而工完又掩關靜坐者六年偶意有所
不可一昔舍去如傳舍也于其東南復砌三教堂
一區規樞亦略如塔山不三年而成掩關靜坐者
又三年復歸汶北前後砌十數刹皆丹楹碧瓦壯
麗甲一域所費金錢鉅萬檀施鬱積不求自至嘗
一日聚錢一千七百緡太全皆用以庀材鳩工二

絲一粒不以資其囊葉晚年無所營唯修汶河木橋其長三百尺每至冬日擔版聚沙自同傭人霜雪滿鬚未嘗告勞見者不知爲八十老人也康熙戊午十月忽示微疾召其弟子曰月之六日是吾期也至日夜半具浴竟瞑目端坐听然而笑其徒曰師何笑曰吾笑同行諸真猥庸鄙陋爲不稱也其徒曰旣仙矣安有不稱師曰每歲道成者必朝帝所皆有定額世運遞降修真者寡數之不盈故用其次者耳語訖而瞑予嘗讀劉向列仙傳方回著于唐師門顯于夏仇生葛由紀于殷周或數十

杞田集卷五

七

年而一見或數百年而一見蓋非常之人非可期而獲也今觀傅翁之言似亦有例可循有額可拘至不得已而思其次是飛騰隱化之事亦可倣倖得之矣嗚呼神仙亦可倖致又奚怪乎塵世之紛紛歟

書兩節女事

余西走青州道出棘林邨多主鄉人趙香家時香歿久肅客者僅其老妻穉子耳余每至見其行飯分茗不唯諾而集問之則皆出次女觀之手且言女未笄其夫從軍戍浙戍闕轉而之粵東之滇南

音塵阻絕者數歲矣母念女旣歸妹愆期夫之存亾復傳聞異辭遂以言動之女信誓旦旦秉志不回余歲一過之或一歲數過間詢女動定其金石之志十五年一日也康熙丙寅天下大定其夫北歸始得結褵是時女年蓋已二十有九矣余游濟上遇吳子長榮又得聞張女之事云張女者高唐朱母劉孺人侍兒也名有鄒平農家子其父以歲侵乏食粥之孺人時女才十歲性柔順孺人絕愛憐之及長欲爲議昏女聞色變訊之掩淚以對曰妾幼曾許字某氏今改適是渝前盟也歿不敢從

杞田集卷五

西

孺人嘉其節亟覓原壻付之及得其人已有妻子女纍纍矣以語女女曰渠雖別娶亦會須相從不願更事他人也壻以兩室非貧家所宜終不肖往女守義彌堅孺人益重之撫若己女服食居處不令與儕輩偶年三十以疾卒康熙壬申三月二十一日也說者謂劉孺人三十五歲而寡閉內則嚴禮教張女守貞所得於熏習者爲多至趙氏則益都東鄙編戶之畝耳非有見聞濡染之素乃姻盟一定常變不移卒能圭判璋合二姓克諧使其夫不歸則亦終天窮塵畢命盡氣矣其得於天性者

然與於乎女子從夫猶人臣之許君也張女之矢
歿靡它龔君賓之卻聘也趙氏之必隘舊好蘇子
卿之返國也揆以春秋之法鈞有不貳心之義焉
故泚筆記之以愧夫世之爲臣而不克終其節者
說

讀書堂說

新城王子清遠今宮詹學士阮亭先生長子也嗜
學好古厲行如金石可謂卓然能世其家者余嘗
過訪入其燕憩之室樸雅間靚不起纖塵插架棧
几惟經史圖籍彝鼎鬯洗而已余顧而樂之王子

杞田集卷五

五

請所以名斯堂者余曰歐陽文公有言昔人名宮
室往往指實或識其耳目之所接或識其時序之
所過或識其面勢之所居之數者命名之義盡矣
然皆當取諸懷抱非人所得與也王子曰頃欲以
讀書名吾堂但怵他人之我先則將以爲襲矣余
曰善何嫌于襲也自蒙莊有讀書堂上之說唐人
有淡柳讀書堂之句文雅之士遂多取以顏其居
由宋元明以來其最著者如司馬溫公朱智叔吳
仲蕭尚賓既各有讀書堂史定之亦以讀書名其
軒顧仲瑛以讀書名其舍車叔明以讀書名其齋

高蘇門以讀書名其園此昔之人皆用之而未嘗
病其襲者也至陳郡有讀書齋以殷仲堪名小崑
山有讀書處以二陸名桂林有讀書巖以顏延年
名華陽廬山皆有讀書臺則以諸葛武侯昭明太
子名此又皆當日有其事即不必有其名後之人
追憶以命之而未嘗病其襲者也不特此也而家
自潁川公以來賢良科第之盛甲寓內而諸父更
以文章忠孝焜耀古今是不必自言之不必人稱
之過其里門者見棨戟之矗立甲第之崇宏孰不
歎爲讀書之力也今日者但能誦法昔賢即爲國
之通儒續承先緒卽爲家之令子吾方懼其不能
襲也而猶以爲嫌乎哉抑吾更有進于子者凡人
發憤伉志兀兀窮年必有以統天地之道通陰陽
之故辨性命之原而讀書之理始盡不然者口吟
手披徒掇菁藻卽合綦組以成文列錦繡而爲質
其于讀書之理仍無當也清遠其知所重也歟

杞田集卷五

六

畫畫換米說

余游白門知其地世家以文獻稱者惟顧氏爲最
蓋有司寇華玉憲副英玉兩公並與於前復有明
經與治先生豎起於後文采風流祖孫相望也余

景仰其人常有生不同時之歎偶從衆中得識其
後賢友星者則與治先生猶子也落落穆穆如秋
水遠山工詩善畫確有家法遂與定交一日過其
種紙菴在青谿邃步之間坐譚良久友星作而言
曰八口之家所恃惟粥傭也衛生苦拙畊不逢年
將學晉文之種米乎抑效魯公之乞米乎冀指困
之賑則無公瑾之友朋希百斛之贈又無休文之
宗黨欲虛索于長安折腰于五斗則滑稽不如東
方畏榮更甚泉明矣智窮力索不得已而思畫畫
以換米不識有當於理否余應之曰子之志卓矣

杞田集卷五

七

子之論淡有會於余心矣以子之才求名於朝不
難躋身通顯求利於市素封亦可立致乃方介自
約微靈翰墨但營一飽無復餘念居然古人家風
矣吾聞古之安貧守道者如麟士之織簾伯休之
賣藥孺子之磨鏡桃椎之結履是皆有以自老無
求於人者以此方彼我不知友星古人中誰比也
於乎能學古人即其所以不隕家聲者歟故爲是
說以勵之

表

擬

上命儒臣纂脩四書解義尚書解義書成 頒賜

三品以上大臣 謝表 康熙二十年

伏以 哲王崇道九天頒絕學之書 盛世尊經
三事被同文之命拜丹青之牘雲漢爲昭捧珠玉
之函金石共勒光生圖史喜溢朝紳 臣等誠惶誠
恐稽首頓首上言竊惟國家肇萬世之規誦法者
唯聖經賢傳天子大一統之義遵守者必帝典王
謨顧大學爲尼山垂世之書脩齊治平之理備而
中庸見子思紹述之美參贊位育之道全睿論爛
竝日星賢堯舜而承周統孟子源從洙泗關楊墨
以配禹功至于欽若授時堯典悉載虞書之內和
鈞關石典則皆詳祖訓之中毫水定鴻模克寬克
仁與十愆三風而同著鎬京詒燕翼丕承不顯與
周官周禮而常昭然歷古今不無紛錯所貴箋釋
正其源流是以僞學之禁初開遂刊紫陽之註道
統之傳有自羣推蔡沈之疏迨周孔難追莫識川
能印月且程朱日遠誰知祭必先河即晉立博士
十九人無裨羽翼宋行字說廿四卷更益荆榛從
未有勤探討于溪宮香浮蘭檢大匪領于有位彩
發芝泥如 今日者也茲蓋伏遇

杞田集卷五

六

皇帝陛下 奎壁昭文 箕疇斂福 學宗闕里
應麒麟赤紱之祥 道溯中天來龍馬丹書之瑞
就將繼序身兼武烈文謨 睿智夙成共仰金聲
玉振凡此九德咸事寔爲幼學而壯行卽今百度
惟貞莫非咨殷而監夏故不邇聲色惟勤 負展
以觀文且方富春秋遂切 凝旒以念典謂壁經
之旨備載夫君臣抑四子之書原本乎性道必鈎
沈索隱始克覩道德仁義于一堂非訓詁詳明曷
由彰蕩平正直于萬世 特敕天祿瀛洲之彥分
曹撰著務令授受無差載啟蘭臺石室之篇按部

紀曰集卷五

九

簡參必使異同悉泯親裁義例預定嘉名限時日
以編摩許 經筵而進講旣驅經作註固已默契
象先復借註窮經不僅尋源紙上螭頭日麗九枝
然太乙之藜芸閣香清五色動文昌之宿藏于禁
籙精一長存傳諸子孫緝熙罔間更念 予一人
濟川調鼎皆賴鹽梅舟楫之材況在爾諸臣懷瑾
握瑜詎忘切磋琢磨之益爰開 冊府用 錫親
臣鴻文因 鳳藻以增輝珍同琬琰聖經得 王
言而倍赫重若球琳資其理爲許國之私藉此編
爲傳家之寶 臣等學慚私淑業愧聞知注千數百

年之書一斑未覩拜七十二賢之座分贊何能考
二典而識吁咈都俞 君父交孚一德誦兩論而
知敏公寬信臣子竊附同揆伏願 王猷益茂
聖業常新古與稽而今與居勵遜志時敏之學遠
有宗而近有守接祖述憲章之傳因經傳以及百
家因遺丙丁之部由簪裾以訖逢掖用光甲乙之
科將見 作君兼以作師心法直追夫鄒魯道統
開于治統化理遠嬾乎唐虞矣 臣等無任瞻 天
仰 聖激切屏營之至謹奉 表稱 謝以 聞
書

紀曰集卷五

三

上高念東先生論地方利弊書 癸亥
頃叩雲亭過承厚款托之以肺腑孔之以晨夕且
謂茲會不爲無益若淡幸貞之一來者在老先生
爲汲引後進之常然而當之者愧矣于其將別詳
詢吾鄉利弊欲卽告之撫軍爲民請命又恐語不
及悉令退而削牘以進此見老先生倦倦憂 國
憂民固無間于在 朝在野貞雖愚昧敢不竭其
一得伏聞撫軍入境清節峻猶一洗中外苞苴之
舊羨金之禁凜若霜嚴部下守令人思自奮洗手
奉公豈非盛事貞獨以爲羨金可減而不可除其

禁宐徐而不宐驟何也今之守令誰無家室誰無使令誰無交游服食器用月俸所入寔不足以辦此所資者止此羨金耳今欲盡革而去之則必屏妻子去僮僕閉門塞兌褫衣穀食而後可如其不能必將取給于詞訟夫計慮及于詞訟必且變易曲直顛倒是非閭左之禍尚忍言哉蓋羨金其利散而人不覺鬻獄其害大而民不堪以此方彼孰重孰輕必有能辨之者是莫若風之以儉樸其有甘羔羊素絲之節者自能勵畱瓜抵璧之操蓋用者無多則取者自少也誠得若人卽亟登薦剡予

紀日集卷五

三

以不次之擢吏治翕然其一變矣區區羨金有自汗乎此欲其減而卽除禁之徐而寔驟者也言訟獄于今日變態可謂極矣蚩蚩之民卽覆盆向隅多若屠羊在肆噤不能發一聲其得自達于上臺者十才一二彼紛紛赴控大約皆如鬼如蜮之奸人耳睚眦小怨輒興風波萑苻竊發卽誣爲間謀之人僕區法嚴強名以逋逃之主近緣東土賦役缺額訐告者又多在隱占矣少則數百晦多則數十頃邨落方隅言之鑿鑿聽斷之下了無情實彼奸人豈漫爲嘗試哉蓋以吾東土田曠邈下中之

戶亦可千晦夫田至千晦凡有丈量必不能先後一轍蓋尺之長短步之斜正皆足致訛非必真有隱匿于其間也苟有數弓之贏餘告者已得藉口訊者卽不敢繩以誣告之律一讞再讞雖無可得之罪而一家之產罄矣是投牒之時告者已立不敗之地下檄之日被告已無自全之策況彼奸人原無家業一息尚存又何所失但使上臺有受其訟牒已志滿意得爰書之曲直久已實之度外矣惟當審慎于受牒之初見其確有足據始下其牒于郡縣務令詳核閱實其罪者卽置重典苟其不然告者亦抵以應得之辜上不存姑息之心下自獲和寧之福矣又何鬼蜮之足慮也 國家用鹽筴以佐大農其所從來已非一日歷代殊制南北異宐無容悉數以吾省言之召商行鹽爲前代成法我 朝開勑之初間有計口納稅而聽民間自相貿易者寔良法也後恐迹涉私派遂令元停仍復召商之例如敝縣在官止有一商課金額僅六百彼乃呼朋引類動數十人分地列肆亦數十處彼將射利民則何堪誠獲私販卽蕩產斃命固其宐也間有東邨買鹽西邨獲之已爲盜販南店售

紀田集卷五

三

鹽北店見之亦稱私商拷掠索取備極慘毒一歲所網地方之利不下三四千金而國課仍多逋欠者以此輩原屬市井無賴一旦既得重資即輕裘肥馬選妓徵歌不旋踵而蕩然無餘非如南中巨商家本素封量入爲出子孫可世守其業也敝縣戶口四萬有餘每丁斂銀二分其額已足且與徭銀併征不覺爲煩國稅以辦而民間所省者不可訾算矣一邑如是一郡可知一郡如是通省可知此當亟爲題請者也至于懋遷有無爲天下之通義況水旱凶豐寔四方不齊之數賴賴轉粟以救之是以有凶歲而無饑民今之有司往往禁糴于其境中昔秦饑乞糴于晉晉人弗與慶鄭尚譏以四失迺今天下一家誰非

杞田集卷五

三

朝廷之赤子而斥言過糴是誠何心說者謂天災流行彼地已不能支今復聽其移粟我地亦將爲之續矣不知上爲民謀不如民之自爲謀彼其出而與人相貿易者皆其蓄積之有餘者也且薦饑之方誰肯坐而待死糴亦必不能禁其令一下奸吏蠹胥卽劫制商販恣其啗食豁壑已盈仍聽之去是禁制之令徒爲若輩賈利之地耳何如定爲

厲禁有乘凶荒而閉糴者罪之卽爲常平之善政商賈孔無吏胥之擾矣生民利病固難指數目前所急莫此爲甚故翫縷言之若夫利害之僅在一家僅在一邑者則屬私情何足以酬愍愍下問之意乎貞之所言儻有可采幸卽告之撫軍因人情之患苦更一方之弊法其爲二東造福不可窮極矣

碑

前知安丘縣事三原房公遺愛碑并銘

嘗讀班史循吏一傳其言政蹟人人殊至言治效

杞田集卷五

西

則所居民富所去見思生有榮號死見奉祀未嘗不同趣而合轍也夫去後之思死後之祀豈循吏意中事然非此不足以徵其功德入人之深且遠也若三原房公之令安丘也在前崇禎丙子時明社將傾國計日促民生日困天下不復有可爲者而作令爲尤難公承其敝撫馭吏民一切以威愛劑之近者閱月遠者浹歲莫不就理渠丘城惡傳之自昔公初至卽損奉脩築增高三尺有奇增厚稱是樓櫓守禦之具咸備焉厥後盜賊蠶起環攻數四而屹然保障者公寔遺之也明末急催科而

里豪率度畝以逋賦至是又多寄托藩王家賦滋不均人以益困前令莫敢何問公請于衡國得其籍假借者不得行其弊遂蘇邑部景芝鎮舊有糜絲麴蘖諸稅公以其厲民悉捐之至徭賦之羨嘉肺之積毫髮亾所入私橐也庚辰大旱蝗公跣而禱于電泉神祠有應親率民驅蝗蝗皆出境又籍收饑民作糜飼之全活者衆公餘燕閒大脩孔子廟每朔望後一日輒詣學宮朝諸生而考課之勉以文行皆蒸蒸嚮風公治尚嚴明胥吏日在詹睫間而畏之如鬼神若聽斷則孳孳務寬平故鄰

祀日集卷五

五

邑爭訟不決者皆投牒上官求公質成諸城咸甲有疑獄案已成矣公一訊得情釋之遠近歎服其動止以禮意所不可雖顯貴不能奪有寺人持中丞節巡行山左勢張甚所過有司皆束帶郊迎左右以告公毅然曰安有遊聖人之門而折腰于宦官者乎竟引疾不出監司某性貪殘郡邑餽遺無節公往往垂囊謁之遂緣上計誣謫公河南行省幕僚去之日邑民遮道挽留不得則去數百里祖送之公之去迄今垂五十年父老子弟去德茲永思德茲深相與輯其治狀請于學使者祀邑名宦

祠意猶未已復請于今令成公取其政蹟勒諸堅珉以示孔孔而其辭則以屬余余以公之死而祀去而思既與前史循吏有合而渠人能思公之功久而不忘皆盛事也故樂得而論次之公諱建極字秉中陝西三原人崇禎四年進士除河南新鄉知縣持母喪歸服除補安丘知縣謫河南布政司照磨遷山西太原推官擢兵部車駕司主事未赴值國變以憂憤卒事功節義不勝書獨紀其著于安丘者如此新令成公諱象理字璨岳順治八年順天舉人仁惠撫民與公治化前後相輝映于以

祀日集卷五

五

纂公事行以劔石有力焉法得附書因系以辭曰相彼牟婁山墮水旋鬱蔥鬣鬣餘二百年忽來良牧振古莫前如玉有瑞百行備焉君恩何私迺藉斯賢威儀棣棣訟庭肅然冰稜玉尺不名一錢春兩霽霖冬日暄妍黃耆穉齒戴均二天方歌來暮孰促其遷公身則遷聲績攸傳裴回追憶久而彌堅肖形于社昭德報虔剖羊炙豕祠鼓闐闐載勒豐碑大書淡鐫吏師臣鵠千秋式旃

祀日集卷五終

孫男敬

杞田集卷六


傳

劉先生傳

先生諱公言字德白姓劉氏父諱瑜世襲青州左衛指揮僉事先生其仲子也生有異徵少為文章空明駘蕩一洗程式熟爛之習及補諸生鍾尚書羽正方致政里居開文社以收郡中士先生稱高第弟子會日尚書必設酒相勞以文成遲速為授

杞田集卷六

爵前後先生削彙最捷故常得先酌焉益都令某公父子掄元所謂以經義擅場名家者也嘗奇其文擢諸生冠迺數踏省門不見收輒謝去舉子業專肆力于詩古文詞即事觸緒矢口成篇世之輟材小生含筆腐毫研精覃思者終不逮也汲古之餘笏及方術諸家而尤邃于星命之書以人始生年月日所直星辰推人壽夭貴賤不失豪髮蕭川韓君允嘉累困鎖院先生謂其一生科祿皆會于戊當于是年得舉人以成非鄉試期疑之迨順治三年山左再開省闈寔為丙戌韓君果舉于鄉及



戊戌始成進士其信而有徵皆此類也晚年與先君論數學有合故好游安丘余八歲當就外塾先君即請為童子師先生抗顏高坐頌禮詳明其立教也先揖讓後誦習身示軌物未嘗以夏楚為功教授之暇跋履行堂中吟諷不絕潛聽之皆推獻未就之詩也會先君有事都門即告歸亾何先君棄代先生徒步來弔望門而哭不勝其慟時以為有磨鏡之風已丑冬余就試郡城先生已皤然篤老下簾賣卜余入其肆中雖寒窻紙鐙敗幃瓦枕錯處其間而殘墨沾灑題詩滿牆猶然名士風流也自推命數年七十當死但不至藥裹糾纏牀蓐淹頓差異世人耳歲在辛卯年數適符老妻借春鄰家先生閉門獨坐及啓扉先生死矣然則先生之術其亦神矣哉先生詩最富所著五行之書亦數種鏤版行世者惟投老吟一卷斗數九辨一冊而已

杞田集卷六

張貞曰先生貌清古性嚴峻余聽讀時所授書必令其無少齟齬乃已嘗記余誦魯論至足則吾能徵之句一字偶訛先生操齊音以相訓瞪目顧視抵几疾呼迄今思之猶若自其口出也俛仰今昔

已餘四十年每過郡城併個其里巷不惟先生之家溘然向盡卽宗族戚鄰亦漸就漸滅久之而知其姓字者或寡矣余于暇日竊放蘇東坡記張道士易簡葉石林傳樂君嘉之意撫拾其一二軼事以識不忘因念當日者先君爲子擇師先生指授諄切習中皆作何想而余乃百年過半猶然昔人故論次之餘不無遺恨云

汪君蛟門傳代

汪君蛟門子丁未所舉士也往予承乏少宰謬典銓衡每思得才賢士以需世用及主禮部試闈中

紀田集卷六

三

得蛟門之文而喜徧語同考曰茲其所謂才而賢者之言歟及徹棘君來魁梧俊爽英異之色時見於眉間予則益喜以國器期之是後君以試得中翰予亦濫秉政與朝夕從事見其治辦嚴恪遇事疏旁午援筆疾書無一字遺誤事畢出署卽鍵戶讀書入直亦挾策橐筆于殿閣之側披閱校讐朱墨狼藉至丙夜呻佔聲猶徹直廬爲文峭潔師半山而以辨是非別邪正爲主本時楚人朱方旦潛住京師妄言禍福朝貴多爲所惑君獨著辯道論闢爲妖人熊公敬脩聽其言親詣邸舍定交而

去不數年朱果以術敗伏法至其有韻之語由三唐入復上溯漢魏六朝以窮其源且沿及宋元以博其趣擬議成變日新富有久之而創獲于法外神解于象先自成一家人莫測其所從出也戊午上命舉博學鴻儒王公胥庭陳公學山交章薦于朝時君以父服未除堅不就試亾何徐公立齋起監脩明史特薦者七人君名與焉旋補刑部主事兼領史職君雖一意纂脩而尤精心聽斷南城人武某以車馬販米南花園董某者殺而取其資載尸于車策馬信所之偶止劉氏門董父疑劉殺其子訴諸官獄已成君覆案曰殺人而顧留其車馬于門邪白尚書請任捕賊責明日出南門縱所獲馬君徒行以隨馬至董居鳴躍而入則武氏米囊猶在也董卽引服王某者自殺其病弟以誣人君潛察得實忽有二人稱藩邸使者謂囚王輿夫也欲挈之去君曰囚重犯法當死卽王輿夫亦必奏聞二人大懼逸去君之決獄其明辯守正多如此故極爲尚書魏公環極所倚重

紀田集卷六

四

皇上亦知其才屢詢姓名行且召見乃竟罷官以歸君旣歸匿迹郭外不接賓客不通饋問惟取

藏籍縱讀之詩古文詞亦益工每一篇出不經而走四方矣乃其胸懷鬱盤約結逼塞若漠然無所向者竟以此卒則康熙戊辰四月十一日也壽僅五十悲夫予壬戌謝政君亦未幾免去予歎曰蛟門今之所謂才賢者也

天子愛才且求治若渴雖蹇出當復還戊辰冬君凶問至予驚慟欲絕于是又歎

朝廷失一士矣凡予所望暫不可副而天亦於是乎不可知矣次年春君之兄叔定布書具狀乞予傳其生平叔定名耀麟與蛟門竝以詩文雄海內

杞田集卷六

五

世所稱二汪者也遂爲之傳冀以慰君而塞予悲焉君諱懋麟字季用蛟門其別號也歛人系出越國公而徙於揚高曾以來代有隱德至父諱如江忠信端慤爲鄉里典型以君貴待贈承德郎子兼有父風所著百尺梧桐閣集文八卷詩十六卷詩餘一卷行世沒後叔定又哀輯其遺稿十餘卷藏于家

贊曰予始以文字知蛟門旋起而登館閣官

禁近一時大著作多出其手雖古之良史何以加哉迨其徊翔郎署聽訟廉平執法不撓且能辨難

明之獄則又居然循吏矣於乎循吏良史舍蛟門誠無足以當之然循吏良史遂足以盡蛟門也乎

參議畢公傳

公畢氏諱忠吉字致中晚號鐵嵐青州益都人世居金嶺鎮曾祖考兌祖考懷德考受基世有壹行考贈奉政大夫工部屯田司郎中贈公有丈夫子六公長也少好讀六經旁及唐宋大家之文作爲制義颺發泉流一洗場屋熟爛舊習順治丁酉年二十二舉鄉試第三明年成進士除江南常州府推官時漕事久壞將卒驕悍漁食單赤莫敢何問

杞田集卷六

六

公監兌錫山其桀驁如故公以柱後惠文治之不少貸運軍大譟盡甲人情洵洵公不爲動執法益堅竟取渠率寘重典其變遂定公聲蹟蔚起極爲上官所倚重撫軍韓公嘗云吾以東南半壁專屬畢君亾何註誤鐫級歸里公以父母年高侍養不出及遇大故易戚中禮兄弟析箸產取其薄孝弟之行鄉閭稱焉再謁選爲蠡縣令首革邑中鋪墊錢三千緡奉檄查核欺隱田地比縣有額外察出者皆藉以增秩公則令其自首遇有糧無地者抵之以蘇民困未嘗自以爲功也考功課最擢刑部

湖廣司主事公明習法律聽斷平允爲同舍郎所
矜式轉貴州司員外郎辛酉分校順天鄉闈得人
最盛來年狀頭蔡君升元卽公所取士也進工部
屯田郎中秩滿升僉事提學貴州丁卯鄉試與選
皆其前拔者竣事遷雲南叅議分守永昌撫卹調
劑兵民晏然上官知其才糧儲驛鹽兩道闕皆以
公攝之勞瘁成疾遂卒於官公性度明敏勇于擔
荷其居官也案牘山積手批口決老吏皆爲吐舌
余頃游京師見事幾之會聚訟盈庭公一言便了
衆所遜謝莫或敢承者公直以身任之至慷慨用

祀田集卷六

七

財揮斥數百金如脫敝屣也王重慶銘公謂輕財
好施而非邀名介節清操而非矯激世以爲篤論
公沒時年止五十有八男子二人曰濬候選知縣
有父風曰靈諸生孫男海楨貢士海樽監生
論曰少叅公豈不誠循吏哉昔孟堅傳循吏謂其
所去見思死見奉祀夫思與祀雖虛名然非實有
及民之政亦不能彊邀于身後聞公卒之日百姓
相與賦斂致奠醊喪北歸無不巷哭以過車且爭
上其事臺使者祀諸學宮公之所得於滇民者如
此里中父老子弟復於其所居之旁建特祠以祀

每值公生辰四方之人和會成市持魚菽拜祠下
者袂相屬也則公之鄉行抑又可知矣一循吏顧
足盡公乎哉

楊石民先生小傳

萊維楊先生者諱青藜字祿客賦性厓異讀易至
介石之貞心焉慕之故自號石民少不學十六歲
始識字十八補縣學生試有司多第高等赴鎖院
獨不遇卽遇亦僅中副榜性喜博綜家貧無所畜
書多從人貸且讀時有得輒歔歔流涕曰當吾世
而有若人乎同時失之可恨也每期徧歷天下求

祀田集卷六

八

如古人者與之游卒不得益其自處太高與物太
峻孤潔嚴厲有出乎人情之外者燕居衣冠必正
視履必端道遇糞蕪及冶容必掩面却步或遂遶
巡而返兒童輩戲以不潔置其門則終日不入亦
無怒容工詩賦遺集具在讀昆侖篇知其學有根
柢讀寶劍吟知其習有經濟至于黃河賦則浩浩
數千言莫能窺其涯際矣總之磊塊抑鬱不得發
舒故形之言語時有奇氣自知不合於世亦不輕
以示人歲丁酉安丘劉少傅方貴幸用事忽遺以
書曰交淺言深昔人所忌某初信之今乃知其不

然夫有所爲而言者利於己之言也雖交淡不言可也無所爲而言者忠於人之言也雖交淺言之可也閣下之交某淺矣某之見知於閣下亦未淡矣某必欲盡言無隱者知閣下可與言者也某北海布衣近閣下居五十里聞自壯歲已入承明某素遠貴人之門故稔知其人而未覲面者四十餘年矣丙申歲某窗友子延在翰林閣下於其几上見某詩彙一卷亟稱之明年春假歸葬兄某時客安丘謬投某一札中有向在子延處得讀佳作知百里內有賢士久矣之語嗟夫古之所謂知己者

杞田集卷六

九

以道相尚不以文相詡閣下之知某獨以詩也哉閣下之知某淺矣某之見知於閣下亦未淡矣某必欲盡言無隱者知閣下可與言者也卽以閣下不欲聞之言進之可幸無罪也某聞之登高者不極其巔揆淵者必避其險非巔與險之果能危人也恐至而忘所處焉危斯乘之矣今閣下位列台鼎巔矣險矣能退則退善矣不然而優游歲月伴食中書雖無補于國事或亦可以自全迺某伏處草茅稍有異聞焉龔芝麓之鑄十三級則以蜀維分塗也趙清止之坎壞終身則以避馬未遠也周

欒園之擬以立斬則報復睚眦也陳百史之無辜伏法則與爭權競進也其他訛傳尚多事關鴻鉅有傷國體有干名教諒閣下所必不肖爲者故未敢輕信而妄言之卽此數端苟其有之亦足招尤矣其居鄉也檢束家人固爲得法其間不無一二跳梁者如時禁私鑿大車方軌而進皆謂劉衙湯鹽不許通洋大木連艦而下盡稱相府房料所在有司莫能何問至昏因田產與舍人子有連者雖抱淡冤孰敢興訟諸如此類人人側目而閣下固未之知也直指程君旣稱顯秩按部安丘亦重事

杞田集卷六

十

權乃與盛倂并轡入城未至尊府半里許卽下車步泥淖中又過半里許然後升車有勢如此他人以爲榮有道如閣下能不懼乎不幸而傳之朝廷功耶罪耶閣下高明盍一思之閣下之所居與閣下之所行衆忌之而欲擠之者匪朝伊夕矣迺知進而不知退知存而不知亡竊爲閣下危之今日惟當速解相印投劾歸田借二三素心之士却詩文談性命何樂如之沉閣下之位人之欲居者衆矣閣下歸則大察必喜

上亦不怒族郇戚執咸烹釀醴以尋舊好亦人

生不再覲之遇也某之有言非若昌黎老泉之鳴號知已欲有所求而言也直爲閣下耳閣下貴盛之日久矣不謁之於昔而言之於危疑嶮巇之際求人者必不若是某學宗東魯以道爲進退非但無所求而已感閣下先施之誼又託在同鄉不能墨墨而亟欲効愚忠於閣下也聞之智者能謀勇者能決某之言無可取焉則已苟可少裨萬一而輕棄之恐亦閣下之不再聞者也語云當斷不斷反受其亂儻謂

帝眷方殷猶與不決厭心一生卽欲退而弗及矣

紀曰集卷六

二

伏惟閣下留意焉相國得書雖不能用然亦無以難也先生晚年移家安丘潛心性理之學掃除一室匿跡其中密於窗隙閱之正襟危坐聲聞俱寂一編自對則維閩諸先生書也間有披其帷者不發一語坐久彌恭祇覺冰雪之氣逼人而已先生從不問家人產老來家亦益落寄食友朋而行止自如絕無依人倜傥之狀論者以爲有古介士風年九十而卒葬安丘東郭外

贊曰先生規言矩行目無旁矚見者皆笑爲腐儒及有激於中侃侃而談無所回避居然天下之大

勇矣使相國能用其言於未敗之先一身旣去人可漸與相忘奈何沈溺故常壯往不已世祖皇帝亦漸疑之言官因盡發其私天子震怒簿錄其家子孫隸籍旂下及上疾彌留遺詔罪已猶謂其偏私躁忌浚悔夫斥逐之不蚤相國聞之自恨以死或云有他故不忍言也於乎相國之罹甌酷已極矣然甌不酷無以徵先生之識迺識雖高而究與魯公之塾師平原之館客同其無用也惜哉

陵縣司諭李公譜傳

紀曰集卷六

三

公諱起庸雲子其字孝廉玄錄公第三子也兒時已嶷然不與羣穉伍孝廉公愛之曰受吾書者必此子也弱冠能屬辭藻思鬱發學使者每試必列前茅餼學宮于省試往往不得所欲及程式之文出又不能盡出公上也康熙己未循資膺歲貢入對大廷又明年試於吏部以幼學經濟冀沾一命以抒所蘊壬戌部選得陵縣教諭檄未至而公已先期卒矣遠近聞之始歎數奇也公有至性事孝廉公無違色旣以考終柴毀骨立嘗念不能終父養則專其力以事太夫人下氣怡聲御食佐餼扶

持抑搔如孺子太夫人意有所向公必先之昔人所謂視無形而聽無聲者公寔有之矣其處兄弟易衣共研不減古人當拆箸則盛推其園田以授之而取其餘不合親友不立盟契蓋交相讓焉長兄物遺姪劉公敬養四十年不懈弟善病公調食飲時起居隱於湯藥者數年未嘗告勞兩弟逝且無子亟爲立後鞠育勗勉俾咸成立撫幼弟熙熙怡怡終其身無間言公故稱渠丘盛族獨抑抑思以下人閉戶靜脩訓課子弟門以內皆有禮法數語以祖宗忠厚勤儉之道或以橫逆來輒異語謝

杞田集卷六

三

之不較也與人交敦然諾急人之難甚於己其爲德毋論毋責報亦旣成而自忘之公業以長者鳴環郡邑一時臺察問俗采風輒以行設旌參議張公能鱗至表其廬爲蓼莪可風督學某公則謂其純孝格天矣見者皆以爲確論云公生于天啓壬戌八月二十二日卒于康熙壬戌三月二十九日得年六十一

馬仲君傳

君諱文政其先北平棗強人明初避花馬賊亂遷居青州之安丘父志善生四子長文寶君其仲也

文寶諸生時當上丁大祀孔子廟諸弟子員各執其職文寶亦與有事焉薦裸禮成笙鏞既止籩豆告徹百執事事訖而退已犁明矣見殘火熒熒廊廡間文寶取一燭跋照歸私室有司聞之坐以擅取大祀神御物律戍陝西莊浪衛文寶念守法素謹一旦罹此旣大悔恨更以先龍繫心難其行君慷慨前曰兄旣不幸觸文罔妻孥倥然何堪遠涉邊徼請以身代文寶沮不聽竟荷戈往其後子孫蕃衍爲莊浪盛族多以扞禦功獵位偏裨者兩地音驛至今不絕馬生恆謙文寶八世孫也排纘其

杞田集卷六

四

事蹟門乞傳曰吾家自高祖以來得不棄親戚去廬墓猶爲渠丘編民者無非先從祖之德其何能忘然欲使之不忘而傳之永久者惟吾子是賴子讀其狀知先朝之法凜然不可犯而孝弟之理猶存于人心皆佳譚也故樂得而書之

論曰宋浦江鄭德璋仇家陷以死罪當會逮揚州其兄德珪哀弟見誣以身代之竟斃于獄子每讀史至此未嘗不歎息流涕想見其人今觀文政兄弟間其行事何相類也世之人友朋徵逐飲食游燕一言相合指天日真若骨肉可託以死生者至

天倫之變反視若秦越偶與禍會本無可累輒避匿不出且目笑之或轉附他人相為齟齬焉以視文政何如也

知非子傳

知非子者吾邑馬君鳴寰逢伯也東脩勵志老而彌篤故以知非子自號而人亦因以稱之云始祖至善明初自棗強徙安丘七傳為諸生四教則君父也精於三禮以其學傳君君習之不懈遂明其經補校官弟子而又轉相授受吾鄉學禮之士必奉君為大師焉君為教不拘拘藝文抗顏嚴規條

北田集卷六

五

用古小學法以六德六行先之故得其指授皆諳曉經義循循雅飭無躋弛自喜之態由是聲稱奕奕多延致家塾訓誨子弟卽未委質亦造請時時戶屢滿矣蓋君寔篤內行孝友淳至五歲哭其母宮痛貫心骨如不欲生繼母即性嚴厲君下氣怡聲委曲承順雖楚撻弗怨有所生皆視若同胞焉事父色養甚備燠寒晨昏未嘗失節及沒含斂盡禮哀毀骨立其顏而膚腴終身不能復其舊也至讓產以為兄居質貸以為兄娶瑟祭祀以孝先脩譜謀以合族皆人所難能者其處世也好脩君子

之行盜夜入室既就執矣憐其迫於饑寒釋之偶出見甲乙力鬪於衢市則貸錢而不能與其息者卽為代償以平其爭無故不當人之惠有貸於人必不敢負其人卽死亦償之殯宮無子卽以羊酒祭其墳嘗試在高等應廩于官為有力者所奪弗與投癸甲之交寇攘狎至戚鄰避亂來歸者分宅與居資以薪米繼用畢具敝而無憾逮下尤有恩義婢子及笄令其父自嫁之不索直也平生所為多類此中年讀史見異聞奇事可以警心目資勸戒者星鈔月纂隻字弗遺遇後生小子輒置論

北田集卷六

六

說證據發明窮極指要務為之聳善而抑惡焉自以優蹇數奇不用於世故假蠹書汗竹以寄化導之意此可以觀君志矣君素彊無疾一昔卒則康熙三年八月也得年七十有五子恆謙潛心理學吾黨皆高其行是真能繼君志者贊曰漢世去古未遠猶有忠厚純固之風故武帝初立首問天下長者而田叔引孟舒其後選可為太子傅者則用萬石君景帝置相亦以魏其為沾沾自喜而用建陵侯綰此可以覘其時之所重矣乃至乎今不乏卓犖跌蕩之材而求其秉心不競

克脩退讓之行則未易一二數豈時至輒近世遂絕無其人歟抑其爲世之所不尚有之而人以稱歟若君之仁心爲質犯而不校可謂不陸沈於俗遺世獨立者矣雖古之長者何以加哉

馬孝子傳

馬孝子者名純錫字錫嘏青之安丘人祖逢伯事後母以孝稱余別有傳父恆謙潛心理學從吾邑劉崑右先生得聞考亭正緒故篤脩內行自悔父母沒時執喪有遺禮復疏食四年以補其闕孝子不唯沿襲家教且天性醇慤事父母終日侍側常

祀田集卷六

七

依戀不忍離去至下氣怡色尤人所難能者甲戌母病日鬻糜粥奉湯液歷五月不少懈病既革聞病者糞苦澀則瘞甘滑則劇卽親嘗之知其滑謂無生理矣焚香願天願以身代及沒擗踊自擲頌絕而後蘇勺漿不入口者數日其子復襲揆綴斂殯奠耐悉遵朱子家禮葬前豫營菴廬于墓次比及行殯停柩其中掩窆之後告其父曰兒生餘三十年未嘗離吾母今吾母委體魄于無人之墟兒忍獨歸乎遂止居焉負土成墳且暮上食飲伏地號哭聲徹四野聞者泣下余遠游乍歸亟往省之

見其難斯徒跣兒戚意哀羸悴幾不可識殆毀而滅性矣周疇廬舍餅少儲粟突煙不起一苦一塊外別無物具也時當寒冬陰風吹雪蕭颯有聲白楊松柏皆若相其悲哀者余歸而慘抑累日遂造

馬孝子傳

爲說者曰昔人論孝以割股廬墓爲失中使如此而不得爲孝之中則夫于親之死尸骨未寒葬尚淺土卽羣立旅行飲酒食肉而處于內者乃足以爲孝之中乎余自束髮觀史冊所傳古孝子之心雖未敢必其無然歷四十年竟不獲一遇烏乎

祀田集卷六

六

余豈意于吾身親見之也且其父六吉爲余莫逆交數共晨夕每見諸郎周旋救慎無子弟之過以爲家學所被無足深異不意其遂能爲絕人之行若是也因思世之如孝子者不少其人特以不獲目覩故謂爲希有爾今幸見之矣可不亟書其行以爲當世勸邪康熙三十三年冬十一月朔日里人張貞撰

馬太孺人劉氏傳

安丘馬氏自前明以逮我

清相繼百年代有顯人祖孫父子兄弟皆中名第

昏姻亦多大家世胄婦姑相承以德凜然克配遠
近稱之無異辭至劉太孺人爲少傅大學士正宗
第三女巡撫江西僉都御史馬文煒之曾孫婦處
士友龍之孫婦儀部應龍黃門從龍之從孫婦太
學道勸之婦文學長祜之妻鴻臚序班良顯之母
也幼有美質懿行少傅奇愛之爲擇所歸得文學
公既嫁印事俛育上下室之文學公性豪爽精騎
射好爲游間之行每出輒數月不歸而家事自理
壬午之變文學公遇難海上親故斷絕僅奴散盡
孺人獨力飭治其喪時方沍寒襁斂樽積皆親自

杞田集卷六

元

經手十指皸瘵備極茶苦比其北歸孺人扶轉設
旒榮榮返葬歷數百里如堂適庭既抵里闔廬僅
存甕盎無朝夕儲孺人甘齋鹽警鈴索不數年而
廳屏肅穆中外秩然又分其力以治外家蓋少傅
官禁近浸假而操化權參大政常居京師以家棟
授人多不可其意至是獨付孺人孺人綜理精密
其馭家衆少長貴賤有節度其處戚鄰親疎遠邇
有定衡少傅遂忘內顧焉至其教子一以嚴恪鴻
臚君稍有子弟之過輒笞咄不少怨鴻臚君亦畏
憚如嚴君觀其色變卽惴恐莫敢舉目眦及長道

從碩師游節縮服食以資脩脯聞名勝士相過則
喜肴核茗禮各以時至有不給鬻假稱具無難色
鴻臚君卒能于寂寥息歇之後致身通顯爲時聞
人迄于今蘭綺歸然鼎食如故孫曾繞鄰鸞鴦停
時孺人寔有以啓之也於序非有庭闈之訓固不
能成其子非有閨門之化亦不能成是婦故余述
孺人之行必本之馬氏家法焉余徇鴻臚君之請
稍采孺人平生大節而爲傳至生卒昏嫁與其它
在法當書者皆略之以曹儀部誌銘已詳思再告
也

杞田集卷六

元

贊曰余讀斯干之詩謂婦人之德無非無儀唯酒
食是議此自爲荏弱女子安處貴盛委蛇房瑣者
言之耳若夫當流極之運風波震盪坎壈百罹一
失彌縫則宗祊莫保一忘綢繆則家聲立墮苟非
德足以任重謀足以經遠吾恐儀不著而非寔叢
之矣然後知無才爲德之說非通論也今觀馬太
孺人處常能用其剛簡處變不失其整暇則女而
有士行矣故官斯土者莫不式賢母之閭或以綽
楔旌其門曰巾幗須臾即是可誌可以表亦可
以爲傳矣夫康熙甲戌臘日同里張貞造

張節婦傳

張節婦者安丘孫翁鳴球女年十六適同邑儒生張大烈明年生子中謙又四年壬午

王師徇山左薄安丘大烈被執至壽光見殺凶問至節婦即絕食飲欲從夫地下其姑指五歲兒示之曰張氏一息唯在此兒汝死我即死此子豈能獨生汝夫不血食矣節婦俛默久之遂不復言死亟議往收夫骨家人以烽火荆棘不可行沮之節婦毅然奔赴未嘗一回顧也抵壽光時已溼夏積屍經暑形容盡敗求之三日弗獲每悲哭即有蠅

杞田集卷六

三

入口不能成聲節婦自矢曰不得遺骸吾不歸矣一慟幾絕從者忽見野中一屍作起伏狀指以示節婦節婦視亦然即之果其夫也載歸厝于先兆歲時以手撮衿承土增冢輒呼天號泣一往一還未嘗停聲行路聞之皆為灑泣兵定後歲復大侵時嫡姑李氏姑鹿氏皆在堂熒熒母子無以自存有欲令之更離者節婦志如鐵石誓不再適然家窶甚甌盎無朝夕儲遂歸母家母家亦新毀于兵節婦靡日靡夜躬力紡績勤女紅以資兩姑羞服惡衣惡食身且甘之矣何姑鹿嬰寒疾節婦晝

夜不去側貧無以為饘醢費翦髮數縷易錢供之

已而鹿復病洩痢委頓牀蓐間節婦扶掖臥起中幕廁踰手浣洒之不自知其為穢也歲丁未姑李又病節婦稽首百神乞以身代疾竟不瘳飭喪治葬舉無遺禮人稱其孝初節婦所生五歲兒中謙多病每病節婦即涕泣不食曰兩世孤嫠以兒為命兒病如此可奈何其憐愛保護皆加于人一等卒得無恙既長擇師訓之且厲以行諒中謙能承其教吾黨之稱醇謹者必為中謙首屈一指焉中謙好從余游余故知節婦為詳節婦卒中謙屬書

杞田集卷六

三

其事今且葬矣來請益力推其意蓋謂余之果能不朽其母也余甚愧其意而不可辭迺采其大者著于篇

贊曰張氏于吾邑稱舊族婦人女子亦漬染家教節婦之適大烈也僅六年而大烈死節婦年才二十一耳六十有七而沒節孝凜然又能明于大體如此誠可為敬仰哉至節婦覓夫屍而見其率率欲動雖近語怪非傳所云孝悌之至通於神明者歟不然學者多言無鬼神而又言有物者何也

馬烈婦傳

馬烈婦閭氏青州安丘人父曰敬賓烈婦生而淑美善女紅長適同邑馬必泰子元成既饋而公姑交賀妯娌咸稱其賢必泰四子皆分箸出乃獨與元成居寔以新婦婉順能承膝下歡也歲甲子元成忽遘瘵疾烈婦憂之甚晝夜視藥餌罔怠見其夫痰悶喉中喀喀作聲輒豫以手承之疾可歲餘咳唾未嘗至地迨元成病革損及食飲烈婦如之已而日僅進一粥烈婦如之屬續之前絕水漿者六日烈婦亦如之元成竟死烈婦哭踊既絕而蘇雖不自言死而形神慘憺有求死之色且元成當

杞日集卷六

三

彌留時自知不起與諸親訣別以好語相勞勉款曲周至人人異辭其與烈婦最篤顧獨無一言及烈婦烈婦亦不刺促牀頭乞請遺令家衆已知其避人祕語意必有在矣遂嚴視之更三日歸寧其母牛已先下世泣拜其父所言皆劬勞罔極語又拜其弟曰此後無復望我矣送往事居是誠在汝其勿僥倖貽堂上人憂也即日歸家人知之防閑益密欲呼鄰嫗伴寢烈婦曰東家小姑可與共話何必攪老人夜眠邪其意蓋以少女易寐俟其睡去可得自裁耳姑覺竟以老嫗伴之又更八日其

姑偶出爲姻家送葬烈婦取粟令其婦礮之作糜復給其舅覓菜市中反關向嫗于別室乃繞出孝堂後由北扉入躡棺而上先以繩自結其頸後係棟間足甫離棺烈婦死矣死後家人入室見其洒掃几筵炷香于壺面柩而溢顏色如生真可謂之從容者矣烈婦十五歸元成二十七喪夫後其夫十二日死時康熙二十五年三月初六日也

杞日集卷六

丙

張子曰烈婦居邑之東郭其地故有王烈婦曹李烈婦劉十八年間袂相屬也豈其遺烈所被遂成風俗歟聞之女德有成莫不藉師傅保姆之訓詩書圖史之戒瑠瑤珎珮盟柳繹壘之節迺彼三烈者王氏猶曰士族若李若馬皆生于闈闈識不由教志不由暱而慷慨就義矢死不回若此又聞閭女之死必泰方懼無以質其婦翁乃敬賓聞之怒而喜曰吾有是女子乎門戶之光也居然詩書禮義之家矣噫詩書禮義之家果能盡如是乎哉

張烈女傳

烈女張氏名秀徐州北郭名賢里人父全功母某氏烈女性敏慧寡笑言事父母敬謹先意承志有古孝女風稍長工縫績精烹飪佐其母操作閨中

未嘗告勞年十五許字同里胡欽欽父方教之服
賈無暇及昏甫議昏而欽以暴疾卒訃至烈女慟
哭仆地誓以死殉勺水溢米不入口取其匱具悉
焚棄之母謂之曰汝在室尚未得爲胡家婦何遽
至此女曰兒聞女子從一而終無改節易行之理
此身業已許胡郎生死以之矣敢二三其德乎且
所天既失兒將何依唯一死相從地下無他計
也父母鄰前有吾兄吾弟及吾姊在足慰晨夕何
須戀戀一女子兒志已決父母憐兒幸從兒志固
極深恩當圖報再世耳勸之益力其念益堅拊膺

北門集卷六

五

長號不眠不食者三日夜值防護者疲殍假寐烈
女乘其隙遂投繯以死及斂而色不改時康熙三
十二年五月廿五日則其夫亾之第三日也烈女
年二十有一

張子曰予以癸酉九月游彭城去烈女之死僅逾
百日州人競爲予娓娓道其事且言前此已有丁
章王三槐殷柏女皆以處子而殉夫予讀前史謂
徐之人士挾節任氣豈其風尚所昭男子婦孺固
不必有間歟不然何奇節偉行若是其纍纍也或
以禮有女子幼從父兄嫁從夫之文遂疑其過爲

矯激予謂夫婦猶之君臣也身受其聘則皆婦身
居其國則皆臣均當有常變不貳之義焉必于歸
而後稱節服官而後名忠以近事論之東湖之樵
不得與正學諸公爭烈矣故以處子而殉夫未委
贖而效命倍足述也因泚筆記其事而褒崇表揚
之典則不能無望於操風厲之權者

李烈婦鞠氏傳

張子曰甚矣節烈之少槩見而傳之不可以意期
也卽以吾渠論之自有郡縣來已有此地其生人
也爲夫爲婦不可以稊米計不幸而其夫先亾者

杞田集卷六

六

什伯之一二耳夫亾而伏節死義者千萬之一二
耳夫死之如此其難迺真能死矣旣不得邀烏頭
雙闕之典卽區區無益之虛名亦不能必之於身
後豈不悲哉吾爲此懼苟其節義可稱雖里巷樵
牧之家必考求而告之諸父老更合辭以白縣大
夫此外則非吾力所可及矣無已則紀次其事以
俟異日之采風者作李烈婦傳

李烈婦者安丘鞠瓚之第三女同邑李譽之妻也
年十九歸譽歸四年而譽病父母令其養疴外舍
三數日烈婦必一出視之歷九月譽疾篤語烈婦

曰吾死矣汝何以為計烈婦泣曰君幸不死即死
妾豈獨生復私語移時譽知其志已決趣父市二
棺以待及譽卒家衆方環哭烈婦亟入內室噉一
嫗助之理妝妝成着常服出拜舅姑轉拜夫尸長
號數聲而止告其舅姑曰新婦欲為亾者下蓐屨
蠶遲一刻即一刻如刀刺願兩大人暨離此室舅
姑聽之去又令家衆悉出獨畱一小婢自侍結繩
于門藉交牀以升謂婢曰吾投環後即去其牀勿
遽啓院門勿遽解頸繫恐其復蘇也良久婢出而
烈婦死去其夫卒夜漏尚未移刻康熙丙寅九月

杞田集卷六

七

二十七日丑時也年二十有三

贊曰當與之死也訃至烈婦家鞠母曰天平壻遂
不可救乎吾知女志必隨其夫死矣未幾而女訃
果至婦有兩女長四歲次未彌月甚憐愛之死前
數日即絕其乳哺了無顧戀意此其忼慨赴義寔
皆決於平時眎夫變起倉卒激烈而死者已不侔
矣又豈可與不知自愛委曲以圖存者同日語哉
烈婦既死之五日芝生于梁正當其停柩處昔歸
震川之傳王烈婦陸氏也謂自烈婦入王士門其
家三年三生芝世謂芝為瑞草其應恆于壽考貴

富而於烈婦以死是可以觀天道也已余于李烈
婦亦云

杞田集卷六終

杞田集卷六

孫男扶輿校字

六

杞田集卷七

安丘張 貞起元著

新城王士禎貽上定

墓誌銘

誥授奉政大夫禮部儀制清吏司郎中曹公

墓誌 并銘

公曹姓諱貞吉字迪清一字升六別號實菴幼具夙惠初學為文章即有神解甫髫與弟澹餘同負雋聲辛卯澹餘膺鄉薦而公獨不利於有司益自奮厲博極羣書鐙誦浚夜不休年三十中康

杞田集卷七

熙癸卯鄉試第一甲辰成進士庚戌以推擇為中書舍人壬子余充貢賦入京師見公自公之暇專力攻詩與今戶部侍郎田公綸霞巡撫都御史宋公牧仲刑部郎中謝公千仞故國子祭酒曹公頌嘉給事中王公幼華刑部主事汪公季用更唱迭和都人有十子之目新城王阮亭先生尤激賞公詩為鑒定版行之自是學日益博名日益著人間以史傳故實相咨事雖隱僻公應對如流論者謂不減張司空在典午之代也所著有珂雪詩珂雪詞十子詩略暨後朝天鴻爪黃海紀游諸集共若

千卷此公之文學於古有考於後可傳海內之人無不知之者也公之由中翰出而同知徽州也平簡溫敏洗手奉公逾年政大洽會祁門令闕公即以材攝令事其治行非一而大者罷門攤船課汰磁土水車之稅祁人作却金歌以美之新令既至公首以貪暴相戒令不能從大反公所為未幾而閭左變起圍署罷市夸寵塞井令不堪其辱雉經以死人情洵恐致他虞太守請於臺曰非曹君不能定此亂遂檄公以往公故示整暇紆道游白嶽信宿始達徐抵其魁于法盡除其政之煩苛者

杞田集卷七

邑中外皆帖服及將還郡行有日矣公念邑中大旱亟用東坡先生虎頭祈雨法禱于西峯九龍潭虎首甫沈風雷驟起澍雨霑足邑人立石放生池記其事是秋復視篆青陽諸吏抱牘進曰兌漕例徵三千金為公私費公笑曰猾吏欲以腐鼠嘗我邪水次近縣門何須多金當事知我貧或不過督也宿弊遂洗又署安慶縣諸篆公治之如前政壬申計吏公首登薦剡視欵篆尚未竣事遷戶部廣東司員外郎以去癸酉遷禮部儀制司郎中其居儀曹最久於貢舉學校悉遵舊典政尚寬平胥

更有毛舉細過以文法中人者輒格不行公尤有人倫鑑甲子分校順天鄉試得解元王君顯等正副榜十二人多文章知名庚午分校江南武闈甲戌分校武會試丙子典試粵西所取亦皆奇偉之士安民而復知人又因以知公之爲吏能不負其所學者也公九歲而喪父宗伯公毀瘠如成人又痛宗伯公蚤世事母劉太夫人色養甚備與其弟同學恣友愛煦煦怡怡終身無間言庚辛之交公在中書澹餘爲少宗伯居同邸舍夜雨對牀銜栢譚藝兄弟之樂人豔稱之未幾澹餘以少宰填撫

杞田集卷一

三

貴竹公雷京師中懷結轡然而驛使月必三四至歌吟互答歲常盈帙癸丑冬滇逆之變澹餘身陷其中公進退維谷日夕惟以眼淚洗面辛酉澹餘盡節滇雲公聞之一慟幾絕作中秋慟哭詩五章其辭酸澹不可讀然後知公內行淳至不愧古人而非僅以文章名世者也公生而耆書以歌詩爲性命始得法於三唐後乃歿及兩宋汎濫於金元諸家世之矜言體格而以剽賊塗墜爲能事者公潑鄙之其爲人亦然介特自許意所不顧萬夫不能回其首也以是多取嫉於人而亦以是爲清議

所重會銓曹闕員

上命大臣各舉才望堪任者一人大宗伯特以公應衆謂其且峻擢而公病矣丙子十一月秩滿陞僉事提學湖廣引見之日以跪久膝軟不能起侍衛扶掖以出竟解官歸旣抵里猶與余輩數人脩香山洛社之會有司舉公鄉飲大賓亦能成禮不意戊寅八月偶失食飲節舊疾大作而公不起矣則康熙三十七年十一月四日也距生崇禎七年正月二十二日得年六十有五卒之又明年十一月二十日葬吾縣東北十二固之原配王宐人側

杞田集卷七

四

室李氏子男七濂邑廩生霖官監生需太學生候選州同知湛辛酉舉人揀選知縣澶太學生候選州同知澣涵尚幼女四嫁邑庠生王倭郡庠生韓助太學生候選州同知劉仁京歲貢生李桀孫男八曾衍曾符曾怡曾譽曾紹曾祚曾桂曾祐孫女六曾孫男二崇厚勉厚曾孫女一烏乎余與公生同里閉猶憶順治乙酉余才總角吾先君自外歸曰今日於劉太史家見其曹氏兩外孫爽朗玉立精神足以陰映數人真一時龍鸞也于時余雖不知爲何人然已竊心識之亾何先君厭代余以孤

童持門戶早通賓客既見二曹始知為先君所稱者因與定交且與其兄弟先後結為昏因同休戚共憂樂以肺腑相託者垂五十年此公之諸子目余為知公具狀請銘余即任之而不辭者也以嘗誌澹餘墓不復次其世家系之銘曰

不媚其骨不甘其言不薄霜雪而愛陽春其脩辭也得諸晉魏以上其立政也直追兩漢以前於惟實菴妮古成性絕俗非忤取往哲以相儼庶幾乎人中之龍文中之虎

通奉大夫巡撫貴州工部右侍郎兼都察院

祀田集卷七

五

右副都御史加一級曹公墓誌并銘

曹澹餘先生既卒之二年歸櫬里門予為辭哀之及其葬也其兄實菴舍人復持先生自著年譜徵銘于予因念實菴昆季為中外顯官二十餘年所交名公卿稱能言者何限而獨以屬予實菴之意固別有在歟其何忍辭謹按先生諱申吉字錫餘澹餘其別號也山東安丘人中順治十二年進士選內翰林庶吉士十四年授國史院編脩旋擢日講官充扈從十五年出為湖廣右參議分守下荆南道十六年歷河南睢陳兵備道副使十七年

轉左通政晉大理寺卿十八年以疾告歸康熙三年病痊還故職六年 殿試進士充讀卷官遷禮部右侍郎以

上親政遣祭南獄九年會試天下舉人知貢舉旋調吏部右侍郎十年改工部右侍郎兼都察院右副都御史巡撫貴州遭吳逆之變徇節雲南先生生而神氣秀穎八歲屬文拈筆輒就為父贈宗伯公所喜既孤與兄貞吉奉太夫人教益勵于學卒皆成進士以文章行誼名于時先生顧早達十七領鄉薦二十一成進士二十四官方面二十六躋

祀田集卷七

六

九列當其應庶常之選

世祖章皇帝方鄉文學親閱其卷擢第一自慶得人錫以錦袍令內侍量其長短等身衣之每兩月御試先生仍屢居第一金帛羊酒之賜無虛日

上在南苑嘗使使召先生以字不以名摺紳榮之

上擇詞林才堪外用者十五人先生與焉是時先生方膺殊寵皆望其有不次之擢乃被是命中外

莫測一日

上謂胡學士苑委曰朕慮曹某年少未習民事姑試之耳衆始知

聖意所在詞林外轉例許爲學使者同列多縱與之先生曰

上命將試以艱難而臣下遽請清華可乎遂出鎮鄖陽地處楚西北鄙亂山層峙郭外十里皆盜區先生以計撫之歸版籍者二千餘家海寇圍江寧三楚大震鄖正缺餉士卒洶洶勢將應賊先生移他餉給之重鎮以安先生所至得敏練聲而尤長于聽獄廷尉案牘山積疑信錯互先生亭質各當

祀田集卷七

七

人以為神會地震肆赦殺人者皆得不死其爲十惡牽連雖咎罪不免先生以為非法之平請宥之著爲絜令及貳秩宗磨勘場屋試牘前此多毛舉細故致干吏議者衆先生悉酌復舊章以寬之復取士用經義法請州縣得歲貢士于廷先生前後多所建白或報可或報聞或過時仍用其言莫非朝廟典禮國家大計也入佐邦治時銓事煩襍胥徒因緣爲奸先生持之甚嚴使僥倖者不得行甫三月而有撫黔之命黔中軍衛多于郡縣自文武途分事多掣肘先生悉心區畫奏改龍里等

五衛爲縣併安莊等三衛所于所近州邑以一事權凱里有苗警諸將欲張其功爭陳揆勦之利先生力持撫議招生苗雞講輩數十寨刻木約降乃安堵如故又以其地荒野人不知書遂刊房牘頒行所部復行月課以獎誘之不三年文教大洽十二年冬吳逆難作近制撫軍旣不得握兵柄而黔南大帥又已從賊中潰遂束手被執當聞變之初先生夜遣家僮飛章入奏疾馳六千里十六日而達都門

祀田集卷七

八

上始得吳逆反狀命將出師扼險固守故雖寇氛披猖終不能越西津關南尺寸地先生陷賊中無日不伺間圖賊庚申之夏蠟書赴闕密陳機宐爲賊所覺劫歸雲南竟遇害于昆明之雙塔寺寔康熙十九年十二月五日也年僅四十有六越三年癸亥四月二十五日葬于先塋之次以兩夫人附焉嗚呼當先生之赴黔南也上臨朝遣行兩宴于保和殿溫文誥誠錫予便蕃謂此行稱職當必大用上之所以知之眷之者至矣而所遭迺竟如斯然先生能從容就義死不忘君其亦可稱無負

也夫先生高祖諱一麟丙辰進士吳江知縣曾祖諱應墳太學生遵化縣丞贈徵仕郎光祿寺大官署丞祖諱銓太學生光祿寺署丞考諱復植諸生兩世皆以先生貴累贈至通奉大夫禮部右侍郎加一級妣劉氏相國少傅公女累封至太夫人初娶鄒氏封淑人贈夫人前先生十九年卒再娶魏氏封夫人後先生九月卒子男五人長沆次濤廕生候選七品京職次潘俱早卒次淑次澗女三人厚孫男曾衍先生長身玉立風骨稜稜好孤行一意意所不與屹然如山嶽不可奪卽嘖笑之微不

祀日集卷七

九

有輕以假人然性純孝家政非粟太夫人命不敢行與兄處終身無間言又推其意以厚外家外王父少傅公沒兩舅氏羈棲京邸左右萬端疾痛苛瘠若身受之其爲文章清適粹美而尤長于歌詩早學右丞嘉州自南嶽回沈鬱頓挫人比之少陵夔州以後蓋先生酷嗜讀書日新富有遂臻絕境非盡得江山之助也所著有澹餘南行黔行黔寄諸集若干卷凡此皆先生立身學問之大爲政事節義所由基者故備著而銘之曰

畢如者丘在彼東郭草堂之前回環岡道九九松

柏哲人之阡哲人伊何忒寒色正其氣浩然弱冠脫穎踐敷中外隄二十年恭承

帝命專城秉鉞檣柱南天逆孽忽逞刑天相柳踏

滇拮黔公抱國恥伏節死義風烈攸傳史有金

管

朝有愍綸銘以俟焉

奉直大夫工部屯田司員外郎于公墓誌

銘

公于氏諱沛霖字弘仁一字陸阿萊州昌邑人曾大父諱淇諸生大父諱丕順父諱英諸生以子貴

祀日集卷七

十

贈文林郎安遠縣知縣公八歲從其父就外塾卽知讀書能質問出人意表十一歲出應童子試辭章粲然讀者驚焉旋遭壬午甲申之亂流落顛頓不廢其業十六歲補邑弟子員二十五舉山左省試丁酉冬文林公奔賓客公執喪如禮公除後以久困公車或勸其就選人公毅然曰登第而後服官先人之訓也讀書益力庚戌遂捷南宮亦無汰容甲寅秋閣試授中書舍人未逾年念其母甚循新例入貲爲部主事需次千家以便養亾何母邁虐疾諸醫相顧無策公大發方書潛心研討忽得

其解一藥而瘡人以為孝感云宗譜久廢公承文
林公之志撫拾舊聞整齊世次纂輯數年屢易藁
而始就又恐一人識力不無疑誤攜赴安遠與其
弟共訂之稱一家良史焉然書成而公病矣自是
家門多故喪妻喪子哀酷糾纏丙寅冬復罹母夫
人之變附身附棺咸無遺恨未嘗以衰病少自假
易也既免喪出補工部屯田司主事以清慎自矢
凡畫之所行事無公私皆書諸冊深夜熟思必無
憾乃已其執掌在內府薪炭舊例舖戶採辦價
皆預給積久弊生遂多逋欠緩之則誤國急之則

祀田集卷七

七

病商公委曲經畫求有力者出賞代辦薪炭既集
始償其直由是供應不廢而商困以蘇

孝懿皇后升遐梓宮祭奠以及陵寢諸務皆其
所有事也而本司僚佐多奉使他出共事者惟公
一人出入戴星寢食不遑者三閱月冬初晉其司
員外郎雖經量移職守如故龜勉數日竟以瘁卒
公天性孝友時祭先期致齋牲器必潔蔬果有鮮
薦而後食有楊晟者公之諸舅也久隸司馬籍母
夫人時念之公稱貸贖歸生養死葬焉再從兄弟
靖亦司馬籍中人既死孤女未字公贖以百金為

具槩裝擇配嫁之其篤于宗戚類如此生平無他
嗜好惟以讀書為事以故經史淹貫其諸子集亦
皆流覽所著有西坡集省愆錄日履志族譜年譜
若干卷藏于家公生于崇禎庚午九月十七日申
時卒于康熙庚午三月二十二日未時即以其明
年十月二十一日葬于青龍山之原享年六十有
一初娶吳氏贈孺人又娶張氏封孺人又娶徐氏
待封安人有丈夫子七瓊璫璵班珽皆郡邑庠生
璫太學生璵業儒女子子三庠生趙元胡塘貢士
姜璫其甥也孫男五始率始述始裕始法始憲孫

祀田集卷七

三

女六皆幼猶憶甲午之秋公與其弟濰濱同舉于
鄉科名譽望遠近歎羨庚戌冬余始識公于濰水
上時公已成進士矣是後或晤于里門或晤于京
邸論文章及天下事皆不期而合歲丙寅濰濱以
安遠令卒公屬余銘其葬至是公又卒于官長子
瓊復來問銘于余於序余不敢逆公于生前自不
忍負公於沒世然而吮墨舐豪遲遲不下者數日
矣蓋以余交公之久其家門榮盛歷歷在目曾幾
何時既銘其弟又銘其兄此余所為臨文嗟悼不
能喻之于懷者豈獨言之不文于公兄弟間有愧

色邪銘曰

取第壯時如日卓午及獲從政濛汜已距道悠運
促百弗一吐天監厥德遺後人祐遺祐維何騏驎
接武我作銘詩千古如觀

清故文林郎江西贛州府安遠縣知縣于公

墓誌并銘

康熙二十五年十二月十二日江西贛州府安遠
縣知縣于公哭其母楊太孺人以毀卒卒時距聞
訃僅六日也其卒之又明年十一月朔日葬于飲
馬鎮之原享子璣持公兄主政君之狀越境來請

杞田集卷七

三

所以誌其壙者余與主政以文字相知情好甚篤
且其人純誠質厚言足信重所述公文學治行皆
應銘法用是不敢辭惟公諱作霖字肖形別字維
濱世居文登始祖諱皋者徙昌邑遂稱其邑人厥
後數傳詳見世譜至文學公諱淇處士公諱丕順
贈文林郎安遠縣知縣公諱英則公之三代也楊
太孺人孕公時夢月墜於庭寤生公公生而警邁
甫弱冠已與兄沛霖著聲膠序間矣甲午科試沛
霖名列前茅應進食學官廩為有力者所奪沛霖
負屈自理而聲強當事者恚甚加撈焉公屹然而

入為兄稱冤并得大杖其兄弟急難不避險難如
此公兄弟抱憤歸閉室不出出其揣摩之業伏而
讀之是秋兄弟遂同舉于鄉當時以為榮丁酉其
父贈公病徹夜侍湯藥不懈既沒執喪能無違禮
庚戌公兄成進士去公猶困鎖院念母春秋高思
得一官以養乃棄去公車業隨例試吏部得縣令
庚申謁選除知安遠縣公逡巡不欲行曰一去四
千里不遑將母奚官為楊太孺人曰吾幸健若不
以時自力報上恩無日矣公不獲已乃行安遠
古濂江地鄰粵畝閩其俗剛悍號難治公至為之

杞田集卷七

四

剝剔蠹弊根原窟穴豪髮必盡邑賦舊無定籍皆
計禾論田胥史數上下其手人以益困公勾稽會
較書之版冊凡輕重多寡首尾鱗次不復任胥史
其弊遂蘇時吳逆未平王師入粵道出安遠舟
車需人甚眾公力請當事其勞費視他邑省殆半
至里社踐更務使疎數得均故輓運紛紜民不告
病鄉飲酒禮最古季世有司率用市利居奇貨所
推擇賓介至有懸梁仰藥或脫身棄妻子逃遁以
求免者昏姻人倫之始或流為戲婦惡俗楚撻倒
懸抱朴所言古今猶烈公皆厲禁之著為令其宅

健鬪終訟溺女掠婦諸弊公隨事誠諭有不從者治以柱後惠文民相謂曰公欲以齊魯禮義之俗化我也翕然從之署旁舊有廢圃公誅茅成挹青之館雖僅庇風雨而種植名花異卉多至數百本每當退食鉤簾據几隗俄其間讀書賦詩或延賢士大夫觴詠畱連竟日以邑事叢劇他人蚤夜不得息公處之超然閒暇若區區一邑不足供其施設者然則公之才又詎可量哉居安遠六年善政爲一路最頓南監司丁君焯鍾君有德先後尉薦當遷官矣公念太孺人甚謀歸省不果會 覃恩

和州集卷七

五

父得贈如公官母封太孺人公曰榮及所生讀書之事畢矣遂決計丐歸當事者惜公才勉畱之固請乃許方俶裝而太孺人訃音至矣公哀號自擲殞絕者數四退處苦次旦暮哭不輟聲家人譬曉百端終不聽曰乞休爲吾母也母已亾將安歸詰朝以書遺主政君曰戀戀一官畱滯頓南不得在母側侍疾嘗藥聆永訣之言親合斂之事真天地一罪人也恐不能生還鄉里矣竟以不勝喪卒於官寢公生故明崇禎五年十一月十八日距其卒得年五十五娶杜氏封孺人三男子璣侯選州同

知珊瑗皆邑庠生一女子適國子生姜燦孫女三皆幼所著安遠縣志十卷入闈記事自記政略各一卷詩古文詞若干首藏於家公爲人長髯豐下侷儻不羣與之語溫然可親好以談諧翫世或秀托廣譬以發其論議至利害是非之際則侃侃言之未嘗軟語徇合其居官也屏去繁文力崇實政康熙辛酉分校江西鄉試其閱闈牘辨異同論純駁移日分夜矻矻不休所得八人皆名宿壬戌江右第春官者僅劉驪一人卽公所首薦士也部民魏甲有妾通逃公追攝至庭察其色辭有異問之

和州集卷七

夫

果爲盜所掠賣者公遣人齎資斧走千里覓其夫鄭於程鄉還之公初至舊令郭君士乾陸君篋已卒猶欠官錢各數百緡公皆慨然代償其子弟得無遺累公之可記者如此此其所爲應銘法也銘曰
以仕代耕三釜匪盈及親則榮靡朝靡夕以志以物寧忍遠親而爲人役生不滿意簪紱可棄母之云亾厥心孔傷不如相將游白雲鄉於乎爲吏而俗以醇爲子而孝獲信亦足以式後之人

誥授奉政大夫江西寧州知州臧君墓誌并

維臧氏遠有代序自明以來為諸城世族文武忠
孝史不絕書及入

國朝仍以進士起家學術風節寢復如前人偉然
可紀者如公是也公振榮諱君仁字一字岱青曰
惟一工部尚書公會祖考也曰爾勸兵部尚書公
祖考也曰爾令山西按察司副使公本生祖考也
曰允德錦衣衛百戶封奉政大夫江西寧州知州
公考也曰李氏封太宜人公妣也公中順治辛丑
進士授廣西昭平知縣其地因寨改縣百事草創

祀田集卷七

七

且當三十六灘之衝洊罹兵燹人多困窮公至方
加意拊循忽滇黔變起桂林守將孫延齡附之全
粵震動公時染瘴癘力疾固守張疑設伏賊艘干
餘蔽江而下竟畏不敢前故于平樂既陷之後叢
爾昭平巋然獨存也會大司馬金公開府蒼梧察
公知兵檄赴軍前督理糧務賊乘虛薄城下且攻
且誘遂至失守懷集令闕金公以其為東粵要害
命公攝其事蒞事兩日偽將軍周一鶚率眾環攻
時倉庫如洗公鼓舞士民自設方略出奇制勝城
賴以全新令至公迺謝事時東粵盡陷滿城皆賊

壘公甫離懷集為賊將馬雄所獲雄久知公才冀
為已用公以死自誓必畱清白之身上報

朝廷下見先人雖逼迫百端矢節愈厲適幽繫少
疏公得逸去丁巳二月抵贛州將軍舒公撫軍佟
公悉公忠義交章尉薦旋奉

溫綸特授江西知州需次本省公念母甚遽歸家
食者十有一年丙寅寧州守闕始捧檄赴任公遇
事明敏佐以廉惠仁西兩鄉地接湖湘其民刁悍
國賦久虧樊盧冷吳四姓尤稱桀黠公親至其
聚落開誠布公諭以禍福積逋悉完輸將恐後矣

祀田集卷七

六

一日大火起西門延灼數百家將及衙署公仰而
籲天風立返火遂息公治寧六年政聲日起一時
督撫無不推轂且駸駸嚮用忽太宜人以老壽終
哭之至毀因請急奔喪抵里而毀益甚抑鬱結轉
一夕卒則康熙甲戌五月十五日也距生崇禎庚
午八月九日享年六十有五娶匡氏封宜人前公
一年卒宜人之沒也葬城西南黑龍溝附大墓之
左至是乃以十月八日奉公柩合葬焉子四長瞻
祖甲子科武舉人匡宜人出璠珩珩俱國子生側
室鍾氏出女六庠生安無慮李賜李則顯貢生李

敬國子生任璽王恕孫其壻也孫一延樞女孫四
皆瞻祖出公少好學善屬文尤長於詩有稿數卷
行於世筆法最爲簡古得其書者多藏弄之又天
性坦易與人言呐呐不出口而其居官則廉能仁
恕爲上官所重至盜發兩粵羣聚蠶起公雖有濟
變之才天地爲籠逝將何所卒能貞白一心抗節
守義亦可謂挺然獨立者矣乃甫履亨途而不得
竟其所施設也豈非其命也哉葬前長君瞻祖不
遠百里謁銘于余余與公定交餘三十年情好厚
矣余徑徑自守每遇知交宦游之地輒裹足不入

祀日集卷七

元

憶自送公作郡已九易歲朔音塵阻絕去年三月
始訪公於南邨握手道故風度話言尚可想也銘
其敢辭銘曰

公侯之孫再鳴以文三刀徵夢厥績紛綸監德者
天歸仁者民駿發而升所施已鴻以彼其才猶未
謂亨我作銘詩用俟後興

誥授奉政大夫提督江南學政按察司僉事

劉公墓誌 并銘

公劉氏果諱毅卿字一字木齋晚號樵雲老人始
祖諱福明弘治中自礪山徙諸城數傳至文學公

諱思智邑庠生是爲公會祖再傳爲文林公諱通
邑庠生贈行人司行人公之祖也父奉政公諱必
顯累官戶部廣西司員外郎以公貴封奉政大夫
四川司員外郎加一級母鄭懿母孫俱贈封宜人
奉政公四子公其次也生有異徵六歲就家塾授
以書不能讀惟昏昏思睡一日有黃冠至門索其
弟子公偶出黃冠執手執視口若有所屬忽辭去
公自是日誦數百言終身不忘十歲應童子試文
甚奇受知邑令秦公長有勇力善馬射時常大亂
公關弓向賊發必應弦緣此屢免奉政公於難亡

祀日集卷七

平

何太贈公以罵賊死鄭宜人以全節死公奉奉政
公從弘光帝南渡主表伯鄭琅軒侍御家侍御勸
奉政公仕不應因謂公才一試行間可致通顯公
辭曰家世業儒雖未能以文章名世終不敢投筆
事戎寇見當時君相用人行政皆非遠圖不欲涉
迹其中也數月知

本朝定鼎始從父北歸家徒四壁立蓬蒿沒人略
不一顧惟發憤下帷揣摩既就三試有司咸激賞
其文補博士弟子未試之前有欲代爲居間者公
不從曰進身之始不可苟也可以知公志矣順治

甲午舉於鄉戊戌成進士奉政公以行人使粵東
公聞祖母王太夫人病不俟 廷試馳歸侍湯藥
者兩閱月無倦容及卒衣綈棺斂必誠必信父亦
得無遺憾已亥 殿試名在二甲需次五年甲辰
謁選得太原府推官公以職司民命時存矜慎讞
牘山積皆目閱手批未嘗輕假他人署內掃除一
室空無所有惟書灑岡阡表夜燭治官書一段于
壁每定一爰書必讀一過故獄無冤滯丁未奉裁
缺之 命解任明年選河間知縣河間畿輔邑夙
為盜叢公下車即以未結前案受罰公曰身為民

紀田集卷七

三

牧而忍驅之為盜邪為之清額賦均力役無藝之
征悉革除之舊稅不登擇負多者杖於庭公嫌其
過重訶隸人曰此催科非懲姦也蒲鞭示警已非
初心汝欲借此立威名乎釋之庭下觀者數百人
爭相告曰真吾父母也上賦失時致累父母吾輩
非人矣不十日而額課全完又力行保甲法使人
自為防行之逾年逋盜屏息鄰邑不逞之徒亦以
河間有神君相約勿踐其境庚戌

皇上時巡畿甸未至河間百餘里微行田舍問守
令孰賢邨民以河間令對入境

上復微行憩臥佛寺見一老儒問如前老儒曰我
生七十年從未見賢如劉令者頃之扈從畢集羽
林仗飛之眾震耀禪扉始知其為
上也老儒仆地不能起

上命扶去之即日 召對公俯伏 駕前

上命騎馬後隨以便 顧問先問年次問出身次
問歷俸次問河間徭糧條目公奏對稱 旨從行
十餘里又問汝平遷應得何秩優擢應得何秩

天語溫文不殊家人又從行十里 命回縣辦事
旋 諭吏部云朕田獵畿南訪知河間知縣清廉

紀田集卷七

三

夔民才具優長者從優議叙部議以臺省用緣承
緝前案未結格於例擬以主事用遂升刑部江西
司莅任即以才能推擇脩 大清律時大司寇濟
南艾公桐城姚公皆一時名臣每事必虛已咨之
然後行癸丑奉 命權關九江是歲十月滇逆發
難郡人惶駭走匿山谷多為盜憎公與郡守江公
共謀戒諭填撫之人心始安次年復 命轉本部
四州司員外郎丙辰遷本部浙江司郎中己未擢
江南按察司僉事提督學政江南號才藪求雋過
亟聞墮時趨公乃與翁寶林先生取有明大家之

文適勁可法者決擇二百餘篇名曰文起版行之且諭以文必已出剽襲塗墜者抑置下駟由是風氣大變復古有機矣詎意歲籥未更以宅孫宐人憂歸里禫除後宐補監司公念奉政公年高決計不出朝夕扶侍奉敦牟進甘旨又於舍後闢蕪園春秋佳日柳暗花明輒奉奉政公游醕其中公率子孫繞邨上壽奉政公亦怡然爲進一觴也定省餘暇卽教兩弟讀書如是者十三年奉政公年九十三以疾卒公時亦六十有六矣猶作孺子泣嚮產營葬哀禮咸備晚年思京輦舊游乘輿一往亡

祀日集卷七

辛

何歸來精神奕奕飯後必幅巾藜杖行散阡陌間易簣之日猶坦步先塋於奉政公墓隧相地形以樹碑版入室未久暝日淡息翛然逝矣公神儀岸異疎斜日美髯髯人以髯呼之居官剛勁不可撓折與人交初若難合久之更樂其坦易長於言語聲款作洪鐘聲遇是非曲直辨說揮霍一坐盡傾少以意氣自豪赴人之急甚於己私或以險難告脫手數百金不自顧計尤重友朋交游幾徧海內出則飾衣馬盛儻從老來斂退匿迹溪邨出入駕禿尾草驢長吏經年不一見其面也公生於天

啓七年十一月初一日酉時卒於康熙三十八年八月初五日子時得年七十有三葬於所居邨北父墓之域中卽其卒之明年十一月八日也配王氏贈宐人隱厲氏封宐人子男子紳燦國學生繪煥縣學生縵燦尚幼女一字孫濰汎孫男九墜奎堯堡堅堅塾臺孫女六系之銘曰

前法吏後儒臣著聲蹟簡

帝心使其材克盡而志獲信詎難爲耳目而作股肱奈何遽就子舍終老海濬於乎惜哉斯人也而厯以孝聞

祀日集卷七

前

待贈承德郎吳君墓誌并銘

余於故人長山吳君木欣諡最溪而木欣又與其內弟高唐朱君子青善木欣死子青爲之卹其孤整齊其遺文排綴其事行欲託不朽於余余家去木欣遠而子青與之爲密戚且得數晨夕也知其平生爲彌詳遂各舉所知參伍而爲之誌君總角明惠善屬文父內丘公浚喜之以爲類已甫踰弱冠學問日以成就而內丘公卽世君出酬應人事世故牽率場屋之業少疏然名父之子聞見廣博事機之會題覈裁量迴出流輩他人所辭舌而退

者君必掉臂奮袂直前弗顧也內伯中丞朱公徽
蔭方列戟擁旄駉歷南北爲一世龍門于後進少
所許可顧獨愛君填撫粵東總制閩浙莫不與偕
間委以事任君扣囊底之智鉤校精密指屈心計
咸一一如中丞公指諸內兄弟亦待之如左右手
不可須臾離故君雖家於陵一年強半在濟南郡
中屬在知交有事會城者靡不問道於君君卽爲
之決疑難謀緩急人人意滿說者謂君終日矻矻
求其一言爲身圖一事爲家計者無有也四方勝
游入其邑爭造門投謁以得一見君爲快君亦延

杞田集卷七

五

接驩然家故善饗酒漿脯醢悉按食經賓至鮮彘
臚次譚諧間作連日夜不厭人皆疑君饒積者而
不知器服已盡折入子錢家矣性好游佳山水興
會所至買輕舸呼筍輿遠涉吳越閩廣邦君大夫
賢豪長者多君所故識亦不輕與通惟與貧士之
賢而有文者相結納如番禺屈翁山陳元孝諸君
每過邸舍文酒流連至不能舍豫章隱者八大山
人君訪之蕭寺賦詩以贈有落花心事鏡前訊如
戟須麋鏡裏看之句山人終身誦之過金陵遇郭
華野先生以吳江夙案爲怨家撫拾聽讞江寧親

故無一人敢至其前者君與先生無一揖舊獨往
左右之事畢不告姓名而去中丞公奉命分脩南
河薨於高良欄公子子青千里輿棺君仡然同往
時方嚴冬冰雪塞路君爲之部署役夫屏當牆爨
夙興曙戒未嘗告勞後數年子青追論之猶感泣
也友人李因兄女及笄貧不能嫁君傾囊助之始
克成禮已稱貸而歸范文正公流寓長山南郭有
祠久弗不治君力葺之頓還舊觀祖父厭代念無
所用其情墓上之石必假名筆踏門拜請十返不
倦祖文林公遺墨數紙徧求鉅公題跋暉尾復覓

杞田集卷七

六

良工勒石傳布又好訪求上世以來舊聞遺事爲
文紀之以示子孫推其心益無時敢忘先德也君
旣謝去所習制科業於書無所不闕而更畱心典
故凡吉凶大禮遠近皆來咨質君證據今古援引
經史以荅之人始知有職志焉所著詩文四卷親
齋隨筆十卷皆雍容大雅班馬闕疑論戒謔迂談
二種感發踴厲尤爲時所稱君姓吳氏諱長榮木
欣字也別字青立晚自號稜園灌長其先棗強人
明初始徙濟南之長山數傳至永平訓導諱文魁
是爲君高祖階州學正諱三戒是爲君曾祖縣學

生贈文林郎平順縣知縣諱凱是為君祖順治己亥進士平順內丘兩縣知縣候補中行評博諱瑄是為君父封孺人安氏是為君母有子三人君其長也生以順治丙申二月初七日辰時卒以康熙乙酉四月十八日未時年僅五十以國子生考授州同知娶高唐文學朱公顯蔭女即子青從姊也生男子二長曰存恪縣學生次曰奕蔚孫男一彤孫女一以卒之 年 月 日葬於某鄉某原烏平木欣以余為其父之執友也獨慕近余每歲一訪余於家余有事會城道出長山亦必過君盤桓

祀田集卷七

七

浹日飯已即與步出城西門游其蔬圃所謂吳家菜園數世守之勿失者也襄回徙倚坐井湄柳下譚世運之遷流物情之變幻放言極論晡而後返率以為嘗甲申八月余復過之君偶有所觸不勝憤懣別後常恐其佛鬱致疾而不意其遽歿也乙酉秋兩過君門有空其無人之歎故忘其衰病靦顏搦管曲徇存恪之請聊以慰君於地下且以塞子青之意不知有當子青否也銘曰
有壟翠如培之愈崇有木森如滋之彌豐以循吏為父以貞士為翁既培且滋安其隆盛而芘芘乃

抱奇懷磊塊滿胃結客千里誦義僉同施則未究以還化工崇耶豐耶吾能徵之在後之侗

進士廣思張君墓誌 并銘

今大理寺卿張公青樵有賢子曰廣思康熙四十七年九月二十一日以疾卒於里第距生康熙六年四月二十八日享年四十有二卒之六十三日葬城南之新阡時廷尉公需次京師既不克視其含斂又不克臨穴一慟也悲夫母弟孝廉靜思情浚原隰帷堂幽宮之事悉以為己任冬至日使人來告葬期且徵銘余哭曰烏乎吾尚忍銘吾廣思

祀田集卷七

六

也夫亡何伯兄誠思又來速銘曰非此無以慰地下迺按狀誌而銘之君諱勿我廣思字也其上世家維縣後徙為昌邑人父即廷尉公諱志棟巡撫福建浙江江西三省今人為大理寺卿祖父諱應徵曾祖父諱自得高祖父諱大河皆以廷尉公貴贈光祿大夫母封一品夫人黃氏生六子君其長也生而視端步徐屹然而君據案自如雖嚴師曾就外塾羣從佻達盈前而君據案自如雖嚴師曾未威以夏楚十八為高材生精舉子業試即為學使者所識賞於書無所不闕得力漆園者居多故

其文汪洋跌蕩亦略相似連不得意于有司不肖
改弦而更張之乙酉舉于鄉丙戌成進士旋以流
言歸里與弟靜思講藝論文切劘底厲一如諸生
時君止一子當其計偕北上偶以疾殤君歸而嗟
咨涕洟支離蕉萃親故譬曉百端終不能以禮節
情抑鬱三年而竟以此致殞也悲夫君天性孝友
事父母柔聲婉容溫清不去左右見偶不悅于色
輒蒼黃自失若無地着面者與諸弟朝夕一室有
長枕大被之風出門小別僅數日亦執手依依不
忍遽去一言一行稍不中程必反覆訓誡務俾其

杞田集卷七

元

歸于理道而後已易簣之前一日猶進靜思而告
之曰躬自厚而薄責于人處世之道盡矣其篤友
愛若此安乎靜思言之嗚咽歷久不釋于懷抱也
與人交落落穆穆若不能出諸口中寔篤摯急人
之難甚於己身處伐閱恂恂自守慮以下人或以
非禮相加未嘗與校至檢敕舍人子必不使其橫
於里中尤爲世祿家所難且自奉簡澹不異寒素
遇藥病棺殮泉粟窮獨則不少恠癸甲之交吾鄉
歲侵干錢斗粟君發倉庾平糶煮糜全活數萬家
當事者欲以上聞君亟止之不欲以此見功也性

喜吟詠每課業少暇或風日晴美華月朗媚輒拈
小詩詞自娛才調俊逸饒有唐宋人遺意然成則
削橐故罕傳者靜思所爲行狀二千餘言纏綿悽
惻字字情至讀之眞足增友于之重余略其大者
如此君配姜氏子汝淵前卒享子汝默女九人昏
嫁皆名族今歲春三月余送廷尉公入都與廣思
別于城南別後意趣索莫良以殘生暮齒恐溘先
朝露不獲與少年才俊數共晨夕詎料此行遂成
永訣方爲南浦之傷竟作西州之慟萬感中來已
難自遣片石紀壙尚須吾文雖龜倪操觚不覺老

杞田集卷七

辛

淚之漬紙矣銘曰

樗櫟無用迺克元年桂漆材美曾不少延豈天心
之有在抑人事之或然君讀南華身委其篇旣神
會夫微旨自可不遺憾於重泉

杞田集卷七終

孫男重輿投字

杞田集卷八

安丘張貞起元著

新城王士禎貽上定

墓誌銘

益都楊君搢珽墓誌并銘

昔在漢興黜嫺飾而崇敦樸故其時長者之聞獨多于近代乃至于今毋論絕無其人即士之趨操稍有慕近之者亦為當世所賤簡通經學古謂為無用規言矩行自為迂闊寧知先進遺風不與世運漸盡者端賴此羣相姍侮為不足趣時合變之

杞田集卷八

一二人也邪吾於搢珽楊君有取焉余初未識搢珽癸卯之秋求書青郡久之得數十軸幾盡一時名俊矣于中得君章草一紙純質古雅絕得皇素遺意心頗異之方欲以物色求其人而搢珽已儼然在門傾蓋握手忘年定交不啻若平生歡然後知搢珽與余交相慕悅非偶然也厥後余每過青社帽帟未除旋聞剝啄聲必為搢珽雖人事叢沓亦不遽去坐語常至移晷有明慶曆間郡中多逸民宿老皆知崇尚翰墨如洋溪吟社海岱文會諸遺事搢珽猶得聞其厓略抵掌譚說先正流風媿

媿可聽至法書名畫沿討尤詳賞鑑收藏其源流

統緒如指一二又嘗冬日詣余著華陽巾披鶴氅裘其子換杖後從端拱而過青都之市市人皆愕眙指顧君乃從頌曳履游行自如余揖之入室時賓客盈坐余偶有所激與客放言極論遂相談笑為已甚之辭搢珽從座上默聽以為誠然也他日相見搢珽更究前說叩其顛末余愧無以應自是向人不敢復作諧語於乎此吾于搢珽有取也搢珽諱珽始祖賽典赤至自默德那國為元佐命居宛平累世皆襲王爵迨伯顏察兒復以淮王尚主

杞田集卷八

佩金虎符入明有莫蘇者奔益都家焉以嘗居羊市易姓為羊復更為楊自是始稱楊氏蘇生欽欽生全全生瑄瑄生鸞鸞生南陽守應奎是為君會王父應奎生兩淮運判金為君王父金生諸生振奇為君父有子三人君其季也八歲向學能自刻苦壯為諸生祭酒巋然長德士大夫家爭延致為師以訓誨其子弟其教悉放古小學之法而更以惇行崇禮相飭厲故被其裁成者後皆為一時聞人君為人厚重外如其中不作訾警之言不宿睚眦之怨不尚矯激之行不為却亦不脩人之却柔

心應世淳風泐然當申酉之交盜賊蠭起君獨處
荒邨坦腹高臥有暴客以劍擊其寢門其渠叱之
曰勿驚善士此可觀其生平矣君雖恂恂善下然
不輕與人所交率文學之士競隆利勢者足迹
不至其門性嗜酒鄉里宴集必期盡醉天真爛然
忘其為吾汝也君素強少疾晚而食履視聽不衰
每風日清美必出郭散步信足輒數里不覺行之
近遠見者皆知為百歲人一昔忽病不數日竟卒
是為康熙辛酉九月五日距生萬曆庚子十二月
二十日得年八十有二娶沙氏側室劉氏子男二

杞田集卷八

三

人延享諸生娶丁氏昭享娶王氏女子三人適宋
鐸劉大綸張世俊卒後二十日葬七里河先塋之
次遵遺戒以圖書彝鼎殉焉所著有葩經講意楊
氏族譜若干卷族譜成時曾屬余為其序文未及
成而君已沒今延享復請余為君誌羨中之石諒
不可辭遂序而銘焉或可藉以終吾許劍之義歟
銘曰

四尺墳八十身居今世古之人我篆銘章額其真
後之來者訊貞珉

文學張君墓誌并銘

萬曆中吾邑有鄉先生曰張公諱文炫以進士起
家仕至河西道副使鄉行宦蹟人人能言之公自
釋褐迨今且百年而門第無改孫曾猶彬彬世祿
裾業雖其似續之賢然亦可以見公之所貽者遠
也憲副公生文學公諱鄰斗娶於孫有丈夫子三
君其長也諱六奇字六一晚號默翁文學公為憲
副公慶子憲副公出守松江文學公時適相從生
君宦邸君生而警穎承傳家學蚤列庠序且工書
擅翰墨聲邑人咸目屬之以為能克其宗者也亡
何憲副公亡山東大亂文學公竟死於兵君攜家

杞田集卷八

四

出避山澤間及反舍而構櫺宋廡咸燬下材田園
就荒白地若甌脫家之食指衆苦無以給朝夕乃
貸粟族中閒以釜庾相假皆身自轉運於百里外
一日遇賊平原邨關弓相向矢貫左手幾危有識
君者曰此張佛子孫也舍之張佛者鄉里以號憲
副公也亂小定恐兩弟失學延名師誨之皆補博
士弟子各為娶婦始析箸李安人沒尚遺庶祖妣
王君迎致於家事之甚備餘九十歲而終生養死
葬未嘗諉之諸父也季弟六華出為叔父後不善
謀生其產日挫孫孺人憂形於色君意覺之割腴

田百晦瞻之人以爲難尤嚴取予嘗有賈客賈君粟所授價倍其直賈不寤既去而君始知追之不及逾月其人復至以原錢還之賈謝曰世有卓行君子不圖於吾身親見之也其所爲皆此類君性倣儻少喜任俠多竟外交遇人急難傾身赴之晚而自悔杜門簡出端坐一室埽地焚香案上古書數帙體中佳時脫復涉略了不以世事爲意君之得逾大耋靜而延年非其明驗歟君既開八表豐頤渥顏視聽步趨充然壯容觀者無不以爲百歲人丁丑人日傷脾作泄然非劇疾十九日忽呼其

他田集卷八

五

子曰丞昇吾榘來將自位置父子相聚止此兩日矣昧爽自起盥沐伏謁先祠又謂若嵩詰朝寅卯間而父死矣而父死汝能上承祖德毋改耕讀而父無恨吾死人以橫逆相加汝不與校吾亦無恨語畢就寢日未出形神已離寔康熙三十六年正月二十一日卯時也距其生萬曆四十二年十一月六日子時得年八十有四娶昌樂貢生高公閔之女卒先君二十八年側室劉氏子男一人卽若嵩邑庠廩生劉出娶諸城諸生王公鎖女君卒之又明年三月三日若嵩將合葬君子邑東小莊之

祖阡具狀問銘君視余二十年以長少日與君同居南郭望衡對宇數共晨夕厥後余雖遷去然猶不廢言面君見余之始余見君之終相知已深而君之子若嵩又好從余游時得考論其世故取而爲志不盡以其狀也銘曰

出自北門再折而東曾不一里宰如其封是吾默翁之幽宮於乎爲善而無近名康寧而以考終用報先生何足以臧有子式穀天意或在乎其中

韓君文潛墓誌 并銘

他田集卷八

六

世不改者惟石挂韓氏爲最其先多衣冠顯人諱亾不能詳可紀者爲封尚寶司司丞公諱守廉守廉生文學公諱必大必大生鴻臚寺序班公諱應陽應陽生文學公諱巖休卽世所稱仲元先生也砥行績學淡於禪悅其子弟陰藉濡染含章挺生則文學文潛君其魁然者也君生而長身偉幹倣儻不羣仲元公奇愛之欲使多長者游築精舍數區羅致勝流遠近師友多聚其家以吾邑論之如思石憲石兩劉公夢求王公先叔父侍御公皆一時人傑又皆爲仲元公姻戚中表故亦樂就之君

得獻酬其間相與攷求掌故下上今昔故習懷通脫耳目開朗見者皆以爲通儒大人不謂其寄迹諸生中也壬午癸未之間所在盜起王曠賊魁陳丙將悉銳攻安丘君從數騎踔百里親抵其壘爲言順逆禍福且動以桑梓之情君抗首高論辭氣慷慨丙竦聽悅服即日罷兵甲申李自成破京師天下大亂君挈家南渡抵雷都往往與故人相遇故屋廬罷用不謀而具家人如歸焉居期年而返初公委質爲夢求先生弟子先生博綜之餘好爲小兒醫尤精痘疹以君罷資爲可傳其業遂盡其

杞田集卷八

七

技授之君旣得統緒刻志沈思窮治冥緬成法之外又以其意參互用之鄉里友朋爲兒求療者一七乍投輒獲奇驗卽不可爲者亦必預言時日及疾病變化之狀不爽累黍以是不復能自閉閨車馬冠蓋日集門庭卽邨夫里姥篝燈扣門無不立應遇華門圭竇僂偃而入繩牀土銚兒呱呱號敗絮中便溲狼籍察虛實試寒熱腥臊垢穢未嘗覺頰掩鼻也不獨其技然而其德使人敬歎賢士大夫皆納交恐後卽郡邑長吏靡不折節下之長垣徐公來爲縣性嚴重兩子患痘瀕危延君調視獲

安由是相得歡甚每有所扣君不答第言邑中二利便而已其後徐公視學山右以書招君君亦不拂其意然僅于道途所歷成詩一冊以問囊恥也少工臨池而最長于壁窠書凡子孫之壽其祖父搢紳衿韋之士欲稱觥公堂者非得君書其屏幃不以爲榮也君德益高名日益重御史按部皆旌其廬邑中推擇鄉飲大賓君必哀然舉首一再赴後君亦自厭之矣性喜邨居而雅好客每軒車至止戶屢相錯君開閣延納割蜜脾烹笋萌釣采之鮮頤指滿案旣而棊酒雜進譚諧間作暄然若

杞田集卷八

八

陽春之入座隅也飮已借客散步踰髮于谿橋蘭若間客至不能舍去或非其人以一石支剝啄矣晚年從祖貞我先生令長興君爲一往汎舟菖溪采茶顧渚窮湖山之勝而後歸蓋自是不復出游而君亦已老矣君族繁盛伏臘上冢各爲饗祀不相通君曰果爾何以報始而脩睦也乃議闔一族公祀之且合餽焉禮成而諸族始一其晚節之爲政于家者如此諸郎成立鄂榭競爽皆能備志物之養君年八十各製綵服僂僂舞翫下四世一堂奉觴爲壽賀者至傾郡邑君大合樂饗讌之自降

阼階衣冠肅客賓主雖離鄉人聚觀讚歎以爲希有也厥後世運隆平家門無恙君滅迹城闈不復問世事科頭晏起卯酒數杯卽徙倚茆齋勉諸孫以學暇則出訪老僧譚說往昔便了一日嘗謂其子曰讀書耕田便是樂事不必外求也臥疴兼旬視聽猶自不衰醫藥至皆却之家人泣請遺令君曰平生自知足又無後慮有何事可言神宇泰定翛然而逝寔康熙二十七年八月十九日距生萬曆三十六年九月十四日得年八十有一卒之八十七日葬於邑東五里河之原君諱泓文潛其字

杞田集卷八

九

別字恕齋娶國學生孫公鳴雷女先君廿五年卒丈夫子三知夔候選縣丞知敬縣學生知忠國學生女子子三府學生劉琬李訏歲貢生王元雅其婿也孫男九勛助勤功勤劬助勤劬孫女七曾孫男三曾孫女七所著有西齋雜詠西游小草若干卷藏於家君之曾祖爲余祖姑之夫中表之戚世篤情好君父文學公日往來余家先君以猶子蓄之余與文潛周旋者又餘四十年分該固不薄矣故于文潛之葬諸孤知夔等匍匐請銘余索狀知夔曰公爲之尚須狀邪遂卽所知敘而銘之銘曰

欲養是徵攷迺壽欲德是求觀迺胃有揭其藏可詔後

李大椿墓誌并銘

君姓李氏諱之椿字大椿世家青州之安丘徐州衛經歷諱建中之子處士諱汝明之孫處士諱國欽之曾孫也母劉氏娶周氏皆邑中著姓生子三人仁居仁處仁榮有孫三人女三人適同邑張泌生李惠張秉謙以天啓四年三月七日生以康熙二十九年五月五日卒卽于是年十月十六日葬于城西金龍口先塋之次君幼而聰敏彊毅率性

杞田集卷八

十

以行稱心而語未嘗緣飾長爲邑庠生好讀書劬及岐黃家言晚而彌精其術不輕試試之輒效年六十七嬰危疾既革猶不亂身後一切皆手自條畫纖悉畢具大約以儉樸爲宗誌墓直書世次行履勿爲浮靡之詞亦其遺戒也將葬其子仁居謂余言質而可信與其先人之治命有合故屬銘焉其何敢辭銘曰

世人貢諛及墓中人游光射聲誰識其真李君反是大雅獨存典荆未沫徵于斯文

李太公墓誌并銘

余邑自前代以來人才輩出然耕牧之家絕少崛起者必讀書制行積累數世始發科第李氏其一也李氏居安丘遠有代序至謹擇中者崇禎丙子中山東鄉試副榜有丈夫子三長之朴邑庠生女之楷年十二有聖童之譽早亡次即太公公生五十七日而孤七歲奉母馬孺人之教就外傳授以經史過目不忘弱冠屬文輒為輩行所推旋以第一人補邑博士弟子再以試最既學宮一時髦士東贊北面者幾半邑中即其人素不相習苟挾行卷是正無不依傳傳注丹鉛甲乙隨資開導初

杞曰集卷八

五

未嘗覺其為煩其訓子尤嚴而有法督以文行不少假借丙子秋長君仁壽遂領鄉薦雖累世之績學敦德將於此觀成寔由太公之善教也太公諱之懋字仲勉淡中隱厚與人交有終始其接人煦煦口出氣若惟恐傷下至僕隸亦不輕以聲色相加其事親也盡志與物其處兄弟熙熙怡怡終身無間言長兄丘媵晚年皆病太公晨夕省視藥餌必親及太公示疾而兄媵之病篤戊寅九月二日未時媵卒次日丑時兄卒太公聞之痛貫心骨後二日已刻太公卒矣昔歸震川誌居懋士勉之墓

謂其家期月之間遭三喪觀者太息淚下曰若居氏之死者如是而世猶多人何也抑世人之擾擾而君獨可以死邪今太公名字既與居同而其憂遭三喪乃在四日之內余執筆志之能不俛仰三歎乎余與太公生同里閭長而交好今春間居與劉崑右曹實菴馬竹船諸君脩睢陽五老吳興六老之會招太公入社是時太公方從事制科業期應督學試後始踐斯約豈意其試事甫畢遽就泉壤且太公久困諸生間至食粟垂三十年而不及貢以老惜哉太公以康熙三十七年九月五日終

杞曰集卷八

三

距其生崇禎十七年十月十七日得年五十有七娶於宋隱孫再隱曹子男一長仁壽康熙丙子山東舉人娶於曹次仁宅尚幼女一長字周而助次尚幼仁壽於其卒之歲十一月二十六日將奉太公之匱合葬西郭祖塋之次排纘行略先事請銘不可辭故最其生平序而銘之銘曰
士之為善者雖幽鬱而弗伸其潛德隱行久而必聞遲速顯晦誰謂不在其後之人

曹智千墓誌 并銘

余別業為杞子故國南去十五里雙峯矗立若人

弛擔然是爲擔山余所居自來草閣適與相對清
曉卷書坐臥其間時見高稜山之北麓有大墟落
曹氏聚族於此而智千君其最著也君十有一歲
而孤事母至孝出應童子試卽冠其儕偶復就試
郡城母倚門而望至損眠食君自是不敢爲出躡
之行亦遂絕意進取母以亂後逃其鄉族君于竟
外多方物色得戚黨數人歲時過從以慰母意母
好操作老而彌勤君屢諫不聽遇母親蠶事凡炙
箔害繭捉績練絲君胥以身先之母惜其勞卽爲
少休一妹天亾母痛之幾不欲生母噉然而哭君

杞田集卷八

三

輒應聲長號母哀亦爲頓減其委曲承順皆此類
也母寢疾竭志營療顛天請代卒不諱室中服用
未嘗移置至臥榻枕簟夜設曉斂一如平日旣葬
猶然又以祖父蚤世不逮養祭祀以時出入必告
嘗料揀藏籍忽整衣拜前命子拜後詔之曰書中
三字汝曾王父手澤也敢慢易視之乎其內行如
此至與人交落落穆穆不以握手出肺肝爲信然
好爲人緩急排患釋難傾身瀝腎弗卹也晚年尤
與余善余居杞城無事卽過其田廬不則遣童子
招之使行余必凭闌以待其阡陌經經行之迹

可數每至東灣輒望見之下樓相迎成歡然一笑
也及君沒而莫與往來益使人有荒邨寂寞之歎
矣君諱士俊智千其字青州安丘人曾祖一豸祖
應鐸父亮三世皆邑庠生母劉氏娶于周子男一
蒙吉邑廩生娶劉氏女三適田穢劉家駮韓知健
孫男三助勤總孫女一君卒于康熙三十七年四
月十五日辰時距生崇禎五年九月十八日申時
得年六十七於其卒之歲十月十八日將葬君擔
山之先塋蒙吉具狀謁銘於余其何忍不銘銘曰
儒其行而俠其骨耶才踔厲而遇詰屈耶四尺之

杞田集卷八

四

墳君所息耶後有過者能勿式耶

臧母丁孺人墓誌 并銘

余取友東武得臧君坦園游從旣久愈見綢洽每
過其家入室呼黍有司馬德操訪龐德公風味一
日其配丁孺人卒余往弔君灑泣相向曰吾妻之
賢子所知也欲得一言以文隧道余心許之而未
敢諾將葬復排纘事行陳書布幣不遠百里來請
益亟酒卻幣捧筆敘而銘之孺人姓丁氏其父壬
辰武進士登州守備諱連昌娶於管寔生孺人年
十七而歸坦園名振奇故明工部尚書諱惟一之

曾孫山西按察司副使諱爾令之孫官生贈奉直大夫江西寧州知州諱允德之子孝子庠生諱孔德之聖子也諸城甲族亾過臧丁兩姓喬木相望世爲昏因若朱陳然孺人幼嫻內則桓孟之德久播人口兩家遂締盟焉將醮之夕母戒之曰臧氏貴族汝姑李太君又出名閥家法最嚴汝善事之毋貽父母憂也既饋而舅姑無恙孺人晨昏起居莫不恭謹羹臠甘毳各以時至凡有所向必先意承志卽左右給事亦慰以溫語若惟恐傷之甲乙之際瀆逆難作人有戒心卽於山邨固垣墉築樓

祀田集卷八

五

堡爲姑避亂計幾盡囊裝弗恡也綜理家乘務持大體辨色而起指撝僕婢咸當其材慎局錫警鈴索廳屏內外秩然肅然一時榭範羣推臧氏焉垣園好營土木某所宏軒某所宏亭坦園但定其規制至程材庀器棟梁之用甃瓦之需孺人授功靡不備所摹擘坦園性尤好客客常滿座中廚不聞嘍喏聲而皆腆潔卽深夜叩門亦無不獲豐飽者孺人中歲僅有一子珣雖甚愛一切衷寬嚴而教之弱冠鬱鬱有雋聲累困鎖院孺人曰科目非不善然有數焉不可強也俛就吏部選人得莘縣諭

珣故難子爲置貳舉一男留于家自鞠之推燥就溼恩勤備至四歲而殤孺人中懷催裂幾不可支復爲置貳再得弄孫而茹涕銜辛樂與哀半孺人之死固倉卒嬰疾而心血耗竭已非一日矣孺人身處貴盛性寔儉勤生平無金翠之飾薌澤之施躬自操作下同房老織紉辟績常至夜分陳衣之後機中布縷尚未成匹者猶如牛膏坦園指以示余敬觀讚歎以爲美譚其它婦德未可悉數也孺人生以崇禎丙子五月十五日申時卒以康熙癸未三月初七日寅時年六十有八男一人珣莘縣

祀田集卷八

六

教諭娶同邑王氏女二人適王鼎鏞王極孫一人纓孫女二人以卒之歲十月十九日葬于城西淇河干之園中予與坦園生同丁丑吾妻李孺人以已已歿已十有五年今觀坦園悼亡傷逝真成同病回環循省若轉轡之轉腸腹俛仰今昔能無臨文而攬涕也乎銘曰
有封若堂在西園茂林淡樾清晝寒子孫羅拜紛滿前我銘其藏于禩存

馬母高孺人墓誌 并銘

安丘直北爲濰雖分隸兩郡而地之相去僅八十

里故多通昏因若萊濰高孺人之歸吾邑馬氏也
尤以門第名德相妃匹云孺人者前明貢士特舉
孝廉諱世孝之子貴州布政司副使諱桂之孫贈
中憲大夫諱如愚之曾孫而丙戌舉人候選知縣
馬三如先生諱長春之妻也孺人靜約明惠故有
林下風氣孝廉公口授以孝經內則諸書即能通
曉大義父母絕憐愛之不輕字年已二十有二矣
先是孺人之姑適三如從父贊一公每自母家歸
時時道孺人賢也會三如失其初妻高孺人太公
詎初先生方爲之索婦遂委禽焉既饋而尊章在

祀田集卷八

七

堂曾祖姑郭太恭人祖姑辛安人亦皆無恙孺人
承事三世備有儀法姑孫太夫人嘗病于盛夏孺
人侍疾三月不解衣人稱其孝三如壹意讀書蕩
滌情志生不識權量算數事家秉悉委孺人孺人
卽朝夕綜理黽勉仗助廳屏內外井井如也三如
踏省門上公車孺人皆徇爲治裝行李所須纖悉
畢具三如不知所由辦也三如好法書名畫及雖
彝兕敦古陶諸器孺人雅善鑒別每有所獲夫婦
傳觀辨析流派指摘瑕疵意之所屬傾囊購取一
無吝惜嘗有持宋搨聖教序求售者倉卒無從得

錢孺人以真珠百顆易之值天氣晴好必料簡所
藏張之素壁離列凡案摩挲舒卷欣然忘食甲申
之亂奔遁琅邪山中所攜金帛盡棄去惟圖書兩
篋躬自負抱未嘗暫釋今存定武蘭亭諸帖猶是
篋衍舊物也孺人早出私蓄爲三如買妾數人中
年後卽與三如分席異室從事養生導引之術然
向夕必明燈促坐相對絮語或援引古昔或稱說
時事酒食祇飭旨蓄芘具極靡而罷及各歸寢所
漏下已二十刻矣閨閣之內儼若友朋是豈人之
夫婦而已邪至其仁慈天性辛巳歲游饑場困鹿

祀田集卷八

六

者糜以噉餓者又收所棄穉子十七人養于家歲
定歸其父母待臧獲曲有恩意卽偃蹇者亦從容
訓戒終歲不聞譙訶聲其于諸姬拊摩愛惜若姊
姒然及孺人沒諸姬皆爭爲服三年之喪其所以
逮下者可知矣康熙辛酉三如謝世孺人一慟而
病未幾中風臥牀帷者浹歲口不能言而曾中了
了陳衣之前出所蓄布帛分散宗鄰孺人以手爲
口其子石麒又能聽于無聲故得無遺憾焉孺人
生以故明萬曆三十二年十一月二日卒于康熙
二十三年十二月二十三日子女昏嫁在三如誌

中易乎余與三如居比鄰以古道相鏃厲久而彌親文酒流連過從促數余嘗買一山水障子是正三如必持示孺人然後定其真贋因畱飲齋中肴核茗醴應時而至此足覘其內政矣余又嘗遊水月禪院於旛幢間見孺人繡佛齋紵絲縷細入毛髮而端嚴靜雅精彩煥然饒有管道昇筆意古稱鍼神殆無以過以知孺人多能卽其女紅亦爲希有也三如捐館舍六年矣俛仰身世晚晚無徒因孺人之沒撫今追昔有餘恫焉孺人卒之又明年四月二十五日石麒將啓厥考之藏而合祔之以

紀田集卷八

元

余爲其先君執友知其內行獨詳故來請銘余方欲假斯石以告哀其忍辭也雖然志三如者新城王阮亭先生也昔蘇端明以歐陽文忠志其父以司馬文正志其母而溫公猶以爲已之文不敢與歐陽公之文同藏也薄陋如余迺偃然當王先生後能無載筆而慙惶乎銘曰
女德有聞多起迺遭於惟孺人何獨不然委蛇順化七十九年逸妻壽母鬱芬播焉不繫其逢祇繫其賢掩詩幽竈久而彌鮮

李孺人王氏墓誌 并銘

安丘諸生李其曉曉人之妻同里王氏者縣學生諱震茂之子太學生諱臺之孫前禮科給事中諱孟煦之曾孫而孝廉諱涵之子婦處士諱三祝之孫婦西安大同兩郡守諱遷梧之曾孫婦也十五來歸舅孝廉公尚在亟稱其賢姑辛孺人卽委以家事治之甚習脩婦道甚謹待族親甚厚及教其子女則甚嚴未嘗縱之使游戲也孺人之卒已二十年其曉屬予銘其墓淚隨言下不可制予聞之長觸而悲蓋予妻李孺人爲其曉之婦其沒亦且十年遂道有誌而無表今日與予情事適同故能

紀田集卷八

壬

悉其感悼之懷者友莫如予銘何忍辭孺人生四子愼惺愼惺二女適馬庭筌劉紳燦孫男七學廉學勤學儉學篤學厚學謹學醇女四孺人年三十三以順治四年八月二日戌時生以康熙十八年七月七日寅時卒十二月十二日葬所居下坡卽東八珠山之陰銘曰
幽宮闕兮隴十霜墓檟成拱蔚而蒼夫子過時猶悼人是可徵彼才且良斲銘山趾永厥藏

庶母董韓兩孺人壙誌 并銘

我先君之捐館舍也先君之側室輔吾母以守節

者有一人焉曰董曰韓董孺人爲吾邑舊族世居東鄙生十有八年而事我先君韓孺人亦自長山來歸年纔十六耳兩孺人見卽相憐愛若兄弟然是時先君年逾四十未有子故娶兩孺人乃皆慈和淑慎內外交慶得人董孺人性凝重喜操作至則補紉澣濯一任其勞凡酒醴醢醬所擘畫必當用故先君徵姻合朋之需惟孺人是寄而孺人躬自儉薄纖麗之服珍華之飾終其身未嘗一御也韓孺人好潔成癖單衫白袷雖浣補之跡宛然而整肅若初服至窻戶几榻拂拭瑩淨不染埃埃先

杞田集卷八

三

君每得名香佳茗必以付之孺人卽焚香淪茗爲供先君閒居亦藉以自適乙酉之冬先君奄忽見背家室漂搖外侮狎至宗黨有肆其愚陵者吾母鬪門與語董孺人常相左右吾母語所未及孺人必代申其義侃侃而談彊暴者往往氣沮至遇事莫可孰何二母瑾扃塞戶獨與九歲孤兒對燈火黯然淚下如是者十年貞稍長漸有子女兩孺人皆代爲鞠養節煥寒時食飲恩勤備至遇其疾病兩孺人迭爲抱持見兒宛轉痛苦涕淚常漬茵褥迨疾平卽呼乳媪劍兒倚簷弄之以爲樂兒女所

需雖極難得亦必百道求以應之平生釵衣盡耗爲餅餌資不恤也兩孺人啣育諸子女無不同韓孺人特好蓄玩物誘之嬉戲故小兒女每入其室則嘔啞語笑倍于他所以是爲異耳三十年來門閭依然食指如故吾母與兩孺人熙熙怡怡恬于堂而安于室於時亦謂家庭常事身足爲樂居人何韓孺人遘疾以沒吾母相與晨夕者惟兩孺人忽失其一反顧堂上白髮鬢鬢意思索寞回環循省能不滋懼貞之哭必盡哀寧僅爲韓孺人也乎吾母自是精神亦衰丁巳冬馴致大故是後每思

杞田集卷八

三

吾母不得見見董孺人如見吾母焉今孺人又亾張氏之老人遂盡于此追憶哭韓孺人時憂懼交併者又不可得矣俛仰今昔若轉轡之轉腹腸貞果何以爲心耶韓孺人生萬曆庚戌九月二十六日卒康熙癸丑四月二十七日年六十四以甲寅十二月七日葬先父母墓西十步董孺人生萬曆丁未正月二十四日卒康熙甲子四月三十日年七十八卽以卒之年十月二十三日啓韓孺人之窆而窆之嗚呼兩孺人者旣無子女足繫懷抱且皆出于單門非有形管之習女師之訓也又生各

異地非有同氣之戚天性之肖也乃于我張氏爲
勞人爲節婦爲慈母同心同德有若一人六十年
來有如一日則我先君之由身而刑于家者又可
知也噫其可不銘銘曰

董居左韓居右死同丘生同爨見先君可無忸勒
斯銘或不朽

亾妻李孺人墳誌

孺人李氏青州安丘人嘉靖己未進士西安大同
兩郡守諱遷梧之曾孫處士諱三祝之孫崇禎癸
酉舉人諱涵之女壬子選貢翰林院孔目張貞之

祀田集卷八

三

妻也生於崇禎乙亥六月四日辰時卒於康熙己
巳十一月十八日辰時得年五十五以其卒之又
明年二月二十八日葬於吾父母墓之西北三步
生三男在辛丙寅選貢生娶周氏在戊國子生娶
劉氏再娶李氏在乙聘丁氏四女長適諸生焉士
脩次適國子生曹孺前卒次字劉寬茂後卒次適
諸生曹淑孫男四壯輿敬輿扶輿德輿孫女一字
曹會衍孺人生十有五年而歸於貞不及吾父明
經府君之養事吾母孔孺人以孝處吾姊妹以和
畜婦子以慈應接嫺鄙親疎小大莫不有禮至其

相余白首相莊儼如賓友四十年一日也其在吾
家爲余嫁兩妹囊裝辦集不煩吾母治吾母及兩
庶母之喪備極易戚尤謹於廟享雖病不廢治家
寬而有法闔門欣欣自就節度性閑約不好侈靡
衣食惟取足而已平生無疾病晚年屢遭喪變過
傷懷抱氣血盡耗值余疽發於項孺人謂無生理
矣四日不食在戊次子偶以痘殤孺人往哭應聲
而殞嗚呼余迂疏涉世動招尤悔孺人遇事警戒
匡其不逮者多矣今孺人在殯已兩易歲朔身世
之痛久而彌深思欲慰孺人於地下惟有墓隧之

祀田集卷八

四

文迺余善病經年葬日既迫猶不能出而問銘於
當世吾負吾妻矣姑用陳止齋例先自爲墳誌命
兒子在辛書以刻之隧中

亾次女權厝誌

亾女名振姓張氏杞園老人之第二女實菴先生
之第三婦也生于康熙甲辰六月七日辰時時予
長子長女以下有所生多不育及得女喜甚且冀
是後如螽斯之振振因以名焉女生而眉目清湛
朗慧絕人其母奇愛不忍付保姆手遂自乳之吾
母亦以其婉嫺得意旨攜之同臥起者數年吾母

好手自紡績女即效之七八歲小兒女其程課多寡與吾母常相等年十四吾母棄養朝夕辟踊如成人十五適國子生曹霈祖姑劉太夫人治家嚴而有法獨憐之若女孫然服食器用資予多先諸婦庚申太夫人沒女哀哭如喪吾母時而毀瘠倍之過時言及猶潸然淚下然女亦自此病矣女性孝友在夫家數日即一歸寧住必連朝意戀戀不忍去病中尤甚戊辰八月生一女氣血盡耗自是非人扶掖不能成行矣每歸來即涕泣相向及去其母亦灑淚送之然以女方盛年病亦前此作輟

花田集卷八

五

者屢矣不意其以此竟成長逝也嗚呼痛哉已已閏三月予自青州歸急往視之病已革二十二日又偕其母往知無生理矣問何言曰惟親我父母者未盡耳又問曰舅姑在堂不得治一日糞饋為婦無狀以是不能瞑生平止有三女子引與訣亟揮去曰與吾父母語尚恐不足何溷我邪予問有所見否不昏亂否曰無所見亦不昏亂第覺煩燥心如火燒予欲出令其甦息或得清涼女曰病勢已不可為父去無益不如畱此尚可圖一刻團圓也不覺哭皆失聲家人料揀璣珥欲為理妝女頻

頓謂予曰父歎何言乃欲以此累兒邪蓋吾邑有以厚葬誨盜發丘者予嘗以此為戒女習聞之故云二十三日夜半忽汗出不止犁明胷中稍寬家人皆喜予固知其非善狀也二十四日辰刻煩燥倍前兩目且無見延至未向予曰見行矣予執其手曰汝真舍我去乎女曰心痛不可言願吾父割不忍之憂予許之而後瞑得年三十有六嗚呼痛哉死之日姑哭于堂夫哭于寢妯娌各哭于其室奴婢相聚哭于庭除媼戚來弔酌者靡不哀女亦可無憾于人世獨念予熒熒世路骨肉之戚僅三

花田集卷八

六

兒四女時節生辰姊弟相攜笑言盈室即間居寡歡亦藉此得一開顏裴回四望顧獨不見有人嗟夫予耆艾遞至日就衰索子女縈心都為晚計今乃於其生前之藥裹身後之含斂一一煩吾老人也豈不悲哉卒之歲十月庚寅為壙于邑城東北曹氏之先塋權厝焉其權厝也于法不當銘然不可無文以識予哀也故自為誌而俾其兄在辛書諸石

女衛埋銘 并序

予妻李孺人為予舉男子八存其三女子八存其

四自念子女雖多天殤而所存若此亦足慰餘年矣不意予不德招譴已巳三月第二女以瘵入第三女亦病瘵歷以死其可哀也已女名蘅生頗穎慧而性多鬱鬱自毀齒以迨垂髫開顏之日無幾然孝慶天成一味之甘必割以奉父母次及兄弟姊妹終不一沾脣吻也次女初沒吾妻哭之不勝勸予勸之曰哀宐自節獨不肖畱殘命以伴我遲暮耶吾妻曰今何敢死儻蘅女再殞恐無生理耳詎意吾妻竟先女以卒邪吾妻以已巳十一月死女病彌甚然未嘗廢朝夕哭擗時子病疽方宛轉

祀田集卷八

七

帷蓐間女每從殯所歸即詣子榻前坐立移晷子憐其支離必促之再四始肯少憩子創巨痛深五內崩裂神志荒耗女之食飲湯藥靡不凌雜失次遇益苦病益增庚午四月九日女竟死距生庚戌六月十二日年二十一女已許字同邑劉生畱茂過期不嫁可知其病之久也禮女子十有五而笄笄不為殤予知之而不能以成人之喪治之則又以吾妻之新喪而子病之方深也其痛安有窮哉前此諸殤皆葬城西涼水灣頭今以五月六日葬吾女子城東在其母卜兆之東二十步其母亦手

明年二月窆矣不能相聚于人間或可相依于地下邪銘曰
後其母以死今先其母以藏哭妻而又哭女兮可知子心之傷

女孫孟慕甄銘

余長子在辛生十七年而為之娶婦娶三年而長女生余名之曰孟甫彌月其外王母周孺人即取養焉孺人為劉相國女早寡欲得之以慰宗寥故從之其省余及其父母者月財一二至其來也反若客寄者然年十二瘵歷忽生項間百法療之不效既歷七載氣血盡耗遂成瘵疾以死女生而端莊凝重不妄笑嬉數歲已如成人余每見之輒恨門衰祚薄不獲使斯女為男子詎意門衰祚薄不惟賢子孫不易得即一好女子亦不能保其成立也悲矣女生康熙庚戌三月十九日以康熙丁卯五月八日死死後十有八日葬於涼水灣頭先伯叔父墓之西北隅余前此諸殤子女多瘵其地歲時瞻婦先壟眼中又忝一殤冢矣能禁老淚之橫集邪嗚呼女年十八考之檀弓猶長殤也然已許字王氏第未行耳春秋僖公九年書伯姬卒傳曰

祀田集卷八

六

許嫁矣字而笄之死則以成人之喪治之雖古今異便不敢過泥經語而殷人之葬禮猶可行也故稍具喪儀且為作銘取青州激泥軛命其父書而藏諸壙中用以志余之痛云銘曰
其來也奚為亦祇以詒生者之悲

杞田集卷八終

杞田集卷八

孫男簡

元

杞田集卷九

墓表

清故洛川知縣斗杓劉先生墓表

先生諱元化字季雅一字斗杓世居諸城琅邪臺下其地僻處海濱人皆以魚鹽為業無知讀書者先生之父左濱公始以弦誦訓誨子孫而先生少負逸才踔厲風發出語驚其長老弱冠館於外家學日益就遂補校官弟子員萬曆己酉舉于鄉數

杞田集卷九

試禮部不第先生以母老思得一官以養甫謁選人而太夫人棄世服除授高陵知縣其治務持大體好教化邑祀孔子廟其壇壝例取諸女閭先生曰是辱泮宮也革之著為令邑多大猾先生至廉得姦狀悉案以法旌善申明之制有司久視為故事先生別起善惡兩坊分別吏民淑慝揭名櫺閭月朔更集其人于庭親自飭厲一時凜然里嫗有訟其子不孝者先生坐嫗于門外令隸卒荷刑杖隨之其撈掠之輕重多寡一如嫗旨子尋向母乞哀母見其狼藉亦感悔皆涕泣拜堂下先生復諭

安丘縣志
新城縣志
東平縣志
濟寧縣志
臨沂縣志
莒州府志
沂州府志
魯南書局

以順逆利害其子卒勉于孝制府以先生有治劇才奏遷洛川其治如高陵值歲大侵饑民多棄嬰兒於道先生令人收養日給稟既其無歸者後皆攜之返里資斧不足隨在付託故人如託其子初先生以不能媚上官間爲延安守所齟齬因賦逐鹿行以見志及捕一巨盜守復私之遂決意求去其對鄜州觀察王公云勿論太守某所不顧卽風憲如公亦無以易某之志也王領之而已乃竟中以考功法報罷日賦詩官舍有彈章如藥可輕身之句可想見其胥次矣先生旣歸絕口不言居官

杞田集卷九

二

時事性故善酒家貧不能常得園竹正茂時斫以換酒得之則召故人子弟痛飲譚詩娓娓不倦否則徘徊竹下側弁而哦妻子饑寒弗顧也尤長草書欲求書者多載酒以往醉後淋漓揮灑人人得滿意去優游田里二十二年自卜葬地預刻死期而卒時順治丁酉七月八日也距生萬曆甲申得年七十有四曾祖諱榮祖諱某父諱某妣陳氏配王氏男子四人勵明翼明翹明軫明勵明諸生先卒翼明貢士卽世所稱詩人劉子羽也女子二人餘詳狀中猶憶辛亥之夏子羽持膠西王先王所

撰行狀請爲厥考文隧道之石予以辱交于子羽者久不敢以少賤辭然而執筆遲遲不下者已餘十年今子羽歸老海上不出戶庭亦且三年矣子溪懼夫流風日遠遂至失先生之真也故表之曰嗚呼以予觀于先生殆古所稱循吏者哉班孟堅之傳黃霸也謂其置父老師帥勸善防姦范蔚宗之傳仇覽也謂其感化陳元卒成孝子今以先生之治行儼之豈遽不如乃其爵賞曾不能與張湯杜周輩相頡頏無他資格限之也蓋明季止重甲科一塗或不由此雖有魁壘拔出之材亦不過一

杞田集卷九

三

命再命而止卽入官之初人已有以窺其後日之所就固不繫其賢愚矣此先生所以馭於繩墨不竟設施歸來之後屏棄世務放懷詩酒至于遺戒諄諄欲爲裸葬人皆不答而僅以詩酒人目之果有當于先生否乎故予表先生之墓而直謂之爲循吏使後之式墓者有所考信云

洪洞知縣李公墓表

康熙乙丑春余遊吳門今翰林編脩德州李先生紫瀾後至訪余虎丘之寓舍出洪洞公志銘家傳屬余表其九十餘年之葬蓋先生方整齊譜謀爲

一家良史復撫拾先世事行遶海內之士能言者
為碑銘傳誄以斷不朽洪洞公先生從高祖也且
無子而猶不欲使之恣恣如此甚矣李先生之厚
也其何敢辭謹按公汝材諱用卿字一字成吾以
山西布政使司左布政使逢時為父以贈湖廣道
監察御史芥為祖以琳為曾祖公負性奇逸有一
往莫禦之氣非其志雖貴勢不輒屈也好讀書工
為文章與弟汝棟早舉茂才異等皆彬彬有場屋
聲公扶義倣儻方伯公廉吏之橐不足供其揮斥
居恆謂吾父仕惟貧足以徵守吾輩未仕何必不

祀田集卷九

四

富富亦足以有為也遂束書而講治生之術先是
婦翁周鞏縣饒於財贈公田數百畝于是身率僮
奴僇力耕耨以所獲粟轉徙燕齊間又能窺子緩
收以勤儉佐之累訾至鉅萬公家既裕仍以原田
歸周氏隆慶庚午汝棟舉於鄉捷至賀者車騎闐
咽里巷家人竊竊私語彈指贊歎公聞之奮然曰
科名之足重如是乎即日遁居北邙屏跡瑾戶穴
竇以通食飲胠篋出故所束書習之窮晝夜力無
間嘗整肅冠裳對鏡自呼曰汝材爾欲鮮衣甘食
泄泄沒世邪因慟哭自捶如是者三年為萬曆癸

酉亦舉於鄉亾何方伯公卒會州守新至偶以小
過扶其家人公以為辱已不勝憤憤公除後遽謁
吏部選乞令洪洞蓋以守家於此欲報前日之役
也時主爵者為公舉主詢知其故笑從之公至而
前守已削官里居公亦以事扶其家人旋投劾歸
其去任事尚未浹月公既歸乃起大第日市牛酒
與鄉里故人談讌相樂幾二十年而後終得壽六
十娶於周暨娶於常皆無子以汝棟子煌為子尋
卒嗚呼昔孔子贊易於乾而以剛為天德之首至
言勇而必歸之仁者今觀李公謀積著則家埶素

祀田集卷九

五

封圖功名則聲滿公車若睚眦之怨在曾寧自處
于陬自處於褊不妨有傷於長者而必欲取快于
一旦故去一官猶敝屣此其中必有奮迅不可羈
之才屈奇不可茹之志與夫鼻兀不可貶之骨然
則孔子之所謂勇者其在斯人歟所謂剛者亦即
在斯人歟是年十一月長至日安丘張貞造

敕封文林郎山東青州府臨朐縣知縣呂公

墓表代

蓋歲柔兆之困敦封臨朐縣知縣亮公呂公沒且
葬其子主政君立齋既請李閣學為之誌李殿讀

為之傳矣而復屬余文其隧道之石當
先皇帝順治辛卯翰公公令日照以最超為儀部
員外郎余時官京師慕其為人遂與締交是為
公兄

今天子已巳立齋令臨胸刑德竝流聲聞齊賢間
值徵天下才可為給事御史者守相臺察競上君
名召至闕下則以俸淺稍不應格授部主事亦
與余善余與公家兩世知交皆以道義而兩循吏
前後分符又俱隸青郡與敝邑接壤覆露拊循實
維桑梓分該固不薄矣忍不一言以慰孝子遂依

花田集卷九

六

行狀考次其世族官封學術德行與其生卒子姓
以表其墓其世族官封曰公姓呂氏襄哀名字亮
公大名長垣人高祖棠曾祖志祖兌父永樂贈奉
直大夫始娶支贈太友人生一子暨娶史封太友
人生三子公其季也總角明惠善屬文出應郡試
卽冠其儕伍應督學試卽補郡博士弟子尋食旣
縣官應省試輒不利為諸生祭酒者餘四十年以
子貴封文林郎山東青州府臨胸縣知縣其學術
德行曰公蚤失怙事母至孝兄弟怡怡曲盡友愛
當析箸公辭不得物產取其瘠惡者兩兄先後逝

哀慟幾不欲生撫其遺孤及從孫輩無異已出其
生業功名婚嫁為之周旋經紀皆底于成公性醇
篤好脩長者之行衣服飲食崇尚澹素而雅樂施
予有輒散之貧者取諸公若寄也公末歲駿駟顯
重矣然不以貴色喜所與交賤而少我者折節下
之皆能依俦禮義主政君令胸五載數遣人迎公
公訖不就養唯貽書戒之奉職而已君敬謝教唯
謹以故君治行卓然而公亦獲自安于山澤中也
其生卒子姓曰公生前明萬曆四十八年七月十
三日卒今康熙三十四年正月二十一日春秋七

花田集卷九

七

十又六于其卒之明年九月某日葬某所某原娶
李氏封孺人有子三長卽主政君名非虎女二孫
男四孫女五曾孫女三所婚嫁多令族詳具誌狀
中烏虜吾觀於公而知夫復始者之不易也蓋公
自高曾以來孝弟力田為善于家者數世矣至公
而家庭稱其敦睦庠序重其文學鄉閭黨友頌其
為大人為長德是其所以貽後者視夫任宣之奢
粟樊侯之樹漆不亦大逕庭哉今主政君方貴仕
於
朝其顯揚光大之者一命再命知不足以究其積

之厚而沾溉之靡窮也余故爲表其墓曰有魏君子呂公之墓使後之徵行者有考焉

救贈文林郎山西潞安府平順縣知縣吳公墓表

墓表

予束髮結客於濟水南所兄事者一人曰吳君西濤任俠自喜勇於爲人家無儋石之儲而千里誦義焉久之悉其家世凡君所爲皆由君父獻明先生高文大節薰炙漸漬行能以成而非特其天資之卓犖也君既謝世其長子長榮豁達樂易有祖父風好從予游一日出所纂王父行實謁予文以

祀田集卷九

九

表其墓曰吾先子意也遂不敢辭先生諱凱獻明其字一字旋公其先自棗強徙長山曾祖諱貴不仕祖諱文魁永平訓導父諱三戒階州學正兩世皆以卓行載郡邑志母高孺人先生賦才倣儻志意恢闊弱冠爲諸生卽好讀左氏太史公及兩漢諸史眎場屋之文鬼瑣不足措意篤於內行事母純孝邑中人士上其行於兩臺表以棹楔兄嘉訓早世遺子珪叢幼先生哀其孤露爲延名師而親課其勤惰尋補學官弟子又割已產之半贍之珪年八十餘終其感先生之恩稱先生之德猶不容

口先生旣以文行者聲四方名勝或過於陵必停車披帷詩酒流連不忍去一時守令亦以先生爲奇士多折節下之先生則封域自守未嘗有一箋干請也天啓辛酉試於鄉爲本房孫公昌齡所首薦主司以語觸忌諱寘之甲子復以內艱不與試事先生妻困鎖院有某公者逆奄魏忠賢私人也語先生曰以君之才爲某公幕客舉鄉薦由反手也先生叱之曰吾徒屈首受聖賢書官向刑餘人覓生活邪新城王季木先生爲作長歌紀其事學宮故隣縣治令某欲取其隙地爲馬廄令貪而橫

祀田集卷九

九

無敢與言者先生獨力爭之令曰吳生閉門讀書不與外事相關乃亦爲是斷斷邪先生曰學校禮法之地欲以勢效安得不言令見其占對慷慨知不可彊事迺寢先生剛正不阿遇事發憤皆此類也先生晚年遇愈蹇識愈高而傷心於時事之難爲也與范忠文公景文雅故以書寄之條上五事其目曰武弁宐加優禮腐儒不宐備兵闈宦不宐監軍巴蜀功多冒濫遼民宐加撫卹累數千言皆切中國家利害蓋先生負魁雄之才于時政得失纖悉畢見雖掩鬱無所設施而曾中耿耿終難閱

默故藉筆札以少露其經濟之萬一要之徒寄空
言豈先生意中事哉於虜天下大計廟堂不知而
草茅能言之草茅雖言之而廟堂終亦不能行也
此明事之所以不可問歟崇禎戊寅兵躪二東薄
長山居民皆走散先生獨畱佐縣令纂嚴城守十
二月二十八日援絕城陷先生被執不屈死年五
十有一順治庚寅冬葬于縣南長白山之東麓葬
之十八年以子貴贈文林郎平順縣知縣娶沈氏
封太孺人後先生三十年卒子一人瑄卽西濤君
已亥進士平順內丘兩縣知縣孫三人長榮州同

祀日集卷九

十

知長源太學生長齡邑庠生曾孫四人存恪奕蔚
際臨遵讓餘詳志狀中康熙三十八年夏六月大
暑日契家子安丘張貞表

誥授奉政大夫陝西臨洮府同知高公墓表
高子任吾邑篤行士也書其祖同知臨洮府事諱
應玠字明珍之行治伐閱世次來請曰吾高氏世
爲邑之興福里人後徙城西土山之麓家焉吾祖
奉政公之曾大考諱瀛不仕大考諱攀以明經官
高郵州學正考諱惟嵩邑廩生用公貴贈奉政大
夫臨洮府同知生三子公居第三贈公沒時長兄

六歲次四歲公二歲耳生母孫宏人卽世繼母王
宏人鞠養教救亾間昕夕一日呼諸子而詔之曰
汝三人早孤族屬視同凡肉今幸皆游庠序門戶
有託矣然吾之望於汝曹者實不止此公感其言
奮自底厲不數年學已足用時譽殷然邑中才彥
求業者雲擁其門成就甚夥尋應順治八年恩貢
考授通判緣人關壅滯改選浙江東陽縣承境內
時有竊發城門晝掩令選便方詰窘乏策公語令
曰捕盜雖非吾責而其所蹂躪者則吾民顧聽之
邪令始請于制府遣兵討捕其黨解散賊魁王思

祀日集卷九

十一

鸞逸去公伺其夜歸親率鄉兵掩捕之鸞力窮又
將潰圍去公目健兒射之中右臂遂成禽兩臺材
公交章尉薦遷臨洮府同知駐河州職司茶馬時
楚黔用兵需馬甚亟動繩以軍興法羌人遠處塞
外縱之則偃蹇迫之則鳥獸散公結以恩信茶至
卽發馬至卽驗吏胥無所售其奸中外悅服迄公
任無後期者地處西陲風氣勁悍催科少急輒起
異謀營卒雖云告變寔相引憫喝爲重公刺得其
狀召營將責之曰兵以衛民汝不能靖亂乃幸亂
若此豈不聞程課若輩爲吾職掌乎固有悛心以

片紙達軍門立殲若矣營將氣奪公適攝守事察其倡亂者痛懲之一州肅然州產皮裘吏茲土者歲製至數百襲商賈不勝困有粥及子女者公約同官悉予平直是後歲製僅數十襲矣其潔已愛民皆此類也順治辛丑遇覃恩授奉政大夫贈父母俱如其秩公念以明經荐歷民社晚而從政榮及所生于分已足七十老翁尚復何求遂移疾歸公既歸闔門埽軌不復言及居官時事惟日與田父野老話桑麻量晴雨以自娛樂素彊無疾雖躋大耋猶善飯庚辰除夕忽淡悶干嘔次日病革家

花田集卷九

五

人欲召醫診治公曰吾行年九十方以考終命爲幸但使吾子孫能靜以脩身儉以養德可含笑入地矣奚藥爲越五日神識不亂遽然而逝生萬曆二十年四月二十一日卒康熙三十年正月初六日得年九十元配王氏贈友人醫王氏又醫劉氏封友人子二人榆庠生模孫八人任庠生文炳庠生文燾文烈价侗庠生脩佶曾孫十一人埤監生均坪堅監生埤學埤塢塹基增元孫九人十孝士忠士泮士廉士雅士毅士弘士恭士哲卒之歲十月十二日葬于邨東先塋之次公天性敦厚內行

尤篤痛贈公不逮養事母至孝疾不緩帶居喪哀毀盡禮奉兩兄恂恂恭謹終身無幾微忤仲兄沒其子柩亦相繼沒貧不能葬吞衾牆嬰悉倚辦于公卹其孤嫠廩假進退昏嫁有無無不自己出者其處人也一以平恕橫逆之來犯而不校長者之行遠近稱焉有司聞之皆式其閭四舉鄉飲賓采輿論也任之述公者如此余識公在其拂衣之後每有事西鄉遙見公廬輒喜典荆之在望或遇於場圃阡陌間必下馬相揖公卽延入其室茶話益久容色益恭不以余之少賤少損其敬夫亦可以窺公之爲人矣余所爲徇公孫之請表而志之不忍牢辭者也康熙四十一年三月望日同里張貞

花田集卷九

五

表

昌邑文學凝吉劉君墓表

都昌古訾城地去余淳于別業百里而近岡迴水繞風氣堅密醇儒俊民含章挺生吾宗人多錯處其間故每過之住必浹辰意戀戀不忍去其中人士亦樂與余游劉子采三其魁然者也父文學君卒相葬乃郵所撰事略介家誠思中舍以書請表其隧道之碑遂不敢用老疾辭惟君諱長慶字凝

古代居利津其上祖諱孝先宋末始遷昌邑城西
之新郭邨大傳爲君之高祖諱堆曾祖諱堯卿祖
諱嘉衡父諱芳聞娶李氏女生六子君居第五幼
負美質器宇淵涵有大人度總角喪母哭泣備禮
哀動觀者母有所訓恪守終身稍長補學官弟子
甫爲諸生卽遭外艱自傷孤另益勉於學辭章粲
美而尤以制行爲鄉里所推重性忼慨好施遇人
險難輒資以泉粟未嘗靳惜或微諷曰獨不爲囊
裝計乎君弗聽春秋佳日酒食抵飭旨蓄屯具召
親串聚比鄰呼盧浮白窮晝夜不示倦色君行意

祀田集卷九

四

自如而先業亦不爲之少挫歲大侵縣大夫持簿
勸輸以食餓者君出粟振之而不書名于簿蓋不
欲以施濟邀鄉曲之譽也令彌重之旌其廬與元
配姜孺人齊眉一德白首相莊孺人卽世不娶後
妻不畜小婦人稱其賢教諸子姓讀書之外申之
以雍睦故皆和樂豈弟每相聚一室情誼篤摯笑
言啞啞暄然若陽春之入座隅其有得于庭訓者
浚矣君素強無疾千康熙乙酉之閏月忽病數日
而卒則二十日也距生崇禎甲戌八月二十一日
得壽七十有二卽于卒之歲十一月十二日合葬

邨北之祖塋娶封光祿大夫巡撫廣東都御史姜
公諱演女子男子二元秀歲貢生候補學正元實
邑廩生子女子二適副榜貢生王嵩齡庠生朱準
生孫男二一鎰邑廩生一鍵孫女七四適人三許
字曾孫男四友洵友洽友渙友澣曾孫女二余觀
於君蚤失怙恃孤露無依克自振厲以敦倫善俗
爲鄉里祭酒已可謂豪傑之士矣而猶以其無高
爵盛位之報爲士友所恨惜然能以道啓迪後昆
卒皆扶義倣儻卓然自見於時於呼其卓然自見
於時也其卽士友之所以爲君慰者歟康熙四十

祀田集卷九

五

四年冬至日安丘張貞造

王徵我先生墓表

吾邑濰水之東有兩山焉南北相望如恆衡之對
峙前爲峽予家聚族於此後爲岵王氏一姓寔所
託處王氏門第之高旣非他姓可埒而徵我先生
尤王氏之嶽嶽者也先生奇珍諱徵我字其上世
莫攷始祖饒明初來安丘擇岵山之勝家焉數傳
爲大父九式再傳爲父尚佐隱居不仕而賦性倣
儻好與賢豪長者游出行里社衣裳整肅風儀岸
異人莫不目屬之娶於周生丈夫子五先生最幼

七歲而孤內受母教外與其兄文海日夜鏃礪未
四補博士諸生一門蒸蒸敦謹以文雅相高遠近
慕焉壬午變起兄弟羣從俱罹鋒鏑未幾伯兄圖
閣又爲怨家所中俾司邑庫明季敞政縣令旦夕
之費唯庫吏是問上官緩急之需唯庫吏是問至
臺察贖錢賦不以時者亦無不於庫吏取盈也故
凡領是役者家立毀圖閣衰病之餘遭此慘酷莫
能支拄先生慨然以身代之庫中舊貯四百金贖
錢也邑宰劉公借充別賦上供劉適遷去攝令焚
其籍督使代償力辯不聽訟之守守納令賄亦不

杞田集卷九

夫

聽迨入

本朝石觀張公來令吾邑值錄科奇先生艾拔前
茅始白其冤而免其役季兄早世遺孤四人撫育
教誨不異已出及諸孤遇害其產應參亭而三分
之先生獨不問其子難之先生曰此產爲汝季父
故物每一念及輒悲不自勝汝復欲與羣從銖量
寸計我心滋感矣脫令季父愁遺一子汝將何覲
乎淚隨言下其子乃止先生自免役後以日暮塗
遠讀書益苦文亦益工試必歷其儕偶人皆以爲
晚榮可期而先生病且死矣生以萬曆甲辰五月

杞田集卷九

七

初五日卒以順治戊戌二月十二日年五十有五
于其卒之歲十二月初十日葬所居邨東南陽之
阡配李豎張又豎趙二子汝實汝和縣學生四女
嫁碁日宣于蕃李案林郎養重六孫維繩維念俱
縣學生維續維述維憲維昭三孫女六曾孫於序
今人家庭燕處誰不知有兄弟及貨財當前爭端
斯啓夫兄弟而至爭財始之相視如塗人終必相
遇若寇讎矣天倫之愛尚復何有先生情濶急難
奮不圖軀下至胥吏賤役亦且低頭以就之其視
田園闕茸直長物耳故雖毅然讓產大謔章章寧
足爲先生多哉又讀邑志篤行傳稱先生持己以
恭接人以誠排患周急惟力是視爲一惡少無端
齟齬將甘心焉先生濩自避匿賦詩紀事命子書
之終不言其姓名嘗赴省試歸蒼頭齋其行囊至
濰河沙積中爲盜所掠尋知爲先生物曰君子人
也還之彊悍不逞之徒猶知敬服如此可以知先
生矣先生既沒之四十年介子汝和始撰事狀謁
余文以識其墓蓋予竊高下風之行久矣投老荒
邨其地爲杞國故墟人多固陋莫可與言每東望
咋峯輒思得賢如先生者而從之游又何敢以文

筆衰茶爲解故序次其說使鏡諸樂石庶後之仰
正景行如予者亦可有所考信也

文學旭菴李君暨配王孺人合葬墓表代

吾吳二百年來得一循吏曰安丘茂實李公令吳
江有異政如籲天息火縱囚來歸皆孟堅傳中不
數數見者余心焉慕之自通籍後屢過齊魯東望
其廬輒欣然神往想見其人庚辰夏張君杞園偶
游京師叩門相訪屬余文其內兄李君夫婦隧道
之石閱狀知君吳江公之曾孫也昔人有云愛人
者兼屋上之烏況公之嫡胤乎故爲之表其墓曰

松田集卷九

六

君諱其旦字復旦一字旭菴世爲安丘峯山里人
始祖以下七世曰完封戶部郎中完生遷梧卽吳
江令也歷官西安大同兩郡守遷梧生三祝處士
三祝生涵崇禎癸酉舉人是爲君父母辛孺人君
生而警穎異常兒稍長日誦書數千百言弱冠補
邑博士弟子性喜飲酒連進數十觥不醉醉後貌
益恭聲益下氣益溫醇故人皆樂與之游少好騎
馬佩劍每得一良驥一寶刀調御拂拭常至終日
雖性喜武事然不爲任俠尚氣之行且其家稱渠
丘鉅族雅不欲以門第自雄人無少長遇之必恂

恂恭謹與姻戚相接一本于誠苟以甘言給之雖
胥懷叵測亦不疑其欺也里中有惡少年動以
勝氣凌人君能折節下之相得甚歡終身無迕孝
廉公固寬然長者教諸子姓未嘗過爲督責而君
之事父母則夔夔齊慄終日侍側不見惰容其待
諸弟妹饒有恩義家庭之際煦煦怡怡如也以君
之好行其德專氣致柔種種皆壽者相偶於夏日
嬰寒疾以弗慎醫藥竟卒君平生未了之事元配
王孺人以一身肩之矣孺人故受山衣冠族所居
去君家十里而贏世世爲昏因若朱陳然孺人父

松田集卷九

九

諱永籍諸生以素與孝廉公相善也故孺人少于
君五歲忘年而許字焉十四來歸卽能順其舅姑
反其家人旭菴沒時舅姑在堂生子才九歲孺人
竭朝夕之力代君子職白髮老人頓忘喪子之戚
及相讎捐館舍喪葬易戚咸備鄉里稱之孺人持
家秉綜理詳明大小臧獲指以百數咸凜凜受約
束而庭絕叱詈聲鹽米瑣細皆操其盈縮而不尚
刻覈家亦日隆隆起眎君在時不啻十倍矣至其
教子首戒宴游迺親串之過從者鮭菜立具務極
豐腆未嘗以其身儉使其子失賓主歡晚年病非

作輟不時病少間寢門之管鑰戚鄰之筐篚猶數
問不置也君生崇禎六年十二月二十九日卒康
熙八年六月十六日年三十七於明歲十一月十
九日葬祖官之新阡康熙十二年十二月朔日改
葬所居下坡邨東八珠山麓孺人生崇禎十一年
七月十五日卒康熙三十九年三月二十六日年
六十三於其卒之明年四月四日啓君之窆祔焉
子男一怡貢生娶王氏繼娶張氏女二長適王若
曾次適王寅亮孫男五大木大本大未大米又朴
孫女一所昏嫁多令族詳具狀中嗚呼茂實公兩

杞田集卷九

子

守名郡以清節峻猷聞天下及角巾東歸潔身高
蹈以酒自放忘情去畱人比之漢蓋公管幼安焉
至旭菴旣歷三世猶守其家法益樹德以滋之昔
人所謂必復其始者寧必致身通顯始稱克繩祖
武哉獨恨旭菴無年遂成缺陷而王孺人以恭儉
補之无成代終女德所孫功豈鮮鮮也杞園歸而
以是復其子使樹石墓道或亦足以沒旭菴夫婦
矣

益都王佐臣墓表

康熙丁亥夏六月余客青州王子舜五衰服過余

邱舍再拜請曰治有祖父之喪葬已迫期願得一
言書其隧道之石按狀君氏王諱宣佐臣字也其
先萊之濰縣人明季有挾軒岐鵲意之術以游青
者所至立效因畱益都家焉至君高祖俾生來召
來召生境境生之瑁則君之曾祖父也君天性醇
謹狷介自好不苟取予飾容止慎舉動衣裳整潔
不染衽埃時當匆遽未嘗有躁急之態且存心敬
畏晨起必北面稽首遇朔望有加禮膜臘祠祭務
極豐腆高會以來旁及伯叔父母卽兄弟之無後
者亦從與享之先世遺書遺物雖殘闕斷爛珍惜
若護頭目更歲久終不散失樂施予宮觀神祠興
梁道路所需餼餼逋峭悉資助之冀潰于成親鄰
之不能葬不能昏嫁者多方賙給蒙袂輯屨全活
無算長孫治生而明穎聘妻早夭有富人欲以女
妻之遣媒致辭曰王生壻我青衿可得也君曰功
名有定數苟且得之終身受制外家矣竟不就李
某者爲子納粟入太學有所逋累君代償未幾其
子死以中子冒之或說君以一言發其私某旣不
測矣君笑謝之甲申六月君病疝瀆危命其子孫
曰吾死矣曾中無一事惟與某某有小假貸未償

杞田集卷九

三

耳蓋棺後當亟補還勿使我遺憾地下也閱日痛
瘡如數付之生平所為略其大者如此其細微顧
不能盡書也晚年日進治督課之令與郡中賢俊
游優給良至治卒能淬厲進取有聲黌校皆君訓
迪之力也君之食報其在斯歟生以故明崇禎三
年正月二十六日卒以康熙丙戌正月二十六日
得年七十有七娶王氏子一人天福候選主簿孫
三人治庠生澤澄孫女一適羅斌曾孫大椿於是
治將以丁亥十二月十九日奉君之柩與其元配
合葬於城南小礪之新阡又能述君之賢行以屬

祀田集卷九

三

余也徵諸州人以為良然故為序次其說使鑲墓
上用塞孝孫之意庶亦可以示於今與後也已康
熙四十六年秋九月晦日安丘張貞表

曹室李孺人墓表

吾邑孝廉露繁曹君湛有賢妻曰李孺人年十八
而歸三十六而沒當其初喪露繁哭之纏綿哀痛
無復生意意逾歲而悲思彌甚將葬露繁挾所草
事行幾三千言請余文其墓上之石余讀之其狀
里居世系曰萊蕪孺人所生邑也封榮祿大夫直
隸守道叅議諱世秀者祖也庚戌武進士雲南都

督同知諱珪者考也贈一品夫人趙氏者母也其
狀生卒子姓曰康熙九年十月二十八日康熙四
十四年四月二十五日孺人之生卒年月日也一
子曾紹二女一適廩生張壯與一許字韓際坦一
孫稟厚方呱呱而泣也其狀事實曰孺人以閨閱
之女來孀吾家承親相夫無驕汰之色娣姒姊妹
頗眾孺人接之如一人前室遺子女遇之如一母
且婉嫵柔順先大夫稱之曰新婦似習為貧家婦
者吾母王室人曰吾婦也乃若吾女蓋欣欣然交
相賀也余性樂託不耐纖瑣家幾中落孺人儉于

祀田集卷九

三

自奉黽勉有無傾橐市田百畝以供饘粥余屢赴
公車襍被資糧皆預為儲俾往返數千里無有匱
竭孺人力也子雖夔未嘗忘教至為女擇所歸孺
人則別有見解力為主持後得安其室家一時共
推高識若盡脫簪珥以資昏嫁又其小焉者也孺
人既歸之明年父九錫公卒于官訃至驚痛欲絕
勺水溢米不入口數日余反覆慰譬始得不至滅
性然行歎坐愁克為之瘠矣蓋孺人少失侍事父
最孝九錫公遠宦楚滇遂畱維揚依祖父母曾一
省父鄂渚未幾北歸片帆將發父女相持淚下如

縵縵平居偶一述之輒悲不自勝今遇大故哀可知也是後意思索莫念父之淡時或入夢中夜失聲彊爲排遣病源已伏孺人之沒雖後其父十有八年猶然死孝也露繁之狀如此予與其家世通昏因知其內行爲詳孺人生而靜慧髫年受書女師未竟業及歸露繁見其好學緇閱濡染不離一室久之關節開解曉暘文義每晏坐對譚皆有理致至裁事決筴悉中宵縈說者謂露繁脩然自好不牽世俗趨舍卽其警戒相成之明驗也故露繁誓不再娶秉節彌堅以庶幾于死者復生生者不

杞田集卷九

四

愧之義非孺人之真賢且才惡能得此於夫子也哉烏乎昔人有言丈夫才而鬼瞰之矧其在女子之躬也好友在四方而造物或收之矧其在閨閣之中也露繁知此亦可無憾於彼蒼矣露繁之具草多情語爲擇其有關婦德婦功者書之使刻墓上以永其傳焉康熙四十五年十月之交七十老人張貞表

孟母墓表

里人孟朴持其母曹氏族出節行昏嫁之詳介友人請余爲其墓上之文且曰吾母故家連池里父

諱一宦十七歲歸吾父諱陳舜嫁十四年而吾父沒時朴五歲吾姊九歲母年僅三十耳運當鼎革所在兵起母攜子女東西奔竄無寧日吾母用智自衛卒得保全旋值歲侵族人多貧不能室吾母擇一二近屬助之完娶同姓以睦又以其餘力及于鄉黨苟有窮急必樂振之朴稍長卽令從邑士之知名者游故家雖流落顛頓而不爲長者所弃吾母之教也迄于今朴有三子二女皆克成立使吾父死者復生生者寧有愧乎母年七十有八以終時康熙二十六年三月二十一日也是年十月

杞田集卷九

幸

十六日耐于吾父之墓言已泣下不能止余嘗讀錢牧齋撰孫照鄰墓碑謂世之不忍死其親者知文章之爲重遂致其力于大書淡刻以斬不朽近日汪司馬持一時文柄主盟饒中徽人之思不朽其親者爭乞其殘膏賸馥以爲天球琬琰未及百年饒中之文霜降水涸索然無有矣是譏世之知以文章榮其親而不得其人雖翳然簡牘究無當于信世而傳後者也抑知世固有致身通顯名列朝宇聲氣旣已徧海內而人之文章品節識力又足以鑑別之乃旣得其人與之連袂接席矣惟是

歌吟互答無益之篇章動盈几案曾不肖出先人遺事求其片言隻字爲之論著平生區明風烈又何有于編戶之疇窮鄉之老哉今朴悲其母節之苦也念已一老布衣旣不能爲之致雕軒象服之榮又不能爲之邀烏頭雙闕之典故思致力於其所可盡惟托于文字可以無窮于是裴回大人之門扶服造請不避艱難忘其屈辱庶幾得其一言可以不死吾親乎久之官於斯者皆立棹楔以旌其門里中薦紳以及文章之士莫不載筆以紀其行薄陋如余亦屬爲文表其隧道屢介友人至于

祀田集卷九

五

阡表

孝烈文學李府君阡表

明之季時將鼎革天下大亂吾鄉人士或以兵或以役或以流離播遷死者多於麻竹求夫死得其所以可貫日月可泣鬼神同不敝於天壤未有如我濡之李公者也公諱沾濡之字也山東安丘人處士諱三祝之子中憲大夫西安知府諱遷梧之孫

贈承德郎戶部山西司主事諱完之曾孫也公廉吏之後處士公又意氣自豪不事生產及公弱冠已徒四壁立嘗從田中負禾歸見者曰子能力田可以無饑矣公歎曰子豈長爲農夫者哉公家之東有邨名川里院者爲族父中宇君所居公游其間中宇君與語知公有志讀書遂畱與子襄明同學家塾公奮自底厲不三年而業成補學官弟子旋廩二十人中學使者某公爲詞壇宿素最愛其文每月命題檄取公經義二十篇以課其子其爲名流所識賞如此崇禎十五年冬

祀田集卷九

七

王師再下山左處士公盡室避之海上兵火充斥公知不免亟勸父返故鄉不聽迺遣二子與其妻鄭歸二子依戀不忍去公曰無益也吾爲吾父死汝爲汝父生豈必以胥溺爲孝哉公旣畱從父父爲邏卒所獲公奔入軍壘謂其帥曰此吾父也老不任役使願以身代帥領之父得釋去尋偉公貌疑爲富人怒其垂囊遂射殺之亂定昇其尸歸喜形于色母劉太孺人撫之曰兒何笑家人曰子代父死無憾故含笑入地耳時癸未正月十二日也年四十有五葬于邨北之新阡昔潘綜遭孫恩之

亂與其父驃避賊困乏坐地綜迎賊叩頭曰父年老乞賜生命賊因斫驃綜抱父於腹下賊斫綜頭面凡四創一賊勸之父子並得免予每讀南史至此輒嗟吞涕洟想見其人以觀于公其行事何相類也因思父子感通唯一至性公與潘君見父被執情迫於中諒不再計屹然赴難生死安論蓋幸則為潘不幸則為公要其初心原無二致由今視昔千載同烈矣公娶鄭氏子男四其昱其昭俱縣學生女二嫁縣學生孫爾晟太學生孟統新孫男五塿早卒坳坦俱太學生壩塚俱縣學生曾孫男

杞田集卷九

元

女十八人公沒七年予始娶其從女知公死事為詳又五十五年因其孫坳之請迺取當年實事論次刻碣雖與邑乘牴牾欲其昭信後世也康熙甲申四月姪壻張貞表

杞田集卷九終

孫男廣輿校字

杞田集卷十

墓碑銘

安丘張 貞起元著
新城王士禎貽上定

封奉政大夫刑部四川司員外郎加一級原

戶部廣西司員外郎劉公墓碑 并銘

康熙庚申春二月江南督學使者諸城劉君木齋以繼母孫友人憂去官居喪以易戚稱禫徐後督學君交出補觀察其弟進士君敬子亦應就選人長一縣皆以太翁奉政公春秋高不忍去朝夕承

杞田集卷十

歡極盡志物之養十三年不少解於是兩孝子之名聞天下壬申秋奉政公以壽終里第兩君慎終之禮大小咸備既葬督學持所自草父若母行狀及今少司農王阮亭先生所為墓銘屬貞文其隧道之碑貞以契家子分不得辭然讀志狀信史也何能加故仍撫其意而論次之曰公諱必顯字微之一字西水其先徐州碭山人自處士公諱福者徙山東之諸城家焉數傳皆力田孝弟至大父諱思智始以文學補邑庠生後以公貴贈文林郎行人司行人母王氏贈孺人公生而臞膚不藏骨一

準隆然望其眉宇知非常人甫能言文林公抱之立門外邨鄰有富而豪者吞嚙里人殆徧文林公獨不爲下適盛儻從而過呼公小字戲焉公觸其忌直斥之豪大沮去文林公陽謝其人而心竊異公矣稍長出就外傳授之書讀一再過卽成誦十二歲從叔祖某讀書遠邨塾中多邨豎惟知擣搗嬉戲殊無切磋益公歎曰辭親遠出期上達耳若然何必去鄉井爲哉獨正襟危坐讀書不輟諸豎百計誘之弗顧也家貧苦無書可讀文林公游戚邨間閱古今文字遇心賞者輒錄之舊紙或書掌

花田集卷十

肱間歸而授公繕寫讀之緣此學日以富十九歲補府庠生歲試以經書三秩拔第一爲十四城冠甲子以第六人舉於鄉時公文譽久著士林指數皆謂當立陟上第乃困頓公車幾三十載又倔彊成性恥事干謁遂至家徒四壁立或勸以祿仕公愀然曰嘻豈知我者哉余性傲急且無宦情惟思得進士二字啓牖後人耳以青袍致台鼎非其好也自是坎珂百罹終不廢讀遂登順治壬辰進士殿試二甲授行人司行人旋捧詔偏沅時滇黔未靖兵將多驕悍李本浚爲甚公惡之弗與接意

頗快快開讀後卽擬返棹適金陵馬生謀署柳州同知撫軍袁公許之而俾出金爲公壽問資所從來則其友人質妻孥于營將得之者公曰汝以利債累友朋能自飲冰茹蘗乎汝去爲廉吏卽我拜當事之惠矣擲金令還之營將聞風亦納金而捐其息公竟垂囊歸將行從人射雀誤中兵家穉子一軍盡甲噪於行署子之父喘汗崩奔急止之曰射者誤也死者數也劉使君豈縱僕傷人者哉與之金市斂具亦不受所至爲人信服如此旣復命又使粵東其立心行事一如使偏沅時維揚聞母

花田集卷十

訃一慟而病扶掖返里祥除之官則有秦中論祭之役中途晉戶部河南司主事撥固山司理市兒有齋產投身旗下者其兩弟家亦饒主人將竝沒其產而奴其人案將定公不從或以利害懼之亦弗爲動其家竟完亾何監督通州中南倉地處脂膏未嘗以毛髮自潤運弁某者鄉人也以無核棗及銀卮爲餉公訝曰故人宐知我乃反以此相汗邪弁曰可不須卮棗爲鄉味似無害公曰凡自外入者皆非義也立卻之事竣繡衣使者察核尉薦之甲辰出榷蕪關改立進單之法賈舶便之尋

假歸里門惟聚子孫一堂教以耕讀不及世事也
已酉以督學官京師迎養邸中復補戶部原司旋
晉廣西司員外郎僅逾月語督學曰本無宦情爲
汝所誘至此老病恐曠厥職其趣俶裝勿久溷汝
也公歸而家益落唯大木數百存海州畝中時南
服不靖征進須船公欲以巨材百條捐造艤艘時
木價日翔計直三千餘金已具疏達銀臺矣當事
以不由外題非例未徹

御覽值總漕帥公奉 敕脩雲臺神宇竟以之助
殿工焉以此覘公報 國之志在 朝在野未嘗

杞田集卷十

四

或間也其他助昏嫁卹喪葬贖女童以完人骨肉
出囹粟以周人困乏公施濟旣博且令子姓踵行
之其爲德於鄉里者又二十年而終則康熙三十
一年八月二十七日也距生萬曆二十八年十一
月二十二日得年九十有三公仕自文林郎累遷
至奉直大夫戶部廣西清吏司員外郎以子督學
君貴 封奉政大夫刑部四川清吏司員外郎加
一級于卒之歲十一月十五日大葬於邨北之新
阡以孫鄭兩友人祔焉公初娶於徐有首疾其家
以是辭昏公堅持大義弗許于歸後以靜好著聲

人謂庭式復見今日不及五載而卒再娶鄭友人
壬午癸未間兵躪二東友人避地百里至膠西之
孝衍邨時烽火四接道路洵懼一聞訛語遽爾投
繯蓋其素稟守身之訓故慷慨伏節若是其易寔
未嘗懼鋒刃受迫偏也暨娶孫友人系出名家與
公齊眉一德長幼卑尊調劑具宜狀稱自友人來
嬪公之家道滋殖生息日繁科名仕宦亦駸駸向
盛是其于公眞稱良偶矣公出身儒家長舉進士
晚登三事寵命疏榮孫曾繞剝壽考令終人謂旣
醉五福總萃於公之一身其得於天者似爲獨厚

杞田集卷十

五

而不知其平生所遭亦非盡出亨途也當其少也
食貧攻苦淹頓場屋及薦賢書已踰壯歲未幾而
時際改革寇盜蝟發鼠竊豕突捲地滔天于是太
贈公以罵賊死鄭友人以全節終公攜嬰負穉竄
身南北乃于播蕩之餘益厲堅定之志不骫骳以
隨時弗見遷於異物以讀書教子爲能事以積德
制行爲眞筌險夷一節百折不回卒能父子奮身
聯翩上第列戟相望家門巋然若督學君者則又
于國名忠于家稱孝海內人士以之爲職志者非
公之德足格天才能壽後烏能致此哉公生丈夫

子四楨貢生考授從六品果己亥進士江南提學
道僉事癸乙丑進士裴太學生女二適進士王文
煌貢生單務裔孫男八紹輝丁巳舉人紳燦太學
生綸炳諸生縉炤燦燦絃熿綬痕縉燦皆幼孫女
八曾孫男七塾壁整暨奎珪堡曾孫女五昏嫁詳
志狀中銘曰

九僊奇秀不減雁宕篤生者誰公寔不讓策我驥
足茲仕 中朝經文緯武旋斡斗杓篤節星軺不
辱君命敷典擾民芒寒色正忠信所昭風愛郁然
廉隅自飭王粟冰堅惟公之妻如芝三秀以節以

杞田集卷十

六

才揚輝中藉百播百獲曰有子姓食報詩書綿綿
之慶忠貞世濟踐脩厥猷惟

帝念功綸綽汝疇金管黍書照耀堂斧長夜重泉
皎如日午松楸鬱鬱亦載 國恩捧筆作頌永奠

墓門

墓碣

李伯子墓碣

李伯子諱其晟安丘峯山里人太守諱遷梧之曾
孫處士諱三祝之孫孝廉諱涵之子母辛孺人伯
子少具夙慧有成人之度無子弟之過年十五遇

寒疾傳為衄衄以卒卒十年予始娶其妹吾妻既
長猶見家人思之無異初沒也吾外舅之言曰子
孫之才不才皆繫乎天故兒既出就外傅便不復
閱省比其亾也料簡故笈見所作經義然後知其
為吾家佳子弟吾外姑之言曰兒處家庭不見有
異但覺平日所行無一事逆余意者吾妻每向予
述之辭多嗚咽吾妻既亾之十年內弟其曉過予
曰余有長兄君所知也以時日之無良喪葬草猝
至今尚在淺土無以識之再傳而後已朽之骨且
蕪沒於空煙翠樹間矣欲乞子一言鑿諸墓上恐

杞田集卷十

七

於銘法無當也予應曰人之所以為人者學與行
耳今觀父之所嘗稱者可以知其學觀母之所嘗
稱者可以知其行學行淳備生人之道盡矣易乎
伯子之所少者惟年耳關葺之徒晏安茶粥百年
鼎鼎朝露同晞原情比迹求應銘法者吾知其在此
而不在彼也伯子以天啓丙寅生以崇禎庚辰
卒葬于下坡西南黃阜之原康熙己卯六月幾望
妹婿張貞書其碣

李季子墓碣

余九歲而孤終鮮兄弟見人兄弟羣游輒噓晞晞

嘆以爲生平無此樂也少長每遇嘉慶過外舅季公家與其諸郎錯互杯杓笑語終夕意戀戀不忍去以爲生平未有之樂庶幾藉此以爲友于之思乎自吾妻來歸其季弟其曙裁三歲耳乳媪劍之間日一來省其姊余卽誘之作童穉語以爲嘻笑卅角就吾家塾讀書與余長子在辛同研席季子肌肉玉雪睂目明秀且賦質聰穎書一再讀輒成誦然喜娛游不耐靜坐塾師督之威以夏楚弗顧也在辛忽病癥結召醫眎之季子固無恙也戲令同出受診以試醫之能否醫言在辛病雖惡能蚤

杞田集卷十

從事可活若季子者不治家人方共笑其妄無何而在辛瘡又無何而季子病竟不起寔康熙壬寅六月十五日也距生順治丁亥九月十八日年僅十六以其年八月葬下坡邨北之阡季子亾後七年而仲兄沒又一年而父沒又三年而母沒又十六年而吾妻亦沒惟叔兄其曉在然亦已老而衰居恒鬱鬱多往來余家興言及此必噓唏慨嘆仿佛余當年意中事故謁文紀述欲以紓其脊令在原之痛抑知強爾操筆亦足浚余身世無窮之悲耶以旣識伯子之藏因不復次其世家云康熙三

十八年六月旣望姊夫張貞撰

行狀

誥授光祿大夫總督福建浙江等處地方軍

務兼理糧餉兵部右侍郎兼都察院右副

都御史加四級朱公行狀

曾祖志高贈光祿大夫巡撫廣東等處地方提

督軍務兼理糧餉都察院右僉都御史加五

級妣劉氏一品太夫人

祖仲卿贈光祿大夫巡撫廣東等處地方提督

軍務兼理糧餉都察院右僉都御史加五級

杞田集卷十

九

妣劉氏繼劉氏竝一品太夫人

父美先封通議大夫宗人府啓心郎贈資政大

夫大理寺卿加二級再贈光祿大夫巡撫廣

東等處地方提督軍務兼理糧餉都察院右

僉都御史加五級妣姚氏一品太夫人

本貫山東東昌府高唐州朱公年七十一狀

公諱弘祚字徽蔭一字厚菴姓朱氏朱姓本出邾

子國卽今鄒縣高唐地近之故知其爲公族也會

祖以來隱居不仕皆以行誼有聞于時兄弟五人

長諱光祚選貢生封儒林郎內閣中書舍人次諱

昇祚副榜貢生次諱昌祚仕至總督直隸山東河南三省兵部尚書兼都察院右副都御史階光祿大夫諡勤愍次卽公次諱丕祚州學生早世公以崇禎庚午正月五日生于州里之居第當其始誕里人張夢來告太公曰吾夜夢入東嶽廟見帝君閱簿云朱家積德生一舉人矣太公遜謝之公生值喪亂崇禎壬午 王師徇山左勤愍公相從北去兄弟分析家室漂搖竄身南北不常厥邑順治乙酉我

朝定鼎始返故鄉適勤愍公扈從入關旋以假歸

祀田集卷十

家人復得相聚丁亥里有寇警遂移居會城於是朱氏又爲濟南人及秋省父兄于都門時桐城程太常一見奇其貌曰此國器也能從吾游當有以發之公因請業其家未期年而學成明歲歸山東遂補州博士弟子年十九舉戊子鄉試張君之言至是而驗辛丑勤愍公巡撫兩浙復總督三省以八旗屯田事爲民請命迂權輔指被逮公相從請室視飲食臥起出則納橐餽詢緩急營救百端竟不免丁未

上親政復勤愍公官

諭祭

賜諡授享子大璉

寺卿公之事始畢庚戌乃就選人爲盱眙令僅四年以治行卓異徵戊午授刑部廣東司主事庚申遷貴州司員外郎辛酉遷兵部督捕司郎中癸亥陞直隸天津道僉事乙丑晉直隸守道參議總理八郡錢穀丁卯 特命巡撫廣東都察院右僉都御史已巳署兩廣總督事壬申又 命總督閩浙兵部右侍郎兼都察院右副都御史甲戌以大計繕疏失辭免歸庚辰奉 命分脩南河九月九日薨于淮安之高良澗年七十有一公之居官也以廉勤自約敕所至有能聲初莅盱眙知其所苦在

祀田集卷十

徭役卽爲正冊籍清弊覈隱使不偏累無藝之征竝耗銀悉除歲爲邑省襍費萬餘金俗尚氣好鬪民間或詬誶輒自殺評訟無已公歎曰是不可以柱後惠文治也反復論以律例俗大變且聽斷嚴明兩造之頃不數言而決咸搏頰稱快故終公任無投府辭者早嘆歲歉公已爲申請邀有蠲賑之旨公度民饑不能待公自假貸二千五百金煮糜飲之鄰封就食者常數萬人訖無流殍是時蝻生滿地飛蝗忽至蝻皆附翼以去歲則大熟有麥秀三岐之異督撫尉薦下 詔褒之大計復舉卓異

賜蟒服壽以臺省闕人被徵入都時從子紱官大理卿應避親嫌遂補西曹發摘奸伏如神冤獄多所開釋律無成例者亦參伍情法衷而濟之高下稱平秦中有逆案其所牽累應流者身故無子巡撫咨請何以厝置其妻公曰按律謀叛知情者杖流之獲罪既同則獲免不應有異是後本人身死有子者流無子者免遂著為令又有殺人者身死其妻應戍巡撫以其舅姑年老請畱養大司寇曰例有子養親亦有婦養親乎公曰卹及惻獨朝廷法外之恩也父母舅姑等耳子與婦何擇焉竟

杞田集卷十

三

得畱養旗人有典民戶全家者後易質劑賄掌吏竊印鈐之將乾沒為奴公取驗司城印曆知其偽吏及旗人抵法十三人皆得脫去其矜慎庶獄皆此類也當任督捕僕區法嚴告密劾午一涉株連家立毀公執法獄獄使不得違保全甚眾在天津時有繪畫輿圖之命撫軍才公俾領其事公戒車疾出東極海西盡邊城涉嶢巖陵迅湍曉霜宿霧不敢告勞凡阨塞要害名區殊竟居人有自少及老不能攬其奇名其勝者織眉必錄稱職方善本焉保定衙署舊設銀工用別真贗其人多奸猾

且與蠹胥及舍人子內外勾連索賄不至雖精鏗必為再鎔折閱無算公曰銀之美惡吾自能辨何須若輩立斥去之丙寅命蠲直隸八郡賦部文誤遺宣府公謂此亦直隸地也為申請並蠲任縣水淹地七百八十餘頃寧晉一千四百餘頃皆請除其田租地近輦轂有應供尚方及協運灰車等物皆取辦俄頃動數千金悉為釐正裁革陵工米豆時值踊貴內部奏銷仍循成例致遵薊豐順諸州邑有司遺累代償或萬金或數千金至有不能保其妻孥者為原赦獲免宣永諸郡兵餉

杞田集卷十

五

舊撥順德廣平大名三府運給道遠期迫艱于奔命公請先借支道帑以大名諸餉補之公私稱便公歷官既久聲蹟茂著不惟公卿推轂亦且簡在帝心故粵撫闕人即以命公旨自內降不由廷舉陛見之日上屢命之前齋顏清問公奏曰廣東要地大亂初平臣肩此重任至彼當為人所不肖為不敢為者以圖報稱上諭曰大法則小廉源清則流潔要須從容安靜始終如一又召入內廷密諭良久賜廐馬以

寵其行又 錫千金爲行李費抵南雄首革庚續
役夫役夫原無額設用則取里民充之恐不時集
日係累數十人以待過客不勝其苦公勒石永禁
並咨兵部使者自有驛站公費不得于僱役外
輕用一人先是粵東軍興芻芻屨屨之需征至百
萬餘金公亟罷之臨高澄邁吳川諸邑殘于兵燹
邨舍爲墟疏請蠲賦以招徠之流亾者得復其故
業鹽法之壞由於藩下奸人逆藩雖平其害猶烈
公分剖利病以八疏入告一革除陋規一革除三
年換阜一量地撥引以清墾課一驅逐流棍另募

杞田集卷十

五

殷商一巡緝私鹽當嚴專責一生熟鹽引宐從民
便一盤掣夾私偷販一酌定遠近鹽價皆切中機
宐衛所屯田舊例每畝徵米三斗三升公疏請照
民田起科止徵八升二事格於部議皆奉

特旨允行藩司錢穀有成數而無條目官吏得上
下其手公令設簿籍絲分縷析逐項劄記多寡之
數犁然紙上矣廣惠潮聲間有駕舟行刦者用藥
迷人殘殺屢屢公嚴緝莫獲禱于城隍之神不三
日其同伴自首殲其渠而散其黨又以他盜尚多
爲設五約以弭之域內遂靖公固嚴於緝盜尤惡

誣良以爲盜者陽山阜南以倍稱之息沒人子女
爲奴黎王璣輩糾結三十餘人入其家以快私憤
有司以盜論傳大辟公鞠得實竟從未減逆藩尚
之信就平逆屬已槩正法奸民猶告訐不已公上
疏請嚴妄首株累之例其略曰當藩燄方張投冒
倚藉者實繁有徒迨逆藩平定經刑部侍郎宐昌
阿來粵察藩下人員應歸旗者悉已造冊解京冊
內無名者釋放爲民二十三年兵部奉 旨定南
藩下官兵家僕及賈易人等除真正遼東舊人及
價買之人外逐一清理發出爲民臣詳繹前後

杞田集卷十

五

詔旨無非以諸人皆 朝廷赤子不忍株累且十
餘年來或經補伍或已歸農或死亾遷徙地方官
無籍可考乃奸宄之徒視爲奇貨非在部出首卽
赴有司告訐牽引欺誣不可窮究及事得白而官
民之被害已深敢請

皇上垂仁格外下部定議後遇此輩除不雅行仍
治以妄首之罪則率土官民益頌
天恩之浩蕩矣疏上得請人心始定有許某詩文
語觸忌諱者公察其作于前代法不應究立焚以
消文字之旣

上念公勤勞于外壬申秋 特遣內務府營造司員外郎董君殿邦賜春苑總管李君煦至粵傳旨褒嘉勞問甚渥時以為榮及總督閩浙飭營將整部武數糧餉嚴扣尅東南壁壘一時改觀監司守令察有貪汙立挂白簡前後彈劾不下二三千人會兩浙薦飢有司議報富戶捐賑人情洵洵幾成大變臺灣孤懸海外土著之民多業耕獵往往為奸弁侵蝕公皆嚴禁乃止時有廣東撫軍及鹽使者互訐之案

上命公往勘明年秋臺臣條陳太湖水利

杞田集卷十

六

上又命公相視報 命悉稱 旨二役舊例皆差

部堂大臣

上謂一時廉正無如公者故 特旨命之未幾以大計疏內有地瘠民佚四字不稱 旨罷歸公雖退而家居日以報

上恩為念丙子 大兵北征公輸馬贏二百餘匹以助轉餉庚辰春奉有永定河急公之 旨公一至都旋奉 命分脩南河地在淮安之高良澗公身自督理時當盛暑立烈日中不去七月大水居室漂泊公坐案上以待水消督脩益亟積勞成瘧

遂不起公為人簡坦闊達矢口見臆望之毅然有不可犯之色中寔樂易不藏伎過即自解樂取人善不啻如已出今中丞彭公鵬公知之在其為令時一見即語於撫軍于公論薦之遂成名臣居家極孝慈遭太公之喪執禮盡哀以致毀得疾幾殆及太夫人喪亦如之其先兄弟羣從之急逾于已從子紋早孤撫之恩意甚備昏聘費至千金他子姪輩成就其功名昏嫁者非一人周給媼戚故舊多至不可數性尤澹泊無聲色玩好惟喜讀書即通鑑一編亦歲必兩周焉奏疏書牘口占立就文

杞田集卷十

七

移案牘皆目閱手批不假他人所著族譜簡而有法識者貴之公娶姚氏 贈一品夫人後娶蔣氏再娶王氏 封一品夫人子男五人緡候選部主事絳刑部貴州司郎中綱兵部武庫司主事九齡鶴齡尚幼女三人長適候選州同知李庭蕙次未字再許字孫叔讓孫男五人崇簡崇道崇謙崇勳崇敬女九人皆幼公薨之明年卜以十二月初九日葬高唐之先塋諸孤以貞與其兄弟論交最久知公家事宏詳因出行實俾次為狀將請碑銘傳贊於當世立言之君子且以告諸太史氏貞不得

辭遂歷叙其履官行已出處始終之大節著于篇
謹狀康熙四十年九月乙酉朔安丘張貞狀

敕封文林郎山東青州府臨朐縣知縣呂公

行狀

公諱襄袞字亮公世家直隸大名之長垣明初有
兄弟三人居城西小張邨其諱城蒲者徙城南夾
隄是為公始祖譜謀散落世次遂不可紀數傳為
公高王父諱棠棠子諱志志子諱兌皆隱居不仕
脩忠厚長者之行兌生三子季諱孔樂以子貴累
贈奉直大夫為公父娶于支暨娶王再娶史皆贈

祀田集卷十

六

宐人奉直公生四子長蒙業次成業次補袞官禮
部儀制司員外郎公與儀部公同為史宐人出竝
生而穎發競爽家塾年十二即能屬文見者皆知
其非凡器矣奉直公以資產分授諸子公與儀部
公獨不忍析箸復共爨數年儀部謂公曰我祖父
累世積德應食其報我兩人固用志不分然指衆
而寡聚畜恐無以供膏粥費吾弟有綜理才田園
關茸其甃營之耕讀難兼無兩誤也公諾之儀部
公由是得安心問學崇禎己卯遂補郡弟子員旋
食廩餼亾何遭奉直公之變公朝夕辟踊喪葬傳

禮順治戊子儀部公舉于鄉己丑捷南宮公復理
鉛槧之業攻苦下帷雪屋寒氊不少假易赴郡試
即冠其曹耦督學朱公激賞其文拔為大名府學
生公奉母搯臂嚙指曲盡孝養更以餘暇畱意田
業條理擘畫斬斲有法儀部公宦游十載忘憂內
顧公之力也已亥甲辰伯仲兩兄接迹棄世舍歛
衣祕悉自營辦不以析居分爨後豐醬隆殺聽諸
猶子也公方以骨肉殄瘁觸緒悲涼又當哭母哀
毀有加幾不欲生幸前此儀部公以太宐人春秋
高請歸終養得與晨夕風雨對眠倚廬共處天倫

祀田集卷十

九

之憂問問歎羨未幾儀部公又以老壽終公彷徨
孑孑愀然閔默傷心剋骨有餘悲焉公痛諸兄之
蚤逝也日進猶子而訓誨之負質英異者使之讀
書力不能治生者俾拮据家事用是子姓羣從上
之就功名次亦無虞伏臘者伯兄亾伯兄之子若
孫亦俱亾遺曾孫才數歲拊摩煦嫗無異己出竟
得成立一為太學上舍一為邑諸生耕稼所獲生
羨逾于舊笏畝益拓公教諸姪無父之子常以愛
克威至教其子今主政立齋先生則一以嚴毅課
其誦讀篝燈宿火非漏下二十刻弗令息也以故

主政君童髻入膠庠弱冠領鄉薦主政雖在盛年然懼公行業著於耳目而名實不被其身日夜思所以顯揚之遂藉揀選以就選人得山左臨朐令辭行之夕請所以治朐者公戒之曰爲民父母務崇敦大束溼之政不可以臨下凡事當爲國家計勿爲身家計清慎勤之言是汝三字符也主政受命唯謹抵任後數遣人迎養公堅不肯赴且遺書曰汝能守吾言作好官卽國之忠臣家之孝子矣豈必晨昏剝下始足爲養哉主政君在職節用不稅蠲役減刑務有以裨席其長老不五年而循

杞田集卷十

三

卓聲振中外竟用理績殊異 內召爲 京朝官雖主政之賦性誠篤克自振厲寔亦公式穀之訓有以佑啓之也甲戌五月主政君銜徵 命便道過家公謂君曰汝可謂不負吾言矣君眷戀庭闈不忍去公曰吾幸健若不以時自力報 上知遇恩無日矣主政不獲已乃行至 都主政緣資俸稍淺僅以部曹用人爭爲主政君惜而君顧私喜自是得侍吾親矣兼程返里見公面色有異問故公曰肩背微作酸楚無他恙也上元日主政君猶促燕張燈奉觴上壽家人相聚笑言啞啞越五日

體中小極夜半呼主政君曰吾體素孱弱平時惟操守過人耳今登耄耄揆之理數不爲不足且一生事畢可無憾于黃壤矣端坐瞑目形神已離斯其所謂怡然委順者歟是爲康熙乙亥正月二十一日距生萬曆庚申七月十三日享年七十有六遇恩例 敕封文林郎如主政初任官娶李氏封孺人子男三人長非虎癸卯舉人初任臨朐縣知縣行取授主事娶成氏封孺人次兆熊貢生娶夏氏先公卒次兆祥國子生娶李氏暨娶蕭氏女子二人長適癸酉舉人魏文琰次適候選州同知

杞田集卷十

三

崔徵獻孫男四人益謙貢生應舉益昌應選尚幼孫女五人曾孫女三人公天性純篤綴接戚族尤有恩義凡以急難告猝需穴求未嘗以無爲解宗人有以爭財欲赴官質成者公尼之曰阿堵細故一涉訟庭便成仇隙數世而上何人哉出資助之遂釋猜嫌與人交油油然卽田畷市叟以及童穉與黷敵禮譚諧間作推衿送抱纏纏不休晚歲家門駸駸貴盛矣擇木而陰循墻多畏仁心爲質老而益共故 敕命之詞謂其積善開祥義方裕後非公之賢何以當之無媿歟主政君將以某月某

日窆公新阡伐石以俟鉅公大人之誌若銘乃自
草行略不憚往返三千里訪貞于家屬狀其事貞
雖不識公然主政君官臨胸鄰于安丘值令闕君
又以才攝安丘事其廉公惠慈之政寔皆稟公之
教是貞所親被者不可謂不習公矣何敢以荒落
筆研辭故據撫主政君所述件繫如右謹狀康熙
三十五年三月十五日年家子安丘張貞狀

文林郎山西平陽府萬泉縣知縣王公行狀
公姓王氏諱訓字敷彝一字念泉別號悔齋其先
莫詳所自明永樂中有諱杳者以靖難軍隸籍安

《杞田集卷十

三

丘居城東四十里咋山之陽子孫因家焉其後數
傳爲復厚復厚生周周生一芝一芝生田田生僖
贈文林郎萬泉縣知縣是爲公父生二子公卽其
長也少明惠始就外傳所授書一目輒誦年十一
作文已有動人語鄉先輩曹鑑明先生閱其文驚
歎曰大王氏者此兒也明年出應童子試卽受知
于邑令姬公郡守柴公一時士大夫咸目屬之矣
公年十六文林公捐館舍泊喪其祖閔凶迭邁門
祚衰薄母夫人欲付以家乘而以墮墮先業戒之
公謝曰兒自有所以承先志者米鹽瓌屑非吾事

也公由是豈意讀書雖生事愈促外侮愈衆而鋏
礪愈勤嘗自敘其文云苦家貧不能延師也求之
經史以暢其源流苦地僻無從獲友也取之制義
以究其指趣又嘗語人曰吾讀書未嘗銳進但風
雨明晦不使少輟耳聞者以爲實錄年二十五學
使者翁一嶽先生奇其文始補郡弟子員又三年
而獲旣廩文學日起爲諸生都講一時名儔多負
笈從之順治丙戌秋再舉鄉試遂薦于有司明年
成進士謁選得萬泉令萬泉疲邑累案積逋焚若
糺絲公悉爲清理時軍興芻午供億騷然州牒芻

《杞田集卷十

三

牧餼糧或陰有增羨芻邑皆奉命惟謹公獨準其
多寡之數應之所省不可訾算其不肖將迎上官
重困單赤皆此類也邑俗喜訟諸生不自愛者多
鉤連爲黨相與證明每至對簿詆譎放恣法不得
行公命設筆札于堂凡赴質成者必先課其文義
不數日訟庭肅然戊子秋當大比三晉士臺使者
集諸守令考校之褒然舉首分校春秋房得士劉
祚繁輩七人皆名宿公理萬泉兩載緩征省刑興
學勸農已駸駸嚮治矣己丑六月姜瓖變起全晉
揭竿應之萬泉遂失守而公之才亦竟不獲盡其

用坐是絳吏議鞅棲平陽者二載辛卯六月免歸
公喜曰自今可躬耕養母長為逸民矣乃發藏篋
橫經籍書寒鈔暑講不異為諸生時公于書無所
不窺而好尤在左國史記及唐宋大家之文闕必
補譌必正同異必校讐鉤貫箋疏丹鉛甲乙若質
古人于窓戶之間而與之抗論也親串相過有譚
及執文者公即喜動眉宇為之拈析疑義探索要
眇傾倒輸寫咳唾時拂人頤頰或故實未通必檢
書相示本末犁然其誨子弟亦如之講貫移時覺
聽者精神少倦則談諧間作使意興踴躍復申其

【杞田集卷十】

【五】

旨務得關節開解冰釋理順而後已吾渠邑乘自
馬定宇先生創成餘八十年未有續者公蒐訪遺
文網羅掌故使百年文獻闕而復傳讀者稱良史
焉公復含茹雜聞之學六經四子皆有成書攬撫
解剝不泥傳注不背本旨聖賢心傳賴以不墜及
公暮年以世道交喪息交絕游願與余益親每有
文成參互是正譏評彈射不宥放過一字郵筒往
來月必再三開登其堂疎櫺淨几掃地焚香圖史
井井離列左右見而知為脩然自好讀書尚志者
也公清健少疾晚而病肺秋冬之際每患鼻塞遇

陰曠風寒輒閉匿不出今年偶有佛鬱方在盛夏
前症頓作益以脾疾遂不支矣閏六月五日過其
齋頭公尚衣裳整潔揖余就坐促啜小語無異恆
時問其疾曰無生理矣余不覺愴然泣下公曰生
即有死君勿浚訝也旋出豫畫後事十三則閱之
大約皆曠達解脫一死生齊得喪之言手書辭世
數語相示字畫端謹宛然平日戈法兩孫在前指
以屬余無甚憐之色別去五日公遽沒嗚呼恠矣
公內行淳至事太夫人色養甚備及其以天年終
枕塊極旁血淚漬土棺斂窆安無不如禮一時有

【杞田集卷十】

【五】

善居喪之目與其弟恣友燮析箸後財產恆與其
之痛其早亾視猶子如已出宗族之倚賴者尤眾
弟某粥田于公既數年其人已卒矣其子貧不自
聊公舉產還之不問前直且天性靜退布衣菜茹
泊然自處經年不登長吏之庭不作居間之刺與
人處犯而不校即僕隸之微亦未嘗有失色其于
制舉之業最精生當時文靡濫之秋公獨汲古振
奇以先輩大家為法自明初以迄今茲三百年來
名篇傑作皆能舉其大凡非如世之傭耳剝目苟
然而已也生平不飲酒不事嬉戲每當州閭喧廛

之會少年徵逐之場他人所流連忘返者公必奉身而退或問之曰世所謂不幸者三身咸歷之心傷目慘隨在皆然敢與安常處順者同其逸樂哉其語意良足悲矣公生于萬曆四十二年正月二十六日辰時卒于康熙二十二年閏六月十日寅時得年七十娶張氏封孺人暨娶潘氏子男一人士魯諸生女子二人適李玉璽劉仁雨孫男二人廣學廣基俱諸生曾孫男一人繼宗曾孫女三人所著有論語日知編二卷學庸思辨錄二卷七篇指略七卷詩讀七卷續安丘志二十五卷悔齋全

杞田集卷十

五

集八卷公沒之歲其孫廣學等將於十月六日葬公甘棠邨之原而來請狀于余謝不敏則曰治命也當先君易簣語不肖曰生平好友惟曹與張其以實菴子表吾墓而以杞園子狀吾行吾目瞑矣

友之言不敢負謹狀
予既用敷彝遺命爲之作狀文成于癸亥九月初日已刻版本傳布矣葬逾三旬仲冬十一日之夜夢其過予褻服慘容予延入勉厚堂東室皆據案南嚮敷彝坐予之左謝爲作狀予愧其漏落敷彝曰極爲詳盡夢中予知其已死因與

敘述平生各作數百許語言及死生異路孔從此辭遂相向痛哭而寤予嘗讀鍾伯敬紀陳白雲魏太易事頗類此才鬼有靈古今一致慨歎之餘乃援筆而識狀後自記

韓懷西行狀

韓君懷西卒之七閱月葬有日矣其孤知柔衰經踵門屬余爲狀曰將藉以乞誌銘值余南游未及撰次比其反也復請不已曰將用以備家乘遂不獲辭君諱從周懷西其字先世自棗強徙安丘遂爲邑右族代有顯者君高祖諱守廉封承德郎尚

杞田集卷十

五

寶司司丞曾祖諱必大諸生祖諱應奎登仕郎城固縣主簿崇祀鄉賢父諱麟士字宣榮諸生娶于李寔生君賦質岸異至性天植生當明季多事之時壬午大亂兵侵二東宣榮公挈家辟地琅邪寄君外家時裁八歲畫對外姑強爲驩笑思親夜泣枕席嘗溼身在圍城中外家治膠肉糗餼以犒陣卒君親齋乘城流矢雨集神色自若人皆異之明年三月干戈少息父母歸來相聚几而母竟以疾卒宣榮公既失偶家人生產無意嘗省田園闕茸悉以委君君綜核家秉斬斬有法父器其能甲

午父復捐館舍男女幼稚撫育昏嫁恩意甚備又念先人晚更喪亂家業日圯幾不能保有敝廬于是悉力營辦不自暇逸拮据數年始復其舊君入世雖淡而讀書未嘗少輟雖屢挫場屋而不可苟且以就功名年甫四十卽謝去帖括業退耕石埭邨出以簞特犢柴車歸與鄉父老較陰晴問禾黍他無所縈懷抱也性喜藝鞠庭中歲植數十本每當秋杪異香竟室君白恰單裙娉娑其間或親串過從迎之花下割鮮醺酒相對忘疲君旣於業不利居恆邑邑故尤勤於教子延禮耆儒以爲之師

杞田集卷十

元

取古今文字抉摘其最精者標識書額程課之不少借又手所書四子解義數十冊示之曰吾昔在家塾寒鈔暑講不敢告勞汝曹爲學可唐捐歲月乎長子知柔以高材生膺拔萃貢君猶及見之亦足慰矣君晚年苦肺秋冬之際卽發欬喘憊憊不支入春而止甲戌七月遇母弟之喪哭泣過哀痼疾頓加病與口積遂至不起寔康熙己卯正月廿九日也距生崇禎乙亥九月廿六日得年六十有五以卒之歲十一月初二日葬于城南先塋之次娶王氏子男二知柔戊寅拔貢生知剛業儒女一

適諸生劉肇張孫男二悃恂孫女四余之祖姑爲君曾祖母中表之戚世篤情好且比屋而居炊煙相接知君獨詳而有懲於世之撰事失實易至誣罔故就知柔之言去其貧屑者以爲狀而未嘗有所附益也謹狀康熙三十九年正月晦日同里張貞狀

杞田集卷十終

杞田集卷十

孫男庚與校字

元

杞田集卷十一

安丘張 貞起元著

新城王士禎貽上定

行狀

先祖文林府君行狀上施愚山先生

嗚呼先祖考之沒也已垂百年即其改葬敖山亦六十年于今矣而墓上片石缺焉無文不孝之戾其將何逃然念我諸父自束髮知名厥後鄉行宦業粗亦見許于清議所交一時之鴻儒峻生當不為少矣而敖山之阡乃尚有石無辭則我先人之

杞田集卷十一

意不槩可想見歟意必其人之賢可託之以不朽我祖考者也又必其文之工可託之以不朽我祖考者也然未能兼獲而儷至此墓上片石所以終缺焉無文也若今天下秉顏閔之德擅左馬之才所謂一字之褒重于華袞者非夫子而誰小子貞鄙猥無似幸獲追隨函丈玷弟子之籍是皆憑藉先世之寵靈我祖考之潛德隱行將復有聞于奕禩也故不避譴責扶服門牆銜哀上請伏惟憐察焉先祖諱民感字爾孚別號霖海其先蓋淮安山陽人明初處士公諱友徙青州之安丘家焉數世

皆力田孝弟至大父將仕公諱澄始以明經主武

安簿父東津公諱守蒙諸生母馬孺人先祖生而

端方嚴潔雖隸諸生不屑事俗儒章句惟以綱常

名教為己任見人不善若將及身憤時自厲即矯

枉或過其正弗顧也中年無子吾祖母王孺人為

買一妾有殊色于歸之日淚痕滿頰問故乃知出

自名族家人徇利給之使來耳先祖惻然不索其

直立遣之歸女抵舍對去使稽首言張公長者當

獲三男之報後果相符眾皆于此觀天咫焉先祖

以理自信絕不知有鬼神祿祥事嘗營樓于五里

杞田集卷十一

河別墅築基之前夜夢一老嫗來告曰庇公宇下

久今當見逐待兒輩衣服備而遷我必有以相報

明日啓土見蛇宛延地中以千百計先祖曰是豈

疇昔之入夢者乎竟移寘中野先祖以時俗過奢

力崇儉樸一摺扇用之輒數年或病其谿刻先祖

曰福當如是惜也晚年遺戒斂以柳棺送終之具

皆勿令踰制既病且革出囊裝千金向從子孝廉

君書紳曰平生之藏盡矣孀孀諸孤豈易守此與

汝待其成付之不則自享之耳孝廉君唯唯置食

罷中鼻去人無知者及我諸父漸長孝廉君大會

賓客復還原金使非實有以感其心亦何能令人不忍負之于沒世邪卽此而先祖之爲人亦可槩見矣生於嘉靖七年九月二十六日寅時以萬曆十五年四月四日申時卒爲春秋者六十始葬十二固祖塋之域後以其地不墨食天啓七年十月朔日乃復改葬敖山又八年以吾叔父侍御公司理考滿得贈文林郎直隸大名府推官兩娶于王并贈孺人生三子長嗣倫萬曆壬子舉人娶曹氏次則貞之先人諱繼倫天啓丁卯貢士娶吾母許氏孔氏次緒倫崇禎辛未進上湖廣道監察御史

先伯父集卷十一

三

娶王氏封孺人俱次配王孺人出女一人適諸生馬爾駿元配王孺人出孫男二喜聞諸生早卒孝廉公出貞康熙壬子拔貢生候補翰林院孔目吾父明經公出孫女七適諸生馬道弘者孝廉公出適諸生馬道長李定育王憲祖王翰臣國子生高樛周恆生者吾父明經公出曾孫男三在辛在戊在乙曾孫女四俱貞出當先祖之易簣也吾伯父年十二吾父僅三歲叔父時方在娠先祖顧謂祖妣王孺人曰育必男也且大吾門矣其言畢驗究莫知其前知以何術也嗚呼我祖之生平旣不獲

盡傳所傳僅此一二事又將沈湮而無聞此小子貞所以夙夜愁痛汲汲圖之于夫子也伏望錫以鴻文勒諸堅珉用示永永我祖考乃終不朽我諸父當佩德于九原小子貞之感恩懷報又寧有窮極哉謹狀

先伯父孝廉府君行略

先大人行略編綴旣成因念先大人冢弟三人久以友愛著聲且伯父孝廉公叔父侍御公皆行誼最高而析薪之業又皆責在小子貞一人使不撫拾其逸事竝祈不朽於立言君子得無有傷地下

先伯父集卷十一

四

心而昧於後死之義乎故就知所再次伯父行略如左府君先祖考文林公長子也文林公年五十尚難子一日夢偉人當戶曰我羅倫也寤而府君因命名曰嗣倫字之曰勉斯後乃自署曰紹海蓋文林公欲其媲美前脩而府君則固弓冶興思也府君生而凝重不妄言笑六七歲以善誦聞里中文林公卒時府君年十一而哀毀若成人稍長工屬文補博士弟子嬰試屈其曹耦時人固目屬之守令亦皆折節禮焉孫公振基以名進士宰渠丘尤重府君數以文酒相過從譚稅之外未嘗干

以私時邑有圖頭戶長及坊廂供億弊政也相沿已久府君從容言其事孫欣然除之邑至今賴焉萬曆壬子府君年三十六以第六人薦于鄉先是正德間先高祖登仕公已以鄉試第六人中式矣會權璫屬其御史私所親暱榜將出遺之御史以公名偶同輒刊補榜中姓而潛易焉同考某薦公者也憤甚懷所刊字俾公聲諸朝公謝曰遇合得失天命之矣彼挾勢而斂吾復攘臂而爭是以科目爲訟端也如古人何及府君獲雋名次適符衆以爲天道云府君鄉薦後益留心州里利病遇大

祀田集卷十一

五

故必詣長吏反覆陳說不耳熱須奮不止也長吏知其無它靡不樂從或謂邑司幸傾耳于君蓋少居間爲自娛地乎府君曰吾不知居間何狀且吾往者不居間而今者居間是吾以鄉舉居間也夫以鄉舉重非吾意而況居間爲府君至性過人每歲時祠祭必躬親灑掃潔治尊俎流涕侍側終夜不休嘗當祭期漁於涼水灣獲嘉魚將薦几筵庖丁不知誤以入饌府君覆羹瘞之種樹其上至今土人猶名魚樹焉果蔬之屬非進大孺人後不敢嘗偶行南圃見遺賺在地愀然曰是誰先吾母食

乎遂抱蔓歸於兩弟居平履同被食同案爨護備至至督其誦讀則不少貸每奏稅佳登堂擊節淋漓誦之爲太孺人驩略不中程輒愠形于色譙訶聲出垣外披帷視之歛歛然涕淚沱也卒皆名重一時稱張氏三珠樹焉天啓辛酉太孺人感疾浸欲府君憂懼成癩癩縣延數年竟弗瘳比卒猶亟呼我母我母云時崇禎戊辰八月初六日丑時也距生萬曆丁丑八月初三日寅時享年五十二而已屬纊時謂家人曰涼水灣頭吾生平息游讌恆于斯死後魂魄應依依來歸也遂葬其地府君

祀田集卷十一

六

賦性孤峭意度率直人有不善無不規正故跣弛者不畏長吏而羞其無以質我府君也又能澹泊自持不御紈縠子姓或服飾少華輒不憚曰是非爾王父家法也立命焚之府君固慎儉德然不屑問家人產於受著時得城隈小宅七里溝別墅數十年屋不益椽晦不益租或以買山告府君曰先人漱廬可庇風雨遺田足供饘粥世豈有求田問舍張紹海哉卽此可想見其曾次矣更聞乙卯之歲飢民爲亂渠丘失守府君盡室奔東武主丁虹野先生家時雖播遷猶與丘公六區丁公野鶴諸

名士日登超然臺畱連歎詠勒石題名成風雅盛事焉是後天下多故不復有用世志退處涼水灣頭臨流背山誅茅成堂亦亭書武陵桃花源記于壁以自況舍旁種樹數百千株晨起未盥櫛卽跋履行原隰間課童培溉無間晴雨至者彌望菴藹橘刺藤梢咫尺莫辨也邨居一無所事惟肆力于學古人中尤好眉山氏手鈔其全集讀之至忘寢食故爲文浩淼疏放酷似之書法亦本大蘇而寔神明于褚登善歐陽信本諸家至運腕如飛日可萬字則有趙榮祿所不能及者此又府君文術之

杞田集卷上

七

大略也府君娶同邑萬曆癸酉舉人同州知州曹公一鵠女後府君三十七年卒男一喜聞庠生前府君一年卒女一適同邑萬曆壬辰進士戶科給事中馬公從龍男庠生道弘烏虜先伯父晚年取其著作竝所蓄圖籍盡焚之曰我不欲存身後名是其音徽未遠而手澤已先零矣況其沒在戊辰而貞之生乃在丁丑相去已十年所貞三十六人矣去其沒期又餘四十年不惟鴈行戚執皆無在者而一二逸事亦若滅若沒于傳聞異辭中矣今所詮述不過萬分一而筆又不足以達之伏惟仁

人長者閱其哀迫錫以衰章使先伯父懿德不至終晦寧惟沒者之感將存者世世之感也姪男貞頓首謹述

先考明經府君行略 初稟

嗚呼天下寧有忍忘其親之子哉不忍忘親則思所以不朽其親者然欲親不朽而不得名公鉅人爲之立言以表章之則亦不足信世而傳後欲立言之信世而傳後苟非子姓自述其行業則名公鉅人亦無由悉其生平故子長傳其父談孟堅傳其父彪也人皆稱焉凡以其知之詳而言之信耳

杞田集卷上

八

小子貞亦人子也其不敢忘親而欲其信世傳後無異也顧其孤也最蚤先人懿行所不及見者多矣猶幸內而受教于母氏外而得聞于先達長者之間則略悉其梗槩焉爰加銓次以乞言於下執事雖或言之不詳而不敢出於不信者蓋深懼拂乎先府君好直惡佞之心且以重誣立言君子也惟俯鑒焉吾張之先故淮陰望也明初遠祖處士公諱友者始來安丘卜居濰水之東高柯莊遂占籍焉其後譜諱淪亾統系莫考大抵數傳皆隱于農至先高祖登仕公諱澄乃以明經爲武安簿再

徙邑中故吾族於安丘則共祖處士公而河西諸宗則又以登仕公爲遷祖也登仕公生先曾祖文學東津公諱守蒙文學公生先祖贈文林郎霖海公諱民感以高材著博士聲而制行端嚴尤爲鄉里所推重凡兩娶于王皆贈孺人先嫡祖妣止一女先祖妣舉丈夫子三吾府君其仲也府君生三年而文林公捐館舍王孺人誨育諸孤以慈母而兼嚴父爲擇名師授以世傳尚書勤督焉聞于夏楚孺人輒涕泫泫下及至邴前則又強作厲色待之矣府君兄弟自外塾歸必命夜讀一鐙熒熒然

杞田集卷十一

九

操機杼而課吾伊不丙夜弗息也其有先後遊膠庠者皆分席異膳以別之諸父卒皆以文行顯孺人力也府君固謹率太孺人教然寔負軼羣資讀書數行俱下手鈔一過終身不忘十四歲出應童子試卽補邑諸生年十八爲學使者劉公所識賞拔茂才異等旣學宮試必前茅往往與伯叔更技甲乙兄弟文章之樂爲人豔羨遠近皆知有三張云天啓辛酉太孺人以老壽終府君年三十七矣猶作孺子泣感動弔者其會葬也數郡畢至致客之盛前此未有丁卯貢入太學崇禎庚午應山東

試已入彀又以文過奇置乙榜是歲遇恩例明經就選人者當得縣令或爲勸駕府君念士非用科第不足自展卽一命何溷我爲竟不就次年遭孝廉公之喪府君哀瘁幾不欲生蓋府君素事孝廉公如父從無一言一事失友于驢當臥疴時藥蠟茗盃不假他手其於同氣之誼可謂生死無愧矣孝廉公旣卽世遺丘嫂曹府君共養甚備垂二十年不少怠更爲嫁女厚橐裝人皆忘其爲孤女也待御公理天雄時迎養官舍不數月愀然曰居此非不樂其如寒我雞豚社何遂歸闢南園於印臺

杞田集卷十一

下地多古冢構亭其旁每賓友歛集栢闌徒倚輒吟淵明感彼柏下人安得不爲歡之句舉座歎其曠達當中年無子遇祠寵夕必爲文詳述終歲所行及生平無隱隱不應無享狀焚之後果舉小子貞貞生未幾藩王某欲以女締姻府君辭焉謂娶婦欲延宗祧耳豈必以天潢爲重哉戊寅府君年五十四忽病頭痛自疑當不起乃豫作書與叔父決家人泣請遺命府君曰男兒死耳何暇爲身後計若使展轉牀蓐猶張皇顧戀刺刺不休吾不忍爲此態也病亦良已庚辰侍御公按鹺兩淮持法

嚴峻人不敢干以私淮南巨商有訟事乞片紙爲之解間關遠至攜橐隆然卽居間人已許至數百金矣府君艱然曰吾方以執法勉之乃自攫其貨而令之訖法邪遂絕不與通辛巳侍御公卒府君痛悼益甚徐念其無後謂天憐吾家幸畱一綫忍令吾弟無所托血食乎其作主也以貞充孝子署名其旁撫棺告曰吾弟有子矣伏臘蒸嘗或可相依也語悲愴不可聞甲申流寇陷京師山左羣盜蠶起安丘更雲擾府君同邑令理守禦具寢食于城頭者數月時值兵凶流亾相屬府君收婦孺子之

杞田集卷十一

十一

此離者稟于家亂平詢其族姓里居各遣人護歸之嘗立于門有負女童蒼黃過者問之則將鬻以償官錢也立出數金讎其負女得不鬻後吾母感暑病其人馳百里餉冰一囊曰聞夫人罹疾聊致此盡吾儕小人意也又鄰郡賈粟邑中稠載行矣啓視之沙礫居半知爲奸民所詒然業已受之莫能誰何府君聞而得其故爲白有司治如法賈人悉獲原直焉每歲冬出錢穀賑寡人全活甚衆平居宗黨戚執待而舉火者無慮數十家或嫁不能成裝葬不能具樁者悉量助之至於慈隱天性

其御臧獲以愛克威下而畜養之微有老死者亦準古帷蓋義瘞之甲申秋九月偶客青州遭趙寇之變府君微服而逸時戈鋌林立無過問者竟免于難咸以爲德報云府君長九尺美髯鬚風神玉立臞然以清時有天半朱霞之目且吐納風流遇事縱譚河傾泉涌儕輩莫能詘善鑿裁名下士以文請質者得其箴砭多蜚騰去卽國人指數當舉者未嘗不首府君而乃十入棘圍蹉跎以老士論惜之府君精籌策爲長吏所重創革大計必就謀府君府君亦披肝腑語之不憚詳也凡邑起大繇

杞田集卷十一

十一

舉大工以及軍興之需皆忼慨捐貲爲衆先性好賓客無論親串過從趾恆相齧卽擔簦來遊者莫不倒屣投轄周旋忘疲也飲酒不過三蕉葉而喜釀以飲客見客舉杯則胷中酣適有蘇長公之風生平不媚乾竺不信巫覡不事蒲博不教歌舞尤不喜閨房識字及童僕鮮衣惡習家法故整肅男女十歲以上卽嚴內外之防至尼師道媪亾敢迹其闕者蚤歲好營築頗喜閎麗尋亦厭之紙窗土壁埽地焚香意泊如也燕寢落成取宜和博古圖命工畫繪于室曰吾欲食息與鼎彝俱也其漫興

若此復于舍後治小圃碧梧蒼栝間置數奇石曰
摩挲之一軒才如斗大經史圖籍充其中肆力
揆討終日不出以故淹貫古今雖至醫卜之學亦
窮其奧有奇驗焉酷嗜臨池得赫蹏必縱橫書之
盡黑乃已久之數簾皆滿初耽蘇米晚年更得
二王法與人尺牘皆藏弄以爲樂善作琅玕大葉
得文湖州之神蓄一琴遇意有佛鬱鼓一再行冰
釋矣府君天資俊邁年六十一猶自神王能於燈
下作蠅頭書乙酉再遊太學祭酒薛公雅相器重
畱試順天不售歸甫及旬感痰疾薨於言四日而

祀田集卷一

三

終嗚呼痛哉是時貞在齟齬雖馮几有訓亦未必
能遵而行奈何其病卽不能言且僅四日遂翛然
長逝也天之虐小子貞者何遂至此極邪先伯叔
父旣各無子府君又僅貞一人然未嘗以愛而忘
教猶憶府君易簣前數夕尚置貞於牀頭每至五
鼓呼之醒問日中所讀何書令誦焉有遺忘者輒
不憚務使覆思得之乃歎然詳爲訓解又詔以立
身涉世之方曰兒勿謂今日老人之過督也子兒
時與羣兒戲誤以錐傷其膚汝祖母知之鞭至數
十汝伯叔父跪請弗釋也豈當日祖母之不吾愛

邪兒知此則友體老人教汝之心矣至今思之猶
如昨日事而府君墓木已拱求其依依膝下如曩
趨庭受教時不可得矣嗚呼痛哉府君諱繼倫以
生時文林公夢蒲荀蔓衍于側因字漢荀長號學
海生以萬曆乙酉六月十二日戌時沒以順治乙
酉十月二十八日午時得壽僅六十有一娶吾母
許氏濰縣封文林郎河間縣知縣公進女前府君
十年卒又娶吾母孔氏壽光處士公東周女子惟
貞一人康熙壬子拔貢生吾母孔氏出聘高密崇
禎戊辰進士太常寺少卿傅公鍾秀女蚤殤娶同

祀田集卷一

四

邑崇禎癸酉舉人李公涵女生女六人長適同邑
庠生馬公攀龍長子庠生道長次適同邑萬曆已
未進士南京兵部職方司郎中李公際明第二子
廩生定育皆先府君卒三適同邑萬曆已丑進士
太僕寺少卿王公業弘孫廩生明祚公長子廩生
憲祖四適同邑萬曆已酉舉人江西九江府同知
王公琇長子庠生翰臣皆吾母許氏出五適益都
萬曆丙辰進士通政使司右通政高公有聞第二
子太學生樞六適同邑太學周公社長長子恆生
皆庶母李氏出孫二人長在辛郡庠生娶同邑順

治丙戌進士戶部四川司郎中周公曆長孫女順
治甲午拔貢濟生公長女次在戊幼未聘孫女三
人長許配同邑河南開封府通判馬公夔龍孫庠
生上瑞公第三子士脩次許配同邑康熙甲辰進
士內閣中書舍人曹公貞吉第三子太學生霈三
幼未許配曾孫女一許配同邑庠生王公工亮第
二子任在辛出外孫男女十餘人不具載嗚呼先
府君見背時小子貞方九歲遲至丁亥五月二十
日奉府君之匱葬于城東五里河之原迄今已二
十餘年片石未納表章闕如貞不惟無以爲子且
無以爲人矣故攬涕操觚具狀如左儻微惠于大
人先生不吝一言以表章之先府君將藉以不朽
而小子貞不敢忘親之一念亦得少慰矣不勝痛
切哀籲之至不孝男貞頓首謹述

杞田集卷十一

五

先考明經府君行述 再稟

先府君行述成于康熙壬子爾日以有所諱故於
府君生平多未獲盡其辭嗚呼昧陋如貞卽直書
其事尚懼萎弱疎鹵無所肖似參以曲筆又何足
言夫紀述行事若寫貌然善畫者貴得其精神之
所在程子有云一豪髮不似吾親何以親名之每

誦斯語如負芒刺焉因再序次如左府君諱繼倫
字漢荀別字學海晚號雪松老人世爲淮陰著族
始祖處士公諱友明初北徙遂爲安丘人曾祖登
仕公諱澄以貢士主武安簿祖東津公諱守蒙諸
生考霖海公諱民感諸生以子侍御公貴贈文林
郎種學績行還妾之諛邑人至今稱之有三子伯
諱嗣倫萬曆壬子舉人季諱緒倫崇禎辛未進士
官御史其仲則府君也生三年而文林公棄養稍
長母王太孺人爲擇名傳傳焉太孺人督諸子嚴
其有先後游膠庠者皆分席異膳以別之府君兄

杞田集卷十一

六

弟卽恪奉母訓爭白底厲同以文行名于時齊魯
號爲三張府君負異稟讀書數行具下手鈔一過
終身不忘十四補邑諸生十八廩于官天啓丁卯
以貢入太學崇禎庚午中山東鄉試副榜旋遇恩
例明經謁選人當得縣令或勸駕府君曰仕不由
科第卽矯奮何益竟不就府君明敏勁果事至能
立斷且慷慨好施勇于爲人閭里咸被其惠卽遠
方之人以急難來告苟事出不辜無不傾身營救
其于義利之畛則判若斷山蓋其天性也府君中
年吾世父病沒叔父游宦當戶酬對者唯一身而

已府君揮霍肆應莫不霑接是時府君德益高名益盛交知日益附鄰郡良士大夫靡不編紵贈禽邑有大計縣大夫不能可否者亦必就府君咨問其興革利害物情時趣為之抵掌論說若燭照數計無秋毫疑滯而其所為培植務在單亦絕不及私壬午兵隣二東陷城殺長吏將偏安丘邑人兇懼縣令惶恐各欲逃去府君聞知大驚夜扣縣門直抵齋閣詳告以去畱利害令大悟相與坐語達旦集諸父兄弟於城頭府君即以告令者告之眾亦悟于是上下始有固志治城塹脩器械皆捐

杞田集卷十一

七

資為眾先而所以防備捍禦者又多出府君計策城遂得全明社既屋羣盜四合無長吏為之統攝邑中又大亂府君義不可辭復出而應父兄弟之請府君任事首議養兵得千二百人與邑人合詞上請擇鄉人李景隆者假名偏裨以為之率日夜訓練隱然成一方鎮賊婁聚眾來攻皆于城下戰走之又嚴斥埃勤偵探靖境內之竊發者剋焔得以少息又念揭竿者眾不忍盡殲設方略以招徠之頰首就撫者數千人自是而人始望更生矣兵戈之餘流亾相屬府君收婦孺之仳離者稟千

家亂平詢其族姓里居各遣人護歸之敵既徙營所遺輜重多為人獲壬午冬有遺牛十四羊二百于府君別業者立白有司用以享士毛髮不以自染會當大比邑士多貧不能赴鎖闈者府君為計道里籌時日各與資糧得以竣事嘗立于門見有欲粥女以償官錢者出數金饑其負女得不粥又遠賈糴粟邑中將行發視半沙礫知為奸民所詒然莫能誰何之府君為代言於令直其屈賈遂無所失每歲冬出錢穀振糶人宗族親故待而舉火者亾慮數十家佗如藥病棺殮泉粟窮獨卒需尤

杞田集卷十一

六

求趣具曲應不問識與不識也且慈隱天性其御臧獲以夔克威下而畜養之微有自斃者亦準古帷蓋義瘞之甲申秋偶客青州遭趙寇之變微服而逸時羅戈如林無過問者人以為長者報云性喜交游居恆宴客日常滿數十人士之懷一才抱一藝來游邑中者皆以府君為歸府君必為之眠館致餐悉厭其所欲而去府君虛懷善下田安小孺皆接以禮獨不能為權貴屈養郡司理某公為吾叔父辛未同年生按部安丘張甚府君往拜其出稍遲府君謂之曰以吾弟之故循例相通非有

求于公也司理改容謝府君尤篤內行文林公蚤
世事王太孺人以孝聞與兄弟恣友愛孝廉公病
藥餌必親既沒厚裝嫁其孤女供養丘嫂曹二十
年無惰容及侍御公卒傷悼益甚徐念其無後謂
天憐吾家幸畱一綫息忍令吾弟無所托血食乎
手題木主以貞主祀署名其笏撫棺告曰吾弟有
子矣歲時臙臘或可相依也待御公之按齏兩淮
也巨商某有罪應抵攜重資走千里乞一言緩其
獄府君艷然曰方以執法勉吾弟顧翫其法邪戒
門以絕其兄弟間以義相成又如此生平不媿乾

杞田集卷上

元

竺不信巫覡不事菹博不教歌舞尤不喜閨房識
字及僮僕鮮衣惡習家法故整肅男女十歲以上
卽嚴內外之防尼師道媪無敢迹其閨者早歲營
築頗喜閎麗尋亦厭之紙窗土壁埽地焚香意泊
如也嘗取宣和博古圖命工畫繪于室曰吾欲食
息與彝鼎俱也室中經史外止蓄一琴遇意有佛
鬱鼓一再行冰釋矣莫年天地崩坼骨肉凋殘憂
懣無聊遂大發藏書流觀送日以故博洽淹貫浩
無津涯雖醫卜之學亦窮其奧有奇驗焉酷嗜臨
池得赫蹠必從衡書之盡黑乃已久之數簏皆滿

初耽蘇米晚更得二王法與人尺牘皆藏弄爲榮
善寫墨竹與酣落筆直攄胸臆風枝雪幹磊砢扶
疏人比之文石室云府君年雖逾耆髮容未改鑿
下作書疎行細字一一精好見者皆羨其神明之
不衰迺自燕游歸甫及旬忽嬰痰疾四日而終天
乎痛哉府君生萬曆乙酉六月十二日戌時卒順
治乙酉十月二十八日午時年六十一葬於邑東
五里河之原則丁亥五月二十日也娶吾母許氏
維縣河間縣知縣公進女前府君十年卒又娶吾
母孔氏壽光處士公東周女後府君三十二年卒

杞田集卷上

元

一男子卽貞壬子選貢生候補翰林院孔目吾母
孔氏出娶同邑李氏六女子長適同邑庠生馬道
長次適同邑廩生李定育皆先府君卒三適同邑
廩生王憲祖四適同邑庠生王翰臣皆吾母許氏
出五適益都太學生高櫛六適同邑周恆生皆庶
母李氏出孫男三長在辛丙寅選貢生娶同邑周
氏次在戊娶同邑劉氏次在乙孫女四長適同邑
庠生馬士脩次適同邑太學生曹需次字同邑劉
賈茂次適同邑庠生曹澈曾孫男四敬輿扶輿在
辛出壯輿幼輿在戊出曾孫女四皆在辛出伏念


先府君篤綱常重名節讀書懷古蘊義生風有過人之才而數奇不遇終老田間僅令人從設施于鄉邦者窺其經濟之萬一昔賢所稱才足以任重責成謀足以折衝經遠而不見知於人不獲用于時者非府君其誰謂邪所恨貞九歲孤露白首無成人子之義終不能有以自見矣及欲追述平生用傳永久乃采掇四十餘年迄不得其要領間拾一二遺事辭又不足以達之即其抱愧于箕裘寔為負譽于天地仰惟大人先生與前狀互觀于貞所能言者以推其所不能言者庶可得先府君梗

杞田集卷十一

槩矣康熙戊辰臘日不肖孤貞泣血謹述

杞田集卷十一終

孫男展



杞田集卷十二

行狀

先叔父侍御府君行略

府君諱緒倫字彝敘別號觀海為先祖考文林公第三子文林公棄賓客時府君尚在娠中彌留之際指先祖妣王孺人曰若育必男且大吾家惜不及見之耳文林公沒六月果生府君蓋萬曆丁亥九月十八日戌時也府君生而異敏及弱冠先伯

杞田集卷十二

父與先大人已競爽庠序府君接迹補郡弟子員尋得廩食以婁困省試乃益勉於學不間寒暑晝夜又走百里靜寄沂鎮書院諸山寺每數月始一歸省太孺人以為常嘗讀書開明禪院地故多魅府君投牒伽藍其魅立除自是人皆心異府君矣天啓辛酉應山左試試前有欲以闈中題豫告者府君急掩耳曰宿構之文亾論其未必售即售而鄉舉為進身之基詎以不正先之邪入試獲薦為第二十八人是年冬先祖妣王孺人卒府君治喪以易戚聞服除兩上春官不利崇禎辛未始中式



名在第一百三十七殿試得三甲二十二名其釋
褐也有慘沮色人謂公得無小憾名第邪府君謝
無之第念吾父母蚤世長兄愛我如父教我如師
亦齋志以沒今方竊升斗欲盡一日之養而皆莫
逮矣不無怍怍心動耳其寄先大人書亦以是為
言觀政刑部遘疾甚篤尋瘳益以陰德與先大人
相鑢厲謁選授大名府推官冬十月抵任部民多
以佐領受賕來告者府君乃屏絕餽遺以風之屬
吏顧望咸洗手奉公無敢以墨賸其民癸酉夏流
寇偪畿輔府君有守順德功蒙恩紀錄郡有黃河
小灘者河南轉餉會也河南郡縣去水次各數百
里其糧戶大抵以輕齋至而糴納之曹應祚等許
州糧戶也為奸民王澤久輩所詒囊中千九百金
蕩然矣祚等陳牒泣訴府君命逮其渠黨至其黨
素懼嚴明莫敢枝梧出其金立還之許眾歸而建
祠立碑于北郭外是秋三楚鄉試臺使者以禮聘
府君分校之道出許州許民男婦數百羅拜碑下
歡聲如雷既至楚府君分校書一房所拔六人皆
知名士十月朔府君過柏鄉會流寇數萬自寧晉
大掠而西時柏無令眾鼎沸知城必不保或謂府

紀田集卷十二

二

君宐間道馳去府君曰鈞王土也奈何棄之于是
糾集士民登陴堅守三日夜更捐金募賊首適有
能將軍者擁兵自南至將北走府君諭以逗遛之
罪懸以敢死之賞將軍乃鼓勇思奮列營而出斬
甲首二千有奇而圍解柏人以全城故亟構祠祀
府君府君力止之爰立石頌功德焉何郡守闕
府君以才假守事諸上賦金郡例有火耗府君悉
却還之是時流寇方躡中原所向無堅壘府君受
事卽繕城隍治干楯守禦之具旣備又議置戍卒
寮佐僉進曰設兵則需餉而軍器衣裝費且不訾
安所取給府君笑謝之乃懸榜募士三日內籍收
六千餘人選其健勇者八百各給甲仗更置材官
驍騎數十列帳下而親教以擊射坐作之法府君
自喜曰庶可當一面矣是舉也費幾五千金府君
先自捐奉縉請於臺發倉庾出贖鍰又以義田之
粟冗役之食料益之公私不費一錢而魏博軍容
隱然方鎮寮佐皆服此攝太守一月內事也乙亥
春以考滿上最授文林郎贈先祖考如府君官先
祖妣為孺人七月入順天分閱拔貢卷得士一如
楚闈丙子春攝開州事開故僻壤自流氛西梗郵

紀田集卷十二

三

傳率取道于開遞馬之害舉州騷動府君集諸父老商略區畫更其宿弊遂不覺供億爲煩時流寇勢張甚所在竊發響應之州境白密集連山寺之間亾命嘯聚揭竿如林府君畫策禽其渠封三變等數人而散其黨闔境以安後數年袁時中竟起於開而亂幾半天下則當日府君弭變之功何如也十月如真定從事武闡旋代直指按部長垣長垣古蒲邑先賢子路舊治地也墓祠祭田在焉有冒仲子後人者利其田爭之聞于府君府君曰田從墓由官置卽仲子不得私其後況冒者哉片言

祀田集卷十二

四

破其姦田乃如故府君所讞決卽顯貴人居間無所假借東明李生乙與胞兄甲脩郊潛結亾賴毆之幾死府君訊其牒李攜津要三書至府君就堂皇焚之捕其爪翼十五人寘于李自是權要不敢有所干府君雖以風力稱然于大獄多所平反有李直輩三人坐殺人律趙敬輩二十餘人坐劫盜律皆誣服擬斬定有成案府君白其冤破械釋之又凡事關人命者入獄卽推其眉髮之半以防越逸此舊例也府君愴然曰殺人者死雖有成法然其中亦多矜疑當從未減者若遽戕其髮膚將終

身淪棄難以自新且更何以處奸宄劇盜邪書上御史臺畿南四郡皆孔除之人謂得古泣罪遺意焉府君理天雄六載威惠竝著政治之暇尤加意人才時延諸生指授經藝往往去掇巍科登顯仕者以故聲名日藉甚前後臺薦凡二十三剡他獎激稱是丁丑夏應尚書尺一徵北上郡人乃立祠肖像春秋饗燕之府君旣至都門或謂以公資望臺省可立致也府君曰生不能于元子息坊半面令公何自分清華一席地也當事者果僅擬部郎以請是在已卯六月之十日疏入畱二日比十三

祀田集卷十二

五

日昧爽有中官馳至立召府君入朝蓋莊烈皇帝御中左門召對也府君旣至上面詢練兵措餉機宜府君敷奏詳明風標岸立上目屬首肯者久之旋出御製策問命其條對見殿庭喧炎卽趣中貴人昇試案廊廡間對畢進呈又大稱旨賜以尚方水鑑及珍果餅餌而出至十九日而有湖廣道監察御史之命府君旣拜命首舉天下大計有國威當伸民窮宥恤一疏中外聽之已而巡視東城是年冬值兩淮鹽使者期滿當代上又特旨以命府君府君陛辭上面諭曰淮揚鹽課當天下之半朕

命爾爲巡鹽有何方略府君對曰臣無別策惟期
剔弊以安民上曰弊剔而民安朕無憂矣行府君
兩命既皆不由廷推因念以書生受上特達知乃
誓滌凡慮以報庚辰閏正月至淮揚知大豪奸胥
以及邏卒百計蠹商課不時登府君間操小艇潛
覘之一日舟中聞號呼聲遣人往訊則糧艘長年
攫鹽商貨也亟逮之其人恐自投於河拯諸水囊
三木以徇自是漕卒無敢縱肆者邊商行鹽先後
次第或爭投到歲月或爭中引年分聚訟盈庭鹽
多壅滯府君則斟酌成例一以投到時刻爲序而

〔祀田集卷十二〕

六

競端頓息是時度支告匱增引增課諸議殆無虛
日府君可否惟揆便諸商民者必不敢以利孔詭
結上心也鄖撫某疏稱關餉欲增引於荊州而令
松滋加食川鹽可得羨課以佐軍興府君上疏謂
荊州歲引三萬六千量戶酌派非可意爲增減況
三楚屢遭寇患正引尚不能銷若添鹽價賤商人
裹足矣無益鄖餉有損淮課此萬萬難加者至蜀
鹽不得入淮全賴松滋州邑相間祖宗舊制也儻
川鹽入楚順流而下假借者必衆則楚中半食川
鹽淮引必壅司農額課將安取給竟奏論如故楚

藩歲祿不給上用湖廣撫按議命淮鹽加引足之
而前此已有充餉加增之一萬三千五百金矣府
君謂原以增引可得奇贏故有此餉今宗餼之引
既增若更以虛餉責之恐諸商重困不能無鳥驚
獸散之虞也疏入遂蠲前餉黔吉舊引原額十二
萬五千歸淮侯某欲於舊額之外再增五六萬引
歲可得三十餘萬金府君爭之曰黔吉二鹽自熹
宗朝建議以來迄今歷十年所當時旋行而旋止
者蓋緣黔省遠在天末黔鹽徑鬻楚中吉民樂食
粵鹽吉鹽攬賣江右遂使江廣正引難銷綱商告

〔祀田集卷十二〕

七

匱所以前此鹽臣屢奏罷之端爲正課計也兩淮
歲課專賴江廣運銷若因浮課以誤正綱倘歲解
不敷咎將誰歸事乃寢自辛酉後淮鹽之行遼者
皆令各鎮補其闕以加額商疲課引相壓至數萬
金中官高起潛請察積逋未完者再補行別鎮仍
遣內吏督之商情洵洵府君亦奏寢其事邊商輸
粟易勘內商納價買引此成例也崇禎初年有謂
內商交易不時有累邊商欲令邊符先投司農而
司農預徵引價以給邊商者尋以厲商不果行至
是宣撫某復理前說給事中某亦欲令內商赴邊

輸粟武城丞某又條奏鹽政六事曰加鹽引革鹽快給船票清草蕩復繇開鼓鑄府君極言其不可行并得報罷此皆力違羣議繳回成命明季言利者紛紛而商不至大困者府君之力也夏四月上念勞臣賜雕龍川扇四府君辦課之暇於有司賢否多加意廉訪曰吏不良則病民猶法不良則病商蠹國等耳一月內劾一州守二縣令各降黜有差屬歲大侵道殣相望府君盡捐贖鍰傳檄所部令各就其地賑之又出六千餘金煮糜淮揚以啖飢者因念米價踊騰中金一兩止可飽十人時

杞田集卷二

楚中大孰半其直可飽二十人矣乃方舟載楚米數百石設廠于四門日以二十餘斛給之復念賑粥多在三冬春來食新尚遠恐其飢更甚乃起庚辰寒孟訖辛巳麥秋二百日中所全活以億萬計府君任內催督課銀一百六十餘萬歷年積逋爲之一清至于郵龜卹商不遺餘力積勞瘁成痰疾遂上章乞骸骨奉溫旨慰留乃勉出視事未幾而誠意伯之事起先是誠意伯某者以世爵操兵江上多縱爪牙齟齬商人府君移檄讓之弗悛府君列其狀上之曰兩淮鹽課軍國攸關而商者課之

本也國家當愛惜之何意奸弁李某章某構結儀真大猾王東陽等以京掣爲寶山視鹽船作金穴沿江截詐慘害異常念京掣船鹽業經多官盤驗方遵給聖旨桅封豈彼巡兵所得過問乃該弁必每船給以小票方准開行是小票反嚴於聖旨也臣職在督漕惟思安商裕國罔知忌諱卽有疾臣言而思有以中臣者臣亦不暇計矣上命府君自按其事府君繫治諸奸盡得其狀賊累巨萬凡四疏入告褫二弁職王東陽陳爾敬等二十餘人皆抵法誠意甚甚日遣詞卒伺府君短長不能得會

杞田集卷二

十三年秋京掣隴期誠意遂誣劾府君府君奏辯曰操臣謂臣住浦七日一船未掣矣念臣於八月初二日移住浦口卽懸榜於初六日放船止緣諸商畏邏卒之害不敢啓行臣念課本所關不得不從衆展期於是移會操臣約束軍士臣又每船給以禁載布旂諸商始鼓舞齊集於八月初十日開掣十五日竣事矣操臣此疏只謂先發者可以制人殊不知從前勒買小票與巡兵魚肉商膏臣不能爲操臣解也今衆商受害冤揭盈衢在操臣恐揭外生揭欲臣速掣乃各商則驚魂靡定寧遲勿

速其意固各有在矣總之臣按准閱歲梗梗自持未嘗有一事拂商情一介損商費此兩淮萬耳萬目共聞共見者若有纖毫欺悖天地鬼神寔式臨之又引病乞休雖再以溫旨慰留然而府君決意歸矣疏三上始得予告去之日淮揚商民鑄像劉石攀擁涕泣更甚于去天雄時爾時訪醫南下白門得栝園居焉已又爲武林遊買宅湖上雷連浹月一昔念先大人甚卽束裝北歸居恆曰吾人出則安澤被四海處亦當爲德鄉里間然澤不及百世無以德爲也故因時有儲香之令槩然欲上書

祀田集卷十一

十

毀家以爨安丘城議未就而病寢劇竟以辛巳之十二月初十日子時告終正寢春秋財五十四耳明年四月二十二日葬兩水灣頭先伯父之墓次又四年諸生狀其行請督學使者崇祀郡鄉賢祠所著有奏議四卷尺牘八卷藏于家府君爲人脩繕秀目長揖偉軀丰采奕奕尊嚴若神且慷慨磊落有高抵終古籠罩一世之槩少時自奉頗厚尤豪于酒及貴浚自節損無論日用澹泊卽經行所部騶從共張亦不一煩有司也天雄三輔大郡府君綱紀六年兩攝府事兼縮沙麓澶淵二篆被徵

之曰輕車就道囊鮮餘財兩淮鹽使者素負脂膏名府君於正課外無毛髮染檢運司積羨及贖銀之在公帑者得六萬五千金悉助縣官及得請唯籠六鶴以歸謂所親曰昔趙清獻止以一琴鶴自隨余滋愧矣府君善歌詩然不恆作間有贈答亦脫手卽逝未嘗存稿且書才天縱學大令學素師學髯蘇皆各各神似之病已甚猶以長公體書二十便面以寄先大人蓋絕筆也尤篤宗誼重名義明末里役煩苛常之者其害未支邑令張公秦人性奇嚴率與人落落顧獨賢重府君每卽所欲言

祀田集卷十一

七

府君曰幸依化日所得已多何敢以私溷公門不則爲父族免厲役可乎張公領之是以終府君世舉族無以差累者辛念菴先生府君比鄰也旣卒無後孛子初定構家難族人競往大名以其所居售之府君府君斥之曰生前定交血肉未冷輒謀彼居室將令人不食吾餘邪皆薨然而退更屬先大人卵翼之竟得守其先業吾邑人士至今豔稱焉府君元配王孺人爲同邑處士公克綏女先府君五月卒妾韓于府君沒之次日自縊殉節小子貞雖有爲後之諛而不敢稱孛子者以貞無他兄

弟也嗚呼先叔父之沒也先大人每欲有所詮述旋罹喪亂恩未竟丙午冬小子貞始追承厥志發意采訪家世舊聞亦漸次出獨是維揚宦蹟湮鬱無聞心甚懼焉故于丁未之春決策南下渡黃河臨大江徘徊淮海之郊者累月及詢得一二故吏而亦已老矣乃爲道其厓略如此壬子冬日敬錄成篇用備稟草以祈不朽於名世鉅公唯憐而不拒則沒存之寵光與銜結之感痛併之矣姪男貞頓首謹述

先妣許孺人事略

祀田集卷十二

三

先妣許孺人世家萊州之濰縣外大父諱進封文林郎河間縣知縣外大母王孺人先妣其最幼女生而淑茂端凝父母愛之難其偶先考明經府君當授室先祖妣聞孺人之賢遣媒以行先府君時在弱齡才名已噪齊魯間故河間公悅而諾之以遠道爲嫌孺人來嬪年甫十六事先祖妣卽克盡婦道大有聞於六親先府君與諸父析箸之初家徒四壁立孺人力崇約素備極勞勩府君讀書外舍率數月不歸而內顧慮者則惟孺人是賴孺人結稿數年四舉皆女遂亟勸府君置姬媵每

當祠寵夕府君必述終歲所行爲文告神以祈孺人亦伏地涕泗謂余卽不德張氏宗祧不應由此而斬儻別有所生皆吾子也敢冀其必自己出乎是後所置諸姬果屢得男孺人提攜憐愛不啻如其所自腹或有天殤孺人悲悼痛惜亦不啻如其所自腹較之恆情過分吾汝者斯以懸矣孺人之握家秉也惟以莊靜自持不尚煩苛而內外肅然至其慈祥寔本天性人以急難相告靡不加以軫卹見戚黨中有鞭捶女奴過當者立脫簪珥贖之爲擇良配值凶年里媪求糠粃自活孺人迺振

祀田集卷十二

三

以嘉穀使無失所此猶細故也至吾祖妣既沒孺人慕之終身每一念及卽潸然淚下府君性嚴止當有所怒必委曲喻解待其冰釋而後已說者謂府君動無過舉得之內助者爲多是又仁孝明達之德作則閨門者矣吾李氏姊孺人愛女也病瘵甚厲孺人昕夕與居亦濡染成瘵崇禎丙子二月李氏姊沒孺人痛絕竟不復有起色以是年十一月四日辰時卒距生萬曆乙酉九月十九日亥時得壽五十有二丁丑四月二十八日葬於城東五里河之原子女婚嫁詳先府君狀中不自孤貞泣

血謹述

先妣孔孺人行述

嗚呼不孝貞又為無母之人矣念不孝生九年而先嚴見背家難大作日日在死法中賴吾母撫育教誨得有今日其艱難荼苦百倍恆情數年以來稍得休息而吾母忽邁虐疾以不起矣不孝雖號慕殞絕究無裨於逝者因亟圖為不朽計而一時之宗黨姻戚又爭訊母事狀將製為哀誄之文以光地下遂濡淚吮毫略述懿行以備采擇但當此五內橫裂昏迷齷亂之時其何能詳伏惟

祀田集卷十二

西

大人先生哀憐之吾母姓孔氏系本曲阜後有徙青州之壽光者遂稱其邑人高祖登仕公諱膠字德固贈國子監學正以明德重於時制詞所謂讀書履善者是已曾祖別駕公諱鼎以明經歷仕至陝西鳳翔府通判祖相禮公諱夏衡府引禮舍人父處士公諱東周母劉氏吾母其長女也先考明經府君當盛年難子乃求淑媛為友男計聞吾母賢而委禽焉丁卯來歸柔順敏能莊事先府君處諸姊妹姆人人得其驩無勃篋陵諍者尤長女紅組紉就業竟日不出閤門即家人罕得一見

也久之不孕乃稽首佛前焚香鐙自誓以所有子每於歲之王正月之朔望必茹素繙經立程課誦至丁丑而育不孝貞是後奉佛益虔益四十年一日矣庶母李氏沒遺兩女子長八歲次三歲先府君語吾母曰兩子可念唯汝能撫之吾母既受命為之視苛痒推操溼以至遺嫁之資裝飾序之餽遺一絲一縷靡不竭盡心血吾母一生所寄僅不孝一人而吾母之愛兩妹寔數倍於不孝如世所云不異已出者似未足擬吾母心事也乙酉吾母年三十六先府君捐館舍吾母哀毀幾絕以有不

祀田集卷十二

東

孝在復勉為進食斯時也先叔父侍御公厭世未久復遭先府君之喪內無期功強近之親外有虎狼窺伺之懼吾母以隻身獨手攜九歲孤兒蹣跚其間不問而知其難矣先府君甫斂有內戚某者執袴子也挾父兄之勢武斷里中視不孝母子為奇貨責賄之使交織道路嘗記其索一屏風吾母以先府君手澤所存堅不肯與即呼詈而至抨擊之聲遠震鄰里奴子數人皆羅拜乞哀無不飽其老拳者時夜已半舉室張皇面無人色啓戶仰視黑雲壓屋一燈在明滅間寡母孤兒相對飲泣至

今回思猶慘然心目中也又有大腹豪某亦屬內戚視不孝園中有嘉樹欲移植其庭中吾母親往止之弗聽乃叱之曰鼠子敢爾以吾家無人故不知有老婦在耶五步之內將以頸血濺汝矣其人懼復以樹植原處焉吾母曰吾之所惜寧惟一樹良以漸不可長耳立命剪伐而歸於時又有族子數人託名治喪雄踞靈幃之前矯尾厲角勢將噬人吾母處以鎮靜第腆潔其飲食溫和其體貌使無却可伺而已久之其謀愈淡其計益毒流傳洵懼一日數驚吾母乃遣人告吾外舅養徵李先

杞田集卷十二

六

生曰保家室存遺孤以見夫子於地下此未亾人初志也今若此揆其理勢非斃此三尺孤而矯虔其產不止也是獨有散之一法在乃對几筵徧告戚黨大集宗人傾先府君遺囊千餘金畀之更以某田付某支以某宅與某子一日之內資產去十之七八所存唯瘠田數頃老屋數椽而已先府君有出貸錢數百緡至是悉取其券書燒之且榜諸門令逋負者自安乃撫不孝而泣曰吾今始貽汝以安矣自時厥後家既貧落甌亦稍息乃遣不孝就外傳日舉先德及鄉里故實可為勸鑒者以相

訓迪內外家政亦漸就條理前諸宗人多不自愛雖獲厚資而博奕飲酒緣手蕩盡間有以爭財之故同室操戈由之殞命者吾母憐其困窮歲時仍周卹之迄於今不孝與諸宗人處必推心置腹而不敢略存疑貳者遵吾母之教也已丑為不孝娶婦是歲不孝補博士弟子員而新婦又頗能承順吾母意諸孫男女亦次第生昊天已威家門無恙吾母從此稍稍解顏矣母體素健尤好力作入夜篝燈必集羣嫗紡績一室以身先之至漏下二十刻不止絡繹聲常與銅籤相應不孝恐其過勞幾

杞田集卷十二

七

諫隨之而不能從亦其素懷微尚然耳吾母操家秉三十餘年內外臧獲數百指不須不孝問其寒燠而望秋挾纊者吾母之恩也歲在戊申值地震之變百堵皆傾不孝被壓以死信宿而蘇吾母痛悼驚悸雖未示疾而肌膚不實精神頓減矣甲寅邑有小警人心皇皇不孝奉母辟地郡城是歲覺吾母性情語言多失常度不孝與婦心竊異之而未敢言不意長往之兆即見於此也嗚呼痛哉丙辰五月不孝遊京師吾母病痢甚劇旋小愈不孝七月歸來吾母益不孝臂曰幾不獲與汝相見吾

母泣不孝泣家人環侍者皆泣。何病起蓋自是需杖矣。丁巳春不孝再遊京師。雖日與士大夫相周旋。以母體未健。心常惴惴。未逾月。卽趣俶裝。都門諸君子之愛不孝者。多以遄歸爲恨。而不知其不可留也。四月初抵里門。吾母晨夕不孝必與婦偕往侍食。且呼諸孫男女環繞左右。吾母亦欣然爲加匕箸。然病益增。形神日瘁。非兩人扶掖不能成行。至七月十四日。而委頓牀蓐間矣。吾母自感痲以來。延醫診視。多謂所患者不在瀉痢。而在風痰。非以丸藥豫治之。不可不孝。稔知吾母艱於下

杞田集卷二

六

咽故。皆和爲湯液以進。是後醫方數易。而效與不效常相半。十二月十九日。爲吾母設輓之辰。不孝率諸孫拜於牀下。見母沈迷。轉甚。悲不自勝。雙淚承睫。吞聲而出。不孝雖心知其不起。以前此乍劇乍減者數矣。或尚可少延數時。不意其越三日。卽倏然長逝也。嗚呼痛哉。吾母賢明仁厚人。無少長貴賤接之一。以溫和卽與田婦里。嫗語如惟恐傷之。其待子孫諸婦亦然。尤不忍虐使其下。不孝自侍。邴前從未見以鞭朴加人。晚年坐臥一小樓。婢子有偃蹇者。聞母訶責。卽避其梯下。吾母操杖擊

梯婢子。必不肖出。母亦釋杖。怡然旋忘其過矣。天性儉約。衣履樸素。食不重珍。而最惡積財。有一錢必散之。親黨外家。失業相依者。皆廩於別墅。溫飽終身。吾王氏姊故邑世家。木幾中落。貧不自聊。吾母分宅與居。醯醬以日給。薪米以月給。縣帛以歲給。垂三十年。不懈。吾高氏妹。遠住郡城。不孝每以甘旨進。吾母不忍獨嘗。必蓄以餉之。陳衣之夕。不孝輩料檢牀頭。見珍果盈筐。滕緘甚祕。問之。女奴則病中手裏。畱待吾妹者。不覺慟哭。於是歎吾母之慈。爲不可及也。已說者謂仁者必壽。無不以耄

杞田集卷二

六

耄相期。孰意年未稱老。遽嬰篤疾。輾轉牀第。備諸痛苦。五月弗瘳。而竟罹此大故。耶。天乎。豈真不可問乎。嗚呼痛哉。吾母之沒。旣已逾旬。不孝彷徨寢門。如聞呻吟之聲。而吾母不可復作矣。貞亦人子。將何以爲。心耶。嗚呼痛哉。伏念吾母年十八而歸。我先府君又十年而生。不孝貞又八年而先府君。卽世。又三十二年而終于內寢。其前此者。無論已。自乙酉以來。羣小狙伺。諸蠹叢生。真如琴絲之不可理。如橫流之不可制。如壞屋漏舟之不可樗柱。吾母以僂弱之身。遭逢其際。能審擇于旣福利害。

之關千金可揮一言立決卒之全孤遠害弘濟艱
難吾母之報稱我先君者亦已足矣嗚呼不孝之
所述僅其可見者耳至若大厦忽傾漂搖一室其
爲肘腋之彌縫家庭之調劑不堪對人言不忍出
諸口者又不知其凡幾矣不孝嘗讀史傳所載賢
母代不乏人然他人之所爭者在盛衰而吾母之
所爭者在性命他人之所全者在資業而吾母之
所全者在宗祊不知良史操觚當置吾母何等也
吾母生於萬曆三十八年十二月十九日寅時卒
於康熙十六年十二月二十二日子時享年六十

祀田集卷十一

三

有八子孫昏嫁詳先府君狀中嗚呼吾母已矣鼎
烹之養既已關於生前華袞之褒冀少酬於身後
惟祈

仁人長者鑒此幽貞憐其苦節大奮董狐之筆俯
徇烏鳥之私垂於簡編勒諸琬琰俾老母卽安下
地斯小子孔戴高天不勝激切哀號之至孤哀子
貞泣血稽顙謹述

亾室李孺人行略

康熙己巳仲冬之初余以懷抱抑鬱疽發於項當
瞑眩瞽亂之際吾妻李孺人無病而殂余既遵禮

疾復纏哀酷其瀕于危者數矣幸獲良醫僅而不
死辱處餘二百日始能任杖兒子在辛輩爲其母
請狀蓋不忍於其母之沒也卽余以四十年糟糠
之婦甘苦憂樂無一不與共之者一日溘焉長往
寧忍聽其泯泯邪因收淚而述其略孺人姓李氏
青州安丘人始祖自明初占籍邑之峯山里族以
日盛高祖諱完贈戶部山西司主事曾祖諱遷梧
由進士歷官西安大同兩郡守載明史事功傳祖
諱三祝不仕父諱涵崇禎癸酉舉人是爲吾外舅
養徵先生母辛孺人吾邑之姓固以李爲大然余

祀田集卷十一

三

家自先世以來家世門風有時亦落人口迫明末
造先伯父孝廉公叔父侍御公相次厥代先君齒
衰子幼思欲聯姻巨室爲兒求婦寔寓託孤微意
也又以養徵先生扶義倣儻稱一時偉人故使請
昏焉先生未遽報許一日過余家先君酌飲寶鬯
樓余戲于其側先君呼余揖之先生一見歡然曰
先日議姻必此子也真吾壻矣先君命余拜謝百
年之盟遂定于此時順治乙酉夏五月也是年冬
先君捐資客余財九歲孤露無依先生噢咻提挈
終濟艱難一時皆服先君之能知人而先生爲不

負所託也已丑九月先慈為余畢姻時先慈及兩庶母在堂孺人能各順適其意禮無違者于時家勢中落門仞蕭然孺人以十五女子新來為婦不見有施置之迹而萎蕭之氣頓蘇且承事吾母有人余得博力問學諸子女亦次第生自是戶庭又漸有起色矣孺人來歸吾妹在室者二人孺人與處油然無間言其衣履縫紉以身任之及適人傾其嫁時囊裝無少靳庚戌外舅以老壽終孺人辟踊盡禮癸丑喪母孺人哭泣悲哀幾不能以生及卽窆窆其墟墓去吾家五十里孺人春秋必一祭

祀田集卷十一

三

婦每自壘上歸精骨消亡聲氣酸咽非歷旬時不能復舊也丁巳冬先慈嬰危疾孺人潔滌隨燻湯藥晝夜不懈及遇大故絞衾附身附棺之事咸無遺恨過時上冢追慕顧念攀柏而號一如哭其父母吾母病時頗有餘隘病且革奴婢多穿穴其中或謂孺人宜加料束孺人曰豈有斯時勾稽財物者比吾母卒無畱藏矣孺人竟不忍問先慈棄世外家至戚唯存一妹貧且老孺人居之別墅數日必延致舍中奉以甘滑溫言慰勞語及先慈輒相對潸焉出涕嘗曰見三姨如見吾姑也孺人

既痛吾母之亾又以先君不逮養四時薦享必先期致齋凡烹飪滌濯皆出其手去年十月廿八日為先君忌辰亥祭於寢前一日送亾女葬歸孺人已委頓矣余欲令兒婦攝行其事孺人曰余雖病尚可黽勉敢以兒女之感使先人有廢祀乎中夜以興執事有恪餒而後退不知其力之憊其于余家姊妹及諸媼鄙體卹周至歲時問遺相屬于道聞有疾痛若在己身斯須不能去懷孺人固篤戚諒而疏族窮親尤所加意亦每以此相勸勉去年遭亾女之變有客相過余以曾懷草惡偶闕展待

祀田集卷十一

三

及余入孺人曰聞某君至意君必為授粲卽敕中廚鮭菜具矣且某寒士與君有舊今聽之去不虞人以爲簡乎策內交知遇有縞紵之投孺人謂當厚其贈答依樣酬之鄰于市道矣至今猶愧其言孺人居恆靜默似鄙朴人余外事不能決者間一咨之孺人曰君必有見何須謀及婦人強之乃曰愚意似應爾爾余用以應世往往得免尤悔孺人嘗患衄血昏迷恍惚家眾環泣孺人謂長女曰吾何畏死汝父言干支家謂其運會元辰法當不利我死凡有不祥可一身肩之卽不然既損妻亦足

少分其厄汝父無恙門戶依然矣吾何畏死其性
識明而知道理多此類孺人端靖柔淑動有禮法
冒晨而盥浹夜而憩燕居斂容危坐不少跛倚非
甚病亦強自持未嘗晝寢子女至前必莊色以待
逮下尤有恩意卽有所甚怒減獲不能加以惡語
至其與余不唯終歲門屏不聞評語細數常日未
曾有失言失色蓋竟其身交相莊也生平不入祠
廟不赴燕飲不觀優舞不聽盲女弦歌閭巷尼媪
不使履闕先君家法嚴整內外肅如孺人一步一
趨悉遵遺矩無所改自處儉薄從未市一鮮羹自

祀田集卷二

函

奉卽間有之亦推以食人日用唯幽菽脫粟而已
纖麗之服珍華之飾屏去不御大斂衣襪猶是二
十年前舊物其生時可知矣孺人義利之分甚明
有一錢必散之人然不輕取人一錢也表姊王氏
有白金一笏錢若干緡俾孺人藏之莫有知者姊
以暴疾不及言而殞訃至孺人以原物還其家家
人相顧愕錯于今頌德不衰孺人素彊少疾丁未
夏半產幾殆沈迷中余適從金陵歸曉夕省視佐
以藥餌始差然體氣自是寢弱矣乙丑余客都門
孺人忽血溢於鼻兩日一夜不止余得家問徙倚

踟躕終夜不寐晨起攬鏡霜雪滿鬢矣余旋趣裝
歲莫氏里童穉歡迎室家寧晏愁歎爲之稍釋居
亾何第二女病瘵孺人憂思特甚其腴膾與女病
之作輟常相應丁卯五月長孫女死九月次兒婦
死孺人悲不自勝復以女病驚心疴羸益甚己巳
春女病告劇延至閏月竟卒孺人遂不支矣余每
見其傷悼謂之曰我兩人幸有三兒四女死者已
矣儻不亟爲轉移是一子不忍舍乃忍舍六子邪
所以尉解之者百方孺人終不能聽十月下旬亾
女旣窆孺人病已在膏之下冬中會余病創孺人

祀田集卷二

五

見其沈篤謂無生理矣絕食飲者四日值在戊次
子痘殤孺人方臥聞變驚起奔哭卽殞在戊之室
嗚呼孺人之死久在余意中然不知其死之如是
其速而且終爲余死也嗚呼痛哉戊申地震余夫
婦竝斃重樓之下經夜始甦孺人嘗戲謂余更生
固佳但身無所苦奄隨物化似此死法殊令人戀
戀耳今孺人失聲一慟形神遽離較之被壓奚翅
霄壤是真足稱令終矣縱孺人可含笑于九京亦
何解于生者之悲邪其最酷者余與孺人相去數
武生不與訣沒不與斂創鉅痛淡而氣息惓惓且

不得噉然一哭也匪木人石心亦誰能遣此哉嗚呼人孰無婦他人之夫婦夫婦也余與孺人夫婦也而朋友矣余棲遲連蹇晚晚無徒世路悠悠誰可告語每酬應少暇與孺人對坐續夢堂苦茗一栢清譚數刻便了一日余間居寡歡而未嘗見戚戚之色者以有孺人也孺人雖不讀書然文心獨至余得舊錦欲製琴囊而無所考法孺人以意為之後有所見一一昭合人以為異余嘗輯古今印章數十百枚孺人親加裁翦粘之素冊部居粲然遂足佳觀余於世澹然無所好獨以書自娛每得

杞田集卷五

六

善本多手自裝褙更倩孺人緝以箴縷以當韋編孺人亦樂此不疲今存者尚數百卷皆其餘迹也嗚呼余鄉者安孺人德不謂才也乃孺人之沒甫六月入門而機杼在壁刀尺無聲矣入室而梳櫛不整枕簟不斂矣醃醃芼羹調糝失和矣醯醢木鹽用度無節矣童婢衣舖給予不時矣余有疑謀莫決所嚮余有疏節莫與相規矣撫今而追昔能無腹悲已乎嗚呼余以散材誤落塵囿回首終歲忝然疲役不勝其勞嘗語孺人四三年後昏嫁巖畢一切世緣盡付兒輩吾家別業在淳于舊城有

地可耕當與子偕隱其間脩采藥鹿門之樂而今已矣嗚呼夫耕婦饁本非覬望非常孰知風波之民天不假易即田家恆事亦稱難躋之大願也哉嗚呼余運丁陽九死喪頻仍前此者毋論矣自去年閏春迄今首夏僅周歲耳一哭妻兩哭女兩哭孫兩哭女孫其間與孺人同哭者三雖境遇不堪猶賴孺人更相慰藉孺人既歿余邈焉寡儔窮民無告哭女之淚移而哭妻哭孫之淚又移而哭女兼之病骨支牀氣血中槁無涕可揮有聲皆啞揆之恆情人理適盡黎洲子所謂如長亭旅憩先後

杞田集卷五

七

散去唯我獨留亦復何堪者于余見之矣孺人既歿之百日王甥元雅夢入南山峯巖挺拔林壑幽麗其行逾遠來路轉迷忽見雲房屹起空翠中又杏栽梁香茆結宇花藥分列北向開門非復人間世矣俄有女童出而肅客飲以玉液啗以珍果孺人著青綾衣自東房出設榻西北牖間南嚮孺人居焉元雅起居畢孺人命坐謂之曰我前身僊子也今返舊居屏去儀服與子相見懼為子所不識耳少選遣人導之南去則闌闔也覓路而歸元雅之言如此余亦未敢遽信為然然以孺人之孝友

順祥淡于財欲與世之穢濁塵凡大相區絕矣即
 謂爲真靈位業中人亦理之不可誣者故附書之
 孺人生于崇禎乙亥六月四日辰時卒于康熙己
 巳十一月十八日卯時得年五十五以其卒之又
 明年二月廿八日葬于城東五里河吾父母墓之
 西北三步孺人志也子三人長在辛丙寅拔貢生
 娶周氏同邑甲午拔貢生周公濟生女次在戊例
 監生娶劉氏同邑庚子武進士劉公正誼女暨娶
 李氏同邑庠生李公中允女次在乙聘丁氏諸城
 州同知丁公慎行女女四人長適同邑庠生馬公
 元

杞田集卷十一

元

人兩月殤

杞田集卷十二終

杞田集卷十一

孫男執輿校字

元

杞田集卷十三

安丘張 貞起元著

新城王士禎貽上定

哀辭

御史中丞曹公哀辭 并序

康熙十九年十二月初五日填撫貴州御史中丞曹公伏節雲南先是十二年十二月吳逆亂作大帥李本溪從之以書招公降且約禽制府甘公及薩党二使者以獻吳逆公得書具疏遣使星馳告變護二使者還 朝阨塞要害得以慎固封守而

杞田集卷十三

虎狼蛇豕不至逞志長驅者此疏之力也 亾何督標兵變貴陽不守陷沒賊中者七年公陰養死士司間抵隙以期報 國庚申之夏蠟九赴 闕約會內應事機不密為賊所圖遂就義于雲南之雙塔寺嗚呼哀哉公既死行間將士見逆黨殘害衣冠翦除良善若斯之毒又感公烈節無不慷慨激昂以除兇雪恥為己任者故卒至渠帥鸞醢妻孥判斷醜類殄滅無遺然去公之死尚未浹歲公亦可無憾于三泉矣 天下既定公之死事報聞于朝部檄所司亟歸公喪經行郡縣吏民皆擁道泣

拜如喪私親壬戌八月八日始抵里門舉邑之薦紳士大夫及耆老子弟相攜出迎號哭之聲震天

地此豈無以致之而然歟公為吾邑右族代有顯者自高曾以來其稱兄弟進士者三世矣至公與其兄實菴皆少負奇穎嘗為先君子所歎異余之識公在其鄉舉後而其年則甫舞象也是後余與長公締結姻好公去而登進士侍 講幄參大藩客有來自公所者每道問訊余則引分自遠公亦未嘗責也及公入為納言尋遷廷尉未幾而休沐里居與余情好益篤每相過從簾閣焚香清譚

杞田集卷十三

移日頓忘賓主曾以長歌贈余獎飾逾涯其所以期于余者深故不自知其言之失也甲辰夏再入為廷尉已而佐春官又晉少宰旋以少司空開府黔南矣當其行也驅車過里飲余勉厚堂中握手言歡酒酣謂余曰此行勿為久別計吾年及四十即返初服子當遲我于東阡北陌間也爾時以公方盛年何能決計引退故領之而未敢諾何意癸丑之冬公年僅三十有九變起非常不得遂懸車之願幽憂七載而竟及于禍邪嗚呼哀哉公清峻立 朝方嚴行已至梯接寒峻交歡友朋則推亢

為和人人得滿意去若其與余少同里閭長聯姻
姬而志孚道合又有出于尋常親串之外者公喪
北來余逆于汶水之陽即公持節撫黔供張祖道
處也惟見雙旌前指兩孤捧柩河流有聲木葉亂
下雖欲勿哭何能不哭也因作辭以寄余哀且用
以解實菴之痛若其世系行業他日史氏傳忠義
者書之必詳當無俟余之絮絮矣公諱申吉字澹
餘云其辭曰

世廟中年兮 國運昌隆應期維公兮才具駿雄
人書十篋兮羅于心曾弱冠登 朝兮簡在 宸

杞田集卷十三

三

衷袞席金華兮儔莫與同出領節鉞兮三楚天中
丰裁凜然兮淵深嶽崇入為納言兮達 帝之聰
樹位棘寺兮斷畧投弓亭疑閱實兮裁決如風
帝嘉乃德兮峻陟南宮典朕三禮兮劍佩雍容爰
佐大宰兮簡要清通百僚師師兮時亮天工海內
企踵兮望其登庸忽承 帝命兮填撫蠻戎瘡痍
立起兮慰此哀鴻何意逆孽兮墮我崇墉虎豹當
關兮萬里孤蹤蠟書上變兮夜達 九重傳檄邊
徼兮丸泥可封拘幽七載兮憂心忡忡籲天叫號
兮如蓬撞鐘圖賊不成兮罹此鞠凶從容就義兮

其樂融融左右 聖祖兮浩氣如虹二子同收兮
天地為籠覆巢完卵兮竟全厥宗公德遠邇兮在
後之侗疇謂天醉兮視之夢夢總惟在望兮杖屨
奚從扈辭告哀兮徒愧雕蟲

誄

新城東亭王公誄 并序

康熙二十年九月二日候選中行評博進士新城
東亭王公以疾卒于京師其弟國子祭酒阮亭先
生之邸舍年僅五十是歲十月其孤啓涓涓涓扶
柩東歸貞以僻處遠方明年始克東芻弔公里第

杞田集卷十三

四

復北走千里慰阮亭先生于都下相向哭竟先生
出公行狀命撰旂旒之詞蓋先生至性過人深悲
其兄才未究施年不配德故徧屬同人為碑銘傳
誄以庶幾公之一傳也貞雖非其人然重拂先生
意又以生平之舊朋友之設有不可辭者遂捧筆
而誄之曰

木大根擢山高基扶矯矯維公胃始琅邪詳江左
文獻六代簪裾條分葉散不常厥居新城之宗來
自東武肇啓山林華路藍縷樹惇三世乃蒐秬圃
臬比譚經穎川王府高曾以降濟濟科名司徒司

馬接迹揚聲顯祖方伯藩屏臨平旬宣著績湖水
同清猗歟司成寔維公父人頌真儒家垂令摹三
錫龍章益徵孔譽公以純懿纂戎洪緒彙第四人
三捷南宮雲霧鳳矯孟季先登或典啓事或領辟
靡公迺起蔚爲人宗維公之生秀眉湛睪才若
春華傾珠奏玉雕鶚摩空驕馳陸叔雖雁行名
豈龍腹三篋萬卷厥習鬱盤發摘祕要補綴缺殘
聲律之學上窺杜韓盞洗色澤天骨嶮屹憶公十
齡已露駿爽雪夜東堂嘗集少長共和輞川獨抒
異想日落空山但聞樵響場屋之業先民是程震

杞田集卷十三

五

川具區大士蘊生伐毛洗髓練都研京屢困益勵
風雨雞鳴甲午恩綸求賢庠序遂以我公用充貢
賦日下喧傳聲華布溲海內名流紵縞交屬就試
鎖院時維丁酉孰與偕行哲昆良友舟汎明湖社
標秋柳賦詩唱和播在人口季官邗上岸幘法曹
奉我二人版輿消搖公思展覲寧敢告勞一舸南
下破廣陵潮定省之餘弟兄握手鬪韻擘牋分鐙
共牖官閣看梅蜀岡載酒夜雨對牀何樂不有公
歌鹿鳴值伯南冠徬徨北寺經絡橐饘塵黃日赤
雨伏風闌蹶躅道路見者辛酸家難已紆大江再

航青山白紵容與尚羊旣廣朋好亦富篇章豈無
朝市此境難忘歲庚在戌射策楓宸凌空出羽觀
光國賓季公持節亦過里門家庭言歡莫逾茲辰
推星閱霜閔凶互錯諉草凋零棣華隕穉髓淚駢
枯肝腸寸鑿倚廬長號九京可作義惟將父不仕
州邑視弟金臺相依一室如何斯人而殞斯疾秋
懷十章竟成絕筆嗚呼哀哉天期旣迫塵游自歇
國喪老成家失良喆親串哀攢士林望缺人孰無
死悲公爲烈悲公伊何孝恭令德樸茂溫醇忠厚
隄側與人退然若不勝力僅儻下走曾無失色悲

杞田集卷十三

六

公之遇志達身窮策名十載朝籍未通隱約連蹇
結轡以終異音同歎非我昵公我家公家兩世蘭
譜義貫丹青誠傾肺腑鄉邦匪遙京國或覩相與
晨夕始終無迂追惟疇昔我病于牀時公家居方
賦悼亾猶脩問訊銀鉤數行至今藏弄襲以縹緗
當余承訃家累紛綸及往哭公已逾小春川原結
慘雲日爲昏中懷摧裂可贖百身嗚呼哀哉理數
茫茫大化悠悠桃源晝寂柏房夜幽歸魂千里戢
身一丘陳辭誅德素旒長雷嗚呼哀哉

三如馬公誄并序

維康熙二十年十一月二十五日三如馬公卒余具朋友之服哭公于寢既去而悲彌甚余蓋與公比屋而居聞遠近戚族來弔酌者靡不有慟及歷三旬哀聲猶不絕于耳然後知公固有可哭者在余之悲公非昵也次月二十日鄉士大夫又將會哭匱前且欲排纜懿行載諸素旂用彰盛美而以其辭屬之于余遂作誄曰

粵稽馬姓肇望扶風渠丘占籍爰有四公順祥孝友為時君宗勤勤積累譬皐將崇經術蔚起五世其昌或綰墨綬或沐龍章彼蒼篤祐餘澤未央厚

杞田集卷三

七

集中丞發為國光中丞二子繡被朱纓容臺典禮青瑣騰聲後先輝映父子同升兩枝之享濟濟科名猗歟儀部寔為公祖文苑事功孰敢與伍父曰司訓文章與府臬比榆山冠裳踵武公生淵敏休問早張六經鐘鼓四部笙簧卒瘞手口斐几蒿牀虎僕所列溷廁門牆時維丙戌公試棘闈鹿鳴歌起牙角欬飛曲江一席舍公安歸士林引睇紫閣黃扉疇意南宮九上不收利失干將足蹶驂驅人為扼擊不勝怨尤公獨居易任運優游懷抱古今魚魚雅雅細帙縹囊可汗牛馬徒倚經行一編時

把陋彼魏武讀書春夏所最祕惜殘楮敗紙鍾王行草顧陸雲鸞偶獲名蹟寶從傳觀摩挲歎賞不遑加餐園名甘露齋號筆花煙籬曲護雨幌斜遮清琴明燭妙香乳茶何以娛耳兩部鳴蛙二仲過從鮮菜羅案屏後歌聲時出酒半脆管低迷哀絲續斷主客相忘歡然達旦譚鋒犀利不置雌黃紫芝翁半孝先腹腸汲引後進每折輩行四序皆暖九曜絕霜公之篤厚溢于顏色夢輯之施尤可觀德里有昏喪中心憫惻厚以賻祿資以衣飾都昌孫子公之諸舅內弟高君來自平壽公綵旅人代

杞田集卷三

八

為結茆時其緩急相其無有匪直三族待澤方殷賑窮給孤惠洽鄉鄰何以頌公處義敦仁何以祝公逐休無垠我思公才羅羅清疎場屋之業富于三餘奈何壬辰僅中制車擬魁辛丑竟成子虛跌宕詞壇翱翔書圃戶競蛟騰人誇鳳吐溢為篇章球琳珪珎方彼杜韓孰今孰古

今上御極周諮治道丁巳之秋爰下綸誥繡虎雕龍在在入告郡邑同聲推公博奧文章紛縈乃竟不報晚逐多士試于家宰雖列前茅壯心已怠州縣勞人匪好所在把酒看山澆其塊磊維公莫

年勤加頤養松木服食呼吸存想望若神仙幅巾
鶴望尋經經丘未嘗杖杖方冀百年日引月長驚
傳負疴我問于牀執手依依情話琅琅誰期信宿
遠游帝鄉嗚呼哀哉長庚墜天龍蛇起陸國失典
型鄉無良叔少長崩奔惟恐不速拊膺憑棺嗷然
一哭嗚呼哀哉七十有六不可謂天況也令子足
以承祧驂螭駕蚪雲海飄飄善善如此天聽豈高
嗚呼哀哉蔡碑有道顏淵淵明傷心千古惟有死
生素旃在望燈火青熒陳辭抒痛如鳥悲鳴嗚呼
哀哉

祭文

和日集卷十三

九

祭劉丙孫文

於虜是卽丙孫劉君之旅骨而輿櫬以歸者邪以
君之賢而乃不克永年以君之才而竟如此以還
以憲副公之德而不能使其享續之少延眞所謂
可知者人而不可知者天於虜君蓋少傅公之仲
子也少傅是時是任阿衡瀛臺入直而君適生卽
因其地錫以嘉名湯餅筵開誕彌厥月矚目如畫
玉爲肌骨少傅夢之親爲雉髮雙珠之喻屢形筆
札方在襁褓氣可食牛一日千里駉駉駉駉維公

念之可踵前脩克繩祖武寧僅三劉此公所以陳
情丹陛而令其紹伯氏之箕裘也乃君學步長與
案齊兄弟同列讓棗推梨羣兒嬉戲畫卦沙隄所
不爲者蹴踘鬪雞泰運伊始處順席亨辟雍教胄
鞶帶增榮胡與禍會喪亂遂丁天崩地坼少傅以
薨焚歿母子畱滯神京鄉關膠鬻目怵心驚幸君
兄弟克自勉旃孤情絕照寄託遺編青熒燈火雪
屋寒羶努力榮名用光下泉長公一出遂著先鞭
掄魁之牘海內爭傳知交忻向忘其迤邐君稱難
弟書卷畱連舐筆和墨片幅長箋少傅詞翰舊觀

和日集卷十三

十

頓還此君生爲名父之子而無愧于京兆之阡也
君仕沅江年方英妙簿領雖微足資坐嘯維時鐵
馬雲集六詔徵調紛紜藉君檢料驅車南下蹙駐
里門某等過從不異弟昆昕夕握手斗酒鷄豚河
梁之別黯然銷魂無言相對惟見淚痕亦不過悲
君所遇之窮而詎意其遂隔重霄邪別君之初丁
寧反覆書札宣情不厭促數云何一往悽斷心目
予亦自疑豈其不淑旋來惡耗傳君賦鵬猶冀悠
悠語或誤繆杵撞當胷腸迴輾轉問彼家人乃敢
一哭日月居諸歷寒及燠牛車軋軋僕夫鹿鹿險

阻間關水濱山麓總帷寂莫素旒颺綿綿此恨
地老天荒何以抒哀聊憑短章何以達誠僅藉椒
觴將欲慰兩公在天之靈而不得即欲解戚族鬱
陶之懷而終覺其彷徨然則吾徒其何術而能自
已于悲涼也邪於悽哀哉尚饗

祭曹實菴先生文

維康熙三十七年歲在戊寅十一月初四日 皇
清誥授奉政大夫禮部儀制清吏司郎中實菴曹
先生卒於里第姻弟張貞於未斂之前已服深衣
哭先生於牀既斂之後復制朋友之服哭先生於

祀田集卷三

十一

殯宮迨歷三旬又率男在辛在戊在乙暨孫壯輿
敬輿扶輿重輿簡輿偕輿爲文一章寓絮芻而告
先生之靈曰嗚呼先生遂不起耶理數可憑今竟
不可知耶天道無親常與善人前脩之言亦不足
盡信耶既而思之先生陰藉高華才名奕奕領解
額登甲科敷歷內外三十餘年位躋容臺秩列三
事兒孫繞袂壽考令終先生之得於天者不爲薄
矣獨是余與先生戚誼交道有出于尋常締結之
外者何能已於悲耶余初識先生在學詩誦勺之
年時余門祚乍衰觸境多畏見儔人廣坐輒思引

去君家兄弟初露頭角嶄然自異邑人望之以爲
秀出天外不可梯接乃獨與余有水乳之合每一
聚晤促剝引手移日分夜既講同人之好復締兩
姓之歡熙熙怡怡白首無間曹張之交論者以爲
有終始也憶丁未首夏先生需次里居結伴南游
汎棹長淮艤舟邗上時四方名士多僑寓其間投
紵贈縞論交甚衆相與登紅橋過竹西上下平山
堂盤輿畫舫匏尊竹杖歡聚月餘始各散去是後
經行其地痛良朋之遽往歎勝踐之難逢又何能
不悲耶歲庚在戊先生筮仕中翰儻直禁中旬日

祀田集卷三

三

休沐用其暇以讀書所養愈淡而詩亦加工又與
諸寮友迭吟遞唱一時有十子之目壬子余以選
拔充賦入都先生以余名譽未彰爲游揚於公卿
間至今猶有知余姓字者先生力也乙卯秋余下
第東歸先生搃擊累日賦詩贈行有故交失意明
朝別孤燭離筵此夕真之句先生朋友之義至是
極矣又何能不悲耶乙丑先生同守新安又三年
余悼亾傷逝家居無聊買舟南下羈棲白門先生
聞之遣平頭挾資斧邀余爲黃山之游余雖未赴
而先生之意厚矣亾何先生內擢版部旋進秩宗

余以老病崔隲裹足不入長安尺一之牘歲必數
至當其官南宮也以在中書日久朝章國故已極
博綜故居儀曹深諳典禮宗伯取裁焉郎潛五年
以才望推擇視湖廣學政未赴而病疾頓增遂免
歸先生雖以病歸猶與余晨夕過從枯澗言歡維
歲之春又與劉馬諸君脩維陽九老睢陽五老之
會不肖如余亦相招入社坐無拘忌不限醉醒方
謂此樂可常執意追隨未幾典型忽遠豈不尤可
悲耶嗚呼先生已矣余邈焉寡儔書有疑義誰與
共析壺有名酒誰與共斟蘭時蕭辰誰與共賞東
阡北陌誰與其游哀樂互乘誰為可語緩急時有
誰為足恃興言及此匪木人石心何能不噉然其
一哭耶涕泗之餘寔難閱默欲為長些大招而不
能欲摛詞拈韻而無暇因略述交情告哀楮幕先
生有靈或能鑒此悃誠也耶嗚呼哀哉尚饗

贊

先友遺墨贊

摺扇若干面凡若干人自一二前輩外皆我先君
及伯叔父交游中用代編紵之贈者每一展閱便
想見當日出入襄褰傳觀賓從時不禁泣然泣下

久藏恐至放失因檢付工人裝潢成冊或可几案
長留也乃為贊之其詞曰

統扇秋風易成捐棄一帙函之斯永厥世適放者
肆厲之詞波險者怪偉之迹執卷諦觀某也樹惇
某也蘊義清操濯濯英姿揭揭寔皆一代之勝流
諸父遇之而成契茲集先友於一堂庶幾風流其
不墜

漁洋先生放鵬圖贊

五緯麗天苾寒色潔六經垂世日懸星列先生兼
之雄文大節人方仰為建時之斗杓

祀田集卷三

西

上且倚為濟川之舟楫而先生澹然歸興忽發是
殆反莊生之言心居江海身在魏闕者歟

周雪客持益圖贊

筆走風雷名傳海甸混迹塵中龍蛇百變或問周
子胡為乎忽行脚而持益曰斯人也不貫罄折達
官之門尚可乞食歌姬之院

王周陽象贊

獨坐幽篁裏

畸人之生如卉中竹磊砢扶疎臭味同族對以獨
處目豈旁矚旁矚有時亦匪錄錄宋歷雲山清華
水木背琴一張挾書一束頽然嗒然其樂弗告

劉止一象贊

英姿颯爽叱嗟風雲壯懷鬱屈輪困嶙峋可繪者
衣冠劍佩其不可繪者非龍性之難馴也邪

馬拙脩象贊

酒一壺琴一張煙巒雲壑且相羊心尚有所汲汲
惟大道之未明日誦遺書兮聲琅琅

曹湘鄰象贊

名父之子克家斯賢勉旃自愛勿負華年

獨坐圖自贊

何以不行疲于津梁何以不立愛此石林何以不

杞田集卷三

五

鹿聚而麕居義不苟合當世當世亦笑之故不如
枯槁未莫游于無何有之鄉

又

今七十二昔二十七曾幾何時至不可識兒雖屢
移心則常一戰戰栗栗守而勿失

看雲杖藜圖自贊

雕蟲誤我半百已過悠悠忽忽稱意謂何看雲自
怡杖藜行歌天教彊健以補蹉跎

遠游圖自贊

時年六十有四

卦氣已全性猶樂託寧有如蠶吐絲自縛既不能

乘萬里之長風又不能駕九天之野鶴且與一繭

草鞵任他到處行脚

松皮石贊

并引

馬子竹船行散東郊入曹氏學圃庭中白松一株
遒偉奇崛枝柯皆如青銅砥徊久之見霜皮鱗起
縱橫滿地令奚奴持數片歸粘之素壁作怪石形
疊嶂層巒掩映向背儼有黃癡筆法從來耽幽之
士多棲志巖岫或移其好于怪石復浸淫而移其
好于畫石皆愛山之餘習也至以松皮代畫石則
又極愛山之變調矣夫木之不可為石夫人而知

杞田集卷三

六

之也乃竹船以曾中之天機發之遂使氣暈神采
饒有真理摩挲循覽不能不羨其結構之工妙而
歎其寓意之離奇也因援筆為之贊曰

竹頭木屑可以備用未聞松皮作怪石供世有抱
平泉海嶽之癖者但當采于秩簡之山不必求乎

善權之洞

銘

端溪石子天然研銘

下巖紫石黃綠斑斕觀手而潤如玉斯堅璞不盡
斲聊存其天園叟晚獲喜動翁間結鄰匪暱抱眼

成顛用之娛老可以忘年

風字研銘

風行水上渙為文章予嘉乃德曰篤不忘

小陶研銘

火土聚質以成蝕隄糜如鞠通玉理全爾不盈內

行笈任西東

洮研銘

有獲佳石不知珍惜輕投俗子者余亟購

得銘而藏之

彼結絲出洮駱攻厥德栗而溫其遇墨以善凝如

《紀田集卷十三

七

翡翠之屑金余拙于書而能寶或猶愈于莫別妍

陋而信其沈泯者邪

以研與兒在乙即為銘之

耕此石田謨我一生今以付汝勿似乃翁

方竹杖銘

而節徑直而質天蟠易圍為觚造物之巧任道路

之詰曲賴摺拄以勿倒

桃竹杖銘

獨行一生晚倩女扶雖倩女扶獨行自如

印竹九節杖銘

產荒服印嶽谷形質異類昌歎履道坦坦足常踰

山木杖銘

危則持顛則扶登山臨水女為徒

楸杖銘

我取鐵幹人憶寒鄉各適其適何用不滅

榆杖銘

東臬種白榆園叟截為杖行散古城隈藉之以自

壯

藜杖銘

藜以為羹亦用作杖羹果予腹杖則予相杖乎杖

《紀田集卷十三

九

乎不自立而恃汝恐難免於行步之跌踢

几銘

老樹一段風雨侵剝蘚綠蝸黃形色如石

欲為器用則不堪斧斲欲付爨下亦且無

燄矣戲命工人截以為几而作銘曰

曠哉明允興寄假山樂天蟠木有取堅頑念此朽

株雖乏棟梁之用尚可寘彼茗椀度我經函其亦

善處夫材與不材之間者乎

議

文介先生安公私論議

康熙四十年三月癸卯選貢生待贈承德郎戶部湖廣清吏司主事壽光安靜子先生卒於里第遠近薦紳大夫及博士弟子以至塵井農賈聞之靡不傷悼走而弔哭者屬路不絕既歷三旬又相聚而謀非易嘉名無以饜其生平而致其尊崇之意敬擬私諡曰文介益法所謂敏而好學執一不遷者也嘗攻文之義多端介之義亦不一獨取此二者以其近也先生天資卓犖十三能文十八補邑諸生試屢冠其儕偶二十七膺拔萃貢場屋之文

杞田集卷十三

九

彌工十五舉而不獲售自知數奇遂極意於金石竹素之業詩根柢摩詰文規撫廬陵書未嘗須臾離手倦而就臥亦必挾策睡去便墮枕笏醒復縱觀遇操觚始起居研北耳莫年學日富名譽日起世皆屬趣而悅之長歌短吟若順風以呼碑版卷軸不脛而馳四方自山以東無不知有靜子先生者嘗褒所著紀城詩彙紀城文彙玉磴集蟄音各若干卷梓行人間讀者謂其奇聳健拔脫凡化腐敘事寫物間見層出偉然成一家言非謾聞目學所能覬望傳之後世不卜可知也夫是之謂文方

先生之貢太學也就選人格當得州縣官先生苟

然弗屑也退耕於野著書自娛一時監司守令高先生之行多折節下之康熙癸卯櫟園周公以少司農出鎮青州先生受知尤深邀致衙齋動至彌月先生於談藝外無所及私愈益嚴重先生以為賢而先生用是益貧長君雪園子丑聯第拔藻石渠牽絲郎署駸駸顯重矣先生器服不改宅宇如舊唯於舍旁構草堂三楹字曰晚讀夾窗助明書帙離列與中子篋講習其間迭吟遞唱風發泉湧少焉擲筆酌酒自勞又復記擊經史提緯古今人

杞田集卷十三

十

世榮利之事曾不挂其頤頰也夫是之謂介文言學介言行文見乎外介兼乎內體用之謂也昔陳太丘用文範著誅陶徵士以靖節播徽前脩已事亦既彰彰即近如吳公萊為書院山長不登仕籍而學士宋公濂輩為議以諡之貞雖僻固狹陋愚賤無微然詢謀僉同寔出懿好聊存三代之直可補太常之闕矣謹議四月十有五日同郡同學弟張貞述

貞憲先生間公私論議

竊聞國家有飾終之稱惟期克允鄉鄰舉易名之

典尤貴至公蓋號者功之表而論者行之迹也是以大行受大名細行受小名行出乎己名生于人由周而來于今爲烈矣然其權自君上操之其例甚嚴故有爲世名儒爲朝逸老爲吾黨師資而爵不應於令甲秩未協於憲制遂至緦其尊名之禮混其表賢之謚君子傷之于是乎有私謚之舉雖屬變例寔關勸懲其出于朝廷則法勝而道存出於草野則道昭而法隱有時朝廷之是非反賴草野以顯著者良以太常考功之擬議或可以邀求得而閭師三老之月旦不可以傲倖致也前奉

祀田集卷十三

三

直大夫 東宮講官左春坊左諭德兼翰林院脩撰丹厓閣公以丙戌二月二十八日卒於里第門生某某鄉族某某以公道德節義聲實著聞宏錫嘉名以闡懿行聚謀三旬定謚貞憲先生公于子拔萃貞獲同籍相知最淡屬爲之議曰公北海名家營陵著姓質負異敏氣稟中和含章挺生介圭不飾少無子弟之過壯多長者之言試京兆而薦賢書擢禮闈而魁多士更以才望拔置禁林稱一代之醇儒漱六藝之芳潤纂脩國史羣推義例精嚴進講青宮共說剖析朕曷抱以人事君

之諛不辭黃扉陳書矢爲國薦賢之忠唯恐白駒興歎觀稼有作一時擅場鎖院得人千秋法鑿形爲歌詠登諸文苑而無慚凡有撰述列之儒林而允愜青瑩燈火依舊寒窗從衡簡編誰知臚什動息中乎規矩萬鍾何加步趨依乎準繩一介弗苟不與令公半面有爲丞相埽門斯誠立節義之大闢敦直方之古道者也及其解組辭朝角巾歸里經年不晤長吏數月不出戶庭惟以扶輪常化彊暴砥名行厚民風爲務秉志塞淵足輔彝訓守身純固可式浮靡後進單門獎成孔亟田峻野

祀田集卷十三

三

叟講禮惟鈞人驚名高已忘身貴矣抑且忠信根于至性孝友絲夫素履脩譜牒以重本源設義塾以教寒士滌祖宗之積累力崇先猷撫子姓之繁多勤督弦誦長君領解額遂翔步于蓬瀛羣從振家聲咸流徽于翰墨自非後人之昌熾曷徵大德之懋昭貞憲爲謚又奚慝焉於戲衆美難名偏端莫罄舉其一節足例生平攷之謚法純行不爽莫定也中正精粹莫純也恭儉莊敬莫禮也皆可以清白守節之貞槩之矣聰明叡哲莫獻也溫良好德莫康也疏中通理莫達也皆可以博聞多能之

憲槩之矣質之門人曰允質之鄉族亦無不曰允而貞始敢詮次之以信天下後世云康熙四十五年春三月立夏日安丘同年張貞謹議

文介先生張公私諡議

粵稽諡法肇自有周然論行以賜其權操之天子而私諡者又以補王制之所不及也先民有作嫩憲兼稱近世優卹勞臣獨存善善士大夫功名著於朝廷德教沛乎閭閻者生班爵祿死錫嘉名崇獎風厲於是乎在若夫山澤之臞束脩自好韜鍔含章雖有絕人之行君相不及知有司莫以告徒

祀日集卷十三

三

令風人志士寤歎佩慕于草亾木隕聲銷影滅之餘欲表揚以爲激勸其道無繇不得已而爲私諡之舉黔婁之康展禽之惠陶潛之靖節孟郊之貞曜王通之文中蕭穎士之文元或出於妻或出於友或出於門人要皆不可不謂之私乃儼然與國家飾終之典竝垂天壤而人亦無有非之者故曰私諡者所以補王制之所不及也東武文學張向華先生厭世幾五十年里中薦紳學士咸思慕不忘徵諸國人詢於介衆爰倣古人私諡之例以文介易其名而屬貞爲議先生固一世之賢者也生

而奇穎博通六經笏及子史曉風夜雨沈冥其中壬午之冬齊魯大亂先生避地深山一日鐵騎突至有段生者屏息草石間騎方退尚心掉不自禁旋聞吾伊聲起眎之則先生支坐簡帙也其處顛沛如是況平居乎諡法所謂敏而好學者可以無愧矣其伯兄九華物無子宗老議令先生次子侗爲之後先生不可曰有侃在雖遠出可召歸蓋侃爲先生仲兄子年又長於侗遂立之邑人程子許以女字侗女疾失明程自欲離昏先生覺之每將有言輒醉以酒竟不得語而止諡法所謂執一不

祀日集卷十三

四

遷者非歟合是二美先生之平生盡矣諡以文介誰曰不支謹議康熙三十八年冬十二月乙丑朔

安丘張貞述

雜著

談虎

吾邑故無虎志稱明初有虎出馬氏墓林令某多苛政率衆往捕之虎躍出撲殺令一人而去康熙甲寅忽有虎入縣境每夜出游村落間或臥牛宮豚柵人不知其爲虎也折挺逐之卽弭耳去亾何清晝止汶陽周氏園遠近婦子偪而觀之虎攫一

人真尻下少間虎去人竟無恙或曰昔稱古今人不相及豈至于物而反之邪何昔虎暴而今虎仁邪余曰不然昔之虎不輕出出即為人除一酷吏今虎優優而來靡靡而去供人鞭箠無異羊豕所謂猛虎之猶與不如蜂蠆之致螫也然後知古今不相及不獨在人於物尤甚矣

請辭副墨

先室李孺人下世十七載未敢頃刻相忘以其為貞死也已已之冬貞以死喪之戚煩冤結轡疢發於頃前此里中以斯疾殞命者已有數人孺人見

私田集卷十三

五

余病作雖好言相慰而心知其無生理矣晝夜待藥全減眠食創既大潰病勢益亟孺人勺水溢米不入口者又復四日故遇幼孫之殤噉然一哭氣隨聲盡猶憶庚申夏秋間余染疫百日且絕而蘇病良已嘗與燕坐語及曩日余脫不諱子將奈何孺人曰予年幾半百兒女滿前萬一不幸亦不敢引繩咀藥賊人聽聞唯常悶默不食使氣血中槁相從地下耳至是果踐其言然後知今日之死曾

有定見非出偶然也當其葬時余尚在病中狀筆萎茶既不能僛僛而言以動作者之聽作者或不

體察仍以尋常閨閣柔正慈從套語敷衍成篇將使先室一段苦衷湮沒無傳矣在先室以死殉夫身之不卹名於何有若貞復冥然罔覺強顏視息則誠為負心伏惟大人先生略其細碎用古人單提一事之例俯賜鴻文俾貞藉此得以下見逝者卽衰顏晚晚無能圖報子子孫孫應矢銜結於靡窮矣

私田集卷十三終

私田集卷十三

孫男茲輿校字

六

杞田集卷十四

安丘張 貞起元著

新城王士禎貽上定

題辭

樊會公畫卷題辭

金陵形勝甲天下靈人秀士往往生於其間而今之稱遺民宿老者無如樊君會公蓋會公生江南山水之區而性復好學多識前言往行法書名畫嗜若饑渴於故家所藏唐宋真蹟臨摹殆徧棲心既久遂自名家至其為人落落穆穆不知有人世

杞田集卷十四

機械事與余定交餘三十年不變辛未秋杪余再游白門訪會公于家其居為前朝徐中山東園曲徑橫塘竹畦菜圃雖在城市全似邨莊余隔籬呼之會公自出應門步履輕安須麋雪淨相見握手成歡然一笑也及其室葭菊猶馨茶鐺方沸父子各據一几讀書作畫門外踟躕賓王俱忘又不覺憮然曰失矣既而出一卷示余乃其子青若乞寫藏弄者匠意經營煙雲渲染饒有米虎兇筆意就窻展跡不禁瞪目叫絕畫家之有南宮敷文猶畫家之有右軍大令也青若丹青妙有家法今會

公寫此付之似默寓代興之意青若其知所欽承哉

程萬斯印冊題辭

昔人有言不讀萬卷書不行萬里路其人必不能文縱能文亦兒女語耳印章雖小道吾謂與此政同一關揆老友程子穆倩家本黃山長居廣陵晚寓白下皆通都大邑而好學又其天性無所不窺即無所不記所謂讀書行路者既無歉于昔人之言而又得從黃石齋倪鴻寶諸君子遊熏染其流風緒論故發為詩古文詞往往入古人堂與溢為

杞田集卷十四

圖書篆刻直偏先秦兩漢人知其詩文篆刻之妙而不知有其所以妙之者在也余與訂交垂三十年今來建業握手話舊得晤其少子萬斯意氣英發風神韶令鐫刻圖章具本家教及索印本觀之奇而不詭于正放而不離乎法穆老妙技頓還舊觀矣吾願萬斯念品節文章為乃父篆學所由基即由此而溯其淵源一如古人之讀書行路以成其為文章者將先秦兩漢不難至矣寧僅為克家之肖子邪

錢波齋印冊題辭

予性癖印章每過作者之鄉必以物色求之然時
流往往不可人意今來廣陵念穆倩亦步而後象
法中絕矣偶于友人團扇上見一二小印精芒光
怪奕奕射人問之則出錢子波齋之手亟扣門相
訪拊臂促却歡若平生索其藏本得自書越東長
壽院十二觀詩各冠以篆印緝閱未竟駭神奮目
口喏不合者久之鍾記室論十九首謂其驚心動
魄一字千金儼以波齋所作差堪無愧將與袁州
廟學法慎律師諸碑世之所謂三妙四絕者共傳
不朽寧僅與程吳兩君鼎足分峙而已邪甲戌古

札田集卷四

三

重陽日半山張貞書

題跋

書所讀史記後

余自髫年卽喜讀太史公書時手一帙無間寒暑
晝夜然多任意繙閱不問前後也康熙乙卯與翊
辰表兄共研席且長夏無事因取藏本縱觀之按
次第立程限對案雜誦疑義相質歷三月而兩周
焉雖不能上口而弃書冊游息時覺書味猶在曾
中誠有如涪翁所云者始悔鄉日鹵莽讀書殊爲
可惜耳嗟乎人至中年後苟境地差進細數平生

鮮不可悔又寧唯讀書一事邪閏五月十九日閱
竟漫識

鍾伯敬批評漢書跋

吾友馬三如嘗與予論班史古今評者如林幾成
聚訟讀鍾退谷史懷知先生會點定此書其筆冷
峻必能別開生面惜未之見耳予庚申南游偶得
一本于維揚市中三如亟來索覽以散帙不可讀
悵悵而去相約裝潢後必首示之以時無良工遂
藏篋行長夏無事草草裝成而三如下世已三稔
矣回思亾友執卷泫然丙寅六月杞園居士識

札田集卷四

四

跋文泉子

右文泉子一冊舊曾假謝方山比部鈔本讀之遂
錄置巾箱中不復省覽已餘十年已卯四月向壽
光安君靜子借書遣日得韋莊李翱皇甫湜孫樵
劉蛻五家集因取鄉之所寫與劉集相對讎校補
其逸遺正其訛謬始成完本二十四日杞園老人
識

跋鮑翁家藏集

吳文定公全集二十冊購於廣陵市中詳閱之原
詩詞雜文共七十卷今闕卷八至二十六至十

七皆詩也余最愛其文而文獨完足矣康熙乙亥

七月十八日桐陰書屋識

此書辛未秋日已落余手以失七卷為不全本還之癸酉重來仍減直歸余物之得失洵亦有數哉園叟再記

書歸震川全集後

辛酉春首以大病之餘一切妄念消除殆盡息交絕游掩關靜坐披閱震川先生集遂得終卷體氣漸復又將遠赴都門此事便廢定力之難如此時二月十日久旱忽得小雨亦良辰也

杞田集卷十四

五

書錢牧齋有學集後

聞此書鈔本行世已久每以不得一見為恨乙卯秋子應試長安偶過王阮亭先生邸舍始見散帙于其案上爾時雖以試期逼人無暇借覽而心竊喜其有刻本矣丙辰七月子燕游東歸道出稷下乃從書賈購得之繙閱數日不輟丁巳秋冬之際老母抱恙忽忽三月子藥裹縈身食寢都廢聊抽此帙遣懷因加丹黃焉以神識憤耗點次句讀謬誤遂多不復庚之欲他時開卷勿忘此日苦況耳十月廿六日雨窻漫識

題所鈔鍾退谷先生家傳後

往讀譚寒河集言鍾退谷作家傳每一傳成令童子越邨二十里送觀觀已復持去爾時余方敦譜事念退谷具清溪之才其為自家文字必能免俗故亟欲覓覽及訪其為何集所收竟無知者後友人馬君三如言此載彼遺稿中舊有藏本惜人弟原思持去不可復問矣為之悵悵者累日今年冬見原思長公雲聲家奴子挾煙熏敗帙用以夾刺取閱之則退谷先生遺稿也意氣不覺歡動然止首冊所謂家傳者仍不見也問其主人則久客吳

杞田集卷十四

六

興歸期杳然又為之悵悵者累日何雲聲抵里門急往索其全帙快讀數過命小胥鈔之夫一書之見與不見亦何與大事乃欲問之而不知其何名欲見之而不知其何在更復紆其塗徑遲之歲時使不遽得一似鬼神笑余之好事而故為顛倒者若沮其始而不靳其終又似憐余之誠矣因思人苟能辦一誠何事不可自致寧僅區區之一書也哉

書賴古堂尺牘後

庚申九月子大病初起不勝煩悶聊以此書銷日

以其易于見意不滯于久如吾子行所言也廿二

日閱竟漫識

讀漁洋先生池北偶談

長夏無營取池北偶談回環讀之三旬始畢於是
歎先生之存心為不可及也談獻一種固載前賢
嘉言懿行昭示來茲即談故談藝亦皆微顯闡幽
苟有片善可稱必不使之湮沒弗著溪得古人忠
厚立言之旨從來說部之書多幸災樂旤以訐人
陰私揚人中毒為能事良由一念刻薄遂爾形諸
楮墨此等存心尚可問哉今觀此集曠懷坦衷止

杞田集卷四

七

惡閑欲太和之氣溢於行間使讀者心志怡愉益
然若陽春之入座隅也董子有云外無貪而內清
淨心和平而不失中正似為先生言之仁者必壽
積善餘慶又何疑焉先生著述大抵如斯往往見
人作序作跋不過欽其聞見之博洽服其考核之
精當頌其文筆之高古而已青天白日之心事時
人蓋未之知也愚見如此不知先生以為然否

題顧幼鐵文集

余游濟上寓甘露禪林值大比二東士觸目皆席
帽之徒所論無非帖括衰朽陳人久與田父為伍

視世間文字如塵沙積劫幾至無可置喙時顧君
幼鐵從崑山來寓朝陽精舍東西相望不異鵲華
之對峙每相過從輒促邴縱談娓娓不休見者亦
不知為何語也偶于案上觀其近集爽然神王愈
讀而愈不能釋手然後知宿習難忘政如摩訶迦
葉聞乾闥婆奏音而舞矣豈僅帖括家言不足移
我情邪康熙壬午八月丙午牟山張貞題

題觀稼樓詩

予以康熙甲戌讀稼邨楓香集歎為奇作序而歸
之更七年過綠玉堂稼邨出觀稼樓新詩相示又

杞田集卷十四

八

索弁言子反覆誦之意氣跌宕筆墨馳騁天風海
雨之氣逼人較作楓香序時胸中眼底另一意致
然後知天下事進境無窮不觀此冊便謂舊本已
足佳觀三諷新篇又覺前序未為定論鹵莽撰述
復貽後悔矣聊署紙尾請俟數年稼邨讀書益多
用力益厚詩學大備再取其成籍而論次之或尚
不遲也歲在庚辰中元前三日杞田耕者張貞識
於厚書菴

跋紫柏老人集

有明三百年來釋氏之得法能文稱大宗師於彼

教者唯慈山達觀蓮池三數人耳庚午冬日游清源大寧寺獲紫柏集五冊乙亥南游又得三冊于姑蘇市上遂宛然爲干莫之合離列案頭值人事膠葛時一繙閱無異甦脫熱沙中受四禪天甘露洒矣康熙丙子重午日張起元書

跋董樵西山詩

先生昌陽世胄遁迹海濱近復杜門長齋學道乃以結習未忘溢爲歌詩著作之富幾與身等頗自祕惜不以示人乙卯冬日過我茆齋偶祛其篋得遊山十律快讀數過亟付梓人見先生神明所寄

祀田集卷十四

九

無非與山水相關卽涉迹京雒亦祇成西山之遊則其他可知矣小雪前一日安丘張貞書

跋王給事雨發德州見寄詩

古驛荒風草欲枯衛河朝雨淨征途何來白鶴橫空下不覺青林入看無大野水雲連海嶠炎天道路向番禺故人饒有幽居樂想像茶煙出瓦甌康熙丙辰余與邵陽王幼華先生定交都下道義相許情好日淡甲子夏先生典試粵東有途中見懷之作未及却寄而先生下世乙亥秋杪余游吳門中丞漫堂宋公出此示余披讀一過不覺淚灑

行間恍然少陵得高蜀州人日見憶詩情事亟錄便面以識知已但恨無才追酬有負亾友耳牟山張貞十月一日雨中游虎丘歸燈下書

題馬翊辰自賦壽棺詩後

大易有言終則有始天行也因知死生爲斯人之常理然非有高懷曠識則不能脫灑於其間彼分香掩泣破釜失聲者固不足道卽戀戀于平泉樹石午橋雲松者亦詎足稱達今翊辰先生年開六表安健無恙忽製一棺賦詩示客與表聖之引酌生壙巨山之預賦彌窩寧有區絕邪且世之不壽

祀田集卷十四

者皆憂生畏死一念擾擾胷中故能傷人先生筆墨間肆懷抱清遙乃爾養怡之福可以永年耄耄期頤不求自至若真以爲先生之志氣頽墮情見乎辭則失之矣康熙戊辰秋社日表弟張貞敬題

題珂雪堂咏物詞譜

實菴詩文妙天下間倚聲作詞遂夔宋人之席近吳蘭次有名家詞選得珂雪集卽用壓卷流傳江左一時皆推爲絕唱吳介茲最愛其咏物諸調手錄廿一闕屬王苾草繪爲圖譜凡八幀氣韻生趣秀溢楮墨間徐熙野逸黃筌富艷旣兼有之至分

布配合參差掩映可謂人巧極天工錯矣必草園以寫生名家未必便能盡如此合作良由佳句偏出精思因成詞壇雅語實菴出示索題畱几案者三閱月盤礴展翫幾不能舍然余既得附名前後託以不朽已有偏幸矣何必更效據舷狡獪邪康熙癸亥重午日張貞識

周雪客秋雨懷人詩跋

周子雪客遠宦晉陽歷八年以內艱歸向日朋舊多就凋落雪客撫今追昔不勝存沒之痛懷想所極各成一律纏綿情至淒其欲絕使人讀之慨歎

花田集卷四

十一

流涕卷中諸君半為余縞紵交今擔簦南來或哭其殯宮或拜其墳墓所以興懷其致一也乃不能出一語以弔之然則人才分之相越其可以道里計哉康熙癸酉秋分日安丘張貞書于白下之厚書行菴

書應夢舉子記後

關夫子千古義烈國祚徵靈蒼生禔福有幽必燭無遠弗屆矣吾友王子安節有記示朱公喬三生子一事為事之尤奇者貞讀而歎之曰夫子湊于春秋者也春秋之法為褒貶為子奪夫子用之以

為人豈其為神而異之況在朱公又一世之賢者也事其母夫人備志物之養以仲父無子出為其後事其所後叔母一如其母鄉里稱之家之孝子也及成進士作郡江寧爬搔病苦洒濯冰雪耆老子弟愛戴頌揚國之忠臣也為忠為孝是夫子所日望于天下者風義感盪無間神人自見褒子無怪其無子而使之有子有子而預告以時日若親見夫子之警效而誣諉也安節為文淡得史家法叙次情事歷歷凌獵于紙墨之間使覽者色飛骨驚不勝心折故泚筆而識其後康熙丙寅上巳日

花田集卷四

十三

安丘張貞杞園敬題

題陳健夫濟南雜詩

陳子健夫家於燕京所居為西峯草堂雖近闌闌而地處幽僻西山突起直壓屋上及開北窗下臨菜圃彌望盡柔藍淨綠如方罫如僧帔豆棚瓜蔓恍入邨莊坐臥其間不復知十二衢中有軟紅塵十丈矣健夫意猶未足聞有佳山水必褰裳赴之尚在壯年寓內名勝游覽殆徧所在有詩以昔人有濟南山水勝江南之語戊子秋日決計來游歷山樂水金輿鵲湖各以詩記之取境愈老興寄彌

淡讀者謂不減太白之于姑孰少陵之在夔州也
昔人稱詩文之佳者謂得江山之助稱山水之美
者謂得名人之題詠而益彰以觀健夫詩藉山水
乎山水藉詩乎必有能辨之者康熙戊子寒露日
七十二老人張貞書於蓮子湖干之寓舍

跋吳木欣戒謔迂談

士人集聚頗有義禮可談何至排調成風齒牙得
利犯人忌諱許人陰私一言而干天地之和一語
而造終身之隙種惡既淡流既靡已木欣目擊心
傷如負至痛爰著斯文以挽頹俗人安各書一通

石臼集卷四

三

縣諸齋壁苟能必信必誠自可寡尤寡悔寧僅如
觀潘岳銅人之訓覽卞蘭座右之銘而已哉康熙
壬午正月上日杞田耕者張貞書

題孫謙夫家問錄存

昔人有言人莫不愛其子孫愛而不知教之猶弗
愛也人莫不敬其父祖敬而不知奉其教猶弗敬
也余讀斯言于孫君謙夫有淡感焉尊甫我山先
生于家為醇儒于朝為名臣入仕以來心存致主
無暇內顧家門一切盡付謙夫謙夫既肩重任不
得常侍京邸家問月必數至皆詔以立身接物之

方握算持籌未嘗犯干其筆墨也謙夫既兢兢守
之一步一趨恪遵庭誥閉戶讀書自致通顯與之
交者如飲醇醪不知其為秦川貴公子也謙夫暇
日屏當篋行得手札五十餘通錄之方策朝夕捧
誦如承提命使世之為人祖父者盡如我山為人
子孫者盡如謙夫一門之內愛敬之心油然而生
世豈有不興者乎歎羨之餘為題數語于後安丘
七十一老人張貞書于濟南旅舍

寶墨樓遺翰跋

先君子昆弟三人伯紹海公季觀海公先君子為

杞田集卷四

四

仲少相友愛以文章行誼相鏃礪故一時有三張
之號至臨池之工則尤不愧雁行云交游中得其
楮墨重若璵璠卽片簡寸牘亦皆藏弄為榮而家
之所蓄迺反寥寥料檢篋衍僅得三數紙一二傳
後又恐并此三數紙者不復能存暇日倩長洲吳
生及兒子在辛雙鉤上石藏之家塾每一展閱恍
若聚諸父於一堂而見其染翰有不覺肅然恭躍
然喜欬然以泣者昔司馬文正公有言揚子曰書
心畫也今之人親沒則畫像而事之畫像外貌也
豈若心畫手澤之為淡切哉然則茲刻也先人靈

爽寔所憑依子孫世守勿僅作寶玉大弓觀可矣

跋王內史三月帖

康熙壬午秋余游會城解后顧君幼鐵定交歷山之麓與數晨夕談藝文書畫常至夜分一日出王右軍三月帖見示高古勁逸純雅可愛縱紙敝迹渝而猶搵入膚理其為真蹟無疑昔聞王敬美得大令送梨帖為希世之珍每一慨念不勝色飛摩挲此卷足慰平生可不向虛空着想矣安丘張貞杞園書

書淳化殘帖後

杞田集卷十四

五

顧汝辭所撫淳化閣帖在法書中聲最琅琅余平生僅一見于長安市幾得而復失為之惋悵累日十年後始購一本於青州然小磨泐不無遺憾甲戌立春日有以殘帖來售者則顧刻第九第十兩卷于閣帖為斷珪于大令為完璧矣且諦其紙墨的是初搨鉤磔波撇不失纖豪勝舊藏遠甚因命兒子在乙亟收之世人學書每苦無所師承今典刑既獲苟能殫精臨摹何患書法不進邪杞園老人識

跋楊水心所藏曹景完碑

今傳漢人分隸多磨泐不可讀所謂古木崩沙間花映竹者僅令人想像于蝸黃蘚綠間此碑明神廟時始見渭河沙磧中出世既晚而此又其最初搨笠公藏帖雖富吾知必以此為冠趙文敏云有日減無日增可不寶諸康熙甲寅孟冬二日牟山張貞識

書隋刻勝福寺舍利塔下銘後

杞田集卷十四

六

漢魏以來碑版得存于吾青者惟高齊武平中所刻大佛寺碑及隋勝福寺塔下銘耳大佛寺在北門外人所易見塔下銘棄置荒山且為金石集古諸錄所不載故鮮知者已已重九余游城南廣福寺始見之為孟弼書字極怪偉隸與篆皆不得而名信所謂八分也文雖用浮屠家言然頗古雅遂搨一本藏之塔為文帝敕建銘內于祝釐武元皇帝元明皇后之後即及皇太子等欲其孔離苦空同升妙果因攷此銘刻于仁壽元年而易儲在開皇二十年所稱皇太子者即煬帝廣也文帝佞佛之愚不足道第其父之所以愛之者如此曾不三年而文帝已血濺御屏矣父子之間令人深慨康熙壬申正月十日厚書菴識

李雲山草書卷後

右雜錄古今詩文一卷益都李雲山先生筆也先生諱曼少舉於鄉仕至州守有名成化弘治間卷中草法輕俊流便宛然有唐人風度于時吾青士大夫皆崇尚實學如楊太守應奎陳尚書經馮孝廉惟健其臨池之業未嘗標榜為名高然作字皆有根柢結構古雅氣味穠至近日晚生少年篡取形似朝學把筆暮便名家即精細苑翰可折牛腰終不堪作諸公屏脚故余見諸公遺墨必購取藏弄每與友人論書法便出以相示欲結耳鑒一輩

杞田集卷十四

七

人舌也卷首高唐王岱翁篆書入藥鏡一篇洎整茂密亦希有也故並存之康熙己巳三月三日果堂張貞識

書延陵寶墨後

右書一卷於陵吳旋公先生手蹟也先生賦性剛毅博學能文章為諸生祭酒者四十餘年數奇不偶屢躡場屋天啓辛酉應山左試主司激賞其文俛得之而更易置時有為先生謀入閣幙以冀科名者先生叱去之晚經變亂竟不屈以終令子舜玉所謂昔者吾友也謝內丘事歸已病不能言矣

手書屬其子木欣曰桑海以來兵燹墮突吾家藏籍皆蕩為煨燼惟遺墨數紙先人靈爽寔所憑依

不與劫灰俱泯予兢兢奉持罔敢失墜今以昇汝汝其寶之且願我子孫世寶之也擲筆隕涕木欣再拜受命手自裝池襲以異錦貯之篋筒出入必以自隨遇賢士大夫輒乞題跋以紀其事蓋迺父所未嘗命者于未嘗命者如此則其所命者可知矣吾意木欣必能世守此冊不啻大訓陳周寶玉在魯為閔閔之家增一箕裘盛事吾友不瞑目九京乎

杞田集卷十四

六

跋王西樵先生所書佛經

右佛經數帙新城王西樵先生書于請室中者余於先生既沒之四十日始獲哭其殯宮阮亭先生出以相示見其結法精好意思安閒種種皆壽者相而乃竟不得五十年活為之浩歎康熙癸丑九月一日安丘張貞書

跋安靜子所藏櫟下先生手簡

康熙癸卯甲辰間司農周公建牙青社凡士之懷一才抱一藝者皆被物色余與靜子受知獨淡公之書問月必再至靜子暇日裝緝成帙出以示余

追憶真意亭雅集儼然未散而司農公下世已二十四稔當時賓從亦晨星落落不及觀射矍圃存者之多矣摩挲蠹簡可勝慨歎乙亥夏至後三日安丘張貞謹書

題鐵岩遺墨

嚮從人家屏幃上見鐵岩先生渲染小景冲澹簡遠意在筆外今年客青寓園蕭寂吾友章夏忽攜山水一卷見跡分布構結紆徐掩映全得南宋遺法余嘗挾短筇入秦亭山於夕陽欲下時遠眺近矚峯巒秀潤竹樹蒼莽恍然此卷之在目阮亭先

元

元

生跋尾謂賢者固不可測誠知言哉章夏熏習家教翰墨風流前後輝映每得名公一縑片素重若璵璠况此為先人手澤所存無異鄭公之遺笏衛公之故物當與天球大貝同其護持微但如賈相所云元與廟堂為青箱至寶而已邪康熙乙亥夏五牟山張貞識

題周元龍臨晉唐人帖

六書之學其不講于天下也久矣余游白下見能作古隸者惟鄭君谷口淺得漢人家法而以行楷擅名者則有元龍周子焉辛未冬余扣門相訪于

其案上見所臨法書數冊鉤摹鍾王皆得要領至虞褚顏柳亦曲曲徇肖縱意流覽如入羣玉之府驚歎不能自已元龍讀書好古澹然無營惟日夕坐臥一小樓焚香掃地取前人墨蹟搜剔鉤勒餘二十年不懈與元師之登樓學書四十年松雪之學書十年不下樓者何異無怪其筆底蒼秀欲與古人爭席也昔右軍年五十而書始成今元龍去五十尚遠而所造已如斯吾安能量其所至哉敬書此以為後日驗

跋王司直篆書幽風七月詩

元

元

余性喜篆岐鼓嶧碑而外於漢好張平子碑於唐好碧落碑以其淳厚朴茂古意猶存非後人所能仿佛也司直天資最高翰墨種種皆有別趣偶用篆體書七月詩八章便多子玉惟正遺法倘用志不分自可追媿籀斯崔陳諸公聊借為驛騎焉可矣康熙乙亥大雪日牟山張貞題於秦淮水榭

先伯父手鈔蘇文跋

右先伯父孝廉公楷書蘇端明碑文尺牘一卷計三百十三篇伯父平生酷嗜蘇文手鈔至數十冊此其一也每數篇後覺筆法輒進一格想見前人

為學皆求日新後生作字可草率從事邪康熙壬申孟陬四日從子貞謹書

先府君遺墨書後

諸葛忠武一生志行在澹泊寧靜四字故既用以自脩卽用以垂訓先君子好手錄之人間合有數本此書於癸未六月為最晚年筆一日得之故篋捧玩手澤如覩慈顏因勒石龕壁以當庭誥云康熙丁丑七月壬午孤貞枚淚謹識

先叔父侍御公手書且園歌跋尾

且園歌吾邑張幼美先生自訊其園居者也先生

杞田集卷十四

三

仕止憲副而磊落曠達著聲萬曆中讀此亦可想其為人矣先叔父侍御公少好書之余目中已見數本先生曾孫光岳偶得此冊於馬氏輒手自櫛刻出以示余筆意適逸勁爽神采飛動覺其詩益廩廩有生氣譬諸空侯不有妙指誰發妙音傳之世人猶稱一寶在吾兩姓當什襲以藏時寓堯塋之思可與尋常詞翰埒乎康熙四十年夏至後五日貞謹識時年六十有五

跋書課卷

右余書課一卷首段為戊午春目寫自是歲書

二則或三數則至乙丑七月始獲盈紙八年之迹歷歷在目而前後筆法不甚相遠真六一先生所謂學書如沂急流用盡氣力不離故處者可以一歎康熙己卯四月四日檢付兒子在辛收藏因識卷末時年六十有三

跋所書蘇長公八大阿羅漢頌

先君臨坡老維摩贊最為合作聞在邑子某所余百計求觀弗許憤懣之餘因書羅漢頌一冊付兒子在乙收藏蓋以字畫雖有妍媸而自子孫視之則不當分優劣苟能謹守他年欲覽取之篋笥已足或不至如乃翁今日為人抑勒也康熙壬午十月十日杞園老叟識時年六十有六

杞田集卷十四

三

題 顯王所書佛日高懸扁後

心園上人為寒輝大師法尊詢求正教遠涉長安顯王殿下嘉其梵行錫以雲章蛟龍爰纏昭耀今古敬用懸之精舍真可永鎮山門矣康熙丁亥夏伏日張貞謹識

跋朱子書所藏歐陽文忠公像蘇文忠公書

贊

右歐陽少師像衣冠古雅神爽奕奕韓魏公謂其

衿懷洞然無有城府者描寫殆盡真如周昉貌趙併其性情得之矣蘇端明自書所作贊剝軼之餘僅存二十七字已不可讀而結體蒼勁姿態橫生每一展閱覺文章妙天下忠義貫日月之氣宛然在目可稱三絕子青讀書好古能鑒而藏之兩文忠為得所歸矣康熙乙酉寒露日安丘張貞識於濟南芙蓉泉之邸舍

題姜勉中扶輓圖

前禮科給事中姜貞毅先生為余叔父侍御公同年友以時相竊柄抗疏拜杖謫戍宣州衛未至而

杞田集卷十四

三

國難作先生猶恪守成命不敢歸故鄉竟死江南二子安節實節既遵遺戒葬之戍所安節復自萊陽遷母匱合耐敬亭跋涉險阻歷數千里面黧足繭備極艱辛始克竣事一時皆稱其孝吳人作扶輓圖贈之更為詩文以紀其事今觀圖中素旗前指柩車首塗安節步從牽牛攀輶麻衣雙淚哀容宛然攬者涕下畫棺於冊古無此事考之近今林古度傷亾友袁孟逸之暴棺荒室也圖其破屋敗棺于扇為之募葬遂得歸窆古度之葬友義也安節之葬母孝也惟孝與義感人最深見者自能興

起當不止如觀北風雲漢兩圖僅能移人寒熱而已也康熙乙亥十月庚寅朔牟山張貞書於吳郡西城橋之寓樓

題王荃蒲洗研小照

古人作畫必有意義至于寫真或緣嗜好或因寄託然後成圖未有漫然為之者荃蒲雖在世胃復食詩書游戲翰墨倩人寫照而以洗研名之觀卷中精神英發意態安閒種種飄逸出筆畧外大似米海嶽衣犢鼻自條研于淮口時氣象恨無雅人如黃師是者亟以龍團二餅遺之耳

杞田集卷十四

四

跋張又安臨輞川圖卷

古來圖邨居者以盧顯然草堂王摩詰輞川為最勝草堂圖吾不得而見之矣唯郭恕先所模輞川石刻猶存但恨雖具形似而昔人之稱意出塵外怪生筆端者絕不可得適張子又安與余同寓白下承恩僧舍出手撫輞川畫卷乞跋觀其匠心經營細入毫髮而烘染皴皴不失分寸我不知去原本幾何以較石刻真所謂優孟抵掌尚近王孫隆準者右丞有靈亦當披雲一笑也康熙乙亥小雪日渠丘張起元云

題王海重萬樹莊圖

宋人有言人生不可無常產有則仕宦出處自如
可以行志士則仰事俯育飽了伏臘不失氣節此
言甚有味新城王子海重琅邪世胄工詩善書跌
蕩翰墨別業一區近在城南考室種樹相羊其中
因其景物各賦一詩遠近勝流競相屬和聯為巨
軸海重季父石丈盡擊其奇而發之于丹青墨氣
鬱淳位置妍雅使閱者心神開滌恍若躡屐半園
游目意中亭徙倚藕花居行散桃花堰沂沿秋水
池酌鳳尾之泉即桐雨齋而憩焉謝幼輿自謂一
丘一壑而顧長康遂畫幼輿於丘壑間斯圖兩得
之矣因此筆題其尾曰此海重之常產也其足以
了伏臘而培氣節者不在是歟

杞田集卷十四

五

題崔子荆松下鍾馗

陽信崔璞子荆所作鍾馗立松林中容色端嚴神
宇傲斥隱然有應舉未第磊塊滿胸氣象不必嚼
齒握拳以車載鬼已知其能殪野仲而殲游光矣
此老素長山水及戲筆為人物亦復超妙如此人
固不易測哉康熙癸未臘日杞園老叟書

題王清遠所藏唐韓幹畫馬

韓幹去今千餘載其畫存者最少清遠得而有之
幸矣又來自其外祖梁鄒張忠定公家宅相箕裘
書畫源委傳之有緒尤可寶也

題朱子青所藏瓜果畫扇

余庚辰燕游道出歷下坐朱君子青紅蕤室見便
面所畫瓜果不知為誰氏筆然寫生之妙不減田
水月時維初夏草木尚未結實展閱數過食指欲
動計六月末旬可返杞城邨莊固饒此物淪以寒
泉香沁齒牙足慰老饕矣四月十三日杞田耕者
張貞識

杞田集卷十四

六

題王弦蒲墨菊卷

寫生花卉古有徐熙黃筌兩家徐以野逸黃以富
艷品地遂分前代以來得徐氏三昧惟沈石田陳
白陽諸君耳然皆在壯歲以後故能老筆紛披饒
有生氣弦蒲以終賈之年偶作墨菊超出模楷獨
存神韻可稱散僧入聖詰兄周陽賞以一詩瀟灑
間曠不染纖塵獨是兩君以秦川貴公子絕去裴
馬戢身翰墨兄弟競爽合為摩詰一身衰朽殘年
得親見之何多幸耶

題徐生冊子

法書妙墨賴石搨以傳精其技者雙鉤廓填下真迹一等然非俗工所可措手故鍾成侯戴居十所書皆手自登石近而趙松雪之于茅紹之文衡山之于章簡甫二公有書非二君刻之不快也吾邑徐生梅鄰好讀書工鈔鏤余久耳其名庚寅春謁余于家偶出拙書屬其摹勒波拂鈎磔不差毫末余書雖遠遜趙文徐生之視茅章則固未嘗有愧色也生年未四十其技已精如此使再假數年鍾與戴不難至又何茅章之足云

跋賴古堂印譜

紀田集卷四

毛

櫟下先生于印章一道獨有偏者不特于一時作者如穆倩師黃濟叔穆生諸子求之曾不遺力凡文士中有志斯道者必令奏刀得其一章半篆輒喜形于色積久幾至萬顆精遴之尚存數千奇麗怪偉工鈔絕世所謂蘭亭無下品也先生官青州賓友歛集必出行笈所攜傳觀為樂余每過從先生以其有同好命之審定甲乙然後登譜先生下世漸就散棄流布人間唯印本數冊而已清遠好古成癖得一本珍同琛貝一日舉以示余且屬題後諦觀卷中所載皆經當日摩挲鑑賞象犀金玉

尚歷歷可指慨念諸章不勝色飛是後恐此印本亦不易得矣清遠其善韞之

題程穆倩印箋

穆倩先生文章篆刻雄視百代擅名寓內五十餘年矣以晚多疾病致傳聞異辭猶坡老之在惠州也余來白下得奉顏色見其精神煥發腕力增健語舊之餘面鐫數印相贈因打蠻箋用告同志不特見先生游戲人間有如碩果且可徵先生雕龍之技尚巍然靈光耳康熙辛未寒孟安丘張貞杞園識於厚書行菴

紀田集卷四

天

題衛馨遠集印冊

余生平所見集印者不下數十家皆雅俗雜陳令人多恨以識真者少也衛君馨遠篆法既稱大家鑑別尤為卓絕所集印萃一冊如波斯賈舶所載皆海外環寶貴堪敵國下者亦是木難火齊余昔服其藝今服其識矣

自題紀年印箋

僕質本支離性多偏者印章小道興寄尤淡拈古句以紀春秋共鏤金石采名言以自怡悅奚擇詩文知命肇端于今未艾偶檢所積不覺盈函收輯

一箋流傳好事百年鼎鼎喜蒲柳之猶存徂歲堂
堂歎崦嵫之易迫既以自幸且用自傲云爾杞園
老人張貞書於相印軒

題蒼雲書陽

古屋三楹傾欹漫漶而庭中四檜淡益屈蟠蠹皮
張展樹間有竹千挺凌風障日寒青滿院皆希有
也東坡以老檜爲蒼雲放翁以脩竹爲蒼雲取以
作額用志吾圃之勝云康熙己卯夏伏日杞園老
叟識

題家藏舊琴

家藏舊琴已餘百年塵封高閣徽軫零落兒子在
戊命工脩之遂復完好持以請名顧通翁有言衆
樂琴之臣妾也此琴弦上之音冲和疏越卽在絲
聲中亦不失爲南面王字曰桐君似可無愧康熙
壬午閏夏杞園老人書

杞田集卷十四終

孫男平

